


Ɛlinjil ɛn Ƴaysa Ɛlmɔsix Itawann-as deƳ Arkawal
wa Aynayan



Tamajaq, Tawallammat: Ɛlinjil ɛn Ƴaysa Ɛlmɔsix Itawann-as
deƳ Arkawal wa Aynayan New Testament

Contents

Matta	1
Markus	43
Luqa	69
Yaxya	112
Igitan ən Nəmmuzal	142
Kəl-Ərrum	182
1 Kəl-Korent	201
2 Kəl-Korent	220
Kəl-Galatəya	232
Kəl-Efez	239
Kəl-Filib	246
Kəl-Kolosəya	251
1 Kəl-Tesalonik	256
2 Kəl-Tesalonik	260
1 Timotay	262
2 Timotay	268
Titəs	272
Filemona	275
Kəl-ÿibri	276
Yaqub	289
1 Butros	294
2 Butros	300
1 Yaxya	303
2 Yaxya	308
3 Yaxya	309
Yuday	310
Əlkəttab wa n Ənəfilal	312

Ælinjil wa n Matta

Təhəwt ən Ƴaysa d ətəwəsəmutəg-net y əššəxəl wa z'agu

Aljadan ən Ƴaysa əd təhəwt-net

Aljadan ən Ƴaysa Ælməsix

¹ Æntanay da esmawan n aljadan ən Ƴaysa Ælməsix, ahaya n ənnəbi Dawəd, d ənnəbi Ibrahim:

² Ibrahim eraw Isəhaq.

Isəhaq eraw Ƴaqub.

Ƴaqub eraw Yahuda əd mədrayan-net.

³ Yahuda eraw Fərəs əd Zarax,

anna-nasan esəm-net Tamar.

Fərəs eraw Xasrun.

Xasrun eraw Ram.

⁴ Ram eraw Ƴaminadab.

Ƴaminadab eraw Našon.

Našon eraw Salmuna.

⁵ Salmuna eraw Boxaz was anna-net Rahab.

Boxaz eraw Ƴubayd was anna-net Rut.

Ƴubayd eraw Yasay.

⁶ Yasay eraw Dawəd wa n əmənokal.

Dawəd eraw Suliman was anna-net tantut n Urəyya.

⁷ Suliman eraw Roxoboham.

Roxoboham eraw Abəya.

Abəya eraw Aza.

⁸ Aza eraw Yahušafat.

Yahušafat eraw Yuram.

Yuram eraw Ƴuzəyas.

⁹ Ƴuzəyas eraw Yutam.

Yutam eraw Axaz.

Axaz eraw Xizqəyyas.

¹⁰ Xizqəyyas eraw Manašša.

Manašša eraw Amun.

Amun eraw Yušəya.

¹¹ Yušəya eraw Yakunəya əd mədrayan-net.

Azzaman win den əntanay

a daɣ tawaɣan Kəl-Israyil

əmmewayan s akal ən Babəylon

əqqalan daɣ-as ikefəlan.

¹² Dəffər adi, eraw Yakunəya Šalatəyel.

Šalatəyel eraw Zərubabil.

¹³ Zərubabil eraw Abihud.

Abihud eraw Alyaqim.

Alyaqim eraw Yazur.

¹⁴ Yazur eraw Saduq.

Saduq eraw Xakim.

Xakim eraw Eləyud.

¹⁵ Eləyud eraw Elyazar.

Elyazar eraw Mattan.

Mattan eraw Ƴaqub.

¹⁶ Ƴaqub ənta a erawan Yusəf

wa izlafan Maryama ta terawat Ƴaysa

was itawannu Ælməsix.

¹⁷ Daɣ adi maraw meddan d əkkoz a əllanen gər Dawəd d əmaraw-net Ibrahim. Əllāntu maraw d əkkoz gər Dawəd d azzaman win ətəwəkfal ən Kəl-Israyil əs Babəylon, əllāntu deɣ maraw d əkkoz gər ətəwəkfal ən Kəl-Israyil əs Babəylon əd təhəwt ən Ƴaysa.

Təhəwt ən Ƴaysa wa n Ælməsix

¹⁸ Ænta da æmmæk was d-iggaz Үaysa Ælmæsix æddænet: Maryama ta n anna æn Үaysa, imirakan dær-æs Yusæf azalaf. Mišan harwa da wær tæzlay æs Yusæf, as tæga tadist, æs tarna n Infas wa Zæddigan.

¹⁹ Yusæf, imosan alæs oҗadan, wær ira æsækkærükæd æn Maryama daҗ aytedan. Awen daҗ a fæl isammarkas daҗ man-net as a dær-æs iҗræd da wær t-illa i ehan salan-nasan.

²⁰ Isamadran daҗ awen da as t-in-ibaz etæs inafalal-as-du angalos n Æmæli daҗ targæt, inn-as: «Yusæf, ahaya æn Dawæd, a kay-wær-tæggæz tasa n azalaf æn Maryama, fælas barar wa ihan tadist-net, Infas wa Zæddigan a d-ifal.

²¹ Ad tægræw barar amaran kay ag-as esæm Үaysa fælas ænta a z'assafsin tamattay-net daҗ bakkadan.»

²² Arat wa kul iga fæl ad andu awal wa d-imal Mæššina æs tarrayt n ænnæbi Isayas as inna:

²³ «*Ad tagu tæmawat tadist da wær tæzday meddan, tægræw barar. Barar wædi a das-itwæggu esæm Emanæwel, almaҗna: Mæššina illâ җur-na.*»

²⁴ As d-inkar Yusæf daҗ etæs, immozal s arat was t-omar angalos n Æmæli, izlaf Maryama.

²⁵ Mišan wær kala a dær-æs inamansa har ihæw barar. As ihæw, ig-as Yusæf esæm Үaysa.

2

Tagadæzt æn musanan win dænnæg Ælmæsix

¹ Azzaman n Æmænokal Herod a daҗ ihæw Үaysa, daҗ æҗræm æn Betalxam, daҗ amaҗal æn Yahudæyya. Ægлан-du musanan æn manayan a d-æfalnen dænnæg har d-osan Yerusalam.

² Ænnan: «Ma iga æmænokal æn Kæl-Ëlyæhud wa ihæwan da sæket? Atri-net a nænay daҗ dænnæg, amaran nækk-ay-du y a das-næssæjæd.»

³ Arat wa as t-ista æmænokal Herod, iga aššawaša zæwwæran, ænta harkid Kæl-Yerusalam kul.

⁴ Iššedaw-du imuzaran æn limaman, æd musanan n Ættawret, issæstæn-tan d adag wa daҗ z'ihæw Ælmæsix.

⁵ Ænnan-as: «Aҗræm æn Betalxam a daҗ z'ihæw daҗ amaҗal æn Yahudæyya, fælas ænnæbi Mika iktâb âs:

⁶ «*Kam amaran Betalxam, ta n amaҗal æn Yahudæyya, tæheҗ iҗærman win aҗaf daҗ akal æn Yahudæyya, fælas kam a du-z-igmæd æmuzar wa z'agin i tamattay-nin Israyil tizart ta itaggu amadan y aharay-net.*»

⁷ Tæzzar isassaҗra-du æmænokal Herod imusanan win manayan en, imos awen arat igân daҗ æssir, issæstan-tan æd tamert tas igmad aššak as ænta daҗ d-inafalal ætri wa æmalan den.

⁸ Dæffær awen issok-en Betalxam inn-asan: «Agliwat, taknim asawad i dad illa barar wa ihæwan da, as tu-tægrawam, tæmmæram-i-du tæmælam-i dad illa, fæl ad t-akka æssæjædaҗ-as nak da.»

⁹ As dasan-iҗrad æmænokal awal, ægлан. Tæzzar oggan atri wa dasan-inafalalan daҗ jænnawan dat awen daҗ dænnæg. Wær immæzzay ætri en ad illa dat-san, azzar-asan, as imal dænnæg adag wa iha barar, izzækkat.

¹⁰ As ænayan atri as izzækkat, æknan tæfalawist,

¹¹ æggazan-in ehan, ænayan barar d anna-net Maryama, ægaraffen æssæjadan i barar. Dæffær adi, oran ilalan-nasan, ækkasan-as-du daҗ-san šibæddar æganen daҗ uræҗ, d æššin sæqqidan æzodnen, æmosnen æzzænæf æn tæҗælbast.

¹² Dæffær awen isannafalal-asan-du Mæššina daҗ targæt as ad wær æqqælan Herod. Awen da a fæl obazan tarrayt iyyat æqqalan akal-nasan.

Ëdærræg æs Masar æd tawaҗlay æn Nazaret

¹³ Dæffær as ægлан, inafalal-du angalos n Æmæli i Yusæf daҗ targæt, inn-as: «Ënkær, tidawaҗ æd barar d anna-net, takka tarmad akal æn Masar taqqama daҗ-as har dak-æmælaҗ assaҗa wa du-za-tæqqæla, fælas barar di ad igmæy Herod æd tanaҗay-net.»

¹⁴ Inkar Yusæf, iddew æd barar d anna-net, eway ehad, obaz tarrayt ikka Masar.

¹⁵ Ëqqiman daҗ Masar den da har aba Herod. Arat wa iga fæl ad andu awal wa d-iga Æmæli æs tarrayt n ænnæbi Osay a daҗ inna: «*Ëҗre-du barar-in æssærdæyaҗ-q-idu Masar.*»

¹⁶ As issan Herod as imusanan win manayan æmmizrayan batu-net æҗlayan-tu, iҗašašat, omar s ad tæwænҗin bararan æn yayyan kul win æhæwnen daҗ æҗræm æn Betalxam, æd җælyæҗlayan-net, a d-obazan җur æššin elan har azzaman win den, imos as tamert ten da as das-ænnan musanan win ænta daҗ d-inafalal ætri.

¹⁷ Den daҗ ad inda awal wa d-iga Æmæli æs tarrayt n ænnæbi Irmæya a daҗ innâ:

¹⁸ «Təga-du təkurayt dəy əxrəm ən Rama, imos awen tala n aytedan fəl təga təfəyyawt. Awen Raxil ta n tamarawt ən Kəl-Israyil təhallit fəl bararan-net. Wər təra i das-igan əlmaɣiza, fəlas bararan əjwaran aba-tan.»

¹⁹ Dəffər təmattant ən Herod, inafalal angalos n Əməli i Yusəf dəy targət, dəy akal ən Masar.

²⁰ Inn-as angalos: «Ənkər, tidawəx əd barar di d anna-net, təqqələx akal n Israyil, fəlas aytedan win əranen tenaxay-net, aba-tan.»

²¹ Inkar Yusəf, iddew əd barar d anna-net, iqqal akal n Israyil.

²² Mişan igraw isalan as Arkalawəs, a imosan əmənokəl n akal ən Yahudəyya, dəy adag n abba-net Herod. Təzzar təggaz tasa Yusəf, ab-as ihəl iki ən Yahudəyya, ikka akal ən Galilaya id Məşşina a das-d-isannafalalan awen dəy targət.

²³ Iqla ixsar dəy əxrəm as itawannu Nazaret. Əmmək en dəy as əgan aratan win, fəl ad andu awal wa d-iga Əməli əs tarrayt n ənnəbitan as ənnan: «Itawagg-as esəm aw Nazaret.»

3

Əsəmmutəg n əşşəxəl wa z'agu Əlməsix

Yaxya wa isalmaɣan dəy aman

¹ Elan dəffər awen, issənta Yaxya wa isalmaɣan dəy aman igi ən təlxutbat dəy taneray ən Yahudəyya.

² Igannu: «Utabat! Illikan as, Taɣmar ta n jənnawan təhōz!»

³ Yaxya en dəy a fəl imməgrad ənnəbi Isayəs assaxa wad inna: «Aləs iyyan idkəl əməsli-net dəy əsuf igannu: "Səmmutəgat abaraqqa y Əməli! Təsəssiɣədam tarrayen dat-əs!"»

⁴ Yaxya ilsa tabdoq təgət dəy anzadan n əmnəs, otāb s əsatəb n agaşək. Iddār s əjwalan əd turawat.

⁵ A t-in-tasin aytedan, əgmâdan-du Yerusalām, d akal ketnet wa n Yahudəyya, d amadəl kul wa n xələyɣələyan n agarəw wa n Yordan,

⁶ tutaban dəy bakkadan-nasan dat tamattay, isalmaɣ-qan Yaxya dəy aman dəy agarəw wen.

⁷ Osan-du Farisaytan aggotnen, əd Sadusaytan, y a tan-issəlməx Yaxya dəy aman. As inay Yaxya arat wen inn-asan: «Xa təşşolen şin! Ma kawan-issosanan əderrəg y attadib wa d-izayan ən Məşşina?

⁸ Dəy adi taggiwat imazalan olaɣnen təsəttəddim sər-san tətubt-nawan!

⁹ Wər igda ad təgannim dəy man-nawan: "Nakkanay əzzurrəyya n ənnəbi İbrahim a nəmos," fəlas silakanax-awan as Məşşina ifrāg ad isəmməttəy şihun şin təhannayam da, ixlək-du dəy-asnat əzzurrəyya y İbrahim!

¹⁰ Agat ənnəyat! Tazəft harwa əmərədda da təmmotag y a du-təsəddəngər y eşkan. Dəy adi aşək kul wa wər nətirəw aratan olaɣnen, ad itəwəxtəs, itəwəgər-in dəy təmsay!

¹¹ Nak, aman a daq qawan-salmaɣa, fəl ad sənəfilələx s awen tətubt-nawan. Mişan wa du-z-asin dəffər-i, awa di-iga dəy şigrat, wər eweda wala arra ən suɣan ən xatəman-net. Ənta Infas Wa Zəddigan əd təmsay a daq qawan-z-issəlməx.

¹² İha əlmital n awedan ittāfan təsayt y ad izzəzər alkama-net. İşadaw alkama dəy tadangawt-net, şixəl amaran ag-enat dəy təmsay təbilaglagat faw.»

Alamaɣ ən Ƴaysa

¹³ Adan en da dəy d-osa Ƴaysa, igmâd-du akal ən Galilaya, ikka-du agarəw wa n Yordan, y ad t-issəlməx Yaxya dəy aman.

¹⁴ Mişan igmay Yaxya d a dəx-as ikkəs awen. Inn-as Yaxya: «Nak a iddəraran s a di-təssəlməɣa dəy aman, amaran kay iman-nak a di-d-ikkən?»

¹⁵ İjjəwəwəb-as Ƴaysa inn-as: «Əmərədda ardu s arat wədi da, fəlas ilzam-anax ad nassandu arat kul wa ira Məşşina.» Təzzar irda Yaxya s əsəlməx ən Ƴaysa.

¹⁶ İtawasalmaɣ Ƴaysa ɣas, igmad-du aman, ənnolaman jənnawan dəy amazay wen da, ogga Infas ən Məşşina as d-igmad ijənnawan, İha şaşşəlan ən tədabert, İwar-tu.

¹⁷ İgmad-du əməsli ijənnawan inna: «Ənta əddi Barar-in əkne tara, amaran ənta a d-issəndan agna-nin.»

4

İtəwəjərrab ən Ƴaysa

¹ Təzzar issoka Infas wa Zəddigan Ƴaysa taneray y a dəx-as t-ajjərrab İblis.

² As iga ʔaysa əkkozat təmərwen n əzəl d əkkozat təmərwen n ahad izûm, iggaz-tu gələk.

³ Ihoz-t-idu Iblis a n ənəjjerrəb inn-as: «Kud kay Barar ən Məššina, taməra šihun a s ad əqqəlmat amensay.»

⁴ Mišan inn-as ʔaysa: «Wərgex ənnan Əlkəttaban: "Aggadəm wərgex imensewan ʔas as itadda; kalar isuddur-tu ad ilkām y awal ketnet wa d-ifalan Məššina."»

⁵ Ikka dər-əs Iblis aʔrəm wa zəddigan ən Yerusalem, issəbdad-tu fəl afalla n Ahan wa Zəwwəran n Əlyibada,

⁶ inn-as: «Kud kay Barar ən Məššina, tətərəgge, fəlas ənnan Əlkəttaban: "Ad amər Məššina angalosan daʔ talʔa-nak, əkbəlan-kay daʔ fassan-nasan, fəl a dak-wər-tənkəf təhunt."»

⁷ Inn-as ʔaysa: «Wərgex za Əlkəttaban di ənnān: "Ad wər tətəjjarraba Əməli-nak Məššina."»

⁸ Dəffər awen ikka dər-əs Iblis afalla n ədʔaʔ iknan təzəzgrət, issəsəwad-tu daʔ taʔmaren kul n əddənət əd təhussay-nasnat,

⁹ inn-as: «Awa togge den kul əkfəʔ-ak-ku as di-təssəjada təʔbadəʔ-i.»

¹⁰ Inn-as ʔaysa: «Ugəʔ-i, Aššaytan! Wərgex ənnan Əlkəttaban: "Əməli-nak Məššina as za təssəjada, ənta ʔas a za təʔbada."»

¹¹ Amaran oyy-ay Iblis. Əhinan-in angalosan əkkān-du ʔaysa əssanan daʔ-as.

Ənətti n əššəʔəl daʔ Galilaya

ʔaysa issənta əššəʔəl-net daʔ Galilaya

¹² As isla ʔaysa ətərməs ən Yaxya, iqqal akal ən Galilaya.

¹³ Mišan wər iqqim daʔ aʔrəm ən Nazaret. Kalar igla iʔsar daʔ təʔrəmt təgāt Kafarnahum, təwərat təgadamayt n agaraw wa n Galilaya daʔ amadəl ən Zəbulun əd wa n Naftali.

¹⁴ Əmmək en daʔ as inda awal wa d-iga Əməli əs tarrayt n ənnəbi Isayas a daʔ innā:

¹⁵ «Akal ən Zəbulun əd wa n Naftali, əhanen əsəlīm n agaraw wa n Galilaya, fəl təgadamayt ta n ataram ən Yordan, alməʔna Galilaya, ənta a daʔ əʔsaran aytedan win Kəl-Əlyəhud əd win tan-wər-nəmos!

¹⁶ Tamattay ta təhat šiyay, tənay ənnur zəwwəran as imalawlaw, aytedan deʔ win əhanen akal wa təlsa telay ən təmattant, əntanay da ibalazlaz fall-asan ənnur.»

¹⁷ Azzaman en da a daʔ iggaz ʔaysa šin igi ən təlxutbat igannu: «Utabat, fəlas Taʔmar ta n jənnawan təhōz!»

Itəwəʔra n əkkoz nalkiman win azzarnen

¹⁸ Əzəl iyyan ijiwankat ʔaysa fəl təgadamayt n agaraw wa n Galilaya as inay əššin mədrayan, s iyyan esəm-net Simʔon was itawannu Butros, d amadray-net Andrewəs. Meddan win inabazan ən kifitan a əmosan. As tan-inay fattawan daʔ agaraw sangaytan-nasan win abbaz ən kifitan.

¹⁹ Inn-asan ʔaysa: «Əlkəmat-i, a kawan-aga meddan sər-i du-za-tawaynen aytedan y a tan-assafsa daʔ bakkadan-nasan.»

²⁰ Oyyan sangaytan-nasan daʔ tamazayt ten da, əlkaman-as.

²¹ As iga ʔaysa arət ən teklay dəffər awen, inay əššin mədrayan wiyyad, əmosnen ʔaqub d amadray-net Yaxya win məddanəs ən Zabaday. As tan-inay nimahan aʔlal n aman d abba-nasan Zabaday, kannin sangaytan-nasan win as tabazan kifitan. Iʔr-en ʔaysa.

²² Amazay wen daʔ ad oyyan aʔlal-nasan, əfalan abba-nasan, əlkaman i ʔaysa.

Isalan tiwəziwizan

²³ Issəwal ʔaysa akal ən Galilaya ketnet, isasaʔru daʔ nan n əlyibada ən Kəl-Əlyəhud. Imməl Əlinjil, imosan isalan ən Taʔmar ta n jənnawan, izuzəy aytedan daʔ əkkulluk ən təwərna, d əkkulluk n əlyib.

²⁴ Əmmək en daʔ as itawasla ʔaysa daʔ amadəl ən Surəya kul. A das-du-tamawayan aytedan kul win ərinnen, əd win t-əllanen d əlyiban a əqqalan, əd win əssəranan kələsuf, əd win əlanan ikərəkkitan əd nəbdan, izuzəy-tan.

²⁵ Əlkāmnat-as təmattiwen aggotnen a d-əfalnen Galilaya, d akal was itawannu «Wa-n-Maraw-ʔərman», əd Yerusalem, d akal ən Yahudəyya, d amadəl wa ihan dənnəg ən Yordan.

Əššəʔəl wa iga ʔaysa dat aytedan kul daʔ Galilaya əd ʔələyʔələyan-net

5

Isəssəxri wa azzaran: Təlxutbat ta təgat fəl ədyaχ

Taymar ta n Məššina

¹ As inay Ƴaysa šimattiwen šin t-id-osanen den, iwar adyaχ. Iqqim den da, əhozan-tu nettulab-net.

² Issənta əsəssəxri n aytedan win əllanen den. Inn-asan:

³ «Əbbilalan aytedan win əlləqqawnen daχ man-nasan, əqbālan as əddiraran əs Məššina

fəlas Taymar ta n jənnawan šin-nasan.

⁴ Əbbilalan win hallinen,

fəlas a tan-isəddəwət Məššina.

⁵ Əbbilalan win əssərasnen iman-nasan,

fəlas ad əgrəwan akal wa dasan-issənsa Məššina.

⁶ Əbbilalan win əknanen daran n awa oχadan,

fəlas ad t-əgrəwan.

⁷ Əbbilalan win hanattatnen i naragan-nasan,

fəlas əntanay da a dasan-ihənəttət Məššina.

⁸ Əbbilalan win as zaddogan wallan-nasan,

fəlas ad ənəyan Məššina.

⁹ Əbbilalan win tagginen alxer,

fəlas a dasan-əgu Məššina esəm bararan-net.

¹⁰ Əbbilalan win tawadgəznen fəl igi n awa oχadan,

fəlas Taymar ta n jənnawan šin-nasan.

¹¹ Təbbilalam kawanay a rabbadan aytedan, ədgāzan-kawan, wər t-illa əzzənəf n əzgən a kawan-wər-əssəwaran, fəl əddəlil-in.

¹² Awalla, dawatat, təfəliwəsam, fəlas təlām arozan aggotnen daχ jənnawan. Ənnəbitan win dat-wan, da əmmək wədi daχ as tawadgəzan.»

Tesəmt d ənnur

¹³ Inn-asan Ƴaysa: «Kawanay tesəmt a təmosam y əddənət. Amaran as imos as tesəmt ta, ab-as təla tembay, məni əmmək was tat-du-za-tətəwəsuxəl tembay-net? Tesəmt ta, ab-as tənfa wala: wər təhor ar d a din-tətəwəgər sədi, a tat-dayyazan aytedan.

¹⁴ Ənnur n əddənət a təmosam. Ayrəm ikrāsən fəl afalla n ədyaχ, wər t-illa awedan a tu-wər-za-nənəy.

¹⁵ Əmmək en daχ a təga fətəla: As tərxa, wər za tətəwəggu daw əxəzu! Kalar ətəwəgga a za tagu daχ adag iknan ahaku fəl ad təsəmmələwləw aytedan kul win əhanen ehan.

¹⁶ Əmmək di daχ as imələwləwət ənnur-nawan, dat aytedan kul, fəl ad ənəyan aratan olaxnen win tətəggim, awəy-du sər-san awen ad əmmālan tanaya n Abba-nawan di ihan ijənnawan.»

Ƴaysa d Arkawal wa Irəwan

¹⁷ Inn-asan Ƴaysa: «Ad wər təxilam assa a d-əge y a din-əkkəsəχ awa iktaban daχ Əttawret, madəχ Əlkəttaban n Ənnəbitan. Wərgəχ adi a d-əkke, kalar assa a d-əgeχ y a tan-assanda.

¹⁸ Əggyyeyə əsilakanəχ-awan as: Iket əllan-tu jənnawan d amaɖal, Əttawret wər t-in-za-təgməd wala tətəbəqçət, amaran wala χas əsakkal wər t-in-z-igməd iket wər inda arət kul wa daχ-as iktaban.

¹⁹ Awen daχ a fəlas awedan wa imməzrayan wala χas əlwajib wa ogaran təmmədrəyt, omar aytedan s ad əgin awen da, awedan wədi ənta a z'əgəran eres daχ Taymar ta n jənnawan. Mišan as imos as əbirdag awedan y əlwajiban win, isasəχ-en y aytedan, wədi ad igrəw adkul daχ Taymar ta n jənnawan.

²⁰ Awalla, əmələχ-awan əs as wər təgəm i Məššina əbərdəg ogaran wa das-əgan musanan n Əttawret, əd Farisaytan, wədi wər za təggəzam Taymar ta n jənnawan.

Əmazal n awa itawannan: Əlital daχ batu n alham

²¹ Təslām as itiwanna y əljadan-nana daχ Əttawret: "ad wər tagəχ iman."

As iga awedan iman, ad t-ibəz əššəriχa awwaddab.

²² Nak za ənnəχ-awan, awedan kul wa iggaz əlham n iyyan, wədi ad t-ibəz əššəriχa awwaddab. Awedan dəχ kul wa innan y iyyan: "Anafnozi!" Wədi ad itəwəsəbdəd dat Asəggawar wa Zəwwəran as itawannu Sanhedrin fəl ad itəwəsrəχ, amaran awedan wa innan y iyyan: "Kay amaros!" Wədi əššəriχa-net Jahannama.

²³ Daḡ adi as du-tækteḡ as iššak-kay awedan daḡ amazay wa daḡ du-tewaya təkutay-nak s adag wa n əsəqqəd ən təkutawen,

²⁴ tayya takutay-nak əddi da, tagla har tənəməsürəfa d awedan wədi, dəffər adi amaran təqqəla taga takutay-nak.

²⁵ As kay-issəwar awedan lahan, takna dər-əs tarmad iket di ad təhâm tarrayt. As wər iga adi, awedan wədi, ad išəššiwəd batu tēdi əlqali. Təzzar inkər əlqali ag-ik daḡ fassan ən soji a kay-z-agin daḡ kasaw.

²⁶ As iga adi amaran əggəyyeḡ əsilakanaḡ-ak as wər du-za-təgmədəḡ iket wər təḡreda arazam n arat kul was kay-əwaran ərruzmatan-net. Wala tamma iyyadda wər din-za-taqqam.

Imazal n awa itawannan: Əlmital daḡ batu n əzzəna

²⁷ Təslâm as itiwanna: "ad wər tagaḡ əzzəna."

²⁸ Nak za ənnəḡ-awan awedan kul wa igan daḡ təntut asawad daḡ isidaran ənəmənəsanet, wədi igā dər-əs əzzəna daḡ əwəl-net.

²⁹ Kud šat-nak ta n əḡil a təbukat a dak-təqqəl əssəbab n igi n abakkad, təkəkkərəq-qat-du təgərəq-qat-in, id of-ak təgmad-kay təslət-nak iyyadda, y ad tətəwəgər təḡəssa-nak kul daḡ Jahannama.

³⁰ Amaran kud əfus-nak wa n əḡil a ibukan a dak-iqqəl əssəbab n igi abakkad, təfrəsaq-qin təgərəq-q-in, id of-ak təgmad-kay təslət-nak iyyadda, y ad təggəz təḡəssa-nak ketnet Jahannama.»

Imazal n awa itawannan: Əlmital daḡ batu n əməzzəy

³¹ Iglə Ƴaysa iššewal, inn-asan: «Itiwanna deḡ: "I izammazzayan tantut-net, akfet-tat širawt n əməzzəy."

³² Nak za silakanaḡ-awan as i izammazzayan tantut-net fəl a wər nəmos igi ən meddan, wədi əsəssugi a tat-iga əzzəna, amaran as izlaf ələs iyyan tantut ta təmməzzayat da, wədi əzzəna a iga ənta da.

Imazal n awa itawannan: Əlmital daḡ batu ən təhuday

³³ Təslâm deḡ as itawanna y aljadan-nana: "Ad wər təhhadam fəl arat, taqqamim wər tu-təmmozalam. Kalar sabdadat arkawalan win fəl təhadam s esəm n Əməli."

³⁴ Nak za ənnəḡ-awan, ad wər təhhadam fəl arat waliyyan fadda: Gər za əs jənnawan, fəlas edag n əlxəkum ən Məššina a mosan,

³⁵ wala deḡ təhədam s amaḡal, fəlas ənta a illan daw daran-net, wala deḡ təhədam əs Yerusalam, fəlas ənta a təmosat aḡrəm n Əmənokal wa Zəwwəran, a t-imosan Məššina.

³⁶ Ad wər təhhadaḡ ənta da s aḡaf-nak, fəlas wər təfregay əsəmləl n anžad-net waliyyan da, wala deḡ əsəkwəl-net.

³⁷ Gənniwat ƣas: "Ayew" y awa imosan tidət, madəḡ "kala" y awa imosan bahu. Batu a du-təššotam fəl adi kul Aššaytan as du-təha.

Imazal n awa itawannan: Əlmital daḡ batu n əzəzəl

³⁸ Təslâm as itiwanna: "I d-ikkasan šat n iyyan a du-tətəwəkkəs šat-net ənta da, i d-irzan ešen n iyyan a d-itəwərzə ašen-net."

³⁹ Nak za ənnəḡ-awan ad wər tətəgazam iman-nawan daḡ amaksan. Kalar as dak-iqqas fəl əmdəd-nak wa n əḡil, takfaq-qu əmdəd-nak wa hadan.

⁴⁰ As ira awedan a kay-ibəz s əššəriḡa fəl ad igrəw əlḡaššaba-nak, takfaq-qu əbərnuz-nak da.

⁴¹ As kay-išahhaššal awedan əggay ən lalan-net har əgim ən takkolt, tawəyay-as-tan har əššin gim ən takkolt.

⁴² I kay-onsayan takfaq-qu, i daḡ-ak igmayan əmarwas, a das-tu-wər-təgdəla.

Imazal n awa itawannan: Əlmital daḡ batu ən tara n əzəngə-nana

⁴³ Təslâm as itiwanna: "Iru anammaray-nak, təgzərəḡ azangaw-nak."

⁴⁴ Nak za ənnəḡ-awan: Iriwat izəngə-nawan, ad tətəggim šiwatriwen olaḡnen y aytedan win kawan-əsasnen,

⁴⁵ fəl ad təqqələm əs tidət da bararan n Abba-nawan wa ihan ijənnawan. Ənta a d-isəgmadan təfuk-net fəl aytedan win maksanan əd win olaḡnen, isawat akonak-net fəl win oḡadnen əd win nəmməzray.

⁴⁶ Kud wər tarem ār aytedan win kawan-əranen, awak ma imos aroz wa za təgrəwam daḡ awen? Wərgəḡ aytedan win zarzamnen takəsen a əmosnən imaksanan da awen daḡ a əḡan?

⁴⁷ As imos as imədrayan-nak ƣas a tareḡ təsaslamaq-qan, awak ma imos arat immittayan wa təgəḡ? Wərgəḡ aytedan win wər nəssen Məššina da adi daḡ a taggin?

⁴⁸ Dağ adi kawanay, əqqəlat aytedan əkmälnen şilat n Abba-nawan wa ihan ijənnawan.»

6

İsəssəyri igän fəl təlmənufəqa dağ əddin

¹ Iгла Ғайса ішсəwəl, inn-asan: «Әнкədat d igi n əlğibada imosan sokni. As wər iga adi wər za təgrəwam arozan çur Abba-nawan wa ihan ijənnawan.»

² «As tətəgga takutay y amaddarar, ad wər iqqəl adi arat təsinafalala, zun awa taggin əlmunafiqan dağ nan n əlğibada ən Kəl-İlyəhud, əd tarrayen, fəl tara n ad əgrəwan adkul çur aytedan. Əggəyyeç əsilakanax-awan as əlmunafiqan win di arozan-nasan əgrəwan-tan.

³ Kay amaran, as tətəgga takutay, ad wər issən əfus-nak wa n zalgat awa itaggu wa n əxil.

⁴ fəl ad təqqəl təkutay-nak əssir. Abba-nak s ənta a ihannayan əssiran, a dak-z-irzəman.»

⁵ «As tətəttaram, ad wər tətəggim awa taggin əlmunafiqan ərānen ad tattaran əbdadan dağ nan n əlğibada, əd sammanayan, əgmāyan s awen a tan-ənəyan aytedan. Əggəyyeç əsilakanax-awan as arozan-nasan əgrəwan-tan.

⁶ Kay amaran as tətəgga şiwatriwen, təggəzəç dağ ahan-nak edag wa ogaran ənəmaggag d aytedan, təxfəlaç-q-in fəl man-nak, tətərə dağ əssir s Abba-nak id illa əddi. Abba-nak s ənta a ihannayan əssiran, a kay-z-akfin arozan.

⁷ As tətəttaram, ad wər tətəggam awal aggen təgannam arat iyyanda zun awa taggin aytedan win wər nəssen Məşşina, əxilnen wər dasan-z-aslu Məşşina ar s ad taggin awal aggen.

⁸ A tan-wər-təttalalam, fəlas Abba-nawan, issān awas təddəraram da harwa wər dağ-as tu-təgməyam.

⁹ Təwatray da tas ihor a tat-tətəggim kawanay:

"Abba-nana wa ihan ijənnawan,
Itəwəsəxməret esəm-nak di zəddigan,
¹⁰ taset-du Taçmar-nak.

Tətəwəmişəlet tara-nak fəl amaçal
s əmmək was tətəwamazal dağ jənnawan.

¹¹ Akf-anax isudar-nana win azalada;

¹² təssurəfəç-ana tādłəmt ta nəga
zund əmmək as nakkanay da
nəssoraf i win danax-ədlamnen.

¹³ A dana-wər-təga dağ alçarar ən jarrabatan,
kalar ağəz-ana dağ İblis,
[fəlas taçmar, əd tarna, əd tanaya ši-nak har faw.
Amin."]

¹⁴ «As təsurufam y aytedan arak mazalan win dawan-əgan, kawanay da a dawan-issurəf Abba-nawan wa ihan ijənnawan.

¹⁵ Mişan as wər təsurufam y aytedan, wədi Abba-nawan wa ihan ijənnawan wər dawan-z-issurəf arak mazalan win təgam.»

¹⁶ «As təzumam ad wər təsənnəfilələm təkənzert zun awa taggin əlmunafiqan, əntanay a samattaynen udmawan-nasan fəl ad əssusənan aytedan kul as əzuman. Əggəyyeç əsilakanax-awan as aytedan win di, arozan-nasan əgrəwan-tan harwa əmərədda.

¹⁷ Kay amaran, as təzumax, təşşirədəç udəm-nak, taga alwardi,

¹⁸ fəl ad wər əssənan aytedan as təzumax. Abba-nak ças a z'issənan dağ adi, fəlas illa əddi dağ əssir, ihannay awa itaggin, amaran ənta a dak-z-irzəman.»

Adararat ta nəga əs Məşşina

¹⁹ «Ad wər təşadawam təgərgist dağ əddənət, a daç-qat za təhlək tamaday əd tənək, razzan deç baydagan inan takaran.

²⁰ Kalar şidəwat i man-nawan təgərgist dağ jənnawan, a daç-qat wər za təhlək tamaday za wala tənək, wala deç assin-tat-in baydagan win razzinen inan takaran.

²¹ Fəlas edag wa təha təgərgist-nak, ənta a z'iggəz əwəl-nak.»

²² «Şittawen şilat ən fətəla a əmosnat i təğəssa-nak. As imos as şittawen-nak əhannaynat s əllux, wədi təğəssa-nak ketnet təha ənnur.

²³ Mišan as imos as šittawen-nak wēr əhənnəynat s əlluχ, wədi taχəssa-nak ketnet təha šiyyay. Daχ adi as imos as wala ənnur wa ihan taχəssa-nak da imos šiyyay, wədi ad təggəza šiyyay wēr nəmməkkan!

²⁴ Wēr t-illa i ifrāgan əššəχəl y əššin muzaran. Wa χas ikyad iyyan daχ-san, iru wa hadan, madəχ abbastad y iyyan, alku wa hadan. Wēr təfregəχ ad təχbədə Məššina, tagla deχ tozāla dəffər əddənet.»

²⁵ «Daχ adi ənnəχ-awan a kawan wēr təššəwəš təməddurt, gər awa za tatšim, wala awa za tašwim, wala awa za talsim. Iman-nawan wərgəχ ogaran imensewan, taχəssanawan deχ togar isəlsa?

²⁶ Əswədat daχ gədad a taggadnen daχ alhawa, wərmad nabbalan za wēr tiləyan, wēr šidiwan wala daχ tədangawen, mišan issodar-tan Abba-nawan wa ihan ijənnawan. Kawanay wərgəχ togaram-tan almaqam sen χur Məššina?

²⁷ Məni daχ-wan wa ifragan s aššawaša-net əšitəy ən təχrəst-net əs wala ellaf ən šat?

²⁸ Mafel əs kawan-təššəwəš talχa ən salsə? Ənzərat-in daχ əmmək was du-daggalnat təjigawen daχ əsuf. Wərmad šaqqalnat wala zattinat isəlsa,

²⁹ mišan ənnəχ-awan, wala Əmənokal Suliman harkid təgərgist-net kul, wēr kala ad ewad wala iyyadda daχ-asnat daχ təhussay ən talassay.

³⁰ Dad isalsu Məššina yel əs təməwit tədi, s azalada ibdād, tufat ad itəwəsərgu daχ təjəngərərt; manəmmək əs kawan-wər-z-assalsu, kəl əzəgzan əndərran!»

³¹ «Daχ adi ad wēr təššəwəšam təgannim: "Ma za natšu?" Madəχ: "Ma za našəw?" Madəχ: "Ma za nalsu?"

³² Aratan win kul aytedan win wēr nəssen Məššina a ozalnen daχ agamay-nasan, amaran kawanay Abba-nawan wa ihan ijənnawan, issān əs təddiraram sər-san.

³³ Əgməyat təzzar Taχmar ta n Məššina d aqqad dat-əs, əs iga adi aratan win di kul a kawan-tawəkfın əntanay da.

³⁴ Daχ adi a kay-wər-iššəwəš arət wa d-izayan tufat, fəlas tufat ad təššəwəš əd təməχutar-net. Əzəl kul ila šiməχutar-net a das-əgdānen.»

7

Alxal wa iwaran ənalkim ən Yaysa, gar-es əd Məššina d aytedan

¹ Iгла Yaysa iššəwal-asan, inna: «Ad wēr tannim ark arət s awedan fəl a sər-wan wēr itəwənnu kawanay da.

² Fəlas əmmək was təxkamam, ənta əs za tətəwəxkəmam kawanay da, amaran təsəkət tas təkkatam y aytedan, ənta əs dawan-z-ikət Məššina.

³ Mafel təhannaya təzawt ta təhat šat n amadray-nak, kay amaran wēr dīn-təgreχ šiləlt ta təhat šat ta-nak.

⁴ Manəmmək əs za tanna y amadray-nak, "ayy-i a dak-əkkəsa təzawt ta daχ šat-nak", kay amaran šiləlt a təhat šat ta-nak?

⁵ Əlmunafiq, əkkəs təzzar šiləlt ta təhat šat-nak, əddi ad za tannaflaya daχ tazawt ta təhat šat n amadray-nak təkkəsəχ-as-tat!

⁶ A dīn-wər-təggarəχ arət zəddigan madəχ arət ilān almaqam i maksanan fəlas wēr əzlayan əd dan a kawan-du-milallaynen y a kawan-ədədan, madəχ iladayan hallaknen aratan win əlanen almaqam.

⁷ Ansəyat Məššina, a kawan-akfu; əgməyat, ad təgrəwam; aχriwat-tu a dawan-akkawan;

⁸ fəlas i onsayan, ad itəwəkfı, i igmayan ad igrəw, i iχran deχ Məššina a das-akkawan.

⁹ Məni daχ-wan wa daχ z'igməy barar-net tagəlla akf-ay təhunt?

¹⁰ Wala igməy daχ-as isan akf-ay taššəlt?

¹¹ Dad zamməs wala kawanay an nəllubəs da təssānam təhakkay n awa olaχan i bararan-nawan, manəmmək əs kawan-wər-z-akfu Abba-nawan wa ihan ijənnawan awa tu-tonsayam?

¹² Taggiwat y aytedan arət kul was tərəm a dawan-t-agin. Ənta da da arət wa ihan əššəriχa wa n Əttawret, d Əlkəttaban n Ənnəbitan.

Igi daw aχaf

¹³ Əggəzat s əmi wa kəruzan s ənta a itawayan əs taχmar ta n Məššina! İket ilwi ig-ay əmi wa itawayan s əhluk, iket əsənnəfləy təg-ay tarrayt ta tətəwayat s əhluk, amaran əggətan aytedan win əs ənta əs taggazan.

¹⁴ Mišan iket takrazt ig-et əmi wa itawayan əs təməddurt, iket deχ əsəməχitər təg-ay tarrayt ta tətəwayat əs təməddurt, amaran wēr əggətan aytedan win tan-garrawnen.

¹⁵ Ənkədat y ənnəbitan win bahu. Əs kawan-du-tasin əmosan zun ayfəd, mišan əs tidət iridalan a əmosan əknanen aššar.

¹⁶ Arat wa du-saxsalan as tan-za-təzdəyam. Awak alğanab itâwankad-du day tazzyat? Wala itâwankad-du fig day tagaroft?

¹⁷ Emmək en day as ašək isxân a d-itarawan âratân olaşnen, amaran ašək wər nəsxa itaraw-du win wər noləş.

¹⁸ Ašək isxân wər ifreg ara n âratân wər noləş wala deş ifrag ašək wər nəsxa ara n âratân olaşnen.

¹⁹ Ašək kul wa wər nətirəw âratân olaşnen, wədi ətəwəxtas a itawaggu, itəwəgər day təmsay.

²⁰ Day adi illikan as ənnəbitan win bahu awa du-saxsalan as tan-za-təzdəyam.»

²¹ «Wər igda i di-igannin: "Əməli, Əməli!" Wər izzogaz awen awedan Taşmar ta n jənnawan, kalar kundaba i itamazal əs tara n Abba-nin ihân ijənnawan.

²² Əzəl wa ilkaman aytedan aggotnen a di-annin: "Əməli, Əməli! Awak wərgəş esəm-nak as nəmal y aytedan isalan win fall-ana du-təzəzabbe? Awak wərgəş ənta əs nəstəş kələsuf? Nəga sər-əs təlməşjujaten aggotnen?"

²³ Əddi a dasan-anna: "Wər kala a kawan-əzdayaş. Ugagat-i inəmməzray ən Məşşina!"»

²⁴ «Day adi awedan kul wa issəsaman y awal-in wa, immozal-tu, wədi iha əlmital n aləs n əməli ən tayttay ikrasan ehan-net fəl təsəlit.

²⁵ İwat akonak, əgan əngəytan əssohatnen, əgarnat-du təzəkwen, əstaban y ahan en, mişan wər uda fəlas təsəlit a fəl ibna.

²⁶ Amaran awedan kul wa issəsaman y awal wa əge da, iqqim wər t-immozal, wədi iha əlmital n aləs wər nəla tayttay, ikrasan ehan-net fəl əzəzəl.

²⁷ İwat akonak, əgan əngəytan əssohatnen, əgarnat-du təzəkwen, istab awen y ahan wa nad, ibarajjat, ilyam-in ketnet.»

Tanaya ən Yaysa

²⁸ As iğrad Yaysa alfaydaten şin, təqqim tamattay isimaklal sər-əs əmmək was itaggu əsəssəşri-net.

²⁹ Fəlas ig-asan əsəssəşri n awedan ilân tanaya wər əlen musanan-nasan win Əttawret.

8

Təlməşjujaten əd tanaya ən Yaysa

Əzuzəy n awedan iğrâw kətru

¹ As d-izzəbbat Yaysa adşay wen, təlkâm-as tamattay tagget.

² İhin-in İhoz-t-idu awedan təgrâw təwərna ən kətru, issəjad dat-əs, inna: «Əməli, as tareş adi təfrâgəş a di-təzzuzəyayş, izdaga.»

³ İzzal-in Yaysa əfus-net, idas-tu inna: «Areş adi əzzəy tizdaga!» Amazay wen da day izzay aləs wen day kətru, zəddig.

⁴ İnn-as Yaysa: «Ənəy za, ad wər təməla y awedan waliyyan arat wa igan da, amaran aglu tassaknaş iman-nak y əlimam, taga takutay ta kay-issəwar əşşərişə n ənnəbi Musa, ad iqqəl adi y aytedan təgəyya ən təməzzəyt-nak.»

Əzuzəy n amaşşəşal ən kabtan ən Kəl-Ərrum

⁵ Amazay wa da day in-itaggaz Yaysa təşrəmt ən Kafarnahum, ənta day t-in-ikka kabtan iyyan ən sojitan n Ərrum, onsay-tu,

⁶ inn-as: «Əməli, amaşşəşal-in a din-oyye israd day aşaywan, ibdân, idgâz wəllen.»

⁷ Inn-as Yaysa: «Nak iman-in a tu-z-akkin əzzuzəyayş-qu.»

⁸ Inn-as kabtan en: «Əməli, nak wər əwədəş ad təggəzəş ehan-in. Annu arat şas ad izzəy amaşşəşal-in.

⁹ Əssâna day adi fəlas awedan a əmosaş a day əttafan wiyyad tanat, əttâfaq-qat nak iman-in day sojitan win daw-i əllanen. As ənnəş y iyyan: "Aglu", ad aglu, as ənnəş y iyyan: "Iyyaw", a di-d-asu. As ənnəş y əkli-nin: "agu awa", ad t-agu.»

¹⁰ As isla Yaysa y awa inna kabtan en, isammaklal sər-əs, inna y aytedan win das-əlkamnen: «Əggəyyəş əsilakanaş-awan as: wər ənayaş awedan waliyyan day Kəl-İsrayil igân əzəgzan ewâdan wa iga aləs a.»

¹¹ «Əsilakanaş-awan as aytedan aggotnen a d-əfəlan dənnəg d ataram, nəşimin d İbrahim, d İsəhaq, əd Yaqub, ədrəwan dər-san iməgura day Taşmar ta n jənnawan.

¹² Mişan Kəl-Əlyəhud aggotnen s əntanay as tətawasamatag Taşmar ta, win di a din-təwəbdəşan sədi day şiyyay, ad hallin əddadan idədwən-nasan fəl təmagraz.»

¹³ Amaran inna Ýaysa i kabtan wa nad: «Eqqəl aýaywan-nak, aget-ak Məşşina arat wa daý-as təgmaya fəl əzəgzan-nak.» Təzzar izzay amaşşaxal ən kabtan wen daý amazay wen da.

Tədagğalt ən Butros

¹⁴ Dəffər adi ikka Ýaysa ehan ən Butros. Inay tədagğalt ən Butros tərşad, tənnid,

¹⁵ idas əfus-net, təwat fall-as tanaday, tənkar-du a tu-təsiməgurit.

Ízuzay ən Ýaysa aytedan aggotnen

¹⁶ As tuda təfuk, əmməwayan-as-du aytedan aggotnen əssiranan kələsuf. Íhrad Ýaysa asataý ən kələsuf winad əs təfert iyyadda. Ízzozay deý imiranan kul win əllanen den.

¹⁷ Əmmək wen daý as inda awal wa d-iga Əməli əs tarrayt n ənnəbi Isayas a daý innā: «Ənta a idkalan əlxiiban-nana, idkal fəl iri-net šiwərnawen-nana.»

Ləkkum i Ýaysa

¹⁸ As inay Ýaysa tamattay təylayxalay-tu, omar inəttulab-net s a dər-əs idawan əxrəsan əs tagadamayt ta hadat n agaraw.

¹⁹ İkk-ay-du əmusan n Əttawret iyyan inn-as: «Əşşex, a dak-əlkəməx s adag kul wa təkkeş.»

²⁰ Inn-as Ýaysa: «Ízagazan əlân enwan, igədad deý əlân şisəllula, mişan nak Ag Aggadəm wər əley wala edag a daý əssənsəş eýaf-in.»

²¹ Inn-as ənalkim-net iyyan: «Əməli, akf-i turagat n ad agla har din-ənbəlay abba-nin təzzar.»

²² Mişan inn-as Ýaysa: «İlkəm-i tayyay inəmməttan ad ənbəlan inəmməttan-nasan.»

Ízərəz ən Ýaysa tazafa

²³ Dəffər adi iggaz Ýaysa aýlal n aman, ənta əd nəttulab-net, əgłan.

²⁴ Wala a ihogan təgar-du tazafa labasat fəl agaraw, ad əggatnat tənazzamaren aýlal. As itaggu awen Ýaysa ənta insā.

²⁵ Əhozan-t-in nəttulab-net, a tu-sankaran daý etəs gannin-as: «Əməli, agəz-ana! Nakkanay nəjwār nəhlāk!»

²⁶ Inn-asan: «Mafel təh-iwan tasa togdat d awa, kəl əzəgzan irkaman?» Inkər-du Ýaysa, isannarşam y ađu d agaraw, əşradan adrur d əsəssəmimi.

²⁷ Arat wa iqqan iyafawan-nasan, ad gannin: «Ma imos wa daý awedan, as wala ađu d agaraw da ittāf daş-san tanat.»

Ízuzay ən Ýaysa əşşin aytedan əgrāwan kələsuf

²⁸ As iwar Ýaysa aganna wa hadan n agaraw, daý akal ən Gadaratan, əssəlkadan-as-du əşşin aytedan əssiranan kələsuf, əgmadan-du sər-əs izəkwan. Aytedan win awa əgan daý tallabəst, wər t-illa i ihalan a d-akəy daý adag wen.

²⁹ Saşaren-as-du gannin: «Ma daş-na tare, Barar ən Məşşina? Awak assa du-təge y a dana-təsəkkərure da wər du-tewed təmastant?»

³⁰ Ənta illāt-tu əsəgən aggen ən ladayan ədānnen daý igəg-nasan dən,

³¹ onsayan kələsuf win Ýaysa ənnan-as: «As dana-təstaşa, təssukəş-anay əsəgən ən ən ladayan en.»

³² Inn-asan: «Aglat!» Təzzar əgmadan kələsuf meddan win əşşin en, əkkən iladayan əggazan-tan. Amazay wen da daş d-əwafan ladayan win den kul fəl azadaga ən təkəşwart, şartattawan ad tifataqqen daý agaraw, əlammazan-tan aman.

³³ Təzzar ozalan madanan ən ladayan winad s əşxəm, əssəşalan arat kul wa igan den y aytedan, d awa igan fəl meddan win əssəranan kələsuf en.

³⁴ Dən daş a d-əşradan kəl əşxəm wen agamad, əssəlkadan-du i Ýaysa, onsayan-tu ad igməd akal-nasan.

9

Ízuzay ən Ýaysa anabdon

¹ Təzzar iggaz Ýaysa aýlal n aman, íxras agaraw, ikka təşrəmt-net Kafarnahum.

² Ewayan-as-du aytedan anabdon ihân təssut-net. As inay Ýaysa əzəgzan-nasan, inna y anabdon: «A kay wər işşəwəş wala barar-in! İbakkadan-nak tiwasarafan-ak!»

³ Təzzar ənnan arat daý musanan n Əttawret wiyyad daý man-nasan: «Aləs wa əmadraw a itaggu!»

⁴ Inn-asan Ýaysa issānan daý awa samadranan: «Mafel tətəggim arak medranan win daş wallan-nawan?»

⁵ Awak ma ogaran tərşəsay gər i innan: "İbakkadan-nak tiwasarafan-ak", meş ak i innan: "Əbdəd jəwənkət?"

⁶ Amaran arey ad tæssenam as nak Ag Aggadëm, ælēx daꝥ æddenet tanaya a di-tæššawadat ad æssuræfa y awedan ibakkadan-net.» Tæzzar inna Ƴaysa y anabdon: «Æbdæd, tædkæla tæssut-nak takkaꝥ aꝥaywan-nak.»

⁷ Ibdad alæs wen ikka aꝥaywan-net.

⁸ As ænayat tamattiwen arat wen, tæꝥrad-tanat tasa iguz, ad tagginat tæmmalen i Mæššina a ikfan tarna togdat d awen y aggadëm.

Ƴaysa æd Matta æd nasbakkadan

⁹ Ifal Ƴaysa edag wen, illam-du dagma n alæs iyyan igân esëm Matta, iqqiman daꝥ adag wa n æzærzëm n æzræf wa n takæs, inn-as: «Ælkëm-i!» Tæzzar ibdad Matta ilkam-as.

¹⁰ Æzæl iyyan, iha Ƴaysa aꝥaywan æn Matta, ænta d aytedan aggotnen æn næzzærzam æn takæsen æd nasbakkadan, idrâw dær-san imensewan ænta æd nættulab-net.

¹¹ Ænayan Farisaytan arat wa, ænnan i nættulab-net: «Mafel idrâw æššex-nawan æd næzzærzam æn takæsen æd nasbakkadan?»

¹² Isl-asan Ƴaysa, inna: «Aytedan win wær næla æꝥæli, wær æddæraran s anasmagal, imiranan a sær-æs æddærarnen.

¹³ Agliwat tæssenam almayna æn batu ta iga Mæššina as inna: "Tæhanint a are, wærgeꝥ šikutawen." Wær d-oseꝥ fæl a d-aꝥraꝥ aytedan win ꝥur iga as oꝥådan, kalar inasbakkadan as d-æmmozaala y a tan-d-aꝥra æqqælan inalkiman-in.»

Amagrad wa iga Ƴaysa daꝥ batu n æzum

¹⁴ Tæzzar ækkan-in nættulab æn Ƴaxya Ƴaysa ænnan-as: «Mafel nakkanay æd Farisaytan nætuzam faw, amaran kay inættulab-nak wær tuzaman?»

¹⁵ Ijjæwwab-asan Ƴaysa inn-asan: «Ak ilagatan a ꝥur illa amazlay zakanzaran? Mišan ælkâman adan a ꝥur-san z'ammadkal æmazlay: æddi amaran ad z'uzaman.

¹⁶ Wær t-illa i z'iwætæn šikæst taynayæt daꝥ tabdoꝥ waššarat, fælas æddi šikæst ta din-tættawatat, a du-tæzækkæwænzæz tabdoꝥ ta waššarat, tæzzar tæššit-as azarru wællen.

¹⁷ Wær t-illa deꝥ i z'agin esmad n alꝥanab aynayan daꝥ gædad, fælas as iga adi, ad abbaqqen gædad win, tæzzar affatu daꝥ esmad æd gædad. Kalar arat wa ihoran, ad itwæwgu esmad wa aynayan daꝥ bæyaꝥ aynaynen, æmmæk wædi daꝥ as z'ixlæs esmad harkid bæyaꝥ.»

Æssenkær æn Ƴaysa tæbarart daꝥ tæmattant d æzzuzæy-net tantut

¹⁸ Iššewal-asan Ƴaysa den daꝥ as d-osa iyyan daꝥ muzaran æn Kæl-Ælyæhud, issæjad dat-æs, inn-as: «Tæbarart-in a aba æmæredða, mišan ya, æssanaꝥ âs as du-tose tæssæwæraq-ꝥat æfus-nak, a du-tænkær.»

¹⁹ Tæzzar inkær-du Ƴaysa, ilkam-as, æddewan dær-æs nættulab-net.

²⁰ Tællat-tu tæntut tægat maraw elan d æššin igammad-tat æzni, tæhoz-du Ƴaysa sa sær tæꝥærden, tædas tæbænik æn tækadkat-net,

²¹ fælas tænna a tæga daꝥ man-net: «Igdæ ꝥas ad ædæsa tækadkat-net, ad æzzæya.»

²² Imalallay-in Ƴaysa inay-tat, inn-as: «Ad wær tæꝥšæda tæbarart-in! Æzægzan-nam sær-i a kam-izzozayan.» Amazay wen da daꝥ tæzzay tæntut ten.

²³ Dæffær awen ikka Ƴaysa ehan n æmuzar æn Kæl-Ælyæhud wanad. As din-ewad Ƴaysa, inay imawatan æn tæssæsaꝥ šin tæfæyyawt, d aytedan nijarwaynen, ægân tærmuꝥ.

²⁴ Inna: «Awedan kul irdæꝥet! Tæbarart di wær tat-aba, etæs ꝥas a tæga!» Tæzzar ægan-tu ajjab.

²⁵ As tætwasardaꝥ tamattay ten, iggaz Ƴaysa ehan wa tæha tæbarart ta aba, obaz æfus-net, issenkær-tat-du.

²⁶ Wazawazan salan n awa igan den, daꝥ akal ketnet.

Æzuzæy æn Ƴaysa æššin mæddærꝥal

²⁷ As ifal Ƴaysa edag wen, ælkâman-as æššin mæddærꝥal, saꝥaren gannin: «Ya Ag ænnæbi Dawød! Hænættæt-ana!»

²⁸ As din-ewad aꝥaywan, iggaz ehan, æhozan-t-in mæddærꝥal win den, inn-asan: «Tæzzigzanam as æfragaꝥ igi n arat wa tæram æddi?» Ænnan-as: «Awalla, Æmæli.»

²⁹ Tæzzar idas šittawen-nasan, igannu: «Itwæwggiwet-awan arat wa inamannakan d æzægzan-nawan.»

³⁰ Den daꝥ ad ægrawan asawad-nasan. Ig-asan Ƴaysa tarꝥæmt tæssohet, inn-asan: «Ænkædat y ad issan a imosan awedan daꝥ awa dawan-æge da.»

³¹ Mišan as æglan, æzæwwazawazan isalan-net daꝥ akal ketnet.

Æzuzæy æn Ƴaysa awedan ægrâwan kælæsuf, immidad æmi-net

³² Æfalan Ƴaysa ꝥas immeway-du sær-æs awedan as immidad æmi-net, id aggæsuf a t-izdaꝥan.

³³ Ikkas Ýaysa aggösuf wen ças, iggaz awedan was immödad ämi-net den šin awal. Isimakkal awen äs tamattay, ad tögannu: «Arat wa wër kala tötawanay tulat-net daç Israyil!»

³⁴ Farisaytan amaran äntanay gannin: «Ëmänokal ön kälösuf a t-ikfan färregat n ikus ön kälösuf daç aytedan.»

Tawatray ta n äzämmizäl ön maššaxalan

³⁵ Illil Ýaysa içerman äd tæxarmaten kul, isasaçru daç nan n älçibada ön Käl-Ëlyähud, itaggu isalan n Ëlinjil imosan isalan ön Taçmar ta n Mäššina, izuzäy deç aytedan daç äzzänäfan kul ön tæwörnawen d älçiban.

³⁶ As inay tamattay, tæggaz-tu tæhanint-net, fëlas arkanay a ännayan, tiwayyan äd man-nasan, ämosan zun ayfäd wër nëla amadan.

³⁷ Tæzzar inna i nöttulab-net: «Çarat tæggät, mišan wër äggötan maššaxalan win tat-z-älöyenen.

³⁸ Daç adi ättärat s esöm ön mäššis ön çarat ta, a d-assaglu imaššaxalan a tat-ölaynen.»

10

Ëzämmizäl ön nättulab win maraw d äššin

¹ Içra-du Ýaysa äs man-net inöttulab-net win maraw d äššin, ikf-en tarna n ikus ön kälösuf daç aytedan, d äuzäy n a tæqqal tæwërna, d a iqqal älçib.

² Äntanay da esmawan ön nëmmuzal win maraw d äššin: Wa azzaran esöm-net Simçon, itawann-as Butros, d Andrawäs wa n amadray-net, äd Yaçub wa n ag Zabaday, äd Yaxya wa n amadray-net,

³ äd Filibus, äd Bartulamawës, äd Tuma, äd Matta wa izarzaman takäsen, äd Yaçub wa n ag Alfay, äd Tadday,

⁴ äd Simçon was itawannu wa Isaggatakken, äd Yahuza was itawannu Isxaräyuti s änta a z'ägin Ýaysa daç fassan.

Ësässäçri wa n äššin: Æššäçäl ön nalkiman d alyazab-nasan

Ammaran win iga Ýaysa inalkiman-net

⁵ Äntanay da da maraw nättulab d äššin win izammazal Ýaysa däffär as tan-omär inn-asan: «Ad wër tötakkim aytedan win wër nëmos Käl-Ëlyähud, wala deç tæggözam açräm waliyyan ön Käl-Samaräya.

⁶ Kalar akkiwat Käl-Israyil, win ämosnen zun ayfäd ässiggalnen.

⁷ Agliwat a dasan-tätaggim isalan n äs Taçmar ta n jënnawan töhöz-du.

⁸ Zuzäyät imiranan, a du-täsankaram inëmmöttan, tæzzuzäyäm aytedan win igraw kättru, tæzzäzdëgam-tan, ad tötäkkasam kälösuf daç aytedan. Bannan as tötawakfam, daç adi kawanay da hakkiwat bannan.

⁹ Ad wër tötawayam uräç, wala azräf, wala deç a tæqqäl tafelt daç näfdan-nawan,

¹⁰ wala deç açræg daç äšikäl-nawan, wala tækadkat ta n sanatat, wala täsäsält ta n sanatat, wala tallaq. Æssänat as edag tosam ad tötäwäsämögürem fëlas imaššaxalan-in a tamosam, amaran amaššaxal kul ila alxaq n ad igrëw a itša.

¹¹ As du-tæggazam açräm, madëç taçräm, tægmeçäm awedan wa inahaggan d a çur-äs tæssägënam, taqqamim çur awedan wädi da har assaya a daç tægmadam açräm wädi.

¹² As du-tæggazam ehan tannim: "Alxer fall-awan!"

¹³ Kud aytedan n ahan wädi nihaggan d a çur-san tæssägënam, wädi tawatray n alxer ta dasan-tëgam a fall-asan tæqbel, mišan as wër nahaggan d a çur-san tæssägënam, wädi tawatray ten wër za tæqbel fall-asan.

¹⁴ As wër tötawaqbalam, wër itawasasam deç i batu-nawan daç açräm wädi, made daç açaywan wädi, tægmadam-tu, tabbakbakam-in ägodrar-net wa iwaran idaran-nawan.

¹⁵ Æggöyeyëç äsilakanay-awan as, äzäl wa n tabadday, aytedan n äçräm wädi, ad ägin alçazab ogaran wa z'ägin win amaçal ön Sëdom äd Gamora.»

Amagrad ön Ýaysa s awa z'igrëwan inalkiman-net

¹⁶ «Æssänat as zimazalaq-qawan tëmosam zun ayfäd ehänen ammas ön ridalan, daç adi iliwat tayttay tagim ännäyät zun awa tagginat taššölen, talim äd tädäbren a wër iwer a imosan lahan.

¹⁷ Ænkëdat y aytedan, fëlas a kawan-ässëbdëdan dat saggawaran n äššäriça, a kawan-ëggatan äs läkkad daç nan n älçibada ön Käl-Ëlyähud.

¹⁸ Ad tətəwəsəbdədam dat naxkiman əd mənokalan fəlas kawan-iwar esəm-in, təqqələm şiggəyyawen-in y-asan əntanay d aytedan win wər nəmos Kəl-İlyəhud.

¹⁹ Mişan assaşa wad za tətəwəggim daş fassan, a kawan-wər-işşəwəş əmmək was za təşşiwəlam, wala dəş awa za tannim, fəlas arat wa za tannim a fall-awan d-azzabbat daş amazay wa da daş tərəm tənna-net,

²⁰ id wərge kawanay a z'işşəwəlnen, kalar Infas wa Zəddigan n Abba-nawan, a daş-wan işawalan.

²¹ Ad səttərməsan aytedan imədrayan-nasan səssugin iman-nasan, səttərməsan abbatan bararan-nasan səssugin iman-nasan, affallagan bararan fəl marwan-nasan səssugin iman-nasan.

²² Awedan kul a kawan-igzər fəlas kawan-iwar esəm-in, mişan wa daş-wan izmaran har təzərət, wədi ad ixləs.

²³ As tətawasasam daş əxrəm taddarragam s iyyan. Əggəyyeş əsilakanax-awan as wər du-za-təşradam işərman n İsrayil harwa da as du-z-əqqəla nak Ag Aggadəm.»

²⁴ «Attalami wər oger əşşex-net, wala dəş ogar əkli məşşis.

²⁵ İgda y attalami ad agdu d əşşex-net, akli dəş igd-as ad agdu əd məşşis. Dad zamas əmuzar n aşaywan əgan-as esəm Aşşaytan ən Başalzabul, manəmmək as wər z'agin arak batuten i kəl aşaywan-net?»

A kawan-wər-təggəz tasa

²⁶ «Daş adi a tan-wər-tiksadam. Arat kul wa işbaran ad itəwəsənəfiləl, amaran əssir kul ad affaggu.

²⁷ Arat wa dawan-ənne daş şiyay, anniwat-tu ezal a mallan. Amaran arat kul wa dawan-itawasataktakan anniwat-tu s afalla.

²⁸ Ad wər tiksadam win naqqinen təşəsa n awedan şas, amaran wər əfregan aşşud ən wala i man-net. Kalar iksadat Məşşina a ifragan ahluk ən təşəsa harkid man, aggadl-en daş Jahannama.

²⁹ Awak wərgeş əşşin gədad tefelt iyyadda a nazzan? Dər iga awen da za, wər tan-iha i z'əgmədan man ar əs turagat n Abba-nawan Məşşina.

³⁰ Kawanay amaran wala anzadan ən şafawan-nawan da kul əddunan.

³¹ Daş adi ad wər tiksadam wala, fəlas şur Məşşina togaram igədad əlqimat!»

Şaysa ilas awal daş batu n awa z'agin fəl nalkiman-net

³² «Awedan kul wa iggəyyen dat aytedan as nak a t-ilan, wədi nak da a fall-as aggəyyeş dat Abba-nin ihan işənnawan.

³³ Mişan wa di-inkuran dat aytedan, wədi nak da ad t-unkarax dat Abba-nin ihan işənnawan.»

³⁴ «Ad wər təşilam assa a d-əgeş ewāya-du alxer s əddənət: kala kala wər d-ewayax alxer, əməgər a d-ewayax.

³⁵ Ose-du y ad zənnəməzrəyax ələs d abba-net, zənnəməzrəya təbarart d anna-net, zənnəməzrəya dəş tədaggal əd təntut ən barar-net,

³⁶ əqqələn kəl aşaywan n awedan izənga-net.

³⁷ I igan y abba-net madəş anna-net tara togarat ta di-iga, wədi wər ihor əd tişit n ənalkim-in. I igan i barar-net madəş təbarart-net tara togarat ta di-iga, wədi wər ihor əd tişit n ənalkim-in.

³⁸ I wər nədkel təgəttawt-net, agu imateran-net, ilkəm-i, wədi wər ihor əd tişit n ənalkim-in.

³⁹ Awedan wa wər nəkəttəw ar iman-net daş əddənət ta, wədi ad affatu daş əlxirat. Amaran wa iqbala ad isaffatu iman-net daş əddənət ta fəl əddəlil-in, wədi a tan-igrəw.»

⁴⁰ «I dawan-igan isəxlak, wədi nak as tan-iga, amaran i di-tan-igan, wədi wa di-d-izammazalan as tan-iga.

⁴¹ I igan isəxlak y ənnəbi ən Məşşina fəl tişit-net ənnəbi, wədi ad igrəw arozan win igarraw ənnəbi. Amaran i igan isəxlak y əlxadil ən Məşşina, fəl əddəlil ən təlxudəla-net, wədi ad igrəw arozan win igarraw əlxadil.

⁴² Əggəyyeş əsilakanax-awan as, i işşəşwan wala ablu n aman sammodnen y iyyan daş nalkiman-in win ogarnen təmmədrəyt, fəlas imos ənalkim-in, wədi illikan as ad igrəw arozan-net.»

11

Awa d-izdaran

¹ As işrad Şaysa ammar ən nəttulab-net win maraw d əşşin, ifal edag wen, ad isasaşru itaggu təlxutbat daş şərman win əhanen akal wen.

Idufan aggotnen win tawagganen daɣ əsəssəxri ən Ƴaysa

Ƴaysa əd Ƴaxya wa isalmaɣan aytedan daɣ aman

² Ƴaxya wa isalmaɣan aytedan daɣ aman, iha kasaw as isla awa itaggu Ɛlməsix, izammazal-du sər-əs arat daɣ attalamitan-net,

³ y ad t-əssəstənan annin-as: «Ak kay a imosan was nəqqəl y a d-asu, meɣ ak ad nəqqəl y iyyan?»

⁴ Ijjəwəb-asan Ƴaysa inn-asan: «Ɛqqələt Ƴaxya təssuɣələm-as awas təsallim, d awa təhannayam, tannim-as:

⁵ Iməddəɣal əhannayan, inəbdan jawanken, aytedan win igraw kətru əzzayan zad-dogan, imzagan əgrawan tesalay, inəmməttan nakkaran-du daɣ təməttant, šiləqqawen deɣ sallanat y Ɛlinjil.

⁶ Ibbilal awedan wa wər igmed əzəgzan-net fələs wər iga aššak daɣ awa əmosa.»

⁷ As əɣlan attalamitan ən Ƴaxya, issənta Ƴaysa amagrad i tamattay daɣ batu ən Ƴaxya, inn-asan: «Ma imos arat was təkkam əsuf y a tu-tənəyam? Awak telant isiwəliwil ədu? Kala!

⁸ Daɣ adi ma imos wa təkkam y a t-id-tənəyam? Awak aləs ilsən tabdoq təknat šihussay? Kala! Ɛnəyat za, aytedan win əqqannen šibədday šin hossaynen, win di inan ən mənokalan a əhan.

⁹ Adi za ma təkkam y a t-id-tənəyam? Awak ənnəbi? Wəllen z'əs ənnəbi. Amaran Ƴaxya oɣar tišit n ənnəbi fadda.

¹⁰ Fələs Ƴaxya ənta a fəl ənnan Ɛlkəttaban: "Ɛnəy za nak a dat-ək assaglay *anammazul-in a z'aknin tarrayt-nak.*"

¹¹ Ɛgəyyeɣ əsilakanax-awan as wər kala a d-ihəw awedan oɣaran Ƴaxya wa isalmaɣan daɣ aman. Dər iga awen da wala ɣas wa oɣaran təmmədrəyt daɣ Taɣmar ta n jənnawan, da oɣar Ƴaxya.

¹² A d-obazan ɣur adan win daɣ itaggu Ƴaxya wa isalmaɣan daɣ aman təlxutbat, har harwa da, Taɣmar ta n jənnawan təmiqqas əd tallabəst təssohet, gammayan kəl əššur d abbaz-net.

¹³ Amaran Ɛlkəttaban n Ɛnnəbitan kul d Ɛttawret, əməlan Taɣmar ta n Məššina, har azzaman ən Ƴaxya.

¹⁴ Kud təqbələm awa dawan-ənnəɣ əddi, wədi əssənət as Ƴaxya, ənta a imosan Ilyas was ittəmal assa-net.

¹⁵ Wa isallin, issəsəmet!»

¹⁶ «Mas z'ammattalax aytedan n azzaman win nəha da? Olən əd bararan əqɣimnen daɣ əssuk, saɣaren i midawan-nasan,

¹⁷ gannin-asan: Nəwat-awan tende, mišan wər təwəɣam! Nəg-awan isakkan ən təfəyyawt, mišan wər təlem!

¹⁸ Ɛnnəɣ-awan adi fələs Ƴaxya osa-du, wərməd itattu za wər isəssu, təzzar ənnan aytedan: Aljayn a t-izdayan.

¹⁹ Amaran, nak Ag Aggadəm, ose-du ətatta əsassa, mišan ənnan aytedan: "Ɛnawət aləs wen n amawwalay en, isassin esmad s igət, imos əmidi ən nabazan ən takəsən d ark aytedan!" Masnat ta du-təfalət Məššina amaran, imazalan n aytedan win əhanen tarrayt ta n Məššina a sataddinen aqqad-net.»

Ɛrruɣmatan win iga Ƴaysa i ɣərman win ənkurnen ammaran-net

²⁰ Təzzar issoɣal Ƴaysa təgna labasat i ɣərman win daɣ əganat taššam ən təlməɣjujaten, id tətəbt a wər əgen.

²¹ Inna: «Iket alɣazab iqqəl-awan kəl-aɣrəm ən Koradzin! Iket alɣazab iqqəl-awan kəl-aɣrəm ən Betsayda! Fələs təlməɣjujaten šin ɣur-wan əganən ənnar əgənət daɣ əɣrəm ən Tir əd wa n Sidon, wədi irəw as əqqanan isəlsa ən bəhu əqɣiman daɣ eɣəd, imos awen əsənnəfiləl n as əhdən.

²² Awen daɣ a fələs ənnəɣ-awan: Alɣazab wa za tagim əzəl wa n tabadday ad aɣər wa z'agin aytedan n əɣrəm ən Tir əd wa n Sidon.

²³ Kawanay aytedan n əɣrəm wa n Kafarnahum, adis ad tammadkalam s aljannat? Kalar Jahannama a daɣ za tətəwəgaram, fələs təlməɣjujaten šin ɣur-wan əganən əs ənnar əgənət daɣ əɣrəm ən Sədom, wədi har azalada ill-ay.

²⁴ Awen daɣ a fələs ənnəɣ-awan: Alɣazab wa za tagim əzəl wa n tabadday ad aɣər wa z'agin aytedan n akal ən Sədom.»

Ɛmmək was za nakkawan i Ƴaysa

²⁵ Iгла Ҷайса ишшӯвал инна: «Егеҕ-ак тёммален яа Абба, Эмәли ән јөннawan d амадал фәл аҕабар wa төгөҕ арatan win i musanan, әd malan ән tayttay, тәсаннафалалақ-қан y аytedan win wәр nәzlay әd bararan;

²⁶ id adi da a imosan agna-nak ya Abba!»

²⁷ «Arat kul ig-ay Abba-nin daҕ әfus-in, wәр t-illa i issanan awa әmosa ar Abba, wәр t-illa deҕ i issanan awa imos Abba ar nak an Barar-net d awedan was areҕ a das-tu-sәnnәfilәla.

²⁸ Akkiwat-i-du ketnawan win әddaznen, ewayan әzuk, a kawan-akfa тәсанfawt.

²⁹ Bardagat-i tәlkamam i tara-nin, tabәzlam fall-i masnat, id nak mәššis әn talmat a mosa, әwәl-in deҕ wәр t-iha zazwar әn man. Eddi ad za tәgrәwam тәсанfawt i man-nawan,

³⁰ fәlas lәkkum i tara-nin isinaflay, әgәggi-nin deҕ i fәsusan.»

12

Tamazaq daҕ batu n әzәl wa n тәсанfawt әn Kәl-Әlyәhud

¹ Azzaman en da, әzәl iyyan әn тәсанfawt әn Kәl-Әlyәhud, issiwal Ҷайса шiwәgas n alkama әnta әd nәttulab-net. Iggaz gәlәk inәttulab-net, a du-rassaban шixayәnen, tattin-tanat.

² As әnayan Farisaytan awen, әnnan i Ҷайса: «Әnәy! Inәttulab-nak taggin arat xarәman daҕ әzәl wa n тәсанfawt.»

³ Inn-asan Ҷайса: «Ak тәxaray a wәр төgem awa ига әnnәbi Dawәd assayә wad t-iggaz gәlәk, әnta әd midawan-net?

⁴ Awak wәrgеҕ игuz a әgan ehan әn Mәššina, әtšan шigәlwen шin әmosnen takutay тәskәtat i Mәššina, imos awen arat fall-asan xaraman? Шigәlwen шin den ilimaman җas as тәxalal tattay-nasnat. Awak тәxaray a wәр төgem adi?

⁵ Meҕ ak тәxaray a wәр төgem daҕ Әttawret as әzәl wa n тәсанfawt, ilimaman wәр әssәfraran әššәredan n әzәl wa n тәсанfawt id әzәl wәdi шаqqalan daҕ Ahan wa Zәwwәran n Әlyәbada, mišan wәр fall-asan imos awen lahan?

⁶ Eггәyеҕ-awan as wa illan da, ogar Ehan wa Zәwwәran n Әlyәbada.

⁷ Әnnar tәgrәm almaҗna әn batu ta тәnnat: "Nak тәhanint a areҕ, wәrgе takutay." Wәdi wәр za тәbәzlam s әššәriҗa аytedan wәр iwer lahan.

⁸ Enney-awan adi fәlas nak Ag Aggadәm a ixkaman fәl әzәl wa n тәсанfawt.»

⁹ Ifal Ҷайса edag wen, ikka ehan n әlyәbada әn Kәl-Әlyәhud n әxрәm wen da.

¹⁰ Ehan wen ih-ay alәs as immüt әfus-net. Әnnan Farisaytan i Ҷайса: «Ak xalal әuzәy n awedan daҕ әzәl wa n тәсанfawt?» Arat wen imos тәnagmayt a das-әgәn fәl ad т-әbәzlan s әššәriҗa.

¹¹ Inn-asan Ҷайса: «Mәni daҕ-wan wa z'ilән tilay iyyadda, amaran тәqqәl anu daҕ әzәl wa n тәсанfawt, aqqam wәр daҕ-as tat-d-ikkes?

¹² Awedan za, ogar tilay almaqam wәllen! Daҕ adi xalal иги әn тәnfа y awedan daҕ әzәl wa n тәсанfawt.»

¹³ Tәzzar inna Ҷайса y alәs wa: «Ezzәl әfus-nak.» Izzal-tu, izzay, ola әd wa hadan.

¹⁴ Eglan Farisaytan, ad timәšәwwiran fәl тәмәwit tas z'agin iman әn Ҷайса.

Ҷайса, әnta a imosan Әnaxbid wa imal әnnәbi

¹⁵ As isla Ҷайса awen, igmad edag wen. Tәlkam-as tamattay тәgget. Izzozay imiranan kul.

¹⁶ Mišan irҗam-asan fәl amel y awedan waliyyan awa imos.

¹⁷ Arat wen ига fәl ad andu awal wa ига әnnәbi Isayas as inna:

¹⁸ Әnta da әnaxbid-in wa sannafraana, s әnta a әkney tara, isifalawas iman-in. A fall-as du-zazzәbbe Infas-in di Zәddigan, ad immal i тәмattiwen n әddәnet kul әššәriҗa wa-nin.

¹⁹ Wәр z'ammatan d awedan waliyyan, za wәр fall-as z'isәxәрәt, wala aslin-as аytedan isәwal daҕ tarrayen.

²⁰ Wәр z'arzu alawag әn telant illigwen, za wәр z'anҗu fәtәla тәbukat i тәмattant; almaҗna as wәр z'agu тәkma waliyyat i nәrkam. Awen daҕ a z'itaggu iket wәр issәbdad әššәriҗa;

²¹ aginat daҕ-as tamattiwen n әddәnet kul attama-nasnat.

Әmәqqәs әn Ҷайса әd Farisaytan

²² Tәzzar immeway-du alәs iyyan әs Ҷайса, as immidad әmi-net, imos deҕ әmәdderҗәl, fәlas aggәsuf a t-izdaҗan. Izzozay Ҷайса alәs wen, ишшәwal iswad deҕ.

²³ Isimaklal awen wәllen әs tamattay ketnet, ad тәgannu: «Ma iqqal ak Ag әnnәbi Dawәd wa әttәmalan awa?»

²⁴ Mišan as ešlan Farisaytan y awen, ənnan: «Aləs en Aššaytan Bağalzabul wa n əmənokəl ən kələsuf a t-ikfan fərregat n ikus ən kələsuf dağ aytedan.»

²⁵ Mišan ya issan Ƴaysa dağ awa samadranan, inn-asan: «Tağmar kul tas əmməgaran məssawəs gar-essan, tədi əbərəjji a za tagu. Wər t-illa əğrəm, wala değ ağaywan, as z'ammazrayan məssawəs, aqqam wər ibarəjjat.

²⁶ As imos as Aššaytan isattay iman-net, wədi iman-net a dər imməgar. Dağ adi manəmmək as za tihag tağmar-net?

²⁷ Amaran kud nak tarna ən Bağalzabul as takkasax kələsuf dağ aytedan, inalkiman-nawan za, ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əššərixa.

²⁸ Mišan as imos as Infas ən Məššina as takkasax kələsuf dağ aytedan, wədi Tağmar ta n Məššina tos-iwan-du.

²⁹ Wər t-illa i ifrəgan iguz n ahan n aləs n əməqqrəd, iğrəd aqqa ən təla-net, ar s ad t-ikrād təzzar. Dəffəs as t-ikrād amaran ad z'ifrəg aqqa ən təla-net.

³⁰ Wa dər-i wər nəddew, wədi azangaw-nin a imos, wa di-wər-nəllil değ s əšidəw, wədi əzəwwəziwəz a itaggu.»

³¹ «Awen da fəl dawan-ənnəx: A iqqal abakkad, wala alfawaxiš, kul ad təwəsürəfan y awedan, mišan ikus ən tarna y Infas wa Zəddigan, ənta wər z'itəwəsürəf y awedan.

³² As di-ibyak awedan nak Ag Aggadəm, ifrəg ad iğrəw təsureft, mišan as ibəyak awedan Infas wa Zəddigan, wərmad z'igrəw təsureft dağ əddənət, za wər tat-z-igrəw dağ alaxirat.»

³³ «As təlam ašək isxân, a dağ-as təgrəwam əratân olağnen, as təlam ašək wər nəsxə, a dağ-as təgrəwam əratân əbrarnen; fəlas əratân win itaraw ašək, əntanay as itawazday.

³⁴ Xa taššolen šin da! Manəmmək as za tannim a olağan, ənta kawanay təknâm tallabast? Wərgəx awa idkaran əwəl n awedan, ənta a d-igammadan imi-net?

³⁵ Awedan wa olağan, əlluğ wa ihan əwəl-net a dağ d-itakkas awa olağan, mišan anallabus ənta, talbast ta təhat əwəl-net a dağ d-itakkas awa labasan.

³⁶ Amaran nak ənnəx-awan əzəl wa n tabadday awedan kul kundaba ibdad fəl batuten ən bannan šin iga.

³⁷ Fəlas awalan-nak a kay-tagaznen dağ əššərixa, amaran əntanatay harwa da a kay-tabaznen s əššərixa.»

³⁸ Ənnan arət dağ musanan n Əttawret əd Farisaytan: «Əššex, nəra dağ-ak a dana-tassakna təlməxjujat təmosat alğalamat.»

³⁹ Inn-asan Ƴaysa: «Aytedan n azzaman win, inəllubas, wər nəksud Məššina, amaran gammayan təlməxjujat! Kala! Təlməxjujat ta dasan-tətawaggat iyyadda ɣas, a tat-imosan ta n ənnəbi Yunəs.

⁴⁰ Ənta əmmək wa dağ as iga Yunəs karad jilan, əd karad hadan dağ tədist ən kifi wa zəwwəran, əmmək wen dağ as nak da Ag Aggadəm ad aga karad adan gər mawetan n amaɖal.

⁴¹ Əzəl wa n tabadday, ad d-ənkəran aytedan n əğrəm ən Ninif, əzzəbəzan aytedan n azzaman win y əššərixa fəlas əntanay əhəddi a əgan əzəl wa dasan-iga Yunəs təlxutbat, imal-asan awal ən Məššina. Əssənət za as, wa illan da əmərədda, oğar Yunəs mišan tugayam əs tətubt.

⁴² Əzəl wa n tabadday, a du-tənkər təmənokalt tas kala təxkam fall akal n agala igân esəm šəba, taggayat fəl aytedan n azzaman win, təzzəbəz-tan y əššərixa fəlas d ad iraz amaɖal a du-təgməd fəl ad təsəsem y awal ən təla n əgərri wa itaggu əmənokəl Suliman. Əssənət za as, wa illan da əmərədda, oğar ənnəbi Suliman mišan tugayam s a das-təssəsəmam.»

⁴³ «As igmad əggəsuf awedan, iras əggəsuf wen idaggan əqqurnen igammay id imal, iqqim wər t-igrew,

⁴⁴ ad annu dağ man-net: "Nak a za, ad əqqələx ehan-in wa d-əgmada." As t-id-iqqal a t-id-asu wər itawaggaz, ifrād, iğrəd amaknaw.

⁴⁵ Təzzar aglu idaw-du d əssa kələsuf wiyyad a t-ogarnen tallabəst, əggəzan awedan wanād, əzdəğan-tu. Tagu tağara n awedan wen ağşud oğaran was kala tu-təga. Awen da a z'igrəwan inəllubas n azzaman win.»

Anna əd mədrayan ən Ƴaysa win tidət

⁴⁶ A išşewal Ƴaysa i tamattay den da, təlla anna-net den əd mədrayan-net. Əbdādan sədi dat ahan, ərān a das-annin arət.

⁴⁷ Inna awedan iyyan i Ƴaysa: «Ənəy, anna-nak əd mədrayan-nak, əbdādan-ak dat ahan ərān a dak-annin arət.»

⁴⁸ Inn-as Ƴaysa: «Ma imosan anna-nin? Ma imosan imədrayan-in?»

⁴⁹ Təzzar izzal Ƴaysa ifassan dənnəg nəttulab-net, inna: «Ənəyat, anna-nin əd mədrayan-in əntanay da,

⁵⁰ id awedan kul wa itamazalan tara n Abba-nin ihan ijənnawan, ənta a imosan amədray-nin, madəx təmadrayt-in, madəx anna-nin.»

13

İsəssəyri wa n karad: Əlmitalan daɣ batu ən Taymar ta n Məşşina

Əlmital wa n ənanbal n amasa

¹ Əzəl wen, igmad Ƴaysa ehan, igla, iqqim daɣ təgadamayt n agaraw.

² Təddew-du fall-as tamattay tagget, har as iggaz aɣlal n aman iqqim daɣ-as, təbdad tamattay ketnet daɣ təgadamayt n agaraw.

³ Imməgrad-asan daɣ aratan aggotnen s əlmitalan. Inn-asan: «Kala ad ikka əmagyak iyyan tawagost-net, y a tat-inbəl.

⁴ Daɣ anabal wa itaggu den imosan anabas n amasa, ərtaknat təblalen şiyvad fəl tama ən tarrayt, osan-du gədad, ətşan-tanat.

⁵ Şiyvad ərtaknat daɣ adag əhanat təhun, amaran wər t-iha amaɣal igdân. Idwal-du amasa wen tarmad, fəlas wər daw-əs illa amaɣal aggen.

⁶ As təggəzzay təfuk, təssəqqəd awa d-idwalan daɣ amasa wen. Iqqur fəlas ikewan-net a wər nəggug daɣ amaɣal.

⁷ Şiblalen şiyvad ərtaknat daɣ təfəssaɣ. Ədwalnat təfəssaɣ şin, əlmaznat amasa wa d-idwalan den.

⁸ Mişan ya arat daɣ təblalen en irtak daɣ amaɣal olaɣan. Igməd-du, idwal, iga şiyaɣanen. Şiblalen şin den akkiyyat teraw temeday ən tablalt, şiyvad sədisat təmərwen, şiyvad karadat təmərwen.

⁹ Wa isallin, isəsəmet!»

Əddəlil wa fəl itaggu Ƴaysa əlmitalan

¹⁰ Dəffər awen əhozan-t-in nəttulab-net ənnan-as: «Mafəl tətamagrada y aytedan win s əlmitalan?»

¹¹ İjjawwab-asan Ƴaysa inn-asan: «Taggaɣ-asan əlmitalan win, id kawanay təgrâwam masnat daɣ əssiran ən Taymar ta n jənnawan, əntanay amaran wər tat-əgrewan.

¹² Fəlas wa ilan, a das-itəwəşitu awa ila, annaflay. Wa wər nəla amaran, arat n awa ila da a daɣ-as attarmas.

¹³ Awen da a fəl dasan-tamagrada s əlmitalan, id əswâdan mişan wər hənneyan, əssisaman mişan wər sallin, za wər gərrin.

¹⁴ Əntanay a fəl tənda batu ta iga ənnəbi İsayas assaɣa wad inna: "Ad taknim əsəsəm, mişan wər za tagrim wala. Taknim asawad mişan wər za tənəyam wala.

¹⁵ Fəlas iwallan ən tamattay ta ab'as əlan tafəryət, əngəm agrin. Əgan iman-nasan imzagan, şittawen-nasan deɣ əɣmasan-tanat, fəl ad ib'as hannayan əs şittawen-nasan, ib-as sallin əs təməzzugen-nasan, ib'as gərrin əs wallan-nasan. Uğayan əs tətubt, əngəm əzzuzəyaq-qan.»

¹⁶ «Kawanay amaran təbbilalam id şittawen-nawan əhannaynat, təbbilalam id şiməzzugen-nawan sallinat.

¹⁷ Əggəyyeɣ əsilakanəɣ-awan as sidaranan ənnəbitan aggotnen d aytedan win oɣadnen aggotnen anay n awa təhannayam, mişan wər t-ənayan, sidaranan deɣ tesalay y awas təsallim, mişan wər das-əslen.»

İsəssəyri ən Ƴaysa əlmital wa n ənanbal n amasa

¹⁸ «Daɣ adi kawanay səsəmat y almaɣna n əlmital wa n ənanbal n amasa.

¹⁹ Amasa wa irtakan fəl tama ən tarrayt, əlmital a imos n awedan wa islan i salan ən Taymar ta n Məşşina wər tan-igra, asa-du İblis ikkəs awa itawanbalan daɣ əwəl-net.

²⁰ Amasa wa irtakan daɣ amaɣal əhânat təhun, əlmital a imos n awedan wa islan y awal ən Məşşina, iqbəl-tu əddi da əs man filawasnen,

²¹ mişan wər ila awen ekay. Awedan wa wər imos ar məşşis ən təmazayen. Igda ɣas a tu-təməl təssust, madəx təddəguzt təgât fəl əddəlil n Awal ən Məşşina, ad ayyu əzəgzan əddi da.

²² Amasa wa irtakan daɣ təfəssaɣ, əlmital a imos n awedan wa islan y Awal ən Məşşina, mişan aşşawaşatan n əddənət, d adakal wa təga təgərgist n əddənət tayttay-net, əssəfalan-du dənnəg Awal wen, igdal-as awen a d-awəy tənfa.

²³ Amasa amaran wa irtakan daɣ amaɗal olaɣan, əlmital a imos n awedan wa islan y Awal ən Məššina, igr-ay. Awedan wədi a d-awəy tənfa təmosat temeday n ənətfus, iyyat təqqəl sədisat təmərwen, iyyat amaran təqqəl karadat təmərwen.»

Əlmital wa n alkama d arak yel wa daɣ-as d-idwalan

²⁴ Iga Ƴaysa i tamattay əlmital iyyan. Inna: «Taɣmar ta n jənnawan təha əlmital n aləs inbalan amasa olaɣan daɣ tawagost-net.

²⁵ As ənsan aytedan osa-du azangaw-net, inbas ark amasa daɣ təwagost ten, ijawankat.

²⁶ As tədwal tawagost, təga šiɣaxanen, inafalal-du ənta da ark amasa wanad.

²⁷ Osan-du eklan n aləs wa ilan tawagost ten, ənnan-as: "Məššikkana, wərgəɣ amasa wa olaɣan a tənbala daɣ tawagost-nak? Ənnəs za taɣara n arak yel wa daɣ-as d-idwalan den?"

²⁸ Inn-asan aləs wen: "Adi azangaw-nin iyyan a t-igan." Ənnan-as eklan: "Məqqal tareɣ ad naɣlu nəxrəd-du alabay ən yel wa wər noləɣ ən?"

²⁹ Inn-asan: "Kala! Fəlas təksəda a əgəɣ a tu-tənakkadam har ammarsal alkama iman-net.

³⁰ Ayyiwat-tan ad ədwələn kul har du-tawəd ɣarat. As inta əmiləy ən təwəgas, ad annaɣ i maššaxalan win talaynen, ad izaran s arak yel wa, har t-əɣrədan tewaynay iqqəl şibolasen, itəwəsəqqəd, alkama amaran aɣin-tu daɣ tədangawt-in.»

Əlmital wa n təblalt n amasa ən mutard

³¹ Ig-asan Ƴaysa əlmital iyyan, inn-asan: «Taɣmar ta n jənnawan tola d amasa n annabat igən esəm mutard inbal awedan daɣ tawagost-net.

³² Amasa wa n mutard ənta a ogaran imasan kul təmmədrəyt. Mišan as idwal, ad aɣər annabatan kul win fərgan, iqqəl ašək, har as a d-asin gəɗad ad taggin şisəllula daɣ zələn-net.»

Əlmital wa n xamira

³³ Ig-asan əlmital iyyan, inn-asan: «Taɣmar ta n jənnawan tola əd xamira tərway təntut daɣ karadat innafaɣaten n aɣel n alkama har ikuf aɣel ketnet.»

Əddəlil wa fəl itaggu Ƴaysa əlmitalan

³⁴ Aratan win den kul igann-en Ƴaysa i tamattay s əlmitalan. Wər dasan-inna arat waliyyan wər nəmos əlmital,

³⁵ fəl ad andu awal ən Məššina wa imal ənnəbi assaɣa wad inna: «Ad aray imi-nin, aššiwala s əlmitalan, əməlay aratan win əɣbarnən harwa ɣur ənətti n əddənət.»

Əsəssəgri n əlmital wa n alkama d arak yel wa daɣ-as d-idwalan

³⁶ Dəffər awen ifal Ƴaysa tamattay, igla ikka ehan. Əhozan-t-in nəttulab-net ənnan-as: «Sassagr-anax əlmital wa n arak yel wa d-idwalan daɣ tawagost.»

³⁷ Inn-asan: «Wa inbalan amasa wa olaɣan, adi Ag Aggadəm.

³⁸ Tawagost, adi əddənət, amasa wa olaɣan amaran immittal aytedan win əbbərdəgnən i Taɣmar ta n Məššina, arak yel immittal aytedan win əlkamnen i tarrayt ta n Iblis.

³⁹ Azangaw wa inbalan ark amasa, adi Iblis, ɣarat amaran adi əzəl wa n tabadday. Aytedan win talaynen, adi angalosan.

⁴⁰ Ənta əmmək wa daɣ as d-itawankad arak yel daɣ tawagost, itəwəsəqqəd, əmmək wədi daɣ a z'itəwəggin əzəl wa tabadday y aytedan.

⁴¹ A d-assagla nak Ag Aggadəm angalosan-in a z'əkkəsnen daɣ Taɣmar-in aratan kul win takkasnen əzəgzan daɣ aytedan, d aytedan win nəmməzray ən Məššina.

⁴² Təzzər əgəran-tan daɣ amahander ən təmsay, ad hallin əddadan idədwən-nasan fəl təmagraz.

⁴³ Əddi daɣ ad z'əgin aytedan win oɣadnən əmələwləw wa n təfuk, daɣ Taɣmar ta n Məššina di n Abba-nasan. I isallin aslet!»

Əlmital wa n ərrəzəɣ iɣbāran

⁴⁴ «Taɣmar ta n jənnawan tola harwa da d ərrəzəɣ iɣbāran daɣ tawagost, isaffag-ay d awedan iyyan, ilas-tu aɣabar. Awa iga daɣ təfalawist, igla izzən-z-in awa ila kul izzənza tawagost ten.»

Əlmital wa n əljuhər wa n ələsəl

⁴⁵ «Taɣmar ta n jənnawan tola harwa da d amassatag igammayan əljuhər wa ihossayan.

⁴⁶ As igraw əljuhər iyyan ihossayan, wa n ələsəl, igla izzən-z-in awa ila kul izzən-z-ay.»

Elmital wa n sangay wa n abbaz en kifitan d almayna-net

⁴⁷ «Taɣmar ta n jənnawan tola harwa da əd sangay zəwwəran n abbaz en kifitan itiwagaran daɣ agaraw, obaz-du kifitan əmosnen əzzənəfan.

⁴⁸ As idnay, ərkaban-t-idu nabazan en kifitan əs təgadamayt, əqqiman, ədkalan-du izmaman a daɣ-san taggin kifitan win olaynen, əggaran-in win wər nənfa wala.

⁴⁹ Awen daɣ a z'əgin əzəl wa n tabadday. A d-asin angalosən, əskətan-in inəmməzray en Məššina, zəmməzəyan-tan d aytedan win oɣadnen,

⁵⁰ əgəran-tan daɣ amahander en təmsay, ad hallin əddadan idədwan-nasan fəl təmagraz.»

Elmital wa n məššis n aɣaywan

⁵¹ Iɣla Ƴaysa iššəwal inn-asan: «Ak təgrâm awa ənne da kul?» Ənnan-as: «Awalla.»

⁵² Təzzar inn-asan: «Daɣ adi, əmusan n Əttawret kul wa itawasasayran y ad iqqəl ənalkim en Taɣmar ta n jənnawan, ola əd məššis n aɣaywan, a d-itakkasan daɣ təlanet aratan win aynaynen əd win waššarnen isataɣmal-tan.»

Awa d-izdaran

⁵³ As iɣrad Ƴaysa əsəssəɣri wa iɣan s əlmitalan en, igmad akal wa ihozan agaraw, iɣla.

İsəssəɣri en Ƴaysa, ittəy ətəwəššak-net

Iba n əzəgzan daɣ Nazaret

⁵⁴ As d-osa aɣrəm wa daɣ idwal ad isasayru aytedan daɣ ahan-nasan wa n əlɣibada. Awa sər-san iga awen daɣ əsəmməkləl, har əqqiman gannin: «Mənīs t-idu-təggaz masnat togdat d awa, əd təlməxjujaten šin itaggu da?»

⁵⁵ «Ak awa wərgəɣ ag aləs wa ikarrasan inan? Wərgəɣ anna-net esəm-net Maryama, imədrayan-net iyyan Yaqub, iyyan Yusəf, iyyan Simɣon, iyyan Yahuza?

⁵⁶ Wərgəɣ šimədrayen-net kul əllanat ɣur-na? Daɣ adi məni iguz wa das-d-əgan aratan win da kul?»

⁵⁷ Awen daɣ a dasan-igdalan əzəgzan sər-əs. Mišan inn-asan Ƴaysa: «Ənnəbi wər itəwəlku ar daɣ aɣrəm wa daɣ idwal d aɣaywan-nasan.»

⁵⁸ Amaran iqqim da wər iga təlməxjujaten aggotnen daɣ adag wen, fəlas əzəgzan a sər-əs wər əgen aytedan win den.

14

Ətəwənɣay en Yaxya wa isalmaɣan aytedan daɣ aman

¹ Azzaman en da a daɣ isla Herod Antifas wa n əmuzar n akal en Galilaya, isalan en Ƴaysa.

² Təzzar inna Herod y aytedan-net: «A iɣan da Yaxya wa isalmaɣan aytedan daɣ aman, a d-inkaran den daɣ təmattant! Awen da fəl ila tarna n igi en təlməxjujaten.»

³ Arat wen inn-ay Herod fəlas azzaman dat awen omâr s ətərməs en Yaxya, itawakrad itawagga daɣ kasaw, fəl əddəlil en Herodəyas təmosat taɣur Filibus imosan amadray en Herod a da,

⁴ fəlas Yaxya a igannin i Herod: «Xaram fall-ak azalaf en təntut di.»

⁵ Eway-du awen əs Herod as ira ikus en man en Yaxya, mišan iksud tamattay təgât i Yaxya iduf n as ənnəbi a imos.

⁶ As d-iɣlay əzəl wa n təhəwt en Herod, isassaga saksas, təga elles en Herodəyas eweɣ iknan šihussay dat naftayən. Təzzar oggām-tat Herod

⁷ har as ihad-as âs, a das-əgu arat kul wa daɣ-as təgmay.

⁸ As təššəwwar anna-net tənn-as ad tannu i Herod eɣaf en Yaxya a təra. Tənkər təbarart tənn-i Herod: «Akf-i attabla da da iha aɣaf en Yaxya wa isalmaɣan aytedan daɣ aman.»

⁹ Arat wa təgmay təbarart ten eway-du s əmənokal Herod as əxšadan man-net. Mišan omar s a das-itəwəggu arat wa təgmay den, fəl əddəlil en təhuday ta das-iga d əddəlil en naftayən-net.

¹⁰ Issəgla awedan y a d-ifrəs eɣaf en Yaxya daɣ kasaw.

¹¹ Immeway-du aɣaf n ənnəbi en daɣ attabla, itawakfa i təbarart, təzzar təkf-ay y anna-net.

¹² Osan-du nalkiman en Yaxya ədkalan təxəssa-net, ənbalan-tat-in. Əgla əmalan i Ƴaysa.

İsətši wa iga Ƴaysa səmmos gim n aləs

¹³ As isla Ƴaysa isalan win, igmad edag wen, iha aɣlal n aman. Iгла ɣas-net ikka edag issufan a din-ikitayyen. Təsla tamattay ta təhat šigarmaten šin ɣələyɣələyan awen, təkam-as idaran-net.

¹⁴ As d-izzabbat aɣlal inay tamattay tagget, təggaz-tu təhanint-net, ad izuzəy imiranan-nasan.

¹⁵ As təga takəst, əhozan-t-idu nəttulab-net ənnan-as: «Edag issufan awa, amaran əzəl igla, daɣ adi suɣəl tamattay a, ad təgməy id təzzənza a tətša daɣ təɣarmaten.»

¹⁶ Inn-asan Ƴaysa: «Wər təga addararat s ad aɣlin, šatšat-tan kawanay iman-nawan da!»

¹⁷ Ənnan-as: «Nakkanay ya wər nəla da ar səmmosat təgəlwen d əššin kifitan.»

¹⁸ Inn-asan Ƴaysa: «Awəyat-i-tan-du.»

¹⁹ Omar tamattay s ad taqqam daɣ yel illan den, təzzar idkal səmmosat təgəlwen šin den d əššin kifitan win, iggəzzay ijənnawan, iga igodan i Məššina. Ikaramkaram šigəlwen šin den, ikf-enat i nəttulab, a tanat-tuzanan i tamattay.

²⁰ Ətšan aytedan en ketnasan har əyyəwanan. Əššədawan-du nəttulab ikarammutan win du-tawaglaznen, ədnayan maraw əzmaman d əššin.

²¹ Aytedan win ətšanen den əmosan edag ən səmmos gim n aləs, əllanat deɣ tədoden den əd bararan.

Əjəwənk i Ƴaysa fəl aman

²² Wala a ihogan omar Ƴaysa inəttulab-net s ad əggəzan aɣlal n aman izaran-as-in əs təgadamayt ta hadat n agaraw iket di ad itasallam tamattay.

²³ As əɣradan aytedan teklay, iggəzzay Ƴaysa adɣaɣ y ad agu šiwatriwen daɣ adag ikitayyan. Illa den da ɣas-net har iga ahad.

²⁴ As itaggu awen da aɣlal iggug-in daɣ agaraw, əbbatnat-tu tənazzamaren sa əd sa fəlas aɣu issohen a dər imməqqas.

²⁵ As təga tilkamət n ahad, ikka-du Ƴaysa inəttulab-net ijiwankat fəl aman.

²⁶ As t-oggan ijiwankat-du fəl aman, ərmaɣan. Ənnan: «Awen aggəsuf!» Sakkarayan fəl awa əgan daɣ tərəmməq.

²⁷ Mišan tamazayt ten da a dasan-iššəwal Ƴaysa inn-asan: «Ad wər təɣšədam, nak awa! Təgmədet-kawan tasa!»

²⁸ Den daɣ a das-inna Butros: «Kud kay adi Əməli, taməraɣ-i s a din-jəwənkəɣ fəl aman əssəlkadaɣ-ak-in.»

²⁹ «Iyyaw!» Inn-as Ƴaysa. Izzəbbat Butros aɣlal, ijawankat fəl aman innəmad Ƴaysa.

³⁰ Mišan as din-igra assahat n aɣu wa igaran den, təggaz-tu tasa, əggəzan-tu aman šin alamaz. Isayɣarat inna: «Əməli agəz-i!»

³¹ Tarmad as das-in-izzal Ƴaysa əfus-net, ibaz-t-idu. Inn-as Ƴaysa: «Əzəgzan-nak irkam wəllen, ma daɣ-ak igan aššak?»

³² Əggəzan aɣlal ɣas, idrar aɣu.

³³ Əssəjadan-as aytedan win əhanen aɣlal en, gannin: «Illikan as kay a imosan Barar ən Məššina.»

Əzuzəy ən miranan

³⁴ As əɣrasan agaraw, ewadan akal ən Ganazaret.

³⁵ As əssanan kəl akal en as Ƴaysa awen, əmalan y aytedan ən kallan win ɣələyɣələyan n edag wen, a sər-əs du-tamawayan miranan kul.

³⁶ Ad itawansay ad ayyu aytedan ədəsan kuddeɣ təbənək ən təkadkat-net, amaran i tat-idasan ad izzəy.

15

Əssuɣəl ən Ƴaysa təgna i Farisaytan

¹ Dəffər awen əfalan-du Farisaytan əd musanan n Əttawret Yerusalem, əkkan Ƴaysa, ənnan-as:

² «Mafəl wər əlkeman nəttulab-nak y aɣadaten šin dana-d-oyyan marawan-nana, wər əširidan ifassan-nasan dat tattay?»

³ Inn-asan Ƴaysa: «Kawanay za, mafəl tətamazrayam alwajiban ən Məššina, fəl ləkkum y aɣadaten-nawan?»

⁴ Wərge Məššina a inna: "Səɣmər abba-nak d anna-nak"? Inna deɣ: "Awedan wa işəffarəššen abba-net, madeɣ anna-net, wədi a daɣ-as təwəkkəsan man"?

⁵ Mišan kawanay təgannim y aytedan, as inna awedan y abba-net madeɣ anna-net: "Arat wa kay-z-akfəɣ imos tadhəlt-nak, əssinsaɣ-qu y ad t-aga takutay,"

⁶ æddi ab-as ihhəššal y awedan wædi saɣmar n abba-net wala anna-net. Emmək di da as tægam alɣadat-nawan daɣ adag n Awal ən Məššina.

⁷ Elmunafiqan! Tidət a imos awal wa iga Məššina daɣ batu-nawan əs tarrayt n ənnəbi Isayas as inna:

⁸ "Tamattay ta, iləs ɣas as di-təssəɣmar, mišan iwallan-nasan əggugan-i wəllen.

⁹ Elɣibada wa di-taggin, ibbinnan, fəlas wər səəɣrin ar alwajiban a d-ənzaman aytedan daɣ ɣafawan-nasan."

¹⁰ Iɣra ɣaysa tamattay inn-as: «Səsəmat-i, tagrim awa dawan-z-anna da:

¹¹ Wərgəɣ awa itaggazan s əmi n aggadəm a t-isamadasan, kalar awa d-igammadan imi-net.»

İsəssəgri ən ɣaysa awal wa iga fəl Farisaytan

¹² Dəffər awen əhozan-t-in nəttulab-net, ənnan-as: «Ak təgɣəɣ-in as batuten-nak, əššakan-tanat Farisaytan wəllen.»

¹³ Inn-asan ɣaysa: «Annabat kul wa wər inbel Abba-nin ihən ijənnawan, wædi a d-itəwəlbəy.

¹⁴ Ayyat-tan ɣas! Awen iməddəɣəl əlwaynen wiyyad. Əməddəɣəl ilwəyan iyyan amaran, agadal a taggin ketnasan daɣ anu.»

¹⁵ İššəwal Butros inn-as: «Sassagr-anax əlmital wædi.»

¹⁶ Inna ɣaysa: «Awak kawanay da harwa da wər tələm əgərri?

¹⁷ Awak wər təgrem as arat kul wa iggazan s əmi n aggadəm, akkay a z'agu əs tədüst, dəffər adi inɣəl-in daɣ əsuf?

¹⁸ Mišan wa d-igammadan imi, wædi əwəl a d-ifal, amaran ənta a isamadasan aggadəm.

¹⁹ Əssənət as əwəl ənta a du-gammadnat arak ənnəyatən, d igi ən man, d igi n əzzəna, d igi ən tədoden madəɣ igi ən meddan, əd šikra, əd təgəyya ən bahu, əd šizmit.

²⁰ Aratan win di əntanay a samadasnən aggadəm. Mišan tettay əs fassan wər nərrud, wər təsammas aggadəm.»

Əzəgzan ən təntut ta n wələt Kanan

²¹ As ifal ɣaysa edag wen, ikka amaɣal ən Tir əd Sidon.

²² Təhin-in təntut n iyyat daɣ Kananitatan təzdaɣat akal en da, təkkā-du ɣaysa təsakaray təgann-as: «Ya Əməli, Ag əmənokal Dawəd, hənəttət-i! Təbarart-in a izdaɣ əggəsuf a tat-izayəzabban wəllen.»

²³ Mišan wər inna ɣaysa i təntut en wala. Idgaz awen inəttulab əhozan-t-in onsayantu ənnan-as: «Suɣəl tantut ta dana-təlkamat da təsakaray.»

²⁴ Inna ɣaysa: «Nak wər du-tawazammazalaɣ ar əs Kəl-İsrayil, əmosnən zun ayfəd əssiggalnən.»

²⁵ Dər iga awen da ya təkk-ay-du təntut en, təssəjad-as tənn-as: «Əməli, əssən daɣ-i!»

²⁶ Inna ɣaysa: «Wər oley i idkalan amensay ən bararan, igər-t-in i dan!»

²⁷ Tənn-as təntut en: «Tidət-nak Əməli, dər iga awen da ya iɣan əkəmmi a taggin awa d-irattakan daɣ adag wa daɣ tattin məssawsan, tattin-tu.»

²⁸ Inn-as ɣaysa: «Ya tantut! Əzəgzan-nam i zəwwəran! Itəwəgget-am awa tareɣ!» Amazən en da a daɣ təzzay elles ən təntut en.

Əzuzəy ən ɣaysa aytedan daɣ təwərnawən aggotnən

²⁹ Dəffər awen igmad ɣaysa edag wen, ikka təgadamayt n agaraw wa n Galilaya, təzzar iwar adɣax, iqqim.

³⁰ Təkk-ay-du tamattay tagget, a sər-əs du-tewayat iməggudal, əd məddəɣəl, əd nəbdan, d aytedan as əmmidadan mawan-nasan, əd miranan wiyyad aggotnən. Aytedan win, tawasansin dat ɣaysa, izuzəy-tan.

³¹ Isammakləl əs tamattay anay wa təga aytedan as əmmidadan mawan-nasan əššəwəlan, tənay inəbdan əgrāwan šixurad-nasan, tənay iməggudal jiwanken s əlluɣ, tənay iməddəɣəl hannayan. Ad taggin aytedan təmmalen y Əməli n İsrayil.

İsətši ən ɣaysa əkköz gim n aləs

³² Iɣra-du ɣaysa inəttulab-net inn-asan: «Təh-i təhanint ən tamattay a. Karad adan a ɣur-i əgan, amaran ab'as t-illa a ətšan. Wər areɣ a tan-ayya aɣlin wər əreman arat, fəlas əddi mijas a tan-aggadlu gələk daɣ tarrayt.»

³³ Ənnan-as nəttulab-net: «Məni du-za-nəgrəw za daɣ əsuf a šigəlwen siyyawannen tamattay togdât d awa?»

³⁴ Inn-asan ɣaysa: «Mənəkət təgəlwen təlam?» Ənnan-as: «Əssayət təgəlwen a nələ d arat ən kifitan win madrornən.»

³⁵ Omar tamattay s ad təxərəd təximit.

³⁶ Idkal-du əssayat təgəlwen en əd kifitan win den, iga igodan i Məşşina, amaran ikaramkaram-tan ikf-en i nəttulab, əzunən-tan i tamattay.

³⁷ Aytedan en ketnasan əyyəwanan əglazan-du, har as əssa əzmaman win zawwarnen a du-tawatkarnen dağ karammutan win d-əglazan.

³⁸ Aytedan win ətşanen den, əmosan əkköz gim n aləs as wər əhenat tədoden əd bararan.

³⁹ Dəffər awen issəllam Yaysa tamattay, iggaz aylal n aman, ikka akal ən Magadan.

16

Agamay ən Farisaytan əd Sadusaytan dağ Yaysa a dasan-əgu təlməxjujat

¹ Əkkan-du Farisaytan, əd Sadusaytan Yaysa ərân ad t-ajjarraban, gammayan dağ-as a dasan-əgu təlməxjujat təmosat alçalamat a du-təfəlat Məşşina.

² Inn-asan: «As iga əlməz, tənayam ijənnawan zaggaxan ad tannim: "Tufat za ad əgu əzəl ihossayan."»

³ As affaw amaran, tənayam ijənnawan zaggaxan əhānat-tan şiyyay ad tannim: "Azalada ad əgu əzəl ibrāran." As təswadam dağ jənnawan, ad təssənəm awa dər z'alu alhawa dəffər awen, mişan awa itaggin dağ azzaman win wər təssənəm almaşna-net!

⁴ Aytedan n azzaman win, inəllubas, wər nəksud Məşşina, amaran gammayan təlməxjujat! Kala! Təlməxjujat ta dasan-tətawagət iyyadda şas, a tat-imosan ta n ənnəbi Yunəs.» Den da a tan-ifal Yaysa, igla.

Əsəmmutəg ən Yaysa inalkiman-net

Emel ən Yaysa i nalkiman-net əddəlil n assa-net əddənət

Xamira wa n Farisaytan əd Sadusaytan

⁵ Əkkan nəttulab tagadamayt ta hadat n agaraw. As ewadan, əgran-in əs əttəwan-in igi n allaw ən təgəlla.

⁶ Inn-asan Yaysa: «Ənkədat wəllen i xamira ən Farisaytan, əd wa n Sadusaytan.»

⁷ Təzzar ad gannin nəttulab gar-essan: «Awa wər t-inna ar fəlas wər neway tagəlla.»

⁸ Issan Yaysa dağ awen inn-asan: «Mafəl təşşewalam gar-ewwan fəlas wər təlem tagəlla, kəl əzəgzan əndarran?»

⁹ Awak əgərri a wər təgəm harwa da? Wər təkəttəwəm səmmosat təgəlwen şin ətşan səmmos gim n aləs, d əket n əzmaman win du-tədnayam dağ gəlzan-nasan?

¹⁰ Məx ak təttəwəm-in əssayat təgəlwen şin əşşətşanen əkköz gim n aləs! Mənəkət əzmaman win zawwarnen a du-tədnayam əzəl wen?

¹¹ Nak a dawan-ənnəy: «Ənkədat i xamira ən Farisaytan, əd wa n Sadusaytan". Manəmmək as wər təgrem as wərgəx tagəlla as dawan-əhəx batu-net?»

¹² Den dağ ad əgran as wərgəx xamira ən Farisaytan, əd wa n Sadusaytan a fəl dasan-imməgrad den, kalar əsəssəğri-nasan as dasan-inna a das-ənkədan.

Emel ən Butros awa imos Yaysa

¹³ İkkâ Yaysa amadəl ən Qaysaraya wa n əmuzar Filibus as issəstan Yaysa i nəttulab-net, inn-asan: «Ak dağ iduf n aytedan, ma əmosa nak Ag Aggadəm?»

¹⁴ Ənnan-as: «Wiyyad za gannin kay Yaxya wa isalmaşan aytedan dağ aman. Wiyyad gannin kay ənnəbi İlyas. Wiyyad amaran a gannin kay ənnəbi İrməya a təmosa, madəx iyyan dağ ənnəbitan win hadatnen.»

¹⁵ Inn-asan Yaysa: «Kawanay za, ma tənnam ma mosa?»

¹⁶ Inn-as Simxon Butros: «Əlməsix a təmosa, barar ən Məşşina di n Amaşlöl.»

¹⁷ Inna Yaysa i Simxon Butros: «Təbbilala ya Simxon, ag Yunəs, fəlas arat wədi wərgəx kay a dağ-as issosanan iman-nak, kalar Abba-nin di ihan ijənnawan a dak-issannafalalan.

¹⁸ Nak amaran ənnəy-ak: Kay Butros təhunt a təmosa, amaran təhunt ta, ənta a fəl z'əkrəsəş Əlkənizat-in. Əlkənizat ta, tarna ən təməttant da wər təfreg a das-təşşəd wala.

¹⁹ A kay-akfa təsəssarut ən Taşmar ta n jənnawan. Arat kul wa təssəxrama dağ əddənət dada, ijənnawan da a dağ-san ixram, arat dəx wa təssəxlala dağ əddənət dada, ijənnawan da a dağ-san ixlal.»

²⁰ Təzzar iga i nəttulab-net ammar a dağ idgâz, s ad wər əmelan y awedan waliyyan as ənta a imosan Əlməsix.

Emel wa azzaran iga Yaysa y alğazab-net əd təməttant-net

²¹ A obazan şur əzəl wen, ənta ad iggaz Yaysa şin əsəssəğri ən nəttulab-net as iwâr-tu iki ən Yerusalam, y ad əgu alğazab aggen, a das-z-əgin muzaran ən Kəl-Əlyəhud, əd

muzaran ən limaman, əd musanan n Əttawret, təwəggin man-net, inkər-du dəx dəx təmattant əzəl wa n karad.

²² Təzzar iwət-tu Butros s ahal, işşewal fall-as, inn-as: «Əməli, ihənəttətət-ak Məşşina dəx arat wa təmalay əddi! Kala wər kay-z-igrəw adi!»

²³ Mişan imalallay-in Yaysa Butros, inn-as: «Əfəl dəffər-i Aşşaytan! Təqqalax-i təsənkəft dəx əşşəxəl wa di-d-ewayan s əddənət, fəlas imedranan-nak, wərgəx Məşşina a d-əfalan, kalar imedranan n əggadəm xas a əmosan.»

Tarəyt ən wa ilkaman i Yaysa

²⁴ Dəffər awen inna Yaysa i nəttulab-net: «Wa iran a di-ilkəm, wədi igmədet tara ən man-net, agu imateran-net, idkəl təgəttawt-net, ilkəm-i.

²⁵ Əssənət as awedan wa wər nəgəmməy ar əggaz ən man-net, wədi ad t-əgmədan, mişan wa iqbəlan ad t-əgmədan fəl əddəlil-in, wədi a tan-igrəw.

²⁶ Ma z'aknu y awedan ad igrəw əddənət ketnet, ənta amaran temsay a ikka? Awak mas ifrag awedan təhakkay-net y a sər-əs əgəz iman-net dəx təmsay?

²⁷ Əssənət as nak Ag Əggadəm a d-asa ələx tanaya n Abba-nin, əddəwa d angalosan-net, əddi amaran, awedan kul ad t-akfu maruzat n awa ewadan mazalan-net.

²⁸ Əggəyyəx əsilakanax-awan as wiyyad dəx aytedan win əbdadnən da wər tan-z-iba iket wər ənayan assa-nin nak Ag Əggadəm əmosax əmənokəl.»

17

Ətəwənay ən tanaya ən Yaysa

¹ As əgan ədis adan dəffər awen, iddew Yaysa əd Butros, əd Yaqub, əd Yaxya imosan amadray ən Yaqub en da, ikka dər-san adxax zagren xas-nasan.

² Den da ad imməttay azzahir-net dat-san, imalawlaw udəm-net s ənnur olan əd wa n təfuk, əgan səlsa-net təməllay təsiraqqət wəllen, təkna əsəməxməy.

³ Əhinan-in oggən ənnəbi Musa, d ənnəbi Ilyas as du-nafalalan, mişawalan əd Yaysa.

⁴ İggad-du Butros inna i Yaysa: «Əməli, olax as nəlla da! Kud tarəx adi, ad əkrəsa karad həktan dəx adag wa. İyyan i-nak, iyyan in Musa, iyyan in Ilyas.»

⁵ Harwada işşewal Butros as tan-təlsa təgarak təmilawlawat, təqqal-asan zun telay. İgmad əməsli tagarak ten, inna: «Awa Barar-in wa əknəx tara; ənta a d-issəndan əgna-nin. Səsəmat-as!»

⁶ As əslan nəttulab i batu ten, ərməxan wəllen, fataqqen əssəjadan.

⁷ İhoz-tan-in Yaysa, idas-tan, inn-asan: «Ənkərat, təgmədet-kawan tasa!»

⁸ Ədkalan-du nəttulab isawadan-nasan wər hənəyan ar Yaysa.

⁹ Tazabben-du adxax en da, as tan-omar Yaysa, inn-asan: «Ad wər təməlam y awedan waliyyan awa tənayam da, iket wər d-ənkəra nak Ag Əggadəm dəx təmattant.»

¹⁰ Əssəstanan nəttulab Yaysa, ənnan-as: «Mafel za gannin musanan n Əttawret: "Kundaba osa-du Ilyas təzzar as du-z-asu Əlməsix?"»

¹¹ İjjəwəwəb-asan Yaysa inn-asan: «Awalla za ar a d-asu Ilyas, annəzzam aratan kul.

¹² Amaran əssosanaq-qawan as Ilyas, osâ-du, mişan wər t-əqbelan aytedan, kalar əgan-as awas əran. Əmmək en dəx as illikan as a di-zəxxəzzəban nak Ag Əggadəm.»

¹³ Əgran nəttulab as Yaxya wa isalmağan aytedan dəx aman, as iha Yaysa batu-net den.

Barar wa təgraw tazakarkarat əd tarna ta ila əzəgzan

¹⁴ As d-izzabbat Yaysa əd nəttulab-net win karad en adxax, əhozan-du tamattay, ikk-ay-du aləs iyyan igarəffat dat-əs,

¹⁵ inn-as: «Əməli, hənəttət i barar-in, tazakarkarat a tu-təgrawat, amaran ixxizzab wəllen fəlas faw da itudu dəx təmsay, madey aman.

¹⁶ Ewayaq-qu əs nəttulab-nak y ad t-əzzuzəyan, mişan indar-asan.»

¹⁷ Inna Yaysa: «Xa! İket iba n əzəgzan, iket əşşur dəx aytedan n əzzaman a! Awak har əmməy əddəwa dər-wan, əzizaydara dər-wan? Awəyat-i-du barar sa da!»

¹⁸ İharaşşat Yaysa əgğəsuf wa ihan barar en, təzzar igmad-tu. İzzay barar dəx amazay wen da.

¹⁹ İhozan-in nəttulab Yaysa ənnan-as: «Mafel nakkanay indâr-anax ikus n əgğəsuf wen?»

²⁰ Inn-asan: «Adi za aşşaddat ən rəkkəm n əzəgzan-nawan! Əggəyyəx əsilakanax-awan as ənnar tələm dəx əzəgzan a ogdân əd wala imi ən təzuxay n əsənnan, har tənəm y adxax en: "Əgməd edag di takka wen", ad ammazal s adi. Əddi wər t-illa arat as dawan-z-indər igi-net.

²¹ [Amaran əzzənəf n əgğəsuf wen, wər igəmməd awedan ar əs təwatriwen, d əzum.»]

Emel wa n əššin iga Ƴaysa y alǵazab-net əd təmattant-net

²² Əzəl iyyan əddewan nəttulab ən Ƴaysa daǵ akal ən Galilaya as dasan-inna: «Nak Ag Aggadəm əjwára ad əggázaǵ ifassan n aytedan,

²³ agin iman-nin, təzzar ənkarə-du daǵ təmattant əzəl wa n karad.» Təǵsəd batu ten iman-nasan wəllen.

Amana wa itawarzaman y Ahan wa Zəwwəran n Əlǵibada

²⁴ Iгла Ƴaysa əd nəttulab-net har ewadan Kafarnahum. Ənkarən aytedan win zarzamnen amana y Ahan wa Zəwwəran n Əlǵibada, əhozan-in Butros, əssəstanan-tu ənnan-as: «Awak əššex-nawan arazam a wər itəggu amana y Ahan wa Zəwwəran n Əlǵibada?»

²⁵ Inn-asan Butros: «Awalla za ar irazzam-tu». Iggaz Butros ehan, azzar-as Ƴaysa awal issəstan-tu inn-as: «Ma tənne kay Simǵon, ma irazzaman takəsen d amana i mənokalan n əddənət? Awak maddanəsan a dasan-tan-razzamnen, meǵ aytedan sa hadan?»

²⁶ Inn-as Simǵon: «Aytedan sa hadan a dasan-tan-razzamnen.» Inn-as Ƴaysa amaran: «Daǵ adi maddanəs ən mənokalan wər tan-iwer arazam ən wala.

²⁷ Mišan ya fəl ad wər nəqqəl təsənkəft y əzəgzan n aytedan win zarzamnen, aglu akku agaraw, təgəra daǵ-as azabzab wa n abbaz ən kifitan. Kifi wa tobazaǵ əstizarat, aru imi-net, a daǵ-as in-tagəza tefelt n əzrəf wa mallan. Tefelt ten əkkəs-tat-du, tagla takfaǵ-asan-tat, ad təqqal ərruzmatan n amana wa-nin, əd wa-nak.»

18

Əsəssəǵri wa n əkkoz: Təməddurt ta tənəmannakat əd Taymar ta n Məššina

Eres d ədkul

¹ Amazay wen daǵ a daǵ din-əhozan nəttulab Ƴaysa, ənnan-as: «Ma imos za wa ogaran daǵ Taymar ta n jənnawan?»

² Təzzar iǵra-du Ƴaysa arət ən barar, issəbdad-tu gar-essan,

³ inna: «Əggəyyeǵ əsilakanəǵ-awan əs as wər təsəmmattayam alxal, təqqələm zun bararan, wədi wər ilkem a təggəzəm Taymar ta n jənnawan.

⁴ Awen daǵ a fəlas əwedən kul wa issərasan iman-net, zun arət ən barar wa, wədi illikan as ənta ogaran daǵ Taymar ta n jənnawan.»

Əsənkəd y igi ən bakkadan

⁵ «Amaran i iǵbalan barar šilan wa fəl əddəlil-in, wədi nak iman-nin as di-iǵbal.

⁶ Mišan i iqqalan əssəbab n abakkad y iyyan daǵ aytedan win sər-i əzzəgzannen, əmosnen zun bararan madrornen, wədi of-as ad itəwəqqən əzəzəd zəwwəran ən təhunt daǵ iri-net, itəwəgər daǵ ammas n agaraw əmazal wa iga əddi.

⁷ İket alǵazab ill-ay y aytedan n əddənət! Əddəlilan aggotnen a t-əllanen tan-sisuginen ibakkadan! İllikan as ad t-əməlan əddəlilan win den har faw, mišan iket alǵazab ill-ay y əwedən wa dasan-d-iqqalan əssəbab!

⁸ Kud əfus-nak madeǵ adar-nak a kay-sisuginen ibakkadan, wədi əfrəs-tan-in, təgəraq-qan-in sədi. İd of-ak təggəza aljannat təgeǵ əfus, madeǵ təgeǵ adar y ad təleǵ əššin fassan, d əššin daran, tətəwəgəra dər-san daǵ Jahannama.

⁹ Amaran kud šat-nak a təbukət a dak-təqqəl əssəbab n igi n abakkad, wədi kəkkərət-tat-du, təgəraq-qat-in sədi, id of-ak ad təgeǵ šat daǵ aljannat, y ad təleǵ sanatət šittawen tətəwəgəra dər-əsnat daǵ təmsay an Jahannama.»

İlmital wa n tilay ta təssəggalat

¹⁰ «Ənkədət! Ad wər talkim iyyan daǵ aytedan win madrornen di, fəlas silakanəǵ-awan as angalosan-nasan əhân i jənnawan, faw əllan ǵur Abba-nin.

¹¹ [Nak Ag Aggadəm oseǵ-du gammayaǵ aytedan win əxraknen y a tan-əǵləsa.»]

¹² «Ma tənəm kawanay y awen? Awak amadan ilən temeday ən tilay, har daǵ-asnat təssəggal iyyadda, wərgəǵ ad ayyu tazayat təmərwən əd tazayat šin hadatnen ədənnat, təzzar azəl iswəd i ta təssəggalat?

¹³ Əggəyyeǵ əsilakanəǵ-awan əs as d-igraw tilay ta n iyyadda en, ogar tədəwit ta z'agu fəl əddəlil-net, i ta z'agu fəl əddəlil ən tazayat təmərwən əd tazayat šin wər nəssəgəl.

¹⁴ Əmmək en daǵ as abba-nawan ihân i jənnawan, wər ira ad ihlək waliyyan daǵ aytedan win madrornen di.»

Awas danay-iwar igi-net y amadray-nanay igân abakkad

¹⁵ Iгла Ƴaysa iššewal inna: «As kay-idlam amadray-nak, takkaq-qu daǵ adag a daǵ təmosam ǵas-nawan, təsəssəgraq-qin lahan-net. Kud za issəsam-ak itub, wədi zun as amadray-nak a du-təgrawaǵ a kay-igmādan.

¹⁶ Mišan as ugay s a dak-issasam, tiddawa d awedan iyyanda, madeḡ aššin, təqqəlaq-qu. Emmək en daḡ as "batu kul ad taknu əqqimnat-as sanatat təgəyyawen madeḡ karadat."

¹⁷ Amaran as ugay s ad ilkəm y awal wa das-əgan aytedan win di, təmələḡ almasalat tədi y İlkənisat. As ugay s ad ilkəm y awa das-tənna İlkənisat, wədi ag-as iduf wa təgeḡ y aytedan win wər nəssen Məššina, madeḡ tagaḡ-as iduf wa təgeḡ y aytedan win zarzamnen takəsen.

¹⁸ Əggəyyeḡ əsilakanaḡ-awan as arat kul wa təssəxramam daḡ əddənət ta, wədi ijənnawan da a daḡ-san ixram. Amaran wa təssəxlalam daḡ əddənət ta, wədi ijənnawan da a daḡ-san ixlam.

¹⁹ Əsilakanaḡ-awan deḡ âs as namardan əššin daḡ-wan daḡ əddənət da da əttaran s esəm n Abba-nin ihân ijənnawan, wədi arat kul wa daḡ-as əgməyan, a dasan-t-akfu.

²⁰ Fəlas edag wa daḡ əmmənəyan əššin, madeḡ karad daḡ-wan s esəm-in, wədi əssənət as əlle gar-essan əddi da.»

Daḡ batu ən təsureft: Əlmital wa n əkli wa wər təha təhanint

²¹ Təzzar ihoz-in Butros Ḡaysa issəstan-tu inn-as: «Əməli, har mənəkət təklaten as di-iwar ad əssurəfa y amadrəy-nin a di-idlâman? Awak har əssəyat təklaten?»

²² Inn-as Ḡaysa: «Wər dak-ənnə har əssəyat təklaten, kalar a dak-ənnə surəf-as əssəyat təmərwen ən təklət har əssa.

²³ Emmək en daḡ as Taḡmar ta n jənnawan, təha əlmital n əmənokal ad iḡrân eklan-net, irâ ad issəḡrəd ərrəzəḡan-net.

²⁴ As issənta, itawaḡra-du iyyan daḡ eklan en, a ḡur ila igiman ən gimən ən tafelt.

²⁵ Mišan əkli wen wər ifrəḡ ərruzmatan n əzrəf en. Awen daḡ a fəl omar məššis s a din-itəwəzənzu ənta əd taḡurəs əd maddanəs d awa ila kul, əqqələn ərruzmatan n ərrəzəḡan win ḡur-əs ila.

²⁶ Təzzar ifataqqad əkli en issəjad dat məššis, inn-as: "Ag-i təzaydart, məšši, a dak-ərzəmaḡ awa ḡur-i tələḡ kul."

²⁷ Arat wen eway-du əs məššis as tu-təggəz təhanint-net. Təzzar issoraf-as awa ḡur-əs ila, oyy-ay.

²⁸ Azzama a din-igmâd əkli wen, ifâl-in məššis, immənəy d iyyan daḡ midawan-net daḡ əššəḡəl wər irwes ar temeday ən tafelt n əzrəf. Təzzar obaz-as tarzam, inn-as: "İrzəm-i əzrəf wa daḡ-ak ələḡ!"

²⁹ Təzzar ifataqqad əmidi-net wen, onsay-tu inn-as: "Ag-i təzaydart, a dak-ərzəma."

³⁰ Mišan ugay əkli wen, isassaga fadda əmidi-net en daḡ kasaw y ad t-izzərzəm əmarwas wa t-iga.

³¹ As ənəyan midawan-net daḡ əššəḡəl awa igan den, əḡšadan man-nasan wəllen, əḡlan əgan isalan win kul i məššis.

³² Təzzar isassaḡr-ay-du məššis inn-as: "İllikan as kay amaksan! Nak əssorafəḡ-ak awa ḡur-ək ələ kul fəlas di-tonsayḡ awen.

³³ Kay da, iwâr-kay a kay-təggəz təhanint n əmidi-nak, tagaḡ-as əhənəttə zun wa dak-əgeḡ nak."

³⁴ Təzzar iggəz alham məššis, isassaga əkli en daḡ kasaw. Itawattaf har iḡrad arazam n awa ḡur-əs ila ketnet.»

³⁵ Inn-asan Ḡaysa: «İmmək en daḡ as Abba-nin ihân ijənnawan wər dawan-z-issurəf as imos âs akkiyyan daḡ-wan wər isurif s əwəl iyyanda i mədrəyan-net daḡ əzəḡzan.»

Awa iga Ḡaysa daḡ Yahudəyya

19

Ḡaysa iha tarrayt ən Yerusalam

İsənti

¹ Dəffər as iḡrâd Ḡaysa əlfaydaten šin, ifal akal ən Galiləya, ikka akal ən Yahudəyya ihân aganna wa hadan n agarəw wa n Yordan.

² İlkəmnat-as tamattiwən əgğotnən, a tanat-izuzəy den da.

Azalaf d əməzzəy

³ Əhozan-t-in Fərisəyan əgan-as əsəstan imosan tənəḡmayt, ənnan-as: «Awak xalal y ələs əzəməzzəy ən təntut-net fəl a iqqal əddəlil?»

⁴ Inn-asan Ḡaysa: «Wərgəḡ təḡrâm as əstizarat as d-ixlak Əmaxlak əddənət, "ixlak-du aytedan, ixlak-kan-du əmosan yay əd təntay."»

⁵ «Inna: "Adi daḡ a fəl iffal aləs abba-net, d anna-net, irtəy əd təntut-net, əqqəlan arat iyyanda.»

⁶ «Eimmək en daḡ as ad ib-as əmosan əššin, kalar ad əqqəlan taḡəssa iyyadda. Daḡ adi, awa issertay Məššina a tu-wər-izəmməzzəy awedan.»

⁷ Ənnan-as: «Daḡ adi, mafel as omar ənnəbi Musa ad tətəwəkfū širawt n əməzzəy i təntut, tətəwəzəməzzəy?»

⁸ Inn-asan: «Aššaddat ən təggərməmt a fəl kawan-ikfa Musa turagat n ad təzaməzzayam šidoden-nawan. Mišan arat wədi wərgəḡ ənta a igan əstizarat.

⁹ Amaran nak əsilakanəḡ-awan as i izamməzzayan tantut-net, a das-wər-nətəggu meddan, izlaf iyyat, wədi əzzəna a iga əddi.»

¹⁰ Ənnan-as nəttulab-net: «Adi za, kud awen daḡ a illan gər aləs əd təntut, wədi ofa i wər nəzlef fadda.»

¹¹ Inn-asan: «Awal wa, wərgəḡ aytedan kul əqbəlan-tu, kalar wər t-iqbel ar win ikfa Məššina fərrəgat n əlqəbulat-net.

¹² Fəlas əllan-tu əddəlilan gaddalnen azalaf əmosnen as: meddan wiyyad as d-əhəwan da wər əfregan azalaf, wiyyad dəffər a igan ad tawazaman, əllān-tu deḡ win as iman-nasan as sannafranən iba n azalaf fəl ad wər əlen daḡ əššəḡəl ar wa n Taḡmar ta n jənnawan. Wa ifragan əlqəbulat n adi, əqbəlet-tu.»

Igi ən Ḡaysa šiwatriwen i bararan

¹³ Təzzar a du-tawayan aytedan bararan, fəl a tan-issəwər Ḡaysa ifassan-net, ittər-asan. Əššəwalan nəttulab fəl aytedan win den.

¹⁴ Mišan inn-asan Ḡaysa: «Ayyiwat bararan a di-d-akkin, a tan-in-wər-təwəḡam fall-i; fəlas Taḡmar ta n jənnawan šin aytedan win šilaten-nasan.»

¹⁵ Issəwar-tan ifassan-net, ittər-asan, dəffər awen obaz tarrayt-net, igla.

Əməšiwəl ən Ḡaysa d aləs iyyan aynayan n əməgğərgəs

¹⁶ Təzzar ihoz-in aləs iyyan aynayan Ḡaysa, inn-as: «Əššəx, ma imos arat olāḡan was as t-əgeḡ ad əgrəwəḡ təməddurt ta təḡlalət?»

¹⁷ Inn-as Ḡaysa: «Mafel as di-təsastana daḡ batu n awa olaḡan? Məššina ḡas a olaḡan. Amaran as tarəḡ ad təgrəwa təməddurt ta təḡlalət, təlkəma y alwajiban-net.»

¹⁸ Inn-as aləs wen: «Ma mosan za alwajiban win den?» Inn-as Ḡaysa: «Adi za, ad wər tagaḡ iman; ad wər tagaḡ əzzəna; ad wər takəra; ad wər taga təgəyya ən bahu fəl awedan waliyyan;

¹⁹ səḡmər abba-nak d anna-nak; agu y əšəqqəḡ-nak tara ta təgeḡ i man-nak.»

²⁰ Inn-as aləs wen: «Aratan win di kul əssibdadaq-ḡan. Ma di-in-iqqiman harwa?»

²¹ Inn-as Ḡaysa: «As tarəḡ ad təqqələḡ awedan ikməlan, tagla tazzanzaḡ-in təla-nak, takfaḡ inazzan-net i tələḡawən, əddi ad təgrəwəḡ ərrəzəḡ a dak-z-ansin daḡ alaxirat. Dəffər adi amaran tagla-du təlkəmaḡ-i.»

²² As isla aləs wen i batu ten, inkar, igla əḡšādan man-net, fəlas ərrəzəḡ aggen a ila.

Efsan d arozan

²³ Den daḡ ad inna Ḡaysa i nəttulab-net: «Əgğəyyeḡ silakanəḡ-awan as izzəwat fəl əməgğərgəs iguz ən Taḡmar ta n jənnawan.

²⁴ Awalla, silakanəḡ-awan as oḡar tərḡəsəy ta iga fəl aḡam aradaḡ daḡ təbuday n ənazmay, i ta iga fəl əməgğərgəs iguz ən Taḡmar ta n Məššina.»

²⁵ As əslan nəttulab y awen, isammaklal sər-san wəllen, ənnan: «Daḡ adi, ma ifragan ad iḡləs daḡ təmsəy?»

²⁶ Iswad daḡ-san Ḡaysa, inn-asan: «Arat wədi muxal a imos ḡur aytedan, mišan ḡur Məššina arat kul ifrāḡ igi.»

²⁷ Den daḡ ad iššəwal Butros inna: «Nakkanay za? Awak wərgəḡ noyya arat kul, nəlkam-ak? Daḡ adi ma daḡ-na z'agin?»

²⁸ Inn-asan Ḡaysa: «Əgğəyyeḡ əsilakanəḡ-awan as: As tawašašanayan aratan kul, əqqima nak Ag Aggadəm daḡ adag-in, a t-imosan təxawit ən taḡmar-in di tələt tanaya, əddi kawanay a di-əlkamnen ad taqqamim fəl marawat təxiwa ən taḡmar əd sanatat, təšrəḡam i tawšəten ən Kəl-İsrəyil ən marawat əd sanatat.

²⁹ Awedan kul wa ifalan aḡaywan-nasan, əd mədrayan-net, əd təmədrayen-net, d abba-net, d anna-net əd bararan-net, madəḡ amadəl-net fəl əddəlil-in, wədi ad igrəw temeday n ənətfus n aratan win den, igrəw deḡ təməddurt ta təḡlalət.

³⁰ A aggen daḡ win əhanən eḡaf əmərədda, ilkām ad əgğəzan ələqqam; amaran a aggen daḡ win əhanən ələqqam əmərədda, ilkām ad əgğəzan eḡaf.»

20

Ilmital wa n maššaḡalan win afarag n alḡanab

¹ Iḡla ḡaysa iššewal inna: «Ǝnta da a wa dər tola Taḡmar ta n jənnawan: A d-inkər awedan ilān afarag n alḡanab əzəl iyyan aḡōra, ira ad idkəl imaššaḡalan y afarag-net.

² Inamarda əd maššaḡalan win ās, əzəl kul a tan-akfu tefelt n əzrəf, təzzar issok-en afarag.

³ As təga ədəgəlšet ilas-du agamad, inay imaššaḡalan wiyyad wər nəgrew əššəḡəl harwa əqqiman daḡ asammanay n əḡrəm.

⁴ Inn-asan: "Kawanay da aḡliwat təšḡəlam daḡ afarag-in, a dawan-agay ərruzmatan olāḡnen."

⁵ Ǝḡlan maššaḡalan, əkkan afarag-net. Dəffər awen ilas igmad-du ḡur ammasnazal, igmad-du deḡ əs tazzar. Amaran i d-igmad ad agu zun awen da.

⁶ As təga takəst zagret ilas-du agamad, inay imaššaḡalan wiyyad əqqimnən, inn-asan: "Mafel təkłām ad təqqimam əddi, wər tahem wala?"

⁷ Ǝnnan-as: "Aḡaraw a wər nəga i danaḡ-iššəḡalan." Inn-asan: "Aḡliwat kawanay da təšḡəlam daḡ afarag-in n alḡanab."»

⁸ «As tuda təfuk, inna məššis n afarag wen y əmuzar ən maššaḡalan-net: "Aḡra-du imaššaḡalan kul tərzəma y akkiyyan alxaq-net. Izar əs win ədkala daḡ tilkamat, təssəlkəmaḡ əs win ədkalaḡ əstizarat."»

⁹ Osan-du win əssəntanen əššəḡəl takəst zagret, akkiyyan daḡ-san igraw tefelt n əzrəf.

¹⁰ Dəffər awen təssəḡlay-du əs win əḡḡalnen əstizarat, əḡān iduf n as ad əḡrəwan a oḡaran awa əḡrawan məddan win. Mišan əntanay da akkiyyan daḡ-san igraw tefelt.

¹¹ As əḡrawan ərruzmatan-nasan, əssəḡalan təḡna məššis n afarag wen.

¹² Ǝnnan: "Aytedan win təkəlaḡ əs tilkamat, alwaḡ iyyanda ḡas a əšḡalan, amaran təšaššaḡdaḡ-ḡan dər-na nakkanay a əkklanen nəšḡāl, təkagḡay-ana təfuk."»

¹³ Təzzar iššewal məššis n afarag y iyyan daḡ-san, inn-as: "Ǝmidi-nin, nak wər dak-əḡəḡ arat waliyyan wər noḡəd. Wərgə kay iman-nak a dər namarda fəl tafelt iyyadda n əzrəf daḡ əzəl?"

¹⁴ Daḡ adi abəz azrəf wa imosan alxaq-nak, tagla. Kud nak a iran ad šaššaḡdaḡ alxaq-nak əd wa n məddan win ətkalaḡ daḡ tilkamat, tədi nak a təqqal.

¹⁵ Awak nak wər z'agay awa areḡ s ərrəzəḡan-in? Meḡ ak manjaḡ a təḡəḡ as əmosaḡ aləs olāḡan?"»

¹⁶ Inna ḡaysa: «Ǝmmək en daḡ as win əhanen eḡaf əmərədda, ilkām ad əḡḡəzan ələqqam; amaran win əhanen ələqqam əmərədda, ilkām ad əḡḡəzan eḡaf.»

Emel wa n karad iga ḡaysa y alḡazab-net əd təmattant-net

¹⁷ Iḡḡəzay ḡaysa, ikka Yerusalem ənta əd nəttulab win maraw d əššin. Iwar dər-san tama, da jiwanken fəl tarrayt, inn-asan:

¹⁸ «Səsəmat: Nakkanay da əḡḡəzaynen əs Yerusalem da. Den daḡ ad z'ətəwəḡḡa nak Ag Aggadəm daḡ fassan ən muzaran ən limaman, əd musanan n Ǝttawret. Aytedan win a di-əkkəman təmattant.»

¹⁹ A di-agin daḡ fassan n aytedan wər nəmos Kəl-Ǝlyəhud, a daḡ-i tajaban, ayyawanan-i šiwwit. Dəffər awen attaytayan-i fəl təḡəttawt, ib-i, ənkəra-du daḡ təmattant əzəl wa n karad.»

Alḡazab d əššəḡəl

²⁰ Təhoz-in taḡur Zabaday ḡaysa, təddew əd maddanəs. Təḡaraffat y a tu-tansəy.

²¹ Inn-as: «Arat iyyan a təreḡ?» Tənn-as: «Bararan-in a n əššin a as daḡ-ak are a di-tagay arkawal n as ad əḡḡəzan idagḡan ətkālən: iyyan daḡ əḡil-nak, wa hadan daḡ zalgat-nak, daḡ Taḡmar-nak.»

²² Inna ḡaysa: «Wər təssenam almaḡna n arat wa təḡmayam əddi. Awak təfrāḡam a dər-i tədrəwam alḡazab wa z'aga daḡ alwaḡ wər nəḡḡuḡ?» Ǝnnan-as: «Awalla, nəfrāḡ a dər-ək tu-nədrəw.»

²³ Inn-asan ḡaysa: «Awalla, illikan as təfrāḡam a dər-i tədrəwam alḡazab wa. Mišan daḡ batu ən wa z'aqqamin daḡ əḡil-in wala zalgat-in, wərgəḡ nak a t-ihakkin, kalar idagḡan win di in win as tan-isammatag Abba-nin.»

²⁴ Ǝslan maraw nəttulab win hadatnen y awen, əššakan əššin mədrayan win den.

²⁵ Təzzar iḡr-en-du ḡaysa, əhozan-t-in, inn-asan: «Təssānam as imuzaran ən təmattiwen saknin tarna y aytedan win as azzaran, amaran aytedan win daḡ-san attafnen əlxəkum saknin aytedan win as azzaran taḡmar.»

²⁶ Mišan kawanay ad wər tagim adi gar-ewwan. Kalar as ira iyyan daḡ-wan ad ilu almaḡam, iqqəlet zun amaššaḡal-nawan.

²⁷ Amaran wa daɣ-wan iran tizart, iqqølet akli-nawan.

²⁸ Emmæk en daɣ as nak Ag Aggadëm wær d-oseɣ äddønät y a di-äŝɣølan aytedan. Kalar assa a d-øge y ad äŝɣøla y aytedan, akfa iman-nin fæl ad säddærføx æs tæmattant-in aytedan aggotnen daɣ bakkadan-nasan.»

Ʒuzəy ən Ƴaysa äŝŝin mæddæryal

²⁹ Igmäd Ƴaysa äd nættulab-net aɣrëm wa n Yerikaw, tælkâm-asan tamattay tagget.

³⁰ Əllân mæddæryal den äŝŝin, æqqiman fæl afay ən tarrayt. Əslan âs Ƴaysa a itakayan den, ädkalan æmæslî-nasan ad gannin: «Hænættät-anax, Əmæli, Ag ænnøbi Dawød!»

³¹ Təsannaryaman-asan tamattay fæl ad affastin, miŝan äŝŝotan adakal ən maslan-nasan gannin: «Hænættät-anax, Əmæli, Ag Dawød!»

³² Izzækkat Ƴaysa, iɣr-en, inn-asan: «Mas taram a dawan-t-aga?»

³³ Innan-as: «Əmæli, asawad-nanax as nara agaraw-net.»

³⁴ Təggaz təhanint-nasan Ƴaysa, idas ŝittawen-nasan. Amazay wen daɣ a tan-d-iqqal asawad-nasan, tæzzar ælkaman-as.

21

Adan win ælkammen ən Ƴaysa daɣ Yerusalem

Iguz ən Ƴaysa Yerusalem imos æmænokal

¹ As din-ihoz Ƴaysa äd nættulab-net Yerusalem, daɣ ænæmihaz ən tæɣræmt ta n Betfajay, dagma n ædɣax was itawannu wa n "Eŝkan ən Zaytun", izammazal Ƴaysa äŝŝin nættulab,

² inn-asan: «Akkiwat tæɣræmt ten dat-wan den. Tosâm-tat-in ɣas, tənâyam tajat tæqqanat tælät æhulel. Ariwat-tan-du tælwøyam-i-tan-du.

³ As dawan-inna awedan arat, tannim-as: "Əmæli a sær-san iddærarän." Əddi a kawan-ayyu taglim dær-san amazay wen da.»

⁴ Arat wa iga fæl ad andu awal wa d-imal Mæŝŝina æs tarrayt n ænnøbi as inna:

⁵ «Anniwat y aɣrëm wa n Səyon: Ənəy! Əmænokal-nak izây-kay-du. Ikna æsæræs ən man-net. Iwân tâjat, æhulel fadda, imosan ara n æmudar a fæl itamaway æzuk.»

⁶ Əglan nættulab æmmozalan awa as tan-omar Ƴaysa.

⁷ Əlwayan tajat d æhulel-net i Ƴaysa. Ədfaran fall-asan isælsa-nasan, iwan Ƴaysa æhulel.

⁸ Təgla-du tamattay tægget wællen ad tətissəw i Ƴaysa isælsa-net fæl tarrayt, wiywad farrasan-du ilædlad tissəwan-as-tan fæl tarrayt.

⁹ Tamattay ta tælkamat i Ƴaysa, äd ta das-tazzarat, tætkâl æmæslî-net tægannu:

«Ozana!

Tæmmal y ahaya n æmænokal Dawød!

Iga Mæŝŝina albaraka daɣ

wa d-osan s esəm n Əmæli!

Ozana! Tæmmal i Mæŝŝina

daɣ jønnawan win ädkalnen!»

¹⁰ As d-iggaz Ƴaysa Yerusalem, aytedan n aɣrëm ketnasan nijarwayan gannin: «Ma imos alæs en?»

¹¹ Ad tægannu tamattay: «Adi za ænnøbi Ƴaysa imosan ag aɣrëm ən Nazaret ta n akal ən Galilaya.»

Assa ən Ƴaysa Ehan wa Zəwwəran n Əlyibada

¹² Iggaz Ƴaysa aɣalla wa iɣlayan Ehan wa Zəwwəran n Əlyibada. Iɣrad daɣ-as asatay n aytedan kul win massatagan, harkid win mazanzan. Isabbanbay tebæren ŝin fæl sansin kæl sanji izərfan-nasan, isabbanbay deɣ ŝisæqqima ən massatagan ən tædæbren.

¹³ Tæzzar inn-asan: «Iktâb as: "Ehan-in a das-itæwəggu esəm ehan n ælyibada." Kawanay amaran tægâm-tu "æsælɣəs ən bæydagan".»

¹⁴ Əhozan-in mæddæryal, äd mæggudal Ƴaysa daɣ Ahan wa Zəwwəran n Əlyibada en da, izzozay-tan.

¹⁵ Miŝan ənkarän muzaran ən limaman äd musanan n Əttawret äŝŝakan wællen aratan simaklalten win iga Ƴaysa den. Əŝŝakan deɣ ŝiɣaraten ŝin taggin bararan daɣ Ehan wa Zəwwəran n Əlyibada gannin: «Ozana! Tæmmal y ahaya n æmænokal Dawød!»

¹⁶ Awen a fæl ənnan i Ƴaysa: «Təsâlla y awa gannin da?» Amaran inn-asan Ƴaysa: «Awalla. Awak tæɣaray a wær tægem daɣ Əlkəttaban batu ta tænnat: "Kəy a d-ewayan æs bararan, äd janɣayan a dak-agin tæmmalen!"»

¹⁷ Dæffær awen ifal-tan Ƴaysa, igmad Yerusalem, edwa tæɣræmt ta n Betanəy insa daɣ-as.

Alayan ən Ƴaysa aŝək wa n fig

¹⁸ As affaw iqqal-du Yerusalam harwa aḡōra, ifray i gələk daḡ tarrayt.

¹⁹ Inay ašək ən fig immar-t-in mišan wər daḡ-as in-ogez ar ifərkkak ḡas. Təzzar inna y ašək wen: "Tammazzaxet d igi n aratan har faw daḡ əddənət!" Amazay wen daḡ ad iqqur ašək en.

²⁰ As ənayan nəttulab-net awen, isammaklal sər-san, ad gannin: «Manəmmək as iqqur ašək ən fig wen imi iyyanda?»

²¹ Inn-asan Ḡaysa: «Əggəyyeḡ əsilakanax-awan âs as təzzəgzanam, wər təgem a imosan aššak, wərgex awa əgex y ašək a ḡas as za təfrəgam igi-net. Kalar ad təfrəgam ad tannim y adḡax wa: "Əgməd adag di təfətəqqe daḡ agarew", agu dex awen da.

²² Arat kul wa tonsayam Məššina s əzəgzan, a tu-təgrəwam.»

Əsəstan igân day batu ən tarna ən Ḡaysa

²³ Ikka Ḡaysa Ehan wa Zəwwəran n Əlḡibada, a daḡ-as isasaḡru. Əhozan-t-in muzaran ən limaman, əd muzaran ən Kəl-Əlyəhud ənnan-as: «Awak ma təmos tarna tas tətəggaḡ aratan win? Ma kay-ikfan tarna ta?»

²⁴ Inn-asan Ḡaysa: «Nak da a dawan-agax əsəstan iyyanda. As təjjəwwabam y əsəstan-in, a dawan-əməla da d-əgrəwax tarna n igi n aratan win tagga da.

²⁵ Ənta da əsəstan-in: "Awak əsəlməḡ wa iga Yaxya aytedan daḡ aman Məššina a ḡur d-ifal awen meḡ aggadəm?"» Təzzar ad tinəməninn gar-essan: «As nənna: "Məššina a ḡur d-igraw turagat n awen", a danaḡ-annu: "Mafel za wər sər-əs təzzəgzanam?"

²⁶ As das-nənna amaran: "Aggadəm a ḡur d-igraw Yaxya tarna ten", wədi a dana-təššək tamattay, fəlas ketnet təkkâs aššak as Yaxya ənnebî a imos.»

²⁷ Təzzar ənnan i Ḡaysa: «Wər nəssen.» Inn-asan Ḡaysa: «Nak da za wər dawan-z-əməla wa di-ikfan tarna n igi n aratan win.»

Əlmital wa n bararan win əššin

²⁸ Iḡla Ḡaysa iššewal inn-asan: «Ma tənnam s əlqissat ta? Aləs iyyan a ilan əššin bararan. Ihoz-in barar-net wa azzaran, inn-as: "Aḡlu barar-in təšḡəla daḡ afarag-nana wa n alḡanab azala."

²⁹ Inn-as barar-net wen: "Wər di-ihā adi." Mišan ya dəffər awen, imməgraz barar en tuḡyt ta iga y abba-net, təzzar iḡla ikka afarag-nasan.

³⁰ Ihoz-in aləs wen barar-net wa n əššin iḡmay daḡ-as arat wa iḡmay daḡ wa azzaran. Iḡ-as barar-net wen alḡawab igân əs saḡmar, inn-as: "Awalla Abba-nin, ad akkaḡ afarag-nana!" Mišan iqqim da wər t-ikka.

³¹ Awak ma imos daḡ bararan en wa immozalan tara n abba-nasan?» Ənnan-as: «Adi za barar wa azzaran!» Əddi a dasan-inna Ḡaysa: «Əggəyyeḡ əsilakanax-awan za as, inabazan ən takəsen əd təkərwaten, da a dawan-izaran ətəwəqbal daḡ Taḡmar ta n Məššina.

³² Ənnəḡ-awan adi fəlas Yaxya, os-iwan-du, issəkn-iwan awa kawan-iwaran əmərədda gar-əwwan əd Məššina, mišan wər sər-əs təzzəgzanam. Amaran inabazan ən takəsen, əd təkərwaten, əzzigzanan sər-əs. Kawanay iman-nawan tənâyam awen, mišan wər sər-wan d-eway təmagrist waliyyat n arak mazalan-nawan əngəm za təzzəgzanam sər-əs.»

Əlmital wa n magyakan n alḡanab

³³ Səsəmat y əlqissat iyyat təmosat əlmital: «Məššis n aḡaywan iyyan a inbalan alḡanab daḡ amadäl-net, issəḡlay-tu afarag, izzəḡaz daḡ-as tagdayt ta daḡ itawazmu alḡanab. Issəkras ogga ihhoken as z'iggār awedan wa ogazan afarag en. Təzzar issəḡfar afarag-net en i magyakan wiyyad, iššokal.

³⁴ As du-tahoz tamert ta n əmiləy n alḡanab, izammazal eklan-net əs magyakan win əḡfarnen afarag-net, y a das-d-awəyan adagar-net daḡ alḡanab.

³⁵ Mišan obazan magyakan win eklan win, əḡan y iyyan daḡ-san šiwwit, əḡan iman ən wa hadan, ad əggaran wa n karad əs təhun har t-aba.

³⁶ İlas məššis n afarag izammazal sər-san eklan wiyyad ogarnen win den igət, mišan əḡan-asan meddan win əḡfarnen afarag en awa daḡ əḡan i win din-izammazal dat awen.

³⁷ Təzərəst n awen, as sər-san izammazal barar-net, fəlas inna daḡ man-net: "Dad zamas barar-in awa immikkan as ad t-əssəḡmərən!"

³⁸ Mišan as ənayan magyakan win barar-net namannan gar-essan: "Ənta əddi amakkasu n afarag. Əndawat a tu-nanḡu kərəz, ad nəkkusət afarag."

³⁹ Təzzar obazan-tu, əkkasan-tu daḡ afarag, ənḡan-tu kərəz.»

⁴⁰ Inn-asan Ḡaysa: «Awak as d-osa məššis n afarag n alḡanab wen, ma z'əgu i magyakan n alḡanab win den?»

⁴¹ Jajjayan aytedan ænnan-as: «As d-osa za, ad iḡræd tenaḡay æn maksanan win di, issaḡfar afarag-net i magyakan wiyyad a das-du-za-tawaynen tønfa daḡ tamert-net.»

⁴² Inn-asan ʒaysa: «Awak teḡarar a wær tægem daḡ ʒlkættaban as: "Təhunt ta din-əgaran makrasan, ənta a təqqalat təhunt ta təkbalat ehan, arat wen ʒməli a d-ʒfal, amaran isimaklal sər-na"?"»

⁴³ «Awen daḡ a fəlas əmələy-awan as Taḡmar ta n Məššina a daḡ-wan tattarmas, tətəwəkfū i tamattay ta daḡ-as du-za-tawəyat tønfa.

⁴⁴ Awedan wa udan fəl təhunt ten, ad addagdag, wa fəl tuda deḡ a tu-təlkəš.»

⁴⁵ As əslan muzaran æn limaman əd Farisaytan y əlmitalan win iga ʒaysa den, əgran as əntanay a fəl imməgrad.

⁴⁶ Ad gammayan əmmək was tu-za-səttərməsən, mišan əksudan tamattay, fəlas təga i ʒaysa iduf n as ənnəbi a imos.

22

ʒlmital wa n təkṛəst

¹ ʒlas ʒaysa ig-asan əlqissat iyyat təmosat əlmital, inn-asan:

² «Taḡmar ta n jənnawan, təha əlmital n əmənokal iyyan isassagan saksas daḡ təkṛəst æn bərar-net.

³ ʒzammazal eklan-net y ad əməlan y aytedan win as ira a d-əggəzan saksas wen, mišan ugayan s a d-asin.

⁴ ʒlas əzəmmizəl n eklan-net wiyyad y ad annin y aytedan win den: "Nak sammatagay iməgura-nin, əgzamaḡ izəgran-in, əd haran-in win əddəratnen, arat kul immotag əmərədda, aḡliwat-du amaran ad nassantu saksas."

⁵ Mišan əgmədan batu-net, wiyyad əkkan šiwəgas-nasan, wiyyad əkkan idaggan win daḡ satagan,

⁶ təzzar obazan win hadatnen inammazalan win den, əgan-asan taršəxšad, ənḡan-tan kərəz.

⁷ ʒggaz alham labasan əmənokal, issəgla sojitan-net, əḡradan tenaḡay æn maggan æn man win den, əḡradan əsəqqəd n əḡrəm-nasan ketnet.»

⁸ «Təzzar inna y eklan-net: "ʒmutag za win saksas əgən, mišan meddan win den, wær əhoran əd məgura win.

⁹ Daḡ adi, aḡliwat takkim idaggan win daḡ əmmənəynat tarrayen, taḡrim-du aytedan kul win tənəyam, a d-akkin saksas."

¹⁰ Təzzar əgla eklan win den, əḡran-du aytedan kul win ənayan, gər za win oləḡnen, wala win əmosnən imaksanan, har iḡrad adag wa n saksas en adanay n aytedan.

¹¹ ʒgla-du əmənokal y ad inəy əljəməḡat ta du-təddewat den i təkṛəst. Inay daḡ meddan win əllanən den iyyan wær nəlsa tabdoḡ tas ihor a du-tətəwəqqən əs təkṛəst.

¹² Inn-as əmənokal: "Obaz, kay ak mas du-təggazaḡ edag a wær təqqəna tabdoḡ tas ihor a du-tətəwəqqən əs təkṛəst?" Wær du-təgmed tefert waliyyat imi n aləs wen.

¹³ Den daḡ ad inna əmənokal i maššaḡalan-net: "Abəzat-tu, təḡrədam kerrad æn daran-net əd fassan-net, təgəram-t-in sədi daḡ šiyay, daḡ adag wa daḡ hallin aytedan, əddədən idədwən-nasan fəl təmagraz."»

¹⁴ Inna ʒaysa: «Aytedan aggotnen a du-tawaḡranen, mišan wær daḡ-san əggətan win tawasanafrannen.»

Arazam n amana i Qaysara

¹⁵ Dəffər awen mašawwaran Farisaytan, ad gammayan əmmək as əgan i ʒaysa taftaw, ərən a tu-səssugin batu a tu-za-tagit daḡ ḡunan.

¹⁶ Zammazalan-du arat daḡ nalkiman-nasan, d aytedan wiyyad əwarnen aganna n əmənokal Herod y ad annin i ʒaysa: «ʒššəx, nəssən as əməggi æn tidət a təmosa, amaran təsasaḡra əs tidət awas dana-iwar igi-net daḡ tarrayt ta n Məššina. Wær t-illa i təkšuda daḡ awa təganna, fəlas wær təzləya daḡ almaḡam n aytedan.

¹⁷ Daḡ adi, nəra daḡ-ak a dana-təməla: Awak xalal arazam n amana y əmənokal wa zəwwəran Qaysara, me wær xalal?»

¹⁸ Mišan ʒra ʒaysa əššur-nasan, inn-asan: «Mafel tətajjarrabam-i, əlmunafiqan win?

¹⁹ Sakniwat-i tefelt n əzrəf tas itawarzam amana.» Təzzar təmmeway-as-du tafelt.

²⁰ Inn-asan ʒaysa: «Ma ilan əḡaf d esəm win əwarnen tefelt ta?»

²¹ ʒnnan-as: «ʒn Qaysara.» Təzzar inn-asan ʒaysa: «ʒnəyat za, aḡiwat i Qaysara awa kawan-issəwar, tagim i Məššina awa kawan-issəwar.»

²² ʒsammaklal sər-san aljawab wen, oyyan ʒaysa əgla.

Æsætan day batu n azalaf day alaxirat

²³ Æzəl wen day a d-osan Sadusaytan, æmosnen aytedan æganen iduf n as wər tu-təlla tanakra dæffər tæmattant. Æhozan-in Ýaysa, æssæstanan-tu,

²⁴ ænnan-as: «Æššex, ænnəbi Musa inna: "As aba awedan wər igrew barar, wədi amadray-net a iwar ad izləf tantut ta d-ooya den, fəl ad agu æzzurrəyya y æmidi-net wa aba den.»

²⁵ «Ænta nakkanay, əhân-anəx əssa mədrayan. Izlaf wa dasan-waššaran ketnasan, aba-tu da wər ila barar, ooya-du tantut-net y amadray-net.

²⁶ Iga awen da fəl amadray-net wen, igraw wa n karad, xasil a tat-zallafan itiba-tan da wər dər-əs ələn bararan, har əxradan fəl əssa-essan.

²⁷ Dæffər as tan-aba ketnasan, aba tantut ten.

²⁸ Day adi əzəl wa n tabadday, ma imos day əssa mədrayan win den was za təqqəl tantut ten təxurəs, dad zamas ketnasan əzlâfan-tat.»

²⁹ Inn-asan Ýaysa: «Iket n alxata tətâfam-tu, fəlas wərmad təssanam awa ænnan Ælkəttaban, wala dəx təssanam awa dər togda tarna ən Məššina.

³⁰ Æssənat əs əzəl wa n tabadday, wər t-illa azalaf i meddan wala šidoden. Kalar tæmæddurt a z'agin šilat ən ta ægan angalosan day jənnawan.

³¹ Day batu amaran ta təqqalat tanakra ən nəmməttan, awak edes a kawan-wər-iga as təxram awa a dawan-inna Məššina day Ælkəttaban? Wərgəx a inna:

³² "Nak a imosan Æməli n Ibrahim, Æməli n Isəhaq, Æməli ən Yaquq?" Məššina wər imos Æməli ən tæməxxa, kalar Æməli ən win əddarnen a imos.»

³³ Tamattay ta təslat y aljawaban win den, isimaklal sər-əs wəllen əsəssəxri wa iga Ýaysa den.

Alwajiban win ogarnen

³⁴ As əslan Farisaytan as Ýaysa iga aljawab isifastan Sadusaytan, æmmənanayan.

³⁵ Inkar iyyan day-san imosan æmusan n əššərixa, ira ad agu tənagmayt i Ýaysa. Issəstan Ýaysa inn-as:

³⁶ «Æššex, ma imos alwajib wa ogaran day Ættawret?»

³⁷ Inn-as Ýaysa: «Ænta da alwajib wa ogaran: "Iru Æməli-nak Məššina s əwəl iyyanda, əd man ərdânen, tireq-qu dəx əs tayttay-nak kul."

³⁸ Ænta da da alwajib wa ogaran alwajiban kul, imos dəx wa azzaran.

³⁹ Amaran alwajib da wa ilkaman i wen, a dər-əs olân: "Agu y əšəqqay-nak tara ta təgəx i man-nak."

⁴⁰ Alwajiban win əššin a, əntanay a day iqqan arat kul wa ihan Ælkəttaban.»

Ælməsix əd Dawəd

⁴¹ Əqlan Farisaytan win den əllân den da, æmminayan. Issəstan-tan Ýaysa amaran,

⁴² inn-asan: «Ma imos iduf-nawan day Ælməsix? Ma tənnam ma imos abba-net?» Ænnan-as: «Adi za Ag əmənokal ənnəbi Dawəd!»

⁴³ Inn-asan Ýaysa: «Day adi, manəmmək as t-ixra ənnəbi Dawəd əs tilalt n Infas wa n Məššina s esəm wa n: "Æməli"? Fəlas a inna:

⁴⁴ "Inna Æməli y Æməli-nin: 'iyyaw qamu day əxil-in, har əxredəy əsərəs ən zəngan-nak, agaq-qan daw daran-nak.'"

⁴⁵ Dad zamas ixr-ay Dawəd s esəm wa n Æməli, day adi manəmmək as z'iqqəl barar-net?»

⁴⁶ Wər t-illa awedan waliyyan ilfâdan i Ýaysa wala təfert iyyadda n aljawab y əsəstan wa iga den. Amaran a obazan xur əzəl wen, ab'as t-illa awedan ihalan a das-əgu əsəstan waliyyan.

23*Ýaysa iggâz šin məssəsəxra n Ættawret əd Farisaytan*

¹ Den day ad iššewal Ýaysa i tamattay, əd nəttulab-net, inn-asan:

² «Imusanan n Ættawret, əd Farisaytan, əntanay a sasaxrinen aytedan əššərixa wa d-ooya ənnəbi Musa.

³ Day adi mazalat aratan kul win kawan-sasaxrin, tabbardagam y awa dawan-gannin. Mišan ad wər tətəggim imazalan win taggin, fəlas awa gannin, wər idrew arat d awa tamazalan.

⁴ Əzuk zəwwəran as izzəwat aggay-net a sawaran aytedan, əntanay amaran wər tu-z-ədəsan əs wala idədwān-nasan.

²⁸ Æmmæk en daḡ a tēgam kawanay da. Daḡ azzahir za, toḡâdam, mišan iwallan-nawan, wēr ædkeran ar tælmənufəqa æd talbast.»

²⁹ «Iket alḡazab iqqâl-awan ya imusanan n Ættawret æd Farisaytan win ælmunafiḡan! Tækârrasam izækwan y ænnəbitan, tædállagam izækwan n aytedan win oḡadnen,

³⁰ amaran tēgannim: "Ænnar du-nəggâz azzaman win d-əggazan marawan-nana, wēr dər-san za nənəmənnæk daḡ tanaḡla ta əgan azni n ænnəbitan."

³¹ Æmmæk en daḡ as təsattaddam tišit-nawan ihayawan n aytedan win ənḡanen ænnəbitan.

³² Daḡ adi səkkəsəwat awa din-əḡlaman marawan-nawan.

³³ Iket ən taššolen! Èzzənəf ən taššolen šin iha assam wa labasan! Manəmmæk as za taddarragam y attadib an Jahannama?

³⁴ Awen daḡ a fəl kawan-d-əssokay ænnəbitan, æd malan-ən-tayttay, æd musanan n Ættawret. Ad tagim iman ən wiyyad tattaytayam-tan fəl tēḡəttawen, tagim šiwwit n ælkkud i wiyyad daḡ nan-nawan win əlḡibada, tælləmam gər ḡərman tēdḡəzam-tan,

³⁵ fəl a kawan-iwər alxaḡ kul n əzni wa təwanḡalan daḡ tædləmt, a d-obazan ḡur Habila wa n alḡadil, har əlimam Zakarayya wa n ag Barakəya wa tənḡam gər edag wa zæddigan æd majmar wa zəwwəran n əsəqqəd ən təkutawen daḡ Ahan wa Zəwwəran n Əlḡibada.

³⁶ Èggəyyeḡ əsilakanaḡ-awan as aratan win əmalay əddi, kul ad agin fəl aytedan n azzaman win!»

Təkurat fəl Yerusalem

³⁷ «Xa aytedan ən Yerusalem, iket tēgam iman n ænnəbitan, tənḡam deḡ əs tēgur ən təhun win sər-wan d-izammazal Məššina! Awak har mənəkət taklaten, gammaya d a kawan-d-əššidəwa s əmmæk as du-təšadaw təkəjit ikərətan-net daw əfrutan-net, mišan tugayam s awen!

³⁸ Ənəyat za, ehan-nawan ad itəwəyyu issūf.

³⁹ Fəlas əsilakanaḡ-awan as wər di-za-tələsam anay a obazan ḡur əmərədda har əzəl wad za tannim: "Wa d-osan s esəm n Əməli, igrâw arraxmat!"»

24

Èsəssəḡri wa n səmmos: Ahluk ən Yerusalem d əḡrud n əddənət

Èsənti

¹ As iḡrad ḡaysa batuten šin den, igmad Ehan wa Zəwwəran n Əlḡibada, igla. Èhozan-t-in nəttulab-net y a t-in-sassagrin təməkrušt n Ahan wa Zəwwəran n Əlḡibada wen.

² Mišan inn-asan ḡaysa: «Təhannayam əkərrus wa? Èggəyyeḡ əsilakanaḡ-awan as awa təhannayam da, ketnet wər daḡ-as du-z-aqqam təhunt təwârat təmidit-net, ketnet ad itəwəjəbbərejjet.»

³ Dəffər awen igla, iqqim fəl ədḡay wa n Eškan ən Zaytun. Èhozan-t-in nəttulab-net ḡas-nasan, ənnan-as: «Əməl-anaḡ əmmay ad z'agu arat wədi, təməlay-anaḡ alḡalamat ta za tassaknit assa-nak, d əḡrud n əddənət.»

Alḡalamaten n əḡrud n əddənət

⁴ Inn-asan ḡaysa: «Ənkədat. A kawan-wər-issəxrək awedan waliyyan.

⁵ Fəlas aytedan aggotnen a du-z-asinen əttâfan esəm-in, akkiyyan daḡ-san igannu imos Əlməsix. Amaran ad əssəxrəkan s awen aytedan aggotnen.

⁶ Ad taslim i tərnuq ən məgiran, æd salan ən məgiran. Mišan ənkədat y a kawan-issərməḡ awen, fəlas aratan adi as kundaba əgan. Mišan wərgəḡ əntanay a mosnen təzərəst n əddənət.

⁷ Ad əknəsnať addawlaten gar-essanať, əknəsnať taḡmaren gar-essanať. Iməl-tu laz labâsan, æd nəḡəynəḡəyan n amaďal daḡ daggan aggotnen.

⁸ Mišan aratan win kul, wər əmosan ar ənətti ən təlawayť təhât əlmital ən ta du-tətizarat əs təntut tətəggazat amzur.

⁹ Èddi ad za tətəwəggim daḡ təssust labasat, ad tətəwanḡim, tətəwəgzaram daḡ tətəttiwen n əddənət kul, fəlas kawan-iwar esəm-in.

¹⁰ Arat wen a d-awəy s aytedan aggotnen a tan-igməd əzəḡzan-nasan, ad tinəməkəddilan, nəməḡzəran.

¹¹ Ad t-əməlan ənnəbitan ən bahu aggotnen, a z'əssəxrəknen aytedan aggotnen.

¹² Ad tətittəy talbast har as taššam n aytedan a daḡ-san təfnəz tara wəllen.

¹³ Mišan wa daḡ-wan izmaran har təzərəst, wədi ad iḡləs.

¹⁴ Isalan n Ælinjil, imosan isalan ən Taɣmar ta n Məššina win da, ad təwəmələn daɣ əddənət ketnet, fəl ad aslinat təmattiwən kul n əddənət təgəyya ta. Əddi amaran a du-za-tawəd təzərəst.»

¹⁵ Iɣla Ƴaysa iššewal inn-asan: «As tənayam "taxxaramt ta səksədət" ta imal ənnəbi Danəyel, təha edag wa zəddigan, – wədi wa iɣarrin, agret! –

¹⁶ Əddi aytedan win akal ən Yahudəyya, addaggaganet s əɣɣaɣan;

¹⁷ Awedan wa iqqiman daɣ adag wa n afalla n ahan-net, a du-wər-azzabbat y a din-idkəl ar-es ihân ehan-net.

¹⁸ Awedan wa ihan tawagost-net, a du-wər-iqqəl aɣaywan-net igmây isəlsa-net!

¹⁹ Ikət aɣazab ad t-aginət tədoden šin əganen šidusen əd šin sankasnen daɣ adan win den!

²⁰ Əgməyat daɣ Məššina a fəl du-wər-imazayyat ədəggəg-nawan əd tamert n asamed irtayan d akonak, madəɣ əzəl wa n təsanfawt.

²¹ Fəlas adan win den, a tu-təməl təssust labasat as, a du-tənta əddənət wər tətawanay ši wər toger; amaran wər ilkem deɣ ad tətowanay tulat-net dəffər awen.

²² Kundaba as adan win den ikf-en Æməli təzərəst, wədi wər t-illa i daɣ-san du-z-irəgan. Kalar ad təwəzzəgzələn fəl əddəlil n aytedan win tawasanafrannen.

²³ Əddi amaran, as dawan-inna awedan: "Ənəyat! Ælməsix illa da", madəɣ: "Illa den", a das-wər-təzzəgzənam!

²⁴ Fəlas ad t-əmələn əlməsixan ən bahu, əməlan-tu deɣ ənnəbitan ən bahu. Ad taggin aɣalamaten simaklalnen, əd təlməxjujaten əmmittaynen, har as ənnar əfragan awen, əssəxrəkan aytedan harkid win isannafran Məššina.

²⁵ Daɣ adi ənkədət əd man-nawan! Aratan win, əgəɣ-awan-tan daw aɣaf!

²⁶ Amaran as dawan-itawanna: "Ənəyat, Ælməsix den iha teneray", a tu-wər-takkim. Madəɣ itawann-awan: "Ənəyat, iha daɣ ahan edag wa ogaran ilɣi", kaššeday, ad wər təzzəgzənam wala daɣ batuten šin di.

²⁷ Əssənət as, assa-nin nak Ag Aggadəm ola d essam a du-z-assantin əbələzləz da d-inta dənnəg, har da d-iraz ataram.

²⁸ Edag təggaz təmaxsayt, a daɣ-as iddawan jadaran.»

Tewaylay n Ag Aggadəm

²⁹ Iɣla Ƴaysa iššewal, inn-asan: «Tarməd dəffər adan ən təssust ta labasat en, ad alsinat šiyyay təfuk, tallit deɣ igməd-tat ənnur-net, ərəkən-du etran, nəgəynəgəynat təxəllak šin əlanen tarna daɣ jənnawan.

³⁰ Əddi a du-za-tənəfiləl aɣalamat-in nak Ag Aggadəm daɣ jənnawan. Šimattiwən kul n əddənət ad səkkirəynat, təzzar ənəynat-i nak Ag Aggadəm as du-z-asa əheɣ šignawen, əknəɣ təla ən tarna əd tanaya.

³¹ Təzzar insəɣ in asak, zəmmizəla nak Ag Aggadəm angalosan-in, əššidəwan-du aytedan win əsannafrana daɣ təxəmmar an əkkozat n əddənət.»

Təssunt ta n ašək ən fig

³² Inn-asan: «Abəzat alfaydat s əlmital wa n ašək ən fig. Igda ad hussəyan lədlad-net, iggaz-du šin tanazra, ad təssənəm as tamert ta n akasa təhöz.

³³ Zund əmmək en daɣ əs as tənayam aratan kul win dawan-əmalay əddi, təssənəm as aɣrud n əddənət ihoz, wər illa gar-ewwan dər-əs arat.

³⁴ Əggəyyəɣ əsilakanax-awan as tamattay ta da n azzaman win nəha da, ad tənəy ənətti n aratan kul win dawan-əməla da.

³⁵ Ijənnawan d amaɣal ilkam ad ib'as t-əllan, mišan batuten-in əllanat-tu har faw.»

Əzəl wala alwaq wa n tanakra n alaxirat, wər tawassanan

³⁶ Iɣla Ƴaysa iššewal inn-asan: «Əzəl amaran wala alwaq wa daɣ z'agu awa dawan-əməla da, wər t-illa i daɣ-san issānan, gər za angalosan a əhanen ijənnawan, wala Barar iman-net. Wər t-illa i daɣ-san issānan ar Abba ɣas.

³⁷ Awa igan daɣ azzaman n ənnəbi Nux, a z'agin daɣ adan win daɣ du-z-asa nak Ag Aggadəm.

³⁸ Təssənəm as adan dat alwabil, aytedan tättin, sassin, zállafan, zâzlafan har əzəl wa daɣ iggaz Nux aɣlal n aman.

³⁹ Wər əgen aššak daɣ arat waliyyan, har d-ewad alwabil, iɣrad-tan ebət ketnasan. Zun awen daɣ a z'agin ɣur assa-nin nak Ag Aggadəm.

⁴⁰ Əddi əššin magyakan nimašɣalnen daɣ tawagost iyyadda, ad ammadkal iyyan, itəwəyyad-du wa hadan.

⁴¹ Sanatət tədoden taddanen daɣ adag iyyanda, ad tammadkal iyyat, tətəwəyyad-du ta hadat.»

Elmital wa n mæššis n aḡaywan d abaydag

⁴² Inn-asan: «Daḡ adi ənəkədat, fəlas wər təssenam əzəl wa daḡ du-z-asu ʔməli-nawan.

⁴³ Təssānam wəllen ās ənnar issān mæššis n aḡaywan amazay wa daḡ du-z-idəl abaydag, aḡad wədi ad akəy isəmmutəg y a das-igdəl terazay n ahan-net.

⁴⁴ Awen daḡ a fəlas kawanay da, səmmutəgat, fəlas nak Ag Aggadəm, a d-asa daḡ assaḡat ta wər tordem.»

Elmital wa n əkli wa olaḡan əd wa wər noləy

⁴⁵ Iḡla ʔaysa iššewal inn-asan: «Daḡ adi əkli iḡdālan, ilān əḡərri, ənta a isannafran mæššis izzuzər-tu y eklan-net win hadatnen y a tan-ihakku imensewan daḡ alwaq was ihor.

⁴⁶ Ibbilal əkli wen, as d-iqqal mæššis, ogaz-t-id iha əššəḡəl wa daq q-id-oyya den.

⁴⁷ ʔḡḡəyyəḡ əsilakanəḡ-awan as əkli wen, ad t-izzuzər mæššis i təla-net kul.

⁴⁸ Mišan ənnar imos ark əkli, inna daḡ man-net: "Mæšši illolat-in,"

⁴⁹ təzzar ad iggat imidawan-net, idarraw d aytedan win tamaswadnen, itinəmæšəw dər-san esmad,

⁵⁰ wədi ilkām a t-id-iḡdər mæššis daḡ əzəl d amazay wər orda.

⁵¹ Təzzar ad t-iggāt mæššis har t-iksən, əg-ay dad tawaggin əlmunafiqan. Den da ad əllan aytedan win hallinen əddadan idədwān-nasan fəl təmagraz.»

25

Elmital wa n marawat təmawaden wər nəzday meddan

¹ Iḡla ʔaysa iššewal i nəttulab-net, inn-asan: «ʔzəl wədi assa ən Taḡmar ta n jənnawan, ad iggəz əlmital ən marawat təmawaden wər nəzday meddan, ədkalnen ibelan-nasnat əzəl ən təkəst, əssəlkadnat y amazlay.

² Səmmosat daḡ-asnat za wər əlenat tayttay, səmmosat amaran əlānat-tat.

³ Šin wər nəla tayttay za, as ədkalnat ibelan-nasnat, wər ewaynat widi wa n əsəḡi-nasan.

⁴ Šin əlanen tayttay amaran, as ədkalnat ibelan-nasnat, ewaynat šitəkan iha widi wa n əsəḡi-nasan.

⁵ Illolat-in amazlay, har as obaz-tanat etəs ketnasnat.

⁶ As iḡa adawannay, təga-du təḡərit, itawanna: "Amazlay əddi, ərdəḡat-du səlkədat-as!"

⁷ Təzzar ənkarat-du təmawaden šin marawat en ketnasnat, sammatagnat ibelan-nasnat.

⁸ ʔnnanat šin wər nəla tayttay i šin hadatnen: "Ibelan-nana əḡḡazan šin təmattant, akfimat-ana-du daḡ widi."

⁹ ʔnnanat-asnat šin əlanen tayttay: "Kala, widi-nana wər danəḡ-ewed dər-əkmat. Aḡlimat akkimat imassatagan ən widi tazanzimat-du widi i belan-nakmat."

¹⁰ As əḡlanat y a d-azzanzinat widi, osa-du əmazlay, əḡḡaznat fall-as səmmosat təmawaden šin sammatagnen edag wa daḡ itaggu saksas, tətawahar-du təsəhərt n ahan.

¹¹ Dəffər awen, ewadnat-du təmawaden šin hadatnen, ad saḡaratnat y amazlay, ganninat-as: "Mandam! Mandam! Aləm-ana!"

¹² Təzzar inn-asnat amazlay: "ʔḡḡəyyəḡ əsilakanəḡ as wər kamət-əzdayəḡ.»

¹³ Iḡla ʔaysa iššewal inn-asan: «Daḡ adi ənəkədat, fəlas wərmad təssānam əzəl, za wala assaḡat ta du-z-asa.»

Elmital wa n təsəgras n urəḡ

¹⁴ «Batu ta təqqalat Taḡmar ta n jənnawan, təha əlmital n aləs išakalan. Iḡra-du eklan-net, a tan-isaḡlaf ərrəzəḡan-net.

¹⁵ Ikfa iyyan daḡ-san səmmosat təsəgras ən dinaran n urəḡ, ikfa wa hadan sanatāt, ikfa iyyadda y əkli wa n karad, a daḡ ewal awen əs da du-təqqal fərregat-nasan, amaran iššokal.

¹⁶ Tarmad as iḡla wa issəḡlaf səmmosat təsəgras, iššəḡəl urəḡ wen, igraw-du fall-as səmmosat təsəgras šiyyad ən dinaran.

¹⁷ Wa issəḡlaf sanatāt dəḡ iḡla, išḡal, igraw-du fall-asnat sanatāt šiyyad.

¹⁸ Wa wər nəḡrew ar təsəgrəst iyyadda, iḡla iḡa anu daḡ amaḡal inbal daḡ-as təsəgrəst ta iḡlaf den.

¹⁹ As təga tərut dəffər awen, osa-du mæššissan, ad isaḡrad ərrəzəḡan win tan-issəḡlaf.

²⁰ Ibdad-du wa issəxlaf səmmosat təsəgras, eway-du səmmosat šin fall-asnat d iššota. Inn-as: "Məşši, səmmosat təsəgras a di-təssəxlafa, amaran əgrawa-du fall-asnat səmmosat šiyyad. Əntanatay da."

²¹ Inn-as məşši: "Alafəyet! Illikan as akli olâxan a təmosa, təmosax dəx awedan ən təfləst. Təssiknax adi dağ arat wər nəggət. Dəffər awa a kay-əssəxləfəx a aggen. Iyyaw taga təfalawist ta əgeç nak an məşşik!"

²² «Wa issəxlaf sanatat təsəgras dəx ibdad-du, inna: "Məşši, sanatat təsəgras a di-təssəxlafa, amaran əgrawa-du fall-asnat sanatat šiyyad. Əntanatay da."

²³ Inn-as məşši: "Alafəyet! Illikan as akli olâxan a təmosa, təmosax dəx awedan ən təfləst. Təssiknax adi dağ arat wər nəggət. Dəffər awa a kay-əssəxləfəx a aggen. Iyyaw taga təfalawist ta əgeç nak an məşşik!"

²⁴ «Dəffər awen amaran, ibdad-du wa issəxlaf təsəgrəst iyyadda, inna: "Məşši, əssânaç as aləs labasan a təmosa, tətälaya-du çarat dağ adag a dağ wər tənbelə, tətälaya-du dəx tənfa dağ adag a dağ wər tənbesəç amasa waliyyan.

²⁵ Adi da fəl di-təggaz tasa-nak, əgləç ənbala təsəgrəst ta di-təssəxlafa. Əmərədda ənta da."

²⁶ Inn-as məşši: "Kay arak əkli a təmosa, təmosa dəx anaffaraşşay! Dad zamas təssânaç as ətälaya-du çarat dağ adag a dağ wər ənbela, ətälaya-du dəx tənfa dağ adag a dağ wər ənbəsaç amasa waliyyan,

²⁷ wədi, ənnâr di təssinsaç azrəf-in dağ bank, as du-z-əqqələç əgrâwa-du fall-as tətəyt, ətkələç-q-idu."

²⁸ Inna məşši: "Dağ adi abəzat-du dağ-as təsəgrəst tədi, takfim-tat i wa ilan marawat.

²⁹ Fələs awedan kul wa ilan, wədi a das-itəwəšitu awa ila, annaflay, amaran wa wər nəla, arat n arat wa ila da, a dağ-as attarmas.

³⁰ Akli amaran wa wər nənfa wala, əgərat-t-in dəffər ahan dağ šiyyay. Den da ad əllan aytedan win hallinan əddadan idədwən-nasan fəl təmagraz."

İşşəriçə wa n əzəl wa n tabadday

³¹ İgla Ƴaysa išşewal inn-asan: «As d-əqqala nak Ag Aggadəm əheç tanaya-nin, əddewa-du d angalosan kul, ad əqqama fəl təxawit-in ta n tanaya.

³² Şimattiwen n əddənət kul a d-idawnat, əbdədnat dat-i. A tanat-zamazaya s əmmək as isakkat amadan ayfad-net dağ wəlli,

³³ əgaç ayfad dağ əxil-in, əga wəlli dağ zalgat-in.

³⁴ Den dağ ad z'anna nak an əmənokal i win əhanen ačil-in: "Ayewat kawanay win as iga Abba-nin arraxmat, ad təgrəwam taçmar ta dawan-tətawasamatagat harwa çur ənətti n əddənət.

³⁵ Fələs iggâz-i gələk, təşşətšam-i; iggâz-i fad, təşşəşwam-i; əqqaləç ənaftəç, təsammagarem-i.

³⁶ İzlama, təssəlsam-i; ərina, təssanam daç-i; əggazaç kasaw, təssəslamam-i-in."

³⁷ Den dağ a di-z-annin aytedan win oçadnen: "İməli, əmmay a kay-nənay ih-ik gələk nəşşətš-ik, wala ih-ik fad, nəşşəşəw-ik?"

³⁸ Əmmay kay-nənay təmosax ənaftəç nəsammarat-kay, wala təzlâma nəssəls-ik?"

³⁹ Əmmay kay-nənay tərina, wala taheç kasaw, əngəm nəssən daç-ak, wala nəssəsləm-kay-in?"

⁴⁰ Den dağ a dasan-z-anna nak an əmənokal: "Əggəyyeç əsilakanaç-awan as dad zamas təgâm aratan win di y iyyanda dağ mədrayan-in win əknanen təmmədrəyt di, wədi nak as tan-təgam."

⁴¹ «Dəffər awen amaran annay i win əhanen zalgat-in: "Ugagat-i imawaran ən tulçant. Açliwat əggəzat Jahannama, tətivasamatagat y İblis, d angalosan win das-əlkammen.

⁴² Fələs iggâz-i gələk, mišan wər di-təşşətšam; iggâz-i fad, mišan wər di-təşşəşwam.

⁴³ İqqələç ənaftəç, mišan wər di-təsammagarem; əzlama, mišan wər di-təssəlsam. Ərina, əggaza kasaw, mišan wər daç-i tessenam za wər di-in-təssəslamam."

⁴⁴ Təzzar annin-i: "İməli, əmmay a kay-nənay ih-ik gələk, wala ih-ik fad, wala təmosax ənaftəç, wala təzlama, wala tərina, wala tahe kasaw, nəqqim wər daç-ak nəssen?"

⁴⁵ İddi a dasan-z-anna: "Əggəyyeç əsilakanaç-awan as, dad zamas wər təgəm aratan win di y iyyanda dağ win əknanen təmmədrəyt di, wədi nak iman-in as tu-wər-təgəm."

⁴⁶ Den da ad z'akkin aytedan win edag n attadib iylâlan, win oçadnen amaran əgrəwan təməddurt ta təçlalət.»

¹ As iħrad Ƴaysa alfaydaten šin kul, inna i nöttulab-net:

² «Təssānam as amud wa n Akkay, ab-as-in əššin adan, amaran əddi daħ ad za təwəsətərməsa nak Ag Aggadəm, y ad təwətəytəya fəl təgəttawt.»

³ As itaggu awen imuzaran ən limaman, əd muzaran ən Kəl-Əlyəhud əddewan daħ aħarħar n aħaywan ən Kayif s ənta a imosan Əlimam wa Zəwwəran,

⁴ ənամardan fəl təmərkest tas z'abəzan Ƴaysa, agin iman-net.

⁵ Dər iga awen da ya gannin: Ad wər nagu adi daħ adan n əmud, fəl ad wər ijənnəjərwəy awen tamattay.

Iba ən Ƴaysa əd tanakra-net daħ təmattant

Ətərməs ən Ƴaysa d ətəwətəytay-net d iba-net

Ətəwəñħal n alwardi fəl Ƴaysa daħ Betanəy

⁶ Iha Ƴaysa təħrəmt ən Betanəy iqqim daħ ahan ən Simħon was kala a t-igraw kətru, ⁷ as du-tosa təntut iyyat təhoz-t-in daħ amazay a daħ isiħamar itattu. Tantut ten teway butalay igān daħ təhunt təknāt šihussay, iha alwardi iyyan ilān almaqam wəllen. Təzzar ad tənəqqal alwardi wen fəl aħaf ən Ƴaysa, imos awen alħalamat ən saħmar.

⁸ As ənayan nöttulab arat wen, əššakan-tu wəllen, ənnan: «Ma infa əħluk n alwardi a?»

⁹ Alwardi wa ilan almaqam a, ənñar inazzan a din-itawagga azrəf aggen, təwəkfın nazzan-net i tələqqawen.»

¹⁰ Igr-in Ƴaysa awen, inn-asan: «Mafəl təħəššadam iman i təntut ta? Əmazal olāħan a di-təga da;

¹¹ fəlas šiləqqawen faw da əllānat ħur-wan, nak amaran wərge faw əllex ħur-wan.

¹² Alwardi wa, tənəħla a tu-təga fəl təħəssa-nin fəl a di-təsəmmutəy y əzəkka-nin.

¹³ Əggəyyeħ əsilakanəħ-awan as edag a daħ ittəmal Əlinjil daħ əddənət ketnet, a daħ-as attamal awa təga təntut a, tətəwəkta-du.»

Iguz ən Yahuza šimərkas šin as z'attarmas Ƴaysa

¹⁴ Əzəl wen da ad inkar iyyan daħ nöttulab win maraw d əššin igān esəm Yahuza was itawannu Isxarəyuti, ikka imuzaran ən limaman,

¹⁵ inn-asan: «Ma di-za-takfım a dawan-t-aga daħ fassan nak iman-in?» Təzzar inamarda dər-san, əkfan-tu karadat təmərwen ən tafelt n əzrəf.

¹⁶ A obazan ħur amazay wen da, ad iggaz šin agamay ən tamazayyat ta daħ z'agu Ƴaysa daħ fassan.

Imutag n amensay n əmud wa n Akkay

¹⁷ As d-ewad əzəl wa azzaran n əmud wa daħ tamətšinat təgəlwen šin wər iha xamira, əhozan-in nöttulab Ƴaysa, ənnan-as: «Mənid tareħ a dak-nəsəmmutəg imensewan n amud wa n Akkay?»

¹⁸ Inn-asan: «Əggəzət aħrəm, takkim awedan iyyan illan den, tannim-as: "Inn-ak Əššex, alwaq ən təmattant-in ihöz. Kay a ħur za nammansaw daħ əmud wa n Akkay nak əd nöttulab-in."»

¹⁹ Əmmożalan nöttulab awas tan-omar Ƴaysa, sammatagan imensewan win Akkay.

²⁰ As tuda təfuk, inəħama Ƴaysa əd nöttulab-net ən maraw d əššin.

²¹ Tattin den daħ as inna: «Əggəyyeħ əsilakanəħ-awan as, iyyan daħ-wan a di-z-agin daħ fassan.»

²² Batu ten, teway-du sər-san as əħšadan man-nasan wəllen, a das-igannu akkiyyan daħ-san: «Əməli, əngəm wərgeħ nak a kay-z-agin daħ fassan?»

²³ Itajawwab-asan, igann-asan: «Wa di-z-agin daħ fassan, ədrawa dər-əs da da daħ əħəzu iyyanda.

²⁴ Tidət as nak Ag Aggadəm a di-iba s əmmək wa əmalan Əlkəttaban daħ batu-nin. Mišan ya, iket alħazab ad t-əgu wa di-igan nak Ag Aggadəm daħ fassan! Awedan wədi, a das-afu fadda a du-wər-iggez əddənət.»

²⁵ Təzzar iššewal Yahuza s ənta a tu-z-agin daħ fassan, inn-as: «Əngəm wərgeħ nak as təgannaħ əddi, Əššex?» Inn-as Ƴaysa: «Kay iman-nak as tənneħ adi.»

Tadrəwt ta təkamat iga Ƴaysa əd nöttulab-net

²⁶ Amazay wen daħ a daħ tattin den, a daħ d-idkal Ƴaysa tagəlla, iga igodan i Məššina, irza tagəlla ten, izun-tat i nöttulab-net, inn-asan: «Atšiwat da. Təħəssa-nin adi.»

²⁷ Dəffər awen, idkal-du təkabart, iga igodan i Məššina, ikf-asan-tat, inn-asan: «Ašwat daħ-as ketnawan,

²⁸ fəlas azni-nin adi, isitaddan azni wa n arkawal ən tassağ gər Məššina əd tamattay-net. Azni wa ad inħəl fəl ad əgrəwan aytedan aggotnen təsureft ən bakkadan-nasan.

²⁹ Æsilakanax-awan as a obazan ġur əmərədda wər z'ələsa tessay n esmad n alyanab wa, iket wər d-ewed əzəl wa daħ z'ašwa wa aynayan nak dər-wan daħ Taħmar ta n Abba-nin.»

³⁰ Təzzar əssəggadan daħ təmmalen a d-əgmədnen Azzabur, as tanat-əħradan, əkkan adħaħ wa n Eškan ən Zaytun.

Emel ən Ƴaysa ətəwəyya-net d ətəwənkər-net

³¹ Əhən tarrayt den da as dasan-inna Ƴaysa: «Ahad ada, ketnawan as dawan-z-əqqələħ əssəbab n ad iwəlīwəl əzəgzan-nawan, fəlas ənnan Əlkəttaban: "Ad əwətəħ amadan, iba-tu, təzzar wəziwəznat ayfad-net."»

³² Mišan dəffər ətəwəsenkar-in daħ təmattant, a dawan-in-izarəħ s akal wa n Galilaya, əqqələħ-awan daħ-as.»

³³ İššewal Butros, inn-as: «Kud iwalawal əzəgzan-nasan ketnasan daħ batu-nak, da wa-nin wər ilkem ad iwilawal.»

³⁴ Inn-as Ƴaysa: «Əgğəyyeħ silakanax-ak as ahad ada, as z'aħru əkəji aħora, təgğədaħ-i har karadat təklaten.»

³⁵ Inn-as Butros: «Kud iqqal as ətəwənħa kərəz a za nagu nak dər-ək, da wər kay-z-əggəda.» Ənnan nəttulab ketnasan awen da.

Təwatray ən Ƴaysa daħ Gatsemanay

³⁶ Ewad dər-san Ƴaysa afarag n eškan ən zaytun as itawannu Gatsemanay, inn-asan: «Qamiwat əddi da, ad akkaħ edag en, ad aga šiwatriwen.»

³⁷ İzzənkəz fall-asan Ƴaysa, iddew əd Butros, d əššin meddan ən maddanəs ən Zabaday, təzzar əssəntan man-net aħšud, iššəwaš.

³⁸ Den daħ a dasan-inna: «Awa əgan man-in daħ aħšud, əbukəħ a di-aba. Ad wər təfəlam da, ad nakəy nak dər-wan.»

³⁹ Təzzar iga fall-asan arat n əzənkəz, issəjad, ittar, inna: «Abba-nin, kud immikkan adi təssəgəgəħ-i təkəbart ta n aħzəzab di! Dər iga awen da ya, wərgəħ awa areħ nak a itaggin, kalar awa tareħ kay a z'əgin.»

⁴⁰ Dəffər awen iqqal-du Ƴaysa inəttulab-net win karad en, os-en-du ənsən. Inna i Butros: «Daħ adi indar-awan ad tagim alwaq iyyanda tokəyam nak dər-wan!

⁴¹ Akəyat, tansəyam Məššina a kawan-oggazan daħ jarrabatan n İblis. Tidət as ənnəyat n əggadəm təsidaran igi n awa olaħan, mišan igdal-as rəkkəm ən təħəssa-net awen.»

⁴² İlas əzənkəz fall-asan, ad itaggu šiwatriwen, inna: «Ya Abba-nin, kud wər t-illa əmmək as di-təħlay təkəbart ta n aħzəzab di, kud ilzəm-i a tat-ašwa, wədi tagiwet taranak!»

⁴³ İlas iqqal-in inəttulab-net win karad, ogaz-tan-in əqqələlan etəs, fəlas awa dasan-iga etəs daħ iguz ab-as əfragan arra ən šittawen-nasan.

⁴⁴ İlas ifal-tan, ikka den, iga təwatray-net ta n karadat, a daħ inna arat wa inna dat awen.

⁴⁵ Dəffər awen iqqal-du inəttulab-net, inn-asan: «Kawanay harwa da tənsəm, təsanfim! Ənəyat! Alwaq ihoz-du wa daħ za təwəgga daħ fassan ən nasbakkadan nak Aġ Aggadəm.

⁴⁶ Ənkərat-in əndawat! Ənəyat! Wa di-z-əgin daħ fassan, ewad-du.»

Ətərməs ən Ƴaysa

⁴⁷ İššewal harwa da, as d-ewad Yahuza, imosan iyyan daħ nəttulab-net win maraw d əššin, iddew əd təmmattay tagget a d-əssiqlan muzaran ən limaman əd muzaran ən Kəl-Əlyəhud. Tamattay ten tewəy šikabiwen əd təburəgen.

⁴⁸ Wa tu-z-əgin daħ fassan, iməl-asan aħalamat tas z'itəwəssən, inn-asan: «Wa zalamme daħ meddan en, əssənət as ənta, tabəzam-tu.»

⁴⁹ Osa-du Yahuza ħas, ihoz-in Ƴaysa, inn-as: «Ma təxlakəħ Əššəx?» Təzzar izalammat-tu.

⁵⁰ Inn-as Ƴaysa: «Əmidi-nin, arat wa kay d-ewayan, ag-ay.» Təzzar ewadan-du, obazan Ƴaysa.

⁵¹ Amazay wen da a daħ d-ilbay iyyan daħ nəttulab ən Ƴaysa takoba-net, iwət sər-əs akli n Əlimam wa Zəwwəran, ifras-du təməzzuk-net.

⁵² Təzzar inn-as Ƴaysa: «Suħəl takoba-nak tətərut, fəlas aytedan kul win šaqqalnen əs takoba, takoba as z'ammatin.

⁵³ Wər tordeħ as əfrəgəħ ad əgməya tilalt daħ abba-nin assaġl-i-du əmərədda a ogaran maraw ġanan n angalosan d əššin?

⁵⁴ Mišan as iga adi, mas z'andu awa ənnan Əlkəttaban, a əmalnen as awa kul ilzām ad andu s əmmək wa da?»

⁵⁵ Təzzar inna Ƴaysa i tamattay: «Mafel tosam-i-du tewâyam şikabiwen, əd təburəgen y a di-tabəzam, zun as təgmâyam əjəjbə iyyan n abaydag? Nak wərgəğ əzəl kul niğama dər-wan dağ Ahan wa Zəwwəran n Əlğibada, sasağra dağ-as, amaran wər di-tobezam.

⁵⁶ Mišan əssənət as awa igan da ketnet iga fəl ad andu awa ənnan Əlkəttaban.» Den dağ a t-əfalan nəttulab-net ketnasan, əddəggagan.

Təbadday ən Ƴaysa dat Asəggawar wa Zəwwəran

⁵⁷ Aytedan win obaznen Ƴaysa, ewayan-tu əs Kayif s ənta a imosan Əlimam wa Zəwwəran. Ənta a Ƴur əmmənayan musanan n Əttawrət, əd muzaran ən Kəl-Əlyəhud.

⁵⁸ Iga Butros i Ƴaysa ləkkum zagren, har ewad ağalla n ağaywan n Əlimam wa Zəwwəran, iggaz-tu, inayama əd məşşaxalan, iswad y ad inəy awa z'agin.

⁵⁹ Ənkaran muzaran ən limaman, d Asəggawar wa Zəwwəran ketnet, ad gammayan awedan iqqalan təgəyya ən bahu fəl Ƴaysa, fəl ad əgrəwan tarrayt n igi ən man-net.

⁶⁰ Mišan şigəyyawen aggotnen ən bahu şin fall-as taggin da, ab-asan-du dağ-asnat əddəlil issohen a fəl itawənğa. Xasil osanat-du təgəyyawen şiyyad sanatat,

⁶¹ ənnanat: «Awedan wa a inna: "Əfrəgəğ əjəbbərəjji n Ahan wa Zəwwəran n Əlğibada ən Məşşina, ələsaq-qu akaras dağ karad adan.»

⁶² Təzzar ibdad Əlimam wa Zəwwəran, inna i Ƴaysa: «Kay wər təganna wala dağ təğəttas şin dak-tawagginen da?»

⁶³ Mišan igla Ƴaysa iffista. İlas Əlimam wa Zəwwəran inn-as: «Əgmâya dağ-ak dat Məşşina di İddaran, a danağ-təməla kud kay a imosan Əlməsix, Barar ən Məşşina wala.»

⁶⁴ Inn-as Ƴaysa: «Awalla kay iman-nak a innan adi. Amaran əmələğ-awan as, a obazan Ƴur əmərədda, a di-tənəyam nak Ag Aggadəm, əqqima dağ əğil n Əməli ən Tarna, tənəyam-i değ əzaya-du, əwâra şigaraken a n jənnawan.»

⁶⁵ Təzzar izazzarrat Əlimam wa Zəwwəran takatkat-net fəl awa əgan man-net dağ ağşud, inna: «Aləs wa əmadraw a iga i Məşşina. Awak ma nəkka i təgəyyawen şiyyad? Wər təsəllim y əmadraw wa iga da?

⁶⁶ Ma tənəm?» Ənnan-as ketnasan: «Aləs wa, əşşəriğa-net təmattant.»

⁶⁷ Təzzar ad sutufan fəl udəm-net, əggâtan-tu, taqqasan-as,

⁶⁸ gannin-as: «Əlməsix, dad zamas kay ənnəbi, əməl-ana wa kay-iggatan!»

Şigget ən Butros Ƴaysa

⁶⁹ As itaggu awen, Butros iqqim dat ahan, dağ ağalla n ağaywan wen. Təhoz-t-in təməşşaxalt iyyat n ağaywan en da, tənən-as: «Kay da, tətidawəğ əd Ƴaysa wa n akal ən Galilaya.»

⁷⁰ Mišan iggad Butros awen dat aytedan kul, inna: «Wər əssenəğ almağna ən batunam.»

⁷¹ Təzzar idag Butros sa sər əmi n ağaywan, tənay-tu təməşşaxalt iyyat, tənna y aytedan win əllanen den: «Aləs wen, itidaw əd Ƴaysa wa n ağrəm ən Nazaret.»

⁷² İlas iggad-tu ihad inna: «Wər əzdayəğ aləs wen.»

⁷³ As iga arat n amazay dəffər awen, əhozan-du meddan wiyyad əbdâdnen den, ənnan i Butros: «İllikan as kay da iyyan dağ aytedan win dağ den a təmosa, fəlas awal-nak da immûn.»

⁷⁴ Təzzar ad ihad Butros igannu: «Məşşina ya təğânayğ-i kud bahu a əgeğ as wər əzdayəğ aləs wen.» Amazay wen dağ ad iğra əkəji ağora.

⁷⁵ İkta-du Butros tənna ta das-iga Ƴaysa: «Dat təğaray n əkəji ağora, a di-tunkara har karadat taklaten.» Təzzar igmad sədi, ad ihallu fəl awa iga dağ təməğraz.

27

Əsuki wa iga Asəggawar wa Zəwwəran Ƴaysa Bilatəs

¹ As affaw ağôra, immənay asəggawar ən muzaran ən limaman, əd muzaran ən Kəl-Əlyəhud ketnasan, ad taggin şinaden dağ batu ən Ƴaysa y a das-tətəwəxkəm təmattant.

² Əkradan-tu, ewayan-tu s ənaxkim Bilatəs.

İba ən Yahuza

³ Yahuza wa igan Ƴaysa dağ fassan, as inay as Ƴaysa itawaxkam-as attadib ən təmattant, udanat dağ-as təməğraz, eway-du karadat təmərwən ən tafelt n əzrəf şin iğraw y tanat-issuğal i muzaran ən limaman, əd muzaran ən Kəl-Əlyəhud.

⁴ Inn-asan: «Nak əgeğ abakkad. Awedan wər nəğşəd wala, a əge dağ fassan, y ad itəwəngü!» Mišan ənnan-as: «Nakkanay wər nəzlay dağ tədi! Batu tədi kay a təqqal!»

⁵ Igar Yahuza azräf wen daɣ Ahan wa Zəwwəran n Əlyibada, igla, iššolay iman-net ašək.

⁶ Əkkəmmen-du muzaran ən limaman azräf wen, ənnan: «Əššəriɣa-nana issixəram fall-ana igi n əzräf wa daɣ əssənduq wa iha ərrəzəɣ n Ahan wa Zəwwəran n Əlyibada, fəlas azräf wa azni a d-igmad.»

⁷ Əgan šinaden, əzzənzən daɣ əzräf wen tawagost as itawannu: «Tawagost n akanaw», y a tat-agin edag ən zəkwan n aytedan win wər ila akal.

⁸ Awen daɣ a fəlas tawagost ten, har azalada itawann-as: «Tawagost ta n əzni.»

⁹ Emmək en daɣ as inda awal wa iga ənnəbi Irməya, as inna: «*Ədkalan-du karadat təmərwen ən tafelt, əmosnen əlqimat tas t-ədkadan maddanəs n İsrayil.*

¹⁰ *Əzzənzən sər-əsnat tawagost ta n akanaw, s əmmək was di-omar Əməli.*»

Təbadday ən Ƴaysa dat Bilatəs

¹¹ Itawasabdad Ƴaysa dat ənaxkim Bilatəs. İssəstan-tu ənaxkim, inn-as: «Awak kay daɣ a imosan əmənokal ən Kəl-Əlyəhud?» Inn-as Ƴaysa: «Kay iman-nak as tənneɣ adi.»

¹² Mišan wər inna Ƴaysa wala daɣ batu ən lahanan win t-əssəwaran muzaran ən limaman əd muzaran ən Kəl-Əlyəhud.

¹³ Təzzar inn-as Bilatəs: «Wər təsəlla i lahanan aggotnen win kay-əssəwaran aytedan win?»

¹⁴ Mišan wər das-inna Ƴaysa wala təfert iyyadda daɣ batuten šin. Arat wen isammaklal wəllen s ənaxkim.

¹⁵ İmos alɣadat n ənaxkim as id d-iɣlay əmud wa n Akkay ad ikkəs amaskasaw was tara tamattay agamad.

¹⁶ Azzaman en, ill-ay amaskasaw a fəl təga masnat, igân esəm Ƴaysa Barɣabbas.

¹⁷ Təzzar inna Bilatəs y aytedan win əddewnen den: «Ma imos daɣ meddan win was taram a dawan-t-əkkəsə? Awak Barɣabbas, me Ƴaysa was itawannu Əlməsix?»

¹⁸ Bilatəs išsân as aššaddat ən manzaɣ a fəl əgan muzaran ən limaman Ƴaysa daɣ fassan.

¹⁹ Amazay wa daɣ iqqim Bilatəs daɣ adag wa n əššəriɣa den, ənta as sər-əs du-təzammazal təxurəs tənn-as: «Aləs di oɣād, ad wər təggəza batu-net, fəlas əndod, ənāya daɣ targət alɣazab aggen fəl əddəlil-net.»

²⁰ Ənkarən muzaran ən limaman, əd muzaran ən Kəl-Əlyəhud, əssərɗan tamattay s ad təgməy ad itəwəkkəs Barɣabbas, təwəkkəsən man daɣ Ƴaysa.

²¹ İššewal ənaxkim, inn-asan: «Ma imos daɣ əššin meddan win di was təram ad t-əkkəsə?» Ənnan-as: «Barɣabbas.»

²² Inn-asan Bilatəs: «Ma z'aga za i Ƴaysa, was itawannu Əlməsix?» Ənnan-as ketnasan: «Itəwətəytəyət fəl təgəttawt!»

²³ Mišan ya inn-asan ənaxkim: «Mafel za? Ma iɣšad?» İqqal-asan awen as sahhaken imaslan-nasan wəllen, ənnan: «Itəwətəytəyət!»

²⁴ İnay Bilatəs as wər d-ixəssəl wala daɣ awen, amaran tənajarwayat tətittəy, idkal-du aman, iššorad sər-san ifassan-net dat tamattay, inna: «Nak ərruda daɣ əzni n aləs di. Batu tədi kawanay a təqqal!»

²⁵ Təjajjayat tamattay kul tənna: «İwəret-ana alxaq n əzni-net nakkanay əd bararan-nana!»

²⁶ Təzzar ikkas-asan-du Bilatəs Barɣabbas, Ƴaysa amaran isassag-as tenaxay labasat s ələkkud, ikf-ay i sojitan y ad t-attaytayan.

Təmakkakkayt ən sojitan daɣ Ƴaysa

²⁷ Təzzar ewayan sojitan n ənaxkim Bilatəs Ƴaysa, əkkən dər-əs ammas n aɣarɣar n aɣalla n ahan wa n əššəriɣa. Əššədawan-du sojitan kul win əllanen den, əɣalayɣalayan-tu.

²⁸ Əkkasan daɣ-as tabdoq-net, əssəlsan-tu əbərnuz igan təzuxay təsimaxmaɣat zun wa lasan mənokalan, imos awen təhələlet daɣ-as.

²⁹ Əzdän təkəbbut zun ta n mənokalan təgat daɣ šənnanan, əssəwaran-tat y aɣaf-net, əgan agabal ən telant daɣ əfus-net wa n əɣil. Təzzar a dat-əs tigərəffen, taggan daɣ-as təmakkakkayt, gannin-as: «Oyy-ik, əmənokal ən Kəl-Əlyəhud!»

³⁰ A fall-as sutufan, tabazan-du agabal ən telant wen, əggatan sər-əs əɣaf-net.

³¹ Dəffər as daɣ-as əyyəwanan igi ən təmakkakkayt, əkkasan daɣ-as əbərnuz wa t-əssəlsan den, əsoɣalan-tu isəlsa-net, ewayan-tu y ad itəwətəytəy.

İtəwətəytəy ən Ƴaysa əd təmakkakkayt ta daɣ-as tətawagat

³² Əhân tarrayt as əmmənayan əd Simɣon, imosan aləs n aɣrəm ən Qərwan, šahhaššalan-tu aggay ən təgəttawt ta fəl z'itəwətəytəy Ƴaysa.

³³ Ewadan edag as itawannu Golgota, almaɣna n awen «Edag wa n Təkəyya».

³⁴ Ɛkfan-t-in esmad n alɣanab irtāyan d eɣay. Iram-tan Ƴaysa, uɣay əs tassay-nasan.

³⁵ Dəffər as t-əttəytayan fəl təgəttawt, ad tuzanan šibəddaɣ-net əs təšaɣeren.

³⁶ Təzzar əqqiman ewalan-tu.

³⁷ Ɛššolayan dännəg aɣaf-net əsəllum, a fəl iktāb as: «Awa Ƴaysa wa n Ɛmənokal ən Kəl-Ɔlyəhud», imos awen arat isidagayan əddəlil wa fəl immut.

³⁸ Tawataytayan dagma-net əššin meddan ən jubab ən baydagān. Iha iyyan aɣil-net, wa hadan zalgat-net.

³⁹ A daɣ-as tajaban aytedan win tallamen den, taggin-as arak batuten,

⁴⁰ gannin: «Dew! Kay wərgəɣ tənneɣ təfraqəɣ əjbəbərəjji n Ahan wa Zəwwəran n Ɔlyibada, təlasaɣ-qu akarəs daɣ karad adan? Kud kay Barar ən Məššina tassafsaɣ iman-nak, tazabbə-du təgəttawt di!»

⁴¹ Ɛmmək ən da as daɣ-as taggan muzaran ən Ɛttawret əd muzaran ən Kəl-Ɔlyəhud tamakkakkayt əntanay da, gannin:

⁴² «Aləs wa isafsin aytedan, wər ifreg əsəfsi ən man-net! Kud ənta a imosan əmənokal n Israyil, azzabbatet-du təgəttawt ten! Eddi a sər-əs nəzzəgəzan.

⁴³ Iga attama-net daɣ Məššina. Agəzet-tu Məššina əmərədda, kud ir-ay. Fəlas a inna: "Nak Barar ən Məššina a mosa."»

⁴⁴ Ijubab ən baydagān win dagman-əs əttəytaynen, da əhân šin-net s əmmək ən da.

Iba ən Ƴaysa

⁴⁵ Ɔlsanat šiyay akal ketnet, a obazan ɣur ammasnazal, har dəffər tazzar.

⁴⁶ Ƴur attayan ən tazzar, idkal Ƴaysa əməsli-net wəllen, inna: «Eli, Eli, lama sabaxtani?» Almaɣna n awen: "Ɛməli-nin, Ɛməli-nin, mafel toyyeɣ-i əd man-in?"

⁴⁷ Ɔslan-as arat daɣ aytedan win əbdadnen den, ənna: «Awen ənnəbi llyas a iɣarru.»

⁴⁸ Tarmad as ozal iyyan daɣ-san, idkal-du təduft, issəlməq-qat daɣ esmad n alɣanab ikkizbaran wəllen, ittal-tat d əmi n alawag ən telant, izzal-t-in i Ƴaysa y ad ašəw.

⁴⁹ Mišan ənkarān win hadatnen ad gannin: Ayy-ay, ad nəssən a d-asu llyas əsafs-ay.

⁵⁰ Amazay wen da, a daɣ ilas Ƴaysa ikus n əməsli issohen, əgmadan-tu man.

⁵¹ Assaɣat ten da a daɣ izzərrat əfər wa zəwwəran imosan anaxər gər adag wa zəddigan əd wa ogaran tazdak daɣ Ahan wa Zəwwəran n Ɔlyibada, issərrat-du anaxər wen ɣur afalla har eres. Inagaynagay amaɣal, ad tasarratnat təsäläten.

⁵² Ɛnnolaman zəkwan, ənkarān-du nəməttan aggotnen əmosnen inaxəbidan ən Məššina,

⁵³ əgmadan-du izəkwan. Dəffər tanakra ən Ƴaysa, əggazan aɣrəm wa zəddigan ən Kəl-Ɔlyəhud a t-imosan Yerusalām. Inəmməttan win den nifalalan y aytedan aggotnen.

⁵⁴ As inay kabtan əd sojitan win ogazen Ƴaysa ənəgəynəgəy wa iga amaɣal, d aratan win əgənen den, təggaz-tan tasa zəwwərat, ənna: «Illikan as Barar ən Məššina awen!»

⁵⁵ Ɔllanat tədoden aggotnen den, əbdadnen sədi, əswādnat. Šidoden šin den harwa daɣ akal ən Galilaya ad əddəwnat əd Ƴaysa əssānnat daɣ-as.

⁵⁶ Təh-enat Maryama Madəl, əd Maryama ta n anna ən Yaquub əd Yusəf, d anna ən maddanəs ən Zabaday.

Ɛtəwəgga ən Ƴaysa daɣ əzəkka

⁵⁷ Ill-ay aləs n əməgğergəs igān esəm Yusəf, n əɣrəm n Arimatay, imosan iyyan daɣ məzzəgəzan əs Ƴaysa. Osa-du ɣur agadal ən təfuk,

⁵⁸ ikka Bilatəs, igmay daɣ-as taɣəssa ən Ƴaysa. Təzzar omar Bilatəs s ad itəwəyyu Yusəf awəy taɣəssa ən Ƴaysa.

⁵⁹ Idkal Yusəf taɣəssa ten, ig-et daɣ šifit təhossayat.

⁶⁰ Eway-tat, issəns-et daɣ əzəkka aynayan imosan akazam isisaga i man-net. Təzzar isaɣɣarad-du təhunt zəwwərat, ihar sər-əs imi n əzəkka, igla.

⁶¹ Təlla Maryama Madəl den, əd Maryama ta hadat, əqqimnat daɣ tənəmiwəla n əzəkka wen.

Ɛtəwigaz n əzəkka

⁶² As iga əzəl wa dəffər awen, imosan əzəl wa dəffər əsəmmutəg n əzəl wa n təsanfawt ən Kəl-Ɔlyəhud, əgla muzaran ən limaman, əd Farisaytan, əkkan Bilatəs,

⁶³ ənna-as: «Ya əmuzar, nəkittəw as anasbahu ən harwa da iddar ad inna y aytedan: "Dəffər karad adan a du-təwəsankara daɣ təmattant."»

⁶⁴ Daɣ adi amər s ad itəwigəz əzəkka wen har əzəl wa n karad, fəl a du-wər-asi nalkiman-net akəran taɣəssa-net, ad gannin y aytedan: "Itawasankar-du daɣ təmattant." Bahu wa, as iga, ad agər wa azzaran.»

⁶⁵ Inn-asan Bilatës: «Ënta æddi da! Idawat æd tæsægært ən sojitan, tæzzzigəzam-tan əzækka əs tæməwit tas tæram.»

⁶⁶ Tæzzar əkkan əzækka, əxfalan-tu əxradan əzəzzəwi wəllen i təhunt ta tu-təharat, zazzagazan-tu i sojitan wen den.

28

Tanakra ən Yaysa daɣ tæmattant

Əzækka wər tu-təha təxəssa ən Yaysa

¹ Dəffər as okay əzəl wa n təsanfawt ən Kəl-Əlyəhud, affaw aɣora n alxad, təgla Maryama Madəl, æd Maryama ta hadat, y a d-ənəynat əzækka.

² İhin-in amadəl iga ənəgəynəgəy issohen fəlas iyyan daɣ angalosan n Əməli a d-izzabbe daɣ jənnawan, ihoz-in əzækka, isayxararad təhunt zəwwərat ta tu-təharat, iqqim fall-as.

³ İla azzahir a n essam, təga tabdoq-net tæməllay təsiraqqet.

⁴ Təga taysəst daɣ sojitan win ogaznen əzækka, fəl awa dasan-təga tasa daɣ iguz, zun tan-əgmədan man.

⁵ İşşewal angalos, inna i tədoden şin din-osanen əzækka wen: «Kamatay a kamat-wər-təggəz tasa, fəlas əssanay as Yaysa as təsaggadmat wa itawataytayan fəl təgəttawt.

⁶ Wər illa da, fəlas itawasankar-du daɣ tæmattant s əmmək was imal awen. Aglimat-du ad tənəymat edag was kala a daɣ-as tənsa təxəssa-net,

⁷ təglimat tarmad tæməlmət i nəttulab-net as itawasankar-du daɣ tæmattant. Azzar-asan-in əs Galilaya. Den da a tu-za-tənəyam. Adi da as are a dakmat-t-anna.»

Əmənyə ən tədoden æd Yaysa dəffər tanakra-net

⁸ Əfəlnat əzækka tarmad, təh-enat tasa, mişan ya əfilawasnat wəllen, ozalnat əganat isalan i nəttulab-net.

⁹ Əglənat den da, as əmmənəynat æd Yaysa, inn-asnat: «Ma təxlakmat.» Əhoznat-t-in, gabarratnat idaran-net, əssəjadnat-as.

¹⁰ Tæzzar inn-asnat Yaysa: «A kamat-wər-təggəz tasa! Aglimat tannimat i mədrayan-in, ad akkin Galilaya. Den daɣ a di-z-ənəyan.»

Arat was ənnan sojitan ənəyan-tu æd tanat ta əgan muzaran ən Kəl-Əlyəhud

¹¹ Harwada əhənat tarrayt, as d-ewadan arat daɣ sojitan win ogaznen əzækka aɣrəm, əssəxalan i muzaran ən limaman awa igan ketnet.

¹² Tæzzar əmmənəyan muzaran ən limaman, æd muzaran ən Kəl-Əlyəhud, əgan şinaden, əkfən sojitan win azrəf aggen.

¹³ Ənnan-asan: «Anniwat: "İnəttulab-net a d-osanen ehad, nənsa, okaran təxəssa-net."»

¹⁴ As isla ənəxkim Bilatës arat wa, a tu-nəsassagru awa imos, taqqamim da wər kawan-igrew wala.»

¹⁵ Ədkalan sojitan azrəf, əmmožalan s arat wa dasan-itawannan den. Əlqissat ta tawazawaz daɣ Kəl-Əlyəhud, amaran har azalada suxulan-tat.

Əlməsix æd nəttulab-net dəffər tanakra-net daɣ tæmattant

Ənəməgraw ən Yaysa æd nəttulab-net win maraw d iyyan daɣ Galilaya

¹⁶ Əglan nəttulab win maraw d iyyan, əkkan Galilaya, əggəzzayan adɣay wa dərtan-isannamawal Yaysa.

¹⁷ As ənəyan Yaysa, əssəjadan-as. Mişan wiyad daɣ-san əgan daɣ-as aşşak.

Awa issəwar Yaysa inəttulab-net

¹⁸ Tæzzar ihoz-tan-in Yaysa, işşewal-asan, inna: «Tiwakfa təxmar kul daɣ jənnawan, tiwakfaɣ-qat dəx fəl amadəl:

¹⁹ Daɣ adi aɣliwat, takkim şimattiwen kul n əddənət təgim-tanat inalkiman-in. Salmayət-tan daɣ aman s esəm n Abba, æd Barar, d İnfəs wa Zəddigan.

²⁰ Səssayriwat-tan ləkkum y aratan kul win as kawan-omara. Nak amaran əssənət as əlle xur-wan faw, har əxrud n əddənət.»

Ælinjil wa n Markus Æsæmmutæg y æššəxəl ən Ƴaysa

Isalan win iga ænnəbi Ƴaxya

¹ Ænta da tæsəntit n Ælinjil ən Ƴaysa Ælməsix, Barar ən Məššina.

² Ænta en da a fəl inna ænnəbi Isayas daƳ əlkəttab-net: «*Ænəy za a dat-ək assaglay anammazul-in a z'aknin tarrayt-nak.*

³ *Idkāl əməsli-net daƳ əsuf igannu: "Sæmmutəgat abaraqqa y Æməli! TəsəssiƳədam tarrayen dat-əs!"*»

⁴ Adi da a fəl d-osa Ƴaxya, iggaz əsuf ad itaggu y aytedan təlxtutbat, igann-asan ad təwəsəlməxan daƳ aman imos awen arat issiknan tətubt-nasan, fəl ad əgrəwan təsurreft ən bakkadan-nasan.

⁵ A t-in-tasin aytedan aggotnen a din-gammadnen akal ketnet wa n Ƴahudəyya d aytedan kul n əxṛəm wa n Ƴerusalam. Ætutaban daƳ bakkadan-nasan dat tamattay, isalmaƳ-qan daƳ aman daƳ agarew was itawannu Ƴordan.

⁶ As itaggu awen izlāg Ƴaxya asalsaw igān s anzadan n əmnəs, otāb s əsatəb n agašek. Iddār s əjwalan əd turawat.

⁷ Itaggu təlxtutbat, igannu i tamattay:

"A dəffər-i d-asu aləs

s awa di-iga daƳ šigrat,

wər eweda wala enez

y ad ara i suxan ən xateman-net.

⁸ Nak, aman a daƳ-qawan salmaƳa,

mīšan ənta Infas Wa Zəddigan

a daƳ-qawan z'issəlməx."

Ætəwəsəlməx ən Ƴaysa daƳ aman d ətəwəjərrab-net

⁹ Adan en da a daƳ d-osa Ƴaysa, igmād-du Nazaret təmosat taƳrəmt təhāt akal ən Galilaya. Ikka edag wa daƳ isalmaƳ Ƴaxya aytedan daƳ agarew wa n Ƴordan, issəlməƳ-qu Ƴaxya.

¹⁰ Igməd-du Ƴaysa aman xas ogga ijənnawan as ənnolaman, izzəbbat-du fall-as Infas wa Zəddigan, iha šaššəlan ən tədəbert.

¹¹ Igməd-du əməsli ijənnawan, inna: «Kay a imosan Barar-in əkneƳ tara, təssinda-du agna-nin.»

¹² Tamazayt tenda a daƳ issoka Infas wa Zəddigan Ƴaysa taneray.

¹³ Iga daƳ-as əkkozat təmərwən n əzəl, itajarrab-tu Iblis. Itinəmərzig əd wəxsan, əssānan daƳ-as angalosan.

Æššəxəl ən Ƴaysa daƳ akal ən Galilaya əd xələyƳəlayan-net

Iguz ən Ƴaysa akal ən Galilaya

¹⁴ Dəffər ətərməs ən Ƴaxya wa isalmaƳan aytedan daƳ aman, ad ikka Ƴaysa akal ən Galilaya, a daƳ-as immal əmazal wa d-ifalan Məššina.

¹⁵ Igannu i tamattay: "Təmastant tənda, TaƳmar ta n Məššina təhōz. Utabat, təzəgzənam s Ælinjil."

Inəttulab win azzarnen ən Ƴaysa

¹⁶ Əzəl iyyan illil Ƴaysa tagadamayt n agaraw wa n Galilaya as ogga Simxon d amadray-net Andrawəs, fattawan daƳ agaraw sangaytan-nasan win as tabazan kifitan, fəlas inabazan ən kifitan a əmosan.

¹⁷ Inn-asan Ƴaysa: "Ælkəmat-i, a kawan-aga meddan sər-i du-za-tawaynen aytedan y a tan-assafsa daƳ bakkadan-nasan."

¹⁸ Oyyan sangaytan-nasan daƳ tamazayt ten da, əlkaman-as.

¹⁹ Iga Ƴaysa y adag en arat n akkay, inay Ƴaqub d amadray-net Ƴaxya win maddanəs ən Zabaday, əntanay da əhān aƳlal n aman; kannin sangaytan-nasan win as tabazan kifitan.

²⁰ Ixṛ-en-du daƳ amazay wen da. Oyyan abba-nasan Zabaday əd məššəxalan-net daƳ əƳlal, əlkaman i Ƴaysa.

Æsəssəxṛi ən Ƴaysa daƳ Kafarnahum

²¹ Ikka Ƴaysa əd nəttulab-net taƳrəmt təgāt Kafarnahum. Ewad-du əzəl wa n təsanfawt xas, iggaz Ƴaysa ehan n əlxibada ən Kəl-Əlyəhud, a daƳ-as isasəxru.

²² Isammaklal əs tamattay əmmək was itaggu əsəssəxri-net, fəlas ig-asan əsəssəxri n awedan ilān tanaya wər ələn musanan n Əttawret.

²³ Wala a ihogan idkal aləs iyyan iha aggəsuf əməsli-net dağ ahan n əlxibada ad igannu:

²⁴ "Ma dağ-na tarex, Yaysa wa n Nazaret? Əngəm assa a du-təgeç y a danax-təhləka? Əssānax awa təmosa: Kay a imosan Əmizdag wa d-izammazal Məşşina".

²⁵ İharaşat-tu Yaysa, inn-as: "Fastu, təgmədağ aləs di!"

²⁶ Təzzar izzakarkar aggəsuf aləs en, izyak, igmad-tu.

²⁷ Əhagan aytedan ketnasan ad tinəmənnin gər-essan: "Ma imos awa? Ma təmos masnat ta wər nəzday a, təddewat əd tanaya! Awedan wa, wala kələsuf əttāfan tənna-net".

²⁸ Tarmad as təwazawaz sallat ən Yaysa dağ Galilaya ketnet.

Əzuzəy ən Yaysa aytedan aggotnen

²⁹ İgmad-du Yaysa ehan n əlxibada ən Kəl-Əlyəhud ças, ikka ehan ən Simçon d Andrawəs iddew əd Yaqub əd Yaxya.

³⁰ As itaggu awen tədaggalt ən Simçon təzizalallat-tat tanaday. Os-in Yaysa ças tətəmal-as.

³¹ Təzzar os-et-in, ibaz əfus-net, issəbdad-tat, təwat fall-as tanaday, a tan-təsiməgurit.

³² As tuda təfuk, a sər-əs du-tamawayan aytedan kul win ərinnen əd win əhan kələsuf.

³³ İddew-du əxərəm ketnet dat əmi n ahan wen.

³⁴ İzzozay Yaysa aytedan aggotnen əgrawnat təwərnawen wər nola, ikkas deç dağ wıyyad kələsuf aggotnen. Amaran igaddal i kələsuf en emel n awa imos, id masnat a əgan as ənta a imosan Əlməsix.

Emel ən Yaysa Əlinjil dağ Galilaya

³⁵ Əzəl wa hadan, inkar-du Yaysa datazal, igmad, ikka edag issufan ad itattar.

³⁶ Dəffər awen, igla Simçon d aytedan win çur-əs əllanen, a das-saggadan.

³⁷ As t-in-osan, ənnan-as: «Aytedan kul saggadan-ak.»

³⁸ Təzzar inn-asan Yaysa: "Akkiwat-ana şixarmaten şin dana-çalayçalaynen, a dağ-asnat aga təlxutbat əntanata y da, fəlas adi da a fəl d-əmmoza."

³⁹ İllil Yaysa akal ən Galilaya ketnet, itaggu təlxutbat dağ nan n əlxibada ən Kəl-Əlyəhud, itakkas deç kələsuf dağ aytedan.

Əzuzəy ən Yaysa aləs igrâw kətru

⁴⁰ Osa-du awedan iyyan təgraw təwərna ən kətru, igaraffat dat Yaysa, onsay-tu, inn-as: «As tareç adi, təfrāğax a di-təzzuzəyax, izdaga.»

⁴¹ İhanattat-as Yaysa. İzzal-in əfus-net, idas-tu, inn-as: "Areç adi, əzzəy tizdaga."

⁴² İzzay awedan wen dağ tamazayt ten da, zəddig.

⁴³⁻⁴⁴ İssəllam-tu alwaç wen da, dəffər as das-irçâm wəllen inn-as: «Ənəy za, ad wər təməla y awedan waliyyan arat wa igan da, amaran aglu tassaknaç iman-nak y əlimam, taga takutay ən tazdak ta kay-issəwar əşşərixa n ənnəbi Musa, ad iqqəl adi y aytedan təgəyya ən təməzzəyt-nak.»

⁴⁵ Mişan igla aləs en ças, iggaz şin əzəwwəziwəz ən salan n awa igan, har ab'as ifrag Yaysa iguz n əxərəm hannayan-tu aytedan. Awen dağ a fəl iggaz əsuf a dağ-as t-in-tasin aytedan, a sər-əs du-gammadnen şisədag kul.

2

Əməstan ən Yaysa əd musanan n Əttawret

Əməstan dağ batu ən təsureft ən bakkadan

¹ Adan dəffər awen, iqqal Yaysa axərəm ən Kafarnahum. Əslan aytedan as iha ehan wa dağ isaggan ças,

² əkkan-t-idu s igət, har as ab'as t-iha adag, wala ças dat əmi n ahan. A dasan-itaggu təlxutbat.

³ İtaggu təlxutbat da da, as das-d-imməway anabdon misawayan meddan əkkoz.

⁴ Mişan orn-asan a t-in-awədan fəl igət n aytedan. Əwaran afalla ən təyazamt, əftayan əsəfəl dağ tənəmiwəla n adag wa iha Yaysa. Təzzar əssərəsan-du anabdon wa dağ təxərəbbət ta əgan den, izilallat dağ təssut-net.

⁵ As inay Yaysa əzəgzan-nasan, inna y anabdon wen: "Barar-in, ibakkadan-nak tiwasarafan-ak."

⁶ Awen as itag əqqıman arat dağ musanan n Əttawret. Əslan y awa inna Yaysa da ças ad təhənzəmən dağ man-nasan gannin:

⁷ «Wa aləs ma t-issəhalan igi n awal wa? Arat wa, əmadraw. Ma ifragan əsurəf ən bakkadan ar Məşşina ɣas?»

⁸ Issan Ƴaysa daɣ tamazayt tenda awa samadranan, təzzar inn-asan: «Mafəl tətihənzəmmem adi daɣ wallan-nawan?»

⁹ Ma ogaran tərɣəsəy gər ad tanna y anabdon: "Tiwasarafan-ak bakkadan-nak", meɣ ak a das-tanna: "Əbdəd, tədkəla təssut-nak, təcəwenke"?

¹⁰ Amaran, areɣ ad təssənəm as nak Ag Aggadəm ələɣ daɣ əddənət tanaya a di-təşşawadat ad əssurəfa y awedan ibakkadan-net.» Təzzar inna Ƴaysa y anabdon:

¹¹ «Əbdəd, tədkəla təssut-nak, takkaɣ aɣaywan-nak.»

¹² İbdad aləs wen tamazayt ten da, idkal təssut-net. İgməd əswādan daɣ-as aytedan kul, isimaklal sər-san awen, əmmālan Məşşina gannan: «Wər kala ad nənay arat şilat ən wa.»

Əməstan daɣ batu ən tədrəwt əd nasbakkadan

¹³ İgməd Ƴaysa aɣrəm, ilas tewaɣlay ən tagadamayt n agaraw wa n Galilaya. A t-in-tasin aytedan s igət, isasaɣr-en.

¹⁴ İjiwankat as inay aləs iyyan igān esəm Lebi ag Alfay iqqim daɣ adag n əşşəɣəl-net imosan əzərzəm n əzrəf ən takəsən, inn-as Ƴaysa: "İlkəm-i." İbdad Lebi ilkam-as.

¹⁵ İnnəftay Ƴaysa i Lebi. İdraw Ƴaysa ənta əd nəttulab-net d aytedan aggotnen ən nəzzərzəm ən takəsən əd nasbakkadan. Aytedan şilat ən win, əggətən win lakkamnen i Ƴaysa.

¹⁶ As ənayan musanan n Əttawret ən taggayt ta n Farisaytan Ƴaysa idrāw əd nasbakkadan əd nəzzərzəm ən takəsən, ənnan i nəttulab-net: "Mafəl idarraw əlfəqqi-nawan əd nəzzərzəm ən takəsən əd nasbakkadan?"

¹⁷ İsl-asan Ƴaysa, inn-aran: «Aytedan win wər nəla əɣəli, wər əddəraran s anasmagal, imiranan a sər-əs əddərarnen. Nak wər d-əmmozala s aytedan win ɣur iga as oɣādan, kalar inasbakkadan as d-əmmozala y a tan-d-aɣra əqqələn inalkiman-in.»

Əməstan daɣ batu n əzum

¹⁸ Əzəl iyyan ad əzuman nəttulab ən Yaxya əd win Farisaytan, osan-du aytedan wiyyad Ƴaysa, ənnan-as: «Mafəl tuzaman nəttulab ən Yaxya əd win Farisaytan, amaran win-nak wər tuzaman?»

¹⁹ İnn-asan Ƴaysa: «Manəmmək as z'aklin lagatan a ɣur illa əmazlay əs mawan-nasan? Kalar iket illa ɣur-san wər z'aklin əs mawan-nasan.

²⁰ Mişan ilkām əzəl a ɣur-san z'ammadkal əmazlay, əzəl wədi amaran ad uzaman.

²¹ Wər t-illa i z'iwətan daɣ tədoq waşşarat şikəst taynayt. As iga adi, ad təkəwənzəz şikəst tədi, təşşit-tu tədoq ten azarru wəllen.

²² Wər t-illa deɣ i z'agin esmad n əzzəbib aynayan daɣ gədad. Fəlas as iga adi, ad ukafan əbbaqqen, affatu daɣ esmad wədi, igədad deɣ əxsədan. Kalar esmad n əzzəbib wa aynayan ibəyay aynaynen a daɣ itawaggu.»

Əməstan daɣ batu n əzəl wa n Əssəbət imosan əzəl ən təsanfawt

²³ Əzəl iyyan ən təsanfawt ən Kəl-İlyəhud, ijiwankat Ƴaysa ənta əd nəttulab-net daɣ təwəgas n alkama. Jiwanken nəttulab-net rassaban-du şıɣaɣanen, tattin-tanat.

²⁴ Təzzar sassagran-in Farisaytan Ƴaysa awen, ənnan-as: "Ənak awa taggin nəttulab-nak! Mafəl taggin arat xarāman daɣ əzəl wa n təsanfawt?"

²⁵ İnn-asan: «Ak teɣaray a wər təgem awa iga ənnəbi Dawəd assaxa wad iməɣatar, təzzar iggaz-tu gələk ənta əd midawan-net?»

²⁶ Awak wərgəɣ iguz a iga ehan ən Məşşina daɣ azzaman win daɣ imos Abiyatar Əlimam wa Zəwwəran, təzzar itša daɣ təgəlwen şin əmosnen takutay təskātət i Məşşina, əs limaman ɣas as təxalal tattay-nasnat? Fadda ikfa daɣ-asnat imidawan-net.»

²⁷ İnn-asan deɣ: «Aggadəm wərgəɣ ənta a d-itawaxlakan fəl əddəlil n əssəbət, kalar əssəbət a du-tətawaxlakat fəl tənfa n aggadəm.

²⁸ Daɣ adi nak Ag Aggadəm a ixkaman fəl əzəl wa n təsanfawt.»

3

Əməstan daɣ batu n əzuzəy iga Ƴaysa daɣ əzəl ən təsanfawt

¹ İlas Ƴaysa iguz n ahan n əlxibada ən Kəl-İlyəhud wa n Kafarnahum. İlla aləs den as immüt əfus-net.

² Təzzar əgaran daɣ-as Farisaytan şittawen y ad əssənən kud ad izzuzəy awedan daɣ əzəl wa n təsanfawt fəl ad t-əxtəsən s awen.

³ İna Ƴaysa y aləs was immüt əfus-net da: «Ənkər, əbdəd daɣ ammas n əljəməɣat.»

⁴ Amaran inna y əljəməyat: «Awak daɣ awa inna Ǝttawret əzəl wa n təsanfawt igi n arət olâɣan a daɣ-as xalalan, meɣ ak igi ən wa wər noleɣ? Awak ereg n awedan daɣ təmattant, meɣ ak šiyyit-net ihlək?» Wər tan-ih a das-innân arat.

⁵ Issəläl-tan Ƴaysa asawad-net ih-ay alham, təɣşâd taɣart ta əgan wallan-nasan iman-net wəllen. Təzzar inna y aləs wen: «Ǝzzəl əfus-nak.» Izzal-tu, izzay iqqal əmmək-net.

⁶ Ǝgmadan Farisaytan ɣas, əkkkan arat daɣ aytedan ən Herod, wa n ən əmənokal ən Galilaya, a dər-san tınəməşəwwiran fəl təməwit tas z'agin iman ən Ƴaysa.

Tosa-du tamattay tagget Ƴaysa

⁷ Iddew Ƴaysa əd nəttulab-net, ikka təgadamayt n agaraw wa n Galilaya. Təddew dər-əs tamattay tagget, s iyyat akal ən Galilaya a du-təgmad, iyyat akal wa n Yahudəyya,

⁸ iyyat aɣrəm ən Yerusalam, iyyat akal n Adumay əd mədlan win əwarnen aganna wen sen n agarew wa n Yordan, iyyat imədlan win əhoznən aɣrəm ən Tir əd wa n Sidon a du-təgmad. Aytedan win kul, tesalay n aratan win itaggu Ƴaysa a tan-du-tewayat.

⁹ Awa təga tamattay daɣ igət, inna Ƴaysa i nəttulab-net a das-səmmütəgan aɣlal n aman y a t-iggəz as tu-təsas tamattay.

¹⁰ Fəlas izzozay daɣ-san aytedan aggotnen, eway-du awen as fall-as tanabdaɣan aytedan kul win ərinnen, gammayan d ades-net.

¹¹ Amaran aytedan win əhan kələsuf, əntanay id ənayan Ƴaysa a das-əssəjədan, zayyakann gannin: «Kay a imosan Barar ən Məşşina,»

¹² mişan iraqam-asan Ƴaysa wəllen fəl amel n awa imos.

Ǝsənnəfrən ən Ƴaysa maraw d əşşin daɣ nəttulab-net

¹³ Ikka Ƴaysa afalla n adɣaɣ iyyan, iɣr-in meddan win əhanen agna-net, osan-t-in.

¹⁴ Isannafran daɣ-san maraw d əşşin win dər z'itidaw, ig-asan esəm inəmmuzal. Isinafran-tan deɣ y ad əmmâlan Isalan n Ǝlinjil;

¹⁵ ikf-en deɣ tarna n ikus ən kələsuf daɣ aytedan.

¹⁶ Ǝntanay əddi ismawan ən maraw meddan d əşşin win isannafran: Simɣon was iga esəm Butros,

¹⁷ əd Yaquub d amadray-net Yaxya win maddanəs ən Zabaday, win as iga esəm Bohanargas, almaɣna n adi: Maddanəs ən teqqaq;

¹⁸ d Andrawəs əd Filibus əd Bartulamawəs əd Matta əd Tuma əd Yaquub wa n ag Alfay, əd Tadday əd Simɣon was itawannu wa Isaggakken,

¹⁹ əd Yahuza Isxarəyuti was ənta a z'isəttərməsan Ƴaysa.

Iduf wa əgan aytedan wəyyad daɣ Ƴaysa

²⁰ Dəffər awen, iqqal-du Ƴaysa ehan wa daɣ issəgan daɣ Kafarnahum. Tələs fall-as tamattay tiddawt s awa təga daɣ igət, ab'as wala alwəq a daɣ igraw əs tattay ənta əd nəttulab-net.

²¹ Ǝslan marwan-net awen, əkkkan-t-idu y ad t-əbəzan, aɣlin dər-əs fəlas gannin: «Awa arat a t-immaran.»

²² Ǝgqadan-du musanan n Ǝttawret wiyyad a d-əgmadnen Yerusalam, ad gannin: «Awa Aşşaytan Baɣalzabul, wa n əmənokal ən kələsuf a t-ihan, ənta a t-ikfan fərregat n ikus ən kələsuf daɣ aytedan.»

²³ Təzzar iɣr-en-du Ƴaysa, ig-asan tangalt a daɣ dasan-innâ: «Manəmmək as z'ikkəs Aşşaytan daɣ aytedan kələsuf-net s ənta as əlkaman?»

²⁴ Taɣmar tas əmməgaran məssawəs gar-essan, tədi əbərəjji a za tagu.

²⁵ Aɣaywan iyyanda deɣ as əmməzrayan məssawəs, wədi əbərəjji a z'agu.

²⁶ Zun d əmmək di daɣ as, kud Aşşaytan iman-net a dər imməgar, wədi taɣmar-net wər za tihaɣ. Əbərəjji a za tagu, təɣrəd.

²⁷ Awalla wər t-illa i ifrāgan iguz n ahan n aləs n əməqqerəd, iɣrəd aqqa ən təla-net, ar s ad t-ikrād təzzar. Dəffər as t-ikrād amaran ad z'ifrəg ad iɣrəd aqqa ən təla-net.

²⁸ Ǝggəyyeɣ əsilakanaɣ-awan as, wər t-illa abakkad d alfawaxiş as wər ifreg Məşşina a t-issurəf y awedan

²⁹ ar alfawaxiş imosan ikus ən tarna y Infas wa Zəddigan, fəlas abakkad adi iɣallalan fəl awedan.»

³⁰ Batu ta ig-asan-tat Ƴaysa fəlas tənna a taggin: «Ih-ay aggəsuf.»

Anna əd mədrayan ən Ƴaysa win tidət

³¹ Tosa-du anna ən Ƴaysa əd mədrayan-net, əbdadan dat əmi n ahan, zammazalan sər-əs awedan y a dasan-t-id-aɣru.

³² Təqqim tamattay tagget ɣur Ƴaysa, təɣilayɣalay-tu as das-itawanna: «Təbdâd-ak anna-nak əd mədrayan-nak dat ahan, sastanan dər-ək.»

³³ Inna Ƴaysa: «Ma imosan za anna-nin, ma imosan imədrayan-in?»

³⁴ Tëzzar issələl asawad-net tamattay ta xur-əs tēqqimat da tēxilayxalay-tu, inna: «Ēntanay da da anna-nin əd mədrayan-in,

³⁵ fəlas awedan kul wa itamazalan tara ən Məššina, ənta a imosan amadray-nin, madex təmadrayt-in, madex anna-nin.»

4

Igi ən Yaysa əlmitalan aggotnen əmmigradnen əs Taɣmar ta n Məššina

Əlmital wa n əmagyak

¹ İlas Yaysa tewaɣlay ən təgadamayt n agaraw wa n Galilaya, ad isasaɣru aytedan. Təddew-du fall-as tamattay tagget, har as iggaz aɣlal n aman a d-ihân imi n agaraw da da, iqqim daɣ-as. Tamattay amaran ketnet tēqqim-du tēbdâd daɣ əsəlim n agaraw.

² A tat-isasaɣru aratan aggotnen s əlmitalan. Inn-asan daɣ əsəssəɣri-net:

³ «Səsəmat! Əmagyak iyyan a iglan y ad inbəl tawagost-net.

⁴ Daɣ anabal wa itaggu den imosan anabas n amasa, ertaknat təblalen šiyyad fəl tama ən tarrayt, osan-du gəɟad ətšan-tanat.

⁵ ertaknat šiyyad daɣ amaɟal əhanat təhun. Idwal-du amasa wen tarmad fəlas wər illa daw-əs amaɟal aggen daɣ əqlan kewan,

⁶ mišan as tēggəzzay tēfuk, illəsway, iqqur fəlas wər iha amaɟal a daɣ in z'ugagan kewan-net.

⁷ Šiyyad ertaknat daɣ tēfəssaɣ. Ədwalnat tēfəssaɣ šin, əlmaznat amasa wa d-idwalan den, igdal-asnat awen ara.

⁸ Mišan ya arat daɣ təblalen en irtak daɣ amaɟal olaɣan. İgmad-du, idwal, iga šiɣaxanen. Šiɣaxanen-net šiyyad akkiyyat əhanat-tat karadat tēmərwen ən təblalt. Šiyyad sədisat tēmərwen, šiyyad temeday.»

⁹ Dəffər awen inn-asan Yaysa: «Wa isallin, issəsəmet.»

İssiran win əqqalnen Taɣmar ta n Məššina

¹⁰ As təfal tamattay Yaysa, ənkaran-du nəttulab-net win maraw d əššin d aytedan wiyyad a dər-əs tidawnen, əssəstanan-tu d almaɣna n əlmitalan win itaggu.

¹¹ Inn-asan: «Kawanay tēgrâwam masnat daɣ əssiran ən Taɣmar ta n Məššina, mišan aytedan win hadatnen arat kul tangalen as dasan-itatamal.

¹² *Adi a d-ewayan as əswâdan, mišan wər hənnəyan, əssisaman, mišan wər gərrin. İd ənnar wər iga adi, utaban, təwəsürəfan-asan bakkadan-nasan.»*

Almaɣna n əlmital wa n əmagyak

¹³ Inn-asan deɣ: «Awak əgərri a wər tēgəm wa daɣ əlmital? Daɣ adi manəmmək as za tagrim əlmitalan win hadatnen?

¹⁴ Əmagyak wa n ihogan, əlmital a imos n awedan immalan awal ən Məššina y aytedan.

¹⁵ Amasa wa irtakan fəl tama ən tarrayt, əlmital a imos n aytedan win əslanen y awal ən Məššina mišan a d-asu Aššaytan den da ikkəs-tu daɣ wallan-nasan.

¹⁶ Amasa wa irtakan daɣ amaɟal əhanat təhun, əlmital a imos n aytedan win as, as əslan y awal ən Məššina ad t-əqbalan əddi da əs man filawasnen,

¹⁷ mišan wər ila awen ekay. Aytedan win wər əmosan ar məssawəsan ən təmazayan. İgda ɣas a tu-təməl təssust, madex tēddəguzt tēgât fəl əddəlil n Awal ən Məššina, ad ayyin əzəgzan əddi da.

¹⁸ Amasa wa irtakan daɣ tēfəssaɣ, əlmital a imos n aytedan win əslanen y Awal ən Məššina,

¹⁹ mišan aššawašatan n əddənet, d adakal wa təga tēgərgist n əddənet taytween-nasan, d ark deranan wiyyad aggotnen, əssəfalan-du dənneɣ Awal wen, igdal-as awen a d-awəy tənfa.

²⁰ Amasa wa irtakan amaran daɣ amaɟal olaɣan, əlmital a imos n aytedan win as, as əslan y Awal ən Məššina, a sər-əs əzzəgzənan, iqqəl-asan tənfa, təmosat karadat tēmərwen n ənətfus, iyyat tēqqəl sədisat tēmərwen, iyyat amaran tēqqəl temeday.»

Səsəmat s əlluɣ

²¹ Inn-asan Yaysa deɣ: «Awak fətəla tərɣât idakkal-tat awedan ag-et daw əɣəzu madex daw tessat? Wəgeɣ ətəwəsəwar a tətawaggu edag ihhoken?

²² Wər t-illa a iɣbâran, wər za nənəfiləl; wala iyyan imosan əssir, wər za naffaggu.

²³ Wa isallin, aslet!»

²⁴ Inn-asan deɣ: «Taggat əsəməm olâɣan y əmazal wa d-ifalan Məššina! Təsəkət tas təkkatam y aytedan ənta as dawan-z-ikət Məššina, iššit-awan deɣ fall-as.

²⁵ Fêlas wa ilan, a das-itewêšitu awa ila; wa wêr nêla amaran, arat n awa ila da a daɣ-as attarmas.»

Elmital wa n tawala n amasa

²⁶ Inn-asan dey: «Taɣmar ta n Mêššina têha êlmital n awedan inbâlan amasa daɣ tawagost-net.

²⁷ Gêr z'insâ wala okây, gêr z'ehad wala ezal; amasa wêdi a d-igmêd, ad idaggal. Wêr issen mêššis êmmêk was d-igmad wala was idaggal,

²⁸ fêlas amadâl, gar-es êd man-net as d-itakkas tênfa. Yel a d-itizaran agamad, dêffêr awen agu šiyaxanen, amaran êdwêlnat-du daɣ-asnat têblalen.

²⁹ Têññâ têbzêst ɣas, idkâl-du mêššis êlmoši, assantu daɣ allay-net; fêlas tamert n allay a têgat.»

Elmital wa n amasa nannabat igân esêm mutard

³⁰ Dêffêr awen inn-asan ɣaysa: «Mas za nammattal Taɣmar ta n Mêššina? Ma imos êlmital wa tat-isassagan?»

³¹ Taɣmar za ta n Mêššina têha êlmital n amasa n annabat igân esêm mutard ogaran imasan kul têmmêdrêyt.

³² Mišan dêr iga awen da, as itawanbal, ad idwêl, agêr annabatan kul win nebêlan têzzagrêt. Agu izêlan êgânen têzzagrêt ta n as a daɣ-san agin gêdad šisêllula.»

³³ Elmitalan aggotnen šilat ên win di as dasan-immal ɣaysa awal wa d-ifalan Mêššina, a daɣ ewâl awen s awas êfragan êgêrri-net.

³⁴ Wêr t-illa a inna i tamattay ês wêrgex êlmitalan a daɣ-qu inna, mišan as iqqal ɣas-net ênta êd nêttulab-net a dasan-îmêl almaɣna n êlmitalan win di ketnasan.

Igi ên ɣaysa têlmêxjujaten

ɣaysa ila tarna fêl tazafa

³⁵ Êzêl wenda, as d-ihoz ahad, inna ɣaysa i nêttulab-net: «Nêxgrêset ês tagadamayt ta hadat n agaraw.»

³⁶ Ifalan tamattay, matakwayan nêttulab-net, ewayan-tu daɣ êɣlal n aman wa da daɣ iqqim da. Êddewan dêr-ês êɣlal n aman wiyyad.

³⁷ Êglân as d-igar aɣu issohen fêl agaraw. Ad sattabnat tênazzamaren y êɣlal, taggazan-t-id aman har ibuk y ad idnêy.

³⁸ As itaggu awen, ɣaysa ênta issomat adafôr insâ daɣ êlêqqam n êɣlal. Têzzar êssênkaran-tu nêttulab-net daɣ etês, ênnan-as: «Êlfêqqi! Awak zêlêy a wêr têge daɣ a danaɣ-atšîn aman?»

³⁹ Inkar-du ɣaysa, isannarɣam y aɣu, inna y agaraw: «Êdrêr, taffasta!» Têzzar izzêkkat aɣu, iɣrad arat kul adru.

⁴⁰ Têzzar inn-asan: «Ma kawan-issêrmaɣan? Awak êzêgzan a wêr têgem harwa da?»

⁴¹ Têggaz tasa zêwwêrat inêttulab, ad tinêmênnin: «Kawanay ak, ma imos wa daɣ awedan, s aɣu d agaraw da ittâf daɣ-san tanat?»

5

ɣaysa ila tarna fêl kêlêsusuf

¹ Ewad-in ɣaysa êd nêttulab-net êsêlim n agaraw wen sen, daɣ akal ên Garassenatan.

² Izzêbbat-du ɣaysa aɣlal n aman ɣas, igmad-du sêr-ês êmeskel iyyan izêkwan.

³ Izêkwan en da a daɣ ixsar, amaran indâr y aytedan kerrad-net, ês wala isassaran.

⁴ Êyêwanan kerrad ên fassan-net ês sassaran, asêyan idaran-net ês têzabagawen, mišan ad ixtês awen kul.

⁵ Iha izêkwan en da d êdɣaxan ehad-ezal, izayyak, italay iman-net ês têhun.

⁶ Mišan, as ogga ɣaysa daɣ igêg, ozal-du sêr-ês, issêjad-as.

⁷ Idkal aggêsusuf wa ihan alês wa êmêslî-net wêllen inna: «Ma daɣ-i tareɣ ɣaysa, Barar ên Mêššina di n Amadkol? Êgmaya daɣ-ak fêl Mêššina, a di-wêr-têzêxɣêzzêba.»

⁸ Innâ awen, fêlas das-inna ɣaysa: «Aljayn wa labasan, êgmêd d alês di!»

⁹ Têzzar issêstan-tu ɣaysa, inn-as: «Ma esêm-nak?» Inn-as aggêsusuf: «Êsêm-in Egan, fêlas igêt a nêga.»

¹⁰ Ad itansay aggêsusuf wen ɣaysa fêl a tu-wêr-ikkê daɣ akal en.

¹¹ As itaggu awen, idân êsêgên aggen ên ladayan fêl tasaga ên têkašwart têhozat den.

¹² Ad tansayan kêlêsusuf en ɣaysa gannin-as: «Sukanax iladayan en, a tan-nêggêz.»

¹³ Irîd-asan ɣaysa s awen. Êgmadan kêlêsusuf alês wen, êggazan iladayan. Êddêggagan-du ladayan en fêl azadaga ên têkašwart, ad titêrêggen daɣ agaraw. Êtšan-tan aman, êmosan edag n êššîn gim.

¹⁴ Təzzar ozalan madanan ən ladayan win, əgan isalan y əxrəm wen əd xələyyələyan-net. Əglan-du aytedan y ad ənəyan awa igan den.

¹⁵ Osan-du Yaysa, ənayan aləs was kala ad t-əhan kələsuf; iqqim, ilsâ, təqqâl-t-idu tayttay-net, təzzar təggaz-tan tasa.

¹⁶ Əgan daḡ-san aytedan win əggəyyatnen y awen, isalan kul n awa itawaggan y aləs en, d awa igrawan iladayan,

¹⁷ təzzar ad tansayan Yaysa a dasan-igməd akal-nasan.

¹⁸ Itaggaz Yaysa aḡlal n aman as d-inkar aləs wa əgmədan kələsuf, a t-itansay ad t-ayyu a dər-əs idaw.

¹⁹ Wər das-irda Yaysa s awen, eges ya inn-as: «Aglu əqqəl ehan-nawan d aytedan-nak, təmələx-asan arət kul wa dak-iga Əməli s əhənəttə-net.»

²⁰ Təzzar igla aləs en, ikka akal igân esəm «Wa-n-Maraw-Yərman» ad immal arət kul wa das-iga Yaysa. Aytedan kul win das-əslanen isannahal sər-san awen əsəmməkləl.

Yaysa ila tarna fəl təwərna əd təməttant

²¹ Iqqal Yaysa, iḡras agaraw s əsəlīm-net wa hadan. Tələs fall-as tamattay tagget tiddawt.

²² Təzzar osa-du aləs igân esəm Jayḡus, imosan iyyan daḡ muzaran n ahan n əlxibada ən Kəl-Əlyəhud. Inay Yaysa ḡas, issəjad dat-əs.

²³ Onsəy Yaysa, inn-as: «Tabarart-in a ḡur təlla təməttant, areḡ daḡ-ak a sər-əs nidaw təssəwəraq-qat ifassan-nak ad təzzəy.»

²⁴ Iгла Yaysa, iddew dər-əs. Təlkâm-as tamattay tagget, tətənanbdaḡ fall-as.

²⁵ Tamattay en, tah-et təntut təgât maraw elan d əşšin igəmməd-tat əzni.

²⁶ Tənây aḡzab aggen daḡ fassan ən nasmagalan aggotnen. Awa təla kul as daḡ-san tu-tənḡa. Mişan edag n ad təggudəy, tətəyət fadda a fall-as təga təwərna-net.

²⁷ Təntut ten kala da təslâ y awa gənnin aytedan əs Yaysa. Təggaz-in tamattay ta təhat siḡərden ən Yaysa, tədas takadkat-net,

²⁸ fəlas tənna daḡ man-net: «As ədasa kuddeḡ isəlsa-net, ad əzzəya.»

²⁹ Da da ad tədas təkadkat-net ənta daḡ-as izzəkəkat əzni wa daḡ-as inaqqalan, təfray i təḡəssa-net as təzzay daḡ təwərna ten.

³⁰ Tamazayt ten da a daḡ ifray Yaysa i tarna iyyat as t-in-təgmad. Imalallay-du tamattay, inna: «Ma idasan isəlsa-nin.»

³¹ Ənnan-as nəttulab-net: «Təhənnaya tamattay ta fall-ak tətənanbdaḡat, eges təgənnə "Ma di-idasan?"»

³² Dər iga awen da ya issələl Yaysa tamattay asawad-net y ad inəy wa t-idasan.

³³ Təzzar tərməy təntut, təndaw-tat təysəst, fəlas təssân daḡ təməzzəyət ta təga den. Təkkə-du Yaysa, təssəjad dat-əs, təməl-as tidət ketnet.

³⁴ Inn-as: «Tabarart-in əzəgzan-nam sər-i a kam-izzozayan. Aglu daḡ alxer, təzzaya daḡ təwərna-nam.»

³⁵ Harwada išşewal Yaysa as d-osan aytedan a d-əfalnen aḡaywan ən Jayḡus wa n əmuzar n ahan wa n əlxibada ən Kəl-Əlyəhud, ənnan-as: «Tabarart-nak wər tədder, igd-ak tədgâzaḡ Əşşex.»

³⁶ Mişan wər-in-iger Yaysa tenbay daḡ awa itawənnan den, inna y əmuzar n ahan wa n əlxibada ən Kəl-Əlyəhud: «Ad wər tərməḡa, əttəf ḡas əzəgzan-nak.»

³⁷ Igdal Yaysa i tamattay a dər-əs tidaw. Iгла, wər iddew ar əd Butros əd Yaqub əd Yaxya wa n amədray ən Yaqub.

³⁸ Əddewan əd Jayḡus wa n abba ən tabarart s aḡaywan-net. As din-osan inay Yaysa tanəjarwayat n aytedan hallinen, sikalalan.

³⁹ Iggaz-in fall-asan, inn-asan: «Mafel tənjarwayam təhallim? Təbarart-nawan wər tat-aba, etəs ḡas a təga.»

⁴⁰ Təzzar əgan-tu əjjab. Issərdaq-qan ketnasan, wər d-iqqim ar imarwan ən tabarart əd nəttulab-net win dər d-iddew, təzzar iggaz dər-san edag wa daḡ tənəsa təḡəssa ən tabarart.

⁴¹ İbaz əfus-net, inn-as: «Talita qum!» Alməḡna n awen: «Tabarart ənneḡ-am, ənker-du!»

⁴² Tənkar-du tabarart daḡ tamazayt tendə, təjawənkət. Tabarart ten, maraw elan-net d əşšin. Awa sər-san iga awen daḡ əsəmməkləl, əhəgan.

⁴³ İrḡam-asan Yaysa wəllen fəl əməl n awen y əwədan waliyyan, dəffər adi inn-asan a tat-akfin a tətša.

6

Tunkart n aytedan ən Nazaret Yaysa

- ¹ Igmad Ƴaysa edag wen, iddew əd nəttulab-net, ikka aƣrəm wa daƣ idwal.
- ² As əzəl wa n təsanfawt, iggaz Ƴaysa ehan n əlƣibada ən Kəl-İlyəhud a daƣ-as isasaƣru. Isammaklal awen s aytedan aggotnen win das-əssəsammen, har əqqiman gannin: «Mənid d-issan wa daƣ awedan aratan win? Ma təmos masnat ta tu-tətawakfat da, as itaggu təlməƣjujaten?»
- ³ Awak awa wərgəƣ əmakras ən nan wa n ag Maryama, əməqqar ən Yaƣub əd Yosas əd Yahuda əd Simƣon? Wərgəƣ šimədrayen-net da da əxsarnen gər-ena da!» Awen daƣ a dasan-igdalalan a sər-əs əzzəgzənan.
- ⁴ Inn-asan Ƴaysa: «Ənnəbi wər itəwəlku ar daƣ aƣrəm wa daƣ idwal, əd šəqqəƣan-net d aƣaywan-nasan.»
- ⁵ Igdal-as awen a ƣur-san agu təlməƣjujaten. Imiranan wər nəggət ƣas a issəwar ifassan-net, izzozay-tan.
- ^{6a} Isimaklal sər-əs iba n əzəgzan-nasan.

Əzəmmizəl wa iga Ƴaysa inəttulab win maraw d əššin

- ^{6b} İllil Ƴaysa šixarmaten šin əhoznen Nazaret, isasaƣru aytedan.
- ⁷ Əzəl iyyan iƣra-du Ƴaysa inəttulab-net win maraw d əššin, ikf-en tarna fəl kələsuf, a tan-izamazal s əššin.
- ⁸ Omar-tan, inn-asan: «Ad wər tawəyam arət waliyyan daƣ əšikəl-nawan, ar tallaq. Ad wər tawəyam allaw, wala aƣrəg, wala tefelt daƣ nəfdan-nawan.
- ⁹ Əsəlat iƣatəman-nawan, amaran ad wər tawəyam sanatat təkadkaden.
- ¹⁰ Ehan was tənnəftəƣam, a tu-wər-təgmədam s iyyan iket təhəm aƣrəm wədi.
- ¹¹ As wər tətawaqbalam, wər itawasasam deƣ i batu-nawan daƣ adag wədi, as tu-təgammadam təbbikbakam-in əgədrar-net wa iwaran idaran-nawan, ilkəm ad əgğayyat awen fəll-asan.»
- ¹² Əglan nəttulab ad taggin təlxutbat y aytedan fəl ad utaban.
- ¹³ Takkasan deƣ kələsuf aggotnen daƣ aytedan, ill-ay widi zəgğayan i miranan aggotnen, zuzəyan-tan.

Ƴaysa əd Yaxya wa isalmaƣan daƣ aman

İduf wa əgan aytedan daƣ Ƴaysa

- ¹⁴ İsla əmənokəl Herod isalan ən Ƴaysa, fəlas sallat-net a tewadat edag kul, amaran gannin sər-əs aytedan: «Awen Yaxya wa isalmaƣan daƣ aman a d-inkaran daƣ təmattant! Adı a fəl ilə tarna n igi ən təlməƣjujaten.»
- ¹⁵ Gannin wiyyad: «Awen ənnəbi İlyas.» Wiyyad deƣ gannin: «Awen iyyan daƣ ənnəbitan win ərəwnen.»
- ¹⁶ As isla Herod y aratan win tawanninen den əs Ƴaysa inna: «Yaxya wa isalmaƣan daƣ aman was d-əssəfrasəƣ əƣaf-net, ənta a d-inkaran daƣ təmattant.»

İsalan ən təmattant ən Yaxya wa isalmaƣan daƣ aman

- ¹⁷ Herod iman-net a omaran s ad attarmas Yaxya, issəkrad-tu, isassag-ay daƣ kasaw. İgə Herod awen fəl əddəlil n azalaf-net Herodəyas təmosat taƣur Filibus, amaran Filibus amadray ən Herod en daƣ a imos.
- ¹⁸ Ənta Yaxya iyyəwan tənna i Herod: «Xaram fall-ak ad tərəkəba daƣ amadray-nak taƣurəs.»
- ¹⁹ Təzzar təgzar Herodəyas Yaxya fəl awen da, ad təgəmmay d a daƣ-as təkkəs iman, mišan wər təgrew təməwit n awen,
- ²⁰ Fəlas Herod a iksudan Yaxya. İssən as ələs n əlƣadil a imos n əmizdag, adı a fəl t-ogaz. İra ad isasam i batuten-net, mišan ya, i dasnat-İsla, ad t-İššəwəš wəllen awa igannu Yaxya.
- ²¹ Awen daƣ a igan, har sər-əs təgrew Herodəyas tarrayt ƣur aƣalay n əzəl wa daƣ ihəw Herod. Əzəl wen isassaga daƣ-as Herod saksas zəwwəran, migaren-as-du muzaran n əlxəkum-net, əd muzaran ən sojitan-net, d aytedan win əlanen tenbay daƣ akal wa n Galilaya.
- ²² Təggaz-du elles ən Herodəyas ad təggəƣ. Oggəm Herod əd naftəƣan-net eweƣ-net, təzzar inn-as: «Əgməy daƣ-i awa tareƣ kul, a dam-t-akfa.»
- ²³ İgla har das-İhad, inn-as: «Arat kul wa daƣ-i təgmaya, a dam-t-akfa kuddeƣ iqqal a dər-əm uzana akal-in daƣ ammas.»
- ²⁴ Təgmad, tənna y anna-net «Ma daƣ-as z'əgməya?» Tənn-as anna-net: «Əgməy daƣ-as əƣaf ən Yaxya wa isalmaƣan aytedan daƣ aman.»
- ²⁵ Tarmad as du-təqqal təməwat ten əmənokəl Herod, tənn-as: «Əƣaf ən Yaxya wa isalmaƣan aytedan daƣ aman as əreƣ a di-tu-takfa əmərədda insə daƣ attabla.»

²⁶ Arat wen iḡṣad iman n əmənokal wəllen, mišan wər ira a das-ugəy fəl əddəlil ən təhuday ta das-iga d əddəlil ən naftaxan-net.

²⁷ Issəgla daḡ tamazayt ten da iyyan daḡ sojitan-net win tu-tagaznen, inn-as a das-d-awəy eḡaf ən Yaxya wa isalmaḡan daḡ aman. Iгла soji, ifras-du eḡaf ən Yaxya daḡ kasaw.

²⁸ Eway-t-id daḡ attabla, ikf-ay i təməwat ten. Tabarart deḡ təkf-ay y anna-net.

²⁹ As əslan nalkiman ən Yaxya awen, əglaḡ, ədkalan taḡəssa-net, ənbalan-t-in.

İsəssəyri d əṣṣətši win iga Ḡaysa i tamattay

Ḡaysa əd nəttulab-net

³⁰ Əqqalan-du nəmmuzal winad izammazal Ḡaysa da, əssoḡalan-as isalan n arat kul wa əgan, d awa sassaxran aytedan.

³¹ Inna Ḡaysa i nəttulab-net: «Ayewat, akkiwat-anay edag issufan fəl ad tassanfim a əndərran.» Arat wen inn-asan-tu fəlas aytedan win tan-du-tasinən əd win gallinen, a əganen igət, was arat n amazay daḡ ətšan nəttulab-net, da wər t-əgrewan.

³² Təzzar əggazan aḡlal n aman, əglaḡ, əkkan edag issufan a din-ikitayyen.

³³ Oggan-tan aytedan aggotnen as əglaḡ, əzdayan-tan. Iga-du uzzal n aytedan daḡ ḡərman kul win əhoznən den, azzaran-in i Ḡaysa əd nəttulab-net s adag wa əkkan.

³⁴ As d-izzəbbat Ḡaysa aḡlal n aman, inay tamattay tagget, təggaz-tu təhanint-nasan, fəlas əmosan zun ayfəd wər nola amadan. Təzzar a tan-isasayru aratan aggotnen.

İṣṣətši ən Ḡaysa səmmos gim n aləs

³⁵ As gəzzul əzəl, əhozan-t-idu nəttulab-net, ənnan-as: «Edag issufan awa, amaran əzəl iglaḡ;

³⁶ suḡəl tamattay a, ad təgməy id təzzənza a tətša daḡ ḡawnatan əd taḡarmaten win əhoznən.»

³⁷ Inn-asan Ḡaysa: «Ṣətšat-tan kawanay iman-nawan da!» Ənnan-as: «Awak a tareḡ ad nədkəl sanatat təmad n ərrəyal n əzrəf wa mallan nazzanza-du ṣigəlwen ətšan aytedan win?»

³⁸ Inn-asan: «Əssənət-du mənəkət təgəlwen təlam.» As d-əssanan awa t-illan əqqalan-t-id ənnan-as: «Səmmosat təgəlwen d əṣṣin kifitan.»

³⁹ Təzzar omar-tan s ad agin aytedan təzunen, səḡḡimin-tan den da daḡ yel.

⁴⁰ Əqqıman aytedan əmosan təzunen. Təzunen en ṣiyyad əmosnat temeday temeday n awedan, ṣiyyad əmosnat səmmosat səmmosat təmərwən.

⁴¹ Amaran idkal Ḡaysa səmmosat təgəlwen ṣin den d əṣṣin kifitan win, iggəzzay ijənnawan, iga igodan i Məṣṣina, ikaramkaram ṣigəlwen ṣin den, ikf-enat i nəttulab-net y a tanat-uzanan i tamattay. Əzunan-asan deḡ kifitan winad n əṣṣin a.

⁴² Ətšan aytedan en ketnasan har əyyəwanan.

⁴³ Əṣṣədawan-du nəttulab ən Ḡaysa awa d-iqqıman daḡ təgəlwen əd kifitan, ədkaran daḡ-as maraw əzmaman d əṣṣin.

⁴⁴ Əddukad ən səmmos gim n aləs a əhanen tamattay ta tətšat den.

Teklay ən Ḡaysa fəl aman

⁴⁵ Wala a ihogan omar Ḡaysa inəttulab-net s ad əggəzan aḡlal n aman, izaran-as-in əs təgadamayt ta hadat n agaraw əs təḡrəmt ta n Betsayda, iket di ad itasallam tamattay.

⁴⁶ Issəgla tamattay ḡas, ikka adḡay iyyan y a fall-as agu ṣiwatriwen.

⁴⁷ As iga ahad, aḡlal n aman wa əhan nəttulab ən Ḡaysa isigaraygaray daḡ agaraw, Ḡaysa amaran ənta iwâr adḡay ḡas-net itattar.

⁴⁸ Ogg-en əbbillanan d əsəgli n əḡlal fəl aman, fəlas aḡu a dər d-əmməqqasan. As təga tilkamat n ahad ikk-en-du Ḡaysa ijiwankat fəl aman. As zama tan-okây,

⁴⁹ oggan-tu ijiwankat fəl aman, əḡilan aggəsuf, sakkarayan.

⁵⁰ Ketnasan issirmaq-qan anay wa t-əgan. Mišan tamazayt ten da a dasan-iṣṣewal Ḡaysa inn-asan: «Ad wər təḡṣədam, nak awa! Təgmədet-kawan tasa!»

⁵¹ Iggaz-du fall-asan aḡlal ḡas, idrar aḡu. Iga sər-san awen əsəmməkdəl labasan,

⁵² fəlas wər əgren almaḡna ən təməḡjujat ta iga Ḡaysa əs təgəlwen id iwəllan-nasan a garmommen.

Əzuzəy ən Ḡaysa imiranan daḡ akal ən Ganazaret

⁵³ As əḡrasan agaraw, ewadan akal ən Ganazaret, əndayan aḡlal n aman daḡ təṣəṣwit.

⁵⁴ Əgmadan aḡlal n aman ḡas, əssanan aytedan as Ḡaysa awen.

⁵⁵ Təzzar ozalan daḡ akal ketnet, edag as əslan as ih-ay a sər-əs du-tawəyan imiranan daḡ təssəwen.

⁵⁶ Edag osa Ƴaysa, gər za aḡrəm wala taḡrəmt wala iḡawnnatan n əsuf, a d-awəyan aytedan imiranan s adag wa imosan asammanay, ansəyan Ƴaysa ad ayyu aytedan ədəsan kuddeḡ təbənək ən təkadkat-net. I tat-idasan deḡ ad izzəy.

7

Tazdak d ammadas

Alwajiban ən Məššina d ammadas

¹ Eddewan Farisaytan ḡur Ƴaysa əntanay d arat daḡ musanan n Ettawret a d-əgmədnen Yerusalem.

² Ənayan arat daḡ nəttulab ən Ƴaysa tattin əs fassan əmmidasnen, almaḡna wər nərrud.

³ Ənta Farisaytan əd Kəl-Əlyəhud kul wər təttin iket wər əššoradan ifassan-nasan har təḡəmmar, imos awen aḡxadat ən marawan-nasan.

⁴ Wər təttin deḡ as d-əgmədnan assamanay n aytedan, iket wər əzzəzədan. Əttāfan deḡ šiyayd aḡxadaten aggotnen, əmosnen əzəzədg ən kassan, əd təkən, əd təḡeren əd təssuwen šin daḡ tattin.

⁵ Adi a fəl əssəstanan Farisaytan əd musanan n Ettawret Ƴaysa, ənnan-as: «Mafəl wər əlkəman nəttulab-nak y aḡxadaten ən marawan-nana, tattan əs fassan əmmidasnen?»

⁶ Inn-asan Ƴaysa: «Əlmunafiqan! Tidət a imos awa sər-wan inna ənənəbi Isayas s əmmək was itiwaḡtab as: "Tamattay ta, iləs ḡas as di-təssəḡmar, mišan iwallan-nasan əggugan-i wəllen."

⁷ Əlyibada wa di-taggin, ibinnan, fəlas wər səsəḡrin ar alwajiban a d-ənzaman aytedan daḡ ḡafawan-nasan."

⁸ Əmmək en da a təgam kawanay da, toyyam alwajiban ən Məššina, təlkamam y aḡxadaten n aytedan.»

⁹ Inn-asan Ƴaysa deḡ: «Šiyit tolāḡat a təgam y alwajiban ən Məššina, fəl ləkkum y aḡxadaten-nawan!

¹⁰ Wəḡeḡ ənnəbi Musa a inna: "Səḡmər abba-nak d anna-nak" inna deḡ: "Awedan wa isəffarəšən abba-net, madəḡ anna-net, wədi a daḡ-as təwəkkəsən man."»

¹¹⁻¹² Mišan kawanay təgannim: «Ifrāḡ awedan ad annu y abba-net madəḡ anna-net: "Tadhəlt tas daḡ-i təgam ənənəyat-net, əssəwaraḡ-ḡat aganna təmos aḡḡawal." Daḡ adi awedan wədi wər tu-toyyem s amaknaw n arat y abba-net wala anna-net.

¹³ Təmawit tēdi da as təgam aḡxadat-nawan daḡ adag n Awal ən Məššina, təsasəḡrim-tat i bararan-nawan. Tətaggin deḡ wiyyad aratan aggotnen šilat n adi.»

Ammadas wa n tidət

¹⁴ As iga Ƴaysa batu ten i Farisaytan əd musanan n Ettawret, iḡra tamattay, inn-as: «Səsəmat-i ketnawan, taḡrim awa dawan-z-anna da.

¹⁵ Wər t-illa arat itaggazan taḡəssa n aggadəm, ifrāḡan əsəmmədəs-net. Kalar awa t-id-igammadan a tat-isamadasan.

¹⁶ Wa isallan, aslet!»

¹⁷ As imməzzay Ƴaysa əd tamattay, iggaz ehan, əssəstanan-tu nəttulab-net d almaḡna n iggi wa iga den.

¹⁸ Inn-asan: «Awa zaḡnin kawanay da, wər tələm əḡərri? Wər təḡrem as, wər t-illa arat itaggazan taḡəssa n aggadəm ifrāḡan əsəmmədəs-net,

¹⁹ fəlas wəḡeḡ əwəl-net a itaggaz. Kalar tadist-net a itaggaz, dəffər adi inḡəl-in daḡ əsuf.» Əmmək wa da as isəxlal Ƴaysa imənsəwan kul.

²⁰ Inn-asan deḡ: «Awa d-igammadan əwəl n aggadəm, ənta a t-isamadasan,

²¹ fəlas əwəl n aggadəm a du-gammadnat arak ənənəyaten a tu-tawaynen s igi ən tədoden madəḡ igi ən mēddan əd šikra, d igi ən man,

²² d igi n əzzəna, əd tara n əddənət, əd tišit n amaksan, əd təkaddit, d igi n aratan win oḡarnen taxxaramt, əd manjaḡ, əd sizmit, d ədkul ən man, əd təmətəkwəyen kul šin iba ən təla n almaḡna.

²³ Aratan win di labasnen kul əwəl n aggadəm a du-gammadan, amaran əntanay a tu-samadassen.»

Ƴaysa əd təntut iyyat wər nəmos təlyəhut

²⁴ Ifal Ƴaysa edag wen ikka amadəl ən Tir. Os-in ḡas iggaz ehan iyyan, fəlas wər ira a fall-as taḡu masnat; mišan indar-as ad aḡḡam wər fall-as təga masnat.

²⁵ Kalar iraz-in ḡas təsl-ay təntut iyyat tələt tabarart iha agḡəsuf, təkk-ay-du, təssəjad-as.

²⁶ Tantut ten wër tēmos iyyat daḡ Kəl-Īlyəhud, ələsəl-net Kəl Fenisəya əd Kəl Surəya. Tonsay Ƴaysa a das-ikkəs aggəsuf daḡ tabarart-net.

²⁷ Təzzar inn-as Ƴaysa: «Ayyu bararan ad ayyawanan təzzar, fəlas wër oley i daw-san idkalan amensay-nasan igər-t-in i dan.»

²⁸ Tənn-as tēntut: «Tidət-nak Īməli, mišan ya, iḡan da əkəmmi a taggin awa d-irattakan daḡ bararan, tattin-tu.»

²⁹ Inn-as Ƴaysa: «Aglu, təqqəlay əḡaywan-nam; tabarart-nam igmad-tat aggəsuf fəl əddəlil ən batu ta di-təge da.»

³⁰ Təqqal əḡaywan-net, tos-in tabarart-net təzzilallat daḡ tessat, igmâd-tat aggəsuf, təzzây.

Ƴuzəy wa iga Ƴaysa aləs immizagan, indây deḡ iləs-net

³¹ Dəffər adi igmad Ƴaysa akal ən Tir, irzag Sidon os-in akal wa n Galilaya iga sər-əs tarrayt ta təmmarat akal Wa-n-Maraw-Ƴərman.

³² Den daḡ a sər-əs d ewayan aytedan aləs immizagan, as indây iləs-net. A tu-tansayan y ad t-issəwar ifassan-net, izzuzəy-tu.

³³ İddew dər-əs Ƴaysa, igmad dər-əs aytedan, təzzar iga idədwan-net daḡ təməzzugen n əmzag en, dəffər adi issəwar-tan imətman-net, idas sər-san iləs n əmzag en.

³⁴ Amaran iggəzzay Ƴaysa ijənnawan, ihanaffat, inn-as: «Effata!» Alməḡna: Nuləm.

³⁵ Tamazayt tenda a daḡ ənnolamnat təməzzugen n əmzag en, itawayya-du iləs-net, işşəwal s iləs isrâdan.

³⁶ Dəffər awen omar Ƴaysa aytedan s ad wër əmelan awa igan den y awedan waliyyan, mišan iket itamar-tan s awen sanahalan-tu emel.

³⁷ Iga sər-san awen əsəmməkləl labasan, gannin: «Awa itaggu kul iknâ əlluḡ. Wala imzagan issəsl-en, işaşawal deḡ win as əndayan ilsawan-nasan.»

8

İşətsi wa iga Ƴaysa əkköz gim n aləs

¹ Adan en da a daḡ təlas tamattay tagget tiddawt fəl Ƴaysa. Tamattay en wër təla a tətša. İyra Ƴaysa inəttulab-net, inn-asan:

² «Aytedan a tēh-i tēhanint-nasan. Karad adan a ḡur-i əgan, amaran ab'as t-illa a ətšan.

³ As tan-əssoka iḡawnatan-nasan wër ərəman arət, a tan-aggadlu gələk daḡ tarrayt, id wiyyad daḡ-san igəg a d-əgmadan.»

⁴ Ənnan-as nəttulab-net: «Məni du-z-igrəw awedan daḡ əsuf a şigəlwen siyyawannen tamattay togdât d awa?»

⁵ İssəstan-tan Ƴaysa, inn-asan: «Mənəkət təgəlwen təlam?» Ənnan-as: «Əssayat.»

⁶ Omar Ƴaysa tamattay s ad təḡrəd təḡimit. İdkal-du əssayat təgəlwen şin, iga igodan i Məşşina, i karamkaram-tanat, ikf-enat i nəttulab-net y a tanat-uzanan i tamattay en. Ƴuzunan-asan-tanat.

⁷ Əlân deḡ arət ən kifitan win madrornen. Iga Ƴaysa igodan i Məşşina inna i nəttulab-net, a tan-uzanan əntanay da y aytedan.

⁸ Aytedan en əyyəwanan əglazan-du, har as əssa əzmaman win zawwarnen a du-tawadkarnen daḡ karammutan win d-əglazan.

⁹ Əddukad n əkköz gim n aləs a ətšanen den. As tətša tamattay, issəllam-tat Ƴaysa.

¹⁰ Tamazayt ten da a daḡ iggaz aḡlal n aman ənta əd nəttulab-net, ikka akal ən Dalmanuta.

Agamay ən Farisaytan daḡ Ƴaysa a dasan-əgu təlməḡjujat

¹¹ Osan-du arət daḡ Farisaytan, maşawalan dər-əs, gammayan daḡ-as təlməḡjujat təmosat alḡalamat a du-təfâlat Məşşina, imosan awen jarraba-net.

¹² Iga Ƴaysa tēhənəffət zagret, inna: «Mafəl gammayan aytedan n azzaman win təlməḡjujat a du-təfâlat Məşşina? Ƴggəyyeḡ əsilakanay-awan as, wër ilkem a dawan-tətiwagga təlməḡjujat waliyyat.»

¹³ Təzzar ifal-tan, ilas iguz n əḡlal n aman, ikka əsəlīm wa hadan n agarew.

İsəmmətər ən Ƴaysa inəttulab-net

¹⁴ İttəwan-in nəttulab a d-awəyan allaw ən təgəlla. Tagəlla iyyadda ḡas a tēhat aḡlal-nasan.

¹⁵ İsammatar-tan Ƴaysa, inn-asan: «Ənkədət wəllen i xamira ən Farisaytan əd wa n əmənokəl Herod!»

¹⁶ Ad tinəməninn nəttulab-net gar-essan: «Awa wër t-inna ar fəlas wër nəla tagəlla.»

¹⁷ Issan Ýaysa daş awen, inn-asan: «Mafel tæşşewalam daş iban tæla-nawan tagella? Awak eðærri a wær tægem harwa da? Awak iwallan-nawan a eðanen taşart tas ab'as tægarrim?»

¹⁸ Awak şittawen a wær tælem æs tønayam, wala deş şimæzzugen æs tæslam? Awak tatawt a din-tægam

¹⁹ Iket n æzmaman a du-tædnayam daş karammutan win du-tæglaz tamattay assaşa wad æzunay sæmmosat tægælwen i sæmmos gim n alæs?» Ennan-as: «Nækittaw as maraw æzmaman d æşşin a du-nædnay.

²⁰ Şigælwen şin æssayat za, şin æzuna y ækkoz gim n alæs, mæneket æzmaman a du-tædnayam daş karammutan win du-tawaglaznen?» Ennan-as: «Æssa.»

²¹ Amaran inn-asan: «Eges harwa da wær tægrem wala?»

Æzuzæy æn Ýaysa æmædderşæl iyyan

²² Os-in Ýaysa ænta æd nættulab-net taşræmt æn Betsayda. Elwayan-du sær-æs aytedan alæs n æmædderşæl, onsayan-tu ad t-idæs izzuzæy-tu.

²³ Ibaz Ýaysa æfus n æmædderşæl en, ilway-tu har dær-æs igmad taşræmt. Issæwar imætman-net şittawen-net, issæwar-tu ifassan-net, inn-as: «Awak tæhannayaş arat meş?»

²⁴ Idkal æmædderşæl eşaf-net, inna: «Hannayaş aytedan, mişan olân-i d eşkan jiwankatnen.»

²⁵ Ilas Ýaysa æsæwær æn fassan-net şittawen n æmædderşæl en. Iqqal-t-id asawad-net ketnet, izzay, innæflay daş arat kul.

²⁶ Issellæm-tu Ýaysa inn-as: «Ad wær tæqqæla taşræmt ten, aglu akku aşaywan-nak.»

Ýaysa itawassan as Elmæsix a imos

²⁷ Dæffer awen iddew Ýaysa æd nættulab-net ækkan şixarmaten ehanen amađal as itawannu Qaysaræya wa n æmuzar Filibus. Eglân as tan-issæstan Ýaysa, inn-asan: «Ak daş iduf n aytedan, ma æmosa?»

²⁸ Ennan-as: «Wiyyad a gannin Ýaxya wa isalmaşan aytedan daş aman a tæmosa, wiyyad a gannin ænnæbi Ilyas, wiyyad deş a gannin iyyan daş ænnæbitan.»

²⁹ «Kawanay za, ma tænnam ma æmosa?» Inn-as Butros: «Kay a imosan Elmæsix.»

³⁰ Issenkad-tan Ýaysa inn-asan: «Tidæt a imos adi mişan a tu-wær-tæmælam y awedan waliyyan.»

Iki æn Ýaysa Yerusalam

Ætæmæl wa azzaran n alyazab wa z'inæy Elmæsix æn Mæşşina

³¹ Den da ad issenta Ýaysa æsæssæşri æn nættulab-net, inn-asan: «Nak Ag Aggadæm, kundaba ænaya alşazab aggen, unkaran-i muzaran æn Kæl-Ilyæhud æd muzaran æn limaman æd musanan n Ettawret, tæwæggin man-nin, ænkara-du deş daş tæmattant æzæl wa n karad.»

³² Ig-asan i batu en igi isisagran wællen. Tæzzar iwat-tu Butros s ahal, išşewal fall-as fæl awa inna den.

³³ Mişan imalallay fall-as Ýaysa, iswad daş nættulab-net win hadatnen, iharaşşat Butros, inn-as: «Æfæl dæffer-i, Aşşaytan, fælas imedranan-nak, wærgæş Mæşşina a d-æfalan, kalar imedranan n aggadæm şas a æmosan.»

Lækkum i Ýaysa Elmæsix

³⁴ Dæffer awen işra-du Ýaysa tamattay æd nættulab-net, inn-asan: «Wa iran a di-ilkæm, wædi igmædet tara æn man-net, agu imateran-net, idkæl tægættawt-net, ilkæm-i.

³⁵ Èssænæt as awedan wa wær nægæmmæy ar aggaz æn man-net, wædi ad t-ægmædan, mişan wa iqbalan ad t-ægmædan fæl æddælil-in d æddælil n Elinjil, wædi ad işlæs.

³⁶ Ma z'aknu y awedan ad igræw æddænet ketnet, ænta amaran tæmsay a ikka?»

³⁷ Awak mas ifrag awedan tehakkay-net y a sær-æs agæz iman-net daş tæmsay?»

³⁸ Awedan kul wa isakkarakad lækkum y-i, madæş isikkarakad-tu æsuşæl n awal-in daş azzaman win, daş iggæt iba æn tæksæda æn Mæşşina, wædi nak da, Ag Aggadæm, a di-tæşækkærükæd ælqæbulat-net æzæl wa du-z-æqqæla æleş tanaya n Abba-nin, æddewa d angalosan a zaddoggen.»

9

¹ Ilas Ýaysa inn-asan: «Èggæyyeş silakanay-awan as, wiyyad daş-wan æbdædnen da, wær tan-z-iba wær ænayan assa æn Taşmar ta n Mæşşina igân æs tarna.»

Ænæfilal æn tanaya æn Ýaysa Elmæsix

Tanaya æn Ýaysa Elmæsix

² Sədis adan dəffər awen, iğra-du Ƴaysa Butros əd Yaqub əd Yaxya, iddew dər-san əntanay Ƴas s ədƣaƣ iyyan zagren. Əllân den da, as imməttay azzahir ən Ƴaysa dat-san.

³ Malawlawan səlsa-net. Əgan təməllay təsiraqqet wəllen əs kala wər tətawanay şilat-net daƣ əddənet.

⁴ Təzzar oggan ənnəbi Ilyas d ənnəbi Musa, mişawalan əd Ƴaysa.

⁵ Iggad-du Butros inna i Ƴaysa: «Əşşex, olâƣ as nəlla da! Ad nəkrəs karad həktan. Iyyan i-nak, iyyan in Musa, iyyan in Ilyas.»

⁶ Wər din-igra Butros axaras wa iga den fəl awa iga daƣ tərəmmeq ənta əd nəttulab win hadatnen.

⁷ Tamazayt ten da a dənnəg-san du-tənafalal təgarak, təls-en telay-net; təzzar iga-du awal daƣ tagarak en da, inna: «Awa Barar-in wa əknəƣ tara, səsəmat-as.»

⁸ Wala a ihogan, waraƣwarəƣan nəttulab, wər hənnəyan awedan waliyyan a ƣur-san illân ar Ƴaysa.

Assa n Ilyas

⁹ Tazabben-du adƣaƣ en da as dasan-inna Ƴaysa: «Ad wər təmələm awa tənayam da y awedan waliyyan iket wər d-ənkera nak Ag Aggadəm daƣ təmattant.»

¹⁰ Əttafan tarƣəmt ta dasan-iga den, mişan tinəməsəstinan gər-essan d awa issoka Ƴaysa əs «tanakra daƣ təmattant» ta imal den.

¹¹ Əssəstanan-tu, ənnan-as: «Mafəl gannin musanan n Əttawret: "Kundaba osa-du Ilyas təzzar as du-z-asu Əlməsix?"»

¹² Inn-asan: «Tidət-nasan as kundaba osa-du ənnəbi Ilyas təzzar, annazzam aratan kul; mişan ya, mafel iktâb as Ag Aggadəm kundaba inay alƣazab aggen, itəwəsəknu məlka?»

¹³ A kawan-əssusənaƣ âs ənnəbi Ilyas osâ-du, amaran əgân-as aytedan arat kul wa əran, imos as awen da a iktaban daƣ batu-net.»

Əzuzəy ən Ƴaysa barar iha aggəsuf

¹⁴ As d-iqqal Ƴaysa əd nəttulab-net win karad ogga inəttulab-net win hadatnen təƣilayƣalay-tan tamattay tagget, tənƣâr tamazaq gar-essan əd musanan n Əttawret.

¹⁵ Togga tamattay Ƴaysa ƣas, isammaklal sər-san awen, ozalan sər-əs a tu-saslaman.

¹⁶ Inna Ƴaysa i nəttulab-net: «Ma dər-san təmməzəƣam?»

¹⁷ Inn-as aləs iyyan daƣ tamattay en: «Əlfəqqi, ewâya-du sər-ək barar-in iha aggəsuf labasan, indâyan iləs-net.

¹⁸ As daƣ-as d-inkar, a t-aggadlu, ad isakafkaf isamakyak, təzzar issəf. Əgmâya daƣ nəttulab-nak a daƣ-as t-əkkəsən, mişan indar-asan»

¹⁹ Inn-asan Ƴaysa: «Xa! Iket iba n əzəgzan daƣ aytedan n azzaman a! Awak har əmmay əddewa dər-wan, zizaydar dər-wan? Awəyat-i-du barar.»

²⁰ Təzzar ewayan-as-t-id. Da da ƣas ad inay aggəsuf Ƴaysa, ənta ad izzazakarkar barar, ifataqqat, ad itizəbərdil, isakafkaf.

²¹ Issəstan Ƴaysa abba ən barar, inn-as: «Əmmay du-t-igaz awa şin agaraw?» Inn-as: «Harwa mədrəy.

²² Əyyəwan-tu aggəsuf təməgirt daƣ təmsay madəƣ aman y ad t-anƣu. Kud təfrəgəƣ a təkneƣ daƣ awa, təhənəttəƣ-ana, tilalaƣ-ana.»

²³ Inn-as Ƴaysa: «Kud təfrəga ya? Arat kul əfragaƣ igi-net i wa sər-i izzəgzanan.»

²⁴ Idkal abba ən barar əməsl-i-net daƣ tamazayt ten da, inna: «Əzzigzanaƣ, agəz-i daƣ iba n əzəgzan.»

²⁵ As inay Ƴaysa uzzal ən tamattay iggâd-du sər-əs, iharaşşat aggəsuf, inn-as: «Aljayn wa igaddalan awal, izamazag, omaraq-qay s ad təgməda barar di; amaran a tu-wər-tələsaƣ iguz!»

²⁶ Izyak aggəsuf, iga i barar en əzəzəkərkər labasan, amaran igmad-tu. Wər iha adag barar en itimətəkəwəyan, zun t-aba, har ənnan aytedan aggotnen: «Aba-tu.»

²⁷ Mişan ibaz-t-id Ƴaysa s əfus, issənkar-t-id, ibdad barar.

²⁸ As iggaz Ƴaysa ehan iyyan, əssəstanan-tu nəttulab-net wər iqqim awedan waliyyan, ənnan-as: «Aljayn wa n ihogan, mafel indâr-anəƣ ikus-net daƣ barar en?»

²⁹ Inn-asan: «Əzzənəf n aggəsuf wen, wər t-itəkkəs ar şiwatriwen.»

İtəməl wa n əşşin n alƣazab wa z'inəy Əlməsix ən Məşşina

³⁰ Igməd Ƴaysa edag wen ənta əd nəttulab-net, ərzagan akal ən Galilaya, mişan wər ira ad issən awedan waliyyan dad illa,

³¹ fəlas əsəssəƣri a itag inəttulab-net. Iggann-asan: «Nak Ag Aggadəm əjwâra ad əggəzaƣ ifassan n aytedan, agin iman-in, mişan karad adan dəffər iba-nin, a d-ənkəra daƣ təmattant.»

³² Mišan wər əgren nöttulab-net batu ta dasan-iga den, amaran tah-en tasa n əsəstan-net.

Adkul wa n tidət

³³ Ewad-in Ƴaysa ənta əd nöttulab-net aƣrəm ən Kafarnahum. Əggazan-in ehan ƣas issəstan-tan, inn-asan: «Ma tömməzayam daƣ tarrayt?»

³⁴ Wər das-ənnen arət, fəlas tamazaq a əgan gər-essan daƣ tarrayt, ərân ad əssənan wa daƣ-san ogaran.

³⁵ Iqqim Ƴaysa, inna i nöttulab-net win maraw d əššin a t-id-ihazan, inn-asan: «Wa daƣ-wan iran tizart, iwâr-tu ad agu iman-net daw aytedan kul, aget iman-net akli-nasan.»

³⁶ İbaz-du Ƴaysa əfus n arət ən barar iyyan ilân den, issəbdad-tu gar-essan, ibaz-t-id izalammat-tu, inn-asan:

³⁷ «I iqbala barar šilan wa fəl əddəlil-in, wədi nak iman-nin as di-iqbal; wa di-iqbalan dəƣ, wərge nak a iqbal, wa di-d-izammazalan a iqbal.»

I wər nəgəmməy təkma-nana, wədi əmidi-nana a imos

³⁸ Inn-as Yaxya: «Əššəx, nənây aləs iyyan itakkasan kələsuf daƣ aytedan s esəm-nak, nənn-as a wər iləs igi n awen, fəlas wər danaƣ-ıha əs ləkkum y-ak.»

³⁹ Inn-as Ƴaysa: «A das-wər-təgdəlam igi n adi, fəlas wər t-illa awedan as z'agin təlməxjujat s esəm-in, annu sər-i a labasan dəffər adi.

⁴⁰ I wər nəgəmməy təkma-nana, wədi əmidi-nana.

⁴¹ Amaran əggəyyeƣ silakanaƣ-awan as, i kawan-iššəşwan wala ablu n aman fəlas a kawan-iwar esəm n Əlməsix, wədi illikan as ad igrəw arozan-net.»

Ləkkum i Ƴaysa Əlməsix

⁴² «I iqqalan əssəbab n abakkad y iyyan daƣ aytedan win sər-i əzzəgzannen, əmosnen zun bararan mədrornen, wədi of-as ad itəwəqqən əzəzəd zəwwəran ən təhunt daƣ iri-net itəwəgər-in daƣ aƣaraw əmazal wa iga əddi.

⁴³⁻⁴⁴ Kud kay əfus-nak a ibukan a dak-iqqəl əssəbab n igi n abakkad, təfrəsaq-q-in; id of-ak ad təggəza aljannat təgeƣ əfus, y ad təleƣ əššin fassan təggəzay təmsay an Jahannama.

⁴⁵⁻⁴⁶ Kud dəƣ adar-nak a ibukan a dak-iqqəl əssəbab n igi n abakkad, təfrəsaq-q-in; id of-ak ad təggəzay aljannat təgeƣ adar y ad təleƣ əššin daran təggəzay təmsay an Jahannama.

⁴⁷ Amaran kud šat-nak a təkukat a dak-təqqəl əssəbab n igi n abakkad, təkəkkərəq-qat-du; id of-ak ad təggəza Taƣmar ta n Məššina təgeƣ šat y ad təleƣ sanatat šittawen, tətəwəgəra dər-əsnat daƣ təmsay an Jahannama,

⁴⁸ təmosat edag as wərmad tamattatnat təwəkkawen-net, wala dəƣ təmsay-net.»

⁴⁹ «Awedan kul ad itəwəzəzdəg əs təmsay, zun d əmmək as tətaggaz təsəmt imensewan fəl a tan-təggəz tenbay.

⁵⁰ Tesəmt arət olâƣan a təmos, mišan as tat-təgmad tenbay-net, awak ma imos arət wa daƣ-as z'itəwəggin təqqəl-tat-du? Təqqələt təməddurt-nawan a ilân tenbay zun təsəmt, amaran imələt alxer gar-ewwan.»

10

İsala n əməzzəy

¹ İfal Ƴaysa edag wen ikka akal ən Yahudəyya ihân aganna wa hadan n agarəw wa n Yordan. Təlas fall-as tamattay tiddawt, a tat-isasaƣru imos awen arət itaggu faw da.

² Əhozan-t-in Farisaytan əgan-as əsəstan imosan tənəgməyt, ənnan-as: «Awak xalal y aləs ad izəmməzzəy tantut-net meƣ wər xalal?»

³ Inn-asan Ƴaysa: «Mas imos əlwajib wa dawan-d-oyya Ənnəbi Musa daƣ batu tədi?»

⁴ Ənnan-as: «Ənnəbi Musa ikfâ turagat n ad tətəwəktəb širawt n əməzzəy i təntut, tətəwəzəməzzəy.»

⁵ Inn-asan Ƴaysa: «Aššəddat ən taggarmamət ən wallan-nawan a fəl dawan-d-oyya Musa əlwajib wədi.

⁶ Dər iga awen da ya, əs tizarat as d-ixlak Məššina əddənət,

"ixlak-du aytedan, ixlak-kan-du əmosan yay əd təntay."

⁷ Adı da a fəl iffâl aləs

abba-net d anna-net,

irtəy əd təntut-net,

⁸ Өqqölan fөл әššinessan arat iyyanda.

Әmmäk en daḡ as

ad ib-as әmosan әššin aytedan,

kalar ad өqqalan taḡessa iyyadda.

⁹ Daḡ adi, awa issertay Mәššina a tu-wәр-izәmmәzzәy awedan.»

¹⁰ As iggaz Ḡaysa ehan, әssәstanan-tu nәttulab-net әntanay da әd batu ten.

¹¹ Inn-asan: «I izammazzayan tantut-net, izlaf iyyat, wәdi әzzәna a iga әddi.

¹² Tantut deḡ ta tәmmәzzayat d alәs-net, izlaf-tat iyyan, әnta da әzzәna a tәga di.»

Bararan әd Taḡmar ta n Mәššina

¹³ A du-tawayan aytedan bararan әs Ḡaysa fөл a tan-issәwәр ifassan-net ittәр-asan, mišan әššewalan nәttulab fөл aytedan win den.

¹⁴ Inay Ḡaysa awen ḡas iššak-ku, inn-asan: «Ayyiwat bararan a di-d-akkin. A tan-in-wәр-tәwәḡam fall-i, fәlas Taḡmar ta n Mәššina šin aytedan win šilaten-nasan.

¹⁵ Әggәyyeḡ әsilakanay-awan as, i wәр nәga i Taḡmar ta n Mәššina әlqәbulat šilat әn ta das-iga barar, wәdi wәр das-ilkem a tat-iggaz.»

¹⁶ Tәzzar ad itizәlәmmit Ḡaysa bararan win den, isawar-tan ifassan-net, itattar-asan.

Alәs n әmәggәrgәs әd Taḡmar ta n Mәššina

¹⁷ As zama imitakway Ḡaysa daḡ adag wen iraz-du sәр-әs alәs iyyan sәр-әs d-ozәlan, igaraffat dat-әs, inn-as: «Әššәx olәḡan, mas di-iwar igi-net y ad әgrәwa tәmәddurt ta tәḡlalat?»

¹⁸ Inn-as Ḡaysa: «Mafel as di-tәgannaḡ Әššәx olәḡan? Wәр t-illa i olәḡan ar Mәššina.

¹⁹ Alwajiban-net tәssәnaq-qan, ih-en as: "Ad wәр tagaḡ iman, ad wәр tagaḡ әzzәna, ad wәр takәra, ad wәр taggәyyeḡ әs bahu, ad wәр taga tәkma y awedan, sәḡmәр abba-nak d anna-nak."»

²⁰ Inn-as alәs wen: «Әlfәqqi, aratan win di kul harwa da mәdrәya as tan-әssәbdada.»

²¹ Tәzzar idak-ku Ḡaysa s asawad tәha tara, inn-as: «Arat iyyanda a dak-in-iqqiman әmәrәdda: Aglu zanz-in tәla-nak kul, takfaḡ inazzan-net i tәlәqqawen, ad tәgrәwәḡ әrrәzәḡ a dak-z-ansin daḡ alaxirat. Dәffәр adi amaran tagla-du tәlkәmәḡ-i.»

²² Isla alәs en i batu ten ḡas, izakkanzar. Inkar, igla әḡšәdan man-net fәlas әrrәzәḡ aggen a ila.

²³ Issәlal Ḡaysa asawad-net tamattay ta tu-tәḡalayḡalayay den, amaran inna i nәttulab-net: «Iket әzzәwi ig-ay iguz әn Taḡmar ta n Mәššina fөл win әggәrgәsnen.»

²⁴ Batu ten, tәqqan iḡafawan әn nәttulab-net, ilas Ḡaysa inn-asan: «Bararan-in, iket әzzәwi ig-ay iguz әn Taḡmar ta n Mәššina!

²⁵ Ogar tәrḡasay ta iga fөл aḡam aradaḡ daḡ tәbuday n әnazmәy, i ta iga fөл әmәggәrgәs iguz әn Taḡmar ta n Mәššina.»

²⁶ Batu ta tәsammaklal wәllen әs nәttulab, tәzzar ad tinәmәnnin: «Adi za ma ifragan ad iḡlәs daḡ tәmsay?»

²⁷ Iswad daḡ-san Ḡaysa inna: «Muxal a imos adi ḡur aytedan, mišan Mәššina wәр sәр-әs t-imos, fәlas arat kul ifrәk-ku.»

Alak wa z'igrәw әnalkim әn Ḡaysa

²⁸ Tәzzar inn-as Butros: «Nakkanay za? Awak wәrgеy noyya arat kul nәlkam-ak?»

²⁹ Inn-asan Ḡaysa: «Әggәyyeḡ silakanay-awan as, awedan kul wa ifalan fөл әddәlil-in d әddәlil n Elinjil ehan-net mаdеḡ imәdrayan-net mаdеḡ šimәdrayen-net mаdеḡ anna-net mаdеḡ abba-net mаdеḡ bararan-net mаdеḡ šiwәgәs-net,

³⁰ wәdi awedan ad igrәw harwa da әmәrәdda, temeday n әnәtfus әn nan mаdеḡ imәdrayan mаdеḡ šimәdrayen mаdеḡ annaten mаdеḡ bararan mаdеḡ šiwәgәs. Amaran adi ketnet ad t-igrәw iddew-as d aḡazab, igrәw deḡ tәmәddurt tәḡlәlat daḡ alaxirat.

³¹ Amaran a aggen daḡ win әhanen eḡaf әmәrәdda, ilkәм ad әggәzan әlәqqam, win әhanen әlәqqam deḡ әmәrәdda, ilkәм a әggәzan eḡaf.»

Әtәmәl wa n karad n aḡazab wa z'inәy Әlmәsix

³² Iha Ḡaysa tarrayt әnta әd nәttulab-net, azzar-asan, taggazzayan әs Yerusalām. As itaggu awen әššiwәsan nәttulab-net, taha deḡ tasa aytedan win das-әlkamnen. Ilas Ḡaysa ikus әn nәttulab-net win maraw d әššin daḡ aytedan y a dasan-imәl arat a fall-as z'agin daḡ alwaq wәр nәggug.

³³ Inn-asan: «Sәsәmat: Nakkanay da әggәzzaynen әs Yerusalām da. Den da ad za tәwәgga nak Ag Aggadәm daḡ fassan әn muzaran әn limaman, әd musanan n Әttawret. Aytedan win a di-әxkәman tәmattant, agin-i daḡ fassan n aytedan wәр nәmos Kәl-Әlyәhud,

³⁴ a daḡ-i tajaban, əssutəfan fall-i, ayyawan-an-i šiwwit, agin iman-in, mišan a d-ənkəra daḡ təmattant əzəl wa n karad.»

Əsəssəyri igân day batu ən tizart

³⁵ Ənkaran nəttulab əşšin win maddanəs ən Zabaday əmosnen Yaqub əd Yaxya, əhozan-du Ƴaysa, ənnan-as: «Əşşex, a daḡ-ak nəgməy arat as nərə a danaq-qu-taga.»

³⁶ Inn-asan: «Mas tərəm a dawan-t-aga?»

³⁷ Ənnan-as: «Nərə daḡ-ak ad aqqam iyyan daḡ-na daḡ əxil-nak, aqqam wa hadan daḡ zalgat-nak alwaq wad za təggəza tanaya-nak.»

³⁸ Inn-asan Ƴaysa: «Wər təssenam almaḡna n arat wa təgməyam əddi. Awak təfragam a dər-i tədrəwam alḡazab wa z'aga daḡ alwaq wər nəggug?»

³⁹ Ənnan-as: «Awalla, nəfrəg a dər-ək tu-nədrəw.» Inn-asan: «Tidət a imos as təfrəgam a dər-i tədrəwam alḡazab wa, tagim deḡ təmattant ta z'aga.

⁴⁰ Amaran daḡ batu ta təqqalat wa z'aqqamin daḡ əxil-in wala zalgat-in, wərgəx nak a t-ihakkin. Kalar idaggan win in win as tawasammatagan.»

⁴¹ Əslan maraw nəttulab win hadatnen y awen, əşşakkən Yaqub əd Yaxya.

⁴² Təzzar iḡr-en-du Ƴaysa inn-asan ketnasan: «Təssānam as aytedan win tawattafnen daḡ tişit ən muzaran ən təmattiwen saknin tarna y aytedan win as azzaran, amaran aytedan win daḡ-san attafnen əlxəkum saknin aytedan win as azzaran taḡmar.

⁴³ Mišan kawanay ad wər tagim adi gar-ewwan. Kalar as ira iyyan daḡ-wan ad ilu almaḡam, wədi iqqəlet zun amaşşəḡal-nawan.

⁴⁴ Amaran wa daḡ-wan iran tizart, wədi iqqəlet zun akli n awedan kul,

⁴⁵ fəlas nak Ag Aggadəm wər d-oseḡ əddənət y a di-əşḡəlan aytedan. Kalar assa a d-əge y ad əşḡəla y aytedan, akfa iman-nin fəl ad səddərfəx əs təmattant-in aytedan aggotnen daḡ bakkadan-nasan.»

Əzuzəy wa iga Ƴaysa Bartimay

⁴⁶ Iḡla Ƴaysa əd nəttulab-net har din-ewadan əḡrəm wa n Yerikaw. As iggaz Ƴaysa şin agamad n əḡrəm wen ənta əd nəttulab-net əd tamattay tagget, ill-ay əməddərxəl iyyan igân esəm Bartimay ag Timay iqqiman fəl afay ən tarrayt itansay.

⁴⁷ Da da ḡas ad isla as Ƴaysa wa n əḡrəm ən Nazaret awen, ənta ad idkal əməsli-net ad igannu: «Ya Ƴaysa, Ag ənnəbi Dawəd, hənəttət-i.»

⁴⁸ Ərḡaman-as aytedan aggotnen y ad affastu, mišan isahhakat əməsli-net wəllen, igannu: «Ya Ƴaysa, Ag Dawəd, hənəttət-i.»

⁴⁹ İzzəkəkət Ƴaysa, inna: «Aḡriwat-i-t-id». Itawaḡra əməddərxəl, itawann-as: «Dawət, təbdəda, iḡarr-ik.»

⁵⁰ İgar-in əməddərxəl asalsaw-net wa n afalla, iggad, innəmad Ƴaysa.

⁵¹ İssəstan-tu Ƴaysa inn-as: «Mas tareḡ a dak-k-aga?» Inn-as əməddərxəl: «Əşşex, a əreḡ a di-d-iqqəl asawad-in.»

⁵² Təzzar inn-as Ƴaysa: «Aḡlu, izzozay-kay əzəgzan-nak sər-i.» İqqal-t-id asawad-net daḡ tamazayt ten da, obaz tarrayt, iggaz tamattay ta təlkatam i Ƴaysa.

İgitan ən Ƴaysa daḡ əḡrəm ən Yerusalem əd ḡələyḡəlayan-net

11

İgi ən Ƴaysa i Yerusalem iguz n əmənokəl

¹ As din-ihoz Ƴaysa Yerusalem ənta əd nəttulab-net, daḡ ənəmihaz ən təḡrəmt ta n Betfajay əd ta n Betanəy, dəgma n ədḡaḡ was itawannu wa n "Eşkan ən Zaytun"; izammazal əşšin daḡ nəttulab-net.

² Inn-asan: «Akkiwat təḡrəmt ten dat-wan den. Təggəzam-tat-in ḡas tənəyam əhulel n əzdan iqqanan, as wər kala ad ittəwan. Ariwat-tu, təlwəyam-t-idu.

³ Amaran as dawan-inna awedan: "Ma tətəggim əddi?" Tannim-as: "İməli a sər-əs iddəraran." Amaran a t-id-issuḡəl tarmad.»

⁴ Əḡlan nəttulab win den osan-in əhulel iqqân fəl tarrayt dat əmi n ahan iyyan; a tu-tarin.

⁵ Təzzar ənnan-asan aytedan əllänen den: «Ma tətəggim əddi? Mas tətərim əhulel di?»

⁶ Əjḡəwəwan-asan nəttulab s awa dasan-inna Ƴaysa. Amaran tawayyan, oran əhulel, əḡlan dər-əs.

⁷ Əlwayan-t-id i Ƴaysa. Ədfaran-as fall-as isəlsa-nasan, iwan-tu.

⁸ Ad tissəwan aytedan aggotnen i Ƴaysa isəlsa-nasan daḡ tarrayt, wiyyad ḡattasan-du ilədlad wər əhen şənnanan tissəwan-as-tan.

⁹ Aytedan win das-azzarnen æd win das-ælkammen, ketnasan siḡaren, gannin:

«Ozana! Tæmmal i Mæššina!

Iga Mæššina albaraka

daḡ wa d-osan s esəm n Ɛməli.

¹⁰ Iga Mæššina albaraka

daḡ taḡmar ta du-təzayat,

taḡmar n amaraw-nana Dawəd.

Ozana! Tæmmal i Mæššina

daḡ jənnawan di ædkalnen!»

¹¹ Iggaz Ƴaysa aḡrəm ən Yerusalām, ikka Ehan wa Zəwwəran n Ɛlḡibada, izaggazda arat kul wa daḡ-as itaggin. As iga awen da idgâz-t-id ahad, igmad aḡrəm ənta æd nəttulab-net win maraw d əššin, ækkan Betanəy.

Ƴaysa ilyan ašək iyyan as itawannu fig

¹² As əzəl wa hadan, igmâd-du Ƴaysa æd nəttulab-net Betanəy, as ifray i gələk.

¹³ Ogga daḡ igəg ašək ən fig inzâran. Ikk-ay y ad issən erâw. As t-in-osa, wər t-iha ar ifərkaḡ fəlas tamert n ara-net a wər nəga.

¹⁴ Təzzar iššewal Ƴaysa s ašək wen, inna: «Təḡrədet əddənet wər iles awedan tettay n ara-nak.» Arat wa inna Ƴaysa den sallan-as nəttulab-net.

Asatəḡ ən Ƴaysa kəl jola daḡ Ahan wa Zəwwəran n Ɛlḡibada

¹⁵ As d-ewad Ƴaysa æd nəttulab-net Yerusalām, iggaz aḡalla wa iḡlayan Ehan wa Zəwwəran n Ɛlḡibada a daḡ-as isattəḡ imassatagan æd mazzanzan; isabbanbay təbərən šin fəl sansin kəl sanji izərfan-nasan, isabbanbay deḡ šisəqqima ən massatagan ən tədəbren.

¹⁶ Təzzar igdal y awedan waliyyan ad irzəg Ehan wa Zəwwəran n Ɛlḡibada ewây arat.

¹⁷ Inna y aytedan daḡ əsəssəḡri wa tan-itaggu: «Wərgəḡ iktâb as, inna Mæššina: "Ehan-in, a das-itəwəggu esəm ehan n əlḡibada i tawšeten kul". Kawanay amaran təgâm-tu "əsəḡəs ən baydagan".»

¹⁸ Ɛslan muzaran ən limaman æd musanan n Ɛttawret y awen ḡas, ad gammayan təməwit tas z'əgin iman ən Ƴaysa, mišan tah-en tasa-net fəlas tamattay ketnet a təsannahalat təggəma n əsəssəḡri-net.

¹⁹ As d-ihoz ahad, igmad Ƴaysa æd nəttulab-net aḡrəm.

Taḡart ən fig d əzəgzan æd təwatriwen

²⁰ As affaw əzəl wa hadan, iha Ƴaysa æd nəttulab-net tarrayt ən Yerusalām as d-əllaman dəgma n ašək ən fig wanâd, ənayan-tu iqqur ketnet harkid kewan-net.

²¹ Ikta-du Butros ašək wen, inna i Ƴaysa: «Ɛššex, ənak fig wa təḡxana, ketnet iqqur.»

²² Təzzar inn-asan Ƴaysa: «Zəgzənat əs Mæššina.

²³ Ɛgḡiyyeḡ əsilakanəḡ-awan as, i innan y ədḡəḡ en: "Ɛgməd edag di təfətəqqe daḡ agarəw", amaran as inna awen wər iga aššak daḡ əwəl-net, izzigzan as awa inna da ad agu; awedan wədi a das-əgu Mæššina awa daḡ-as igmay əddi.

²⁴ Daḡ adi, əmaləḡ-awan as: arat kul wa tonsayam Mæššina daḡ təwatriwen-nawan, wədi zəgzənat as təgrāwam-tu, əddi a dawan-t-akfu Mæššina.»

²⁵ «Amaran s tətattaram, kud ill-ay arat a iqqal wər noləḡ təttâfam daḡ man y awedan, təssurəfam-as təzzar, əddi Abba-nawan wa ihan ijənnawan ənta da a dawan-issurəf ark mazalan-nawan.

²⁶ [Mišan as wər təssurufam y aytedan, wədi wər dawan-z-issurəf Abba-nawan wa ihan ijənnawan ark mazalan-nawan.»]

Ma ikfan Ƴaysa turagat ta ila

²⁷ Ilas-du Ƴaysa ənta æd nəttulab-net tewəḡlay n əḡrəm ən Yerusalām. Isəḡlay Ƴaysa daḡ Ahan wa Zəwwəran n Ɛlḡibada as t-id-osan muzaran ən limaman, osan-t-id deḡ musanan n Ɛttawret æd muzaran ən Kəl-Ɛlyəhud,

²⁸ ənnan-as: «Awak ma təmos tarna tas tətaggaḡ aratan win? Ma kay-ikfan tarna n igi-nasan?»

²⁹ Inn-asan Ƴaysa: «A dawan-agaḡ əsəstan iyyanda. As di-təjjəwwabam, a dawan-əməla wa di-ikfan tarna n igi n aratan win tagga da.

³⁰ Ɛməlat-i, awak əsəlməḡ wa iga Yaxya aytedan daḡ aman Mæššina a ḡur d-ifal awen meḡ aggadəm?»

³¹ Təzzar ad tinəməšəwwiran gər-essan, gannin: «As das-nənnə: "Mæššina a d-ifal" a danaḡ-annu: "Mafel za wər təzzəgzanam s awa dawan-inna Yaxya?"

³² Wər das-za-nannu za: "Aggadəm".» Wər əhelan tənna n awen fəlas tamattay ketnet təttâf as, Yaxya ənnəbi a imos.

³³ Təzzar ənnan i Үaysa: «Wər nəssen». Inn-asan Үaysa: «Daх adi nak da wər dawanz-əməla wa di-ikfan tarna n igi n aratan win.»

12

İlmital wa n magyakan n alҗanab

¹ İşşewal-asan Үaysa daх əlmitalan, inn-asan: «Aləs iyyan a inbalan eşkan n əzzəbib, issəҗlay-tan afarag. Iҗaz daх-as tagdayt ta daх za itawazmu əzzəbib, ikras deх ogga ihokken as z'iggar awedan wa itagazan afarag. Təzzar issəҗfar afarag-net en i magyakan wiyyad, işşokal.

² As du-tewad tamert ta n əmiləy n əzzəbib, izammazal iyyan daх eklan-net əs meddan win җur-əs əҗfarnen afarag-net y a җur-san d-awəy adagar-net.

³ As tan-in-osa əkli en, əbazan-tu, əgan-as šiwwit, əssoҗalan-tu məşşis isikarayray ifassan.

⁴ Izammazal sər-san iyyan akli. As tan-in-osa, sabbasan eҗaf-net, əgan-as tar şəxşad.

⁵ İlas məşşis n afarag izammazal sər-san akli-net iyyan. As tan-in-osa, əbazan-tu, ənҗan-tu kərəz. Dəffər adi izammazal sər-san daх tanamazray wiyyad eklan-net aggotnen. Wiyyad za əggatan-tan har tan-əksanan, wiyyad ənҗan-tan kərəz.

⁶ Ab'as d-iqqim i məşşis n afarag ar barar-net wa ikna tara. Izammazal-tu sər-san daх tilkamat, fəlas a inna daх man-net: "İmmikkan as ad əssəҗməran barar-in."

⁷ Mişan as ənayan magyakan win əҗfarnen afarag barar wen, namannan gar-essan: "Ənta əddi amakkasu n afarag. Əndawat a tu-nanҗu kərəz, ad nəkkusət afarag."

⁸ Təzzar əbazan-tu, ənҗan-tu kərəz. Əgaran-in tafəkka-net sədi y afarag.»

⁹ «Daх adi ma z'agu məşşis n afarag wen? Wərgəх assa a du-z-agu ənta iman-net, agu iman ən magyakan win, issəҗfər afarag-net i wiyyad aytedan?

¹⁰ Awak teҗaray a wər təgəm daх Əlkəttaban as: "Təhunt ta din-əgaran makrasan, ənta a təqqalat təhunt ta təkbalat ehan,

¹¹ arat wen Əməli a d-ifal, amaran isimaklal sər-na!"»

¹² Ad gammayan muzaran win den əmmək was za sətərməsan Үaysa fəlas egrān as əntanay a issoka s əlmital wen; mişan ya wər əhelan awen fəlas tamattay a əksudan. Adi fəl t-oyyan, əglan.

Tənağmayt daх batu n amana

¹³ Dəffər awen əssokan-t-id arat daх Farisaytan d aytedan wiyyad əwarnen aganna n əmənokal Herod fəl a das-agin tənağmayt, s a tu-sassannin arat fəl t-əbazan.

¹⁴ Osan-t-id ənnan-as: «Əşşəx, nəssān as əməggi ən tidət a təmosa, amaran wər t-illa i təksuda daх awa təganna, fəlas wər təzləya daх almaqam n aytedan. Təsasayra əs tidət awas dana-iwar igi-net daх tarrayt ta n Məşşina. A kay-nəssəstən, awak xalal arazam n amana y əmənokal wa zəwwəran Qaysara meх wər xalal? A tu-nərzəm, meх wər tu-za-nərzəm?»

¹⁵ Inn-asan Үaysa igrān təlmənufəqa-nasan: «Mafel tətajarrabam-i? Akfiwat-i-du tefelt n əzrəf a tat-ənəya.»

¹⁶ Əkfan-as-tat-in, təzzar inn-asan: «Ma ilan udəm d esəm win tat-əwarnen?» Ənnan-as: «İn Qaysara.»

¹⁷ Inn-asan: «Adi za agiwat i Qaysara awa kawan-issəwar, tagim deх i Məşşina awa kawan-issəwar.» İsammaklal sər-san aljawab wa tan-ikfa Үaysa da.

İsalan əgānen daх batu n tanakra daх təmattant

¹⁸ Dəffər awen osan-du Sadusaytan Үaysa, əmosnen aytedan əttāfnen as wər tu-təlla tanakra dəffər təmattant. Əssəstanan-tu, ənnan-as:

¹⁹ «Əşşəx, ənnəbi Musa iktāb as: "As aba aləs oyya-du tantut dər wər ila barar, ilzām amadrəy-net a tat-izləf fəl ad agu əzzurrəyya y əmidi-net wa aba den."

²⁰ Ənta kala a t-əllan əssa mədrayan. İzlaf wa dasan-waşşaran ketnasan, aba-tu wər d-oyya a imosan barar.

²¹ İzlaf wa n əşşin təntut ta җur aba əmidi-net den. Ənta da aba-tu wər d-oyya ara. İga wa n karad awen da.

²² Əssa mədrayan win, ketnasan əgan awen da, wər tan-iha i d-oyyan ara. Dəffər as tan-aba ketnasan, aba tantut ten ənta da.

²³ Awak əzəl wa n tabadday, ma imos daх əssa mədrayan win den was za təqqəl təntut ten taҗurəs, dad zamas ketnasan əzləfan-tat?»

²⁴ Inn-asan Үaysa: «Kawanay alxata a təttafam, fəlas wərmad təssanam awa ənnan Əlkəttaban, wala deх təssanam awa dər togda tarna ən Məşşina,

²⁵ fəlas əzəl wa n tabadday, wər t-illa azalaf i meddan wala šidoden. Kalar tēməddurt a z'agin šilat ən ta əgan angalosan daɣ jənnawan.

²⁶ Amaran daɣ batu ta təqqalat inəmməttan əd tanakra-nasan: awak təɣaray a wər təgem daɣ Əttawret awa inna Məššina y ənnəbi Musa ɣur ənəfilal wa das-iga ɣur təfsəq. Wərgəɣ a das-inna Məššina: "Nak a imosan Əməli n Ibrahim, d Isəhaq, əd Yaqub?"

²⁷ Məššina wər imos Əməli ən tēməssa, kalar Əməli ən win əddarnen a imos. Daɣ adi alxata zəwwəran a təham.»

Tamazaq təgât daɣ batu n alwajib wa ogaran

²⁸ Ihoz-du iyyan daɣ musanan n Əttawret issisaman y əməšiwəl wa iga ɣaysa da əd Sadusaytan, d aljawab oggām wa dasan-iga ɣaysa, inna i ɣaysa: «Ma imos alwajib wa ogaran daɣ alwajiban kul win danax-ikfa Məššina?»

²⁹ Inn-as ɣaysa: «Ənta da alwajib wa ogaran: "Səsəmat Kəl-İsrayil! Əməli-nana Məššina, ənta ɣas Əməli.

³⁰ Iru Əməli-nak Məššina s əwəl iyyanda əd man ərdānen. Tireq-qu s awa tələɣ kul daɣ tayttay əd təɣurad."»

³¹ «Amaran alwajib wa ilkaman i wədi as: "Agu y əšəqqaq-nak tara ta təgəɣ iman-nak."»

³² Təzzar inna əmusan n Əttawret wen i ɣaysa: «Tidət-nak Əššex! Məššina iyyanda, amaran wər t-illa iyyan ar ənta.

³³ Amaran as t-ira awedan s əwəl iyyanda, ir-ay deɣ s awa ıla kul daɣ tayttay əd təɣurad, ira deɣ əšəqqaq-net s əmmək was ira iman-net, wər tu-təlla takutay tətirəkəmmet wala takutay iyyat wər oger adi.»

³⁴ Da daɣ ad isla ɣaysa i batu təgât s əgərri ta iga aləs a ənta a das-inna: «Kay, wər kay-iggug iguz ən Taɣmar ta n Məššina.» Ab'as t-illa i ihalan əsəstan ən ɣaysa.

İsalan əqqalnen Əlməsix d ənnəbi Dawəd

³⁵ Isasaɣru ɣaysa daɣ Ahan wa Zəwwəran n Əlyibada as iga əsəstan wa, inna: «Awak wərgəɣ a gannin musanan n Əttawret, Əlməsix Ag əmənokəl ənnəbi Dawəd a imos?

³⁶ Dawəd za iman-net as t-isassanna Infas wa Zəddigan daɣ batu n Əlməsix: "Əməli Məššina inna y Əməli-nin: Qamu daɣ əɣil-in, har əɣrədaɣ əsərəs ən zəngə-nak, agaqqan daw daran-nak."»

³⁷ Dawəd iman-net as iɣra Əlməsix s esəm wa n Əməli, daɣ adi manəmmək as z'iqqəl barar-net?» Batu ta iga ɣaysa da, toggam-tat tamattay tagget ta das-təssəsamət.

Taryəmt ən ɣaysa fəl ləkkum i musanan n Əttawret

³⁸ Inna ɣaysa i tamattay daɣ əsəssəɣri wa tat-itaggu den: «Agəzat iman-nawan daɣ musanan n Əttawret. Ərân ad saɣlayan əzlāgan šikadkaden zagrotnen, d ətəwəsəslam igân əs saɣmar daɣ sammanayan n aytedan.

³⁹ Ərân deɣ təɣimit daɣ daggan win əlanen almaqam daɣ nan win əlyibada ən Kəl-Əlyəhud d iguz ən daggan n aytedan win tawasaɣmarnen daɣ məgura.

⁴⁰ Taɣan awa əlanat tədoden šin as wər ədderan meddan-nasnat, taggin deɣ imaddan zagrotnen wər nəmos ar sokni. İlkām a dasan-itəwəxkəm attadib labasan.»

Takutay ta tolayat

⁴¹ Iqqīm ɣaysa daɣ Ahan wa Zəwwəran n Əlyibada, illa dat-əs əssənduq wa daɣ itiddaw ərrəzəɣ n Ahan wa Zəwwəran n Əlyibada, iswād daɣ tamattay tətəggu daɣ-as azrəf. Sartakan daɣ-as məggərgas aggotnen azrəf aggen.

⁴² Tosa-du təntut ən tələqqay as wər idder aləs-net, təssərtak daɣ-as sanatat təfelen as wər təwed əlqimat-nasnat ərrəyal.

⁴³ Təzzar iɣra-du ɣaysa inəttulab-net əs man-net inn-asan: «Əggyeyəɣ silakanax-awan as, təntut ən tələqqay ta, əs wər idder aləs-net, togar aytedan a ketnasan tehakkay,

⁴⁴ fəlas ketnasan azrəf was wər əddəran a daɣ əkfan, mišan ənta harkid əlləqqu-net təkəlal-du ərrəyalan s əntanay ɣas a fəl təssan, təkf-en.»

13

İsəssəɣri igâ ɣaysa inəttulab-net

İsəssəɣri igâ ɣaysa daɣ batu n əbərəjji n Ahan wa Zəwwəran n Əlyibada

¹ İgammad ɣaysa Ehan wa Zəwwəran n Əlyibada as das-inna iyyan daɣ nəttulab-net: «Əššex, ənak šihussay ən təhun šin as ikras ahan a! Šihussay n ahan!»

² Inn-as ɣaysa: «Təhannayay ehan a zəwwəran ə? Wər daɣ-as du-za-taqqam təhənt təwərat təmidit-net. Ketnet ad itəwəjbəbbərəjjet.»

³ Dëffër awen, iqqîm Ƴaysa fêl êdyaḡ wa n Eškan ên Zaytun, daḡ tənəmiwêla n Ahan wa Zəwwəran n Êlḡibada, as t-issəstan Butros êd Yaqub êd Yaxya d Andrawəs, wər êqqîman nêttulab win hadatnen, ênnan-as:

⁴ «Êmêl-anax êmmay ad z'agu arat wa tənneḡ ihogan? Ma za tēqqêl aḡalamat ta za tassaknit as ibuk y igi?»

Ɔsəssəḡri igâ Ƴaysa daḡ batu n êzêl wa ilkaman

⁵ Inn-asan Ƴaysa: «Ênkêdat, a kawan-wər-issəxrək awedan waliyyan,

⁶ fêlas aytedan aggotnen a du-z-asinen êttafan esəm-in, akkiyyan daḡ-san igannu imos Êlməsix, əssəxrəkkan s awen aytedan aggotnen.

⁷ Amaran as təslam i tərmuq ên mēgiran, êd salan ên mēgiran, a kawan-wər-issərməḡ awen. Aratan di kundaba osan-du, mišan wərgəḡ êntanay a əmosnen tēzərêst n êddênet.

⁸ Ad êknəsnaat addawlaten gar-essanaat, êknəsnaat taḡmaren gar-essanaat, əmêlan-tu nēḡəynēḡəyan n amadâl daḡ daggan aggotnen êd laz labâsan. Mišan aratan win kul, wər əmosan ar ênêtti ên təlawayt tēhât êlmital ên ta du-têtizarat əs tēntut tētaggazat amzur.»

⁹ «Kawanay amaran ênkêdat êd man-nawan. Ad tattarmasam, tētəwəsêbdêdam dat saggawaran n əššəriḡa, tēwəḡginat-awan tēwit daḡ nan n êlḡibada ên Kêl-Êlyəhud. Ad tētəwəsêbdêdam dat naxkiman êd mənokalan fêlas kawan-iwar esəm-in, akf-iwan adi tarrayt n a fall-i taggayem,

¹⁰ fêlas tawšeten kul n êddênet kundaba əslenat i salan n Êlinjil.

¹¹ As tētərmasam, tētəwasabdadam daḡ adag n əššəriḡa, a kawan-wər-iššəwəš awa za tannim. Agat ḡas batu ta kawan za tētawakfit daḡ assaxat tēdi da, fêlas wərgəḡ kawanay iman-nawan a tat-igan; kalar Infas wa Zêddigan a tat-z-agin daḡ mawan-nawan.

¹² Ad sêttərməsan aytedan imêdrayan-nasan səssugin iman-nasan, sêttərməsan abbatan bararan-nasan səssugin iman-nasan, affallagan bararan fêl marwan-nasan səssugin iman-nasan.

¹³ Awedan kul a kawan-igzər fêlas kawan-iwar esəm-in, mišan wa daḡ-wan izmaran har tēzərêst, wêdi ad iḡləs.»

¹⁴ «As tənayam "taxxaramt ta sêksêdat" tēha edag was wər imməkkan a tu-tēha – Agret awedan wa iḡarrin isalan win! – aytedan win d-ogaz adi daḡ akal ên Yahudəyya, win di addaggaganet s ədḡaxan;

¹⁵ wa iqqîman daḡ adag wa n afalla n ahan-net, a du-wər-azzabbat y a din-idkêl arat ihân ehan-net.

¹⁶ Wa ihan tawagost-net a du-wər-iqqêl aḡaywan y a din-idkêl asalsaw-net.

¹⁷ Iket aḡazab ad t-aginat têdoden šin əganen šidusen êd šin sankasnen daḡ adan win di!»

¹⁸ «Êḡməyat daḡ Məššina a du-wər-imazayyat adi êd tamert n asamed irtāyan d akonak,

¹⁹ fêlas aḡazab sêksêdan a du-z-asin daḡ adan win di as a d-ixlak Məššina êddênet wər kala tētawanay tulat-net, za wər ilkem du-tosa tulat-net.

²⁰ Kundaba as adan win di ikf-en Êmêli tēzərêst, wêdi wər t-illa i daḡ-san du-z-irəgan. Kalar ad tēwəzzəḡzêlan fêl êddêlil n aytedan win tawasanafrannen.»

²¹ «Êddi amaran, as dawan-inna awedan: "Ênəyat! Êlməsix illa da", madəḡ: "Illa den", a das-wər-tēzzəḡzənan!

²² Fêlas ad t-əmêlan êlməsixan ên bahu, əmêlan-tu dēḡ ənnəbitan ên bahu. Ad taggin aḡalamaten êd tēlməḡjujaten, har as ənnar əfragan awen, əssəxrəkkan aytedan harkid win isannafran Məššina.

²³ Daḡ adi ênkêdat êd man-nawan! Aratan di ketnasan əḡəḡ-awan-tan daw aḡaf.»

Ɔsəssəḡri igâ Ƴaysa daḡ batu ên tawaxlay-net êddênet

²⁴ «Dëffër təssust ta za tagit daḡ adan win di, ad alsinat šiyay təfuk, igmêd ənnur tallit,

²⁵ ərtekan-du etran, nēḡəynēḡəynat tēxəllak šin êlanan tarna daḡ jənnawan,

²⁶ alwaq wêdi da ad za tēwənəya nak Ag Aggadəm as du-z-asa əhəḡ šignawen, daḡ tarna-nin tagget, êd tanaya-nin,

²⁷ tēzzar zəmmizəlay angalosan əs tēḡəmmar an əkkozat n êddênet, y a d-əššidəwan aytedan kul win sannafraḡaḡ.»

²⁸ Inn-asan: «Abzətat alfaydat s êlmital wa n ašək ên fig. Igda ad hussəyan lədlad-net, iggaz-du šin tanazra, ad təssənam as tamert ta n akasa tēhöz.

²⁹ Zund æmmæk en day âs as tēnāyam aratan win dawan-æmalaḡ æddi, tēssēnam as aḡrud n æddēnet ihoz, wēr illa gar-ewwan dēr-æs arat.

³⁰ Ǝggēyyeḡ æsilakanaḡ-awan as tamattay ta da n azzaman win nēha da, ad tēny ēnētti n aratan kul win dawan-æmala da.

³¹ Ijēnnawan d amaḡal ilkam ad ib'as t-ēllan, mišan batuten-in ēllanat-tu har faw.»

Ǝsēsēḡri day issinkad ḡaysa inēttulab-net

³² «Ǝzēl amaran wala alwaḡ wa day z'agu awa dawan-æmala da, wēr t-illa i day-san issānan, ḡer za angalosan a ēhanen ijēnnawan, wala Barar iman-net. Wēr t-illa i day-san issānan ar Abba.

³³ Ǝnkēdat, tēsēmmutēgam, fēlas wēr tēsēnam assaḡat ta day z'agu adi.

³⁴ Iha adi ēlmital n alēs iḡakalan. As iggaz šin teklay iga šinaden n aḡaywan-net day fassan n eklan-net. Akkiyyan imal-as ēššēḡel was t-iwar iḡi-net. Inna i wa ogazan imi n ahan ad inkēd.

³⁵ Day adi ēnkēdat, fēlas wēr tēsēnam alwaḡ wa day du-z-asu mēššis n aḡaywan, kud almēz, wala adawannay n ahad, wala datazal, wala aḡora.

³⁶ A kawan-du-wēr-asu day alwaḡ day as wēr tēwedam, aḡēz-kawan-du tēnsām.

³⁷ Awa dawan-ganna da, ketnawan as dawan-tu-ganna, a t-imosan as: Ǝnkēdat.»

Isalan ēn tēmattant ēn ḡaysa

14

Ǝtēwēnḡal n alwardi fēl ḡaysa

¹ Ǝššin adan a din-aba day ēmud wa n Akkay d ēmud wa day tamatšinat tēḡelwen šin wēr iha xamira. Imuzaran ēn limaman ēd musanan n Ǝttawret harwa da gammayan tēmərkest tas z'abēzan ḡaysa aḡin iman-net,

² fēlas a gannin: «Ad wēr nagu adi day adan n ēmud, fēl a du-wēr-awēy ēnēḡerway ēs tamattay.»

³ Awen as itaggu ḡaysa ēnta iha taḡrēmt ta n Betanēy, imigarat i Simḡon was kala a t-igraw kētru. Itamansaw den da as du-t-osa tēntut tēwāyat butalay iḡān day tēhunt mallat, iha alwardi iknan šizada d ēzzēwi as itawannu nar. Tosa-du ḡas tērza imi ēn butalay wa teway da, ad tēnaqqal alwardi wen fēl aḡaf ēn ḡaysa.

⁴ Arat wen iga alham day arat day aytedan win ēllanen den, ad tinēmōnnin ḡer-essan: «Ma infa ēhluk n alwardi a?

⁵ Wēḡeḡ ifrāḡ a din-anzu ēlḡimat ēn karadat tēmad n ēzēl n ēššēḡel, itēwēkfu awen i tēlōqqawen?» Ad suḡulan tēntut ten tēḡna.

⁶ Mišan inn-asan ḡaysa: «Akfat-tat ēmēslag! Mafēl das-tēḡaššadam iman? Ǝmazal olāḡan a di-tēga da,

⁷ fēlas šilōqqawen faw da ēllānat ḡur-wan, id tēram adi tēfrāgam a dasnat-tilalam; nak amaran, wēḡe faw ēlēḡ ḡur-wan.

⁸ Tēntut ta awa tēfrag, tēḡ-ay. Tēnḡal fall-i alwardi y ad tēsēmmutēḡ taḡēssa-nin y ēzēkka harwa dat alwaḡ.

⁹ Ǝggēyyeḡ silakanaḡ-awan as, edag a day ittēmal Ǝlinḡil day ēddēnet ketnet, a day-as attamal awa tēga tēntut ta, tētēwēkta-du.»

Ǝsēttērmēs ēn Yahuza ḡaysa

¹⁰ Den da ad inkar Yahuza Isxarēyuti wa n iyyan day nēttulab ēn ḡaysa win maraw d ēššin, ikka imuzaran ēn limaman fēl a dasan-imēl tēmēwit tas z'agu ḡaysa day fassan-nasan.

¹¹ Isaddawat-tan awen, tēzzar ēgan-as arkawal n ad t-akfin azrēf. Ad igammay Yahuza tēmēwit tas z'agu ḡaysa day fassan.

Ǝsēmmutēḡ n ēmud wa n Akkay

¹² Ǝzēl wa azzaran n ēmud wa day tamatšinat tēḡelwen šin wēr iha xamira, ēzēl s ēnta a day tawagzaman ḡeḡal win amud wa n Akkay, ēnnan nēttulab i ḡaysa: «Mēnid tēreḡ a dak-nēsēmmutēḡ imensewan n amud wa n Akkay?»

¹³ Tēzzar issoka ḡaysa ēššin day nēttulab-net Yerusalām, inn-asan: «Ǝḡḡēzāt aḡrēm, ad tammanāyam d alēs ēwāyan ētēkin idkāran aman. Ǝlkēmat-as.

¹⁴ Ehan wa iggaz, annat i mēššis, "Inn-ak Ǝššēx: 'Mēni edag day ahan-nak wa day za nammansaw nak ēd nēttulab-in day amud wa n Akkay?'"

¹⁵ A kawan-assaknu day suru-net ehan wa n afalla elwān, ēhān-tu mutag kul, iknā. Ǝddi da a dana-za-tēsēmmutēgam imensewan win Akkay.»

¹⁶ Ǝḡlan nēttulab, ēkkan aḡrēm. As din-ewadan ēnayan awa da dasan-imal ḡaysa. Tēzzar sammatagan imensewan win Akkay.

Etəmäl ən təkaddilt

¹⁷ As tuda táfuk osa-du Ýaysa, iddew öd nöttulab-net win maraw d əššin.

¹⁸ Isixamar Ýaysa ənta öd nöttulab-net den da tamansawan as dasan-inna: «Əggöyyeş əsilakanax-awan as, iyyan daş-wan a dər-i idrâwan da da a di-z-aggin daş fassan.»

¹⁹ Işşad awen iman-nasan, akkiyyan daş-san inna i Ýaysa: «Əngəm werge nak?»

²⁰ Inn-asan: «Iyyan daş-wan, kawanay inöttulab-in win maraw d əššin, a dər-i idrâwan əmərədda daş əşözü iyyanda a z'agin adi.»

²¹ Illikan as nak Ag Aggadəm a di-iba s əmmək iman-net wa əmalan İlkəttaban daş batu-nin, mişan ya, iket alyazab a t-inəy awedan wa di-igan daş fassan. Awedan wədi, a das-afu fadda a du-wər-iggez əddənət.

İsəbdəd ən saktan ən tassaş ta taynay

²² Tattin da da as idkal Ýaysa tagəlla, iga igodan i Məşşina, irza tagəlla ten, izun-tat i nöttulab-net, inn-asan: «Atşiwat da, təşəssa-nin adi.»

²³ Dəffər awen idkal təkabart, iga igodan i Məşşina, amaran ikf-asan-tat, namaglazan awa tat-ihan ketnasan.

²⁴ Amaran inn-asan: «Adi azni-nin isitaddan arkawal ən tassaş gər Məşşina öd tamattay-net. Azni wa, ad inşəl fəl tənfa n aytedan aggotnen.

²⁵ Əggöyyeş silakanax-awan as, wər z'ələsəş tessay n esmad n alşanab, iket wər d-ewed əzəl wa daş z'aşwa wa aynayan daş Taşmar ta n Məşşina.»

²⁶ Dəffər awen issəggad Ýaysa öd nöttulab-net daş təmmalen a d-əşmadnen Azzabur. As tanat-əşradan, əkkən adşax wa n Eşkan ən Zaytun.

Emel ən Ýaysa şigget ta tu-z-əgu Butros

²⁷ Inna Ýaysa i nöttulab-net: «Ketnawan ad iwəliwəl əzəşzan-nawan id ənnan İlkəttaban: "Ad əwətaş amadan, iba-tu, təzzar wəziwəznat ayfad-net."

²⁸ Mişan dəffər ətəwəşənkar-in daş təmattant, a dawan-in-izarəş s akal wa n Galilaya, əqqələş-awan daş-as.»

²⁹ Təzzar inn-as Butros: «Kud iwəlawəl əzəşzan-nasan ketnasan, da wa-nin wər z'iwəliwil.»

³⁰ Inn-as Ýaysa: «Əggöyyeş silakanax-ak as, ahada da, as z'əgu əkəji y aşora sanatat təşər, taggadəş-i har karadat təklaten.»

³¹ Mişan izəzzawat Butros daş batu-net, inna: «Kud iqqal as ətəwəşəş kərəz a za nagu nak dər-ək, da wər kay-z-əggədə. Ənnan nöttulab ketnasan awen da.»

Gatsemanay

³² Dəffər awen iddew dər-san Ýaysa s afarag n eşkan ən zaytun igân esəm Gatsemanay. As din-ewadan, inn-asan: «Qamiwat da da iket di ad tagga şiwatriwen.»

³³ İzzənəkəş fall-asan, iddew öd Butros öd Yaqub öd Yaxya. Tamazayt tenda a daş əssəntan man-net aşşud, işşəwaş.

³⁴ Inn-asan: «Awa əşan man-in daş əşşud, əbuka a di-aba. Ad wər təfələm da, amaran a kawan-wər-ibəz etəs.»

³⁵ İzzənəkəş fall-asan a əndərran, issəjad ad itattar, igmay daş Məşşina kud immikkən a t-issəgəş awa t-id-izayan daş alwaş wen.

³⁶ Inna daş təwatray-net: «Ya Abba-nin, arat kul təfrəgaş igi-net. Səşgəş-i ta daş takabart n alşazab, dər iga awen da ya, taget tara ta-nak, wəşşəş ta-nin.»

³⁷ Dəffər awen iqqal-du Ýaysa inöttulab-net win karad en, əşaz-tan-du ənsân. İssənkar-tan, inna i Butros: «Şimşon, kay adis etəs a təşşəş? İndar-ak ad taga wala şas alwaş iyyanda tokâya?»

³⁸ Akəyat, tansəyam Məşşina a kawan-əşşazan daş jarrabatan n İblis. Tidət as ənnəyat n əşşadəm təşidaran igi n awa əlaşan, mişan igdal-as rəkkəm ən təşəssa-net igi n awen.»

³⁹ İlas əşənəkəş fall-asan, iga təwatray ta daş iga ihogan.

⁴⁰ Dəffər adi ilas-in təwaşlay ən nöttulab-net win karad, əş-en-in ənsân, fələş awa dasan-iga etəs daş iguz əş-əş əşşəşan əşşəşən əş şittawen-nasan. Wər əşşənən a das-əşşənən.

⁴¹ As dasan-d-iga təwaşlay ta n karadat, inn-asan: «Harwa da tənşəm, tənşəm? Batu za təşrad. Əşşənət əş alwaş əşşad-du wa daş za təwəşşəş nak Ag Aggadəm daş fassan ən nasbakkadan.

⁴² Ənkərat-in əşşadawat! Əşşəşət! Wa di-z-əşşənən daş fassan əşşad-du.»

Təkaddilt ta iga Yahuzəş Ýaysəş d ətəşməş ən Ýaysəş

⁴³ Harwada iššewal Ƴaysa as d-osa Yahuza wa n iyyan daɣ nöttulab-net win maraw d öššin, iddew öd tamattay a d-össiglan muzaran en limaman öd musanan n Ettawret öd muzaran en Køl-Ëlyöhud. Tamattay ten tewây šikabiwen öd tǔburögen.

⁴⁴ Æmækkeddøl wa igan Yahuza imâl i tamattay ten ömmæk was z'özdäyan Ƴaysa, es tenna ta dasan-iga: «Alös was di-tönayam as tu-zalammeɣ, önta Ƴaysa. Abözat-tu, taglim dör-ös, tagim dör-ös önnöyat.»

⁴⁵ Osa-du Yahuza ɣas, ihöz-in Ƴaysa, inn-as: «Ëššex?» Tözzar izalammat-tu.

⁴⁶ Töggad-in tamattay es Ƴaysa, tǔbaz-tu.

⁴⁷ Iha-du iyyan daɣ nöttulab en Ƴaysa, ilbay takoba-net iwat sör-ös akli n Ælimam wa Zöwwöran, ifras-du tömözzuk-net.

⁴⁸ Tözzar inna Ƴaysa i tamattay ten: «Awak nak öjajöb iyyan n abaydag a ömosa as di-du-tötakkim tewayam šikabiwen öd tǔburögen y a di-töbözam?»

⁴⁹ Wörgeɣ özöl kul ölleɣ gar-ewwan, sasaxra daɣ Ahan wa Zöwwöran n Ælɣibada, mafel wör di-töbözam? Æssönat za as, awa igan da, igâ föl ad andu awa sör-i önnan Ælköttaban.»

⁵⁰ Den da a t-öfalan nöttulab-net ketnasan, öddöggagan fall-as.

⁵¹ Ilkam ömawad iyyan i tamattay en, ilsa aför ihossayan daw wör iqqen arat. Eggadan-in sör-ös meddan y ad t-öbözan,

⁵² oyy-asan-du aför wa ilsa, özal wör ilsa arat.

Töbadday en Ƴaysa dat Asaggawar wa Zöwwöran

⁵³ Innemway Ƴaysa s Ælimam wa Zöwwöran a ɣur öddewan muzaran en limaman, öd muzaran en Køl-Ëlyöhud, öd musanan n Ettawret.

⁵⁴ Iga Butros i Ƴaysa lökkum zagren har iggaz ammas n aɣalla n aɣaywan n Ælimam wa Zöwwöran. Iqqim ad isukus ɣur maššaxalan n Ælimam wa Zöwwöran eqqimmen es tömsay törɣät den.

⁵⁵ As itaggu awen, imuzaran en limaman d Asaggawar wa Zöwwöran ketnet gammayan i z'aggayen föl Ƴaysa föl ad ögröwan tarrayt n igi en man-net, mišan wör t-ögrewan,

⁵⁶ fölas aytedan aggotnen a d-önkarnen ögan föl Ƴaysa šiggöyyawen ömosnen bahu, mišan wör tanat-töha ši tönimannakat öd tahadat.

⁵⁷ Ænkarand-du wiyyad daɣ-san össöwaran-tu bahu, önnan:

⁵⁸ «Nösl-äs as inna: "Ehan wa Zöwwöran n Ælɣibada, s aytedan a t-ökrasnen, a t-jöbböröjjeɣ, össöbdöda daɣ karad anden iyyan wör ökresan aytedan."»

⁵⁹ Mišan batu ta dâ, ömmizrayan daɣ-as.

⁶⁰ Tözzar inkar Ælimam wa Zöwwöran, ibdad daɣ ammas n öljömayat, issöstan Ƴaysa, inn-as: «Awak arat a wör tögöna daɣ tǔxöttas šin dak-tawagginen da?»

⁶¹ Mišan igla Ƴaysa iffista, wör das-inna wala. Ilas Ælimam wa Zöwwöran, inn-as: «Awak kay a imosan Ælmösix, Barar en was nöttaggu tömmalen?»

⁶² Inn-as Ƴaysa: «Awalla ömosaq-qu; amaran a di-tönöyam nak Ag Aggadöm eqqima daw öxil n Æmöli en Tarna, tönöyam-i deɣ özaya-du, öheɣ igarakan egmâda-du ijönnawan.»

⁶³ As isla Ælimam wa Zöwwöran y awen, izazzarrat tækadkat-net föl awa ögan man-net daɣ öɣšud, inna: «Awak ma näkka i tögöyyawen šiyyad?»

⁶⁴ Töslâm y ömadraw wa iga da i Möššina! Ma tönnam?» Ænnan ketnasan öššöriɣanet tömattant.

⁶⁵ A fall-as sutufan wiyyad daɣ-san, öɣmasan-as, ad t-öggätan, gannin-as: «Kay ya önnöbi, ömöl wa kay-iwatan.» Döfför awen itawakfa i magazan n Ahan wa Zöwwöran n Ælɣibada a das-tagin šiqqas.

Ikus en Butros tazdäyt i Ƴaysa

⁶⁶ Harwa da iqqim Butros daɣ ammas n aɣalla en da, as du-tosa iyyat daɣ tamaššaxalen n Ælimam wa Zöwwöran,

⁶⁷ tönay-tu isukus es tömsay, tözaggazd-ay, tönn-as: «Kay da, iyyan daɣ aytedan win öddewnen öd Ƴaysa wa n aɣräm en Nazaret!»

⁶⁸ Mišan iggad Butros as t-izdây, inna: «Wörmad össânaɣ awa daɣ-i töššewala, za wör t-ögreɣ.» Tözzar igmad aɣalla, ikka imi-net. Iɣra ököji aɣora da tamazayt ten da.

⁶⁹ Tönay-tu tömaššaxalt tölas tenna y aytedan öbdädnen den: «Alös wa, iyyan daɣ-san a imos.»

⁷⁰ Ilas Butros iggad Ƴaysa.

Arat n amazay döfför awen, önnan aytedan öbdädnen den, öntanay dâ, i Butros: «Illikan as kay da iyyan daɣ-san a tömosa, fölas kay da in akal en Galilaya.»

⁷¹ Ad ihhad Butros, igannu: «Məşşina ya təlḡanaḡ-i kud bahu a əge. Əhâdaḡ-awan as wər əzdayaḡ aləs was təgannim əddi.»

⁷² Da da ḡas ad inna Butros awen, ənta ad iga əkəji y aḡora təḡaray ta n sanatat, iкта-du Butros batu ta das-iga ḡaysa, as das-inna: «As z'agu əkəji y aḡora sanatat təḡər, təḡeḡ-i karad ikusan i təzdəyt.» Təzzar əḡşadan man ən Butros wəllen iggaz şin tala.

15

Təbadday ən ḡaysa dat ənaxkim Bilatəs

¹ As affaw aḡôra əmmənayan muzaran ən limaman əd muzaran ən Kəl-Əlyəhud əd musanan n İttawret, almaḡna Asaggawar wa Zəwwəran ketnet, sassakradan ḡaysa, ewayan-tu, əgan-tu daḡ fassan n ənaxkim Bilatəs.

² İssəstan-tu Bilatəs, inn-as: «Awak kay daḡ a imosan əmənokal ən Kəl-Əlyəhud?» Inn-as ḡaysa: «Kay iman-nak as tənneḡ adi.»

³ Ad sawaran muzaran ən limaman ḡaysa ark iḡitan aggotnen.

⁴ İlas-tu Bilatəs əsəstan, inn-as: «Təsalla y aratan kul win kay-əsawaran da. Kay ma tənneḡ?»

⁵ İqqim ḡaysa wər das-iles tənna n arat. İsammaklal awen əs Bilatəs.

⁶ İd d-iḡlay əmud wa n Akkay a d-ikkəs ənaxkim Bilatəs amaskasaw was tara tamattay agamad.

⁷ As itaggu awen ill-ay aləs igan esəm Barḡabbas, ihân kasaw ənta əd nəffəllag wiyyad əs kala jannajarwayan tamattay har əgan iman n awedan daḡ awen.

⁸ Tənkər tamattay ad təgammay daḡ Bilatəs a das-əgu tənəfust ta ḡur-əs təlmad.

⁹ Inn-asan Bilatəs: «Awak tara a təgam a dawan-əkkəsəy əmənokal ən Kəl-Əlyəhud daḡ fassan?»

¹⁰ Ənta Bilatəs issân as aşşaddat ən manzaḡ ən muzaran ən limaman ḡaysa a fəl t-əgan daḡ fassan.

¹¹ Mişan əgan-du muzaran ən limaman daḡ tamattay ad tədgəz Bilatəs y a das-d-ikkəs Barḡabbas, wərgəḡ ḡaysa.

¹² İlas Bilatəs awal, inn-asan: «Daḡ adi mas təram ad t-aga y aləs was təgannim da əmənokal ən Kəl-Əlyəhud?»

¹³ Əlasan adakal ən maslan-nasan ad gannin: «Taytay-tu fəl təgəttawt, a t-iba!»

¹⁴ Inn-asan Bilatəs: «Mafel za? Ma iḡşad?» Mişan sahhaken wəllen imaslan-nasan, ad gannin: «Taytay-tu fəl təgəttawt!»

¹⁵ İsof Bilatəs ləkkum y awa təra tamattay. İkkas-asan-du Barḡabbas daḡ kasaw, ḡaysa amaran isassag-as tenaḡay labasat s ələkkud dəffər adi amaran ixkam-as ətəwətəytay fəl təgəttawt.

Tamakkakkayt ən sojitan daḡ ḡaysa

¹⁶ Ewayan sojitan ḡaysa s ammas n aḡarḡar n aḡalla n ahan wa n əşşəriḡa. Əḡran-du sojitan kul win hadatnen.

¹⁷ Əssəlsan-tu əbərnuz zagḡaḡan wa lasan mənokalan, əssəwəran-as deḡ almat ən təkəbbut zun ta n mənokalan təḡât daḡ şənnanan. İmos awen igi daḡ-as tamakkakkayt.

¹⁸ A tu-saslaman, gannin-as: «Oyy-ik, əmənokal ən Kəl-Əlyəhud!»

¹⁹ Ad əḡḡatan eḡaf-net s agabal ən telant, sutufan fall-as, tigərəffən sajan-as.

²⁰ As daḡ-as əḡradan igi ən təmakkakkayt tərtəyat əd təsəssəlka, əkkəsən fall-as əbərnuz zagḡaḡan wa t-əssəlsan, əssoḡalan-tu isəlsa win-da-net, əḡlan dər-əs, əḡmədan dər-əs aḡrəm y ad t-attaytan fəl təgəttawt.

İtəwətəytəy ən ḡaysa fəl təgəttawt

²¹ Əmmənayan sojitan əd Simḡon wa n əḡrəm ən Qərwan wa erawan Alaskandər əd Rufus ifâl-du şiwəḡas. Şahhaşşalan-tu agḡay ən təgəttawt ta fəl z'itəwətəytəy ḡaysa.

²² Ewayan ḡaysa s adag as itawannu Golgota, almaḡna n awen «Edag wa n Təkəyya.»

²³ Əkfan-tu esmad n əzzəbib irtəyan d amagal imosan əzzənəf ən taḡəlbəst ifannazan talawayt, mişan uḡay ḡaysa əs təssay-nasan.

²⁴ Təzzar ətaytayan-tu sojitan fəl təgəttawt, əzunən isəlsa-net əs təşəyərən.

²⁵ Ədəḡəlşet as t-əttaytayan fəl təgəttawt.

²⁶ Əttaytayan dənnəḡ-əs əsəllum a fəl iktâb əddəlil wa sər-əs d-ewayan təmattant. Əsəllum ən, iktâb fall-as as: «Awa Əmənokal ən Kəl-Əlyəhud.»

²⁷ İjjiyat ḡaysa d əşşin jujab ən baydagan ətəwətəytay. İyyan itawataytay daḡ əḡil ən ḡaysa, wa hadan itawataytay daḡ zalgat-net.

²⁸ Əmmək ən da as tənda batu ta tənna daḡ Əlkəttaban: «Ad uddan daḡ maggan ən təkma.»

²⁹ A das-taggin aytedan win du-takaynen den ark batuten, siwəliwilan iɣafawan-nasan, gannin-as: «Dew! Kay wa innan ad təjəbbərəjjeɣ Ehan wa Zəwwəran n Əlɣibada tələsaq-qu akaras daɣ karad adan,

³⁰ əmərədda safsu iman-nak, tazzabbəɣ-du təgəttawt di.»

³¹ Əmmək en daɣ as imuzaran ən limaman əd musanan n Əttawret da əgân daɣ-as tamakkakkayt, tinəmənnin gar-essan: «Ənta wa issəfsan aytedan, wər ifreg əsəfsi ən man-net.

³² Kud ənta Əlməsix a imos, wa n əmənokəl n Israyil, azzabbatet-du təgəttawt əmərədda ad nənəy adi, nəzzəgzən sər-əs.» Meddan win dər ijjiyat Ƴaysa ətəwətəytəy əntanay da əhân šin-net.

Agamad ən man Ƴaysa

³³ As iga ammasnazal, əlsanat šiyay akal ketnet har təga tazzar.

³⁴ As təga tazzar, idkal Ƴaysa əməsli-net, inna:

«Eli, Eli, lama sabaxtani?»

Almaɣna n adi: «Ya Əməli-in,

Ya Əməli-nin, mafel toyɣeɣ-i əd man-in?»

³⁵ Əslan-as arat daɣ aytedan win əbdadnen den, ad gannin: «Səsəmat! Iɣarru ənnəbi Ilyas!»

³⁶ Ozal-in sər-əs awedan iyyan, issəlməɣ-du təduft daɣ bənəgər, ittal-tat d əmi n agabal, izzal-as-tat-in y a tat-aššəw, igannu: «Səllanat, ad nəssən a t-id-asu ənnəbi Ilyas, ikkəs-t-idu fəl təgəttawt ta»

³⁷ Amazay wen da ad ikkas Ƴaysa əməsli issohen, amaran əgmədan-tu man.

³⁸ Assəɣat ten da ad izzərrat əfər wa zəwwəran imosan anaɣər gər adag wa zəddigan əd wa ogaran tazdak daɣ Ahan wa Zəwwəran n Əlɣibada. Issərrat-du anaɣər wen ɣur afalla har eres.

³⁹ As inay kabtan ən sojitan ən Kəl-Ərrum ibdədan den əmmək was əgmədan man Ƴaysa, inna: «İllikan as aləs wa Barar ən Məššina.»

⁴⁰ Əbdədnat dəɣ tədoden šiyad sədi, əswədnat daɣ awa igan den. Šidoden en təhenat Maryama Madəl, əd Maryama ta terawat Yaqub wa əndərran əd Yosas, d iyyat təgət əsəm Salma.

⁴¹ Harwa iha Ƴaysa akal wa n Galilaya as das-əlkamnat, ədhəlmat-tu s awa əfragnat. Əbdədnat dəɣ tədoden šiyad den aggotnen a d-əddewnen əd Ƴaysa əs Yerusalam.

Ətəwəgga ən təɣəssa ən Ƴaysa daɣ əzəkka

⁴² As tokay takəst n əzəl wa n əlgəmət, simutugan aytedan y əzəl wa n təsanfawt;

⁴³ ikka Yusəf wa n əɣrəm n Arimatay ehan ən Bilatəs. Yusəf aləs a imos itiwasaɣmaran ihân Asagğawar wa Zəwwəran, imos dəɣ awedan igân attama daɣ assa ən Taɣmar ta n Məššina. Ənta a igan əmazal ən taholat imosan as ikka Bilatəs, igmay daɣ-as təɣəssa ən Ƴaysa.

⁴⁴ Isammakləl əs Bilatəs tərrib n agamad wa əgan man Ƴaysa. Isassaɣra-du kabtan wanād, issəstan-tu kud itidda iba ən Ƴaysa wala.

⁴⁵ As das-iga kabtan wa isalan n iba ən Ƴaysa, ikfa Bilatəs Yusəf turagat n ad idkəl təɣəssa ən Ƴaysa.

⁴⁶ Izzənza-du Yusəf šifit ta təhossayət, ikkas-du Ƴaysa fəl təgəttawt, ig-ay daɣ-as, təzzar ig-ay daɣ əzəkka imosan akazam, isaɣɣararad-du təhunt zəwwərat ihar sər-əs imi-net.

⁴⁷ Təlla Maryama Madəl den əd Maryama ta terawat Yosas, əswədnat daɣ adag wa daɣ tətawagga təɣəssa ən Ƴaysa den.

Tanakra ən Ƴaysa daɣ təməttant

16

Emel wa iga angalos tanakra ən Ƴaysa daɣ təməttant

¹ As okay əzəl wa n təsanfawt, tənkar Maryama Madəl əd Maryama ta terawat Yaqub əd Salma əzzənzanat-du aɣutan əzodnen y a tan-əsələlmat təɣəssa ən Ƴaysa.

² Əglanat aɣdora, ɣur gəmmud ən təfuk əzəl wa n alxad, əkkanat əzəkka.

³ Əglānat tinəmənninat gər-essanat: «Nakkanatay a da ma dana-z-isəɣɣəruwədan təhunt ta təharat əzəkka?»

⁴ Ədkalnat asawad-nasnat, ənaynat as, təhunt tanad, tətivasaxararad sədi. Təhunt ten da za təkna təzzəwwərt.

⁵ Əgğaznat əzəkka, ənaynat daɣ-as aləs n əməwad n əsamlal, iqqim daɣ əɣil-nasnat, ərməɣnat.

⁶ Inn-asnat: «Ad wər tərnehməmat. Ƴaysa wa n Nazaret, wa itawataytayan fəl təgəttawt as tēsaggadmat. Wər illa da. Inkar-du daχ təmattant. Ƴnakmat edag was kala a daχ-as tēnsa tēχəssa-net.

⁷ Ƴmərədda aglimat tēməlmət i nəttulab-net, harkid Butros, as a dasan-in-izar s akal wa n Galilaya. Den da a tu-za-tənəyam s əmmək was dawan-t-inna.»

⁸ Təzzar əgmədnat-du əzəkka ozâlnat, tēga daχ-asnat taysəst, isimaklal sər-əsnaat awa igan den. Awa əganat daχ tərəmməq wər t-illa i s ənnaat arat daχ tarrayt.

Ƴnəfilal ən Ƴaysa y aytedan aggotnen

⁹ Aχora n əzəl wa n alxad a d-inkar Ƴaysa daχ təmattant, iga ənəfilal-net wa azzaran i Maryama Madəl, tas kala daχ-as ikkas əssa kələsuf.

¹⁰ Təgla tēga isalan y aytedan win as kala tidawan əd Ƴaysa. As itaggu awen əχsâdan man-nasan, hallin iba-net.

¹¹ Mišan as əslan as iddâr, tənây-tu, ugayan s ad əzzəgzənan awen.

¹² Dəffər awen inafalal Ƴaysa əs tēməwit iyyat y əššin daχ nalkiman-net jiwankatnen daχ əsuf.

¹³ Təzzar əqqalan Yerusalem əmalan awen i nalkiman win hadatnen, mišan əntanay da wər dasan-itawazagzan awen.

Ƴzəmmizəl wa iga Ƴaysa i nəttulab-net s əddənet ketnet

¹⁴ Dəffər awen inafalal-du Ƴaysa i nəttulab-net win maraw d iyyan daχ amazay a daχ tattin. Issoχal-tan tēgna n iba n əzəgzan-nasan əd taggarmamt ən wallan-nasan, fəlas wər əzzəgzanan y aytedan win t-ənaynen dəffər tanakra-net daχ təmattant.

¹⁵ Inn-asan: «Aqliwat, tilalam əddənet ketnet təmmâlām isalan n Ƴlinjil y id t-illa awedan.

¹⁶ I izzəgzanan, itawasalməχ dəχ daχ aman s esəm-in ad igrəw efsan. Amaran wa ugayan s əzəgzan, ad t-iwər attadib ən Məššina.

¹⁷ Ƴntanay da aχalamaten šin za təwənəynen fəl aytedan win sər-i əzzəgzannen: Ad əkkəsan kələsuf daχ aytedan əs tarna n esəm-in, əššiwəlan awalan ən tawšeten wər əzdayan,

¹⁸ amaran kud ədkalan taššolen əs fassan-nasan wala əšwan sənsəg da wər dasan-z-iχsəd adi wala. As əssəwaran ifassan-nasan imiranan, ad əzzəyan.»

Təwaylay ən Ƴaysa ijənnawan

¹⁹ Ig-asan Ƴməli Ƴaysa batu ten χas, immədkaal əs jənnawan, iqqim daχ əχil ən Məššina.

²⁰ Ƴntanay amaran, əgla ad əmmalan isalan n Ƴlinjil daχ adag kul. Illil-asan Ƴməli s əššəχəl wen, isataddu awa gannin s aχalamaten əmosnen təlməχjujaten šin taggin.

Ælinjil wa n Luqa Æsænti

¹⁻³ Ya Tayofil wa ækneḡ saḡmar, aytedan aggotnen a æktabnen isalan n awa ḡurnay ḡigan, s æmmæk iman-net was dana-tan-æssoxalan aytedan win tan-æggəyatnen æs šittawen-nasan harwa ḡur ænætti-nasan, æqqalan aytedan æšḡálnen daḡ amel n awal æn Mæššina. Awen da fæl di-d-iggaz nak da, dæffær as æššiggaray isalan di kul s ælluḡ a d-ibazan ḡur ælæsæl-nasan, a dak-in-aga y-asan akatab innizzaman,

⁴ fæl ad tækkəsəḡ aššak as tæssunen šin tətəwasasəḡra ættiddanat.

Təhəwt æn ḡaysa æd tæmmædrəyt-net

Ætəməl æn təhəwt n ænnəbi ḡayya wa isalmaḡan aytedan daḡ aman

⁵ Elan win daḡ imos Herod æmənokal n akal æn Yahudəyya, ill-ay ælimam iyyan ḡān esəm Zakarayya ihān taggayt æn limaman win hayawan n Abəya. Tantut-net tahayawt æn Harun, esəm-net Elizabet.

⁶ Ænta dær-æs æmosan alḡadılan dat Mæššina, æḡān y alwajiban n Æməli d alamaran-net lækkum daḡ wær ælen lahan waliyyan.

⁷ Wær ælen barar waliyyan fəlas Elizabet a wær nətilu bararan, ægmādan-tan deḡ elan wəllen.

⁸ Æzəl iyyan itaggu Zakarayya dat Mæššina æššəḡæl wa taggin limaman fəlas taggayt æn limaman ta iha as d-issəḡlay ḡi n awen.

⁹ Æbaznat-tu tašəḡeren, æmosnen as, ænta a z'iggəzan edag wa zæddigan daḡ Ahan wa Zəwwəran n Æḡibada n Æməli, issəqqəd daḡ-as aḡutan fæl majmar wa iskatan y awen. Šišəḡeren šin imos ḡi-nasnat alḡadat æn limaman.

¹⁰ As ḡa alwaḡ wa daḡ taqqadan aḡutan, tamattay ketnet tæbdād daḡ tæfərray n Ahan wa Zəwwəran n Æḡibada, tətattar.

¹¹ Wala a ihogan inafalal-as-du angalos n Æməli ibdād daḡ əḡil æn majmar wa n æsəqqəd n aḡutan.

¹² Inay Zakarayya angalos ḡas irmaḡ, təḡḡaz-tu tasa.

¹³ Mišan inn-as angalos: «Zakarayya! A kay wær təḡḡəz tasa fəlas Mæššina iqbāl mansay-nak, tantut-nak Elizabet ad təḡrəw barar, amaran ag-as esəm ḡayya.

¹⁴ Ad taddawəḡ, tæfəliwəsəḡ; tæsəddəwət deḡ təhəwt-net aytedan aggotnen,

¹⁵ amaran ad iqqəl awedan zəwwəran dat Æməli. Wær mad as z'ašu esmad n alḡanab wala deḡ esmad waliyyan. Ad t-idnəy Infas Wa Zæddigan harwa da iha tadist n anna-net.

¹⁶ Ad d-issuyəl Kəl-Israyil aggotnen Æməli-nasan Mæššina.

¹⁷ Ænta a du-z-izaran y Æməli imos anammazul-net, iḡrāw Infas Wa Zæddigan æd tarna šilat æn win iḡraw ænnəbi Ilyas, fæl a d-awəy alxer ḡær aytedan æd bararan-nasan, awəy-du inəmməzray s ad ilen tayttay ta ælan aytedan win əḡḡalnen. Təməwit tædi as z'isəmmutəḡ y Æməli tamattay təsimatagat i lækkum y-as.»

¹⁸ Təzzar inna Zakarayya y angalos: «Məni alḡalamat ta di-za-təssusənat as adi ad agu? Ænta nak aḡmar waššaran a əmosa, tantut-in deḡ əḡlān daḡ-as elan wəllen.»

¹⁹ Inn-as Angalos: «Awa nak Jibril, akli æn Mæššina wa dat-æs ibaddadan. Ænta a di-d-izimmazalan sər-ək y a dak-agaḡ isalan hossaḡnen win di.

²⁰ Amaran dad zamas wær təzzəḡzanaḡ isalan win dak-əḡəḡ da, as z'andinen daḡ alwaḡ-nasan, ad ammadad əmi-nak. Wær za tæləsəḡ awal iket wær d-osa əzəl wa daḡ z'agu arat wədi.»

²¹ Awen as itaggu tamattay təqqāl i Zakarayya, æqqānan ḡafawan-nasan y awa t-in-isahhagan daḡ adag wa zæddigan.

²² As t-id-igmad, indar-as a dasan-iššiwəl fəlas imi-net a immədadan, a dasan-isidugun. Æssanan as arat iyyan a das-d-inafalalan.

²³ As issənda adan-net win æššəḡæl daḡ Ahan wa Zəwwəran n Æḡibada, iqqal aḡaywan-net.

²⁴ Dæffær awen təḡa tantut-net Elizabet tadist, təzzar təḡdal i man-net ətəwənay har təḡa səmmosat təlil, təḡannu:

²⁵ «Awa ḡi n Æməli! Ænta daḡ-i issanan, ikkas-i asakor wa di-æggatan aytedan.»

Ætəməl æn təhəwt æn ḡaysa

²⁶ Təha Elizabet tallit-net ta n sədisat as izammazal Mæššina angalos Jibril s əḡrəmə as itawannu Nazaret ihān akal æn Galilaya.

²⁷ Issok-ay tēmawat iyyat wēr nəzday meddan harwada tēgât esəm Maryama. Amaran Maryama tēsımarkas d aləs ıgân esəm Yusəf, imosan arat dağ əzzurrəyya n əmənokal Dawəd wa n ənnəbi.

²⁸ Os-et-du angalos, inn-as: «Maryama, ma təxlaka! Əməli izizabbat-du fall-am arraxmat-net. Issân dağ-am.»

²⁹ Iqqan awal wen ɛɣaf ən Maryama, idgaz-tat, təzzar ad təsamadran awa imos almaɣna n assalam wen.

³⁰ Inn-as angalos: «A kam-wər-təgəz tasa Maryama, Məşşina izizabbat-du fall-am arraxmat-net.

³¹ Ad taga tadist, təgrəwa barar, tagaɣ-as esəm Ƴaysa.

³² Ad itəwəsəɣmər, agu esəm Barar ən Məşşina di n Amadkol. Ad t-akfu Əməli Məşşina taɣmar n amaraw-net Dawəd,

³³ izar i hayawan ən Ƴaqub har faw, amaran təmənukəla-net ad təxləl.»

³⁴ Tənnə Maryama y angalos: «Mənəmmək as z'agu adi ənta nak harwada wər əzdaya meddan?»

³⁵ Inn-as angalos: «A fall-am d-azzabbat Infas wa Zəddigan, talsim tanaya ən Məşşina di n Amadkol, təqqəl-am zun telay, awen da fəlas barar wa za tileɣ ad agu esəm Əmizdag agu dəɣ esəm Barar ən Məşşina.

³⁶ Ənəm təşəqqaq-nam Elizabet! Ƴglân dağ-as elan wəllen mişan təga tadist ən barar. Ənta tas itawannu wər tətılı bararan, tallit-net ta n sədisat a təha əmərədda,

³⁷ fəlas wər t-illa a imosan muxal fəl Məşşina.»

³⁸ Tənn-as Maryama: «Nak taklit n Əməli, itəwəgget-i awa tənneɣ.» Təzzar ifal-tat angalos.

Iki ən Maryama Elizabet

³⁹ Tənkər Maryama dağ adan en da, təhəz təkka taɣrəmt iyyat n akal ən Yahudəyya imosan akal n ədɣaɣan.

⁴⁰ Tos-in ehan ən Zakarayya, təssəslam fəl Elizabet.

⁴¹ Da da ɣas ad təsla Elizabet y assalam ən Maryama ənta ad izabagat barar wa ihan tadist n Elizabet, təzzar idnay-tat Infas wa Zəddigan.

⁴² Tədkal Elizabet əməsli-net, tənna: «Togara şidoden kul agaraw n arraxmat, barar dəɣ wa du-z-ıgmədan tadist-nam ıgrâw arraxmat.

⁴³ Awak nak ma əmosa as di-du-tətasu anna n Əməli-nin?

⁴⁴ Da da ɣas ad əsleɣ y assalam-nam ənta ad izabagat barar wa ihan tadist-in fəl tədəwit.

⁴⁵ Təbbilaləɣ kam təzzigzanat as, awa dam-inna Əməli ad andu.»

Təmmal ta təga Maryama i Məşşina

⁴⁶ Tənna Maryama:

«Əwəl-in immâl adkul n Əməli,

⁴⁷ İman-in isidawat-tan Məşşina

di n Əmaɣlas-in.

⁴⁸ Fəlas asawad a din-ıga

dağ təmmədrəyt ən təklit-net.

A ibazan ɣur əmərədda

aytedan n azzaman kul ad annin əbbilaləɣ.

⁴⁹ Fəlas Wa ilan Tarna ıg-i aratan zawwarnen.

Esəm-net i zəddigan.

⁵⁰ İtihanəttit y aytedan n azzaman kul

win t-əksudnen.

⁵¹ İga əfus-net imazalan ən təla ən tarna.

İziwazawaz aytedan win ədkalnen iman-nasan.

⁵² İkkas daw muzaran taɣmar-nasan,

ıdkal şiləqqawen.

⁵³ İsayyawan win əlluznen dağ awa izodan,

oyya iməggərgas əqquran fassan-nasan.

⁵⁴ İdhal Kəl-İsrayil n eklan-net,

fəlas itihənəttit

⁵⁵ y İbrahim d əzzurrəyya-net har faw,

imos awen arkawal ıga i marawan-nana.»

⁵⁶ Təməl Maryama ɣur Elizabet har təga edag ən karadat təlil amaran təqqal aɣaywan-net.

Təhəwt ən Yaxya wa isalmağan dağ aman

⁵⁷ Osa-du alwaq n iguz n əmzur fəl Elizabet, təgraw barar.

⁵⁸ Əslan mahharagan-net əd šəqqaqan-net əhənəttə zəwwəran wa das-iga Məššina da, əddəwen əntanay da.

⁵⁹ As əzəl wa n əttam osan-du y ad səmməmkədan barar. Ərân a das-agin esəm Zakarayya, esəm wa dağ iga abba-net.

⁶⁰ Mišan tənn-asan anna-net: «Kala kala! Ad agu esəm Yaxya.»

⁶¹ Ənnan-as: «Esəm ya wədi wər tələx əšəqqaq a t-igân!»

⁶² Təzzar ad sidugunan y abba ən barar, y a dasan-iməl esəm was ira ad t-agu barar-net.

⁶³ Isaddagan-asan Zakarayya a t-id-akfin əsəllum. İktab fall-as: «Esəm-net Yaxya.» Isammaklal sər-san awen ketnasan.

⁶⁴ Təzzar okay əmədəd Zakarayya amazay wen da, immora iləs-net, ad itaggu təmməlen i Məššina.

⁶⁵ Təggaz tasa aytedan kul win əxsarnən dağ ihəz-nasan, wazawazan salan n awa igan den dağ akal ən Yahudəyya ketnet wa n ədxağan.

⁶⁶ Aytedan kul win əslanən awen ətaffan-tu dağ wallan-nasan, gannin: «Ma z'ıqqəl wa da barar?» İllikan as issiwar-tu Əməli əfus-net.

Təmmal ta iga Zakarayya i Məššina

⁶⁷ İdnay İnfəs wa Zəddigan Zakarayya wa n abba ən barar, isannafalal-as Məššina awal-net, ad igannu:

⁶⁸ «Təmmal i Məššina,

Əməli n İsrayil,

fəlas masnat a iga dağ tamattay-net,
isaddarf-tat.

⁶⁹ İkkas-ana-du dağ ahan n əkli-net

Dawəd Amaylas ilân tarna,

⁷⁰⁻⁷¹ a dana-z-agəzan dağ zəngə-nana,

ikkəs-ana dağ fassan ən maksanan-nana kul.

İmos awen arkawal iga dağ mawan n ənnəbitan-net
win irəw, isinafran.

⁷² Əmmək wədi as issəkna təhanint-net

i marawan-nana,

issənda arkawal ən tassaq-net

zəddigan.

⁷³ Arkawal wen ihād fall-as

y amaraw-nana İbrahim as,

⁷⁴ a danağ-assafsu dağ zəngə-nana,

fəl a tu-nəybəd ši wala tasa ən waliyyan.

⁷⁵ Nəzəddig noxād iket nəddar.

⁷⁶ Amaran kay barar-in,

a kay iwər esəm ənnəbi ən Məššina di n Amadkol,

kay a du-z-izaran y Əməli

fəl a dat-əs takna tarrayt-net,

⁷⁷ təssusəna tamattay-net

as əfsan əllân çur təsureft ən bakkadan.

⁷⁸ Awen itagg-ay Əməli-nana Məššina

fəl əssəbab ən təhanint tagget ta tu-təhat.

Adi a fəl dana-du-z-asu Əlməsix

ola əd gəmmud ən təfuk,

⁷⁹ fəl ad imələwləw ənnur-net

fəl aytedan win əqqimnən dağ šiyyay,

əhân telay ən təmattant,

izəzzəluləx takkolen-nana dağ tarrayt ta n alxer.»

⁸⁰ Ad idagğal Yaxya, tətawad-t-id tayttay-net. İzdağ ikallan ən saffan har əzəl wad issosan Kəl-İsrayil fəl man-net.

2

Təhəwt ən Yaysa

¹ Azzaman win dağ z'ihəw Yaysa a dağ omar Qaysara Ogəstəs wa n əttəbəl n Ərrum s ad uddanan aytedan kul win təğmar-net.

² Tuddant ten ðnta a tazzarat. As tæga Kirinøyas a imosan æmuzar n akal wa n Surøya.

³ Aytedan kul gallin ad uddanan. Ækkulluk n awedan ikka aþræm æn marawan-net.

⁴ Adi fæl igmad Yusæf ðnta da aþræm wa n Nazaret ihân akal æn Galilaya, igæzzay s aþræm n aljad-net æmønokal Dawød a t-imosan aþræm æn Betalxam, ihân akal æn Yahudøyya,

⁵ fæl a daþ-as uddan. Iddew æd Maryama dær isimarkas. As itaggu awen da tæga tadist.

⁶ Æhân Betalxam as fall-as iga alwaq n iguz n æmzur.

⁷ Tæggaz Maryama amzur n aþafadday-net. Itaggu awen dægma n æsægæn n aharay osaþan d ahan wa þur æzzæbben fælas edag a wær ægrewan daþ ahan en. Tættal barar daþ æfær, tæssæns-ay daþ æþlal ilân den.

Ænøfílal wa d-iga angalos i madanan

⁸ Akal en æhân-tu madanan æssimbarnen eharay-nasan.

⁹ Den da a d-inafalal dat-san angalos n Æmøli, tæsammalawlaw tanaya n Æmøli edag wa øhan, øgan tærømmeq zæwwærat.

¹⁰ Inn-asan angalos: «Ad wær tærmøþam, isalan olaþnen a dawan-d-ewaya a du-z-awøynen tædøwit tagget æs tamattay ketnet.

¹¹ Azalada Æmaþlas-nawan ihæw daþ æþræm n Dawød. Ænta a imosan Ælmæsix Æmøli.

¹² Ænta da awas tu-za-tæzdøyam: "Ad tønøyam ajanþay ittalan daþ æfær, isråd daþ æþlal."»

¹³ Wala a ihogan inafalal-du agan zæwwæran n angalosan þur wen, æmmålan Mæššina gannin:

¹⁴ «Tæmmal i Mæššina daþ jønnewan,

alxer daþ øddønnet y aytedan

win øhanen agna-net.»

¹⁵ Æqqalan angalosan ijønnewan þas, namannan madanan: «Ændawat Betalxam, ad nønøy awa danaþ-imal Æmøli da.»

¹⁶ Tæzzar øglaen øhåzan. Osan-in Maryama æd Yusæf d ajanþay, isråd daþ æþlal.

¹⁷ As ønayan madanan barar, øsoþalan awa dasan-itawannan sær-æs.

¹⁸ Aytedan kul win øslanen y awa ønnan madanan isimaklal sær-san awen.

¹⁹ Maryama ønta, tættáf isalan en kul daþ man-net, tønazzar daþ-san.

²⁰ Tæzzar øqqalan madanan æmmålan adkul æn Mæššina, taggin-as tæmmalen fæl aššaddat n arat kul was øslan æd wa ønayan, æs ketnet iga s æmmæk wa daþ as dasan-ittæmal.

²¹ As øzæl wa n øttam, itawasamankad barar, itawagg-as esæm Þaysa, imos as esæm wa da a imal angalos y anna-net dat igi-net tadist.

Æmøwøy æn Þaysa s Ahan wa Zæwwæran n Ælyibada

²² As d-ewad alwaq æn zazdag wa imal Ættawret n ønnøbi Musa, iddew Yusæf æd Maryama s aþræm æn Yerusalem fæl ad øzzæzdøgan iman-nasan. Ewåyan deþ barar y ad tagin da tæþlift æn Mæššina,

²³ s æmmæk as iktåb daþ øššøriþa n Æmøli as «Barar kul wa n aþafadday, ad iskæt y Æmøli.»

²⁴ Yusæf æd Maryama issiwar-tan øššøriþa n Æmøli daþ tarrayt n øzæzdøg-nasan ad akfin tæzøgzæmt æn sanatat tædøbren šin øsuf madeþ sanatat šin aþræm.

²⁵ Aþræm æn Yerusalem ixsår daþ-as alæs igån esæm Simþon n alþadil n ømiksad æn Mæššina. Igå attama n Ænassesmæd a du-z-asin assafsu Israyil. Simþon en izzibbad-du fall-as Infas wa Zæddigan,

²⁶ s ønta a das-isannafalan as wær tu-z-iba wær inay Ælmæsix n Æmøli.

²⁷ Eway-t-id Infas æn Mæššina s Ahan wa Zæwwæran n Ælyibada. Imazayyat-du æd marwan æn Þaysa tamazalan s alþadat ta tan-issøwar øššøriþa daþ batu æn barar-nasan.

²⁸ Idkal Simþon barar, iga tæmmal i Mæššina, inna:

²⁹ «Æmørødda Æmøli ad tayyaþ akli-nak

ad t-iba daþ alxer,

id awa di-tønneþ inda,

³⁰ fælas ønaya æs šittawen šin-da-nin

Æmaþlas wa dana-du-tæssoka,

³¹ wa du-tæsammataþay i tæmattiwen kul,

³² imos ønnur

as z'ikkæsan daþ šiyay

aytedan win wær næmos Kæl-Ælyøhud,

awøy-du deþ adkul æs tamattay-nak Kæl-Israyil.»

³³ Abba-net d anna-net øqqånan þafawan-nasan y aratan win sær-æs tawanninen da.

³⁴ Tæzzar ittar-asan Simyon a dasan-igan albaraka, amaran inna i Maryama anna en Yaysa: «Essen as barar a isinafran-tu Məşşina fəl ad d-awəy agadal əd tanakra en Kəl-İsrayil aggotnen, iqqəl əssəbab n ənəməzray gər aytedan.

³⁵ Emmək wədi as z'isəffəggu awa ihan iwəllan n aytedan aggotnen. Kam iman-nam a kam-izzuzər əwəl zun tu-tərzâg takoba.»

³⁶ Təll-ay dəy tənəbit iyyat təkənât tuşaray təgât esəm Xənnətu wələt Fanwal ən tawşet ta n Aşşir, ədāsən əssa elan n azalaf dağ təmmədrəyt-net.

³⁷ A aba aləs-net wər tələs azalaf, har təga əttamat təmərwen n awatay d əkkoz. Faw təha Ehan wa Zəwwəran n Əlyibada. Təxbâd Məşşina ehad ezal, tətuzam, tətattar.

³⁸ Tamazayt tenda a daq-qan du-tosa, təga igodan i Məşşina. Ad tətəggu isalan ən Yaysa y aytedan kul win əganen attama n ad d-izəzzəbbət Məşşina tədarfit-net fəl Yerusalām.

³⁹ As əssəndan marwan ən Yaysa igi n arat kul wa tan-issəwar əşşərixa n Əməli, əqqalan axtəm-nasan Nazaret ihan akal ən Galilaya.

⁴⁰ Idəggal barar, itilu tayttay d əgərri, izazabbat-du fall-as Məşşina arraxmat-net.

Assa ən Yaysa Ehan wa Zəwwəran n Əlyibada imos aw maraw elan d əşşin

⁴¹⁻⁴² Awatay kul əgğizayan marwan ən Yaysa s axtəm ən Yerusalām y əmud was itawannu wa n Akkay, imos awen alxadat n əmud wen. As iqqal Yaysa aw maraw elan d əşşin əddəwan dər-əs s əmud wen.

⁴³ As əxtəradan adan win amud, əqqalan axtaywan, Yaysa amaran iqqim-in dağ Yerusalām wər əssenən dağ awen.

⁴⁴ A əxilan iha aljamaxtat ən məşşukal win dər əddəwan. As əgan əşikəl n əzəl, a das-səgğadan dağ şəqqaxan-nasan əd təməzdəyt-nasan.

⁴⁵ Mişan wər t-əgrəwan, təzzar əqqalan Yerusalām, səgğadan-as.

⁴⁶ As əzəl-nasan wa n karad gar-əssan dər-əs, osan-t-id dağ Ahan wa Zəwwəran n Əlyibada inixama əd musanan n Əttəwret, issisam-asan, isastan-tan dəy.

⁴⁷ Aytedan kul win əslanen y awa igannu, təsimaklal sər-san tayttay-net d aljawaban-net.

⁴⁸ As t-ənayan marwan-net əhagan, tənən-as anna-net: «Barar-in ma imos awa dana-təge da? Nak d abba-nak təşşiwaş-ana tağara-nak, nosa edag kul nəsağgad-ak.»

⁴⁹ Inn-asan: «Ma fəl za as di-təsəgğadam? Masnat a wər təgem as təlzâm-i təximit dağ ahan n Abba-nin?»

⁵⁰ Mişan wər əgren awa dasan-inna den.

⁵¹ İddew Yaysa əd marwan-net, zagadayan əqqalan axtəm ən Nazaret, ibbirdag-asan. Anna-net tətətf aratan en kul dağ man-net.

⁵² İdəggal Yaysa, tətittəy təla-net əgərri, ikannu gərrezat i Məşşina d aytedan.

Yaysa əd Yaxya wa isalmayan dağ aman

3

Təlxutbat ən Yaxya

Təsəntit n əşşəyal ən Yaxya

¹ Awatay wa n maraw əd səmmos ən Qaysara Tabirəyas da tağmar, Fons Bilatəs a imosan əmuzar n akal wa n Yahudəyya, amaran Herod ixkâm fəl akal wa n Galilaya, amaqqar-net Filibus ixkâm fəl wa n İturayya əd wa n Tərakonit, Lisanəya ənta ixkâm fəl akal wa n Abila.

^{2a} Xānan əd Kayif əntanay əmosan ilimaman win zawwənnen.

^{2b} Awatay wen da a d-izzəbbat awal ən Məşşina fəl Yaxya ag Zakarayya dağ əsuf.

³ Dəffər awen illil Yaxya ikallan kul win ahanen attayan n agərəw wa n Yordan, itaggu y aytedan təlxutbat, igann-asan ad təwəsəlməxan dağ aman imos awen arat issiknan tətubt-nasan, fəl ad əgrəwan təsureft ən bakkadan-nasan.

⁴ Emmək əddi was tənda batu ta iktab Ənnəbi İsayas, as inna: «Aləs iyyan idkâl əməsli-net dağ əsuf igannu: "Səmmutəgat abaraqqa y Əməli! Təsəssiğədam tarrayən dat-əs!"

⁵ *Id t-illa ənahoy ketnet ad inbəl. İdaxan əd gefan ad ərəsan, tarrayən şin əfraynen ad axtədnat, ibaraqqan win wər nogda ad aqdin*

⁶ *İnəy awedan ketnet əlyillas wa d-izəzzəbbat Məşşina."*

Təlxutbat ən Yaxya

⁷ Adi a fəl igannu Yaxya i təmattiwen şin t-idu-tasinen y a tanat-issəlməx dağ aman: «Xa taşşolen şin! Ma kawan-issosanan ədərreg y attadib ən Məşşina wa d-izayan.

⁸ Dağ adi taggiwat imazalan olañnen tēsəttəddim sər-san tətubt-nawan! Wər igda ad tēgannim dağ man-nawan: "Nakkanay əzzurrəyya n ənnəbi İbrahim a nəmos", fəlas silakanay-awan as Məşşina ifrâğ ad isəmməttəy šihun šin tēhannayam da, ixlək-du dağ-asnat əzzurrəyya y İbrahim!

⁹ Agat ənnəyat! Tazəft harwa əmərədda da tēmmotag y a du-təsəddəngər y eškan. Dağ adi ašək kul wa wər nətirəw aratan olañnen ad itəwəxtəs, itəwəgər-in dağ təmsay.»

İmmək was za nagu axal wa imal Yaxya

¹⁰ A tu-sastanan aytedan, gannin-as: «Dağ adi mas danağ-iwar a tu-nagu?»

¹¹ Inn-asan: «Awedan wa ilan əşšin səlsa, akf-et iyyan i wa tu-wər-nəla; wa ilan a itša, akfet dağ-as wa tu-wər-nəla.»

¹² İnabazan n amana əntanay da, tasin-du Yaxya fəl a tan-issəlməğ dağ aman, ənnan-as: «Əşşex, mas danağ-iwar a tu-nagu?»

¹³ Inn-asan: «Ad wər təzzərzəməm a oğaran awa dawan-itawannan.»

¹⁴ İssəstanan-tu değ sojitan, ənnan-as: «Nakkanay za, mas danağ-iwar a tu-nagu?» Inn-asan: «Ad wər tərəkəbam dağ awedan waliyyan azrəf-net, wala değ təssəwəram-tu bahu. Aɡdat s alxaq-nawan.»

Assa n Əlməsix

¹⁵ Aytedan kul win əslanen y awa igannu Yaxya, əgân attama; akk awedan isamadranan dağ əwəl-net kud Yaxya en da a imosan Əlməsix wala.

¹⁶ Awen da fəl dasan-inna Yaxya ketnasan: «Nak, aman a dağ qawan-salmağa, mišan izay-du aləs s awa di-iga dağ şigrat, wər eweda wala arra ən suğan ən xateman-net. Ənta İnfəs Wa Zəddigan əd təmsay a dağ qawan-z-issəlməğ.

¹⁷ İha əlmital n awedan ittəfan tesayt y ad izzəzər alkama-net. İşadaw alkama dağ tadangawt-net, şixal amaran ag-enat dağ təmsay təbilaglagat faw.»

İguz ən Yaxya kasaw

¹⁸ İgla Yaxya dağ amel n Əlinjil, itaggu y aytedan ənnəsixatan wiyyad əgğotnen.

¹⁹ Herod amaran wa n əmənokəl n akal ən Galilaya əruşmatan a das-iga dağ batu ən Herodəyas təmosat tağur amadray ən Herod en da igân esəm Filibus, ig-əs değ wiyyad əruşmatan fəl arak mazalan labasnen kul win hadatnen iga.

²⁰ İşşota Herod fəl arak mazalan win den kul igi ən Yaxya dağ kasaw.

İtəwəsəlməğ ən Yaysa dağ aman

²¹ As tawasəlməğən aytedan kul dağ aman, itawasəlməğ dağ-san Yaysa ənta da. İttatır alwaq wen da s ənnolanam jənnawan,

²² izzəbbat-du fall-as İnfəs wa Zəddigan iha şaşşelan ən tədabert, igmad-du əməsli ijənnawan, inna:

«Kay a imosan Barar-in əkney tara, təssinda-du aɡna-nin.»

Aljad ən Yaysa Əlməsix

²³ İla Yaysa edag ən karadat təmərwen n awatay as issənta əşşəxəl-net.

İttəfan aytedan as ag Yusəf wa n ag Heli.

²⁴ Heli ənta ag Mətat, Mətat ag Lebi,

Lebi ag Malki, Malki ag Yannay, Yannay ag Yusəf,

²⁵ Yusəf ag Matasiyas, Matasiyas ag Amos, Amos ag Nahum, Nahum ag Xasli, Xasli ag Naggay.

²⁶ Naggay ag Matti, Matti ag Matasiyas,

Matasiyas ag Samxi, Samxi ag Yosax, Yosax ag Yoda,

²⁷ Yoda ag Yohanan, Yohanan ag Yaysa,

Yaysa ag Zərubabil, Zərubabil ag Assalat, Assalat ag Nayri,

²⁸ Nayri ag Malxi, Malxi ag Addi, Addi ag Kosam,

Kosam ag Almadama, Almadama ag Er,

²⁹ Er ag Yaysa, Yaysa ag Alyazar, Alyazar ag Yorim,

Yorim ag Mətat, Mətat ag Lebi,

³⁰ Lebi ag Simxon, Simxon ag Yahuda,

Yahuda ag Yusəf, Yusəf ag Yunam, Yunam ag İlyakim,

³¹ İlyakim ag Malaya, Malaya ag Mayna,

Mayna ag Mətat, Mətat ag Natan, Natan ag Dawəd,

³² Dawəd ag Yasay, Yasay ag Yubayd,

Yubayd ag Boxaz, Boxaz ag Sala, Sala ag Nasun,

³³ Nasun ag Yaminadab, Yaminadab ag Admin,

Admin ag Arni, Arni ag Xasrun, Xasrun ag Farəs, Farəs ag Yahuda,

³⁴ Yahuda ag Yaqub, Yaqub ag Isəhaq,

Isəhaq ag İbrahim, İbrahim ag Terax, Terax ag Naxur,

³⁵ Naxur ag Sarux, Sarux ag Raggaw,

Raggaw ag Falax, Falax ag Ƴabbir, Ƴabbir ag Salax,

³⁶ Salax ag Kaynam, Kaynam ag Arfakšad,

Arfakšad ag Sam, Sam ag Nux, Nux ag Lamax,

³⁷ Lamax ag Matusala, Matusala ag Henox,

Henox ag Yarit, Yarit ag Malelyal, Malelyal ag Kaynam,

³⁸ Kaynam ag Enus, Enus ag Set, Set ag Adəm,

Adəm ənta Məşşina t-id-ixlakan.

4

İtəwəjərrab ən Ƴaysa

¹ İgmad Ƴaysa tamawen n agarew wa n Yordan idkâr-tu Infas wa Zəddigan. Infas wa da a t-issokan teneray.

² İga dağ-as əkkozat təmərwen n əzəl itajarrab-tu İblis. Adan win kul ig-en wər itša wala, as əğradan ih-ay laz.

³ Inn-as İblis: «Kud kay Barar ən Məşşina, taməra təhunt ta s ad təqqəl amensay.»

⁴ Inn-as Ƴaysa: «Wərgəğ ənnan Əlkəttaban: "Awedan wər itəddər əs mensewan Ƴas."»

⁵ İkka dər-əs İblis edag iknan əhuki, issəsəwad-tu dağ təğməren kul n əddənət dağ ɛllaf ən šat.

⁶ Amaran inn-as: «A kay-akfa təğməren en kul əd təhussay-nasnat fəlas tiwakfanat-i hakkağ-qanat değ i was tanat-ərəğ.

⁷ Dağ adi as di-təssəjada ad təğrəwəğ awen kul.»

⁸ Inn-as Ƴaysa: «Wərgəğ ənnan Əlkəttaban: "İməli-nak Məşşina as za təssəjada, ənta Ƴas a za təğbəda."»

⁹ Təzzar ikka dər-əs İblis Yerusalām, issəbdad-tu fəl afalla n Ahan wa Zəwwəran n Əlğibada, inn-as: «Kud kay Barar ən Məşşina tətərəgge,

¹⁰ fəlas ənnan Əlkəttaban: "Ad amər angalosan-net a kay ağəzan dağ əşşur,"

¹¹ iktâb değ as: "A kay-əkbalan dağ fassan-nasan fəl a dak-wər-tənkəf təhunt."»

¹² Inn-as Ƴaysa: «Wərgəğ za Əlkəttaban di ənnân: "Ad wər tətajjarraba İməli-nak Məşşina."»

¹³ As t-ixrad İblis əjərrəb, igla oyy-ay har sər-əs iləs agaraw ən tarrayt.

Əşşəğəl ən Ƴaysa dağ Galilaya

İsalan ən Taymar ta n Məşşina

İsəssəğri ən Ƴaysa dağ Nazaret

¹⁴ Dəffər awen, iqqal Ƴaysa akal ən Galilaya, təh-ay tarna n Infas wa Zəddigan. Təffəzzat sallat-net dağ akal en ketnet.

¹⁵ İsaşəğru aytedan dağ nan win əlğibada ən Kəl-Əlyəhud, ketnasan əssiğmaran-tu.

¹⁶ Osa değ Ƴaysa Nazaret, ağrəm wa dağ idwal. As əzəl wa n təsanfawt iggaz ehan wa n əlğibada ən Kəl-Əlyəhud imos awen arat itaggu faw. İbdad y ad ağru awal ən Məşşina.

¹⁷ İtawakf-ay-in əlkəttab wa n ənnəbi İsayas. İkkas y əlkəttab aqda wa iga, olam fəl adag a dağ iktab as:

¹⁸ «İwâr-i Infas n İməli, fəlas isinafran-i y ad əmələy isalan n Əlinjil i tələqqawen. İzimazal-i-du y ad ağağ isalan i win tawattafnen, əğrəwan iman-nasan, əzzuzəyayğ iməddərğal, aytedan win tawadgaznen değ ağağ-qan dağ tara ən man-nasan,

¹⁹ əmələy awatay taha arraxmat n İməli.»

²⁰ As ixrad Ƴaysa təğaray ihar əlkəttab, issoğal-tu y amaşşəğal n ahan wa n əlğibada ən Kəl-Əlyəhud, iqqim. Əgaran dağ-as aytedan kul win əllanen den şittawen.

²¹ Amaran inn-asan: «Azalada awal ən Məşşina was təslam da, inda.»

²² Ketnasan əmmâlan-tu. Simaklalnat sər-san batuten olaynen šin du-gammadnen imi-net, ad gannin: «Ak awa wərgəğ ag Yusəf?»

²³ Inn-asan Ƴaysa: «İllikan as a di-du-tassaktim iggi wa innan: "Anasmagal, zuzəy iman-nak," təzzar tannim-i: "Agu dağ akal-nak da da awas nəsla as təğéq-qu dağ əğrəm ən Kafarnahum."»

²⁴ Inn-asan değ: «Əğgəyyayğ silakanay-awan as wər t-illa ənnəbi itiwəqbalan dağ ağrəm wa dağ idwal.

²⁵ Amaran a dawan-əməla tidət: Dağ elan n ənnəbi Ilyas akal n Israyil əhânat-tu tədoden aggotnen əs wər ədderan meddan-nasnat. Elan en da a dağ iga akonak karad elan d aganna wər iwet, iga laz labasan dağ akal ketnet.

²⁶ Dər iga awen da ya, wər izammazal Məşşina ənnəbi Ilyas əs waliyyat dağ tədoden en. Kalar izammazal-tu s iyyat təxsârat dağ təxrəmt ta n Sarəfta təhât akal ən Sidon.

²⁷ Əhân değ kətrutan aggotnen akal n Israyil dağ elan n ənnəbi Elisayas, mişan wər tan-ihə i itawazozayan ar Nağman wa n akal ən Surəya.»

²⁸ As əslan aytedan win əhanen ehan n əlğibada y awen, iggaz-tan alham labasan.

²⁹ Əbdadan, əgan ifassan da Ƴaysa, əkkasan-tu dağ əxrəm, ewayan-tu s afalla n ədğay wa fəl ikras əxrəm y ad t-əgəran dağ əxği, ibə-tu.

³⁰ Mişan illam Ƴaysa gar-essan igla.

Əşşəğəl ən Ƴaysa dağ Kafarnahum

³¹ Dəffər awen iras Ƴaysa əs təxrəmt təgât Kafarnahum təhât ənta da akal wa n Galilaya, ad isasağru aytedan dağ ahan n əlğibada ən Kəl-Əlyəhud dağ jilan win təsanfawt.

³² İsimaklal sər-san əmmək was isasağru, fəlas əsəssəğri-net in awedan ilân tanaya.

³³ Ehan n əlğibada wen, ih-ay aləs ihə aggəsuf. İdkal aləs wen əməsli-net, ad igannu:

³⁴ «Xa! Ƴaysa wa n Nazaret, ma dağ-na tareğ? İngəm assa a du-təgeğ y a danə-təhləka? Əssanay awa təmosa: Əmizdag wa d-izammazal Məşşina.»

³⁵ İharaşsat-tu Ƴaysa, inn-as: «Fastu, təgmədağ aləs di!» Təzzar iggədla aggəsuf aləs en gər aytedan, amaran igmad-tu wər das-ixşed arat.

³⁶ Əhagan aytedan ketnasan, ad tinəmənnin gar-essan: «Ma imos almağna n awal n aləs wa? Kələsuf da ittâf dağ-san tanat, itamar-tan əs tanaya, gammadan aytedan.»

³⁷ Təwazawaz sallat ən Ƴaysa dağ id t-illa adag dağ akal en kul.

³⁸ As igmad Ƴaysa ehan n əlğibada ən Kəl-Əlyəhud, ikka ehan ən Simğon. As itaggu awen tədaggalt ən Simğon təfrâyat, tənnid wəllen, təzzar əgməyan dağ-as aytedan a tat-izzuzəy.

³⁹ İnaz-in fall-as Ƴaysa, isannarğam i tanaday, təzzar təwat fall-as. Tənkər dağ təmazayt ten da a tan-təsiməğurit.

⁴⁰ As tuda təfuk, ewayan-du sər-əs aytedan imiranan-nasan əgânen şiwərnawen əmosnen əzzənəfan. Akk iyyan issəwar-tu ifassan-net, izzozay-tu.

⁴¹ Gammadan değ kələsuf aytedan aggotnen, sağaren kələsuf en, gannin: «Kay Barar ən Məşşina», mişan isannarğam-asan, igdal-asan awal, id masnat a əgan as ənta a imosan Əlməsix.

⁴² As affaw, igmad Ƴaysa ağrəm, ikka edag issufan. A das-təsəggad tamattay har t-in-tosa. Ad gamməyan təməwit tas das-z-əgdəlan a tan-ifəl.

⁴³ Mişan inn-asan: «İwâr-i ad əməla Əlinjil, imosan isalan ən Tağmar ta n Məşşina, i xərman win hadatnen əntanay da, fəlas adi da a fəl d-əmmozaala.»

⁴⁴ Təzzar igla Ƴaysa, itaggu təlxtutbat dağ nan n əlğibada ən Kəl-Əlyəhud win n akal ən Yahudəyya.

5

İnəttulab ən Ƴaysa win azzarnen

¹ Əzəl iyyan ibdâd Ƴaysa dağ təşəşwit n agaraw wa n Ganazaret, tətənbədağ fall-as tamattay fəl ad əslin y awal ən Məşşina wa immal.

² İnay Ƴaysa əşşin əğlalan n aman dağ təşəşwit n agaraw. İğlalan win əgmâdan-tan məssawsan, takkasan təjərgənt dağ sangaytan-nasan win as tabəzan kifitan.

³ Təzzar iggaz dağ-san wa n Simğon, igmay dağ-as a din-izzənəkəz fəl təşəşwit, amaran iqqim ad isasağru tamattay.

⁴ As iraz dağ əsəssəğri inna i Simğon: «Akku kay əd midawan-nak dad zagrotan aman, təgərəm sangaytan-nawan, tabəzam kifitan.»

⁵ İnn-as Simğon: «Əşşex, ahad iğrâdan a nəğa nəşğâl eges wər nəbez wala, mişan ya zama adi a tənneğ, adi za ad əgəra sangaytan dağ aman.»

⁶ Əgan awa dasan-inna Ƴaysa, təzzar əbəzan kifitan s awa əgan dağ igət har əbukən sangaytan-nasan y azarru.

⁷ Ad tallafan i midawan-nasan win əhanən ağlal n aman wa hadan y a d-əglin a dasan-ilalan. Osan-du, ədnayan əşşin əğlalan win den har əbukən y ədəkəyyi.

⁸ As inay Simğon Butros awen, issəjad i Ƴaysa, inn-as: «Ya Əməli, nəməggəg dər-i fəlas anasbakkad a əmosa.»

⁹ İnnâ awen fəlas ənta əd midawan-net ketnasan as əhagan xur anay-nasan igət ən kifitan win əbazan.

¹⁰ Eheg wa iga Simxon den, ðnta a iga Yaqub ðd Yaxya win maddanæs en Zabaday dær idrâw æððæxæl. Tæzzar inna Ýaysa i Simxon: «Ad wær tærmæxa, a obazan xur æmæðdda, tæqqalam meddan a sær-i du-za-tawaynen aytedan y a tan-assafsa dað bakkadan-nasan.»

¹¹ Amaran æssoxalan ixlalan-nasan tægadamayt n agaraw, oyyan arat kul ælkaman-as.

Tæmazaq æd Farisaytan

Æzuzæy æn Ýaysa alæs igrâw kætru

¹² Iha Ýaysa axtrem iyyan, as t-inay alæs as tælsa tæwærna en kætru elam-net ketnet. Ikk-ay-du issæjad dat-æs, onsay-tu, inn-as: «Æmæli, as tarex adi, tæfrågað a di-tæzzuzayax, izdaga.»

¹³ Izzal-in Ýaysa æfus-net, idas-tu, inn-as: «Arex adi, æzzey tizdaga!» Amazay wen dað ad izzay dað kætru.

¹⁴ Tæzzar issenkad-tu Ýaysa, inn-as: «Ænøy za, ad wær tæmæla y awedan waliyyan awa igan da, amaran aglu tassaknað iman-nak y ælimam, taga takutay en tazdak ta kay-issæwar æððærixa n ænnæbi Musa, ad iqqæl adi y aytedan tægøyya en tæmæzzæyt-nak.»

¹⁵ Dær iga awen da ya, tægla sallat en Ýaysa tættitæy, tættiddaw fall-as tamattay tagget fæl a das-tæssæsæm, izzuzæy deð xiwærnawen-nasan.

¹⁶ Miðan ðnta, itakku idagga æssufnen y a dað-san ixbæd Mæððina.

Tarna æn Ýaysa

¹⁷ Æzæl iyyan isasaxtu Ýaysa, æqqiman Farisaytan æd musanan n Ættawret a d-ægmædnen xiðarmaten kul ðin n akal en Galilaya æd wa n Yahudøyya æd Yerusalam. As itagga awen Ýaysa igrâw xur Æmæli tarna n æzuzæy n aytedan.

¹⁸ Har d-osan meddan wiyyad misawaynen alæs n anabdon dað tæssut. Ad gammayan a dær-æs æggæzan, æssansin-tu dat Ýaysa.

¹⁹ As dasan-aba tæmæwit as dær-æs æggæzan fæl igæt n aytedan, æwaran afalla en taðazamt, olaman æsæfæl-net, æssærasan-tu dað-as iha tæssut-net har tæssænsan dað ammas en tamattay, dat Ýaysa.

²⁰ As inay Ýaysa æzægzan-nasan, inna y anabdon wen: «Ibakkadan-nak tiwasarafan-ak.»

²¹ Æslan musanan n Ættawret æd Farisaytan y awen xas, ad gannin dað man-nasan: «Ma imos alæs wa itaggin amadraw da? Ma ifragan æsuræf en bakkadan ar Mæððina xas?»

²² Issan Ýaysa awa samadranan, inn-asan: «Mafæl tætihænzæmmem adi dað wallan-nawan?»

²³ Ma ogaran tærxæsay gær i innan: "Tiwasarafan-ak bakkadan-nak" með ak i innan: "Æbdæd jæwænkæt?"

²⁴ Amaran arex a tæssænam as nak Ag Aggadæm æleð dað æddænet tanaya a di-tæðiðawadat ad æsuræfa y awedan ibakkadan-net.» Tæzzar inna Ýaysa y anabdon: «Æbdæd, tædkæla tæssut-nak, takkað axtaywan-nak.»

²⁵ Ibdad alæs wen tamazayt ten da dat aytedan kul, idkal tæssut-net, iqqal ehan-net, immæl Mæððina.

²⁶ Aytedan kul isimaklal sær-san awen wællen. Æmmælan Mæððina, tæh-en tæsa gannin: «Azalada nænây aratan as wær kala ætawanayan!»

Awa inna Ýaysa æs nasbakkadan

²⁷ Igmæd Ýaysa edag en, ogga alæs iyyan igæn esæm Lebi iqqim dað adag wa n æzærzæm n æzræf en takæs, inn-as: «Ælkæm-i.»

²⁸ Ibdad Lebi, oyya awa iha kul, ilkam i Ýaysa.

²⁹ Dæffær awen iga Lebi i Ýaysa imægura zawwarnen dað ahan-net. Ædrawan d aytedan aggotnen en næzzærzæm en takæsen d aytedan wiyyad.

³⁰ Ænayan Farisaytan æd musanan-nasan win Ættawret awen xas gatantanan, ad gannin i nættulab en Ýaysa: «Mafæl tædræwam æd næzzærzæm en takæsen æd nasbakkadan?»

³¹ Inn-asan Ýaysa: «Aytedan wær næfray, wær æddærraran s anasmagal, imiranan a sær-æs æddærranen.

³² Nak wær d-oseð fæl æddælið n aytedan win xur iga as oðadân, kalar æmazal ad-ægeð fæl a d-aðrað inasbakkadan æs tætuðt.»

Awa inna Ýaysa s æzum

³³ Dæffær awen ænnan-as Farisaytan æd musanan n Ættawret: «Inættulab en Yaxya æd win Farisaytan tuzaman faw, tattaran, win-nak amaran tattin sassin.»

³⁴ Inn-asan Ýaysa: «Awak tæfrågam ad tæzzuzæmam ilagatan a xur illa æmazlay?»

- ³⁵ Mišan əlkâman adan a ħur-san z'ammadkal əmazlay. Adan win di, ad uzaman.»
- ³⁶ Ig-asan Ƴaysa tangalt iyyat, inn-asan: «Wər t-illa i du-z-ikkəsan šikəst daħ tabdoq taynayət y a tat-iwət daħ iyyat waššarat, fəlas as iga adi, ad iħšəd tabdoq ta taynayət, šikəst deħ ta daħ-as d-ikkas wər tənnəha əd tabdoq ta waššarat.
- ³⁷ Wər t-illa deħ i z'agin esmad n alħanab aynayan daħ gədad. I igan adi ad abbaqqen gədad win, təzzar affatu daħ esmad əd gədad.
- ³⁸ Kalar esmad n alħanab aynayan, ibəyaħ aynaynen a daħ itawaggu.
- ³⁹ Awedan išwân esmad n alħanab waššaran, wər z'iru dəffər adi tessay ən wa aynayan, fəlas ad annu: "Wa waššaran a izodan."»

6

Ƴaysa d əzəl wa n təsanfawt

- ¹ Əzəl iyyan imosan əzəl wa n təsanfawt ən Kəl-Əlyəhud, ijiwankat Ƴaysa daħ təwəgas n alkama, rassaban-du nəttulab-net šixaxanen, tifəffəren-tanat gər fassan-nasan, tattintanat.
- ² Təzzar ənnan-asan arat daħ Farisaytan: «Mafəl tətəggim arat xarâman daħ əzəl wa n təsanfawt?»
- ³ Ijjəwab-asan Ƴaysa, inn-asan: «Ak teħaray a wər təgem awa iga ənnəbi Dawəd əzəl wa t-iggaz gələk ənta əd midawan-net?»
- ⁴ Awak wərgəħ iguz a iga ehan ən Məššina, idkal šigəlwen šin əmosnen takutay təskâtat i Məššina əs limaman ħas as təxalal tattay-nasnət, itša daħ-asnət, ikfa daħ-asnət deħ aytedan-net?»
- ⁵ Inn-asan Ƴaysa deħ: «Nak Ag Aggadəm a ixkaman fəl əzəl wa n təsanfawt.»
- ⁶ Əzəl iyyan ən təsanfawt ən Kəl-Əlyəhud, iggaz Ƴaysa ehan n əlħibada ən Kəl-Əlyəhud ad isasaħru. Ehan-en ih-ay aləs as immût əfus-net wa n əħil.
- ⁷ Əgaran daħ-as musanan n İttawret əd Farisaytan šittawen fəl ad əssənan kud ad izzuzəy awedan daħ əzəl wa n təsanfawt wala, fəl tara n ad əgrəwan əddəlil əs təxtəst-net.
- ⁸ Ƴaysa ənta issân awa ihan iman-nasan. Inna y aləs was immût əfus-net: «Ənkər, əbdəd daħ ammas n əljəməħat.» Inkar aləs, ibdad.
- ⁹ Təzzar inn-asan Ƴaysa: «Əssistanaq-qawan, awak xalal daħ əzəl wa n təsanfawt igi n arat olâħan meħ igi n a labasan, ereg n awedan daħ təməttant meħ awak šiyyit-net iba-tu?»
- ¹⁰ İssəlal-tan Ƴaysa asawad-net ketnasan, amaran inna y aləs was immût əfus-net: «Əzzəl əfus-nak» İga awa das-inna, izzay əfus-net.
- ¹¹ Arat wen iga daħ-san alham labasan, ad tinəməšiwıran gar-essan fəl awa z'agin i Ƴaysa.

Ƴaysa isasaħru inəttulab-net

İsənnəfrən ən Ƴaysa inəttulab win maraw d əššin

- ¹² Adan en da a daħ ikka Ƴaysa adħax iyyan y a fall-as agu šiwatıwen. İga fall-as əhad iħrâdan itattar.
- ¹³ As əffaw iħra-du inəttulab-net, isannafran daħ-san maraw d əššin, ig-asan esəm inəmmuzal.
- ¹⁴ İsmawan-nasan da: Simħon was iga esəm Butros d amadray-net Andrawəs; Yaqub, Yaxya, Filibus, Bartulamawəs,
- ¹⁵ Matta, Tuma, Yaqub wa n ag Alfay, Simħon was itawannu wa İsəggatakken,
- ¹⁶ Yahuz wa n ag Yaqub əd Yahuz İsxarəyuti wa z'akkaddalan Ƴaysa.

Ƴaysa əd tamattay

- ¹⁷ Dəffər awen izzəbbat dər-san Ƴaysa adħax, ibdad daħ ataħas iyyan a daħ təbdəd tamattay tagget ən nalkıman-net əd tamattay tagget a du-təfələt akal ən Yahudəyya əd Yerusalem əd ħərman win Tir əd Sidon əhanen tagadamayt n agaraw wa zəwwəran.
- ¹⁸ Aytedan en osân-du fəl ad əssəsəman y awa isasaħru Ƴaysa, təwəzuzəyan deħ daħ təwərnawen-nasan. İzzozay daħ-san deħ win əhan kərusuf.
- ¹⁹ Tamattay en ketnet təgammay d ades ən Ƴaysa fəlas tarna t-id-təgammadat təzuzəy-tan ketnasan.

İššin əzzənəfan n aytedan a t-əllanen

- ²⁰ İswad Ƴaysa daħ nəttulab-net, inna: «Təbbilalam kawanay win sallaqqawnen iman-nawan dat Məššina

felas Taḡmar ta n Məššina ši-nawan.

²¹ Təbbilalam kawanay
win iha laz əməmədda
felas ad tayyawanam.
Təbbilalam kawanay
win hallinen əməmədda
felas ad tadzim.

²² Təbbilalam kawanay
win əkyadan aytedan,
əkkâsan-kawan daḡ ammas-nasan,
rabbadan-kawan, ɣaşşadan ismawan-nawan
felas di-təlkəməmə nak Ag Aggadəm.

²³ Dawatat, təfəliwəsam əzəl wədi,
felas tələm arozan aggotnen daḡ jənnawan.
Arat wa dawan-əgan əddi
ənta iman-net a əgan marawan-nasan y ənnəbitan.

²⁴ Mišan kawanay iməggərgas
iket aɣazab iqqâl-awan,
felas awa ərən man-nawan iha ifassan-nawan.

²⁵ Iket aɣazab iqqâl-awan
kawanay win əyyəwənnen əməmədda,
felas ad tullazam.

Iket aɣazab iqqâl-awan
kawanay win dazzinen əməmədda,
felas a daḡ-wan tagu təfəyyawt, talim.

²⁶ Iket aɣazab iqqâl-awan
kawanay win əmmalan aytedan;
a dida a əgan marawan-nasan y ənnəbitan win bahu.»

Tara n aytedan

²⁷ «Kawanay win di-əssəsəmmən amaran, ənnəx-awan: "Iriwat izənga-nawan, ad tətamazalam əlluḡ i win kawan-əkyadnen.

²⁸ Tattarat a igan arraxmat i win kawan-sawarnen allayənat, tansəyam Məššina a igan alxer i win dawan-tagginen taršəxšad.

²⁹ As dak-iqqas awedan, takfaq-qu əmdəd-nak wa hadan. As daḡ-ak irkab awedan əbərnuz-nak, aɣaşşaba-nak da ayy-as-tu.

³⁰ I kay-onsayan takfaq-qu. Ad wər təgməya daḡ awedan a kay-d-issuxəl awa daḡ-ak irkab.»

³¹ «Arat was tərəm a dawan-t-agin aytedan, agat-asan-tu kawanay da.

³² Kud wər tərəm ar aytedan win kawan-əranen, awak ma imos aroz wa za təgrəwam? Wala ark aytedan da ərən aytedan win tan-əranen.

³³ Kud wər tətəggim a olaḡan ar i win dawan-tu-tagginen, awak ma imos aroz wa za təgrəwam? Wala arak aytedan taggin adi.

³⁴ Kud deḡ wər təsəmərwisam ar aytedan win as tordam as a dawan-ərzəman, awak ma imos aroz wa za təgrəwam? Ark aytedan da tinəməkfim imarwasan gar-essan fəlas əssānan as a tan-d-iqqəl awa sammarwasan ketnet.»

³⁵ «Kalar iriwat izənga-nawan, ad tətaggim y aytedan awa olaḡan, tətizəbənəm i win daḡ-wan əgmaynen əzəbəna. Tagim adi ketnet da wər təgəm attama n a dawan-itəwəggu. Əddi ad igat aroz-nawan, təqqələm bararan ən Məššina di n Amadkol fəlas ənta itaggu əlluḡ y aytedan win wər iha agoda əd win maksanan.

³⁶ Təggəzet-kawan təhanint ta təhat Abba-nawan.»

³⁷ «Ad wər tannim ark arat s awedan fəl a sər-wan wər itəwənnu. Ad wər təssəwəram awedan lahan fəl a kawan-wər-itəwəsəwər kawanay da. Sirufat, ad təgrəwam təsureft.

³⁸ Hakkat, ad tətəwakfim. Təsəkət tolāḡat, tədkārat, təssiksakat har təfətənxəl a dawan-z-itəwəggin daḡ səbbətəran-nawan. Təsəkət tas təkkatam y aytedan ənta as dawan-z-ikət Məššina.»

³⁹ Ig-asan deḡ ɣaysa tangalt, inn-asan: «Awak əmədderḡəl ifrāḡ alaway n iyyan əmədderḡəl? As iga adi wərgəḡ ketnasan as z'uden daḡ anu?

⁴⁰ Attalami wər oger əššex-net, mišan attalami kul wa issəxtaman, ad agdu d əššex-net.

⁴¹ Mafəl təhannaya tezawt ta təhat šat n amadray-nak, kay amaran wər din-təgreḡ šiləlt ta təhat šat ta-nak?

⁴² Manëmmök as töganna y amadray-nak: "Ayy-i a dak-ëkkəsəy tezawt ta təhat šat-nak?" As iga awen, kay iman-nak wər təhənnəya šiləlt ta təhat šat ta-nak. Əmunafiq, əkkəs təzzar šiləlt ta təhat šat-nak, əddi ad za tannaflayəy dəy tazawt ta təhat šat n amadray-nak, təkəkəsəy-as-tat!»

⁴³ «Wər t-illa ašək isxân itârawan âratân əbrarnen, wala iyyan wər nəsxə itârawan âratân olaşnen.

⁴⁴ Əkkulluk n ašək âratân-net as itawazday. Wər tənimidan aratan ən fig dəy tazayt, wala dəy itanamad alşanab dəy tamat.

⁴⁵ Awedan wa olaşan, əlluş wa ihan əwəl-net a dəy d-itakkas awa olaşan, mişan anallabus ənta, talbast ta təhat əwəl-net a dəy d-itakkas awa labasan. Awa idkaran əwəl n awedan a d-igammadan imi-net.»

Ənalkim wa n tidət əd wa n bahu

⁴⁶ «Ma fel as di-təgannim: "Əməli, Əməli!" Mişan wər tətəggim awa dawan-ganna?»

⁴⁷ «Awedan kul wa di-d-itasin isasam y awal-in, itamazal s awa ənnəş, a dawan-əmələ awedan wa s tu-z-ammattala.

⁴⁸ İmmittalaq-qu s awedan ikarrasan ehan. İğaz wəllen har ewad təsəlît, ikras-du fall-as ehan-net. Dəffər awen osa-du əngəy issohen, irzak-ku mişan wər t-isammatakway fəlas təsəlît a fəl d-ikras.»

⁴⁹ «Amaran awedan wa isasaman y awal-in mişan wər sər-əs itəmizil, iha əlmital n awedan ikrasan ehan-net da wər t-işez. Osa-du əngəy, istab-as. İbarajjat, iğrad ahluk.»

7

Təhanint n Əlməsix

Əzuzəy ən Yaysa akli ən kabtan iyyan

¹ As iğrad Yaysa emel ən salan win den kul i tamattay en, iggaz təğrəmt ən Kafarnahum.

² Təğrəmt ten ih-et kabtan iyyan ən sojitan n Ərrum ilân akli-net ikna tara irinan, ibuk y iba.

³ As isla kabtan en isalan ən Yaysa, izammazal sər-əs arat dəy muzaran ən Kəl-Əlyəhud fəl a t-ansəyan a d-asu izzuzəy akli-net.

⁴ Osan-in Yaysa, onsayan-tu, ənnan-as: «Aləs a, ihôr a das-tagəy tənəfust ta,

⁵ fəlas irâ tamattay-nana, ənta fadda a danəş-issəkranan ehan-nana wa n əlşibada.»

⁶ Təzzar iddew dər-san Yaysa. As din-ihoz Yaysa ehan, izammazal-du sər-əs kabtan en imidawan-net y a das-annin: «Əməli, ad wər təsəlliyəyəş iman-nak, nak wər əwedəy ad təggəzəş ehan-in.

⁷ Adi da fəl kay-in-wər-oseş nak iman-in. Annu arat şas ad izzəy amaşşaxal-in.

⁸ Əssâna dəy adi fəlas awedan a əmosəş a dəy əttafan wiyyad tanat, əttâfaş-qat nak iman-in dəş sojitan win daw-i əllanen. As ənnəş y iyyan: "Aglu", ad aglu, as ənnəş y iyyan: "Iyyaw", a di-d-asu. As ənnəş y əkli-nin: "agu awa", ad t-agu.»

⁹ As isla Yaysa y awen, isammaklal sər-əs, imalallay-in aytedan win das-əlkammen, inna: «Ənnəş-awan, wala Kəl-İsrayil wər dəş-san ənayəş awedan igân əzəgzan ewâdan wa iga aləs a.»

¹⁰ As din-əqqalan meddan win əmmozalnen ehan, osan-in akli wa irinan izzây.

Əsənkər ən Yaysa əmawad iyyan dəş təmattant

¹¹ Dəffər awen ikka Yaysa ağrəm iyyan igân esəm Nayn, əddewan dər-əs nəttulab-net əd tamattay tagget.

¹² As din-ihoz imi n əğrəm immənay d aytedan aggotnen ewaynen ənəmmettən y a t-in-ənbəlan. Aləs wa n ənəmmettən en, wər təla anna-net ar ənta, abba-net dəş wər idder.

¹³ As tat-inay Əməli təsahhanatat-tu, inn-as: «Ayyu tala.»

¹⁴ İkka-du ənəmmettən, idas təssut ta dəş immeway, əbdadan aytedan win t-ewaynen, təzzar inna: «Əmawad ənnəş-ak: Ənkər!»

¹⁵ İqqim-du aləs wa aba, işşewal, issoşal-tu Yaysa y anna-net.

¹⁶ Ərmaşan aytedan kul, ad əmmalal Məşşina gannin: «Ənnəbi zəwəwəran a d-inafalalan dəş-na, Məşşina osa-du tamattay-net fəl a dəş-as issən.»

¹⁷ Təzzar təffəzzat sallat ən Yaysa dəş akal ən Yahudəyya ketnet, əd kallaan win tu-lalayalaynen.

Yaysa əd Yaxya wa isalmaşan aytedan dəş aman

¹⁸ İğraw Yaxya isalan win den kul şur attalamitan-net. İğra-du əşşin dəş-san,

¹⁹ izammazal-tan s Æmæli Ƴaysa y a das-annin: «Awak kay da was nœqqæl y a d-asu, meƷ ak ad nœssœgœd y iyyan?»

²⁰ As din-osan Ƴaysa, œnnan-as: «Yaxya wa isalmaƷan daƷ aman a dana-d-izammazalan sœr-œk, inn-ak: "Awak kay da was nœqqæl y a d-asu, meƷ ak ad nœssœgœd y iyyan?"»

²¹ AssaƷat ten da iman-net, izozay daƷ-as Ƴaysa aytedan aggotnen daƷ tœwœrnawen œd tœlawayyen œd kœlœsuf, issœswad deƷ imœddœrƷal aggotnen.

²² Ijjœwwab Ƴaysa i meddan win sœr-œs d-œmmozaInnen, inn-asan: «Ëqqœlat Yaxya tœssuœlam-as awa tœnayam d awas tœslam, tannim-as: ImœddœrƷal œhannayan, inœbdan jawanken, aytedan win igraw kœtru œzzayan zaddogan, imzagan œgrawan tesalay, inœmmœttan nakkaran-du daƷ tœmattant, œilœqqawen deƷ sallanat y Ælinjil.

²³ Ibbilal awedan wa wœr igmed œzœƷzan-net fœlas wœr iga aœœak daƷ awa œmosa.»

²⁴ As œƷlan meddan win d-izammazal Yaxya, issœnta Ƴaysa amagrad i tamattay daƷ batu œn Yaxya, inna: «Ma imos arat was tœkkam œsuf y a tu-tœnœyam? Awak telant isiwœliwil aœu? Kala!

²⁵ DaƷ adi ma tœkkam y a t-id-tœnœyam? Awak alœs ilsân tabdoƷ tœknat œihussay? Kala! Ænœyat za aytedan win œlsanen tabdoƷ ta tœhossayat, œƷân deƷ tœmœddurt daƷ œnniflayan, inan œn mœnokalan a œhan.

²⁶ Adi za ma tœkkam y a t-id-tœnœyam? Awak œnnœbi? Wœllen z'œs œnnœbi. Amaran Yaxya oƷar tiœit n œnnœbi fadda.

²⁷ Fœlas Yaxya œnta a fœl œnnan Ælkœttaban: "*Ænœy za a dat-œk assaglay anammazul-in a z'œknin tarrayt-nak.*"

²⁸ Ænnœœ-awan, wœr kala a d-ihœw awedan oƷaran Yaxya; dœr iga awen da wala Ʒas wa oƷaran tœmmœdrœyt daƷ TaƷmar ta n Mœœœina, da oƷar Yaxya.»

²⁹ Aytedan win œslanen y awal œn Yaxya, harkid nabazan n amana, kul œqbalan as tarrayt ta n Mœœœina œnta a toƷadat, adi a fœl œrœan issœlmaƷ-Ʒan Yaxya daƷ aman.

³⁰ Miœan Farisaytan œd musanan n Ættawret, œntanay œssœknan œs tuƷoyt ta œƷan s a tan-issœlmœƷ Yaxya daƷ aman, iba œn tœrœddawt-nasan s awa ixtas Mœœœina.

³¹ Inna Ƴaysa: «Mas z'ammatalaƷ aytedan n azzaman win nœha da? Awak ma dœr olan?

³² Olân œd bararan œqqimnen daƷ œssuk tinœmœœrin gannin:

"Nœwat-awan tende,

miœan wœr tœwœƷam!

Nœœ-awan isakkan œn tœfœyyawt,

miœan wœr tœlem!"»

³³ «Ænnœœ-awan adi fœlas Yaxya wa isalmaƷan aytedan daƷ aman as d-osa, issigat œzum wœr isœssu deƷ esmad n alœanab, tœnnam aggœsuf a t-izdaƷan.

³⁴ Amaran, nak Ag Aggadœm œse-du, œtatta œsassa, miœan tœnnam: "Ænawat alœs wen n amawwalay en, isassin esmad s igœt, imos œmidi œn nabazan œn takœsen d ark aytedan!"»

³⁵ Masnat ta du-tœfalat Mœœœina amaran, aytedan kul win œhanen tarrayt ta n Mœœœina, œntanay a sataddinen aqqad-net.

Agaraw wa tœƷa tœntut iyyat tœsureft œn bakkadan-net

³⁶ Igmay Farisay iyyan daƷ Ƴaysa a Ʒur-œs atœu. Tœzzar ika Ƴaysa ehan œn Farisay wen, saƷƷamaran ad tamansawan.

³⁷ Wala a ihogan tœraz-du tœntut iyyat œn tanasbakkadt tœhât aƷrœm en da, tœslât as Ƴaysa imigarat i Farisay wen. As du-tosa tewœy butalay n alwardi.

³⁸ Tœmal-du dœffœr Ƴaysa, Ʒur daran-net ad tœhallu har tœssœbdag idaran œn Ƴaysa œs mœttawan-net, tœmmas-tan œs jœkkad-net. A dasan-tœtamallat tœnaqqal fall-asan alwardi.

³⁹ As inay Farisay wa isimuguren Ƴaysa awen, inna daƷ man-net: «Ænnar imos alœs a œnnœbi, issœn as tœntut ta tu-tœddasat da, tanasbakkadt.»

⁴⁰ Inn-as Ƴaysa: «SimƷon, a dak-annay arat.» Inn-as SimƷon: «œiwœl, Æœœœ!»

⁴¹ Inn-as Ƴaysa: «Kala a t-illa alœs iyyan irwœsan œœœin meddan. Iyyan irwœs-tu sœmmosat tœmad œn tamma n œzrœf, wa hadan irwœs-tu sœmmosat tœmœrwœn.

⁴² Dad wœr œlen as œrzaman, oyy-asan awa tan-irwas. Awak ma tœnnœœ mœni daƷ-san wa tu-z-iren wœllen?»

⁴³ Inn-as SimƷon: «OrdeƷ as was oyya œmarwas wa aggen.» Inn-as Ƴaysa: «Tidœt-nak.»

⁴⁴ Amaran imalallay-in tantut tœzzar inna i SimƷon: «TahannayaƷ tantut ta? As d-œggazœƷ ehan-nak wœr di-tœkfœy aman œs œœœorada idaran-in, miœan œnta tœssœbdakan œs mœttawan-net tœmas-tan œs jœkkad-net.

⁴⁵ As d-osey ehan-nak wər di-du-tæssəlkada, mišan ənta a d-osey tətamallat i daran-in fəl saḡmar a di-təga.

⁴⁶ Kay wər təzwayay əyaf-in, mišan ənta idaran-in a fəl tənḡal alwardi.

⁴⁷ Adi a fəl dak-ənnəy: tara zəwwərat ta di-tæssəkna təsətadda as ibakkadan-net tiwasarafan-as kul kuddeḡ əggətan; mišan awedan wa igrawan təsurreft n a əndərran, ənta tara-net ši əndərrat.»

⁴⁸ Təzzar inna Ḡaysa i təntut ten: «Ibakkadan-nam tiwasarafan-am.»

⁴⁹ Ad gannin aytedan win dər-əs ədrawnen imensewan daḡ man-nasan: «Ma imos wa daḡ awedan as wala ibakkadan isuruf-tan y aytedan?»

⁵⁰ Amaran inna Ḡaysa i təntut ten: «Əzəgzan-nam a kam-iḡlasan, aglu daḡ alxer.»

8

Ḡaysa isasaḡru əs tangalen d əlmitalan

Aytedan win tidawnen əd Ḡaysa

¹ Dəffər awen illil Ḡaysa iḡərman əd təḡarmaten immâl y aytedan Əlinjil, imosan isalan ən Taḡmar ta n Məşşina. Əddewan dər-əs nəttulab-net win maraw d əşşin.

² Iddew deḡ əd tədoden as šiyyad kələsuf a daḡ-asnat ikkas, šiyyad šiwərnawen a daḡ-qanat izzozay. Əmosnat Maryama Madəl, s ənta a d-əḡmadan əssa kələsuf,

³ əd Jannata ta n təntut ən Xuza wa innəttafan əd taḡawşiwen n əmənokal Herod, əd Suzana əd šiyyad şidoden aggotnen. Ketnasnat ədhâlmat Ḡaysa əd nəttulab-net s awa əlanat.

Əlmital wa n əmagyak

⁴ Wər t-illa əḡrəm a du-wər-gəmmədan aytedan takkin-du Ḡaysa, təzzar təga fall-as tiddawat tagget, ig-asan əlmital wa:

⁵ «Kala ad igla əmagyak iyyan y ad inbəl amasa-net. Daḡ anabal wa itaggu den imosan anabas n amasa, ərtaknat təblalen šiyyad fəl tama ən tarrayt, təzzar əkkokalan daḡ-asnat aytedan, ətşan-tanat gəqəd.

⁶ Şiyyad ərtaknat daḡ adag əhanat təhun. As d-əḡmadnat, əqqurnat fəl iba ən bəddug.

⁷ Şiyyad ərtaknat daḡ təfəssaḡ, ədwəlnat dər-əsənat, əlmaznat-tanat.

⁸ Şiyyad ərtaknat daḡ amadəl olâḡan, təzzar ədwəlnat. Əkkulluk ən təblalt terəw temeday n iyyat.» As inna Ḡaysa awen idkal əməsli-net inna: «Wa isallin, isəsəmet!»

Ma fəl isasaḡru Ḡaysa s əlmitalan?

⁹ Dəffər awen əssəstanan-tu nəttulab-net d əlmaḡna n əlmital wa iga den.

¹⁰ Inn-asan: «Kawanay təḡrəwam masnat daḡ əssiran ən Taḡmar ta n Məşşina, mišan aytedan win hadatnen tangalen as dasan-ittəmal əssir wa, fəl ad iqqəl as "əswādan, mišan wər hənnəyan; əssisaman mišan wər gərrin."»

Əlmaḡna n əlmital wa n əmagyak

¹¹ Iгла Ḡaysa işşewal, inn-asan: «Əlmital wədi əlmaḡna-net da: amasa əlmital a imos n Awal ən Məşşina.

¹² Amasa wa irtakan fəl tama ən tarrayt, əlmital a imos n aytedan win əslanen y awal ən Məşşina, mišan ad d-asu Iblis ikkəs-tu daḡ wallan-nasan fəl ad wər əzzəgzənan, əḡrəwan efsan.

¹³ Amasa wa irtakan daḡ təhun, əlmital a imos n aytedan win əslanen y Awal ən Məşşina, əqbəlan-tu əs man filawasnen, mišan wər ila awen ekay, əzəgzan-nasan wər itihag. As tawajarraban, a tan-igməd.

¹⁴ Amasa wa irtakan daḡ təfəssaḡ, əlmital a imos n aytedan win əslanen y awal ən Məşşina əqbəlan-tu, mišan as tan-ədgəzan aşşawaşatan n əddənət əd tara n əddənət d arak deranan, əssəfalan-du dənnəg awal wen, ad igdəl awen y əzəgzan-nasan alkamalat.

¹⁵ Amasa wa irtakan amaran daḡ amadəl olâḡan, əlmital a imos n aytedan win əslanen y awal ən Məşşina əlân iwallan olâḡnen lammədnən, təzzar əqbəlan-tu, əttəfan-tu s əlluḡ, təḡmad-tan-du tənfa fəlas əzmāran y arat kul.»

Tangalt ta n fətəla

¹⁶ Inn-asan Ḡaysa deḡ: «Wər t-illa awedan isarḡin fətəla təzzar isəbbənbəy fall-as əḡəzu madəḡ ag-et daw tessat. Kalar əşiləy a tat-itaggu təşəşşiləyt-net fəl ad ənəyan aytedan win du-taggzanən ehan s ənnur-net.

¹⁷ Wær t-illa a ixbâran æs wærgex ad affaggu, wala iyyan istâran æs wærgex a d-inænfilël, itewæssæn ezal a mallan.

¹⁸ Daḡ adi ænkêdat y æmmæk was tæsasamam. Awedan wa ilan, a das-itewæšitu awa ila; wa wær nêla amaran, arat n awas iḡil il-ay da a daḡ-as attarmas.»

Imarwan ən Țaysa win tidæt

¹⁹ Tosa-du anna ən Țaysa æd mædrayan-net, mišan orn-en a t-in-awedan fæl igæt ən tamattay.

²⁰ Itawann-as: «Anna-nak æd mædrayan-nak ebdâdan-ak, ærân anay-nak.»

²¹ Mišan inn-asan Țaysa: «Anna-nin æd mædrayan-in aytedan win sasammen y awal ən Mæššina, tamazalan s awa inna.»

Tarna ən Țaysa

Țaysa ila tarna fæl aḡu

²² Ɛzæl iyyan iggaz Țaysa aḡlal n aman ænta æd nœttulab-net. Inn-asan: «Næḡræset agaraw æs tagadamayt-net ta hadat.» Tæzzar æḡlan.

²³ Ɛḡlân fæl aman as din-ibaz etæs Țaysa. Wala a ihogan igar-du aḡu issohen fæl agaraw, ad idakkar æḡlal aman, æggazan zega n a tan-atšin aman.

²⁴ Ɛhozan-du nœttulab Țaysa, a tu-sankaran daḡ etæs, gannin as: «Ɛššex, Ɛššex, nœhlak.» Inkar-du Țaysa isannarḡam y aḡu æd tanazzamaren takkinen ijønnawan, tæzzar ibdad aḡu, idrar arat kul.

²⁵ Amaran inn-asan Țaysa: «Ma iga æzægzan-nawan?» Issirmaḡ-ḡan awen, isimaklal sœr-san. Ad tinæmœnnin: «Ma imos wa daḡ awedan as wala aḡu d aman ittáf daḡ-san tanat?»

Țaysa ila tarna fæl kælœsuf

²⁶ Dœffær awen ewadan-in akal ən Garassenatan inimaḡlayan agaraw d akal wa n Galilaya.

²⁷ Da da ḡas a d-izzæbbat Țaysa aḡlal n aman ænta a das-d-issælkad alæs iyyan æhân kælœsuf. Alæs wen in æḡræm ihan akal en da. Iræw as issænsa isælsa, igmad aḡaywan, ixsar daḡ zækwan.

²⁸ Inay Țaysa ḡas, ad itakkas imaslan labasnen, tæzzar issæjad i Țaysa, idkal æmæslinet wællen inna: «Ța Țaysa wa n Barar ən Mæššina di n Amadkol ma daḡ-i tareḡ? Onsâyaḡ-ḡay a di-wær-tæzæḡḡæba.»

²⁹ Innâ awen fêlas Țaysa a omaran æggæsusuf wa t-ihan s a t-id-igmæd. Iyyewan-du sœr-æs æggæsusuf en æsænkær, karradan-tu aytedan æs sassaran æd tæzabagawen mišan ad iḡtæs awen kul, awæy-tu æggæsusuf s æsuf.

³⁰ Issæstan-tu Țaysa, inn-as: «Ma esæm-nak?» Ijjiwwab-as inn-as: «Esæm-in Egan.» Inn-as alæs en awen fêlas kælœsuf æggotnen a t-æhanen.

³¹ Ad tansayan kælœsuf win t-æhanen Țaysa a tan-wær-issuku anu wa wær nêla eder.

³² Illât-tu æsægæn æggen ən ladayan ædânnen fæl tasaga ən tœkašwart. Onsayan kælœsuf Țaysa y a tan-akfu turagat n ad æggazan iladayan en, ikf-asan-tat.

³³ Ɛḡmadan kælœsuf alæs en, æggazan iladayan. Tæzzar ozalan-du ladayan fæl azagada ən tœkašwart ad titærægtærigan daḡ agaraw, tattan-tan aman.

³⁴ As ænayan madanan ən layadayan awa igan den, ozalan, ægan isalan n awen daḡ æḡræm en æd ḡælœyḡelayan-net.

³⁵ Ɛḡlan aytedan y ad ænayan awa igan. As din-osan Țaysa ogazan-in ḡur-æs alæs wa æḡmadan kælœsuf, iḡqim ḡur daran-net, ilsâ, tæqqâl-t-idu dex tayttay-net, tæzzar tæggaz-tan tasa.

³⁶ Ɛgan daḡ-san aytedan win æḡæyyatnen y awen isalan n æmmæk was itawasafsa alæs wa daḡ tawakkasan kælœsuf.

³⁷ Mišan ænkaran-du aytedan kul win akal ən Garassenatan ad gammayan daḡ Țaysa a tan-ugag fêlas tasa a tan-tæggazat zæwwærat. Iggaz Țaysa aḡlal n aman iḡqal.

³⁸ Onsay-tu alæs wa æḡmadan kælœsuf ad t-ayyu a dær-æs idaw, mišan issoḡal-tu Țaysa inn-as:

³⁹ «Ɛḡḡæl ehan-nak, tœmœla y aytedan iket n arraxmat ta dak-iga Mæššina da.» Tæzzar igla ad immal daḡ æḡræm en ketnet arat kul wa das-iga Țaysa.

Țaysa ila tarna fæl tæwærnawen æd tæmattant

⁴⁰ As iḡqal Țaysa æsælim wa hadan n agaraw, tæssælkad-as-du tamattay as ketnet tæqqâl-as.

⁴¹ Alwaq wen da a d-osa aləs iyyan igân esəm Jayxus imosan iyyan daɣ muzaran n ahan n əlxibada wa n Kəl-İlyəhud ən təxrəmt ten. Issəjad dat Ƴaysa, ad t-itansay ad idawan s ahan-net,

⁴² fəlas elles təmosat wəlat maraw elan d əššin, s ənta ɣas a ila, a təbukat y iba.

İddew dər-əs Ƴaysa, tətanabdaɣ fall-as tamattay.

⁴³ Tamattay en təh-et təntut təgāt maraw elan d əššin igammad-tat əzni. Tənɣa təlanet kul daɣ nasmagalana, mišan wər t-illa awedan ifrāgan əzuzəy-net.

⁴⁴ Təhoz-du Ƴaysa sa sər təxərden, tədas təbənək ən təkadkat-net, izzəkəkət əzni wa tat-igammadan tamazayt ten da. Təzzay.

⁴⁵ Təzzar inna Ƴaysa: «Ma di-idasan?» İggad awedan kul as t-idās, amaran inn-as Butros: «Əššex, tamattay a ketnet as kay-taɣalayɣalay, təsās-kay.»

⁴⁶ Mišan ya inna Ƴaysa: «Awedan iyyan idās-i fəlas əfrāya i tarna iyyat as di-təgmad.»

⁴⁷ As təssan təntut ten as təffigga, təkka-du Ƴaysa təndaw-tat taysəst, təssəjad dat-əs, təmal-as dat aytedan kul əddəlil wa fəl tu-tədas əd təməzzəyt ta təga tamazayt ten da.

⁴⁸ Inn-as Ƴaysa: «Tabarart-in, əzəgzan-nam sər-i a kam-izzozayan, aglu daɣ alxer.»

⁴⁹ Harwada işşewal Ƴaysa as d-osa awedan iyyan a d-ifalan aɣaywan ən Jayxus wa n əmuzar n ahan wa n əlxibada ən Kəl-İlyəhud, inn-as: «Allek aba-tat, mazzay d əddaguz n Əššex.»

⁵⁰ İsla Ƴaysa y awen, inna i Jayxus: «Ad wər tərməɣa, zəgzan ɣas, allek ad təzzəy.»

⁵¹ As din-ewad Ƴaysa ehan ən Jayxus, igdal y aytedan ad t-əggəzan, wər oyya ar Butros əd Yaxya əd Yaqub d abba ən təbarat d anna-net.

⁵² Aytedan kul win əllanen den, hallan, sikalalan fəl təbarart mišan inn-asan Ƴaysa: «Ayyiwat tala, təbarart wər tat-aba, etəs ɣas a təga.»

⁵³ A daɣ-as tajaban fəlas əssānan as wər tədder.

⁵⁴ Təzzar iggaz Ƴaysa fəl təbarart, ibaz əfus-net, iɣr-et, inn-as: «Tabarart ənkər-du!»

⁵⁵ Əqqalan-tat-du man-net təbdad-du daɣ tamazayt ten da, təzzar omar-tan Ƴaysa s a tat-akfin a tətša.

⁵⁶ Əhagan marwan ən təbarart, mišan irɣam-asan Ƴaysa fəl amel n awen y awedan waliyyan.

9

Ƴaysa əd nəttulab-net win maraw d əššin

Əzəmmizəl ən Ƴaysa inəttulab-net

¹ İɣra-du Ƴaysa inəttulab-net win maraw d əššin, ikf-en tarna d əlxəkum fəl kələsuf kul, ikf-en deɣ fərregat n əzuzəy ən təwarnawen.

² İzammazal-tan y ad agin isalan ən Taɣmar ta n Məššina, əzzuzəyan deɣ imiranan.

³ Inn-asan: «Ad wər tawəyam wala daɣ əşikəl, gər z'iqqal tallaq wala aɣrəg, wala allaw, wala azrəf, wala deɣ a okāyan təkadkat iyyadda.

⁴ As din-tosam aɣrəm, ehan wa təggazam isammagarat-kawan, zabbat daɣ-as har təgmədam aɣrəm wədi.

⁵ Aɣrəm təggazam wər kawan-əqbelan aytedan-net, as tu-təgammadam təbbikbakam-in əgodrar-net wa iwaran idaran-nawan, ilkām ad əggayyat awen fall-asan.»

⁶ Əqlan nəttulab, əllilan şixarmaten, ad əmmālan Əlinjil daɣ adag kul, zuzəyan daɣ-as deɣ imiranan.

İduf wa iga Herod daɣ Ƴaysa

⁷ İsla Herod wa n əmuzar n akal ən Galilaya aratan kul win itaggu Ƴaysa əd nəttulab-net, iqqan awen əɣaf-net fəlas əllan-tu aytedan ganninen əs Ƴaysa: «Awen Yaxya wa isalmaɣan aytedan daɣ aman a d-inkaran daɣ təmattant.»

⁸ Wiyyad gannin: «Awen ənnəbi İlyas a d-izzəbben.» Wiyyad deɣ gannin: «Awen iyyan daɣ ənnəbitan win ərəwnən a d-inkāran daɣ təmattant.»

⁹ Inna Herod: «Yaxya, nak iman-in a d-issəfrasan əɣaf-net, daɣ adi ma imos aləs wa fəl sallaɣ aratan win?» Ad igammaɣ Herod d anay ən Ƴaysa.

Əšətši ən Ƴaysa səmmos gim n aləs

¹⁰ Əqqalan-du nəmmuzal, əsoɣalan i Ƴaysa awa əgan kul. Təzzar igmad dər-san aytedan s adag issufan a din-ikitayyen, ihan anamod ən təxrəmt ta n Betsayda.

¹¹ Mišan təsla tamattay awen, təkam-as. İg-asan Ƴaysa marxaba, təzzar işşewal-asan daɣ salan ən Taɣmar ta n Məššina, izzozay daɣ-san win əddərarnen s awen.

¹² As tɔbuk tɔfuk y agadal, əhozan-t-idu nɛttulab-net win maraw d əššin, ənnan-as: «Suyəl tamattay a, ad takku šixarmaten əd ɟawnatan win əhoznen, ad tɔgməy id tɛnsa d a tɛtša fɛlas edag issufan awa.»

¹³ Inn-asan: «Satšat-tan kawanay iman-nawan da!» Ənnan-as: «Nakkanay wɛr nɛttef ar sɛmmosat tɔgɛlwen d əššin kifitan, kundaba za ad nɛglá nazzanza-du imɛsewan i tɛxlək a kul.»

¹⁴ Edag ən sɛmmos gim n aləs a ɛllanen den. Inna Ƴaysa i nɛttulab-net: «Saxɟamiwat aytedan kul, tagim-tan šiximten ən sɛmmosat sɛmmosat tɛmɛrwen n awedan.»

¹⁵ Əgan nɛttulab awen da, saxɟaman aytedan kul.

¹⁶ Təzzar idkal Ƴaysa sɛmmosat tɔgɛlwen šin den d əššin kifitan win, iggəzzay ijənnawan, iga igodan i Məššina amaran ikaramkaram šigɛlwen šin, iga awen da i kifitan, ikf-en i nɛttulab-net y a tan-uzanan i tamattay.

¹⁷ Ətšan aytedan en ketnasan har əyyəwanan. Tawašadawan-du karammutan win du-tawaglaznen, tawadnayan daɟ-san maraw əzmaman d əššin.

Awa inna Butros əs Ƴaysa

¹⁸ Əzəl iyyan itattar Ƴaysa ɟas-net, wɛr ɟur-əs illa ar inɛttulab-net, dəffər awen issəstan-tan, inn-asan: «Awak daɟ iduf n aytedan, ma əmosa?»

¹⁹ Ənnan-as: «Wiyyad a gannin Yaxya wa isalmaɟan aytedan daɟ aman a tɛmosa, wiyyad a gannin: ənnəbi Ilyas, wiyyad deɟ a gannin iyyan daɟ ənnəbitan win ərəwnen a d-inkəran daɟ tɛmattant.»

²⁰ Təzzar inn-asan: «Kawanay za ma tənnam ma əmosa?» Inn-as Butros: «Əlməsix ən Məššina a tɛmosa.»

²¹ Issənkad Ƴaysa nɛttulab-net, omar-tan s ad wɛr əməlan y awedan waliyyan isalan win den.

²² Inn-asan: «Nak Ag Aggadəm ilzâm-i ad ənəyax arkanay aggen, unkaran-i muzaran ən Kəl-Əlyəhud əd muzaran ən limaman əd musanan n Əttawret, tɔwəggin man-in, ənkəra-du deɟ daɟ tɛmattant əzəl wa n karad.»

Ləkkum i Ƴaysa

²³ Dəffər awen inn-asan ketnasan: «Wa iran a di-ilkəm, wədi igmədet tara ən man-net, agu imateran-net idkl tɔgəttawt-net akk əzəl, ilkəm-i.

²⁴ Əssənət as awedan wa wɛr nɛgəmməy ar aggaz ən man-net, wədi ad t-əgmədan, mišan wa iqbala ad t-əgmədan fəl əddəlil-in, wədi ad iɟləs.

²⁵ Ma z'aknu y awedan ad igrəw əddənət ketnet, ənta issixrak iman-net, iffota daɟ alaxirat?»

²⁶ Awedan kul wa isakkarakad ləkkum y-i, madəɟ isikarakad-tu əsuɟəl n awal-in, wədi nak da, Ag Aggadəm, a di-isəkkərəkəd əlqəbulat-net əzəl wa du-z-əqqəla aheɟ tanayanin, tɛmosat tanaya ta n Abba, tɛmos deɟ ta n angalosan a zaddognen.

²⁷ Əggəyyəɟ əsilakanax-awan as, wiyyad daɟ-wan əbdādnen da da, wɛr tan-z-iba wɛr ənayan Taɟmar ta n Məššina.»

Ətəwənay ən tanaya ən Ƴaysa

²⁸ Edag n əttam adan dəffər igi wa dasan-iga Ƴaysa batuten šin den, inkar iddew əd Butros əd Yaxya əd Yaquub s ədɟax iyyan fəl a fall-as ansəy Məššina.

²⁹ Itattar den da as imməttay udəm-net, təzzar əgan səlsa-net tɛməllay tətassamat.

³⁰⁻³¹ Əhinan-in oggân ənnəbi Musa d ənnəbi Ilyas daɟ tanaya ən Məššina, mišawalan əd Ƴaysa daɟ batu n agamad wa z'agu əddənət a z'attaddin daɟ Yerusalem əs tɛmattant-net.

³² As itaggu awen Butros əd midawan-net ibâz-tan-in etəs. As d-ənkaran ənayan tanaya ən Ƴaysa, ənayan deɟ əššin meddan win dər innəbdad.

³³ As iggaz ənnəbi Musa d Ilyas šin əgəlli, inna Butros i Ƴaysa: «Əššex, olâɟ as nəlla da. Əndawat ad nəkrəs karad həktan: iyyan i-nak, iyyan in Musa, iyyan in Ilyas.» Wɛr issen Butros a igannu den.

³⁴ Igannu Butros awen da as du-tənafalal tɔgarak iyyat, təlsa Ƴaysa d ənnəbitan əššin win dər innəbdad. As təlsa Butros əd midawan-net, tɔggaz-tan tasa.

³⁵ Igməd-du əməsli tɔgarak ten, inna:

«Awa Barar-in
wa sannafranax,
səsəmat-as.»

³⁶ As tənda batu ten, wɛr hənnəyan nɛttulab ar Ƴaysa. Əffəstan fəl awen, wɛr t-illa awedan əs t-əmâlan daɟ adan en.

Əzuzəy ən Ƴaysa barar iha aggəsuf

³⁷ As əzəl wa ilkaman i wen, izzəbbat-du Ƴaysa əd nəttulab-net win karad en adɣaɣ, təzzar təssəlkad-as-in tamattay tægget.

³⁸ Wala a ihogan idkal aləs iyyan daɣ ammas ən tamattay en əməsli-net, inna: «Ya Əşşex, onsayaq-qay a di-təhənəttex i barar-in, ənta ɣas a ələɣ.

³⁹ Aljayn a t-itabazan, təzzar ad izayyak, itizəbərdil, isakafkaf. Gərrid as t-itayyu, issikn-ay alɣazab.

⁴⁰ Onsəyaɣ inəttulab-nak a daɣ-as t-əkkəsən, indar-asan.»

⁴¹ Təzzar inna Ƴaysa: «Xa! Iket iba n əzəgzan d əşşur daɣ aytedan n azzaman a! Awak har əmmay əddewa dər-wan, əzmâraɣ-awan? Awəy-du barar-nak.»

⁴² As d-ihoz barar Ƴaysa, iggədl-ay aggəsuf, ad itizəbərdil. Iharaşşat Ƴaysa aggəsuf, ikkas-tu daɣ barar, izzay, issoɣal-tu y abba-net.

⁴³ Aytedan kul təsimaklal sər-san təzzəwwərt ən tarna ən Məşşina.

Emel ən Ƴaysa təmattant-net

Harwada isimaklal s aytedan arat kul wa iga Ƴaysa den, as inna i nəttulab-net:

⁴⁴ «Təggəzet batu ta şiməzzugen-nawan, təttafam-tat: "Nak Ag Aggadəm əjwəra ad əggəzaɣ ifassan n aytedan."»

⁴⁵ Mişan wər əgren batu ta dasan-iga den, ittinkal-asan almaɣna-net fəl a tat-wər-agrin, amaran tah-en tasa n əsəstan-net.

Tamazaq gər nəttulab

⁴⁶ Tənkər tamazaq gər nəttulab ən Ƴaysa daɣ batu ən wa daɣ-san ogaran almaqam.

⁴⁷ Issân Ƴaysa awa samadranan, a di fəl d-idkal arat ən barar iyyan issəbdad-tu dəgma-net,

⁴⁸ amaran inn-asan: «I iqbalan barar a, fəl əddəlil-in, nak a iqbal. I di-iqbalan deɣ, wa di-d-izammazalan a iqbal. Wa daɣ-wan wər nəmos arat, ənta a zəwwəran.»

Əsəstan daɣ batu n aləs itakkasan kələsuf daɣ aytedan

⁴⁹ Inna Yaxya i Ƴaysa: «Əşşex, nənəy aləs iyyan itakkasan kələsuf daɣ aytedan s esəm-nak, nənn-as ad wər iləs igi n awen, fəlas wər danaɣ-ihə əs ləkkum y-ak.»

⁵⁰ Inn-as Ƴaysa: «A das-tu-wər-təgdəlam, fəlas i wər nəgəmməy təkma-nawan, wədi əmidi-nawan.»

Iki ən Ƴaysa Yerusalam

Arat wa ilzaman ənalkim ən Ƴaysa d alak wa das-ınsan

Tugəyt ən təxrəmt iyyat ən Samarəya s əlqəbulat ən Ƴaysa

⁵¹ As d-əhozan adan win daɣ z'assandu Ƴaysa arat wa ixtas Məşşina, a t-imosan əmədkəl-net əs jənnawan, isaggatakkat y iki n əxrəm ən Yerusalam.

⁵² Issəgla inammazalan dat-əs, əkkən təxrəmt iyyat n akal ən Samarəya y a das-aknin edag n əzəbbi.

⁵³ Mişan ugayan aytedan ən təxrəmt ten s a dasan-iməgürət fəlas ikkâ Yerusalam.

⁵⁴ As inay Ƴaqub əd Yaxya win nəttulab-net awen, ənnan: «Əməli, tareɣ ad nannu i təmsay a fall-asan du-tazzabbat, təsərrəkəmmət-tan?»

⁵⁵ İmalallay-tan-in Ƴaysa, isannarɣam-asan,

⁵⁶ təzzar okayan əs təxrəmt iyyat.

Awa ihan ləkkum i Ƴaysa

⁵⁷ İwanken as inna aləs iyyan i Ƴaysa: «A dak-əlkəma s adag kul wa təkke.»

⁵⁸ Inn-as Ƴaysa: «İzaqazan əlän enwan, igədad deɣ əlän şisəllula, mişan nak Ag Aggadəm wər ələɣ wala edag daɣ əssənsə eɣaf-in.»

⁵⁹ Inna Ƴaysa y iyyan aləs: «İlkəm-i.» Təzzar inn-as: «Əməli, akf-i turagat n ad agla har din-ənbələɣ abba-nin təzzar.»

⁶⁰ Mişan inn-as Ƴaysa: «Ayyu inəmməttan ad ənbəlan inəmməttan-nasan, kay amaran, aglu taga y aytedan isalan ən Taɣmar ta n Məşşina.»

⁶¹ Inn-as iyyan aləs: «Əməli, areɣ a dak-əlkəma, mişan akf-i turagat n ad nəməgga d aytedan-in şiwatriwen təzzar.»

⁶² Inn-as Ƴaysa: «Awedan wa issəntan daɣ ləkkum y-i, mişan wər iga awen s əwəl iyyanda, wədi wər ihor əd Taɣmar ta n Məşşina.»

¹ Dæffær awen isannafran Æmæli wiyyad inættulab æmosnen æssayat tæmærwæn d æššin, izammazal-tan s æššin æššin y a das-in-izaran æs ƣærmæn æd daggan win as ibuk y a tan-immær.

² Inn-asan: «Ƨarat tæggæt, mišan wær æggætæn maššaƣalan win tat-z-alæynen. Daƣ adi ættærat s esøm æn mæššis æn ƣarat ta, a d-assaglu imaššaƣalan a tat-olaynen.

³ Aglat! Zimazalaq-qawan tæmosam zun jamaræn æhanen ammas æn ridalan.

⁴ Ad wær tawøyam azræf wala aƣræg wala tæsæsæl ta n sanatat. A kawan-wær-sællulen assalaman daƣ tarrayt.»

⁵ «Ehan tæggazam, tægæram fall-as assalam tæzzar.

⁶ Kud ih-ay awedan n alxer, wædi a kawan-iqbæl, igræw alxer-nawan. Kud deƣ wær t-iha, wædi takøyam d alxer-nawan.

⁷ As tægrawam ehan n awedan n alxer, tæxsæram daƣ-as. Tatšim, tašwim awa kawan-itawakfan, fælas amaššaƣal kul ihor d alxaq-net. Ad wær tilalam inan.»

⁸ «Aƣræm a din-tosam deƣ æqbalan-kawan mæssawæs, tatšim arat was kawan-sammagaren,

⁹ tæzzuzøyam imiranæn win t-æhanen, tæzzar tannim y aytedan-net: "Taƣmar ta n Mæššina tæhöz-kawan-du."

¹⁰ Mišan aƣræm a din-tosam wær kawan-æqbelæn mæssawæs, ilalat tarrayen-net tægannim:

¹¹ "Tæggiyem as wala aboƣƣa n æƣræm-nawan wa iwaran idaran-nana da næbbikkakk-in, mišan æssænæt as Taƣmar ta n Mæššina tæhöz."

¹² Ænneƣ-awan, æzæl wa n tabadday, aytedan n æƣræm wædi, ad agin alƣazab oƣaran wa z'agin win æƣræm wa n Sædom.»

¹³ «Iket alƣazab iqƣâl-awan kæl-aƣræm æn Koradzin! Iket alƣazab iqƣâl-awan kæl-æƣræm æn Betsayda! Fælas tælmæxjujaten šin ƣur-wan æganen ænnar ægânæt daƣ æƣræm æn Tir æd wa n Sidon, wædi iræw as æƣƣanan isælsa æn bæhu æƣƣiman daƣ eƣæd, imos awen æsænnæfilæl n as æhdæn.

¹⁴ Awen daƣ a fælas, alƣazab wa za tagim æzæl wa n tabadday ad agær wa z'agin aytedan n æƣræm æn Tir æd wa n Sidon.

¹⁵ Kawanay aytedan n æƣræm wa n Kafarnahum, adis ad tæmmadkalam s aljannat? Kalar Jahannama a daƣ za tætwægaram.»

¹⁶ Inna ƶaysa deƣ i nættulab-net: «Awedæn wa dawan-issæsaman, nak as issæsam; wa kawan-inkuran deƣ, nak a inkur. Amaran wa di-inkuran, wædi wa di-d-izammazalan a inkur.»

Tewaylay æn nættulab æn ƶaysa win æssayat tæmærwæn d æššin

¹⁷ As d-æƣƣalan nættulab win æssayat tæmærwæn d æššin, æknæn tæfalawist, gannin i ƶaysa: «Æmæli, wala kælæsuf ættâfan tænna-nana as dasan-næƣra esøm-nak!»

¹⁸ Tæzzar inn-asan ƶaysa: «Hannayaƣ Aššaytan as d-ifataƣƣat daƣ jønnawan zun essam.

¹⁹ Æssænæt as ækfeq-qawan tarna fæl taššolen æd tæzurdam d awa ila azangaw-nana Iblis kul daƣ tarna. Wær t-illa a ifrâgan a dawan-agu tækma.

²⁰ Mišan a kawan-wær-isæfæliwæs as ættâfan kælæsuf tænna-nawan, kalar isæffæliwæset-kawan akatab wa ægan æsmawan-nawan daƣ aljannat.»

Tædæwit æn ƶaysa

²¹ Assaƣat ten da ad ikna Infas wa Zæddigan æsæddæwi æn ƶaysa, tæzzar inna: «Ægeƣ-ak tæmmalen ya Abba, Æmæli æn jønnawan d amaƣal fæl aƣabar wa tægeƣ aratan win i musanan, æd malæn æn tayttay, tæsannafalalaq-qan y aytedan win wær næzlay æd bararan; id adi da a imosan agna-nak ya Abba.

²² Arat kul ig-ay Abba-nin daƣ æfus-in, wær t-illa i issanan awa æmosa ar Abba, wær t-illa deƣ i issanan awa imos Abba ar nak an Barar-net d awedan was areƣ a das-tu-sænnæfilæla.»

²³ Imalallay-in ƶaysa inættulab-net, isšewal-asan æntanay ƣas, inn-asan: «Æbbilalnat šittawen šin hannaynen awa tæhannayam!

²⁴ Silakanay-awan as sidaranæn ænnæbitæn aggotnen æd mænokalan anay n awa tæhannayam, mišan wær t-ænayan, sidaranæn deƣ tesalay y awas tæsallim, mišan wær das-æslen.»

Awa izlayan ænalkim æn ƶaysa d aytedan win hadatnen

Æsæstan wa iga æmusan n Ættawret i ƶaysa

²⁵ Dæffær awen inkar-du æmusan n æššæriƣa iyyan iga i ƶaysa æsæstan imosan tæmagmayt, inn-as: «Æššæx, mas di-ilzam iga-net, y ad ægræwa tæmæddurt ta tæƣlalæt?»

²⁶ Inn-as Ƴaysa: «Ma iktaban daƷ Ettawret? Ma daƷ-as tæƷreƷ?»

²⁷ IjƷewwab-as, inn-as: «Iktâb daƷ-as as: "Ad tireƷ Emlî-nak Mæššîna s awal iyyanda, æd man ærdânen, tireƷ-qu æs tæƷurad-nak kul æd tayttay-nak kul, tireƷ dex æšæqqaqƷ-nak æs tæmæwit tas tareƷ iman-nak."»

²⁸ Inn-as Ƴaysa: «Aljawab-nak oƷâd, taggu adi da ad tæddera.»

Elmîtal wa n aw Samaræya wa olaƷan

²⁹ Mišan dad ira æmusan wen ad aknu batu-net, inna i Ƴaysa: «Ma imosan za æšæqqaqƷ-in?»

³⁰ IjƷewwab-as Ƴaysa s ælmîtal wa, inn-as: «Alæs iyyan a d-igmadan aƷræm æn Yerusalem, iras ikka wa n Yerikaw har t-ægrawan baydagan. Ebazan daƷ-as awa îla, æggâtan-tu, as t-oyyan îlla gær tæmæddurt d îba.

³¹ Imazayyat d awen d as d-îga ælimam iyyan tarrayt ten. Inay alæs wen, iƷlay-tu.

³² Illam-du iyyan daƷ Kæl-Lebî ænta da den, inay-tu, iƷlay-tu.

³³ Mišan as d-illam aw Samaræya iyyan den îššokalan, inay-tu, tæggaz-tu tæhanint-net.

³⁴ Ikk-ay-du, îššorad ibusan-net s azzayt d esmad n alƷanab, ittall-tan, tæzzar issæwan-tu tæsanæyt-net, eway-tu s azazzabbaw, issan daƷ-as.

³⁵ As affaw, idkal-du æššîn dinaran n æzræf ikf-en y alæs wa innættafan d azazzabbaw, inn-as: "Essæn daƷ alæs dî, as d-æqqala, nak a dak-z-îrzæman arat kul wa fall-as tæƷreƷ, kud ænta ogar adi."»

³⁶ Amaran inna Ƴaysa y æmusan n Ettawret wen: «Mæni daƷ meddan win karad a, was tordeƷ as ænta a îgan y alæs wa æƷan baydagan a amazal wa itaggu awedan y æšæqqaqƷ-net?»

³⁷ Inn-as: «Wa das-ihanatten.» Inn-as Ƴaysa: «Adi za aglu, taga kay da zun d awen daƷ.»

Maryama æd Marta

³⁸ Iglæ Ƴaysa daƷ æšîkæl-net ænta æd nættulab-net har iggaz taƷræmt iyyat innæftaƷ i tæntut tægât esæm Marta.

³⁹ Tântut ta tæla tæmadrayt-net tægât esæm Maryama. Tæqqim Maryama Ʒur daran n Emlî Ƴaysa, tæssisam y awa îganu.

⁴⁰ Marta amaran, îšîmašan-tat æššæƷæl n æsæmmæguri æn Ƴaysa.

Wala ihogan tæhoz-du Ƴaysa, tænn-as: «Emlî, awak zælæyat a wær tægeƷ daƷ as di-toyya tamadrayt-in d æššæƷæl ketnet Ʒas-in? Ann-as a di-tîlal.»

⁴¹ Inn-as Ƴaysa: «Marta, Marta! Eššîwašan-kam aratan aggotnen, æssiggadan tayttay-nam.

⁴² Enta arat iyyanda as tæga addararat olâƷ a t-imosan æsæsæm y awal-in, ænta a tæsannafran Maryama, amaran wær daƷ-as z'ættærmas.»

11

Tæwatray æn Ƴaysa

¹ Ezel iyyan itattar Ƴaysa daƷ adag iyyan. As issænda, inn-as iyyan daƷ nættulab-net: «Emlî, susæn-ana tæwatray zun awa îga Ƴaxya i nættulab-net.»

² Inn-asan Ƴaysa: «As têtattaram, tannim:

"Abba,

ItæwæsæƷmæret esæm-nak di zæddigan, taset-du taƷmar-nak.

³ Akf-anaf akk æzæl isudar-nana,

⁴ tæssuræfaƷ-anaf îbakkadan-nana,

zund æmmæk as nakkamay da

næsuf i win danaƷ-æganen ark mazalan.

A dana-wær-taga daƷ alƷarar æn jarrabatan n Iblis."»

Gælleyat daƷ tæwatriwen

⁵ Inn-asan Ƴaysa dex: «Mæni daƷ-wan wa z'îlen æmîdi, as-ay-du adawannay n ahad ann-as: "Zæbænât-i-du karadat tægælwen,

⁶ fælas iyyan daƷ midawan-in a di-d-innæftaƷan, wær æleƷ a t-æššætša."»

⁷ Tæzzar ann-as-du daƷ ammas n ahan: "A di-wær-tædgæza, ehan-in æmæreda îxfâl, nak æd bararan-in næqqâl s etæs, wær æfrega a din-æbdædaƷ akfaƷ-qay arat."»

⁸ EnnæƷ-awan, kud wær d-înkær akf-as-tanat fælas imos æmîdi-net, da ad d-înkær akf-ay arat kul was îddærar fælas wær t-isakkarakad mansay wa t-îga den.»

Ezægzan æs tæwatriwen

⁹ Amaran nak ənney-awan: «Ansəyat Məşşina a kawan-akfu; əgməyat, ad təgrəwam. Kawkawət təsəhərt a dawan-tannalam; aɣrat-tu, a dawan-akkawan.

¹⁰ Awalla i onsayan ad itəwəkfu; i igmayan, ad igrəw, i iɣran deɣ Məşşina, a das-akkawan.

¹¹ Məni daɣ-wan wa daɣ z'igməy barar-net isan, akf-ay taşşolt?

¹² Wala igməy daɣ-as təkəkit akf-ay təzardəmt?

¹³ Kud kawanay an nəllubas təssānam tehakkay n awa olaɣan i bararan-nawan, manəmmək as kawan-wər-z-akfu Abba-nawan wa ihan ijənnawan Infas wa Zəddigan as das-tu-tonsayam?»

Iyyat təmazaq əd Farisaytan

Tarna ən Məşşina mey tarna n Iblis

¹⁴ Dəffar awen ikkas Ƴaysa daɣ aləs iyyan aggəsuf a das-igaddalan awal. Igməd-tu aggəsuf ɣas išşewal, isammaklal awen əs tamattay.

¹⁵ Mişan ad gannin wiyyad daɣ-san: «Awen Aşşaytan Baɣalzabul, wa n əmənokəl ən kələsuf a t-ikfan fərregat n ikus ən kələsuf daɣ aytedan.»

¹⁶ Wiyyad deɣ arān ad t-ajjarraban, gammayan daɣ-as a dasan-əgu təlməxjujat təmosat aɣalamat a du-təfālat Məşşina.

¹⁷ Ƴaysa ənta issān awa samadranan, adi a fəl dasan-inna: «Taɣmar kul tas əmməgaran məssawəs gar-essan, əbərəjji a za tagu, təzzar əbərəjjen ɣawnatan-net s iyyan iyyan.

¹⁸ Təgannim nak Aşşaytan Baɣalzabul a di-ikfan fərregat n ikus ən kələsuf daɣ aytedan; kud adi a iɣan wədi manəmmək as za tihag taɣmar-net ənta iməggar əd man-net?

¹⁹ Amaran kud nak tarna ən Baɣalzabul as takkasaɣ kələsuf daɣ aytedan, inalkiman-nawan za ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əşşəriɣa.

²⁰ Kud amaran nak tarna ən Məşşina as takkasaɣ kələsuf, daɣ adi Taɣmar ta n Məşşina tos-iwan-du.

²¹ Aləs n əməqqrəd otāban fəl təzoli, ogāz ehan-net, wədi təla-net wər tat-in-ikka wala.

²² Mişan as t-id-ibag iyyan a t-ogaran assahat, orn-ay; a daɣ-as ibəz təzoli-net ta fəl iffəlla, irkəb daɣ-as təla-net, uzan-tat.

²³ Wa dər-i wər nəddew, azangaw-nin a imos; wa di-wər-nəllil deɣ s əşidəw, wədi əzəwəziwəz a itaggu.»

Tewaxlay ən kələsuf

²⁴ «As igmad aggəsuf awedan, ad irəs aggəsuf wen idaggan əqqurnen, igammay id imal, iqqim wər t-igrew, ad annu daɣ man-net: "Nak a za, ad əqqələx ehan-in wa d-əgmada."

²⁵ As t-id-iqqal, a t-id-asu ifrād, immotag.

²⁶ Təzzar aɣlu idaw-du d əssa kələsuf wiyyad a t-ogarnen tallabəst, əggəzan awedan wanād, əzdəɣan-tu. Tagu taɣara n awedan wen aɣşud ogaran was kala tu-təga.»

Əbbələl wa n tidət

²⁷ Išşewal Ƴaysa den da as təkəkəl təntut iyyat əməsli-net, tənn-as: «Təbbiləl təntut ta kay-terawat, əd fəfan win tənkasax.»

²⁸ Mişan inn-as Ƴaysa: «Aytedan win ogarnen əbbələl da əssəsammen y awal ən Məşşina, tamazalan awa inna.»

Aɣalamat ta n Yunəs

²⁹ As inay Ƴaysa aytedan tiddawan fall-as, inn-asan: «Aytedan n azzaman win, inəllubas; gammayan təlməxjujat! Kala! Təlməxjujat ta dasan-tətawagat iyyadda ɣas, a tat-imosan ta n ənnəbi Yunəs.

³⁰ Əmmək was kala ad iqqal Yunəs aɣalamat y aytedan n əɣrəm ən Ninif, əmmək en da as z'əqqələ nak Ag Aggadəm aɣalamat y aytedan n azzaman win.

³¹ Əzəl wa n tabadday, a du-tənkər təmənokalt tas kala təkəkam fall akal n əgala iɣən esəm Şeba, taggayyat fəl aytedan n azzaman win, təzzəbəz-tan y əşşəriɣa fəlas d ad iraz amadəl a du-təgmad fəl ad təssəsəm y awal ən təla n əgərri wa itaggu əmənokəl Suliman. Əssənət za as, wa illan da əmərədda, ogar ənnəbi Suliman mişan tugayam s a das-təssəsəməm.

³² Ɖzəl wa n tabadday, ad d-ənkəran aytedan n əxrəm wa n Ninif, əzzəbəzan aytedan n azzaman win y əššərixa fəlas tətubt a əgan əzəl wa dasan-iga Yunəs təlxutbat, imalasan awal ən Məššina. Ɖssənət za as, wa illan da əmərədda, ogar Yunəs mišan tugayam əs tətubt.

Ɖnnur əd šiiyyay

³³ Wər t-illa awedan isarxin fətəla təzzar ixbər-tat, madex ag-et daw əxəzu, kalar əsəwər a tat-itaggu edag ihhoken fəl ad ənəyan aytedan win du-taggznen ehan s ənnur-net.

³⁴ Šat, šilat ən fətəla a təmos i təxəssa-nak. As imos as šat-nak təhannay s əlluɣ, wədi təxəssa-nak ketnet təha ənnur; mišan as imos as šat-nak wər təhənnəy s əlluɣ, wədi təxəssa-nak ketnet təha šiiyyay.

³⁵ Daɣ adi agu ənnəyat əd man-nak, ənnur wa kay ihan a tu-wər-alsinat šiiyyay.

³⁶ Amaran kud təxəssa-nak ketnet təha ənnur, wər tat-iha adag ihân šiiyyay; wədi ad təmələwləw ketnet, zun təheɣ edag təsimalawlaw fətəla.»

Təlmənufəqa ən Farisaytan əd musanan n Ɖttawret

³⁷ Ƙrad Ƙaysa awal ɣas igmay daɣ-as Farisay iyyan a ɣur-əs ammansaw. Os-in Ƙaysa ehan ən Farisay wen, iggaz edag wa daɣ əskaran mensewan, isaɣɣamar, ad itattu.

³⁸ Isammaklal əs Farisay en awas issənta Ƙaysa tettay wər iššorad ifassan-net awa tənna alɣadat-nasan.

³⁹ Təzzar inn-as Ɖməli Ƙaysa: «Kawanay Farisaytan, təzazdagam afalla n əsəlkəw d əxəzu, as iga awen, ammas ən wallan-nawan wər ədnayan ar tərəkəbt əd talbast.

⁴⁰ Aljahilan! Wərgəɣ wa d-igan afalla ən təxəssa, ənta a d-igan ammas-net da?

⁴¹ Daɣ adi əkətət i təlaqqawen awa ihan ikassan-nawan, əddi arat kul a dawan-izdag.

⁴² Ƙket alɣazab iqqâl-awan ya Farisaytan, fəlas təhakkam awa imosan təməssədək-nawan daɣ ənniɣnaɣ d əzzənəfan ən yelatan kul win fərgan, as iga awen, tətamazrayam əššərixa ən Məššina əd tara-net, s əntanay əs kawan-iwar ləkkum y-asan, da wər din-təglemam win hadatnen!

⁴³ Ƙket alɣazab iqqâl-awan kawanay Farisaytan, fəlas tərām təximit daɣ adag wa ilan almaqam daɣ nan n əlɣibada ən Kəl-Ɖlyəhud, d a kawan-saslaman aytedan daɣ sammanayan.

⁴⁴ Ƙket alɣazab iqqâl-awan, fəlas tolâm əd zəkwan wər nəmmun, fəl itijəwənkit awedan wər issen, samadasan-tu.»

⁴⁵ Inna iyyan daɣ musanan n Ɖttawret i Ƙaysa: «Ɖššex, daɣ awa tənneɣ əddi, nakkanay da, təgeɣ-ana arak batu.»

⁴⁶ Inn-as Ƙaysa: «Ƙket alɣazab iqqâl-awan kawanay da, imusanan n Ɖttawret, fəlas təsawaram aytedan əzuk as izzəwat aggay-net; kawanay amaran wər tu-za-tədəsam əs wala idədwan-nawan.

⁴⁷ Ƙket alɣazab iqqâl-awan fəlas təkarrasam izəkwan hossaynen y ənnəbitan as imarawan-nawan a tan-ənɣanen.

⁴⁸ Ɖmmək wədi as təggiyyem fəl awa əgan, tərɗam sər-əs fəlas əntanay za ənɣan-tan, kawanay amaran təkrrasam izəkwan-nasan.

⁴⁹ Awen daɣ a fəl inna Məššina daɣ masnat-net wər nəla təzərəst: "A sər-san zəmmizələɣ ənnəbitan əd nəmmuzal, ad agin iman ən wiyyad daɣ-san, zəɣxəzzəban win hadatnen."

⁵⁰ Adi as, aytedan n azzaman win, əhân-tan man n ənnəbitan kul win tanwanɣanen, wa n ənətti n əddənet har azalada.

⁵¹ Awalla, illikan as, aytedan n azzaman win, əhân-tan man n aytedan di kul, a d-ibazan ɣur man win Habila har win Zakarayya, wa ənɣan daɣ Ahan wa Zəwwəran n Ɖlɣibada, gər majmar wa zəwwəran n əsəqqəd ən təkutawen d adag wa zəddigan.

⁵² Ƙket alɣazab iqqâl-awan ya imusanan n Ɖttawret, fəlas təharam tarrayt ta tətawayat awedan əs masnat ən Məššina; kawanay iman-nawan wər-tat-təggezam, təgdalam deɣ iguz-net i win t-əranen.»

⁵³ As ifal Ƙaysa ehan wen, əssintan musanan n Ɖttawret əd Farisaytan daɣ əddəguz-net wəllen, taggin-as isəstanan aggotnen,

⁵⁴ daɣ gammayan a tu-sassannin arat a tan-z-akfin tarrayt əs təxtəst-net.

12

Ɖsəmmutəg

A kay-wər-təggəz tasa n əzəgzan əs Ƙaysa

¹ As itaggu awen tæddew tamattay tæknât igæt fæl Ƴaysa, har æqqiman aytedan tinæmækukulan. Iſſewal Ƴaysa, azzar æs nættulab-net, inn-asan: «Ænkædat i xamira wa n Farisaytan a t-imosan tælmænufæqa.

² Arat kul wa iybaran ad itæwæsænæfilæl, amaran æssir kul ad affaggu.

³ Daḡ adi, a tænnam daḡ ſiyyay, ad itæwæslu ezal a mallan. A tæsammatatakam deḡ daḡ ammas æn nan-nawan, ad attamal fæl fallatan-nasan.

⁴ Kawanay imidawan-in, ænnex-awan: Ad wær tiksadam aggadæm æs færrægat-net wær t-okay ikus æn man daḡ tæḡæssa.

⁵ A dawan-æmælaḡ wa za tiksadam: Iksadat Mæſſina a inaqqin, ila deḡ tarna n a kawan-igær daḡ Jahannama. Awalla, ænnex-awan ænta en da as kawan-iwar a tu-tiksadam.

⁶ Wærgæḡ sæmmos gædad a din-nazzinen sanatat tæfelen? Dær iga awen da za, wær tan-iha i din-itataw Mæſſina.

⁷ Kawanay amaran wala anzadan æn ɣafawan-nawan da kul æddunan. Daḡ adi ad wær tiksadam wala, togaram igædad aggotnen ælqimat.

⁸ Ænnex-awan, awedan kul wa iggæyyen dat aytedan as nak Ag Aggadæm a t-ilan, nak da, ad æggæyyeḡ dat angalosæn æn Mæſſina as nak a t-ilan.

⁹ Miſan wa di-inkuran dat aytedan, wædi nak da ad t-unkaray dat angalosæn æn Mæſſina.

¹⁰ Awedan deḡ wa di-ibyakan nak Ag Aggadæm, ifrâḡ ad igræw tæsureft; miſan awedan wa ikkasan tarna y Infas wa Zæddigan, wædi wær z'igræw tæsureft.

¹¹ As tæmmewayam æs nan n ælɣibada win Kæl-Elyehud, madeḡ æs mænokalan madeḡ æs muzaran y ad tæwæſræḡam; a kawan-wær-iſſæwæſ æmmæk was za tækkæsam iman-nawan, wala awa za tannim,

¹² Infas wa Zæddigan a kawan-z-issusænæn daḡ assaḡat tædi da awas inahagga a tu-tannim.»

Ælmital n æmæggærgæs wa wær nala ægærri

¹³ Inna-du awedan iyyan i Ƴaysa daḡ ammas æn tamattay: «Æſſæx, annu y æmaqpar-in a dær-i uzan tækasit-nana.»

¹⁴ Inn-as Ƴaysa: «Alæs, ma di-igan ælqali-nawan, wala tuzanaḡ-awan tækasit?»

¹⁵ Tæzzar inna Ƴaysa i tamattay: «He kawanay! Agæzat iman-nawan daḡ a imosan æwwæli fælas kud iggærgæs awedan, da tæmæddurt-net wær tæqqen daḡ ærræzæḡ-net.»

¹⁶ Tæzzar ig-asan ælmital wa, inna: «ſiwægæs n æmæggærgæs iyyan a æganen igi olâḡan.

¹⁷ Ad isamadran gar-es æd man-net, igannu: "Awak ma z'agaḡ? Nak ab'as æleḡ edag a daḡ ægeḡ attaxam-in."

¹⁸ Tæzzar inna: "Ëssanaḡ awa z'aga. Ad arzaḡ ſidangawen-in, ækræsaḡ ſin tanat-ogarnen, æſſidæwæḡ daḡ-asnat attaxam-in kul d awa æleḡ."

¹⁹ Amaran annaḡ i man-in: "Ya mandam, tæleḡ ærræzæḡ aggen a dak-igân elan aggotnen, sanfu, tatſa, taſwa, tannaflaya."

²⁰ Miſan inn-as Mæſſina: "Ameskel! Ahad a da a kay-z-ægmædan man-nak. Ma z'igræwan awa tæſſedawæḡ?

²¹ Awen daḡ a igarrawan awedan wa iſadawan æddænet fæl man-net amaran wær iſſedaw wala daḡ talɣa ta gar-es æd Mæſſina."»

Iba n aſſawaſa

²² Dæffær awen inna Ƴaysa i nættulab-net: «Awen da fæl dawan-ænnex: A kawan-wær-tæſſæwæſ tæmæddurt gær awa za tatſim, wala awa za talsim,

²³ fælas iman-nawan ogaran imensewan almaqam, tæḡæssa-nawan deḡ togar isælsa almaqam.

²⁴ Ænzærat daḡ æḡrutan, wærmad nabbalan za wær tilæyan, wærmad ælân isæḡbar za wala ſidangawen miſan iſsodar-tan Mæſſina. Tofâm-tan za s aggen.

²⁵ Mæni daḡ-wan wa ifragan s aſſawaſa-net æſitæy æn tæḡræst-net æs wala ellaf æn ſat?

²⁶ Dad zama as wær tæfregam igi n a ogdân d awa tæmmædræyt, ma fel as kawan iſſæwæſ awa hadan?

²⁷ Ænzærat daḡ æmmæk was du-daggalnat tæjigawen: wærmad ſaqqalnat wala zattinat isælsa, miſan ænnex-awan wala Æmænokal Suliman harkid tægærgist-net kul wær kala ad ewad wala iyyadda daḡ-asnat ſihussay æn talassay.

²⁸ Dad isalsu Mæſſina yel æs tæmæwit tædi, s azalada ibdâd, tufat ad itæwæsæḡu daḡ tæjængæret; manæmmæk as kawan-wær-z-assalsu, kæl æzægzan ændærran!

²⁹ Daḡ adi a kawan-wær-ædgæzan medranan n awa za tatſim, wala awa za taſwim, wala deḡ iſſæwæſan-kawan.

³⁰⁻³¹ Aratan win di kul aytedan win wər nassen Məşşina, a ozalnen dağ agamay-nasan. Mişan kawanay, ədgəzət dağ agamay ən Taşmar ta n Məşşina. Aratan win di kul a kawan-tawakfin əntanay da, fəlas Abba-nawan issân as təddiraram sər-san.

³² Təsəgərt n ayfad-in a kamət-wər-təggəz tasa, fəlas Abba-nakmat igrāz-as wəllen a kamət-akfu taşmar-net.

³³ Zanzat-in awa təlam, təkətəm-tu i təlaqqawən, tagim i man-nawan fartamanitan wər nətəməndu, təşşidəwam dağ jənnawan ərərəxə wa wər nəxərrəd, wər mad t-in-z-ihazan baydagan wala deş təşşəd-tu tamaday.

³⁴ Edag wa təggəz təgərgist-nawan, ənta a z'əggəzan wallan-nawan.»

Assa n Ag Aggadəm

³⁵ «Əqqələt aytedan otābnən, əs ərxānat fətələten-nasan.

³⁶ Talim d eklan əqqələn y ad d-ifəl məşşissan takrəst fəl a sər-əs in-əbdədan da da ad d-izzəkkat dağ əmi n ahan.

³⁷ Əbbilalan eklan win d-ogaz məşşissan okāyan. Silakanax-awan as, ad atəb ənta iman-net, isəxximen, isəmmənsəw-tan.

³⁸ Gər z'iqqāl-du adawannay n ahad wala deş ammas n ahad, eklan win d-ogaz məşşissan okāyan əbbilalan.

³⁹ Wərgəx kawanay iman-nawan təssānam as, ənnār issân məşşis n aşaywan amazay wa dağ du-z-idəl abaydag, akəy isəmmutəg y a das-igdəl terazay n ahan-net?

⁴⁰ Səmmutəgat za kawanay da, fəlas nak Ag Aggadəm ad d-asa dağ assaxat tas wər tordem a dağ-as d-asa.»

⁴¹ Təzzar inn-as Butros: «Əməli, nakkanay xas a fəl təgəx tangalt tədi, meş aytedan kul?»

⁴² İjjəwəb-as əməli Ƴaysa inn-as: «Əmaşşaxal wa iydalan ila deş əgərri ənta a isannafran məşşis izzuzər-tu i maşşaxalan-net win hadatnən fəl a tan-ihakku idəgran-nasan dağ sudar dağ alıq wa igmadan y awen.

⁴³ İbbilal əkli wen as d-ıqqal məşşis, ogaz-t-id iha əşşəxəl wa dağ q-id-oyya den.

⁴⁴ Əggəyyəx əsilakanax-awan as, ad t-izzuzər məşşis i təla-net kul.

⁴⁵ Mişan ənnar inna əkli wədi dağ man-net: "Məşşi illolat-in," təzzar ad iggat imaşşaxalan əd təmaşşaxalen win hadatnən, itattu, issasu esmad har ammaswad,

⁴⁶ əkli wədi, ilkām a t-id-ıxdər məşşis dağ əzəl d amazay wər orda, təzzar ad t-iggāt har t-iksən, ag-ay dad tawaggin aytedan win wər nəşdel.

⁴⁷ Amaran əkli wa issanan awa ira məşşis, iqqim wər t-iga madəx wər iga ənnəyat n igi-net, a das-təwəgginat təwit aggotnən.

⁴⁸ Mişan əkli wa wər nəsən awa ira məşşis, amaran iga arət ihoran d əwəddəb, a das-təwəgginat təwit wər nəggət. Awedan igrawan a aggen, a dağ-as itəwəgməy a aggen. I itawasaxlafan a aggen, a dağ-as itəwəgməy a ogaran awa itawasaxlaf.»

İnəməzray d əşşərixa wa d-izayan

⁴⁹ Dəffər awen inna Ƴaysa: «Oşəx-du fəl ad assarxa təmsay dağ əddənət. Sidaranax ad imos as tərxā.

⁵⁰ Amaran ilkām dağ-i ətəwəsəlmaş, s iket wər t-əgəx əknan-i man-in əddəguz.

⁵¹ Tordām as, assa a d-əgəx fəl a d-awəyax əlxer s əddənət? Kala kala, ənəməzray a sər-əs d-əwaya.

⁵² İd a ibazan xur əmərədda, səmmos aytedan n ahan iyyanda ad nəməzrəyan, əwaran karad aganna fəl əşşin, əşşin deş əwəran aganna fəl karad.

⁵³ Ad inəməzrəy ələs əd barar-net, barar deş inəməzrəy d abba-net, tənəməzrəy təntut əd tabarart-net, tabarart deş tənəməzrəy d anna-net, tənəməzrəy tədagğalt əd təntut ən barar-net, tənəməzrəy deş təntut əd tədagğalt-net.»

⁵⁴ İna Ƴaysa deş i tamattay: «Wərgəx as tənayam tagarak as du-təgmad dağ ataram ad tannim əddi da: "Akonak izay-du." Təzzar agu adi da.

⁵⁵ As tənayam deş əhud as d-igar, ad tannim: "Ad tagu tuksay." Təzzar agu adi da.

⁵⁶ Əlmunafiqan, təssānam emel n alxalamaten şin əganen fəl amağal əd şin əganen dağ jənnawan, mişan adis wər təgrem azzaman win fall-awan əganen da?

⁵⁷ Mafel za wər təgrem kawanay iman-nawan awa oşadan?

⁵⁸ Masalan as kay-ıgra awedan s adag n əşşərixa, təgməya təməwit əs tənəmaknam dağ tarrayt. As wər təgəx adi, a kay-ilwəy har kay-issəbdəd dat əlqali. İlqali amaran a kay-agu dağ fassan ən soji wa kay-z-igəran dağ kasaw.

⁵⁹ Əsilakanax-ak ās: Wər du-za-təgməda iket wər tərzəma. Wala tamma iyyadda wər din-za-təqqam.»

13

Addararat as tətubt

¹ Harwada iššewal Ƴaysa as d-ənkaran aytedan əllanen den, əssoḡalan-as isalan ən meddan wiyyad ən Galilaya as isisaga ənaxkim Bilatəs iman-nasan alwaq a daḡ taggin šikutawen daḡ Ahan wa Zəwwəran n Əlḡibada daḡ Yerusalām.

² Inn-asan Ƴaysa: «Awak tordām as, Kəl-Galilaya win di ogaran Kəl-Galilaya kul win hadatnen tišit ən nəsbakkadan fəl as əgan arak təmattant tədi?

³ Ənnəḡ-awan, kala! Amaran kawanay da, as wər tətubam, ad təhləkam ketnawan.

⁴ Ma tənnam za s aytedan win maraw d əttam win fəl ibarajjat suru was itawannu Silowam daḡ əḡrəm ən Yerusalām, inḡ-en? Tordām as, ogaran Kəl-Yerusalām kul win hadatnen tišit ən nəsbakkadan?

⁵ Ənnəḡ-awan, kala! Amaran, kawanay da, as wər tətubam, ad təhləkam ketnawan.»

⁶ Ig-asan Ƴaysa tangalt iyyat, inn-asan: «Kala inbal ələs iyyan əšək as itawannu fig daḡ afarag-net n alḡanab. As təga tamert n ara-net, os-ay-du y ad d-inkəd aratan-net, mišan wər daḡ-as igrew wala.

⁷ Təzzar inna y amaššəḡal wa innəttafan d afarag: "Ənəy! Əmərəddə karad elan a əḡəḡ tasa-du, gammaya-du aratan n əšək wa, mišan wər kala daḡ-as əgrawa wala. Daḡ adi əḡtəs-t-in! Ma ikannu daḡ amaḡal wər t-idu-təḡəmməd tənfa."

⁸ Inn-as amaššəḡal wen: "Məšši, are daḡ-ak a tu-tayya tenewa da ḡas, ad əḡəzəḡ amaḡal wa t-iḡlayan, ənḡəla daḡ-as tamaḡqost.

⁹ Iha mijas awatay wa d-izayan ad arəw, as wər erew, təssəḡtəsaq-q-in."»

Təməzzəyt ən təntut iyyat daḡ əzəl ən təsanfawt

¹⁰ Əzəl iyyan ən təsanfawt isasaḡru Ƴaysa daḡ ahan n əlḡibada ən Kəl-Əlyəhud.

¹¹ Təlla təntut iyyat den tələt maraw elan d əttam issirantat əḡḡəsuf, imos əruru-net təḡanzay, wər təfreg aqqad ən tabadday-net.

¹² As tat-inay Ƴaysa, iḡr-et-du, təzzar inn-as: «Təntut, təwərna-nam təzəzayḡ daḡ-as!»

¹³ Issəwar-tat ifassan-net, təḡad təbadday-net alwaq wen da, ad təmməl Məššina.

¹⁴ Mišan iggəz alham əmuzar n ahan n əlḡibada wen fələs izzozay Ƴaysa awedan daḡ əzəl ən təsanfawt, inna əmuzar en i tamattay: «Wərgəḡ sədis adan as imməkkan a daḡ-san itəwəḡḡu əššəḡəl? Asiwat-du daḡ-san təḡməyam təməzzəyt, wərgəḡ əzəl wa n təsanfawt!»

¹⁵ Inn-as Ƴaysa: «Əlmunafiqan, məni daḡ-wan wa wər nətəkkəs təwəḡnay y azgar-net madəḡ itrəḡ əjad-net daḡ əzəl wa n təsanfawt y a t-id-əššaəw?

¹⁶ Tahayawt n ənnəbi İbrahim ta amaran, ikrəd İblis a ilən maraw elan d əttam, adis wər imməkkan ad tətəwəzuzəy daḡ əzəl ən təsanfawt?»

¹⁷ As inna Ƴaysa awen, təbaz təkarakit aytedan kul win nəmməzray-net, aytedan sa hadan amaran, ketnasan sidawen-tan mazalan əknanen šihussay win itaggu.

Əlmital n amasa n annabat igân esəm mutard əd wa n xamira

¹⁸ Inna Ƴaysa: «Ma dər tola Təḡmar ta n Məššina? Mas tat-z-ammattala?

¹⁹ Tələ d amasa n annabat igân esəm mutard, idkal awedan inbal-tu daḡ afarag-net, idwal, iqqal əšək, ad taggin ḡəḡad šisəllula daḡ zələn-net.»

²⁰ Inn-asan Ƴaysa deḡ: «Mas z'ammattala Təḡmar ta n Məššina?

²¹ Tola əd xamira tərwəy təntut əd karad annafəḡaten n əḡel n alkama har ikuf əḡel ketnet.»

*Tarrayt ta n Təḡmar ta n Məššina**Iguz ən Təḡmar ta n Məššina*

²² Iḡla Ƴaysa, illil iḡərman əd təḡarmaten, isasaḡru aytedan, idəḡ sa sər Yerusalām.

²³ Inn-as awedan iyyan: «Əməli, awak aytedan wər nəḡḡət ḡas a z'assafsu Məššina?» Təzzar inna Ƴaysa i tamattay:

²⁴ «İmi ən Təḡmar ta n Məššina i kəruzan, daḡ adi ballanat təḡməyam d iguz-net. Ənnəḡ-awan aytedan əḡḡotnen a z'əḡməynən d iguz-net, mišan a dasan-indər.

²⁵ As ijwər məššis n aḡaywan iḡfal-in fəl man-net təsəhərt n ahan, kawanay təbdādām dat-əs, ad təḡḡəzəm šin əkukəw, təḡannim: "Mandam, ələm-anay!" Ann-awan: "Wər kawan-əzdayəḡ za wər əssena da du-təfalām."

²⁶ Alwaq wədi a das-tannim: "Wərgəḡ nədraw dər-ək tettay əd tassay, təsisəḡra deḡ daḡ ḡərman-nana?"

²⁷ Mišan a dawan-annu: "Nak wər kawan-əzdayəḡ. Ketnawan imaggan ən talbast a təmosam, ugəḡat-i."

²⁸ As tēnāyam Ibrahim d Isəhaq əd Yaqub d ənnəbitan kul əqqiman daɣ Taɣmar ta n Məššina, ənta kawanay iman-nawan tətawastəɣam daɣ-as, ad talim, ad tədaddam idədwān-nawān fəl təmagraz.

²⁹ Ad d-əgmədan aytedan dənnəg d ataram əd tamasna d agala, təzzar nəximin ədrəwan iməgura daɣ Taɣmar ta n Məššina.

³⁰ Ənəyat za! Aytedan win əhanen ələqqam əmərədda ad izaran, win azzarnen deɣ əmərədda ad əggəzan ələqqam.»

Igi n ənnəyat əd Herod

³¹ Alwaq wen da t-id-əhozan arat daɣ Farisaytan, ənnan-as: «Əgməd edag a, fəlas əmənəkəl Herod ira igi ən man-nak.»

³² Inn-asan Ƴaysa: «Aɣlat tannin y awaqqas wa igan Herod: "Takkasəɣ kələsuf daɣ aytedan, zuzəyəɣ imiranan azalada əd tufat, amaran əzəl wa n karad ad assanda əššəɣəl-in."

³³ Dər iga awen da ya, əššil a imos ad agla daɣ əšikəl-in, azalada əd tufat əd tufat ten, fəlas wər imməkkan ad iba ənnəbi daɣ adag wər nəmos Yerusalam.»

Tala ən Ƴaysa fəl Yerusalam

³⁴ Inna Ƴaysa: «Xa aytedan ən Yerusalam, iket təgam iman n ənnəbitan, tənɣam deɣ əs təgür ən təhun win sər-wan d-izammazal Məššina! Awak har mənəkət taklaten, gammaya d a kawan-d-əššidəwa s əmmək as du-təšadaw təkəjit ikərətan-net daw əfrutan-net, mišan tugayam s awen!

³⁵ Ənəyat za, Məššina a daɣ-wan idkəl ifassan-net, iqqəl ahan-nawan əməjir. Amaran ənnəɣ-awan, wər di-za-tələsam anay iket wər d-osa əzəl wa daɣ za tannin: "Wa d-osan s esəm n Əməli, igrāw arraxmat."»

14

Əzuzəy ən Ƴaysa aləs iyyan daɣ əzəl ən Kəl-Əlyəhud wa n təsanfawt

¹ Əzəl iyyan ən təsanfawt, iggaz Ƴaysa ehan n iyyan daɣ muzaran n Farisaytan fəl a ɣur-əs atšu. Əgaran daɣ-as Farisaytan əllānen den šittawen.

² Illa aləs iyyan den as ibəyayət alam-net ketnet, iqqim dat Ƴaysa.

³ Issəstan Ƴaysa imusanan n Əttawret əd Farisaytan, inn-asan: «Awak əzuzəy n awedan daɣ əzəl wa n təsanfawt xaləl, meɣ wər xaləl?»

⁴ Mišan wər das-ənnen wala. Amaran idas Ƴaysa əmiran en, izzozay-tu, issəgl-ay.

⁵ Təzzar inn-asan: «Məni daɣ-wan was z'ihannayan barar-net madəɣ azgar-net har iqqəl daɣ anu əzəl wa n təsanfawt, aqqam wər t-id-ikkəs daɣ-as tamazayt tədi da?»

⁶ Wər əssenən a das-ənnan daɣ batuten šin iga da.

Idaggan win saymar

⁷ Igr-in Ƴaysa əsənnəfran wa əgan naftaxan idaggan win taggazan aytedan win tawasaɣmarnen təzzar ig-asan ahol, inn-asan:

⁸ «As daɣ-ak igmay awedan izazlayan a das-in-təməgureɣ, ad wər təsənnəfrənəɣ edag wa taggazan aytedan win tawasaɣmarnen fəlas mijas igməy daɣ awedan iyyan a kay-ogaran almaqam a das-in-iməgürət,

⁹ təzzar as-ik-du məššis n ahan wa kawan-d-ıɣran əs məgura-net, ann-ak: "Əgməd edag y aləs wa." Təbəz-kay təkarakit, takkaɣ dəffər aytedan taqqama.

¹⁰ Kalar as daɣ-ak itawagmay a dın-tasaɣ iməgura, takka dəffər aytedan taqqama. Əddi, as d-osa məššis n ahan, a dak-annu: "Əmidi-nin, zənkəz-du s adag ofān wədi." Akf-ik adi ətəwəsəɣmar ɣur naftaxan kul win hadatnen.

¹¹ Fəlas awedan kul wa idkalan iman-net, ad itəwəsərəs, wa issərəsan iman-net deɣ ad itəwədkəl.»

¹² Dəffər awen inna Ƴaysa i Farisay was innəftaɣ: «As du-təɣarraɣ aytedan y a tan-təšətəsaɣ ezal madəɣ ehad, a du-wər-taɣra imidawan-nak, wala imədrayan-nak wala išəqqaxan-nak wala imahharagan-nak ən məggərgas, fəl a kay-du-wər-aɣrin əntanay da, əzəl iyyan, ərzəman-ak awa dasan-təgeɣ.

¹³ Kalar as iqqal as təšətəsaɣ aytedan, šatšu šiləqqawen əd nəbdan əd məggudal əd məddəɣal.

¹⁴ Təbbilalax as təgeɣ adi, fəlas əntanay wər əfregan a dak-ərzaman. İrruzmatan-nak a tan-təgrəwa əzəl wa n tanakra n alɣadılan.»

İlmital wa n məgura win zawwarnen

¹⁵ As isla iyyan daɣ naftaxan i batu ten, inna i Ƴaysa: «İbbilal awedan wa z'atšin daɣ məgura win z'aginen daɣ Taɣmar ta n Məššina.»

¹⁶ Inn-as Ƴaysa: «Aləs iyyan a itaggan iməgura zawwarnen, igmay daɣ aytedan aggotnen a t-id-asin.

¹⁷ As d-əmməgnen mensewan, izammazal akli-net y ad annu i naftaɣan: "Asiwat-du, imensewan əməredda əmmotagan."»

¹⁸ «Mišan əggazan-tu ketnasan s iyyan iyyan əd sur. Inn-as wa azzaran: "Səket əzzanza tawagost, kundaba oseɣ-ɣat ənəyaɣ-ɣat. A di-wər-təššəkaɣ."

¹⁹ Inn-as-du iyyan: "Səket d-əzzanza maraw zəgran y agayak, amaran areɣ a tan-ərama. A di-wər-təššəka."

²⁰ Inn-as-du iyyan: "Səket əzlafa, daɣ adi wər əfrega a kay-in-asax."»

²¹ «As d-iqqal əkli, iga i məššis isalan kul win den. Iggaz alham labasan məššis n aɣaywan, amaran inn-as: "Aglu tarmad, tilalaɣ aɣrəm, tidawa-du əd tələqqawen əd nəbdan əd məddərxal əd məggudal."»

²² «As d-iqqal əkli, inna i məššis: "Məšši, əgeɣ awa di-tənneɣ, mišan ehan harwa da ih-ay adag."»

²³ Inn-as məššis: "Əgməd aɣrəm, tilalaɣ əd tarrayen əd tamawen ən fərgan, təsəhhəššələɣ aytedan a d-asin fəl ad idnəy ahan-in.

²⁴ Illikan as aytedan win as əzzara əgmaya daɣ-san a di-d-asin, wər tan-ih a i z'irəman imensewan-in."»

Əššərədan win əhanen ləkkum i Ƴaysa

²⁵ Imalallay-in Ƴaysa tamattay təknat igət ta dər-əs təddewat, inn-asan:

²⁶ «Awedan wa iran a di-ilkəm, ənta wər di-iga tara togarat ta iga y abba-net, d anna-net əd təntut-net əd bararan-net əd mədrayan-net əd təmədrayen-net d ənta iman-net, wədi wər ifreg ad iqqəl anattalib-in.

²⁷ I wər nəger iri y ad idkəl təgəttawt-net, agu imateran-net ilkəm-i, wədi wər ifreg ad iqqəl ənalkim-in.

²⁸ İd nənna masalan ad ira iyyan daɣ-wan ad ikrəs ehan imosan suru. Wərgəɣ təximit a itaggu, ixsəb awa t-ikrasan təzzar, issən kud ila azrəf a t-issindan wala?

²⁹ As wər iga awen, as t-issənta akaras har t-orna əsəndi-net, a daɣ-as agin aytedan kul win t-ənaynen tamakkakkayt,

³⁰ annin: "Awedan wa, issənta akaras n ahan, orn-ay ad t-isəkkəsəw."

³¹ Madəɣ nənna masalan, əmənokəl iyyan as inkar əməgər gar-es d iyyan. Wərgəɣ təximit a z'agu təzzar, isəmmədrən, issən kud ənta wa ilan maraw əgim n aləs, ifrəg terazay n əmənokəl wa hadan ilan ənta sanatat təmərwən n əgim n aləs?

³² As inay as wər t-ifreg, harwa da iggug əmənokəl wa hadan as tu-z-issuku inəmmuzal, igməy daɣ-as alxer.

³³ Kawanay da za əmmək di da, i daɣ-wan wər nəmməzzay d awa ila kul, wər ifreg ad iqqəl anattalib-in.

³⁴ Tesəmt arat olāɣan a təmos, mišan as tat-təgməd tembay-net, məni təməwit tas tat-za-tətəwəsuxəl?

³⁵ Ab-as tat-təha tənfa waliyyat y amaɣal wala dəɣ tah-et tənfa i tamaqqost. Tanayla ɣas a din-za-tətəwəggu. Wa isallin, aslet!»

15

Isalan əkkānen aytedan win ərxaknen

Əlmital ən tilay ta aba

¹ Osan-du nabazan n amana əd nasbakkadan kul Ƴaysa y a das-əssəsəman.

² Əggazan Fərisaytan əd musanan n Əttawret šin əgətəntən, gannin əs Ƴaysa: «Awedan wa iqbāl inasbakkadan, idarraw dəɣ dər-san imensewan.»

³ Təzzar ig-asan Ƴaysa əlmital wa, inna:

⁴ «As ila iyyan daɣ-wan temeday ən tilay har daɣ-asnat təssəggəl iyyadda, awak wərgəɣ ad ayyu tazayət təmərwən əd tazayət šin hadatnen ədānnat, təzzar azəl iswəd i ta təssəggəlat har tat-d-igrəw?

⁵ As tat-d-igrəw, a tat-issəwər izeran-net fəl awa iga daɣ tədəwit,

⁶ as d-iqqal aɣaywan a d-aɣru imidawan-net əd mahharagan-net, ann-asan: "Ayawət, tagim tədəwit ta əgeɣ, fəlas agaraw a d-əgeɣ tilay-nin ta təssəggəlat."

⁷ Ənneɣ-awan zund əmmək di daɣ as, təfalawist ta z'agin win əhanen ijənnawan fəl tətubt n anasbakkad iyyanda, togar ta tan-za-təsəssugu tazayət təmərwən n alɣadil əd taza as ɣur iga as wər əddəraran əs tətubt.»

Tamma n əzrəf ta aba

⁸ «Madex nænna masalan, tæntut iyyat a tælat marawat tammaten n æzræf har daɣ-as aba iyyat. Wærgex ad tassaxu fætæla, tæfræd ehan-net ketnet, tæswæd-as s ælluɣ iket wær tat-tægræw?»

⁹ As tat-tægraw, a du-taxru šimidawen-net æd tamahharagen-net, tann-asnat: "Agimat tædæwit ta ægeɣ, fælas agaraw a d-ægeɣ tamma-nin ta daɣ-i aba."

¹⁰ Ænnex-awan zund æmmæk di daɣ as, tætuɔt n anasbakkad iyyanda tæsifæliwis angalosan æn Mæššina.»

Barar wa ixrakan

¹¹ Inn-asan ɣaysa deɣ: «Alæs iyyan a ilan æššin bararan.

¹² As æzæl iyyan inna wa mædræyan y abba-net: "Abba, akf-i adagar-in daɣ tækasit." Izun-asan abba-nasan tæla-net.

¹³ Arat n adan dæffær awen, inkar barar wa ændarran iššedaw awa ila kul, ikka akal iyyan iggugan. Ilkam i tara æn man-net, ad iɣaššad awa ila.

¹⁴ As inɣa awa ila kul, osa-du laz labasan akal wa iha, tæzzar iggaz šin tæmaɣatirt.

¹⁵ Iɣla, išɣal y awedan iyyan n akal en da. Issok-ay ši wæg-as-net y a das-idæn daɣ-asnat iladayan-net.

¹⁶ Awa das-iga laz daɣ iguz, isidaran tettay æn šætša win tattin ladayan, mišan wær t-illa i das-tan-ikfân.

¹⁷ Amaran isammadran daɣ man-net, inna: "Awak wærgex imaššaxalan n abba-nin æggætan mišan ketnasan ælân a ætšan har t-id-æglæzan, ænta nak inaqq-i laz da!

¹⁸ Ad ænkæraɣ, æqqæla abba-nin, annax-as: 'Abba, æmmizrayax Mæššina, kay deɣ æbbodaraq-qay,

¹⁹ ab-as æhøra d a di-itæwønnu barar-nak, ag-i iyyan daɣ maššaxalan-nak."

²⁰ Tæzzar inkar iqqal abba-net. Izây-in ehan daɣ igæg as t-ogga abba-net, tæggaz-tu tæhanint-net, ozal sær-æs, izalammat-tu, a das-itamallat.

²¹ Tæzzar inna barar y abba-net: "Abba, æmmizrayax Mæššina, kay deɣ æbbøraq-qay, ab-as æhøra d a di-itæwønnu barar-nak."

²² Mišan inna abba-net y eklan-net: "Tarmâd awøyat-du takatkat ta tæhossayat, tæzzæzlæg-am-as-tat, tagim tæšændært daɣ adad-net, tæssæsæl-am-tu.

²³ Tæbæzam-du æhøri wa iddæren, tægzæmam-tu, ad natšu, nagu saksas,

²⁴ fælas barar-in wa, šilat n as t-aba, amaran æmæwædda idar-du; kala ixrak, amaran æmæwædda igraw-du." Amaran æssântan daɣ saksas.

²⁵ As itaggu awen, barar-net wa n axafadday iha ši wæg-as. As d-iqqal, ihoz-du axaywan, isla i sæwat d awex.

²⁶ Iɣra-du iyyan daɣ eklan-nasan, issæstan-tu d awa itaggan den?

²⁷ Inn-as ækli: "Amadrax-nak a d-iqqalan, igzam abba-nak æhøri wa iddæren, fælas tewaxlay a t-id-iga barar-net wær ila malad."

²⁸ Iggaz-tu alham, ugay s iguz n ahan. Iqqab-du abba-net ad t-itansay.

²⁹ Eges inna y abba-net: "Wærgex a ilan elan æšɣâlax-ak, wær kala æmmæzrayax tænnan-nak, harkid awen, wær kala di-tækfex wala ɣas exayd ægzama aga fall-as saksas nak æd midawan-in.

³⁰ Rurek amaran wa iɣšadan eharax-nak daɣ tækarwaten ænta, osa-du ɣas tægazamaɣ-as æhøri wa iddæren."

³¹ Inn-as abba-net: "Barar-in, kay fawda tællex ɣur-i, awa ælæx ketnet i-nak.

³² Mišan immikkan ad naddawat nagu saksas, fælas amadrax-nak, šilat n as t-aba, amaran æmæwædda idar-du; kala ixrak, amaran æmæwædda igraw-du."»

16

Tarɣæmt fæl tara n æddænet

Amaššaxal wa ilan tayttay

¹ Inna ɣaysa i nættulab-net: «Kala a t-illa alæs iyyan n æmæggergæs ilân amaššaxal isinattaf d ærræzæɣ-net, amaran itawann-as iɣaššat-tu.

² Tæzzar isassaxr-ay-du, inn-as: "Ma imos awa fall-ak sallaɣ? Æmæl-i awa tægex y ærræzæɣ-in, nak ab-as areɣ æššæɣæl-nak."

³ Inna amaššaxal wa gar-es æd man-net: "Awak æmæwædda ma z'aga as di-ikkas amuzar-in daɣ æššæɣæl? Nak, wær æfregax agayak, mansay deɣ isikarakad-i.

⁴ Æssânax awa z'aga as kud tawakkasa daɣ æššæɣæl-in da, a di-æqbælan aytedan daɣ nan-nasan."

⁵ Tæzzar isassaxra-du aytedan win irwas alæs was išɣal s iyyan iyyan. Inna i wa azzaran: "Ma kay irwas æmuzar-in?"

⁶ Inn-as: "Temeday ən tanaw ən wədi wa n azzayt." Inn-as amaššaxal: "Yam, tædkæla širawt-nak ta n əmarwas, tæktəbəx fall-as tarmåd səmmosat tæmərwen ən tanaw."

⁷ Dəffər awen inna y iyyan: "Kay za ma tətawarwasax?" Inn-as: "Temeday ən bəhu n alkama." Inn-as: "İdkæl širawt-nak ta n əmarwas, tæktəbəx fall-as əttamat tæmərwen."

⁸ Tæmərkest ten, isl-et aləs wa iššəşxalan ark amaššaxal wen, tæzzar ad t-immål fəl təla-net tayttay. Tidət a imos as aytedan win wər nəksud Məššina, ogaran win t-əksudnen təla ən tayttay daş taşawšiwən šin əllanen gar-essan.

⁹ Nak za ənney-awan: Agiwat imidawan s ərrəzəyan ən bannan win n əddənet ta; əddi as kawan-əgmadan, ad tətəwəqbalam daş adag ən tæməxsurt ixlalan.

¹⁰ Awedan wa təha təfləst daş arat əndərran, wa zəwwəran da təh-ay daş-as. Wa wər təha təfləst daş a əndərran, wa zəwwəran da, wər daş-as tu-təha.

¹¹ Daş adi, da kawan-wər-təha təfləst daş ərrəzəy ən bannan wa n əddənet ta, ma kawan-z-izəzzigəzan ərrəzəy wa n tidət, wa ihan alaxirat.

¹² Amaran kud wər kawan-təha təfləst daş arat wa wər tələm, ma kawan-z-akfin arat wa təlam daş alaxirat?

¹³ Wər t-illa amaššaxal ifrāgan ad išxəl y əššin muzaran. Wa şas icyad iyyan, iru wa hadan; madəş abbastdag y iyyan, alku wa hadan. Wər təfregam ad təxbədəm Məššina, taglim deş tozālam dəffər əddanet.»

¹⁴ Əssisaman Farisaytan y awa inna Yaysa den kul, taggin daş-as tamakkakkayt fəlas imaran n əzraf a əmosan.

¹⁵ Inn-asan Yaysa: «Kawanay təsaknim dat aytedan as alxadilan a təmosam, Məššina amaran issən awa ihan iwallan-nawan; fəlas arat wa əzzəzwan aytedan, Məššina ənta tagəlfat a t-iga.»

Əttawret d Əlinjil

¹⁶ «Əttawret d Əlkəttaban win Ənnəbitan əntanay şas a tawasasaşrinen har əzəl wa d-osa Yaxya wa isalmaşan aytedan daş aman. Əddi amaran ad əggəzan salan win Əlinjil šin ətəwəgga, əmosnen isalan n assa ən Taymar ta n Məššina, amaran ad igammay awedan kul iguz-net s assahat əd tallabəst.

¹⁷ Dər iga awen da za, ogar tərşasay ta iga ad iba iənnawan d amaçal, ta iga ad iba wala şas əsakkal iyyanda n Əttawret.

¹⁸ Adi a fəlas, aləs kul wa izammazzayan tantut-net, izlaf iyyat, wədi iga əzzəna. Aləs deş wa izlafan tantut tammizzayat, ənta da igə əzzəna.»

Əməgğəgəs iyyan əd təlaqqay təgāt Lazarəs

¹⁹ Inn-asan Yaysa deş: «Kala ad t-illa aləs iyyan n əməgğəgəs n amayyawan əs faw izləg isəlsa win hossaynen, əzzəwatnen, faw deş inniflay issiksas.

²⁰ As itaggu awen, dat əmi n ahan-net, israd aləs iyyan ən təlaqqay igān Lazarəs, əs əlsānat şiqqas elam-net.

²¹ Isidaran tettay ən kərəmrəman win du-rattaknen daş mensewan n əməgğəgəs en. Wala idan, tasin-t-idu tallaşan şiqqas-net.

²² Har əzəl wad aba taləqqay ten, tæzzar əwayan-tu angalosan s ənnəbi İbrahim daş aljannat. Əməgğəgəs ənta da, aba-tu itawanbal-in.

²³ İha Jahannama, itaxəzzab daş-as as idkal asawad-net, ogga İbrahim daş igəg, illā şur-əs Lazarəs.

²⁴ Ad iyarru İbrahim, igann-as: "Ya Abba İbrahim, hənəttət-i, təzəmmizəla-du sər-i Lazarəs y ad issəlməş kuddeş imi n adad-net daş aman, issəsməd-i sər-əs iləs-in, fəlas alşazab a tagga daş təmsay ta."

²⁵ Mişan inn-as İbrahim: "Barar-in, Akta-du as kay təgrāwəş arat kul wa tareş daş tæməddurt-nak, as iga awen, Lazarəs ənta wər inay ar alşazab. Amaran əmərədda ənta as tawaknan man, kay tətəşazababa.

²⁶ Wa dəffər adi as, illā əşxəyi wər nəla edər gar-ena dər-wan, fəl ad wər iru waliyyan daş-na a kawan-in-akku, ifrəg adi, wala deş ifrəg waliyyan daş-wan a dana-d-akku."

²⁷ Inna əməgğəgəs: "Daş adi Abba, əgmāya daş-ak ad təzəmmizəla Lazarəs s aşaywan n abba-nin,

²⁸ fəlas ələş səmmos mədrayan, y a dasan-irşəm fəl a du-wər-əggəzan əntanay da edag n alşazab wa."

²⁹ Mişan inn-as İbrahim: "İmədrayan-nak əttāfan əlkəttab wa n Əttawret d Əlkəttaban n ənnəbitan win hadatnen, əlkəmanet-asan."

³⁰ Inna y İbrahim: "Kala kala Abba-nin İbrahim, adi wər igda, mişan as tan-in-iqqal awedan a d-inkāran daş nəmməttan, ad utaban."

³¹ Mişan inn-as ənnəbi İbrahim: "As wər əssəsəman y ənnəbi Musa d ənnəbitan win hadatnen, wər z'utaban kuddeş ig-asan awedan a d-inkāran daş nəmməttan isalan."»

17

ƆsəssəxƆri ən Ɔaysa daƆ batu n abakkad əd təsureft d əzəgzan

¹ Ɔzəl iyyan inna Ɔaysa i nəttulab-net: «Wər t-illa a tu-wər-əməlan aratan as za səssuƆinen aytedan ibakkadan, mišan iket alƆazab ill-ay y awedan wa dasan-d-igan əssəbab.

² A das-afu ad itəwəqƆən əzəzəd zəwwəran ən təhunt daƆ iri-net itəwəgər-in daƆ agarəw, tišit n əssəbab n abakkad i wala iyyanda daƆ aytedan win madrornen di.

³ Agat ənnəyat əd man-nawan!

As kay-idlam amadray-nak, tərƆəməx-as. Kud imməgraz, təssurəfaƆ-as.

⁴ Kud imos as ig-ak əssayat tadlamen daƆ əzəl, ig-ak-du əssa assatan igammay təsureft daƆ əzəl wen da, da surəf-as.»

⁵ Ɔnnan nəmmuzal y Ɔməli Ɔaysa: «Šitu əzəgzan-nana.»

⁶ Inn-asan Ɔməli Ɔaysa: «As təlam əzəgzan ogdān əd wala imi ən təzuƆay n əšənnan ad təfrəgam ad tannim y ašək wa: "Ɔlbəy-du iman-nak, taƆta daƆ agaraw en", agu awa tənnam.»

Təngalt n amaššəƆal wa wər nəla maruzat

⁷ «Məni daƆ-wan wa du-z-adəw akli-net iddānan madeƆ igayyakan, ann-as: "Ayo tarmad tammansawaƆ!"

⁸ Wərgəx tənna a das-za-tagim: "SanƆ-i a ətšəx təzzar, tawəyaƆ-i-t-id, təšƆəla har atša, ašwaƆ, dəffər adi amaran tatša tašwa kay."

⁹ Awak aləs en ad iggudəy y əkli-net fəlas iga awas t-omar?

¹⁰ Kawanay da za, as təgam arat kul was tətawamaram, tannim: "Nakkanay wər nəmos ar eklan, wər nəga ar awas danaƆ-iwar igi-net."»

Assa n Ag Aggadəm

Agoda iga aləs iyyan n aw Samarəya i Məššina

¹¹ Ɔur iki ən Ɔaysa Yerusalem, illam gər akal wa n Samarəya əd wa n Galilaya.

¹² As d-iggaz taƆrəmt iyyat, əssəlkədan-as-du maraw meddan igrāw kətru, əbdadan-as-in daƆ igəg.

¹³ Ɔdkalan imaslan-nasan, ənnan-as: «Ya Ɔaysa, Ɔššex-nana, hənəttət-ana!»

¹⁴ Ɔswad daƆ-san, inn-asan: «Aglat saknat iman-nawan i limaman.» Ɔglān əkkān ilimaman y a dasan-əməlan, as əzzayan zaddogan.

¹⁵ As din-igra iyyan daƆ-san təməzəyət ta iga den, iqqal Ɔaysa, idkāl əməsli-net, immāl Məššina.

¹⁶ As t-in-osa isəjad dat-əs, a das-itigudəy. Aləs en in akal ən Samarəya.

¹⁷ Inna Ɔaysa: «Wərgəx marawəssan as əzzayan, zaddogan, ma əgan taza win hadatnen?»

¹⁸ Adis wər tan-iha i d-iqqālan iggudəy i Məššina ar ənaftaƆ wa?»

¹⁹ Amaran inna Ɔaysa y aləs wen: «Ɔbdəd, aglu, əzəgzan-nak a kay-iƆlasan.»

Assa ən TaƆmar ta n Məššina

²⁰ Ɔaysa, as t-əssəstanan Fərisaytan d alwaq wa du-za-tasu TaƆmar ta n Məššina, inn-asan: «TaƆmar ta n Məššina wər du-tətəggu assa ilān anay.

²¹ Wər mad z'itəwənnu: "Ɔnta da", wala "Ɔnta den". Ɔssənət as, TaƆmar ta n Məššina təlla gar-ewwan.»

Assa n Ag Aggadəm

²² Dəffər awen inna Ɔaysa i nəttulab-net: «Ɔlkāman adan a daƆ za təsəddirənam anay ən tawaƆlay-nin nak Ag Aggadəm, kuddeƆ anay n əzəl iyyanda, mišan wər di-za-tənəyam.

²³ Amaran a dawan-itəwənnu: "Ɔnta den" madeƆ "Ɔnta da". Ad wər taglim, wala təlkəmam y awen.

²⁴ Ɔbələzləz a itaggu essam daƆ jənnawan, isəmmələwləw tama n amaƆal ta har ta, a dər z'alu assa-nin nak Ag Aggadəm daƆ əzəl-in.

²⁵ Mišan dat adi, ilzām-i nak Ag Aggadəm anay n alƆazab aggen, unkaran-i deƆ aytedan n azzaman win.

²⁶ Awa igan daƆ azzaman n ənnəbi Nux, a z'agin daƆ adan win daƆ du-z-asa nak Ag Aggadəm.

²⁷ Azzaman win den, aytedan tattin, sassin, zallafan, zāzlafan har əzəl wa d-iggaz Nux aƆlal n aman, təzzar osa-du alwabil, ihlak-kan ketnasan.

²⁸ Zun d awen da deƆ a igan daƆ azzaman ən Lot. Aytedan tattin, sassin, zanzan, satagan, nabbalan, gayyakan, karrasan,

²⁹ har əzəl wad igmad Lot aɣrəm ən Sədom, təzzar issofay-du Məşşina fəl aɣrəm en adaɣas-ən-tahart ibilaglagan, ihlak aytedan-net ketnasan.

³⁰ Zun d adi da a z'agin əzəl wa du-za-təwəsənəfiləla nak Ag Aggadəm.

³¹ Əzəl wədi, awedan wa iqqiman daɣ adag wa n fallala n ahan-net, amaran əhân lalan-net ehan-net, a du-wər-azzabbat y a tan-in-idkəl. Wa ihan tawagost-net deɣ, ad wər iqqəl aɣaywan.

³² Aktiwat-du awa igrawan taɣur Lot.

³³ Id awedan wa wər nəgəmməy ar aggaz ən man-net daɣ əddənət ta, ad affatu daɣ alaxirat; mişan wa isaffatan iman-net daɣ əddənət ta, ad iɣləs.

³⁴ Ənnəɣ-awan ahad wədi, ad ənsân əşşin aytedan daɣ tessat iyyadda, ammadkal iyyan, itəwəyyad-du wa hadan.

³⁵ Ad taddinat sanatat tədoden daɣ adag iyyanda, tammadkal iyyat, tətəwəyyad-du ta hadat.

³⁶ Ad əhân əşşin meddan tawagost iyyadda, ammadkal iyyan, itəwəyyad-du wa hadan.»

³⁷ Əssəstənan nəttulab Ƴaysa ənnan-as: «Əməli, wədi arat mənid z'agu?» Inn-asan: «Edag təggaz təmaxsayt, a daɣ-as iddawan jadaran.»

18

Əlmital n əmaşray əd təntut as wər idder aləs-net

¹ Iga Ƴaysa i nəttulab-net əlmital iyyan a daɣ ira a tan-issusən as, ihor ad tansayan Məşşina faw, a daɣ-as wər əkkəsən attama.

² Inn-asan: «Aɣrəm iyyan a iha əmaşray wər nəksud Məşşina, wər issəɣmar deɣ awedan waliyyan.

³ Amaran aɣrəm en, təh-ay təntut as wər idder aləs-net a du-tətasit əmaşray en, təgann-as: "Akf-i alxaq-in daɣ amakkarad-in."

⁴ As iga tamert itugəy-as, inna gar-es əd man-net: "Kud wər əksudaɣ Məşşina, wala əssiɣmarəɣ awedan waliyyan,

⁵ da tantut ta, tədgaz-i. A tat-akfa alxaq-net fəl a daɣ-as əgrəwəɣ iman-in."»

⁶ Təzzar inna Əməli Ƴaysa: «Təsallam y awa inna arak əmaşray wa?

⁷ Tordâm as Məşşina wər z'akfu aytedan win isannafran alxaq-nasan, tu-tansaynen hallan ehad ezal? Tordâm as a fall-asan-in isahhagu tadhəlt-net?

⁸ Ənnəɣ-awan, a tan-akfu alxaq-nasan tarmad. Mişan harkid adi, əzəl wa du-z-əqqəla nak Ag Aggadəm, awak a d-əgəzəɣ daɣ əddənət aytedan əzzigzannen?»

Tilwat n əlyillas

Əlmital wa iga Ƴaysa fəl Farisay d ənabaz n amana

⁹ Dəffər awen, iga Ƴaysa əlmital y aytedan əttâfnen iman-nasan daɣ tişit n alɣadilan, as iga awen olkân aytedan, inn-asan:

¹⁰ «Kala ad əggəzzayan meddan əşşin s Ahan wa Zəwwəran n Əlyibada fəl ad agin şiwatriwen. Iyyan Farisay, wa hadan anabaz n amana.

¹¹ Farisay za, ibdad ad itatır, igannu daɣ man-net: "Ya Məşşina, əggodayaɣ-ak as wər olex d aytedan win hadatnen əmosnen inarkaban əd nəmməzray əd maggan n əzzəna, wala deɣ olex d anabaz n amana wa.

¹² Əssa adan kul, tuzama daɣ-san əşşin. Takkasaɣ təməssədək daɣ awa garrawa kul."

¹³ Mişan anabaz n amana ənta, ibdad-in daɣ igəɣ, wər ihel wala adakal n asawad-net sa sər jənnawan, iggât idmaran-net fəl awa əgan man-net daɣ əɣşud, igannu: "Ya Məşşina təggəzet-kay təhanint-in nak n anasbakkad."

¹⁴ Ənnəɣ-awan, anabaz n amawan wa, iqqal ehan-net igrâw taqqat dat Məşşina, mişan Farisay wen ənta wər igrew taqqat dat Məşşina; fəlas i idkalan iman-net, ad t-issərəs Məşşina, i issərəsan iman-net ad t-idkəl Məşşina.»

Təwatray ən Ƴaysa i bararan

¹⁵ Harkid bararan win janɣayan tawayan-tan-du aytedan əs Ƴaysa fəl a tan-issəwər ifassan-net, ittər-asan. Ənayan nəttulab-net awen, əşşewalan fəl aytedan win den.

¹⁶ Mişan iɣr-en-du Ƴaysa əs man-net, inna i nəttulab-net: «Ayyat bararan a di-d-akkin, a tan-in-wər-təwəɣam; Taɣmar ta n Məşşina, şin aytedan win şilaten-nasan.

¹⁷ Əggəyex silakanəɣ-awan as, awedan wər nəğa i Taɣmar ta n Məşşina əlqəbulat şilat ən ta das-iga barar; wədi wər das-ilkem a tat-iggaz.»

Əddənət meɣ alaxirat

¹⁸ Issæstan æmuzar iyyan ən Kəl-Ëlyəhud Ƴaysa, inn-as: «Ëššex olâxan, mas di-iwar igi-net y ad əgrəwa tæmæddurt ta tæxlalat?»

¹⁹ Inn-as Ƴaysa: «Mafel as di-təganna Ëššex olâxan? Wər t-illa i olâxan ar Məššina.

²⁰ Təssânaɣ alwajiban-net: Ad wər tagaɣ əzzəna, ad wər tagaɣ iman, ad wər takəra, ad wər tagaɣ təgəyya ən bahu, səɣmar abba-nak d anna-nak.»

²¹ Inn-as aləs wen: «Aratan win di kul harwa da mədrəya as tan-əssəbdada.»

²² As isla Ƴaysa y awen, inn-as: «Arat iyyanda a dak-in-iqqiman əmərədda: Aglu zanz-in awa tələɣ kul, tuzanaɣ inazzan-net i tələqqawen ad təgrəwaɣ ərrəzəɣ a dak-z-ansin daɣ alaxirat. Dəffər adi amaran tagla-du təlkəmaɣ-i.»

²³ As isla y awen, əɣšadan man-net wəllen fəlas təgərgist tagget a iga.

²⁴ As inay Ƴaysa as, əɣšadan man n aləs en wəllen, inna: «Iket əzzəwi ig-ay iguz ən Taɣmar ta n Məššina fəl win əggərgasnen.

²⁵ Ogar tərɣasay ta iga fəl əlam aradaɣ daɣ təbuday n ənazmay, i ta iga fəl əməggərgəs iguz ən Taɣmar ta n Məššina.»

²⁶ Təzzar ənnan-as aytedan win das-əssəsammen: «Adi za ma ifragan ad iɣləs daɣ təmsay?»

²⁷ Inn-asan Ƴaysa: «Awa imosan muxal ɣur aytedan, Məššina ifrâk-ku.»

²⁸ Inn-as Butros: «Nakkanay za, a oyyanen awa nəla kul, nəlkam-ak?»

²⁹ Inn-asan Ƴaysa: «Ëggəyɣ əsilakanaɣ-awan as, wər t-illa i din-z-ayyin ehan-net madeɣ tantut-net, madeɣ imədrayan-net, madeɣ imarwan-net madeɣ bararan-net fəl əddəlil ən Taɣmar ta n Məššina,

³⁰ əs wərgəy ad igrəw inədfusan-nasan daɣ harwa əmərədda, igrəw deɣ tæmæddurt ta təxlalat daɣ azzaman win əlkammen.»

Ihəz n alyazab wa z'inəy Ƴaysa

³¹ Ikkas Ƴaysa inəttulab-net win maraw d əššin daɣ aytedan, inn-asan: «Səsəmat: nakkanay da əggəzzaynen əs Yerusalem da, amaran den da ad z'andu arat kul wa əktaban ənnəbitan daɣ salan-in nak Ag Aggadəm.

³² Ad tawagga daɣ fassan n aytedan wər nəmos Kəl-Ëlyəhud, agin daɣ-i tamakkakkayt, agin-i šisəssəlka, əssutəfan fall-i,

³³ ayyawanan-i šiwwit, agin iman-in, təzzar ənkara-du daɣ tæmattant əzəl wa n karad.»

³⁴ Mišan wər t-illa a əgrân nəttulab-net daɣ awa inna den, ittinkal-asan almaɣna-net, wər əgren awa daɣ dasan-iššəwal.

Ëzuzəy ən Ƴaysa əmæddərxəl iyyan

³⁵ As d-ihoz Ƴaysa aɣrəm wa n Yerikaw, okay fəl əmæddərxəl iyyan iqqiman fəl afay ən tarrayt, itansay.

³⁶ As isla əmæddərxəl i tamattay ta fall-as tətakayət da, issæstan d awa imos awen.

³⁷ Itawann-as: «Ƴaysa wa n əɣrəm ən Nazaret a itakayan.»

³⁸ Amaran idkal əməsli-net, igannu: «Ya Ƴaysa wa n Ag ənnəbi Dawəd, hənəttət-i!»

³⁹ Sannarɣaman-as aytedan win azzarnen y ad affastu, mišan idkal əməsli-net wəllen, igannu: «Ya Ag Dawəd, hənəttət-i!»

⁴⁰ Təzzar izzəkkat Ƴaysa, omar s a das-d-attalway. As t-id-osa, issæstan-tu, inn-as:

⁴¹ «Mas tareɣ a dak-k-aga?» Inn-as əmæddərxəl: «Ëməli, a əreɣ a di-d-iqqəl asawad-nin.»

⁴² Inn-as Ƴaysa: «Iqqələt-kay-du asawad-nak, əzəgzan-nak a kay-iɣlasan.»

⁴³ Iqqəl-du asawad əmæddərxəl tamazayt ten da, igla ilkam i Ƴaysa, immâl Məššina. Aytedan kul win ənaynen awa igan den, əntanay da əmmâlan Məššina.

19

Zakkəyas wa n anabaz n amana

¹ Iggaz Ƴaysa aɣrəm ən Yerikaw, okay daɣ ammas-net y ad t-irdəɣ.

² Aɣrəm en ih-ay aləs igân esəm Zakkəyas imosan æmuzar ən nabazan n amana n əməggərgəs.

³ Ad igammay d anay ən Ƴaysa, mišan təgdal-as-tu tamattay fəlas təgzələy a iga.

⁴ Təzzar ozal, azzar i tamattay, iftan ašək igân esəm sikamor fəl ad inəy Ƴaysa fəlas den da a du-z-akəy.

⁵ As d-ewad Ƴaysa edag wen, idkal asawad-net, inn-as: «Zakkəyas, zabbat-du tarmâd, azalada kundaba əzzəbbəy daɣ aɣaywan-nak.»

⁶ Izzəbbat-du Zakkəyas tarmâd, iqbal awen, ifilawas.

⁷ As ənayan aytedan awen, gatantanan ketnasan, gannin: «Izzəbbat xur aləs n anasbakkad.»

⁸ Amaran ibdad Zakkəyas dat Əməli Yaysa, inn-as: «Ya Əməli, ad akfay təzunt ən təlanin i tələqqawen, kud dəx ill-ay i dəx ətşəx arat, a das-t-əssuxəla imos əkkoz nədfusan.»

⁹ Təzzar inna Yaysa: «Azalada, ehan wa iggaz-t-id əlxıllas, fəlas aləs wa, ənta da ahaya n ənnəbi İbrahim a imos.»

¹⁰ Nak Ag Aggadəm osex-du gammadayx aytedan win əxraknen y a tan-əxləsa.»

Əşşəxəl ən Yaysa dəy Yerusalam

Təngalt ta n tammaten

¹¹ Əssisaman aytedan y awa igannu Yaysa ketnet. Ig-asan Yaysa təngalt iyyat fəlas ihoz Yerusalam amaran əxilan alwaq wad za tənəfiləl Təxmar ta n Məşşina ewad-du.

¹² Inn-asan: «Kala ikka aləs iyyan n ag əket akal iyyan iggugan y a dəx-as d-igrəw təmənukəla, iqqəl-du.»

¹³ Dat teklay-net, iğra-du maraw dəx eklan-net. Akk iyyan dəx-san ikf-ay tamma inn-asan: "Agiwat dəx-asnat jola har d-əqqəla."

¹⁴ Amaran aləs en, wər t-ərən aytedan n akal-net. As igla, əssəglan inəmmuzal s əmənokəl wa zəwwəran y a das-annin: "Aləs di, wər nəra ad iqqəl əmənokəl-nana."

¹⁵ Mişan igraw təxmar, iqqəl-du akal-net. Isassaxra-du eklan-net winād ikfa tamatten da, fəl ad issən awa sər-san d-iggazan dəx jola-nasan.

¹⁶ Os-ay-du wa azzaran, inn-as: "Məşşi, tamma ta di-təkfəx əğrawa-du fall-as marawat şiyvad."

¹⁷ Inn-as məşşis: "Alafəyet! İllikan as akli oləxan a təmosa. Zamas təh-ik təfləst dəx awa wər nəggət, adi za a kay-əzzuzərağ i maraw xərman."

¹⁸ Os-ay-du wa n əşşin, inn-as: "Məşşi, tamma ta di-təkfəx əğrawa-du fall-as səmmosat şiyvad."

¹⁹ Inna i wa: "Kay, ad tizarax i səmmos xərman."

²⁰ Os-ay-du wa n karad, inna: "Məşşi, tamma ta di-təkfəx ənta da. Akamas a tat-əgeğ dəx əlkəşifa-nin, ogazaq-qat.

²¹ Təksəda a kay-əgeğ, fəlas əssənağ as aləs labasan a təmosa. Tədakkalağ a wər təssənsə, tətəlaya dəx tawagost wər tənbelə."

²² Inn-as məşşis: "Kay, ark əkli a təmosa, awa d-igmadan imi-nak as kay-z-abəzağ. Dad təssanağ as əməsağ awedan labasan, idakkalan a wər issənsə, italay dəx tawagost wər inbel,

²³ ma fəl as wər təgeğ azrəf-in dəx bank, əddi as du-z-əqqəla əğrəwa fall-as tətəyt."

²⁴ Təzzar inna y aytedan win əllanən den: "Abəzat dəx-as tamma ta itaf, takfım-tat i wa ilan marawat."

²⁵ Ənnan-as: "Məşşikkana, wəgeğ ilā marawat?"

²⁶ İjjəwwab-asan, inna: "Silakanağ-awan as, wa ilan, wədi a das-itəwəşitu awa ila; amaran wa wər nəla, arat n arat wa ila da, a dəx-as attarmas."

²⁷ Amaran aytedan win zənga-nin, wər nəra ad əqqəla əmənokəl-nasan, awəyat-tan-du, təgzəməm-tan dat-i.»

İhəz ən Yaysa Yerusalam

²⁸ As inna awen, iggaz əxəf ən nəttulab-net, iggəzzay əs Yerusalam.

²⁹ As din-ihoz təxərəmt ta n Bətfajay əd ta n Bətanəy, dəğma n ədəxə was itawannu wa n "Əşkan ən Zaytun", izammazal əşşin dəx nəttulab-net.

³⁰ Inn-asan: «Akkiwat təxərəmt ten dat-wan den. As tat-in-təggazam, ad tənəyam əhulel n əzdan iqqānan əs kala wər ittəwan. Ariwat-t-id, təlwəyam-t-idu.

³¹ As kawwan-issəstan awedan, inn-awan: "Xa, ma tətəggim əddi?" Tannim-as: "Əməli a sər-əs iddəranan.»"

³² Əqlan nəttulab win den, ənayan arat kul s əmmək wa dəx as dasan-t-inna Yaysa.

³³ Təran əhulel, as dasan-ənnan məssawəs: «Xa, ma tətəggim əddi?"

³⁴ Ənnan-asan nəttulab win əşşin en: «Əməli a sər-əs iddəranan.»

³⁵ Əlwayan-t-id i Yaysa. Ədfaran-as fall-as isəlsa-nasan, əssəwanan-as-tu.

³⁶ İmatakwəy, a das-tissəwan aytedan isəlsa-nasan dəx tarrayt-net.

³⁷ As d-ewad Yaysa edag wa dəx təzagaday tarrayt adəxə wa n Əşkan ən Zaytun, dəx əməhihəz ən Yerusalam, ədkalan nalkıman-net ketnasan imaslan-nasan, əssəggadan dəx təmmalen i Məşşina dəx batu ən təlməxjujaten kul şin ənayan.

³⁸ Gannin:

«İga Məşşina albaraka y əmənokəl wa d-osan s esəm n Əməli.

Attadet alxer əd tanaya
dağ jənnawan win ədkalnen!»

³⁹ Təzzar ənnan Farisaytan əhanen tamattay en i Ƴaysa: «Əššex, ərxəm i nalkiman-nak!»

⁴⁰ Inn-asan Ƴaysa: «Ənney-awan, as əffəstan, šihun a, a za səxxərətne.»

Awa iqqalan i Yerusalam

Tala ən Ƴaysa fəl Yerusalam

⁴¹ As din-ihoz Ƴaysa ərxəm ən Yerusalam, ogg-ay, iggaz fall-as šin tala;

⁴² igannu: «Ya Yerusalam, ənnar kam dâ, təssânağ əmmək was za təgrəwağ alxer azalada; mišan wər tu-təssena, fəlas ağabar a dam-iga.

⁴³ Əlkâman adan a dağ kam-za-xəliyələyan zəngə-nam, agin-am afarag issohen n əməğər, ədgəzan-kam fəl gannatan kul.

⁴⁴ Addagdagan-kam, kam d aytedan-nam. Wər dağ-am du-z-ayyin təhunt təwârat iyyat, fəlas tugayağ s ad tagrağ assa wa dam-d-iga Məššina y dam-agu arraxmat-net.»

Asatay ən Ƴaysa imassatagan dağ Ahan wa Zəwwəran n Əlyibada

⁴⁵ Dəffər awen, iggaz Ƴaysa ağalla wa iğlayan Ehan wa Zəwwəran n Əlyibada, a dağ-as isattağ imassatagan.

⁴⁶ İğann-asan: «Wərgəğ iktâb as, inna Məššina: "Ehan-in ad iqqəl ehan ən təwətriwen." Kawanay amaran təğâm-tu "əsəlxəs ən baydagan"?"

⁴⁷ Akk əzəl isassağru Ƴaysa dağ Ahan wa Zəwwəran n Əlyibada. Ad gammayan muzaran ən limaman əd musanan n Əttawret əd muzaran ən Kəl-Əlyəhud d igi ən man-net,

⁴⁸ mišan ab-asan təməwit tas z'agin awen, fəlas aytedan kul əknân-as əsəsam.

20

İsəssəğri ən Ƴaysa dağ Ahan wa Zəwwəran n Əlyibada

Ma ikfan Ƴaysa tarna ta ila?

¹ Əzəl iyyan isassağru Ƴaysa aytedan dağ Ahan wa Zəwwəran n Əlyibada, immal-asan Əlinjil as t-id-osan muzaran ən limaman əddewan əd musanan n Əttawret əd muzaran ən Kəl-Əlyəhud,

² ənnan-as: «Əməl-ana da du-təğrawa tarna n igi n aratan win tətəgga da? Ma daktat-ikfan?»

³ Inn-asan: «Nak da a dawan-agay əsəstan iyyan, amaran əməlat-i:

⁴ Awak əsəlməğ wa iga Yaxya aytedan dağ aman, Məššina a çur d-ifal awen meğ aggadəm?»

⁵ Təzzar namaşawwaran gar-essan, ənnan: «As das-nənnə "Məššina a çur d-ifal" a danağ-annu: "Mafel za wər təzzəgzənam s awa inna?"

⁶ As das-nənnə "Aggadəm a çur d-ifal", tamattay ta, ketnet as dana-za-tançu əs zabaw ən təğur, fəlas təkkâs aşşak as Yaxya ənnəbi a imos.»

⁷ Ənnan-as amaran: «Wər nəssen wa çur d-ifal.»

⁸ Inn-asan Ƴaysa: «Nak da za, wər dawan-z-əmələğ dad d-əğrawağ tarna n igi n aratan win.»

İlmital ən magyakan n alyanab

⁹ Amaran imalallay-in Ƴaysa tamattay ig-as əlmital wa, inna: «Kala ad ila aləs iyyan afarag n alyanab. Təzzar issəğfar afarag-net en i magyakan wiyyad, išşokal, ig-in tamert tagget.

¹⁰ As du-tewad tamert ta n əmiləy n alyanab, izammazal sər-san iyyan dağ eklan-net y a t-id-akfin adagar-net dağ awa d-eraw afarag, mišan əgan-as šiwwit, əssoğalan-tu məššis isikarayray ifassan.

¹¹ İzammazal sər-san iyyan akli. Ənta da, əgan-as šiwwit, safallasan-tu, əssoğalan-tu wər eway wala.

¹² As taklat ta n karadat, izammazal sər-san iyyan akli. Ənta da sabbasan-tu, əstağan-tu.

¹³ Dəffər awen inna məššis n afarag: "Awak ma z'aga? A sər-san zəmmizəla ruray wa əknəğ tara, mijas ənta a t-əssəxməran."

¹⁴ Mišan as ənayan magyakan win əğfarnen afarag barar-net izay-tan-du, namannan gar-essan: "Ənta əddi amakkasu n afarag. Ançiwatanaq-qu kərəz, fəl ad təqqəl təkəsit šin-nana."

¹⁵ Ekkanasan-tu daɣ afarag, ənɣan-tu kərəz.» Amaran inna Ƴaysa i tamattay: «Əmərəddə ma tordam ma z'agu məššis n afarag i win den meddan?

¹⁶ Adi za ad aglu ənta iman-net, agu iman ən magyakan win, issəxfər afarag-net i magyakan wiyyad.» Əslan aytedan y awen ɣas, ənnan: «Məššina ya wər təgəɣ adi!»

¹⁷ Təzzar idak-kan Ƴaysa s asawad, inn-asan: «Daɣ adi ma imos almaɣna ən batu ta tənnaɗ daɣ Əlkəttaban: "Təhunt ta din-əgaran makrasan, ənta a təqqalat təhunt ta təkbalat ehan"?"

¹⁸ Awedan kul wa udan fəl təhunt ta, ad addagdag, wa fəl tuda deɣ a tu-təlkəš.»

¹⁹ Əgran musanan n Əttawret əd muzaran n limaman as əntanay a fəl iga Ƴaysa əlmital wen, təzzar əgmayan d abbaz-net amazay wen da, mišan wər əgen awen, fəlas tamattay a əksudan.

Arazam n amana i Qaysara

²⁰ Adi a fəl ewalan Ƴaysa, ənkádan-as. Əssokan-t-idu meddan əgânen iman-nasan almat alɣadılan, fəl a tu-əššiwəlan sassannin-tu arat wər nətəwənnu, abəzən-tu sər-əs, agin-tu daɣ fassan n əmuzar n akal d əlxəkum-net.

²¹ Əssəstanan Ƴaysa, ənnan-as: «Əššex, nəssân as awa təganna d awa təsasaxra oɣâd; wər tətəgga təmərit gər aytedan. Təsasaxra əs tidət awas danay-iwar igi-net daɣ tarrayt ta n Məššina.

²² Amaran əməl-ana, awak xalal-ana arazam n amana y əmənokal wa zəwwəran Qaysara meɣ?»

²³ Igra Ƴaysa tənagmayt-nasan, inn-asan:

²⁴ «Səknat-i tefelt n əzrəf. Ma ilan udəm d esəm win t-əwarnən?» Ənnan-as: «In Qaysara.»

²⁵ Inn-asan: «Adi za agiwat i Qaysara awa kawan-issəwar, tagim deɣ i Məššina awa kawan-issəwar.»

²⁶ Indar-asan a tu-səssugin ark awal dat aytedan. Isammaklal sər-san aljawab wa dasan-iga den, əffəstan.

Əsəstan igân daɣ batu ən tanakra daɣ təmattant

²⁷ Dəffər awen osan-t-id arat daɣ aytedan ən taggayt ta n Sadusaytan. Sadusaytan əttáfan as wər tu-təlla tanakra dəffər təmattant. Əssəstanan-tu,

²⁸ ənnan-as: «Əššex, inna ənnəbi Musa daɣ Əttawret: "As aba aləs, oyya-du tantut dər wər ila barar, a tat-izləf amadrəy-net fəl ad agu əzzurrəyya y əmidi-net wa aba den."

²⁹ Amaran kala a t-əllan əssa mədrayan. Izlaf wa dasan-waşšaran ketnasan, aba-tu wər ila barar:

³⁰ Izlaf wa n əššin tantut ta d-oyya əmaq qar-net, ənta da aba-tu wər d-oyya ara.

³¹ Wa n karad deɣ awen da. Əssa mədrayan en ketnasan igraw-tan awen da, wər tan-iha i d-oyyan ara.

³² Dəffər awen, aba tantut ənta da.

³³ Awak əzəl wa n tabadday, ma imos daɣ əssa mədrayan win den was za təqqəl tantut ten təxurəs, dad zamas ketnasan əzláfan-tat?»

³⁴ Inn-asan Ƴaysa: «Daɣ əddənət ta nəha da, zallafan meddan, tawazlafnat tədoden,

³⁵ mišan aytedan win isannaha Məššina əd tanakra daɣ təmattant fəl ad əggəzan aljannat, win di wər dasan-t-illa azalaf gər za meddan wala šidoden.

³⁶ Id ab-as daɣ-san təlkam təmattant, olân d angalosan, əqqalan bararan ən Məššina id tanakra a d-əgan daɣ təmattant.

³⁷ Amaran daɣ awa iqqalan tanakra ən nəmməttan, ənnəbi Musa ənta iman-net as isattadda awen daɣ Əttawret, daɣ batu ən təfsəq, assaxa wad inna Məššina imos "Əməli n Ibrahim, d Isəhaq əd Yaqub."

³⁸ Daɣ adi Məššina wər imos Əməli ən təməxsə, kalar Əməli ən win əddarnen a imos, fəlas xur-əs aytedan kul əddáran.»

³⁹ Ənnan wiyyad daɣ musanan n Əttawret i Ƴaysa: «Əššex, təgəɣ awal oláɣan.»

⁴⁰ Dəffər adi ab-as əhalan əsəstan-net d arat waliyyan.

Əsəstan igân daɣ batu n awa imos Əlməsix

⁴¹ Dəffər awen issəstan-tan Ƴaysa inn-asan: «Manəmmək as itawannu Əlməsix Ag əmənokal ənnəbi Dawəd a imos?»

⁴² Ənta Dawəd iman-net as sər-əs inna daɣ əlkəttab wa n Azzabur: "Inna Əməli y Əməli-nin: 'Qamu daɣ əɣil-in,

⁴³ har aga izəngə-nak daw daran-nak.'"

⁴⁴ Daɣ adi dad zamas Dawəd iman-net iɣra Əlməsix s esəm wa n Əməli, manəmmək as z'iqqəl barar-net?»

Ennækud i talmánufəqa ən musanan n Ettawret

⁴⁵ Harwada əssísaman aytedan kul, as inna Ýaysa i nəttulab-net:

⁴⁶ «Enkədat i musanan n Ettawret, ərân əsəxləy əzlâgan şikadkaden zagrotnen, d ətəwəsəslam igân əs saýmar daý sammanayan, ərân təximit daý daggan win əlanen almaqam daý nan win əlxihada ən Kəl-Əlyəhud, əd daggan n aytedan win tawasaýmarnen daý məgura.

⁴⁷ Tattan eharay ən tədoden şin as aba meddan-nasnat, as iga awen, taggin imaddan tahaginen wər nəmos ar sokni. İlkâm a dasan-itəwəxkəm attadib labasan.»

21*Takutay ən təntut as aba aləs-net*

¹ Idkal Ýaysa asawad-net, inay iməggərgas taggin azraf wa əkkatan daý əssənduq wa daý itiddaw ərğəzəx n Ahan wa Zəwwəran n Əlyibada.

² Inay deş tantut iyyat ən tələqqay as wər idder aləs-net as təga daý əssənduq en sanatə təfelen.

³ Təzzar inna: «Əggəyyeş silakanax-awan as, tantut ten ən tələqqay en as wər idder aləs-net en, togar aytedan a ketnasan tehakkay.

⁴ Fəlas ketnasan awas wər əddərarən a əkfan, ənta amaran, addararat-net a daý tədkal awa təla kul təkət-tu.»

*Assa n əzəl wa ilkaman**Əbərəjji wa ilkaman daş Ahan wa Zəwwəran n Əlyibada*

⁵ Əşşewalan aytedan wiyyad daş batu n Ahan wa Zəwwəran n Əlyibada, əmmâlan adalag wa iga əs təhun hossaynen d aratan win əkfan aytedan daş təkutawen-nasan. Inna Ýaysa:

⁶ «A wa təhannayam da, əlkâman adan a daş-as du-wər-za-taqqam təhunt təwârat təmidit-net, ketnet ad itəwəjəbbərəjjet.»

Enkədat y awa ilkaman

⁷ Təzzar əssəstanan-tu, ənnan-as: «Əşşəx, əmmay ad z'agu wədi arət? Ma za təqqəl aýalamat ta za tassaknit as ibuk y igi?»

⁸ Inn-asan Ýaysa: «Enkədat ad wər tətəwəsəxrəkam, id aytedan aggotnen a du-z-asinen əttafan esəm-in. Akkiyyan daş-san igannu: "Nak a imosan Əlməsix", "Taqqan tewad." A dasan-wər-təlkəmam.

⁹ As təslam i tərnuq ən məgiran d əlfəllagatan, ad wər təşşəwəşam fəlas, aratan di kundaba izâran-du, mişan wər dasan-za-təlkəm təzərəst n əddənet əddi da.»

¹⁰ Inn-asan deş: «Ad əknəsnat addawlaten gar-essanat, əknəsnat təxmaren gar-essanat,

¹¹ əməlan-tu nəgəynəgəyan n amađal labasnen; iməl-tu laz əd təwərnawen əssiksadnen daş daggan aggotnen, əməlan-tu deş aratan əssiksadnen d aýalamaten əsimaklalnən daş jənnawan.

Ətəwədgaz ən nalkiman

¹² Mişan dat adi kul, ad tattarmasam, tətəwəzəxəzzəbam, tammawayam əs nan win əlxihada ən Kəl-Əlyəhud, tətəwəggim da kasaw, tətəwəsəbdədam dat mənokalan əd naxkiman, tətəwəsəstənam fəlas kawan-iwar esəm-in.

¹³ A kawan-akfu adi tarrayt n a fall-i taggayem.

¹⁴ Daş adi sansiwat taytwen-nawan, ad wər təsəmmutəgam awa za tannim y ad təkəkəsam iman-nawan,

¹⁵ fəlas a kawan-akfa masnat n awal əd təla n əgərri as tu-wər-illa azangaw-nawan a dasan-z-ifrəgan wala deş ifrəg isəbbəhəw-nawan.

¹⁶ Wala imarwan-nawan a kawan-səttərməsən, səttərməsən-kawan mədrayan-nawan əd şəqqəyan-nawan əd midawan-nawan, təwənşin wiyyad daş-wan kərəz.

¹⁷ A kawan-əgzəran aytedan kul fəlas kawan-iwar esəm-in,

¹⁸ mişan wər dawan-z-işşəd adi wala a odgan əd təzuşay n əmi n əşşənnan.

¹⁹ Zəmmərat-nawan as za tagəzam iman-nawan.

Ətəwəşray wa ilkaman daş əyrəm ən Yerusalem

²⁰ As tənayam aýrəm ən Yerusalem şilayşalayan-tu gənan ən sojjitan, təssənam as ijjwâr itiwadagdag.

²¹ Əddi, aytedan win ahanen akal ən Yahudəyya, win di addaggaganet s əđşaxan. Win əhanen aýrəm ən Yerusalem, əgmədanet-tu, win t-əgmədnen əs saffan-net, a t-idu-wər-əqqəlan,

²² fêlas adan win di, ad eqqêlan adan a dağ z'awwaddab Məşşina aytedan, fêl ad andin aratan kul win ênnan Êlkêttaban.

²³ İket alğazab ad t-aginat têdoden şin êganen şidusen êd şin sankasnen dağ adan win den, fêlas ad tagu têsust labasat dağ akal, azzabbat-du attadib ên Məşşina fêl tamattay ta.

²⁴ Arat dağ tamattay ta ad itêwênşu ês takoba, awa hadan ikfêl ês kallan kul, êggêznat têmattiwen wêr nêmos Kêl-Ëlyêhud aşrêr ên Yerusalama, a tu-tataftafnat har tandu têmastant ta tanat-ikfa Məşşina.

Assa n Ag Aggadêm

²⁵ Ad têwênşan aratan saksodnen êmosnen alğalamaten as z'aginen da têfuk êd têllit d etran. Ad êşşêwêşnat têmattiwen n êddênet wêllen, iqqêr êmêslî labasan wa tagginat tanazzamaren n aman ên gêrwan iğafawan-nasan.

²⁶ Aytedan a tan-tanşu tasa n aratan win hannayan êzayan-du êddênet fêlas ad têwêşêngêynêngêynat têxêllak şin êlênen tarna dağ jênnawan.

²⁷ Alwağ wêdi, a di-ênşan aytedan nak Ag Aggadêm as du-z-asa, êheş tagarak, êleğ tarna êd tanaya tagget.

²⁸ As êntan aratan win di, têsêmmutêgam, annalamanet man-nawan, fêlas alwağ ên tedarfit-nawan ihôz.»

Ëlmital wa iga Yaysa s aşêk ên fig

²⁹ İg-asan Yaysa êlmital, inn-asan: «Ënzêrat-in dağ aşêk ên fig d êşkan win hadatnen. ³⁰ As êggazan şin tanazra, ad têsênam kawanay iman-nawan as tamert ta n akasa têhêz.

³¹ Zund êmmêk en dağ âs as tênayam aratan win dawan-êmalay êddi, têsênam as Taşmar ta n Məşşina têhêz.

³² Êggêyyêş êsilakanay-awan as tamattay ta da n azzaman win nêha da, ad tênêş ênêtti n aratan kul win dawan-êmala da.

³³ İjênnawan d amağal ilkâm ad ib'as t-êllan, mişan batuten-in êllanat-tu har faw.»

Êmmutêgat, t ênkêdam

³⁴ «Ënkêdat fêl man-nawan! Ad wêr iğşêd igêt ên tattay êd tassay n esmad êd medranan n êddênet ênnêyaten-nawan, ag-awan êzêl wêdi ağadar,

³⁵ zun wa tetağgu taftaw y awedan. Arat wêdi ad agu fêl aytedan kul win êwarnen tesayt n amağal.

³⁶ Dağ adi agat ênnêyat, ad têtansayam Məşşina alwağ kul a kawan-issêfragan ikus ên man-nawan dağ awa d-izayan ketnet, têfrêgam a dat-i têbdêdam nak Ag Aggadêm.»

Ëşşêğêl ên Yaysa dağ Ahan wa Zêwwêran n Êlğibada

³⁷ Faw isasaşru Yaysa aytedan dağ Ahan wa Zêwwêran n Êlğibada, amaran as iga ahad, ad adêw adğay igân esêr wa n Êşkan ên Zaytun.

³⁸ Id affaw, a d-ênzêyan aytedan kul s Ahan wa Zêwwêran n Êlğibada y a das-êssêşeman.

Tamattant êd tanakra ên Yaysa Êlmêsix

22

Tadrêwt ên Yaysa ta t êkamat êd nêttulab-net imensewan

Anu ên t êğdêrt wa itawağazan i Yaysa

¹ Amud wa dağ tattin aytedan şigêlwen şin wêr iha xamira, was itawannu wa n Akkay, ihêz.

² Imuzaran ên limaman êd musanan n Êttawret gammayan têmêrkest tas z'agin iman ên Yaysa, mişan êksudan ad t-anşin ijênnêjêrwêş awen tamattay.

³ İggaz Aşşaytan Yahuza was itawannu İsxarêyuti imosan iyyan dağ nêttulab ên Yaysa win maraw d êşşin.

⁴ İgla, ikka imuzaran ên limaman êd muzaran n aytedan win ogaznen Ehan wa Zêwwêran n Êlğibada, imaşawal dêr-san dağ batu n êmmêk was z'agu Yaysa dağ fassan-nasan.

⁵ İsaddawat-tan awen; êrğan s ad t-akfin azrêf.

⁶ İrd-asan, têzzar ad igammay têmêwit tas z'agu Yaysa dağ fassan dağ amazay a şur-êş wêr têlla tamattay.

İmutag n êmud wa n Akkay

⁷ As d-ewad əzəl n əmud wa n təgəlwen šin wər iha xamira, wa daḡ tawagzaman jəḡal win əmud wa n Akkay.

⁸ izammazal Ƴaysa Butros əd Ƴaxya, inn-asan: «Aḡlat təsəmmutəgam-anay imensewan win əmud wa n Akkay.»

⁹ Ennan-as: «Mənid tareḡ a tan-nəsəmmutəḡ?»

¹⁰ Inn-asan: «As din-təḡgazam aḡrəm, ad tammanayam d aləs a d-iktəran ətəkin-net. Əlkəmat-as s ahan wa z'iggəz,

¹¹ tannim i məššis n ahan wədi: "Inn-ak Əššex: 'Məni tu daḡ ahan-nak edaḡ wa n naftaxan, wa daḡ za nammansaw nak əd nəttulab-in daḡ əmud wa n Akkay?'"

¹² A kawan-assaknu daḡ suru-net, ehan wa n afalla, elwān, əhān-tu mutaḡ kul. Əddi da ad za təsəmmutəgam imensewan.»

¹³ Əḡlan, ənayan arət kul s əmmək was dasan-t-inna Ƴaysa; təzzar ad simutugan imensewan win Akkay.

Imensewan win əmud wa n Akkay

¹⁴ As iga alwaḡ ən tattay, inaḡama Ƴaysa əd nəmmuzal-net, əḡgazan šin tattay.

¹⁵ Təzzar inn-asan: «Əkneḡ deran ən tədrəwt ta dər-wan əḡeḡ imensewan n əmud wa, harwa wər əḡḡəzzaba.

¹⁶ Silakanay-awan as, wər di-ilkem a tan-ələsa tettay iket wər d-osa əzəl wa daḡ z'andu almaḡna-nasan daḡ Taḡmar ta n Məššina.»

¹⁷ Təzzar idkal-du Ƴaysa təkabart iha esmad n alḡanab, igḡoday i Məššina, inna: «Abəzat təkabart ta, tənəməḡləzam awa tat-ihan,

¹⁸ fəlas əsilakanay-awan as, wər ilkem ad əšweḡ esmad n alḡanab, iket wər du-tosa Taḡmar ta n Məššina.»

İsəbdəd ən mensewan win əmosnen isaktan n Əməli

¹⁹ Dəffər awen idkal Ƴaysa taḡəlla, iga igodan i Məššina, irz-et izun-asan-tat, inn-asan: «taḡəssa-nin adi, tətəwakfat fəl əddəlil-nawan. Tuzanat-tat əs təməwit ta da, imos adi isaktan-in.»

²⁰ Zund əmmək en da əs as ətšan, idkal təkabart, inn-asan: «Təkabart ta, arkawal wa aynayan ən tassaḡ a təmos ḡər Məššina əd tamattay-net. Arkawal wa, azni-nin a z'inḡəlan fəl tənfa-nawan a t-isattaddan.»

Emel ən Ƴaysa ətwəkəddal wa z'itəwəḡḡu

²¹ «Fadda ənəyat, aləs wa di-z-aggin daḡ fassan, illa da da, idrāw dər-i.

²² İllikan as nak Ag Agḡadəm a di-iba əs təməwit ta d-ixkam Məššina harwa dat alwaḡ, mišan iket alḡazab ad t-inəy awedan wa di-igan daḡ fassan.»

²³ Təzzar ad tinəməsəstinan nəmmuzal-net ḡar-essan əd wa daḡ-san z'agin wen daḡ arət.

Ma imos wa daḡ-wan oḡaran

²⁴ Dəffər awen tənkar tamazaḡ ḡar-essan təḡât daḡ batu ən was əttafan as ənta a daḡ-san oḡaran.

²⁵ Inn-asan Ƴaysa: «İmənokalan ən təmattiwen n əddənət saknin tarna y aytedan win as azzaran, zamazalan fall-asan dəḡ əlxəkum-nasan; mišan dər iga awen da əttāfan as imadhəlan n aytedan a əmosan.

²⁶ Mišan kawanay, ad wər tagim awen. Kalar, wa daḡ-wan oḡaran almaḡam, iḡḡəlet zun wa daḡ-wan mədrəyan. Wa daḡ-wan azzaran, iḡḡəlet zun amaššaxal.

²⁷ Awak ma oḡaran awedan wa iḡḡiman itattu əd wa das-išḡalan? Wəḡḡeḡ wa iḡḡiman itattu? Mišan nak imosan əmuzar-nawan aheḡ-ḡawan əmosa zun amaššaxal-nawan.»

Əššəḡəl wa ilkaman daḡ nəttulab win maraw d əššin

²⁸ «Kawanay win da, a d-əḡḡimnen təlkāmam-i daḡ jarrabatan win ənaya.

²⁹ Adi as, tehakkay ta di-iga Abba-nin taḡmar, ənta a dawən-z-aga y-as nak əmərədda.

³⁰ Fəl a dər-i tədrəwam tettay əd tassay daḡ taḡmar-in, taḡḡamim fəl təsəḡḡima ən təmənukəla y ad təsrəḡam i tawšəten marawat əd sanatət šin İsrəyil.»

Emel ən Ƴaysa ikus wa das-z-əḡu Butros tazdəyt

³¹ «Simḡon, Simḡon! Ənkəd! Aššaytan igməy turagət n a dawən-əḡu əsəkənsəki wa itawaggin y alkama.

³² Mišan nak onsəyax-ak Məššina fəl a kay-wər-igməd əzəḡzan wa sər-i təḡeḡ. Amaran as di-du-təḡḡala, təsəssuḡeḡ əzəḡzan ən mədrəyan-nak.»

³³ Inn-as Simḡon Butros: «Əməli, nak simataga s a dər-ək idawa kuddeḡ əs kasaw, əd təmattant.»

³⁴ Mišan inn-as Ƴaysa: «Butros, silakanax-ak as, wər z'axru əkəji aħora ahada da wər di-təggeda har karadat təklaten.»

Ƴnnəkud i təməxutar šin d-əzaynen

³⁵ Dəffər awen inna Ƴaysa i nammuzal-net ketnasan: «Alwaq wa kawan-zammazala wər tewayam azrəf, wala axrəg, wala təsəsəlt ta n sanatat, awak ill-ay arat a din-todānam?» Ƴnnan-as: «Kala.»

³⁶ Inn-asan: «Ƴmərədda za, wa ilan azrəf awəyet-tu, wa ilan axrəg awəyet-tu. Wa wər nəla takoba, azzanzet-in əbərnuz-net, azzanzet-du.

³⁷ Silakanax-awan as, awa fall-i itawannan daɣ Ƴlkəttab ən Məššina n as "iddun daɣ maggan ən təkma." Kundaba inda. Awalla, arat kul wa fall-i itawannan ad andu.»

³⁸ Ƴnnan-as: «Ƴməli, sanatat təkabiwen da.» Inn-asan: «Ayyat batu di, wər di-təgrem.»

Ƴtərməs ən Ƴaysa d əššəriya wa das-itawaggan

Təwatray ən Ƴaysa

³⁹ Ƴgmad Ƴaysa, iddew əd nəttulab-net, ikka adxax wa n Eškan ən Zaytun, imos awen arat itaggu faw.

⁴⁰ As din-ewadan, inn-asan: «Ansəyat Məššina a kawan-ogazan daɣ jarrabatan n Iblis.»

⁴¹ Ƴnta amaran izzənkaz-in fall-asan, əddukad ən taggor ən təhunt, igaraffat ad itattar, igannu: «Abba, kud immikkan adi, təssəgəgəx-i təkabart ta n alxazab di! Dər iga awen da ya, taget tara ta-nak wərgəx ta-nin.»

⁴³ Amaran inafalal-as angalos y ad t-isəssuhət.

⁴⁴ Təzzar ədgazan man Ƴaysa, idgaz wəllen daɣ təwatriwen, har təqqal tarraft-net šilat n əzni, ad tətattab daɣ amaɣal.

⁴⁵ As iɣrad šiwatriwen, ibdad, iqqal-du inəttulab-net, os-en-du issins-en əɣšud ən man.

⁴⁶ Inn-asan: «Mafel tənsām? Ƴnkərat tansəyam Məššina a kawan-ogazan daɣ jarrabatan n Iblis.»

Ƴtərməs ən Ƴaysa

⁴⁷ Harwada iššewal-asan as tan-təggaz tamattay təgget as azzar Yahuza wa n iyyan daɣ nəttulab-net win maraw d əššin. Ihoz-du Yahuza Ƴaysa y ad t-izələmmət.

⁴⁸ Mišan inn-as Ƴaysa: «Adis kay Yahuza, təzələmmət as di-za-təsəssuga daɣ fassan, nak Ag Aggadəm?»

⁴⁹ As ənayan nəttulab win hadatnen awa ibukan y igi da, ənnan: «Ƴməli, ma iqqal nəššəšəɣəl šikabiwen-nana?»

⁵⁰ Təzzar iwat iyyan daɣ-san akli n Ƴlimam wa Zəwwəran, ifras-du təməzzuk-net ta n əɣil.

⁵¹ Mišan iharaššat-tan Ƴaysa, inn-asan: «Ayyat adi!» Təzzar idas təməzzuk n əkli wen, izzozay-tat, təqqəl əmmək-net.

⁵² Amaran inna i muzaran ən limaman əd muzaran n aytedan win tagaznen Ehan wa Zəwwəran n Ƴlɣibada əd muzaran ən Kəl-Ƴlyəhud, əs ketnasan osən-du y ad t-əbəzan: «Awak əjəjəb iyyan n abaydag a əmosa as sər-i du-tewayam šikabiwen əd təburəgen?»

⁵³ Wərgəx əzəl kul ərtāya dər-wan daɣ Ahan wa Zəwwəran n Ƴlɣibada mišan wər di-təbezam? Ƴmərədda za alwaq-nawan a d-ewadan, kawanay əd taɣmar ta n Iblis əd šiyay-net.»

Ikus ən Butros tazdəyt i Ƴaysa

⁵⁴ Təzzar obazan Ƴaysa, ewayan-tu s aɣaywan n Ƴlimam wa Zəwwəran. Ig-asan Butros ləkkum zagren.

⁵⁵ As din-osan, tətawasarɣa təmsay daɣ ammas n aɣalla, əqqiman sər-əs aytedan. Iggaz-tan-in Butros.

⁵⁶ Tənay-tu təməšəxəlt iyyat iqqim əs təmsay, təzaggazd-ay wəllen, amaran tənna: «Aləs wa, ənta da, iddew əd Ƴaysa.»

⁵⁷ Mišan iggad Butros awen, inna: «Tantut, wər t-əzdəya.»

⁵⁸ Arat n amazay dəffər awen, inay-tu iyyan awedan, inn-as: «Kay da, iyyan daɣ-san.» Mišan inn-as Butros: «Xa aləs wa, kala wər t-əmosa.»

⁵⁹ As iga adag n alwaq dəffər awen, inna aləs iyyan s assahat: «Illikan as aləs wa iddew dər-əs, fəlas ənta da in akal ən Galilaya.»

⁶⁰ Inn-as Butros: «Xa aləs, wər əssenax awa daɣ-i təššewalax.» Harwa da iššewal Butros alwaq wen da as iɣra əkəji aħora.

⁶¹ Təzzar imalallay-in Əməli Yaysa iswad dağ Butros. Den da a d-ikta Butros awal wa das-iga Əməli, as das-inna: «Wər z'axru əkəji axora azalada wər di-təkkəsax tazdəyt har karadat təklaten.»

⁶² Təzzar Igməd Butros, ad ihallu fəl awa əgan man-net dağ əxşud.

Tamakkakkayt ən sojitan dağ Yaysa

⁶³ Alwaq wen, meddan win əttafnen Yaysa, əgân dağ-as tamakkakkayt, əggâtan-tu.

⁶⁴ Əgan-as abanaban, a das-gannin: «Kay ya ələwli! Əməl wa kay-iwatan.»

⁶⁵ A das-taggin batuten şiyvad aggotnen labasnen.

Tebadday ən Yaysa dat Asaggawar wa Zəwwəran

⁶⁶ As affaw axōra, immənay Asaggawar wa Zəwwəran ən muzaran ən Kəl-Əlyəhud, əhân-tu əmuzaran ən limaman əd musanan n Əttawret, itawasabdad dat-san Yaysa.

⁶⁷ Ənnan-as: «Kud kay Əlməsix, təmələx-ana?» Təzzar inn-asan: «Kud dawan-əməla da wər di-za-təzzəgzənam,

⁶⁸ kud kawan-əssəstana deş wər di-za-tajjawwabam.

⁶⁹ Mişan a obazan çur əmərədda, Nak Ag Aggadəm ad aqqama dağ əxil ən Məşşina di n Əməli ən Tarna.»

⁷⁰ Ənnan-as ketnasan: «Dağ adi kay Barar ən Məşşina?» Inn-asan: «Kawanay iman-nawan as tənnam əmosaq-qu.»

⁷¹ Təzzar ənnan: «Ma nəkka y iyyat təgəyya? Wərgəş nakkanay iman-nana nəslâ y awa d-igmədan imi-net?»

23

Tebadday ən Yaysa dat Bilatəs

¹ Tənkər aljamaçay ketnet, teway Yaysa əs Bilatəs wa n ənaxkim.

² A çur-əs tu-xattasan gannin: «Aləs wa, as t-in-nosa isaxrak tamattay-nana. Igaddal deş y aytedan ad ərzəman amana i Qaysara wa n əmənokəl wa zəwwəran, harwa igannu ənta a imosan Əlməsix, əmənokəl.»

³ Awen da a fəl t-issəstan Bilatəs, inn-as: «Awak kay dağ a imosan əmənokəl ən Kəl-Əlyəhud?» Inn-as Yaysa: «Kay iman-nak as tənneş adi.»

⁴ Inna Bilatəs i limaman win zawwarnen əd tamattay: «Wər hənnəyax əddəlil waliyyan a fəl obazaş aləs a.»

⁵ Mişan ədgazan wəllen dağ təxəttas-net, gannin: «İjinəjərwəy aytedan əs səssəxritan-net dağ akal ən Yahudəyya ketnet. İssənta-du awen dağ Galilaya har awas d-əwad Yerusalam da.»

Tebadday ən Yaysa dat əmənokəl Herod

⁶ İsla Bilatəs y esəm wa n Galilaya ças, issəstan kud Yaysa in akal ən Galilaya wala.

⁷ As issan as taçmar ta n Herod a das-tazzarat, issok-as-tu fəlas iha Yerusalam dağ adan en.

⁸ Herod isidawat-tu wəllen anay ən Yaysa, irəw ira anay-net fəl əddəlil n aratan win sər-əs isallu. İgâ deş attama n a dat-əs agu Yaysa təlməxjujat.

⁹ İg-as isəstanan aggotnen, mişan wər das-inna Yaysa wala.

¹⁰ As itaggu awen, imuzaran ən limaman əd musanan n Əttawret əllân den, siçaren da təxəttas ən Yaysa.

¹¹ A das-itaggu Herod əd sojitan-net şisəssəlka, taggin dağ-as tamakkakkayt; əzzəzlagan-tu takatkat təkniət əbələzləz, amaran isoşal-tu Herod i Bilatəs.

¹² Eway-du awen əzəl wen da as immedaw Bilatəs əd Herod, id dat awen nimagzaran.

Ətwəxkam ən təmattant i Yaysa

¹³ İşşədaw-du Bilatəs ilimaman win zawwarnen əd muzaran ən Kəl-Əlyəhud win hadatnen əd tamattay,

¹⁴ inn-asan: «Tewayam-du sər-i aləs a, tənnam isafallag aytedan. Əşraçax-as dat-wan, mişan wər ənaya əddəlil waliyyan a fəl t-əbaza dağ aratan win tu-təssəwaram.

¹⁵ Wala deş inay-tu dağ-as Herod, fəlas isoşal-anaq-q-id. Amaran ənəyat! Aləs wa, wər iga arat waliyyan a t-issiwaran təmattant.

¹⁶ Dağ adi a das-səssuga şiwwit, amaran ayyaq-qu.»

¹⁷ Təll-ay alçadat təmosat as i d-içlay əmud wa n Akkay, iwâr Bilatəs a dasan-ikkəs awedan iyyan dağ kasaw.

¹⁸ Jajjayan adakal ən maslan-nasan ketnasan dağ jənnawan gannin: «Agu iman n aləs di, təkkəsax-ana-du Barçabbas.»

¹⁹ Barğabbas wen, ənəjərway as kala ad t-əgan aytedan dağ əxrəm n Yerusalam d igi ən man n awedan a fəl iggaz kasaw.

²⁰ İlas-asan Bilatəs awal fəlas tara a iga ad ayyu Yaysa.

²¹ Mişan əqlan sıxaren dağ jənnawan, gannin: «Taytay-tu fəl təgəttawt! Taytay-tu fəl təgəttawt!»

²² İg-asan Bilatəs tənna ta n karadat: «Mafel za? Ma ixsad? Wər hənnəyəx əddəlil waliyyan a t-issiwaran təmattant. Dağ adi a das-səssuga şiwwit xas, ayyaq-qu.»

²³ Mişan əşşotan şıxaraten wəllen, gammayan dağ-as ad itəwətəytəy Yaysa fəl təgəttawt. Əqlaban Bilatəs əs takat.

²⁴ Təzzar ixtas Bilatəs i Yaysa əşşərixa wa dağ-as təgmay tamattay ten.

²⁵ İkkas aləs wa dağ-as gammayan, iggazan kasaw fəl ənəjərway n aytedan d igi n man n awedan. Yaysa amaran, ig-ay dağ fassan-nasan, y a dağ-as itəwəxkəm awas əran.

Tamattant ən Yaysa

İki ən Yaysa edag wa dağ z'itəwətəytəy

²⁶ Əzzərgazan sojitan Yaysa. Əqlan dər-əs as əmmənəyan d aləs iyyan n əxrəm ən Qərwan igân esəm Şimxon a d-ifalan şiwəgas, təzzar əbazan-tu, sassawayan-tu təgəttawt ta fəl z'itəwətəytəy Yaysa, ilkam-as dər-əs.

²⁷ Təlkâm-as tamattay tagget, əhânat tədoden aggotnen a fall-as hallinen, sikalalnat.

²⁸ İswad-in dağ-asnat Yaysa, inn-asnat: «Aşşet Yerusalam, ayyimat fall-i tala. Kalar alimat fəl man-nakmat, əd maddannəkmat,

²⁹ fəlas əlkâman adan a dağ z'itəwənnu: "Əbbilalnat tədoden şin wər nətilu bararan, əd şin əs kala wər tan-əlenat, əd şin əs kala wər əsenkasnat."

³⁰ Adan win-di ad annin aytedan y ədyağan: "Bərəjjətət fall-ana", annin i kaşwaran: "Alsıwat-ana";

³¹ fəlas dad itawagga əmazal wa y aşək wa ibdagan, wədi ma d-innayan wa iqquran?»

İtəwətəytəy ən Yaysa fəl təgəttawt

³² Əllan meddan den əşşin ən nəsgufa labasnen s əntanay da tiwazargazan s adag ən təmattant.

³³ As ewadan sojitan edag igân esəm Təkəyya, əttəytəyan Yaysa fəl təgəttawt, əssəxtan-tat dər-əs. Əgan awen da i meddan win əşşin en. İyyan əgan-tu dağ əxil ən Yaysa, wa hadan əgan-tu dağ zəlgat-net.

³⁴ İna Yaysa: «Ya Abba, surəf-asan; wər əssenən awa taggin.»

Əzunan tabdoq ən Yaysa əs təşəxeren.

³⁵ Tamattay təbdād den təswād. İmuzaran amaran əgân tamakkakkayt dağ Yaysa, gannin: «Ənta wa issəfsan aytedan, assafset iman-net kud ənta a imosan Əlməsix, Tafreñt ən Məşşina.»

³⁶ Sojitan da, əgân dağ-as tamakkakkayt. Tihazan-t-in, tazzalan-as-in bənəgər.

³⁷ Gannin-as: «Kud kay əmənokal ən Kəl-Əlyəhud a təmosəx, tassafsəx iman-nak.»

³⁸ Əttəytəyan dəx dənnəg-əs əsellum a fəl iktâb as: «Awa Əmənokal ən Kəl-Əlyəhud.»

Meddan win əşşin ən nəsgufa

³⁹ A das-itaggu iyyan dağ meddan ən jujab ən baydagan win dəgman-əs tawataytaynen ark batuten, igann-as: «Wərgəx kay Əlməsix? Səfsu za iman-nak, tassafsəx-ana.»

⁴⁰ İsanrıyım-as wa hadan, inn-as: «Kay təksəda a wər təge Məşşina, kay wa obaz əşşərixa imosan təmattant wa t-ibazan?»

⁴¹ Nakkanay əşşərixa wa danay-itawaggan oğâd, awa dər əhoran mazalan-nana a danağ-itawaxkaman, mişan aləs wa, ənta wər iga ark əmazal waliyyan.»

⁴² Təzzar inna i Yaysa: «Yaysa, aktəw-i-du as du-təqqala taheç təxmar-nak.»

⁴³ İnn-as Yaysa: «Əggəyex əsilakanağ-ak as, əzalada ad nənəməgəz əljannat nak dər-ək.»

Tamattant ən Yaysa Əlməsix

⁴⁴ Awen itaggu attayan n ammasnazal. Təzzar əlsanat şiyay əmağal ketnet har təga tazzar;

⁴⁵ fəlas təfuk a igmad ənnur. Afər dəx wa izamməzəyan edag wa zəddigan əd wa oğaran tazdak dağ Ahan wa Zəwwəran n Əlxibada, izzərrat dağ ammas.

⁴⁶ Təzzar ikkas Yaysa əməsli issohen, inna: «Abba, əgəç iman-in gər fassan-nak.» İna awen xas əgmadan-tu man.

⁴⁷ As inay kabtan ən sojitan ən Kəl-Ərrum win əttəytəyan Yaysa awa igan den, iga təmmal i Məşşina, amaran inna: «İllikan as aləs wa əlxadil.»

⁴⁸ Eddéwan aytedan aggotnen den y ad ənəyan awa z'agin. As t-ənayan, əqqalan əggātan idmaran-nasan fəl awa əgan man-nasan daχ əχšud.

⁴⁹ As itaggu awen, imidawan ən Yaysa kul, əhânat tədoden šin das-d-əlkammen harwa daχ akal ən Galilaya, əbdādan sədi, əswādan.

Tanakra ən Yaysa daχ təmattant

Etəwəgga ən Yaysa daχ əzəkka

⁵⁰ Il-ay aləs igân Yusəf ihân Asəggawar wa Zəwwəran ən muzaran ən Kəl-Əlyəhud, imosan awedan olâxan n alɣadil.

⁵¹ İnta wər irda əs tanat ta əgan muzaran win, wala deχ s arat wa igan. Yusəf wa, in əχrəm ən Kəl-Əlyəhud igân esəm Arimatay, amaran igâ attama-net daχ assa ən Taχmar ta n Məššina.

⁵² İkka Yusəf Bilatəs wa n ənaxkim n akal, igraw-du χur-əs turagat n ad itkəl təχəssa ən Yaysa.

⁵³ Təzzar ikkas-tat-du fəl təgəttawt, ig-et daχ šifit, ig-et daχ əzəkka imosan akazam əs wər kala a daχ-as itawagga ənəmmettən.

⁵⁴ Awen itaggu daχ əzəl wa daχ simutugan aytedan y əmud wa n təsənfawt, ibukan y ənətti.

⁵⁵ Šidoden šin d-əddewnen əd Yaysa harwa daχ Galilaya, əlkâmnat i Yusəf. Ənaynat əzəkka d əmmək was daχ-as tətawagga təχəssa ən Yaysa.

⁵⁶ Əqqalnat aχaywan, təzzar ad simutugnat ađutan əzodnen d alwarditan win za təwənxələn fəl təχəssa-net. As d-ewad əzəl wa n əssəbət əssənfanat, imos awen alwajib n əššəriχa wa n Əttawret.

24

Agamad ən Yaysa əzəkka

¹ As əzəl wa n alxad, ənzaynat tədoden šin den s əzəkka ən Yaysa, ewāynat ađutan win sammatagnat.

² Osanat-in təhunt ta təharat əzəkka, tətawasaxararad, təlla den y əzəkka.

³ Əggaznat əzzəka mišan wər daχ-as ənaynat təχəssa ən Yaysa.

⁴ Əqqanan χafawan-nasnat y awen. Wala a ihogan əbdadan-du əššin meddan dəgma-nasnat əlsânen isəlsa bilazlaznen.

⁵ Ərmaχnat, oyyanat idmaran s amađal, təzzar ənnan-asnat meddan win əššin en: «Mas təsəggadmat y i iddâran daχ nəmməttan?»

⁶ Ab'as illa da, inkar-du daχ təmattant. Aktimat-du awa inna harwa iha akal ən Galilaya,

⁷ as inna: "Ag Aggadəm ilzâm-tu ad itəwəggu daχ fassan ən nasbakkadan, itəwətəytəy fəl təgəttawt, iba-tu, təzzar inkər-du daχ təmattant əzəl wa n karad."»

⁸ Amaran əktanat-du awa inna Yaysa.

⁹ Əfalnat əzəkka, əqqalnat əssoχalnat awen kul i nəmmuzal ən Yaysa win maraw d iyyan əd nalkiman kul win hadatnen.

¹⁰ Šidoden šin əmosnat Maryama Madəl əd Taxya əd Maryama ta n anna ən Yaquz əd tədoden šiyad dər-əsnat əddawnen. İntanatay a əssoχalnen aratan win i nəmmuzal.

¹¹ Mišan wər sər-san əlen aratan en almaχna; adi a fəl dasnat-wər-əzzəgzanan.

¹² Dər iga awen da ya, igga-du Butros, ozal s əzəkka. As t-in-osa, iššəgga daχ-as, wər daχ-as inay ar šifit, təzzar iqqal, iqqân awen eχaf-net.

Tarrayt n Emayos

¹³ Əzəl wen da iman-net ad əkkan nalkiman ən Yaysa əššin təχrəmt iyyat təgât Emayos as təlla teklay n əššin alwaqan gar-es əd Yerusalam.

¹⁴ Mişawalan daχ batu n aratan win əganen den kul.

¹⁵ Mişawalan den da as tan-d-ewad Yaysa ənta iman-net, iddew dər-san.

¹⁶ Hannayan-tu mišan wər t-əzdayan.

¹⁷ Inn-asan: «Ma daχ təmaşawalam da?» Əbdadan, təwâr təkənzert udmawan-nasan.

¹⁸ Inn-as wa daχ-san igan esəm Kləyubas: «Adis kay χas daχ aytedan win əhanen Yerusalam a wər əhen salan n awa daχ-as igan daχ adan win?»

¹⁹ Inn-asan: «Ma daχ-as igan?» İnnan-as: «Arat wa igrawan Yaysa wa n Nazaret, imosan ənənəbi itaggan imazalan d awalan ən təla tarna dat Məššina d aytedan kul.

²⁰ Sattarmasan-tu limaman win zawwarnen əd muzaran-nana, tətawaxkam-as təmattant, sattaytayan-tu fəl təgəttawt.

²¹ Nakkaney dat awen, nögâ attama n as änta a z'isæddærfen tamattay n Israyil. Mişan azalada, æzæl n aratan en wa n karad d igi.

²² Dær iga awen da ya, æqqännat tødoden-nana şıyyad ixfawan-nana, ænzaynen s æzækka,

²³ mişan wær dağ-as ænaynat tağæssa-net. İqqalnat-du, ænnanat nifalalan-asnat anğalosan, ænnan-asnat iddâr.

²⁴ Tæzzar ækkan wiyyad dağ-na æzækka, osan-in, ænayan arat kul wa ænnanat tødoden en, mişan änta wær t-ænayan.»

²⁵ Amaran inn-asan Ƴaysa: «Xa kawanay za aljahilan! İzzæwwat fall-awan æzægzan s arat kul wa ænnan ænnæbitan dağ İlkættaban.

²⁶ Wærgeğ İlmæsix ilzâm âs ad inøy alğazab tæzzar, amaran iğræw tanaya-net?»

²⁷ Tæzzar a tan-isasagru Ƴaysa awa sær-æs ænnan İlkættaban kul. İbaz-du ħur İlkættaban win ænnæbi Musa har win ænnæbitan kul win hadatnen.

²⁸ As din-æhozan tağræmt ta ækkan, issækna Ƴaysa as okây.

²⁹ Mişan æwaxan-tu, ænnan-as: «Xam ħur-na fêlas æzæl igla, ehad ibuk y igi», tæzzar izzæbbat ħur-san.

³⁰ As æggazan şin tattay, idkal Ƴaysa tagëlla, iggoday i Mæşşina, irz-et ikf-asan-tat.

³¹ Emmoranat şittawen-nasan alwağ wen da, æzdayan-tu, mişan iggaz-asan ætænkul tamazayt ten da.

³² Tæzzar namannan gar-essan: «Zağnin awen da fêl æknan man-nana tæfalawist alwağ wa danağ-işşewal dağ tarrayt, isasagr-ana İlkættaban n ænnæbitan.»

³³ İbdadan tamazayt ten da, æqqalan Yerusalam. Osan-in inæmmuzal win maraw d iyyan æd nalkiman win hadatnen æddewan dağ adag iyyanda,

³⁴ gannin: «Tidæt dağ a imos as İmæli Ƴaysa inkâr-du dağ tæmattant, amaran inifalal i Simğon.»

³⁵ İsoğalan-asan meddan win æşşin æntanay da awa ænayan dağ tarrayt, d æmmæk was t-æzdayan alwağ wad irza tagëlla.

İnæfilal æn Ƴaysa i nalkiman-net

³⁶ Harwada æşşewalan dağ awen as d-ibdad Ƴaysa iman-net gar-essan, inn-asan: «Alxer fall-awan.»

³⁷ İgan tærammeğ zæwwærat, tæggaz-tan tasa fêlas æğilan agğæsuf a hannayan den.

³⁸ Tæzzar inn-asan Ƴaysa: «Ma fêl tæşşiwaşam? Ma fêl değ tægâm aşşak?»

³⁹ İnayæt ifassan-in æd daran-in, nak iman-in awa. İdæsat-i ad tønøyam, fêlas agğæsuf wær ila tağæssa wala ixfasan win as di-tæhannayam da æleq-ğan.»

⁴⁰ As dasan-inna awen, isakn-en ifassan-net æd daran-net,

⁴¹ mişan æglan wær dağ-as ækkesan aşşak fêl awa ægan dağ tæfalawist, ikna değ sær-san awen æsæmmæklæl. Adi a fêl a dasan-inna: «Awak têlâm a itamatşan da?»

⁴² İkf-an-tu tablalt æn kifi tæğğât.

⁴³ İbaz-tat, itş-et dat-san.

İşşæğæl wa dağ iga Ƴaysa inalkiman-net

⁴⁴ Dæffer awen inn-asan Ƴaysa: «İntanay da aratan win dawan-ænne harwa kawan-æheğ: Aratan kul win fall-i æktabnen dağ İttawret n ænnæbi Musa d İlkættaban win hadatnen d Azzabur æşşil ad andin.»

⁴⁵ Amaran ora ixfawan-nasan alwağ wen da y ad agrin İlkættaban.

⁴⁶ Inn-asan: «Wærgeğ iktâb as, İlmæsix ad inøy alğazab, iba-tu, inkær-du dağ tæmattant æzæl wa n karad,

⁴⁷ tæzzar tæwæggin salan æn têtubt s esæm-net i tæmattiwen kul fêl ad ægræwnat tæsureft æn bakkadan, antu awen dağ Yerusalam.

⁴⁸ Kawanay tæmôsam şigøyawen n aratan win.

⁴⁹ Amaran nak a fall-awan du-zæzzæbbæğ İnfas wa Zæddigan s Abba-nin a igan arkawal-net. Dağ adi ad wær tægmædam ağræm wa da har d-azzabbat İnfas wa Zæddigan, akf-iwan tarna ta du-tæfalat Mæşşina.»

Tewaylay æn Ƴaysa ijønnawan

⁵⁰ Dæffer awen, iddew dær-san, æğmadan ağræm, har din-æhozan tağræmt ta n Betanøy, tæzzar idkal ifassan-net, ittar-asan a tan-ikfan albaraka.

⁵¹ Itattar-asan harwa da as dær-san immæzzay, immædkal æs jønnawan.

⁵² İntanay amaran, as das-æssæjadan, æqqalan Yerusalam æknân tæfalawist.

⁵³ Faw æhân Ehan wa Zæwwæran n İğlibada, æmmâlan Mæşşina.

Əlinjil wa n Yaxya Əsənti

Awal wa imosan ənnur əd təməddurt

¹ Əstizarat as d-ixlak Məşşina əddənet da Awal ill-ay. Awal illa xur Məşşina, amaran Awal wa imos Məşşina.

² Awal əstizarat illa xur Məşşina.

³⁻⁴ Ixlak-du sər-əs Məşşina arat kul; wər t-illa arat dağ əddənet wa sər-əs du-wər-nəxlek fəlas Awal wa ənta a ihakkin təməddurt ta təmosat ənnur y aytedan.

⁵ Imilawlaw dağ şiyay mişan wər t-əqbelnat.

⁶ Osa-du aləs iyyan igân esəm Yaxya, a d-izimazal Məşşina;

⁷ imos təgəyya fəl ad ammagrad s ənnur wa, əzzəgzənan aytedan kul s aratan win igannu.

⁸ Ənta iman-net wər imos ənnur, ətəwəsəgla xas a d-iga imos təgəyya fəl ad ammagrad s ənnur wa.

⁹ Awal wa ənta a imosan ənnur wa n tidət, wa d-ikkan əddənet isimələwləw aytedan kul.

¹⁰ Ənta a ihan əddənet, ixlak-kat-du sər-əs Məşşina, mişan wər tu-təqbel əddənet.

¹¹ Osa-du akal-net eges wər t-əqbelan aytedan-net.

¹² Amaran aytedan kul win t-əqbalnen, əzzəgzənan sər-əs, win di ikf-en almaqam ən tişit ən bararan ən Məşşina.

¹³ Bararan en ələsan təhəwt. Mişan təhəwt en wər tola əd ta tətawazdayat. Wər təga əs ləkkum i deren n aggadəm, wala tanat-net. Kala kalar Məşşina iman-net as tan-iga bararan-net.

¹⁴ Wa imosan Awal, iqqal awedan ixsar xur-na, ikna təla n əlxurma, imos məşşis ən tidət. Nəsinagra tanaya-net, tanaya ta igarraw Barar a n iyyanda xur Abba-net.

¹⁵ Iggəyyat-as Yaxya, işşewal s afalla ad igannu: «Wa dağ əs əhe batu-net, assaxa wa dawan-ganna: "A d-asu dəffər-i mişan oğar-i, fəlas dat-i da ill-ay."»

¹⁶ Awalla ketnana nəgraw albaraka wər nəla əddukad s əlxurma-net ikməlan.

¹⁷ Fəlas Məşşina ikf-anağ əşşərixa dağ əfəs ən Musa, əlxurma əd tidət amaran osa-du dər-san Yaysa Əlməsix.

¹⁸ Wər t-illa awedan inâyan Məşşina, mişan Barar a n iyyanda imosan Məşşina, illa xur Abba, ənta a danaq-q-issosanan.

Əşşəxəl wa iga Yaysa dat aytedan kul

Təgəyya ən Yaxya wa isalmağan dağ aman

¹⁹ Ənta da təgəyya ta iga Yaxya y arat dağ limaman əd Kəl-Lebi win d-əfalnen Yerusalam assaxa wa tan-du-zammazalan muzaran ən Kəl-Əlyəhud y ad t-əssəstənan d awa imos.

²⁰ Wər ugay s a dasan-ajjawwab. Kala kalar idkal əməsli-net s afalla inn-asan: «Nak wər əmosax Əlməsix.»

²¹ İnnan-as: «Ma təmosa za? İlyas a təmosa?» «Kala kala» inn-asan, «wər t-əmosa.» «İnnəbi wa ittəmalan a təmosa?» «Kala kala» inn-asan, «wər t-əmosa.»

²² Təzzar ənnan-as: «Dağ adi ma təmosa? İhor a din-nasu aytedan win dana-d-əssəglanən newây-asan aljawab n awa təmosa. Dağ adi əməl-anaq-qu.»

²³ İnn-asan arat wa inna ənnəbi İsayas irəw, as inna: «Nak, a imosan wa isağaren dağ əsuf igannu: "Səssiğədat abaraqqa y Əməli."»

²⁴ Aytedan win d-əmmozalnen əs Yaxya da, əhân-tan kəl taggayt ta n Farisaytan.

²⁵ Əlasan-tu əsəstan ənnan-as: «Ma fəl təsalməyax aytedan dağ aman, kay tənne wər təmosax Əlməsix, wər təmosax deş ənnəbi wa ittəmalan?»

²⁶ İnn-asan: «Nak, aman a dağ salmaya, mişan illa gar-ewwan awedan wər təzdayam,

²⁷ s ənta a du-z-asin dəffər-i, amaran awa di-iga dağ şigrat, wər eweda wala arra ən suxan ən xateman-net.»

²⁸ Aratan win kul amaqal ən Betanəy a dağ taggan fəl tagadamayt ta hadat n agarew wa n Yordan s ənta a dağ isalmağ Yaxya aytedan.

²⁹ As iga əzəl wa hadan ogga Yaxya Yaysa izay-t-idu, təzzar inna: «Ənta den əjayol ən Məşşina wa itakkasan ibakkadan dağ əddənet.

³⁰ Ənta as əhe batu-net as dawan-ganna: "Aləs iyyan a d-asu dəffər-i, mişan oğar-i fəlas dat-i da ill-ay."»

³¹ Nak iman-in wər t-əzdaya mišan ose-du ad salmaḡaḡ aytedan daḡ aman, fəl a d-inəfiləl i Kəl-Əlyəhud.»

³² İlas Yaxya təḡəyya inna: «Əswāda daḡ İnfəs wa Zəddigan as d-igmad jənnawan, iha şaşşelan ən tədabert, iwar-tu.»

³³ Dat awen wər t-əzdaya, mišan Məşşina, s ənta di-d-izammazalan y ad əsalmaḡaḡ aytedan daḡ aman, inn-i: "Aləs was tənayaḡ İnfəs wa Zəddigan as fall-as d-izzəbbat, aləs wədi ənta a z'isalmaḡan aytedan daḡ İnfəs wa Zəddigan."

³⁴ Əmərədda arət wa ənayaq-qu əs şittawen-in; amaran əḡḡəyye silakanax as aləs wa ənta Barar ən Məşşina.»

Inəttulab win azzarnen

³⁵ As iga əzəl wa hadan, iha Yaxya edag wa harwa da, ənta əd nəttulab-net əşşin,

³⁶ ogga Ƴaysa as dagma-nasan d-illam, inna: «Ənta den, Ajayol ən Məşşina.»

³⁷ Əslan nəttulab win əşşin a i batu ta iga da, təzzar əlkaman i Ƴaysa.

³⁸ İswad-in Ƴaysa dəffər-əs ogg-en əlkāman-as, inn-asan: «Mas təsaggadam?» Ənnan-as «Mənid təxsara Əşşex?»

³⁹ Inn-asan «Aḡliwat-du a tu-tənəyam». Itaggu awen takəst zagret. Əḡlan əddəwan dər-əs, ənayan dad illa, təzzar əssəndan xur-əs əzəl.

⁴⁰ Meddan win əşşin əlkammen i Ƴaysa dəffər tasalay ta əḡan y awal ən Yaxya, esəm n iyyan daḡ-san Andrawəs, amadray ən Simxon Butros.

⁴¹ Immənay Andrawəs d əmaqqar-net Simxon əstizarat, inn-as: «Nakkanay nəmmınay d Əlməsix.» (Almaḡna Kristos.)

⁴² Amaran ilway-tu əs Ƴaysa. İswad Ƴaysa daḡ Simxon xas inn-as: «Kay Simxon ag Yaxya, ad tagaḡ esəm Qayfas.» (Esəm wa ola əd wa n Butros, almaḡna-net təhənt.)

⁴³ As affaw ira Ƴaysa iki n amaḡal ən Galilaya. Immənay əd Filibus inn-as: «Əlkəm-i.»

⁴⁴ (Filibus d Andrawəs əd Butros aḡrəm-nasan iyyanda, esəm-net Betsayda.)

⁴⁵ Immənay Filibus əd Natanəyel inn-as: «Nakkanay nəmmınay əd was imməgrad ənnəbi Musa daḡ Əttawret, əmmigradan sər-əs deḡ Əlkəttaban n ənnəbitan, a t-imosan Ƴaysa wa n ag Yusəf wa n aḡrəm ən Nazaret.»

⁴⁶ Təzzar inn-as Natanəyel: «İmmikkan aḡrəm ən Nazaret a t-id-əḡməd arət ihossayan?» Inn-as Filibus: «Ayaw tənəya.»

⁴⁷ Ogga Ƴaysa Natanəyel izay-t-idu, inna: «Ənta den awedan n İsrayil wa n tidət, wa wər iha a imosan təlmənufəqa.»

⁴⁸ Inn-as Natanəyel: «Məni awas di-təzdaya?» İjjəwəb-as Ƴaysa inn-as: «Harwa kay du-wər-iḡra Filibus, assaya wad təlle daw aşək wa n fig, da əhannayaq-qay.»

⁴⁹ Inn-as Natanəyel: «Əşşex, kay a imosan Barar ən Məşşina, təmosaḡ əmənokal n İsrayil.»

⁵⁰ Inn-as Ƴaysa: «Təzzəgzana fəl as dak-ənnəḡ əhannayaq-qay daw aşək ən fig. Ad tənəyaḡ aratan wiyyad zawwarnen ogarnen wədi.»

⁵¹ Inn-as Ƴaysa deḡ: «Əḡḡəyyeḡ əsilakanax-awan as dəffər awa ad tənəyam ijənnawan ənnolaman tagazzayan sər-san angalosan, tazabben-du fall-i nak Ag Aggadəm.»

2

Takrəst ta təgat daḡ aḡrəm ən Kāna

¹ Əzəl wa n karad təmal-tu təkrəst daḡ aḡrəm ən Kāna daḡ amaḡal ən Galilaya, təh-et anna ən Ƴaysa,

² təzzar itawaḡra-du Ƴaysa ənta da, iddew-du əd nəttulab-net əs təkrəst en.

³ As ab'as d-iqqim wala daḡ esmad n alḡanab, tənna anna ən Ƴaysa y as: «Esmad n alḡanab iḡrad.»

⁴ Inn-as Ƴaysa: «Anna, tədi a kam-wər-tədgəz. Alwaq-in wər d-ewed.»

⁵ Tənna anna-net i maşşaxalan: «Aḡat awas dawan-inna kul.»

⁶ Əşkəran den sədis təkan taggazan aman as taggin Kəl-Əlyəhud əzəzdəḡ imosan alḡadat-nasan. Əkkulluk n iyyan itaggaz-tu əddukad ən temeday ən litər.

⁷ İna Ƴaysa i maşşaxalan en: «Ədnəyat itəkan di aman.» Əntanay deḡ ədnayan-tan har fayyan.

⁸ Inn-asan amaran: «Əlkəwat daḡ-san əmərədda y əməway ən saksas.» Əḡan awen da.

⁹ As iram əməway ən saksas aman win əmməttaynen da, əqqalan esmad n alḡanab, as wər issen iguz wa d-iga, mišan imaşşaxalan win tan-d-əlkawnen da əssānan, iḡra amazlay,

¹⁰ inn-as: «Imæssæksas kul esmad n alǵanab wa izodan a garrawan, amaran dæffer as filawasan ad garrawan wa isammakkanan. Eges kay tǵbara wa izodan har æmærdæda!»

¹¹ Ænta æddi tælmæxjujat tæmosat alǵalamat ta tazzarat immozal Ǵaysa. Ig-et daǵ æǵræm æn Kána ta n Galilaya. Isannafalal sær-æs tanaya-net, tæzzar æzzægzanan sær-æs nættulab-net.

¹² Dæffer awen izagaday Ǵaysa, ikka taǵræmt æn Kafarnahum, ænta d anna-net, æd mædrayan-net, æd nættulab-net. Wær daǵ-as ægen ar arat n adan.

Assa æn Ǵaysa Ehan wa Zæwwæran n Ælǵibada

¹³ As d-ihoz æmud wa n Akkay imosan amud maqqaran æn Kæl-Ælyæhud, iggæzzay Ǵaysa ikka Yerusalam.

¹⁴ Ogaz-in Ǵaysa daǵ aǵalla wa iǵlayan Ehan wa Zæwwæran n Ælǵibada, imassatagan æn zægran, d ayfæd, æd tædæbren, æd tæximiten æn kæl sanji.

¹⁵ Iga ælækkud æs ǵunan istaq-ǵan daǵ afarag en ketnasan, æntanay d ayfæd, æd zægran, infaz daǵ amaǵal izerfan æn kæl sanji, isabbanbay tebæren-nasan.

¹⁶ Imassatagan æn tædæbren æntanay inn-asan: «Ækkæsat awa daǵ adag a, ad wær tagim ehan n Abba-nin æssuk.»

¹⁷ Æktan-du nættulab akatab n ænnæbi Dawæd wa innan: «Tara-nin ehan-nak tærga daǵ-i šilat æn tæmsay.»

¹⁸ Æssæstanan-tu muzaran æn Kæl-Ælyæhud ænnan-as: «Ma tæmos tælmæxjujat tas tæfragax igi-net tæmosat alǵalamat, tæsitaddat as tæleǵ tarrayt n igi n adi?»

¹⁹ Ijǵæwwab-asan Ǵaysa inn-asan: «Jæbbæræjjætæt Ehan wa Zæwwæran n Ælǵibada di, ad t-æssæbdæda daǵ karad adan.»

²⁰ Ænnan-as: «Ehan wa Zæwwæran n Ælǵibada di ækkozat tæmærwæn n awatay æd sædis a fæl itawakras. Kay mas tu-za-tæssæbdæda daǵ karad adan?»

²¹ Ehan wa Zæwwæran n Ælǵibada wa immal Ǵaysa da, taǵæssa-net a sær-æs issoka.

²² As d-inkar daǵ tæmattant æktan-du nættulab-net tænna ta iga adi. Æzzægzanan s Awal æn Mæššina, d awal wa iga Ǵaysa da.

²³ Aytedan aggotnen æzzigzanan æs Ǵaysa ǵur anay æn tælmæxjujaten šin immozal æmosnen alǵalamaten, daǵ adan win iga daǵ Yerusalam ǵur æmud wa n Akkay.

²⁴ Mišan ya Ǵaysa wær tan-ifles fælas izdây-tan ketnasan, ænta

²⁵ wær iddærar s i das-igan isalan n awedan id wær das-iǵber awa ihan æwæl-net.

3

Ǵaysa æd Nikodemos

¹ Ill-ay alæs iyyan igan esæm Nikodemos, ihân taggayt æn Farisaytan, imos iyyan daǵ muzaran æn Kæl-Ælyæhud.

² Osa-du Ǵaysa ahad iyyan inn-as: «Æššex-in, nakkanay næssân as Mæššina kay d-izammazalan sær-na, a dana-tæsassaǵra, id wær t-illa i z'agin tælmæxjujaten šin tæge æmosnen alǵalamaten, ar æs tædhælt æn Mæššina.»

³ Ǵaysa deǵ inn-as: «Æggæyyeǵ æsilakanax-ak as: Wær t-illa awedan ifrægan anay æn Taǵmar ta n Mæššina ar s ad ilas tæhæwt.»

⁴ Issæstan-tu Nikodemos inn-as: «Mas z'ilæs awedan waššaran tæhæwt? Ši tægat da wær ifreg ad ilæs tewaxlay æn tædist n anna-net.»

⁵ Inn-as Ǵaysa: «Æggæyyeǵ æsilakanax-ak as: awedan wær ifreg iguz æn Taǵmar ta n Mæššina ar s ad ihæw s aman d Infas wa Zæddigan.»

⁶ Ælæsæl n aggadæm iyyan aggadæm, amaran awedan wa d-igmadan Infas wa Zæddigan, Infas wa Zæddigan a daǵ-as innodan.

⁷ Daǵ adi a dak-wær-iqqæn eǵaf as dak-ænnæǵ: Iwâr-kawan ad tælæsam tæhæwt.

⁸ Aǵu iggâr sas ira, tæsalla y æmæli-net, mišan wær tæssena da d-ifal wala dad ikka. Samal di da a iha awedan wa ihæwan s Infas wa Zæddigan.»

⁹ Issæstan-tu Nikodemos inn-as: «Mæni tat tæmæwit tas z'agin aratan win di?»

¹⁰ Ijǵæwwab-as Ǵaysa inn-as: «Tæmosax æmusan zæwwæran daǵ Israyil eges wær tæssenax aratan win!»

¹¹ Æggæyyeǵ æsilakanax-ak as: Nætamagrad s awa næssan, nættagayyat deǵ fæl awa nænay, eges tugayam s ad tæqbalam tæǵeyya-nana.

¹² Dad wær tæzzægzanam s awa dawan-ganna s æddænet mas za tæzzægzanam awa dawan-ganna s alaxirat?»

¹³ Wær t-illa is kala ad inay ijænnawan, ar nak Ag Aggadæm a tan-d-igmadan.

¹⁴ Æmmæk was issærgæǵ ænnæbi Musa taššolt fæl æǵat daǵ taneray, æmmæk wen daǵ as kundaba tawasahake nak Ag Aggadæm,

¹⁵ fæl ad iqqæl as i sær-i izzægzanan, ad igræw tæmæddurt ta tæǵlalat.

¹⁶ Fəlas, Məşşina awa iga y əddənet daɣ tara ikfa Barar-net a n iyyanda fəl ad iqqəl as i sər-əs izzəgzanan wər z'ihlək, kalar ad igrəw tēməddurt ta təxlalat.

¹⁷ Məşşina wər d-issoka Barar-net əddənet fəl a tat-ihlək kalar issok-as-tat-du fəl a sər-əs tafsu.

¹⁸ I sər-əs izzəgzanan wər ihlek, mišan wa sər-əs wər nəzzəgzan ihlāk fəlas wər izzəgzan s esəm ən Barar a n iyyanda ən Məşşina.

¹⁹ Əddəlil da wa d-ewayan ahluk: Ənnur a d-osan əddənet, mišan əssofan-tu aytedan šiyyay id arak mazalan a taggin.

²⁰ Amaran i itaggan təkma wədi oqlaf ənnur, wər t-id-z-akku fəlas iksud ad nəfiləlan arak mazalan-net ezal a mallan.

²¹ Mišan wa itaggan arat wa imosan tidət, wədi itakka-du ənnur, fəl ad itəwənəy as əmazal-net issind-ay daɣ ləkkum i Məşşina.»

Yaysa əd Yaxya wa isalmaɣan daɣ aman

²² Dəffər awen ikka Yaysa əd nəttulab-net amaɣal ən Yahudəyya. Iqqim daɣ-as har iga arat n azzaman ənta dər-san, isalmaɣ Yaysa aytedan daɣ aman.

²³ Yaxya ənta da isalmaɣ aytedan daɣ aman daɣ təsəssəngəyət ta n Aynon, dagma ən Salim, fəlas əllan-tu aman den aggotnen. Tasin-t-idu aytedan isalmaɣ-qan.

²⁴ Arat wa as itaggu Yaxya harwa da wər iggez kasaw.

²⁵ Tənkər təmazaq gər nəttulab ən Yaxya d iyyan daɣ Kəl-Əlyəhud, daɣ batu ən təməwiten šin as itaggu zazdag.

²⁶ Əkkan Yaxya ənnan-as: «Əššex-nana, təkittəwa aləs wa dər təddəwa fəl afay ən Yordan wen sen, s ənta as dana-təmməgrada? Tahannaya! Əmərədda isalmaɣ aytedan daɣ aman amaran ketnasan takkin-tu!»

²⁷ Inn-asan Yaxya: «Awedan wər z'igrəw ar awa t-ikfa Məşşina.

²⁸ Kawanay iman-nawan təggəyyem-i as ənnəy: "Wər əmosaɣ Əlməsix, ətəwəzəmişal ɣas a d-əge dat-əs."

²⁹ Əmazlay da ilan təmazlayt, amaran əmidi-net wa n ənafis-net, ənta a innəttəfan əd zəzlay, issigad den da iqqəl-as. As isla y əməsli n əmazlay igməy-du təmazlayt, ad aknu tədəwit. Tədəwit tēdi za ənta a əgeɣ, amaran əmərədda tənda.

³⁰ Ittəyət ətəwəzəymər-net ifnəz wa-nin.

³¹ Wa d-igmadan afalla, ənta a idkalan dənnəg awedan kul, wa ihan əddənet in əddənet amaran aratan n əddənet as itamagrad. Wa d-igmadan ijənnawan, idkāl dənnəg awedan kul,

³² iggəyyat s awa inay d awas isla mišan wər t-illa i iqbālan təgəyya-net.

³³ Wa iqbālan təgəyya-net, isilakan awa inna Məşşina,

³⁴ fəlas wa d-izammazal Məşşina, awal ən Məşşina a immal, id Məşşina a das-igan y Infas wa Zəddigan tehakkay wər nəla əddukad.

³⁵ Abba ira Barar-net amaran aratan kul ig-en daɣ əfus-net.

³⁶ Wa izzəgzanan əs Barar ən Məşşina wədi igraw tēməddurt ta təxlalat, amaran wa ugayan s a sər-əs izzəgzən wədi eway-du əs man-net alham ən Məşşina.»

4

Yaysa əd təntut ən Kəl-Samarəya

¹⁻³ Əslan Fərisaytan as itawannu Yaysa igarraw inəttulab ogarnen win Yaxya isalmaɣ-qan daɣ aman. (Arat wa imosan tidət as Yaysa iman-net wər isəlmiɣ awedan waliyyan daɣ aman, inəttulab-net a salmaɣnen aytedan daɣ aman.) As isla Yaysa y awa itaqqalan, igmad amaɣal wa n Yahudəyya, iqqal Galilaya.

⁴ Dad t-ilzam imur n amaɣal wa n Samarəya,

⁵ iššokal har ewad aɣrəm iyyan ən Samarəya igān esəm Šixar, dagma ən tawagost ta ikfa Yaqub barar-net Yusəf.

⁶ Edag wen ənta a iha əɣarus ən Yaqub. As t-id-ewad Yaysa, iddāz əşikəl, təzzar iqqim fəl əmi n əɣarus, itaggu awen ammasnazal.

⁷⁻⁸ As əkkan nəttulab-net aɣrəm y ad d-azzanzin imensewan, təwar-du təntut ən Kəl-Samarəya a du-təzrəgat anu en. Inn-as Yaysa: «Šašw-i-du.»

⁹ Tənn-as: «Kay təmosaɣ iyyan daɣ Kəl-Əlyəhud təgəmməyaya daɣ-i aman, nak təmosat iyyat daɣ Kəl-Samarəya?»

¹⁰ Inn-as Yaysa: «Ənnər təssānaɣ arat wa ihakku Məşşina, təssānaɣ deɣ awa əmosa nak wa kam-itansayan aman ən tassay, tansiyə-i-tan kam, akfəɣ-am-tan deɣ əmosan win sidurnen.»

¹¹ Tənn-as təntut: «Eššex-in, anu i zagren amaran kay wər tələx aga, daḡ adi mənī du-za-təgrəwəḡ aman win sidurnen di?»

¹² Şiqrat a təgeḡ əmaraw-nana Yaqub a danaḡ-ikfan anu a, išwa aman-net, əşwan-tan maddanəs d aharay-net?»

¹³ Inn-as Ḡaysa: «I išwan aman di, ad t-iləs fad iguz,

¹⁴ mišan i išwan aman win tu-z-akfa wədi immizzay əd fad, fəlas a daḡ-as əqqəlan adri ingayan s aman win hakkinen təməddurt ta təḡlalət.»

¹⁵ Tənn-as təntut: «Şašw-i-du daḡ aman win di, fəl a di-igməd fad, ammazzaya d azarog n anu a.»

¹⁶ «Aḡlu», inn-as Ḡaysa. «Aḡra-du aləs-nam təqqələy-i-du da da.»

¹⁷ Tənn-as: «Wər ələx aləs.» Inn-as Ḡaysa: «Tidət-nam as tənne wər tələx aləs,

¹⁸ fəlas səmmos as kala tan-təle, amaran wa ḡur təlley əməərədda wərgəḡ aləs-nam. Tidət a di-təge.»

¹⁹ Təzzar tənn-as: «Ehannayəḡ as kay ənnəbi a təmosa.

²⁰ Imarwan-nana adḡaḡ a da a fəl əḡbədān Məşşina, mišan kawanay Kəl-Elyəhud tənnam Yerusalam a iha adag wa daḡ itawəḡbad Məşşina.»

²¹ «Tantut», inn-as Ḡaysa, «Zəgzən-i, alwaq izay-du a daḡ wər za təḡabbadam Abba gər za fəl ədḡaḡ wa, wala dəḡ Yerusalam.

²² Kawanay Kəl-Samarəya wər təzdayam wa təḡbadam, nakkanay Kəl-Elyəhud nəzdāy wa nəḡbad, fəlas efsan iguz wa n Kəl-Elyəhud a d-əgan.

²³ Mišan alwaq izay-du – amaran osa-du – was inəḡbidan win tidət ad əḡbədān Abba s Infas wa Zəddigan əd tidət, fəlas Abba inəḡbidan win t-əḡbadnen əs təməwit tədi, əntanay a ira.

²⁴ Məşşina Infas wa Zəddigan a imos, amaran inəḡbidan-net ilzām-tan ad t-əḡbədān s Infas wa Zəddigan əd tidət.»

²⁵ Tənn-as təntut: «Eşşānəḡ as Elməsix, itawann-as Kristos, a d-asu. As d-osa a danaḡ-isassagru aratan kul.»

²⁶ Inn-as Ḡaysa: «Nak a t-imosan, nak wa dam-işşewalan da.»

²⁷ Assayət ten da a d-əqqalan nəttulab, iqqan-asan eḡaf əməşiwal wa iga Ḡaysa əd təntut. Mišan wər tan-ihā i ihalan ad t-issəstən, ann-as: «Ma daḡ-as tare?» Madey: «Mas dər-əs təməşawala?»

²⁸ Təzzar toyya-du təntut ətəkin-net təqqal aḡrəm tənna y aytedan:

²⁹ «Ayewat ad tənəyam awedan a di-imālan arat kul was kala ad t-əge, ifrāḡ as ənta a imosan Elməsix!»

³⁰ Təzzar əgmədan-du aytedan aḡrəm əkkan Ḡaysa.

³¹ As itaggu awen inəttulab gammayan daḡ Ḡaysa ad atşu, gannan-as: «Eššex, atşu arat iyyan.»

³² Inn-asan: «Imensewan win z'atşa wər tan-təzdayam.»

³³ Ad tənəməninn nəttulab gar-essan: «Eḡgəm ḡas wərgəḡ awedan iyyan a das-d-ewayan imensewan?»

³⁴ Inn-asan Ḡaysa: «Imensewan-in wər tan-imos ar ad ammazala tara ən wa di-d-izammazalan, əḡrədəḡ əşşəḡəl wa daḡ-i iga.

³⁵ Awak kawanay wər təgənnim: "Eḡqimnat-in əkkozat təlil y ad tagu ḡarat?" Nak za ənneḡ-awan akniwat əzəggəzdi ən təwəḡas ad tənəyam as şixəyanen əḡḡanat, wər ərenat ar əmiləy.

³⁶ Awedan wa italayan, wədi igraw ərruzmatan-net. Şixəyanen şin təməddurt ta təḡlalət a išadaw, fəl ad ajjayət wa inabbalan əd wa italayan tədəwit.

³⁷ Fəlas tidət ən təməjəḡ ta tənənat: "Aləs iyyan inabbal, iyyan italay."

³⁸ Eşşəḡlaḡ-qawan fəl ad taləyam tawagost a daḡ wər təşḡelam, aytedan wiyyad a daḡ-as əşḡalnen, mišan təgrawam tənfa daḡ əşşəḡəl wa əgan den.»

³⁹ Ezzəzanan aytedan aggotnen ən Kəl-Samarəya əs Ḡaysa fəlas tantut a dasan-tənnat: «Imāl-i aratan win as kala tan-əge.»

⁴⁰ Awen da a fəlas osan-t-idu ḡas əgməyan daḡ-as a ḡur-san aqqam. Iqqim ḡur-san Ḡaysa har iga əşşin adan.

⁴¹ Eşlan aytedan y awal-net, əzzəzanan sər-əs wiyyad ogarnen winad igət.

⁴² Təzzar ənnan i təntut: «Nakkanay səket nəkna əzəgzan fəlas əstizarat kam ḡas a danaḡ-igan isalan, əməərədda iman-nana as das-nəsla, amaran nəssān as tidət as ənta a imosan Eşşəfsi n əddənet.»

Təməzzəyt ən barar n aməşşəḡal n əmənokəl ən Kafarnahum

⁴³ As əndan əşşin adan win den, ikka Ḡaysa amaqal ən Galilaya,

⁴⁴ fəlas ənta iman-net as inna, ənnəbi wər itəwəsəḡmir daḡ aḡrəm wa daḡ idwal.

⁴⁵ As din-osa Galilaya eqbalan-tu Kəl-Galilaya id ənâyan imazalan kul win iga daɣ Yerusalem ɣur əmud wa n Akkay fəlas əntanay da osân-in amud en.

⁴⁶ Ilas-du Ƴaysa assa ən təx̣rəmt ən Kâna ta n Galilaya, ta daɣ isammattay aman ig-en esmad n alɣanab. Ill-ay aləs imosan amaššaɣal n əmənokal daɣ təx̣rəmt ən Kafarnahum. Aləs a ila barar-net irinan.

⁴⁷ As isla as Ƴaysa igmâd-du amaɣal ən Yahudəyya iha Galilaya, os-ay-du onsay-tu ad idawan, a das-izzuzəy barar-net a ɣur təlla təmattant.

⁴⁸ Inn-as Ƴaysa: «As wərgəɣ ad tənâyam alɣalamaten əmmittaynen əd təlməx̣jujaten, wər za təzzəgzənam fadda.»

⁴⁹ Inn-as amaššaɣal n əmənokal: «Ɛməli, ərəs-anax əs Kafarnahum tarmad harwa ad wər aba barar-in.»

⁵⁰ Inn-as Ƴaysa: «Aglu, barar-nak izzay.» Aləs deɣ izzəgzan s awal ən Ƴaysa, igla.

⁵¹ Iha tarrayt iqqâl as immənay əd maššaɣalan-net das-d-əlkmənen. Ɛnnan-as: «Barar-nak izzay.»

⁵² Issəstan-tan inn-asan: «Ma imos alwaq wa daɣ igraw iman-net?» Ɛnnan-as: «Əndazəl iggi ən tazzar a fall-as təwat tanaday.»

⁵³ Ikta-du aləs as alwaq wen da iman-net a daɣ-as inna Ƴaysa: «Barar-nak izzay.» Izzəgzan sər-əs ənta d aɣaywan-net kul.

⁵⁴ Ənta da da təlməx̣jujat təmosat alɣalamat ta n sanatat immozal Ƴaysa daɣ Galilaya dəffər agamad-net Yahudəyya.

5

Təməzzəyt n anabdon

¹ Dəffər adi ewad-du əmud iyyan ən Kəl-Əlyəhud, təzzar ikka Ƴaysa Yerusalem.

² Aɣrəm wa n Yerusalem tən-ay təx̣azart təhozat edag wa itawannu təsəhərt ta n Ayfəd. Təx̣azart ta esəm-net Betsada, daɣ təlx̣ibrit, amaran təlla gər səmmosat taliwen.

³ Taliwen šin əsrâdan daw-əsnat miranan əgânen daɣ məddərx̣al, əd məggudal, əd nəbdan. Əssigadan y ad əggəzan aman šin əmətəkwəy,

⁴ fəlas immal-tu alwaq a daɣ d-itazabbat angalos iyyan n Ɛməli ijənnəjərwəy aman ən təx̣azart ten. Ɛmiran kul wa azzaran iguz-net dəffər ənəjərwəy wa təga da, wədi ad izzəy daɣ təwərna ta tu-təgrawat, a təqqal.

⁵ Edag en ih-ay aləs igân karadat təmərwen n awatay d ətəm irin.

⁶ Ogg-ay Ƴaysa isrâd, amaran issan as iga təwərna tərəwat, issəstan-tu inn-as: «Awak tərə təməzzəyt?»

⁷ Inn-as əmiran wa: «Əššex, nak wər ələx awedan a di-igan daɣ təx̣azart ta daɣ amazay wa daɣ tinəjərwəyan aman-net, amaran id əgmaya d iguz-net, a di-izar sər-əs awedan iyyan.»

⁸ Inn-as Ƴaysa: «Əbdəd, təkəla təssut-nak təjəwənke»

⁹ Izzay aləs wen daɣ tamazayt ten da, idkal təssut-net ijawankat.

Ənta arat wa itaggu daɣ əzəl ən təsənfawt ən Kəl-Əlyəhud.

¹⁰ Ɛnnan muzaran ən Kəl-Əlyəhud y aləs wa izzayan da: «Kay ak masnat a wər təgey as azalada əzəl ən təsənfawt a daɣ-ak wər xalal aggay ən təsalat-nak?»

¹¹ Eges ya inn-asan aləs wen: «Aləs wa di-izzozayan, ənta a di-innan: "Ədkəl təsalat-nak təjəwənke".»

¹² Ɛnnan-as: «Ma imos za aləs wa dak-innan: "Ədkəl təsalat-nak təjəwənke"?"

¹³ Ənta aləs wa izzayan da, wər t-əhen salan n awa imos awedan wa t-izzozayan den, fəlas aytədan əknanen igət a əhanen edag wa daq-q izzozay Ƴaysa den, iras-tan Ƴaysa, ijawankat.

¹⁴ Dəffər awen ogaz-t-in Ƴaysa daɣ Ahan wa Zəwwəran n Əlx̣ibada inn-as: «Səsəm. Kay da izzayan da əmərədda. Ɛx̣rəd d igi ən bakkadan, a kay wər igrəw arat ogaran wanad tallabəst.»

¹⁵ Ijawankat aləs wen təzzar imal i muzaran ən Kəl-Əlyəhud as Ƴaysa a t-izzozayan.

¹⁶ Arat wa eway-du sər-san as əknan gezzar ən Ƴaysa fəlas əzəl ən təsənfawt a daɣ iga awen.

¹⁷ Mišan inn-asan Ƴaysa: «Abba-nin faw da išx̣âl, daɣ adi nak da əšx̣âla.»

¹⁸ Batu ta, teway-du əs muzaran ən Kəl-Əlyəhud as əššotan daɣ agamay ən tanəyay ən Ƴaysa, fəlas wərgəɣ əlqanun n əzəl wa n təsənfawt ɣas a imməzray, kalar iššota-du fall-as as inna imos Məššina abba-net. Daɣ adi išəšəgda iman-net əd Məššina.

¹⁹ Inn-asan Ƴaysa: «EggəyyeƷ əsilakanax-awan as Barar wər ifreg igi n arat waliyyan gar-es əd man-net. Wər itəggu ar arat was ihannay Abba-net itagg-ay. Amaran arat kul wa itaggu Abba, Barar da itagg-ay s asaway wen da.

²⁰ Fəlas Abba ira Barar, amaran isakn-ay arat kul wa itaggu; ad t-assaknu aratan ogarnen win da təla n almayna y a tan-agu, fəl ad taxjim.

²¹ Əmmək wa daƷ-as d-isankar Abba inəmməttan itaggu daƷ-san iman, əmmək wədi da as ihakku Barar ənta da təməddurt i was tat-ira.

²² Wa dəffər adi as Abba wər ixəkkəm y awedan waliyyan, kalar əşşəriƷa kul ig-ay daƷ əfus ən Barar

²³ fəl ad əzzəzwəran aytedan kul Barar s əmmək was əzzəzwəran Abba. Awedan kul wa wər nəzzəzwər Barar, wədi wər izzəzwər Abba wa t-id-izammazalan.»

²⁴ «EggəyyeƷ əsilakanax-awan as awedan kul wa issəsaman i batuten-in, izzəgzan əs wa di-d-izammazalan, wədi igrāw təməddurt ta təxlalat. Wər z'awwaddab, kalar təmattant a d-igməd əs təməddurt.»

²⁵ «EggəyyeƷ əsilakanax-awan as izay-du alwaƷ – s ənta da da nəha da əmərədda – as aytedan win sər-i wər nəzzəgzan ad aslin y əməsli ən Barar ən Məşşina, amaran win das-əslanen əkkəwanan-as ad əgrəwan təməddurt ta təxlalat.

²⁶ Fəlas əmmək wa daƷ as ihakku Abba təməddurt, əmmək wədi daƷ as ikfa Barar fərregat n a tat-ihakku ənta da.

²⁷ Ikfi deƷ turagat n əşşəriƷa y aytedan, fəlas nak Ag Aggadəm a mosa.

²⁸ Ad wər əqqənən Ʒafawan-nawan y arat wa: ilkâm a d-awəd alwaƷ a daƷ z'aslin nəmməttan kul daƷ zəkwan-nasan, y əməsli-nin nak Ag Aggadəm

²⁹ əgmədan-du izəkwan-nasan əddi da. Win əganen aratan olaƷnen, a d-əgmədan izəkwan y a d-ənkəran daƷ təmattant əgrəwan təməddurt, win əganen təkma amaran a d-əgmədan izəkwan y ad awwaddaban.

³⁰ Wər t-illa arat as əfragaƷ igi-net gər-i əd man-in. ƏşşəriƷa wa tagga, əlkama daƷ-as y awa di-igannu Məşşina, amaran əşşəriƷa-nin oƷād, fəlas wər əlkema y arat wa əre nak iman-in, kalar arat wa ira wa di-d-izammazalan as əlkama.»

Şigəyyawən ən Ƴaysa

³¹ «As imos as nak Ʒas-in as eggəyyeƷ i man-in, wədi təgəyya-nin wər təmos tidət.

³² İllat-tu wa di-imosan iyyat təgəyya, amaran əssānaƷ as arat wa igannu daƷ talƷa-nin, tidət a imos.

³³ Təssəglam inammazalan əs Yaxya, iggəyyat-asan fəl arat wa imosan tidət.

³⁴ Nak wər əddərəraƷ əs təgəyya n awedan. Arat wa, wər tu-gənnax ar fəl ad təgrəwam təsureft.

³⁵ Yaxya zun fətəla tərxât təbilazlaz a imos, amaran təqbalam ad tagim arat n assayət ən tədəwit daƷ ənnur-net.

³⁶ Nak amaran əle təgəyya togarat ta n Yaxya assahat: Əşşəxələn win tagga, a tan-imosan win as di-issəwar Abba igi-nasan, əntanay a əmosnen təgəyya-nin, sitaddan as Abba di-d-izammazalan.

³⁷ Abba iman-net s ənta a di-d-izammazalan, ənta da iggiyyat-i. Wər kala ad təslam y əməsli-net wala deƷ tənāyam əzzat-net.

³⁸ Amaran wər iha awal-net iwallan-nawan, arat wədi isitadd-ay iba n əzəgzan-nawan əs wa d-izammazal.

³⁹ Tətaggam y Awal ən Məşşina təxaray təgat s ənnəzər fəlas təxilam a sər-əs təgrəwam təməddurt ta təxlalat. Awal wa təxarrim da, ənta iman-net as fall-i iggəyyat,

⁴⁰ eges wər tərəm a di-du-takkim y ad təgrəwam təməddurt.»

⁴¹ «Nak wər gəmməyaƷ ətəwəsəxmar Ʒur aytedan.

⁴² Əzdāyaq-qawan: əssānaƷ as iman-nawan wər tan-təha tara i Məşşina.

⁴³ Nak Abba-nin a di-d-issəglan mişan wər tərəm əlqəbulat-in. Amaran as kawan d-osa awedan iyyan a d-iglan gar-es əd man-net, a tu-təqbəlam!

⁴⁴ Tərām ad tətīnəməsəxmīram gar-ewwan, eges wər tərəm saƷmar wa d-ifalan Məşşina di n iyyan. DaƷ adi manəmmək as za təzzəgzənam?

⁴⁵ Ad wər təxilam a kawan-əssəwəra lahan Ʒur Abba-nin. Ənnəbi Musa ənta kawan z'issəwəran lahan, ənta wa daƷ təgam attama-nawan.

⁴⁶ Ənnar təzzigzanam əs Musa, təzzəgzənam sər-i nak da, fəlas immigrad sər-i daƷ Əlkəttaban-net.

⁴⁷ Mişan dad imos as wər təzzəgzənam s Əlkəttaban-net, manəmmək as za təzzəgzənam awa ganna?»

6

Išatši wa iga Ƴaysa i səmmos gim n aləs

¹ Dəffər adi ikka Ƴaysa təgadamayt ta hadat n agaraw wa n Galilaya, itāwann-as dəx agaraw wa n Tiberəyad.

² Təlkām-as tamattay tagget, fəlas əhannayan aytedan alyalamaten šin as itamazal əmosnen əmmək was izuzəy imiranan.

³ Iggəzzay Ƴaysa adxax, təzzar iqqim den da ənta əd nəttulab-net.

⁴ As itaggu awen amud wa n Akkay ihoz-du.

⁵ Iswad Ƴaysa inay tamattay tagget təzāy-t-idu, inna i Filibus: «Məni du-za-nazzanzu tagəlla ətšan aytedan en kul?»

⁶ Əsəstan wa as t-iga Ƴaysa da issān arat was otas igi-net. A ira xas ad issən awa das-z-annu Filibus.

⁷ Inna Filibus i Ƴaysa: «Kud du-nəzzənza tagəlla ən sanatat təmad ən tafelt, almaɣna alxaq ən sanatat təmad n əzəl n əššəxəl, da wər dasan-təkna arat.»

⁸ Inn-as ənattalib-net igān Andrawəs wa n amadray ən Simyon Butros:

⁹ «İlla barar da ilān səmmosat təgəlwen n əššəxir d əššin kifitan, mišan ya ma za aknin y aytedan ogdānen d awa?»

¹⁰ Inna Ƴaysa: «Saɣxamiwat tamattay kul.» Təzzar əqqiman aytedan kul daɣ yel aggen illān den. Səmmos gim n aləs a əhanen tamattay en.

¹¹ İdkal-du Ƴaysa šigəlwen šin den. As iga igodan i Məššina, izun-tanat i tamattay. İga awen da i kifitan. İgraw awedan kul awa das-igdan.

¹² As əyyəwanan aytedan inna Ƴaysa i nəttulab-net: «Šidəwat-du ikarammutan win du-tawaglaznen, fəl a daɣ-as wər ixsəd wala.»

¹³ Əyradan-du əkəmmi ən karammutan win d-əglazan aytedan daɣ təgəlwen n əššəxir šinad ən səmmosat a. Maraw əzmaman d əššin a d-ədnayan daɣ gəlzan en.

¹⁴ As ənayan aytedan win alyalamat tas immozal Ƴaysa da, ad gannin: «İgmād aššak as aləs wa ənta a imosan ənnəbi wa du-z-asin əddənet!»

¹⁵ İssan Ƴaysa as aytedan win abbaz a tu-z-agin šəhhəšəlan-tu tišit n əmənokəl, ilas-tan efel, ikka edag iyyan daɣ ədxax en da, xas-net.

Əjəwənkı wa iga Ƴaysa fəl aman

¹⁶ As təga takəst zagadayan nəttulab-net s agaraw,

¹⁷ əggazan aylal əssəwəlan agaraw y ad əxrəsan əs təxrəmt ta n Kafarnahum. İtaggu awen ehad, Ƴaysa amaran wər tan-in-ewed harwa da.

¹⁸ İgar-du aɣu issohen ad tanastaban aman n agaraw.

¹⁹ As əgan nəttulab ən Ƴaysa edag ən səmmos kilawtan madeɣ sədis n əşikəl, oggan Ƴaysa daɣ ihəz ijiwankat-du fəl aman izay-du aylal wa han, təzzar təggəz-tan tasa.

²⁰ Mišan inn-asan Ƴaysa: «Təgmədet-kawan tasa, nak awa!»

²¹ Gammayan d a t-id-əzzugəzan aylal den da, as dər-san ewad əylal edag wa əkkan.

Ƴaysa a imosan amensay wa ihakkin təməddurt

²² As əzəl wa hadan təgr-in tamattay ta təwarat efay n agaraw wen sen as aylal iyyanda xas a illan den əndəzəl, amaran əssanan as Ƴaysa wər inamaggaz aylal wa əd nəttulab-net. Əssānan ənta da as inəttulab-net xas-nasan as əglan.

²³ Ənzayan-du wıyyad a d-əfalnen aɣrəm ən Tiberəyad. Osan-du dagma n adag wa daɣ tətša tamattay tagəlla dəffər godan win iga Ƴaysa y Əməli.

²⁴ As tənay tamattay as Ƴaysa wər illa den ənta wala inəttulab-net, təggəz iylalan win den əgmayan Ƴaysa əs Kafarnahum.

²⁵ Osan-t-in fəl efay n agaraw wa hadan, təzzar ənnan-as: «Ya Əššex, Əmmay du-tose da?»

²⁶ İg-asan Ƴaysa aljawab wa, inna: «Əggəyye silakanax-awan as wər di-təsəggədam ar fəl as tətšam tagəlla har daɣ-as təyyəwanam, wərgəx əššəddat n əgərri n almaɣna n alyalamaten šin əmmoza la fəl di-təlkamam.

²⁷ Ayyat əššəxəl daɣ agamay ən mensewan win xaššadnen, gammayat imensewan win wər nəxəššəd, hakkin təməddurt ta təxlalat. Imensewan win nak Ag Aggadəm a dawan-tan-z-akfin fəlas nak a issəwar Məššina di n Abba ejwal wa n təxmar-net.»

²⁸ Əssəstənan-tu ənnan-as: «Məni za arat was danax-iwar a tu-nagu y ad naknu əššəxəlan win ira Məššina?»

²⁹ İjwəwəb-asan Ƴaysa inn-asan: «Əššəxəl wa daɣ-wan ira Məššina, wər t-imos ar ad təzzəgzənam əs wa d-issəgla.»

³⁰ Əlasan-tu əsəstan ənnan-as: «Ma təmos za alyalamat ta dana-za-tammazala fəl a sər-ək nəzzəgzən? Ma za taga?»

³¹ Imarawan-nanaḡ ətšan daḡ taneray amensay wa n Manna. Ǝnta da awa ɛnnan Ǝlkəttaban daḡ batu tədi: "İsšəts-en amensay wa d-ifalan ijənnawan."»

³² Inn-asan Ƴaysa: «Ǝggəyyeḡ silakanaḡ-awan as wərgə ɛnnəbi Musa a kawan-ikfan amensay wa d-ifalan ijənnawan. Abba-nin ɛnta kawan-ikfan amensay wa d-ifalan ijənnawan, imos amensay wa n tidət.

³³ Fəlas amensay wa d-ifalan Məššina ɛnta a d-igmadan ijənnawan, amaran ɛnta a ihakkin təməddurt y əddənet.»

³⁴ Ǝnnan-as: «Ǝməli, amensay wədi hakk-anaq-qu faw.»

³⁵ Inn-asan Ƴaysa: «Nak a imosan amensay wa ihakkin təməddurt ta təḡlalət. Wa di-d-ikkan wər das-ilkem ad t-iggaz gələk, amaran wa sər-i izzəgzanan wər daḡ-as ilkem ad t-iggaz fad.

³⁶ Mišan ɛnnəḡ-awan: tənayam-i eges wər təzzəgzanam.

³⁷ Awedan kul wa di-ikfa Abba a di-d-asu, amaran wər za mələlləya fəl i di-d-ikkan,

³⁸ fəlas əzəbbi a d-əge daḡ ijənnawan fəl ad ammazala s arət wa ira wa di-d-issəglan, wərgə arət wa ɛre nak iman-in.

³⁹ Ǝnta wa di-d-izammazalan wər ira ad ixrək awedan waliyyan daḡ win di-ikfa, kalar a ira a tan-d-əssənkəra daḡ təməttant əzəl a ilkaman.

⁴⁰ Awalla, ɛnta da awa ira Abba-nin: Aytedan kul win di-ənaynen nak Barar-net, əzzəgzanan sər-i, ɛntanay a z'əgrəwnen təməddurt ta təḡlalət, əssənkəraq-qan-du daḡ təməttant, əzəl wa ilkaman.»

⁴¹ Təzzar ad tigətəntinan Kəl-Ǝlyəhud əhân batu-net fəl as inna: «Nak a imosan amensay wa d-igmadan jənnawan.»

⁴² Gannin: «Awak awen wərgə Ƴaysa wa n ag Yusəf, nəkna təməzdəyt n abba-net d anna-net, mənəmmək as du-z-inkər əmərədda ad igannu ijənnawan a d-igmad?»

⁴³ İjəwwab-asan Ƴaysa inn-asan: «Ayyiwat əgətəntən gar-ewwan.

⁴⁴ Wər t-illa i di-du-z-akkin ar s a t-id-ewāy sər-i Abba a di-d-issəglan, nak amaran əssənkəraq-q-idu daḡ təməttant əzəl wa ilkaman.

⁴⁵ Ǝlkəttaban n ɛnnəbitan ih-en as: "Ketnasan a tan-isassayru Məššina."

Awedan kul wa islan y Abba, iqbal əsəssəḡri-net wədi a di-d-akku.

⁴⁶ Wər t-illa is kala ad inay Məššina di n Abba ar wa t-id-ifalan. Ǝnta ḡas a t-inayan.

⁴⁷ Ǝggəyyeḡ əsilakanaḡ-awan as i izzəgzanan ad igrəw təməddurt ta təḡlalət.

⁴⁸ Nak a imosan amensay wa ihakkin təməddurt.

⁴⁹ Imarawan-nawan ətšan Manna daḡ taneray mišan wər dasan-igdel awen təməttant.

⁵⁰ As iga awen amensay was ganna nak, ijənnawan a daḡ d-igmad. I t-itšan wər tu-z-iba.

⁵¹ Nak a imosan amensay wa d-igmadan jənnawan ihakku təməddurt. Awedan kul wa itšan amensay wa ad iddər har faw. Amaran təḡəssa-nin a təmosat imensewan win z'akfa fəl ad təgrəw əddənet təməddurt.»

⁵² Tənkər tamazaq təssohet gər Kəl-Ǝlyəhud ad gannan: «Mənəmmək as dana-z-akfu awedan wa təḡəssa-net natš-et?»

⁵³ Təzzar inn-asan Ƴaysa: «Awalla, əggəyyeḡ əsilakanaḡ-awan əs as wər tətšəm təḡəssa-nin nak Ag Aggadəm, tašwim deḡ azni-nin, wər dawan-tu-təlla təməddurt ta təḡlalət.

⁵⁴ Awedan wa itšan təḡəssa-nin išwa ɛnta da azni-nin, wədi igrāw təməddurt ta təḡlalət, əssənkəraq-q-idu deḡ daḡ təməttant əzəl a ilkaman.

⁵⁵ Fəlas təḡəssa-nin amensay wa n tidət a təmos, azni-nin deḡ aman ɛn tassay win tidət a imos.

⁵⁶ Awedan wa itšan təḡəssa-nin, išwa deḡ azni-nin, wədi irtay dər-i, nak deḡ əhəḡ əwəl-net.

⁵⁷ Abba wa di-d-izammazalan ɛnta ḡur təlla təməddurt, amaran ɛnta a di-tat-ikfan, daḡ adi wa itšan təḡəssa-nin ad t-əssudəra nak da.

⁵⁸ Ǝnta əddi da amensay wa d-igmadan ijənnawan. Wər ola əd wa ətšan marawan-nawan fəlas wər dasan-igdel adi təməttant. Awedan wa t-itšan, wədi ad igrəw təməddurt ta təḡlalət.»

⁵⁹ Arat da da wa inna Ƴaysa daḡ ahan n əlḡibada ɛn Kəl-Ǝlyəhud daḡ əḡrəm wa n Kafarnahum.

Efel wa əgan aytedan wiyyad dəffər Ƴaysa, əlkaman-as wiyyad

⁶⁰ As əslan nəttulab-net aggotnen y arət wa inna da, ɛnnan: «Batu ta ši labasat, izzəwat əzəgzan-net. Ma ifragan əlqəbulat-net?»

⁶¹ İssan Ƴaysa daḡ man-net as gitantan nəttulab-net gar-essan daḡ talḡa ten, inn-asan: «Ǝngəm əzəgzan-nawan a tədas batu di?»

⁶² Ma za tagim za as di-toggam nak Ag Aggadəm tagazzaya s adag wa əhəx əstizarat?

⁶³ Infas wa Zəddigan a ihakkin təməddurt. Awedan əs təxəssa-net, wər imos wala. Awalan win dawan-əgəx, Infas a mosan, hakkin dəx təməddurt.

⁶⁴ Mişan əhân-kawan aytedan wər nəzzəgzan.» Yaysa harwa xur tizarat da issân win wər nəzzəgzan, issân dəx wa tu-z-agin dağ fassan.

⁶⁵ İlas inn-asan: «Adi da a fəl dawan-ənnə: "Wər t-illa i ifragan a di-d-akku ar s ad t-ikfa Abba fərregat n adi."»

⁶⁶ Den da dəffər-əs ifal a əggen dağ nəttulab-net, əxradan əd tidawt-net.

⁶⁷ Təzzar inna Yaysa i nəttulab win maraw d əşşin: «Meqqal kawanay da təräm teklay?»

⁶⁸ Inn-as Simxon Butros: «Əməli, ma imos wa za nakku? Kay a itaggan awalan win əhakkanen təməddurt ta təxlalat.

⁶⁹ Nakkamay nəzzigzan sər-ək, nəssân as kay Əmizdag a d-ifalan Məşşina.»

⁷⁰ Inn-asan Yaysa: «Ak wərgəx əsənnəfrən a kawan-əge ketnawan, fəl marawewwan d əşşin, kuddeğ əs iyyan dağ-wan İblis.»

⁷¹ Batu ta Yahuza wa n ag Simxon İsxarəyuti a fəl tat-iga Yaysa. Fəlas Yahuza a tu-z-agin dağ fassan kuddeğ əs iyyan dağ nəttulab win maraw d əşşin a imos.

7

Əlməsix iha tarrayt əs Yerusalam

¹ Dəffər adi issəwal Yaysa d akal ən Galilaya, fəlas wər ira əsəwəl ən wa n Yahudəyya, id imuzaran ən Kəl-Əlyəhud a gammaynen əd tanaxay-net.

² As itaggu awen əmud ən Kəl-Əlyəhud was itawannu wa n Təkarbanen ihöz-du.

³ İnnan-as mədrayan-net: «Əfəl da takka akal wa n Yahudəyya fəl əd ənəyan nəttulab-nak əşşəxalan win tətəgga.

⁴ Awedan as ira fall-as tagu masnat wər işəqqəl dağ əssir. Dad zama as tətəggağ aratan ogdanen d awa, wədi agu təməwit ta fəl tan-z-inəy awedan kul.»

⁵ As das-gannin mədrayan-net awen da wər sər-əs əzzəgzanan.

⁶ Inn-asan Yaysa: «Assaxat ta-nin harwa da wər du-tewed. Kawanay amaran wər təzlayam assaxaten.

⁷ Wər t-illa əddəlil a fəl kawan-za-təgzər əddənət. Nak amaran əddənət təgzâr-i fəlas təgəyya a əmosa y arak mazalan win dağ-as tagginen.

⁸ Akkiwat amud wen kawanay. Nak wər t-əkke fəlas assaxat-in harwa da wər du-tewed.»

⁹ As dasan-ixrad tənna n aratan win, iqqim-du dağ Galilaya.

¹⁰ Dər iga awen da ya as əkkan mədrayan-net amud, ikk-ay Yaysa ənta da, eges iki wa zun as iga dağ əssir, fəlas wər issəkna iman-net y aytedan.

¹¹ Itaggu əmud den da gammayan-tu muzaran ən Kəl-Əlyəhud gannan: «Ma iga aləs a?»

¹² As itaggu awen tənkar təmazaq gər aytedan dağ talxa ən Yaysa. Wiyyad za gannan: «Aləs di olâx.» Wiyyad amaran gannan: «Kalar əsəxrək fadda a itaggu tamattay.»

¹³ Mişan wər t-illa awedan ihalan amagrad dat aytedan dağ talxa-net, fəl təksəda ən muzaran ən Kəl-Əlyəhud.

Assa ən Yaysa Ehan wa Zəwwəran n Əlxibada

¹⁴ As isaggaraygaray əmud ikka Yaysa Ehan wa Zəwwəran n Əlxibada a dağ-as isasağru.

¹⁵ Əsəssəxri wa iqqan ixafawan ən Kəl-Əlyəhud wəllen har əqqiman gannin: «Wa ak awedan ma t-issosanan aratan win, ənta wər ixra?»

¹⁶ Inn-asan Yaysa: «Əsəssəxri-nin wərgə nak a d-ifal, kalar wa di-d-izammazalan a d-ifal.

¹⁷ Awedan kul wa iran ad ammazal tara ən Məşşina, wədi ad issən kud əsəssəxri-nin ənta Məşşina a d-ifal wala dəx arat a imos a d-ənzama gər-i əd man-in.

¹⁸ Awedan wa işşewalan s aratan a d-inzâm gar-es əd man-net, wədi iman-net as igammay tanaya. Mişan awedan wa işxalan dağ əsənnəfiləl ən tanaya ən wa t-id-izammazalan, wədi tidət a immal, wər dağ-as t-illa a imosan lahan.

¹⁹ Wərgəx ikf-iwan ənnəbi Musa Əlqanun? Wər kawan-ihə za i das-ilkâman. Mafel as təräm a di-tanxim?»

²⁰ İnnan-as aytedan: «Kay əgğəsuf a kay-ihan. Ma iran tenaxay-nak?»

²¹ Inn-asan Yaysa: «Nak təlməxjujat iyyadda xas a əge dağ əzəl ən təsanfawt, mişan əqqanan-as xafawan-nawan.

²² Kawanay wêrgeḡ tēšaqqalam daḡ əzəl ən tēsanfawt fəlas bararan-nawan a daḡ-as tēsamankadam? Amaran wêr fall-awan imos awen lahan, fəlas ənnəbi Musa a dawan-t-innan – as iga awen imarawan-nana a t-id-əssəntanen, wêrge Musa.

²³ ʔnəyat za, dad imos as itawasamankad barar daḡ əzəl ən tēsanfawt fəl ləkkum y əššəriḡa wa n ənnəbi Musa, mafel as kawan-iha alham-in fəlas əgəḡ y awedan əzuzəy ikmālan daḡ əzəl ən tēsanfawt?

²⁴ Ad wêr tēxakkamam awedan s azzahir-net. Kalar xakkamat əs tidət.»

²⁵ As t-oggan arat daḡ aytedan win Yerusalām ad gannin: «Awak aləs wen, wêrgeḡ ənta as əran muzaran-nana tenaḡay-net?

²⁶ Amaran ənta den əmərədda iššewalan den dat awedan kul, wêr t-illa i das-igannin wala! Awak immikken imuzaran-nanaḡ a sallakannen as ənta a imosan ʔlməsix?

²⁷ As iga awen da za aləs wa nəssān akal wa d-igməd, ʔlməsix amaran assaḡa wa du-z-asu ənəfilal ɣas a du-z-agu, wêr t-illa awedan a iſsānan da d-igməd.»

²⁸ Harwa da iſasaḡru ʔaysa daḡ Ahan wa Zəwwəran n ʔlɣibada as idkal əməsli-net wəllen inna: «Təzdayam-i tēssānam sas d-əhe! As iga awen da ya wêr d-ose gər-i əd man-in, kalar wa imosan tidət a di-d-izammazalan; amaran wêr tu-təzdayam.

²⁹ Nak əzdayaq-qu, fəlas ənta sər-wan d-əfala, amaran ənta di-d-izammazalan.»

³⁰ Den da ad əgməyan muzaran ən tamattay d abbaz-net mišan wêr tan-iha i t-idasan, fəlas alwaq-net a du-wər-newəd harwa da.

³¹ Aytedan aggotnen a əzzəgzannen əs ʔaysa daḡ tamattay en, gannin: «Tordām as kud d-osa ʔlməsix ifrāg əsəkni n alɣalamaten oğarnen šin iſsəkna aləs wa?»

³² Arat wa simətəktikan aytedan daḡ tamattay ta, əslan-tu Farisaytan. ʔnkaran limaman win zəwwarnen, əd Farisaytan əssəqlan-du imagazan n Ahan wa Zəwwəran n ʔlɣibada y ad abəzan ʔaysa.

³³ Inn-asan ʔaysa: «Nak ad agaḡ arat ən tamert əddewa dər-wan, dəffər adi amaran ad z'akka wa di-d-izammazalan.

³⁴ A di-təgməyam mišan wêr di-za-təgrəwam fəlas edag wa z'akka wêr təfregam iki-net.»

³⁵ Ad tinəməsəstinan Kəl-ʔlyəhud, gannin: «Ma imos za adag wa z'akku daq-qu wêr za nəgrəw? Meqqal Kəl-ʔlyəhud win wazawaznen daḡ kallan win tama a z'akku iggəz-tan? Meḡ ak aytedan win wêr nəmos Kəl-ʔlyəhud a z'isasaḡru?

³⁶ Ma imos almaḡna ən batu ta iga da, as inna: "A di-təgməyam mišan wêr di-za-təgrəwam, fəlas wêr təfregam iki n adag wa z'akka"»

Aman win sidurnen

³⁷ As d-ewad əzəl wa ilkaman n əmud wa n Təkarbanen, s ənta a imosan əzəl wa zəwwəran daḡ əmud en, ibdad ʔaysa dat tamattay idkal əməsli-net inna: «Awedan kul wa iffudan akkiwet-i-du ad ašəw.

³⁸ Awedan kul wa sər-i izzəgzanan "ad əngəyan gərwan n aman win sidurnen daḡ əwəl-net", s əmmək was iktab awen daḡ ʔlkəttaban.»

³⁹ Batu ta iga ʔaysa den, Infas wa Zəddigan a sər-əs issoka, a z'əgrəwan aytedan win sər-əs əzzəgzannen. ʔnta azzaman en Infas wa Zəddigan wêr itawakfa harwa da fəlas ʔaysa a wêr nəggez tanaya-net.

ʔməzəy gər aytedan

⁴⁰ As isla ades ən tamattay en i batuten šin iga ʔaysa da ənnan: «Illikan as aləs wa ənta a imosan ʔnnəbi wa ittəmalan!»

⁴¹ ʔnnan wiyyad: «ʔlməsix awa!» ʔnnan-asan wiyyad: «Manəmmək as du-z-igməd ʔlməsix Galilaya?

⁴² Awak ʔlkəttaban wêrgeḡ a ənnan: "ʔzurrəyya ən Dawəd, əd təḡrəmt ən Betalxam s ənta as kala daḡ-as iḡsar Dawəd, a du-z-igməd ʔlməsix."»

⁴³ ʔmmək en daḡ as təmməzray tamattay daḡ talɣa ən ʔaysa.

⁴⁴ Wiyyad daḡ-san ərān abbaz-net, mišan wêr tan-iha is t-idas əfus-net.

⁴⁵ ʔqlan magazan n Ahan wa Zəwwəran n ʔlɣibada əqqalan ilimaman win zəwwarnen, əd Farisaytan. Osan-in ɣas ənnan-asan: «Mafel wêr t-idu-tewayam?»

⁴⁶ ʔnnan-asan magazan: «Wêr kala itawanay awedan iğan awal wa iga aləs en.»

⁴⁷ ʔnnan-asan Farisaytan: «Daḡ adi kawanay da toyyam iman-nawan tətawasaxrakam?

⁴⁸ ʔssənət ill-ay i sər-əs izzigzanan daḡ-na?

⁴⁹ Wêr sər-əs izzəgzan ar tamattay n alɣihlan wêr nəssen wala daḡ awa ihan əššəriḡa n ʔttawret, as ketnasan təwār-tan tulɣant.»

⁵⁰ Inn-asan Nikodemos imosan iyyan daḡ Farisaytan s ənta din-osan ʔaysa dat awen:

¹⁵ «Ēššəriḡa-nana wər t-iha ad itəwəxkəm awedan iket wər iššewal, itəwəssən awa daḡ iššokal.»

⁵² Ēnnan-as: «Galilaya kay təlat kay da? Aknu teḡaray n Ēlkəttaban ad tənəya kay iman-nak as wər t-illa ənnəbi a du-z-igmədan Galilaya.»

⁵³ Təzzar ikka awedan kul ehan-net.

8

Tantut ta təgat əzzəna

¹ Ikka Ḡaysa adḡaḡ as itawannu wa n Eškan ən Zaytun.

² As affaw aḡōra iqqal Ehan wa Zəwwəran n Ēlyibada, təzzar tək-kay-du tamattay ketnet. Iqqim a tan-isasaḡru.

³ Iššewal den da as d-osan musanan n Ēttawret əd Farisaytan ewāyan tantut a d-əḡḡaran tətəggu əzzəna. Ēssəbdadan-tat dat awedan kul,

⁴ ənnan i Ḡaysa: «Ya Ēššəx-nana, tantut a əzzəna a təga, amaran tətowanay tətəg-gay.

⁵ Daḡ Ēttawret za a inna Musa: "Tantut zun ta, ilzâm a tat-əggaran aytedan əs təhun har tat-iba." Amaran kay ma tənne?»

⁶ Arat wa təmərkest a imos a das-əḡân fəl ad t-əssəwəran lahan. Edag ân a dasan-ajjawwab Ḡaysa, inaz ad ikattab s adad-net fəl amaḡal.

⁷ Ēqqiman ədgāzan-tu s əsəstan, as ihog ibdad-du inn-asan: «Inkəret-du daḡ-wan was kala wər iga abakkad izaret əs taggor-net.»

⁸ Ilas enez ad ikattab s adad-net fəl amaḡal.

⁹ Ēslan i batu ta ḡas, mazazaran əḡlan, azzaran-asan win waššarnen. Iqqim-du Ḡaysa ḡas-net ənta əd təntut ta nad, təbdād dat-əs.

¹⁰ Ibdad-du inn-as: «Tantut, ma əgan aytedan win kam-əbaznen? Wər tan-iha i kam-ibāzan s əššəriḡa?»

¹¹ Tənn-as: «Waliyyan daḡ-san, Ēməli-nin». Inn-as Ḡaysa: «Nak da za wər kam-z-abəza s əššəriḡa. Aḡlu təjawənke, mišan ad wər tələsaḡ igi ən bakkadan.»

Ḡaysa ənta a imosan ənnur n əddənet

¹² Ilas Ḡaysa awal i tamattay inna: «Nak a imosan ənnur n əddənet. Daḡ adi wa di-ilkaman ad igrəw ənnur wa isiduran, amaran iḡrād d ad ijiwankat daḡ šiyay.»

¹³ Ēnnan-as Farisaytan: «Təḡəyya ən man-nak a təmosa, arat wa təgannay əddi irkam wəllen.»

¹⁴ Inn-asan Ḡaysa: «Kud imos as təḡəyya ən man-in a mosa da təḡəyya-nin tidət a təmos fəlas əssāna sas d-əhe, əd sas ədaga. Kawanay amaran wər təssenam sas d-əhe, wala sas ədaga.

¹⁵ Kawanay azzahir ḡas as təšarraḡam aytedan, nak amaran wər šərrəḡa waliyyan.

¹⁶ As iga awen da as fall-i d-osa adi, ad šarraḡa, amaran əššəriḡa-nin issəhat, fəlas iddew dər-i Abba wa di-d-izammazalan.

¹⁷ Ēššəriḡa-nawan iktāb daḡ-as ās təḡəyya n əššin meddan a təmosat tidət.

¹⁸ Nak za təḡəyya iyyadda a mosay i man-in, təḡəyya-nin ta n sanatat amaran Abba s ənta di-d-izammazalan a tat-imosan.»

¹⁹ Təzzar ənnan-as: «Mənid illa za Abba-nak?» Inn-asan Ḡaysa: «Wərmad di-təzdāyam za wər təzdayam Abba-nin. Ēnnar di-təzdāyam təzdayam Abba-nin.»

²⁰ Batuten šin itagg-enat Ḡaysa assaḡa wa daḡ isasaḡru daḡ Ahan wa Zəwwəran n Ēlyibada dagma n adag wa iha əssənduq wa daḡ tiddawnat təkutawen. Mišan wər t-illa i igmāyan d abbaz-net fəlas alwaq-net a du-wər-newed harwa da.

Wər təfregam iki ən dad əkke

²¹ Ilas Ḡaysa inn-asan: «Nak teklay a z'aga. A di-təḡməyam amaran a kawan-iba daḡ tišit ən nasbakkadan. Wər təfregam a din-tawədam edag wa əkke.»

²² Ad tinəmənnin arat daḡ Kəl-Ēlyəhud gar-essan: «Meqqal iman-net a z'anḡu, fəlas a inna wər nəfreg a din-nawəd edag wa ikka.»

²³ Inn-asan Ḡaysa: «Kawanay aytedan n ares a təmosam, nak in afalla. Kawanay kəl əddənet a da a təmosam, nak wər di-təla əddənet a.

²⁴ A di da a fəl dawan-ənnə a kawan-iba daḡ tišit ən nasbakkadan. As wər təzzəḡzanam as nak a imosan "Wa illan da", wədi a kawan-iba əd tišit ən bakkadan.»

²⁵ Ēnnan-as: «Ak ma təmosay?» Inn-asan Ḡaysa: «Awa dawan-əmala ḡur tizarat har əməradə ənta a mosa.

²⁶ Ēllān-tu aratan aggotnen as əfrāḡay a tan-anna daḡ talḡa-nawan, əllān-tu deḡ aratan aggotnen as əfrāḡay a kawan-awwaddaba fall-asan. Mišan wa di-d-izammazalan məššis ən tidət a imos, amaran arat wa di-d-inna, ḡas a əmmala y əddənet.»

²⁷ Wər əḡren as batu n Abba a daḡ dasan-imməgrad.

²⁸ Inn-asan Ҷaysa: «As тегам иман-ин нак Аг Аггадәм s әсәһһуки wa di-za-tagim фәл тегәттәwt, ad тәссәnam as nak da a имосан "Wa Illan da", тәссәnam дeх as wәр t-illa a tagga гәр-i әд man-in, arat wa di-isassaҗра Abba җас a ganna.

²⁹ Wa di-d-izammazalan iddew дәр-i. Wәр di-oyya җас-in фәлас faw da arat wa das-igrazan җас a tagga.»

³⁰ ҶIslan аytedan агgotnen y awa inna Ҷaysa den әzzәgzanan сәр-әs.

Win әmosnen әzzurrәyya n Ibrahim әs tidәt

³¹ Inna Ҷaysa i Кәл-Ғлыәһуд win сәр-әs әzzәgzannen: «As тәббәрдagam y awa kawan-sassaҗра, ad тәqqәlam inәттulab-in win tidәt,

³² тәссәnam tidәt, tidәt amaran әnta kawan-za-tәsaddarfit.»

³³ Ҷnнан-as: «Nakkanay ya әzzurrәyya n әnnәbi Ibrahim a nәmos, wәр kala даҗ әддәnet ad нәqqal eklan әn waliyyan, mafel тәganna: "Ad taddarfem"?»

³⁴ Inn-asan Ҷaysa: «Әггәyyeҗ әsilakanax-awan as awedan kul wa itaggin ibakkadan, wәdi akli әn bakkadan a imos.

³⁵ Akli amaran wәр das-t-illa adag әn faw даҗ аҗaywan, mišan Barar wa eraw аҗaywan wәdi edag-net ill-ay har faw.

³⁶ Даҗ adi as kawan-isaddarfат Barar, wәdi ad taddarfem әs tidәt.

³⁷ Ҷссәnax as әzzurrәyya n Ibrahim a тәmosam, mišan тәgammayam d ad tagim иман-ин фәлас awal-in a wәр нәdes iwallan-nawan.

³⁸ Nak arat wa әnaya җur Abba-nin a әmmala, amaran kawanay тәtaggim awas тәslam җur abba-nawan Iblis.»

³⁹ Ҷnнан-as: «Abba-nana ya әnnәbi Ibrahim a t-imosan.» Inn-asan Ҷaysa: «Ҷннар tidәt әs тәmosam bararan n Ibrahim ad тәtaggim imazalan win ига Ibrahim.

⁴⁰ Kawanay amaran әмәрәдда тәgammayam әд tanaxay-nin, nak imosan awedan a dawan-immalan tidәt s әmmәk was di-tat-d-inna Mәššina. Arat wәdi wәр t-iga Ibrahim.

⁴¹ Imazalan win ига abba-nawan a тәtaggam.» Ҷnнан-as: «Nakkanay wәр нәmos iniba; wәр нәla ar abba iyyanda a t-imosan Mәššina.»

⁴² Inn-asan Ҷaysa: «Ҷннар Mәššina a imosan Abba-nawan тарим-i, фәлас Mәššina a d-әgmada, әnta a d-әfala, wәрge гәр-i әд man-in as d-ose, kalar әnta di-d-izammazalan.

⁴³ Mafel wәр тәgrem awal-in? Wәр dawan-igdel әgәrri-net ar as wәр тәfregam әсәsәм y as.

⁴⁴ Wәр тәlem даҗ abbatan ar Iblis, amaran тәрәм ad tassandim деранан n abba-nawan. Harwa җur әнәtti ad иqqal әмәggi ән man, amaran wәр ibded даҗ tidәt, фәлас wәр тәha tidәt әwәl-net. Igi ән bahu a imosan әттәbiҗat-net фәлас anasbahu a imos, imos дeх abba ән bahu.

⁴⁵ Nak amaran tidәt as tamagrada, adi da фәл di-wәр-tәzzәgzanam.

⁴⁶ Mәni даҗ-wan wa ifragan ad агgayyat as kala ad әgeҗ abakkad? Kud tidәt a әmmala mafel wәр di-tәzzәgzanam?

⁴⁷ Awedan imosan arat даҗ tamattay ән Mәššina, әсәsәм a itaggu y awa inna Mәššina. Kawanay amaran wәр das-tәsәsimam, фәлас wәр тәmosam tamattay ән Mәššina.»

Ҷaysa d Ibrahim

⁴⁸ Тәzzar әннан Кәл-Ғлыәһуд i Ҷaysa: «Wәрgeҗ kala ad нәнна kay iyyan даҗ Кәл-Samarәya a тәmosax amaran ih-ik аггәsuf?»

⁴⁹ Inn-asan Ҷaysa: «Wәр di-ihа аггәsuf, Abba-nin җас a әссәҗmara, kawanay amaran wәр di-tәссәҗmaram.

⁵⁰ Wәр гәммәyax tanaya i man-in. Ill-ay wa di-igammayan tanaya, amaran әnta a ixakkaman.

⁵¹ Әггәyyeҗ әsilakanax-awan as awedan wa ittafan awal-in, wәр ilkem ad inay тәmattant.»

⁵² Ҷnнан-as arat даҗ Кәл-Ғлыәһуд: «Әмәрәдда ad нәkkas аššak as ih-ik аггәsuf! Ibrahim da aba-tu әnta harkid әnnәbitan kul, kay amaran тәganna: "Awedan kul wa ittafan awal-in, wәр ilkem ad inay тәmattant."

⁵³ Abba-nanax Ibrahim dа aba-tu: tordeҗ as togaraq-qu almaqam? Ҷннәbitan dа abatan. Kay ma тәxsabaҗ iman-nak?»

⁵⁴ Inn-asan Ҷaysa: «As imos as iman-in a фәл sanamala, wәdi tanaya-nin wәр тәnfa wala. Abba-nin s әnta as тәgannim imos Ғмәli-nawan, әnta a di-ihakkan tanaya,

⁵⁵ amaran wәр tu-tәzdayam, mišan nak әzdäyaq-qu. As әnne wәр t-әzdaya, wәdi ad әqqәlax anasbahu ән šilat-nawan. Kalar әzdäyaq-qu, amaran әттәfаҗ awal-net.

⁵⁶ Abba-nawan Ibrahim imäl-tu әд тәdәwit фәл as das-igmad аššak as ad inәy assa-nin, amaran inay-tu, ikn-ay awen әсәffәliwәs.»

⁵⁷ Ğnnan-as Kəl-Ělyəhud: «Kay wər teweda wala səmmosat təmərwen n awatay eges tənne tənəyax İbrahim?»

⁵⁸ Inn-asan: «Ěğgəywe silakanax-awan as dat təhəwt n ənnəbi İbrahim da nak əmosa "Wa İllan da".»

⁵⁹ Təzzar ad takammen šihun y a das-agin zabaw, mišan ya igmad-tan daɣ tamattay, irdaɣ afarag n Ahan wa Zəwwəran n Ělɣibada.

9

Əzuzəy wa iga Ƴaysa y awedan a d-ihəwan əd taddarɣalt

¹ İjiwankat Ƴaysa as inay aləs s as d-ihəw da iddirɣal.

² Ěssəstanan-tu nəttulab-net ənnan-as: «Ěššex, mafəl d-ihəw aləs a əd taddarɣalt? Awak əddəlil n abakkad-net, meɣ ak abakkad ən marwan-net?»

³ Inn-asan Ƴaysa: «Wərmad iddirɣal fəl əddəlil n abakkad-net, wala deɣ abakkad ən marwan-net. Wər d-ihəw əd taddarɣalt ar y a sər-əs təwənəyan igitan ən Məššina.

⁴ İwār-anax ad naknu əššəɣələn ən wa di-d-izammazalan iket di ad iga azal, fəlas ehad izay-du, amaran wər t-illa i daɣ-as ifragan əššəɣəl.

⁵ İket əhey əddənet əmosax ənnur n əddənet.»

⁶ As iga batu ta, issotaf daɣ amaɗal, iga arat ən talaq əs mətman-net, issələl-tat i şittawen n əmədderɣəl en,

⁷ inn-as: «Aglu takka təɣazart ta n Siloxam təšširəda daɣ-as udəm-nak.» (Siloxam almaɣna-net anammazal.) İgla əmədderɣəl iššorad udəm-net, as d-iqqal da ihannay.

⁸ Ad gannin mahharagan-net, d aytedan win t-ənanəyən dat awen imos əmədderɣəl itansayan: «Ak awen wərgəɣ ələs was faw iqqim itansay?»

⁹ Wiyyad gannin: «Ənta daɣ awen.» Wiyyad ənta da gannin: «Kala, tulat ɣas a dər-əs iga.» Ənta amaran iganu: «Nak daɣ awa.»

¹⁰ A tu-sastanan gannan-as: «Məni təməwit tas təgrawax asawad-nak?»

¹¹ İgann-asan: «Aləs as gannin Ƴaysa, a igan arat ən talaq, təzzar issələl-tat i şittawen-in, inn-i ad ağlay əšširədaɣ udəm-in daɣ təɣazart ta n Siloxam. Əgleɣ əššoradaɣ-qu ɣas, əgrawax asawad-in.»

¹² Ğnnan-as: «Ma iga za aləs wədi?» Inn-asan: «Wər əssena.»

¹³ Ělwayan aytedan win aləs was kala ad imos əmədderɣəl da əs Farisaytan.

¹⁴ Ənta əzəl ən təsanfawt ən Kəl-Ělyəhud a daɣ iga Ƴaysa talaq, issəsəwad əmədderɣəl wen.

¹⁵ A tu-sastanan Farisaytan əntanay da əd təməwit tas igraw asawad-net. Inn-asan: «Arat ən talaq a issələl şittawen-in, əššoradaɣ udəm-in, əswada.»

¹⁶ Ad gannin arat daɣ Farisaytan: «Aləs wa igan arat wa, wər d-ifel Məššina fəlas wər isəssahat əzəl ən təsanfawt-nana.» Ğnnan wiyyad: «Alɣalamaten şin, manəmmək as tanat-z-əgu awedan imosan anasbakkad?» Təzzar iga əməzrəy gar-essan.

¹⁷ Ělasan əsəstan n aləs was kala ad idderɣal ənnan-as: «Kay a innan izzozay-kay aləs daɣ taddarɣalt, əməl-anax was tordeɣ as imos-tu.» Inn-asan: «Ənnəbi a imos.»

¹⁸ Əglan Farisaytan wər əzzəgzanan as aləs wa kala ad idderɣal har du-sassaxran imarwan-net.

¹⁹ Ğnnan-asan: «Ak ənta da da barar-nawan was tənnam as d-ihəw da iddirɣal? Məni təməwit tas igraw asawad-net əmərədda?»

²⁰ Ğnnan-asan marwan n aləs: «Nəssân as barar-nanax a imos, nəssân ənta da âs as d-ihəw da iddirɣal,

²¹ mišan wərmad nəssân təməwit tas igraw asawad-net, za wala deɣ awedan wa t-issəswadan. Səstanat-tu iman-net, fəlas aləs waššaran a imos ifragan ad ammagrad daɣ talɣa ta tu-təqqalat.»

²² Batu ta wər tat-əgen marwan-net ar fəl təksəda ən muzaran ən Kəl-Ělyəhud fəlas tənna a gan awedan kul wa iggəyyen as Ƴaysa a imosan Ělməsix, wədi ad t-əkkəsan daɣ əljəməxat n ahan n əlɣibada ən Kəl-Ělyəhud.

²³ Awen da fəl ənnan marwan-net: «Tuşaray-net təşişawad-tu a dawan-ammagrad daɣ talɣa ta tu-təqqalat, səstanat-tu.»

²⁴ Ělasan-du Farisaytan teɣaray n aləs was kala ad idderɣal ənnan-as: «İksad Məššina təməla tidət. Nakkanay nəssân as aləs di anasbakkad.»

²⁵ Inn-asan aləs wa: «Nak wər əssena kud anasbakkad a imos wala. Arat iyyanda ɣas a daɣ əssana, as kala ad ədderɣala, əmərədda əhannaya.»

²⁶ Dəffər awen ənnan-as: «Ma imos arat wa dak-iga? Məni təməwit tas kay-issəswad?»

²⁷ Inn-asan: «Arat wædi ya emâlay-awan-tu mišan wær di-tëzzëgzanam. Mafël tëram a dawan-t-ələsax emel? Meçqal ak kawanay da a tëram ad tëqqələm inalkiman-net ketnawan?»

²⁸ Eğan-as ərərbdan ərnan-as: «Kay a imosan əralkim-net, nakkanay inalkiman n ərnbəbi Musa a nəmos.

²⁹ Musa nəsşân as išşewal-as Məşşina, amaran aləs wædi wær nəsşen sas d-ihə fadda.»

³⁰ Inn-asan: «Aləs wa wær təsşenam wala sas d-ihə mišan izzozay-i dağ taddarçalt! Arat ya wa ərnta a isammaklalan wəllen!

³¹ Təsşânəm as Məşşina wær iqəbbəl šiwatriwen ər nasbakkadan. Awedan wa das-ibbərdoğan itamazal tara-net, ərnta as iqqabbal šiwatriwen-net.

³² Wær kala ad itawasla awedan isiswadan iyyan a d-ihəwan əd taddarçalt.

³³ Ənnar du-wær-ifel aləs di Məşşina, wær z'ifrəg igi ər wala.»

³⁴ Hərəşşen-tu ərnan-as: «Ko! Adis kay was as du-təhəwa da təmosa təbəluləq n abakkad, kay a iran a dana-takfağ alfaydaten?» Təzzar ərtağan-tu.

Aytedan win əddərçalnen dağ batu ta təqqalat əddin

³⁵ As isla Yəysa əmazal wa igan da, iswad y aləs wen har t-igrəw inn-as: «Awak təzzigzanəğ sər-i Ag Aggadəm?»

³⁶ Inna aləs i Yəysa: «Əməli-awa imos, Əməli-nin, fəlas ərəğ a sər-əs əzzəgzəna.»

³⁷ Inn-as Yəysa: «Tənayaq-qu, amaran ərnta da da dak-imməgradan da.»

³⁸ Inn-as aləs: «Dağ adi əzzigzanəğ Əməli-nin.» Təzzar işşəjad-as.

³⁹ Amaran inna Yəysa: «Nak assa a d-əgəğ əddənət y ad ammazalay əşşəriçə, əswədan win wær nəhənnəy, addarçalan win hannəyən.»

⁴⁰ Əslan arat dağ Fərisaytan win dər iddew y awa inna da ərnan-as: «Dağ adi nakkanay da iməddərçal a nəmos?»

⁴¹ Inn-asan Yəysa: «Ənnar təmosam iməddərçal wædi wær kawan-iwer abakkad, mišan dad imos as təğannim: "Nakkanay nəhənnəy", wædi iwər-kawan abakkad.»

10

Yəysa ərnta a imosan amadan wa olağan

¹ «Əggəyyəğ əsilakanəğ-awan as: Awedan wa wær nəgğəz əfarag n ayfəd s əmi was itawəgğaz, itarəgğat-t-idu, wædi əbaydag a imos n ərarkab.

² Amaran wa d-iggəzan s əmi n əfarag, wædi ərnta a imosan amadan n ayfəd.

³ Ənəylif n əfarag a das-z-ələman imi, əslinat ayfəd y əməsli-net, ad iğarru şin-net s esmawan-nasnat isardağ-qanat əfarag.

⁴ As d-ixrad ikus ər şin-net, a dasnat-izar, əlkəmnat-as, fəlas əzdəynat əməsli-net.

⁵ As iga awen awedan wa dasnat-imosan ərənəftəğ, wær das-z-əlkəmnat, ewef fadda a tu-z-əginat fəlas wær əzdaynat əməsli-net.»

⁶ Əlmital wa da, a dasan-iga Yəysa, mišan wær əgřen əlməğna n awa dağ-san imməgrad da.

⁷ İlas Yəysa inn-asan: «Əggəyyəğ əsilakanəğ-awan as nak a imosan imi was raddəynat ayfəd.

⁸ Win dat-i d-osanen kul ibaydagan ər narkaban a mosan, amaran wær dasan-əsşəsəmmat ayfəd.

⁹ Nak a imosan imi n əfarag. Wa sər-i d-iggəzan ad əfsu. İfrəğ ad itəgğaz iraddəğ, igrəw ərntada imənsəwan-net.

¹⁰ Əbaydag wær d-itisu ar fəl şikra, d igi ər man d əhluk. Nak amaran ose-du fəl ad əgrəwan aytedan təməddurt, əgrəwan-tat da za əs təməwit wær nələ əddukad.

¹¹ Nak a imosan amadan wa olağan. Amadan wa olağan iman-net a ihakku fəl ayfəd-net.

¹² Mišan awedan wəs ayfəd wərgəğ şin-net, ətəwəğfar ças a itawəgğaz y a tanat-idən, wædi as ogga ərıdal izay-tanat-du, ad addəgğaz ayy-enat-in, abəz dağ-asnat ərıdal awa ira, izəwəziwəz-tanat.

¹³ Arat wa itəgğ-ay aləs wa fəlas ətəwəğfar ças a iga y əşşəğəl wa, wær izlay a ərənat ayfəd.

¹⁴ Nak a imosan amadan wa olağan. Əzdəyəğ ayfəd-in, ayfəd-in değ əzdaynat-i,

¹⁵ əs təməwit ta dağ as di-izday Abba-nin, nak değ əzdəyəğ-qu. Əkfəğ iman-in fəl ayfəd-in.

¹⁶ Ələğ ayfəd şiyvad wær nəha əfarag wa. İntanatay da kundaba əzzarəğ-asnat, əslinat y əməsli-nin. Ayfəd-in kul ad ərətəynat əqəqlnat əşəgən iyyanda, ilən amadan iyyanda.

¹⁷ Abba ir-i fəlas iman-in a əkfe fəl a tan-ələsəğ əgaraw.

¹⁸ Wær t-illa i daḡ-i z'abəzan iman, kalar iman-in a əkfəy əs təradawt-in. Ələḡ fərregat ən tahakkay-nasan, ələḡ da fərregat n əsuḡəl-nasan. Ənta da daḡ arat was di-omar Abba-nin s igi-net.»

¹⁹ Əlasan Kəl-Əlyəhud əməzrəy daḡ talḡa n aratan win igannu Ḡaysa da.

²⁰ A daḡ-san aggen gannin: «Aləs wa aggəsuf a t-ihan! Awa əməskel! Mafel təssisamam-as?»

²¹ Wiyyad gannin: «Awedan iha aggəsuf wær itəḡgu awal wa. Tordam as ill-ay aggəsuf ifrāgan əsəswəd ən məddərḡal?»

Ḡaysa ənta a imosan Əlməsix, imos Barar ən Məşşina

²² Azzaman en tagrəst. Ewad-du əmud imosan isaktan n ətəwəzəzdaḡ wa iga Ahan wa Zəwwəran n Əḡibada daḡ Yerusalem.

²³ Itijəwənkət Ḡaysa daḡ Ahan wa Zəwwəran n Əḡibada issiwal əd tarrayt təfəlat as itawannu «ta n Suliman.»

²⁴ Ḡilayḡalayan-tu Kəl-Əlyəhud win əllanen den gannin-as: «Kay ak har əmmay wær dana-tore daḡ aḡaf? Kud kay Əlməsix a təmosa, təzəluləḡa-du da da tannaḡ-anaḡ-qu.»

²⁵ Inn-asan Ḡaysa: «Əmələḡ-awan, mişan wær di-təzzəgzanam. Imazalan win əḡe s esəm n Abba-nin, əḡḡəyyen-i,

²⁶ mişan wær di-təzzəgzanam fəlas wær tətəbaqqəm daḡ ayfəd-in.

²⁷ Ayfəd-in əsallant y əməsli-nin, əzdāyaq-qanat, amaran əlkəmmat-i.

²⁸ Əkfəq-qanat təməddurt ta təḡlalət, wær daḡ-asnat təlkem təmattant, amaran wær t-illa i daḡ-i tanat-z-irkəban.

²⁹ Abba-nin a di-tanat-ikfan, wær t-illa i wær oger. Amaran wær t-illa i tanat-z-irkəban daḡ əfus-net.

³⁰ Nak d Abba arat iyyanda a nəmos.»

³¹ Əlasan-du sər-əs adakal ən təhun y ad t-anḡin.

³² İlas Ḡaysa inn-asan: «Əssiknaq-qawan imazalan aggotnen olaḡnen a d-əfalnen Abba. Məni daḡ-san wa fəl taram a di-tanḡim?»

³³ Ənnan-as: «Nakkanay wær nəra tenaḡay-nak fəl as təḡeḡ əmazal olaḡan, kalar əmadraw wa təḡeḡ əddi a fəl kay-za-nanḡu. Kay wær təmosaḡ ar aggadəm amaran tareḡ ad tagaḡ iman-nak Məşşina.»

³⁴ Inn-asan Ḡaysa: «Awak wərḡeḡ iktāb daḡ Əttawret as inna Məşşina: "Kawanay təmosam imalan"»

³⁵ Wær nəfreg a din-nəḡər arat wa ihan Əlkəttaban. Esəm wa n malan, iḡra sər-əs Məşşina aytedan win ikka awal-net.

³⁶ Nak Məşşina a di-isannafranən izammazal-i-du s əddənət. Manəmmək daḡ adi as za tannim taggaḡ əmadraw fəlas ənne: "Əmosa Barar ən Məşşina"»

³⁷ As imos as wær təḡḡay imazalan win as di-d-issəḡla Abba-nin y a tan-aga, a di-wər-təzzəgzanam.

³⁸ Mişan dad imos as taggaq-qan, wədi kud sər-i wær təzzəgzanam da, zəgzənat kuddeḡ əs mazalan win tagga, fəl ad təssənam, tassantim deḡ daḡ əḡərri n as Abba irtāy dər-i, nak deḡ ərtāya d Abba.»

³⁹ Əlasan agamay d abbaz-net, mişan igmad-tan.

⁴⁰ İlas Ḡaysa iki ən təḡadamayt ta hadat ən Yordan, daḡ adag wa daḡ issənta Yaxya əsəlməḡ n aytedan daḡ aman, iqqim den da.

⁴¹ Osan-t-in aytedan aggotnen, gannin: «Yaxya wær iga alḡalamat waliyyat, mişan aratan kul win danaḡ-inna s aləs wa, tidət a mosan.»

⁴² Den daḡ ad əzzəgzanan aytedan aggotnen əs Ḡaysa.

11

Iba ən Lazarəs

¹ İll-ay aləs irinan igan esəm Lazarəs, ihan təḡrəmt ən Betanəy s ənta a daḡ təḡsar Maryama əd Marta əmosnen şimədrayen.

² Maryama ta da a təḡyalət alwardi fəl Əməli Ḡaysa, təmas idaran-net əs jəkkad-net. Amaran amadray-net Lazarəs a irinan den.

³ Əssokanat təmədrayen-net Ḡaysa əmazal as: «Əməli, əməri-nak irin.»

⁴ As isla Ḡaysa i salan win den, inna: «Təsəlkamt ən təwərna ten, wær za təqqəl təmattant ən Lazarəs, arat a təmos a z'assaknin tanaya ən Məşşina, isənnəfiləl-du əntada tanaya ta ila Barar ən Məşşina.»

⁵ Ḡaysa ira Marta wəllen, ənta əd təmadrayt-net, əd Lazarəs.

⁶ İsla təwərna-net, mişan iga dəffər awen əşşin adan wær igmed edag wa iha.

⁷ Dəffər adi inna i nəttulab-net: «Əndawat ad nəqqəl Yahudəyya.»

⁸ Ænnan-as nœttulab-net: «Æššex-nana, imuzaran-nana wœrge edes-nasan sœket dâ da dâ gammayan œd tanaŷay-nak, kay amaran tareŷ tewaxlay n akal wen?»

⁹ Inn-asan Ŷaysa: «Æzœl wœrgeŷ maraw alwaŷan d œššin a imos? As ijawankat awedan ezal, wœr z'inagœrtœttœf, fœlas ihannay dat-œs.

¹⁰ Mišan as ijawankat awedan ehad, ad inœgœrtœttœf, fœlas wœr t-iha œnnur.»

¹¹ As iga batu ta inna tolas: «Æmidi-nana Lazarœs insâ, ad aglœŷ a t-id-œssœnkœra.»

¹² Ænnan-as nœttulab-net: «Æmœli, dad zamas insâ, wœdi œngœm ad izzœy.»

¹³ Ænta Ŷaysa tœmattant œn Lazarœs as dasan-immœgrad den, mišan œntanay a ŷilan etœs wa n alŷadat as igannu.

¹⁴ Adi a fœl d-izalalalœŷ Ŷaysa inn-asan: «Lazarœs aba-tu.

¹⁵ Amaran isidawat-i as wœr œlle den alwaŷ wœdi, fœlas arat wa œnta sœr-wan du-zawœyan a sœr-i tœzzœgzœnam. Æmœrœdda œndawatanaŷ-qu.»

¹⁶ Inkar Tuma was gannin Eknay, inna i nœttulab win hadatnen: «Ændawat nakkanay da a danaŷ-iba nœddew dœr-œs.»

Ŷaysa œnta a imosan tanakra daŷ tœmattant, imos tœmœddurt

¹⁷ As din-osa Ŷaysa ittœmal-as as Lazarœs iga œkkoz adan daŷ œzœkka.

¹⁸ Betanœy tœhoz Yerusalem. Edag œn karad kilawtan ŷas a illan gar-essanat.

¹⁹ Osan-in Kœl-Ælyœhud aggotnen Marta œd Maryama fœl a dasnat-in-šœwwœškœnan daŷ adag n amadrœy-nasnat.

²⁰ As tœsla Marta as Ŷaysa ihoz-du taŷrœmt, tœssœlkad-as. Maryama œnta tœqqim-in daŷ aŷaywan.

²¹ Tœnna Marta i Ŷaysa: «Æmœli, œnnar tœlle da, wœr z'iba amadrœy-nin.

²² Mišan œmœrœdda da œssanaŷ as arat kul wa tœgmaya daŷ Mœššina a dak-k-agu.»

²³ Inn-as Ŷaysa: «Amadrœy-nam a d-inkœr daŷ tœmattant.»

²⁴ Tœnn-as Marta: «Æssânaŷ as amadrœy-nin a d-inkœr ŷur tanakra n aytedan œzœl wa ilkaman.»

²⁵ Inn-as Ŷaysa: «Nak a imosan wa d-isankaran daŷ tœmattant, œmosa tœmœddurt. Awedan wa sœr-i izzœgzœnan, wœdi kud t-aba da a d-iddœr.

²⁶ Amaran awedan kul wa iddaran izzigzan sœr-i, wœdi wœr ilkem ad t-aba. Tœzzigzœnaŷ adi?»

²⁷ Tœnn-as: «Awalla, Æmœli, œzzigzœnaŷ as kay a imosan Ælmœsix, tœmosa dœŷ Barar œn Mœššina, as ittimal as a d-asu œddœnet.»

Tanakra œn Lazarœs daŷ tœmattant

²⁸ As tœga Marta batu ta, tœkka tœmadrœyt-net Maryama, tœwat-tat s ahal tœnn-as: «Æššex illa-da, isastan dœr-œm.»

²⁹ As tœgraw Maryama isalan win, tœggad-du, tœssœlkad i Ŷaysa.

³⁰ As itaggu awen harwa da wœr d-iggez taŷrœmt, wœr igmed edag wa daŷ-q in-tosa Marta.

³¹ Ællân Kœl-Ælyœhud ŷur Maryama a das-du-šiwœškœnnen. As tat-œnayan as du-tœggad tarmad tœqqab, œlkaman-as œŷilan œzœkka a tœkka y a fall-as tœhallu.

³² As din-tosa Maryama edag wa iha Ŷaysa togg-ay ŷas tœfataŷqat ŷur daran-net, tœnn-as: «Æmœli, œnnar tœlle da, wœr z'iba amadrœy-nin.»

³³ As tat-inay Ŷaysa tœhallu, inay Kœl-Ælyœhud win dœr-œs d-œddewnen œntanay da œhallin, ikna tœrœmmœq, œŷšadan man-net.

³⁴ Inn-asan: «Mœni tu-tœgam?» Ænnan-as «Æmœli, ayaw tœnœya.»

³⁵ Ad ihallu Ŷaysa.

³⁶ Ænnan aytedan: «Ænawat awa dœr togda tara ta iga y alœs wa.»

³⁷ Tœzzar œnnan wiyyad daŷ-san: «Alœs wa issœswadan œmœddœrŷœl, wœrgeŷ ifrâg a ad igdœl i Lazarœs tœmattant?»

³⁸ Ilas Ŷaysa tœrœmmœq, tœzzar ikka œzœkka imosan akazam, tœdbâŷ tœhunt zœwwœrat.

³⁹ Inna Ŷaysa: «Ækkœsat tœhunt!»

Tœnn-as Marta ta n tamadrœy t alœs wa aba da: «Æmœli, alœs di œmœrœdda ila aŷu, fœlas œzœl-net wa n œkkoz d anabal awa.»

⁴⁰ Inn-as Ŷaysa: «Wœrgeŷ œnnœŷ-am as tœzzœgzœna ad tœnœyaŷ tanaya œn Mœššina?»

⁴¹ Tœtawakkas-du tœhunt. Iswad Ŷaysa daŷ jœnnawan inna: «Abba, œggodayœŷ-ak as di-tœqbalœ tœwatray-nin.

⁴² Nak iman-in œssânaŷ as faw da tœqqabbala šiwatriwen-in. Æddœlil œn tamattay ta di-tœŷalœyŷalœyat da a fœl dak-œššewala fœl ad tœzzœgzœn as kay a di-d-izammazalan.»

⁴³ As iga tœwatray ta, idkal œmœsli-net inna: «Lazarœs, œgmœd-du!»

⁴⁴ Igmœd-du œnœmmettœn wa nad, œttâlan fassan-net œd daran-net œs tœsœwad, tœlsa dœŷ tœbdoŷ udœm-net. Inn-asan Ŷaysa: «Ækkœsat-as itul tayyim-tu ad ijœwœnkœt.»

Šimarkas šin tanaḡay ən Ȳaysa

⁴⁵ Kəl-Ēlyəhud aggotnen a d-osānen Maryama, ənayan arat wa, əzzəgzanan əs Ȳaysa.

⁴⁶ Wiyyad daḡ-san amaran əkkan Farisaytan əmalan-asan awa iga Ȳaysa da.

⁴⁷ Təzzar sassagan limaman win zawwarnen, əd Farisaytan əməənəy ən muzaran ənnan: «Ma za nagu? Aləs wa itaggu aḡalamaten aggotnen.»

⁴⁸ As tu-noyya itaggu aratan win, a sər-əs əzzəgzanan aytedan kul, təzzar asin-du sojitan ən Kəl-Ērrum a dana-sitaḡmarnen, addagdagan Ehan wa Zəwwəran n Ēlḡibada, əḡrədan deḡ tenaḡay ən tamattay-nana.

⁴⁹ Inkar-du iyyan daḡ-san igān esəm Kayif, imosan Ēlimam wa Zəwwəran daḡ awatay wen, inn-asan: «Kawanay wər təgrem wala.

⁵⁰ Wər din-təgrem as ofa ad əmmat awedan iyyanda daḡ adag ən tamattay n Israyil ketnet?»

⁵¹ Batu ta iga da wər tat-iga gar-es əd man-net, kalar tišit-net Ēlimam wa Zəwwəran daḡ awatay wen, a fəl igraw əlwəlayat n as Ȳaysa kundaba immut daḡ adag ən tamattay ketnet.

⁵² Amaran wərge tamattay n Israyil ḡas as tu-z-iba daḡ adag-net, kalar bararan ən Məššina kul win wazawaznen gər kallaŋ a du-z-iššidəw əqqəlan təḡəssa iyyadda.

⁵³ Ēzəl wen da daḡ əgan muzaran ən Kəl-Ēlyəhud tanat ta n tanaḡay-net.

⁵⁴ Awen da fəlas ab'as itallam Ȳaysa dad ira daḡ Kəl-Ēlyəhud. Iḡmad akal wen, ikka əḡrəm igān esəm Efrayim inimahazan əd taneray, iqqim daḡ-as ənta əd nəttulab-net.

⁵⁵ Azzaman en amud ən Kəl-Ēlyəhud wa n Akkay iḡoz-du. A du-gammadan aytedan idaggan aggotnen takkin-du Yerusalem, fəl ad əzzəzdəgan dat əmud.

⁵⁶ Saggadan i Ȳaysa tinəməninn gar-essan daḡ Ahan wa Zəwwəran n Ēlḡibada: «Kawanay ak ma tənnam, tordām as a d-asu amud a meḡ?»

⁵⁷ Ənta ilimaman win zawwarnen əd Farisaytan omāran aytedan s əs i issanan edag wa iḡa Ȳaysa isaffagget-tu fəl ad attarmas.

12*Ētəwəḡal n alwardi fəl Ȳaysa daḡ Betanəy*

¹ Sədis adan dat Ēmud wa n Akkay ikka Ȳaysa Betanəy, s ənta daḡ ixsar Lazarəs wa d-issodar daḡ təmattant.

² As din-osa Ȳaysa tawaggan-as məgura olaḡnen. A du-tətaway Marta imensewan, Lazarəs amaran iḡa aytedan win naḡamanen əd Ȳaysa ədrāwan dər-əs.

³ Təzzar tədkal-du Maryama aganna ən litər n alwardi iknan šizada d əzzəwi as itawannu nar, a tu-tənaqqal fəl daran ən Ȳaysa, təmmas-tan əs jəkkad-net, idnay ahan aḡu n alwardi.

⁴ Inkar Yahuza Isxarəyuti wa n iyyan daḡ nəttulab ən Ȳaysa was ənta tu-z-agin daḡ fassan inna:

⁵ «Mafel wər din-nəzzənza alwardi wa azrəf a z'awədan karadat təmad n əzəl n əššəḡəl nakf-ay i tələqqawen?»

⁶ Arat wa wər t-inna fəl təhanint i tələqqawen, kalar abaydag a imos, amaran ənta a ittafan əssənduq wa itaggaz əzrəf ən nəttulab, idakkal daḡ awa t-ihan.

⁷ Eges ya inna Ȳaysa: «Ayy-et! Alwardi wa kala da toḡāz-tu y əzəl wad za təwəga daḡ əzəkka.

⁸ Šiləqqawen faw da əllānat ḡur-wan, nak amaran wərgeḡ faw əlle ḡur-wan.»

Assa ən Ȳaysa aḡrəm ən Yerusalem

⁹ Təsla tamattay tagget ən Kəl-Ēlyəhud as illa Ȳaysa den təzzar əkkan ehan wen, mišan wərge Ȳaysa ḡas din-əkkan, kalar awnaf a tan-ihan ən Lazarəs wa d-issənkər daḡ təmattant.

¹⁰ Təzzar əkkasan-du limaman win zawwarnen tanat n ad anḡin Lazarəs ənta da,

¹¹ fəlas əddəlil-net a fəl dəffər-san əfalan Kəl-Ēlyəhud aggotnen əzzəgzanan əs Ȳaysa.

¹² As affaw əslan aytedan aggotnen a d-əkkanen amud, as Ȳaysa iggaz-du aḡrəm wa n Yerusalem.

¹³ Ēdkalan-du ilədlad ən tagayt əḡlan əssəlkadan-as gannin s afalla:

«Ozana! Təmmal i Məššina!

Iḡa Məššina albaraka daḡ

wa d-osan s esəm n Ēməli!

Kay əmənokəl n Israyil!»

¹⁴ Igraw Ȳaysa əhulel, iwan-tu, s əmmək wa əmalan Ēlkəttaban as ənnan:

¹⁵ «Ad wər təššəwəša ya wələt Šəyon, əmənokəl-nam əddi a din-izayan əddi, iwān əhulel.»

¹⁶ Arat wa wər t-əgren nəttulab-net daɣ tizarat, mišan as igraw Ƴaysa adkul-net, əktan-du as aratan win əməlan-tan Ǝlkəttaban, amaran kul əndan fall-as.

¹⁷ Tamattay ta təmməgnet assaɣa wa daɣ d-iɣra Ƴaysa Lazarəs daɣ əzəkka issənkart-idu daɣ təmattant, təgəyyat-as.

¹⁸ Awen da fəl das-du-təssəlkad tamattay, fəlas əslān aɣalamat ta iga.

¹⁹ Təzzar ad tinəmännin Fərisaytan gar-essan: «Toggām-tu? Indar-awan a dər t-in-təkkam, har as aytedan kul əlkaman-as.»

Emel wa iga Ƴaysa təmattant-net

²⁰ Ǝllan-tu arat ən Kəl-Ǝlyunan əhanən aytedan win d-əkkanen Yerusalem y a daɣ-as əɣbədan Məššina daɣ adan en da n əmud en.

²¹ Ǝkkan iyyan daɣ nəttulab ən Ƴaysa igan Filibus wa n təɣrəmt ən Betsayda ta n akal ən Galilaya, ənnan-as: «Nəgmay daɣ-ak a dana-tassakna Ƴaysa.»

²² Iɣla Filibus imal y Andrawəs, iddew dər-əs Andrawəs əmalan i Ƴaysa.

²³ Inn-asan Ƴaysa: «Alwaq ewad-du əmərədda wa daɣ z'əgrəwa nak Ag Aggadəm adkul-in.

²⁴ Ǝggəyyeɣ əsilakanax-awan as tablalt n alkama as wər tərtek daɣ amaɣal təmmut, ad taglu təmos iyyadda, mišan as təmmut a du-tədwəl, tagu ara aggen.

²⁵ Awedan wa iran iman-net daɣ əddənət ta ad affatu daɣ alaxirat. Amaran wa irdan ad isaffatu iman-net daɣ əddənət ta, wədi wər tu-z-əgmədan, kalar ad igrəw təməddurt ta təɣlalət.

²⁶ Awedan kul wa iran a di-işəɣ, ilkəmet-i, as iga adi edag wa əheɣ ənta a z'iggəz, akf-ay deɣ Abba-nin almaqam.

²⁷ Ǝməərədda əɣşādan man-in. Ma z'anna? Awak ad anna: "Abba saf-s-i daɣ assaɣat ta? Mišan wər d-ewedaɣ alwaq wa, ər y a fall-i agu.

²⁸ Abba, sənnəfiləl təla-nak tanaya."» Təzzar igmad-du əməsli ijənnawan inna: «Təlanin tanaya əsinafalalaq-qat, amaran a tat-ələsaɣ əsənnəfiləl.»

²⁹ Tamattay ta təllət den, təsla y əməsli wa, a təɣil eggag. Ad əgənnin wiyyad: «Angalos das-işəwəlan den.»

³⁰ Inn-asan Ƴaysa: «Əməsli wa wərgəɣ əddəlil-in a fəl d-iga, kalar əddəlil-nawan kawanay.

³¹ Ǝməərədda ad za tətəwəxkəm əddənət ta, itəwəstəɣ əmənokəl-net Iblis.

³² Amaran nak as tawasahake fəl amaɣal əwara təgəttawt, a d-aɣraɣ aytedan kul əs man-in.»

³³ Batu ta isidagan sər-əs təməwit tas tu-z-iba.

³⁴ Tənn-as tamattay: «Nənāy daɣ Awal ən Məššina as Ǝlməsix ad agu təməddurt təɣlalət. Manəmmək amaran as dana-za-tannaɣ Ag Aggadəm ad itəwəsəhukət fəl amaɣal? Ma imos Ag Aggadəm was təgənnax əddi?»

³⁵ Təzzar inn-asan Ƴaysa: «Ənnur harwa da illa ɣur-wan, har agin arat n azzaman. Jəwənkətat iket di ad t-illa fəl a kawan-wər-əɣdərnat šiyyay, fəlas wa ijawanken daɣ šiyyay, adi wər issen sas idag.

³⁶ Zəgzənət s ənnur harwa togazam, fəl ad təqqələm kəl ənnur.»

As iɣrad Ƴaysa iɣi ən batu ta igguk-kan, ikka edag wər əssenən.

Təzərəst n əşşəɣəl wa iga Ƴaysa dat awedan kul

³⁷ Alɣalamaten aggotnen šin iga Ƴaysa dat-san, wər sər-san d ewaynat as sər-əs əzzəgzənan,

³⁸ fəl ad tandu batu ta iga ənnəbi Isayas as inna: «*Ǝməli, ma imos wa izzəgzənan s arat wa nəmal? Ma imos was tənəfalal tarna n Ǝməli?*»

³⁹ Ǝddəlil wa fəl wər əfregan ad əzzəgzənan da imal-tu ənnəbi Isayas as inna:

⁴⁰ «*Məššina a tan-isaddarɣalan, issəɣar iwəllan-nasan, fəl ad ib'as hannaynat sittawen-nasan, ib'as garrin wallan-nasan, fəl ad wər utaban, izzuzəy-tan.*»

⁴¹ Aratan win inn-en Isayas fəlas ināy tanaya ən Ƴaysa, immiɣrad deɣ daɣ batu ən Ƴaysa.

⁴² As iga awen imuzaran iman-nasan da a daɣ-san aggen əzzigzənan əs Ƴaysa, mišan wər əhelan emel n awen fəl təksəda ən Fərisaytan, fəlas wər aren ad təwəkkəsən daɣ əljəməɣat n ahan n əɣibada ən Kəl-Ǝlyəhud.

⁴³ Amaran əssəfan saɣmar wa n aytedan tanaya ta ihakku Məššina.

⁴⁴ Idkal Ƴaysa əməsli-net inna: «Awedan wa sər-i izzəgzənan, wərgə nak ɣas as izzəgzan, kalar wa di-d-izammazalan da izzigzan sər-əs.

⁴⁵ Amaran wa daɣ-i iswadən, adi wa di-d-izammazalan a daɣ iswad.

⁴⁶ Nak zun ənnur a mōsa, əkke-du əddənət y əs i sər-i izzəgzənan wər z'aqqam daɣ šiyyay.

⁴⁷ As isla awedan i batuten-in iqqim wər tanat-ittef, werge nak a tu-z-awwaddaban, fəlas nak efsan n aytedan a d-əkke s əddənet, wergeḡ attadib-nasan.

⁴⁸ Daḡ adi awedan kul wa di-olkan, iqqim wər iga tenbay daḡ batuten-in, wədi ill-ay wa tu-z-awwaddaban. Awal iman-net wa da əge da, a das-z-işrəḡan əzəl wa ilkaman.

⁴⁹ Fəlas aratan win dawan-əməla da, wergeḡ nak a tan-d-inzaman gər-i əd man-in, kalar Abba wa di-d-izammazalan iman-net as di-omar s arət was di-iwar ad t-anna, əd was di-iwar a fall-as ammagrada.

⁵⁰ Əssənəḡ as arət was omar ənta a itawayan əs təməddurt ta təḡlalət. Daḡ adi arət was əmməgrada, əmmək wa daḡ as di-t-imal Abba ənta as sər-əs əmməgrada.»

Iba ən ḡaysa əd tanakra-net daḡ təmattant

13

Əsirəd wa iga ḡaysa idaran ən nəttulab-net

¹ Ahad wa oggan amud wa n Akkay, issən ḡaysa as alwaḡ-net osa-du wa daḡ z'igməd əddənet iqqəl Abba. ḡaysa faw da isaknu inəttulab-net tara, amaran əmərədda isannahal-tan əsəkni ən tara ta dasan-iga.

² Itamansaw ḡaysa əd nəttulab-net ehad, as itaggu awen da Iblis igâ daḡ əwəl ən Yahuza wa n ag Simḡon Isxarəyuti təkaddilt-net.

³ Issən ḡaysa as Məşşina di n Abba igâ arət kul daḡ əfus-net, issən deḡ as igmâd-du Məşşina amaran ad t-iqqəl.

⁴ İbdad fəl mensewan, ikkas takadkat-net ta n afalla, idkal afər igbas-tu,

⁵ təzzar iga aman daḡ əḡlal, ad işarad idaran ən nəttulab-net, immas-tan s əfər wa igbas da.

⁶ As d-ewad ḡaysa Simḡon Butros inn-as: «Əməli, kay, a z'işşirədan idaran-nin?»

⁷ Inn-as ḡaysa: «Awa tagga da wər təfrega əgərri-net əmərədda mişan a tu-tagra dəffər awa.»

⁸ Inn-as Butros: «Kay, ad təşşirəda idaran-in? Wala ənəmihaz!» Inn-as ḡaysa: «As dak-kan-wər-əşşorada nak dər-ək nəmmizzay.»

⁹ Inn-as Simḡon Butros: «Daḡ adi Əməli, werge idaran-nin ḡas, şirəd harkid fassan-in d aḡaf-in.»

¹⁰ Inn-as ḡaysa: «Awedan işşoradan, wər iddarar ar əşirəd ən daran fəl ad izdag ketnet, amaran kawanay, təzəddigam, mişan werge ketnawan.»

¹¹ ḡaysa issən wa tu-z-akkaddalan; adi a fəl inna: «Wər təzəddigam ketnawan.»

¹² As iḡrad ḡaysa əşirəd ən daran-nasan, izlag takadkat-net, iqqal edag-net, inn-asan: «Awak təgrâm awa dawan-əge da?»

¹³ Təḡannim-i "Aməsəsseyri" d "Əməli", təḡannim a olaḡan, fəlas əmosaq-qan.

¹⁴ Daḡ adi dad zamas nak imosan Əməli d Əməsəsseyri, əşşorada idaran-nawan, iwər-kawan, kawanay da, daḡ ilkam a, ad tətimaşiridam idaran.

¹⁵ Əsəknaq-qawan arət wa fəl a tu-tətaggim kawanay da s əmmək was dawan-t-əge.

¹⁶ Əḡḡəyyeḡ silakanəḡ-awan as, akli wər oger məşşis, anammazal deḡ wər oger wa t-id-izammazalan.

¹⁷ Dad zamas təssənəm aratan win, wədi təbbilalam kudis tətamazalam-tan.

¹⁸ Wər dawan-ganna ketnawan; win sannafrana kul əzdâyaq-qan amaran kundaba inda awa imal Awal ən Məşşina as inna: "Wa dər ədrawa, iqqal amaksan-in."

¹⁹ Arət wa, as igâ ad təzəḡḡənəm as nak a imosan "Wa İllan da." Adi da a fəl dawan-t-ənneḡ əmərədda harwa wər iga.

²⁰ Əḡḡəyyeḡ silakanəḡ-awan as wa iqbalan iyyan daḡ nəmmuzal-in, nak iman-in a iqbal. Harwa wa di-iqbalan, wa di-d-izammazalan a iqbal.»

Emel ən ḡaysa təkaddilt ta tu-z-əgu Yahuza

²¹ As inna ḡaysa awen, əḡşadan man-net, təzzar inna: «Əḡḡəyyeḡ əsilakanəḡ-awan as iyyan daḡ-wan a di-z-aggin daḡ fassan.»

²² Ad tinəməswidan nəttulab-net, əqqânan ḡafawan-nasan i was igannu.

²³ İyyan daḡ nəttulab-net, wa isannahal ḡaysa tara, isiḡamar daḡ ihəz n ədmaran ən ḡaysa.

²⁴ Isaddagan-as Simḡon Butros ad işsəstən ḡaysa əd was igannu.

²⁵ Təzzar inaz-in ənattalib wen fəl ədmaran ən ḡaysa, inn-as: «Əməli, ma z'iqqəl?»

²⁶ İjjəwwab-as ḡaysa inn-as: «Wa əkfe akarammu ən təḡəlla wa z'əssəlməḡa daḡ ədrəz a.» Təzzar işsəlməḡ akarammu ən təḡəlla ikf-ay i Yahuza ag Simḡon Isxarəyuti.

²⁷ As igraw Yahuza akarammu wen, iggaz-tu Aşşaytan. Təzzar inn-as ḡaysa: «Tagəḡet tarmad awa kay-iwaran.»

²⁸ Awa fəl inna Ƴaysa awen i Yahuza, wər iha inəttulab-net win hadatnen siḡamarnen den tattin i t-igrân.

²⁹ Wiyyad ordân as, iduf wa iga Yahuza azrəf ən nəttulab a fəl das-inna Ƴaysa: «Zanza-du arat was za naddarar y əmud; madeḡ akfu šiləqqawen arat iyyan.»

³⁰ Ibaz Yahuza akarammu ən tagəlla, igmad tarmad, as itaggu awen da ehad igâ.

Alwajib wa aynayan

³¹ As igmad Yahuza, inna Ƴaysa: «Əmərəddə tanaya-nin nak Ag Aggadəm tənifalal, tənifalal daḡ-i deḡ tanaya ən Məššina.

³² Dad zamas tanaya ən Məššina tənifalal daḡ-i, Məššina da ad isənnəfiləl daḡ man-net tanaya-nin nak Ag Aggadəm daḡ alwaq ihozan wəllen.

³³ Imaran-in, alwaq wər nəggət a ḡur-wan z'aga. A di-təgməyam mišan edag wa əkkeḡ wər təfregam a t-in-tawədam. Kala ad ənnəḡ adi i Kəl-Əlyəhud, amaran kawanay da əmərəddə ənnəḡ-awan-tu.

³⁴ A kawan-akfaḡ alwajib aynayan, a t-imosan as namariwat. Namariwat kawanay da s əmmək was kawan-are.

³⁵ As tənəmaram, ad issusən adi aytedan kul as kawanay inəttulab-in.»

Ƴaysa əd Butros

³⁶ Inn-as Simḡon Butros: «Əməli, mənid təkke.» Inn-as Ƴaysa: «Edag wa əkke, wər təfrega a di-sər-əs-təlkəma əmərəddə, eges a din-təlkəma dəffər awa.»

³⁷ Inn-as Simḡon Butros: «Əməli, mafel as wər əfrega a dak sər-əs əlkəma əmərəddə. Əgarəḡ iri y a fall-ak akfa iman-nin.»

³⁸ Inn-as Ƴaysa: «Adis a fall-i takfaḡ iman-nak? Əggəyyeḡ silakanəḡ-ak as wər z'axru əkəji aḡora wər di-təggədə har karadat təklaten.»

14

Ƴaysa ənta a imosan tarrayt

¹ Inn-asan Ƴaysa: «Ad wər təššəwəšam, zəgzənat əs Məššina, təzzəgzənam sər-i nak da.

² Ehan n Abba-nin ahân-tu daggan aggotnen ən təməxsurt. Awak ənnar wər iga adi manəmmək as dawan-z-anna ad agla səmmutəgəḡ-awan edag təzdayam?

³ As tu-sammataga, ad d-əqqala, idawaḡ-in dər-wan fəl ad təggəzəm edag wa əhe.

⁴ Edag wa əkke təssânam tarrayt-net.»

⁵ Inn-as Tuma: «Əməli wər nəssen dad təkke, manəmmək as za nəssən tarrayt-net?»

⁶ Inn-as Ƴaysa: «Nak a imosan tarrayt id əmosa tidət əmosa əntada wa ihakkan təməddurt. Awedan waliyyan wər in-z-awəd Abba, ar əs tarrayt-in.

⁷ Ənnar təssânam awa mosə, təssənam awa imos Abba-nin da. Əmərəddə təssânam awa imos, amaran tənəyam-tu.»

⁸ Inn-as Filibus: «Əməli, susən-anəḡ awa imos Abba, igd-ana adi.»

⁹ Inn-as Ƴaysa: «Filibus, əruwaḡ as dər-wan əddewa, eges harwa da wər təssenəḡ awa mosə? Wər təssenəḡ as wa di-inəyan inây Abba! Daḡ adi manəmmək as təganna: "Susən-anəḡ awa imos Abba?"

¹⁰ Wər təzzəgzənanəḡ as, nak d Abba arat iyyanda a nəmos? Aratan win dawan-əmla da wərgəḡ nak a tan-d-inzaman gər-i əd man-in, kalar Abba dər əmosəḡ arat iyyanda a isandan igitan-net.

¹¹ Zəgzənat-i, nak d Abba arat iyyanda a nəmos; kud əzəgzan a wər təgəm s awa ənne, zəgzənat fəl əddəlil ən mazalan win as di-tənəyam taggaq-qan.

¹² Əggəyyeḡ əsilakanəḡ-awan as wa sər-i izzəgzənan, ad əgu imazalan win tagga. Fadda ad əgu win tan-ogarnen, fəlas nak abba a z'akka.

¹³ Amaran a iqqal arat wa təgməyam s esəm-in ad t-aga, fəl ad tətəwənəy tanaya n Abba daḡ Barar.

¹⁴ As daḡ-i təgməyam arat a iqqal s esəm-in, ad t-aga.

¹⁵ Kud tara a di-təgam, tətəfam alwajiban-in.

¹⁶ Amaran ad əgməya daḡ Abba a kawan-akfu əmadhal iyyan a ḡur-wan z'iməlan har faw.

¹⁷ Ənta a imosan Infas wa isinəfililan tidət, as wər təfreg əddənət əlqəbulat-net, fəlas wər tu-təhənnəy wala da təzday-tu; eges kawanay təzdayam-tu fəlas ihoz-kawan amaran ad iggəz iwəllan-nawan har faw.

¹⁸ Wər kawan-z-ayya daḡ əddənət təmosam šilat ən gugelan, a kawan-d-əqqəla.

¹⁹ Dəffər alwaq wər nəggət, əddənət wər di-za-tələs anay; eges kawanay a di-tələsam anay fəlas əddâra, kawanay da ad təddəram.

²⁰ Alwaq wædi ad tæssenam as nak d Abba-nin arat iyyanda a nemos, tæssenam dey as tæhâm æwæl-in, nak da aheɣ win-nawan.

²¹ Wa ittafan alwajibban-in, ænta a di-iran. Wa di-iran ad t-iru Abba-nin, ireq-qu nak da, sænnæfilælax-as iman-in.»

²² Inn-as Yahuza wa wær nemos ag Isxaræyuti: «Æmæli, manæmmæk as dana-za-tæssænæfilælax iman-nak nakkanay ɣas, wær tan-tassosana y æddænet?»

²³ Inn-as ɣaysa: «Awedan wa di-iran, ad ittæf awa ænne, ir-ay Abba-nin, nas-ay-du næmæl ɣur-æs.

²⁴ Wa di-wær-næra, wædi wær ætæf batuten-in; amaran batu tas tæsallim da, wæрге nak a tat-igan kala ar šin Abba s ænta a di-d-izammazalan.

²⁵ Ʒeɣeɣ-awan-tat harwa kawan-æhe.

²⁶ Amaran æmadhal imosan Infas wa Zæddigan wa dawan-du-z-assaglu Abba s æsæm-in, a kawan-isassayru aratan kul, assakt-iwan-du arat kul wa dawan-ænne nak iman-in.

²⁷ Oyyeɣ-awan-du alxer, ækfeq-qawan alxer wa-nin; nak wær dawan-t-ækfeɣ æs tæmæwit tas tu-tæhakku æddænet; ad wær tæššæwæšam wala tæggæz-kawan tasa.

²⁸ Tæslâm-i as dawan-ænne: "Teklay a ægeɣ", ænneɣ harwa: "A kawan-d-æqqæla." Ænnar ixsâl as di-tærâm, tæsæffæliwæset-kawan tænna ta ægeɣ: "Ʒqqalax Abba", fælas Abba ogar-i.

²⁹ Amaran aratan win, æmâlax-awan-tan æmæredda harwa wær ægen, fæl a sær-i tæzzægænæm alwaq wad z'agin.

³⁰ Wær dær-wan z'ælæsa igi æn batu tagget, fælas æmænokal n æddænet izay-du. Wær di-in-ikka d arat,

³¹ mišan kundaba ægeɣ awas di-omar Abba, tæssæn æddænet dey as areɣ Abba.» As iɣrad batu ta inn-asan: «Ænkærat ægmædatana edag a.»

15

ɣaysa ænta a imosan esab n alɣanab wa n tidæt

¹ Inna ɣaysa i nættulab-net: «Nak a imosan esab n alɣanab wa olaɣan, Abba-nin imos mæššis.

² Alædlid-in kul wa wær nætiræw ad t-ixtæs, wa itarawan ad t-ifnæz fæl ad d-inzær agu ara aggen.

³ Zun d adi da, kawanay da eway-du sær-wan awal-in tazdak;

⁴ agiwat dær-i tartæyt šilat æn ta dær-wan æge, azæl wær z'aræw ɣas-net as d-iqqætas daɣ ašæk; kawanay da ælmital di da a tæham as dær-i wær tærtayam.

⁵ Nak a imosan esab n alɣanab, kawanay ilædlad-net. Wa dær-i igan tartæyt ta dær-æs æge, a t-idu-tægmæd tænfa tagget fælas as daɣ-i in-tæqqætasam wær tæfregam wala.

⁶ Wa dær-i wær nærtay, a din-itæwægær šilat n ælædlid iqqitasan, aqqar, itæwækæmmæd-du, itæwægær daɣ tæmsay, ibælæglæg.

⁷ As dær-i tærtayam, tættafam batuten-in, ægmæyat daɣ Mæššina di n Abba arat kul wa tæram, a tu-tægrawam.

⁸ Ænta da awas tætæwanay tanaya n Abba-nin: a du-taræwam tænfa tagget, assaknu adi as tæmosam inættulab-in.

⁹ Tara ta di-iga Abba, ænta a dawan-æge; ættæfat-tat.

¹⁰ As imos as tættæfam alwajibban-in, wædi tæhâm tara-nin zund æmmæk as nak da ættafa win Abba, æhe tara-net.

¹¹ Ænneɣ-awan adi fæl ad tagim tæfalawist zun ta ægeɣ, tagim dey tæfalawist tækmâlæt.

¹² Ænta da alwajib wa-nin: "Namariwat s æmmæk was kawan-ære."

¹³ Wær tu-tælla tara togarat ad akfu awedan iman-net fæl midawan-net.

¹⁴ As imos as tætaggim awas kawan-omara, wædi kawanay imidawan-in.

¹⁵ Wær dawan-gannaɣ eklan, fælas akli wær itæssæn arat wa itag mæššis. Kala kalar a dawan-gannaɣ imidawan-in, fælas awas æsleɣ ɣur Abba-nin kul æssosanaɣ-awan-tu.

¹⁶ Wær di-tæsannafranam, kawanay amaran, nak a kawan-isannafranar; æssiwaræq-qawan ad taglim, tæmmazalam awa tæha tænfa tagget ɣur Mæššina. Tænfa di da ta za tahagit. A tægmæyam dey daɣ Abba s æsæm-in a dawan-t-agu.

¹⁷ Omâraq-qawan s ad tænæmærim.

¹⁸ Kud gezzar a kawan-tæga æddænet, æssænæt as tægzâr-i dat-wan.

¹⁹ Kud kawanay æddænet kawan-tælat, wædi æddænet tærâ wa tæla; mišan wær kawan-tæla, fælas nak kawan daɣ-as d-isannafranar, adi a fæl kawan-tægzar.

²⁰ Aktiwat-du awa dawan-ænneɣ, as: "Akli wær oger mæššis." Kud æsækni a di-ægan alɣazab, a dawan-t-assaknin kawanay da; kud tæræddawt a ægan s awal-in, wædi kawanay da, ad ardin æs wa-nawan.

- ²¹ Adi kul, əddəlil-in a fəl dawan-tu-z-agin; fəlas wər əssenən wa di-d-izammazalan.
- ²² Ənnar du-wər-ose, əşşewalax-asan, wər z'attarmasan əs bakkadan-nasan, eges əmərədda wər t-illa əsarə waliyyan a dasan-z-igdələn a sər-san attarmasan.
- ²³ Wa di-igzaran, igzâr Abba-nin ənta da.
- ²⁴ Ənnar wər əge gar-essən imazalan əs wər t-illa awedan as kala tan-iga, wər z'attarmasan əs bakkadan-nasan. Ənayan-tən eges əgłan əgzâran-ana nak d Abba-nin.
- ²⁵ Mişan adi igâ fəl ad tandu batu ta tətawktabat dağ Əttawret, tənnât: "İgzaran-i bannan."
- ²⁶ As d-osa əmadhal wa dawan-du-z-assagla çur Abba, imosan Infas wa isinəfililan tidət a sər-wan du-z-igmədən Abba, a fall-i aggayyat.
- ²⁷ Kawanay da, a fall-i taggayyem, fəlas təddewam dər-i harwa çur tizarat.»

16

- ¹ «Əmâlay-awan adi fəl a kawan-wər-igməd əzəgzan-nawan.
- ² Ad tətəwəkkəsəm dağ əljəməyət ən nan n əljibada ən Kəl-Əlyəhud, fadda ilkâm alwaq dağ-as wa dağ-wan ikkasan iman, illa çur-əs as tara ən Məşşina a immozal den.
- ³ Adi a dawan-z-agin aytedən fəlas wərməd a di-əzdayan wala əssânan Abba.
- ⁴ Əmâlay-awan aratan di əmərədda, fəl a tan-du-taktim as d-ewad alwaq wa dağ z'agin aytedən tara-nasan. Aratan win wər dawan-tan-əməla dağ tizarat n əşşəxəl-in çur-wan, fəlas alwaq wədi harwa da əddewa dər-wan.»

Əşşəxəl n Infas wa Zəddigan

- ⁵ «Əmərədda ad əqqəla wa di-d-izammazalan, mişan wər kawan-iha i di-issistanan əd dad əkke.
- ⁶ Eges əknân man-nawan aχşud fəl as dawan-ənnəç adi.
- ⁷ Dər iga adi da ya, a dawan-əməla tidət: of-awan ad agla, fəlas as wər əgle wər kawan-du-z-asu Əmadhal, as əgle amaran a dawan-t-id-assagla.
- ⁸ As d-osa ad issusən aytedən n əddənət as əxrâkan dağ batu n awa imosan abakkad, d awa imosan taqqat ən Məşşina d awa imosan əşşəriçə-net.
- ⁹ Issusən-tan as əxrâkan dağ batu n awa imos abakkad fəlas tugəyt a əgan a sər-i əzzəgzənən.
- ¹⁰ Issusən-tan as əxrâkan dağ batu n awa imosan taqqat fəlas tewaçlay a əgeç Abba amaran wər z'ələsəç ətəwənay.
- ¹¹ Issusən-tan as əxrâkan dağ batu n awa imosan əşşəriçə ən Məşşina fəlas əmənokəl n əddənət, a t-imosan İblis, ibâz-tu əşşəriçə.
- ¹² Harwada əle batuten aggotnen as are a dawan-tanat-aga eges wər dasnat-təzmerəm əmərədda.
- ¹³ As d-osa Infas wa Zəddigan isinifililan tidət, a kawan-issəlkəm i tidət kul ta du-təfalat Məşşina fəlas batuten-net wərgəç ənta a du-z-əgmədnat, awa as z'aslu ças a dağ dawan-z-işşiwəl ketnet, iməl-awan aratan win d-əzaynen,
- ¹⁴ İssəxmər-i fəlas awa z'igrəw dağ awa əle a dawan-z-iməl.
- ¹⁵ Awa ila Abba ketnet i-nin nak da; adi a fəl dawan-ənnə, awa igraw Infas wa Zəddigan dağ awa əle a dawan-z-iməl.»

Təkenzert ən nəttulab təqqal tədəwit

- ¹⁶ «A dawan-əgmədəç anay dəffər alwaq wər nəggət, mişan a di-tələsam anay dağ adan wər nəggət dəffər adi.»
- ¹⁷ Təzzar namannan wiyyad dağ nəttulab-net: «Ma imos almaçna n awa danay-inna da: "A dawan-əgmədəç anay dəffər alwaq wər nəggət, mişan a di-tələsam anay dağ adan wər nəggət dəffər adi?" Ma imos deç almaçna n "Abba a əkke"?
- ¹⁸ Ma imos almaçna ən "dağ alwaq wər nəggət" wa imal da? Arat wa dağ işşewal da wər tu-nəgra.»
- ¹⁹ İssan Yaysa as ərân ad t-əsəstanan. Inn-asan: «Tətinamasəstinam fəlas ənnə: "A dawan-əgmədəç anay dəffər alwaq wər nəggət, mişan a di-tələsam anay dağ adan wər nəggət dəffər adi."
- ²⁰ Əggəyyəç silakanax-awan as ad talim, təsəkkələlam mişan aytedən n əddənət əntanay əddəwen. Ad əχşədan man-nawan eges aχşud di a tu-təzrəy tədəwit.
- ²¹ Təntut as tətəggaz amadəl, ad əχşədan man-net fəl aggad wa du-təga alwaq-net; mişan as d-ihu barar-net, ad tamməzzay d əsəmmədrən dağ arkanay wa tənay, isəddəwat-tat as du-təga awedan dağ əddənət.
- ²² Kawanay da zun d adi da, əmərədda əχşədan man-nawan, mişan a kawan-ələsəç anay, əzəl wədi ad tagim tədəwit as tu-wər-illa i dağ-wan tat-z-ikkəsən.

²³ Wær di-za-tæssæstanam d arat waliyyan æzæl wædi. Æggøyyeḡ silakanax-awan as, a tægmayam daḡ Abba s esəm-in a dawān-t-āgu.

²⁴ Harwada wær t-illa a tægmayam s esəm-in. Ægməyat ad tægrewam fæl ad tagim tædæwit tækmâlat.»

Ḡaysa irza æddænet

²⁵ «Æmâlax-awan adi s ælmital, mišan ilkâm alwaq daḡ awan-wær-z-ælasax emel n arat waliyyan iqqâlan Abba s ælmital, kalar a dawān-t-æmæla s awa imos.

²⁶ Alwaq wædi ad tægmayam daḡ Abba s esəm-in. Wær dawān-ænne a dawān-t-ansəya,

²⁷ fælas Abba iman-net ir-iwan fæl as di-tæram, tæzzigzanam deḡ as ḡur-æs d-ægmâda.

²⁸ Abba a ḡur d-ægmada, ose-du æddænet amaran æmərədda a tat-ægmæda æqqælaq-qu.»

²⁹ Tæzzar ænnan-as nættulab-net: «Ænøy, æmərədda tæmmalax-anax aratan s awa mosan, wærgæ s ælmital.

³⁰ Næssän as tæssâna daḡ arat kul, wær t-illa arat a iqqal a dak-iḡbaran; adi da a fæl næzzægzan as Abba a ḡur du-tægmada.»

³¹ Inn-asan Ḡaysa: «Adis æmərədda tæzzægzanam?

³² Ænøyat, alwaq ihoz, fadda iga, wa daḡ za tæwæwæwæziwizam, akkiyyan ikka aḡaywan-net, tayyim-i-d ḡas-in; mišan ya wær æmosa ḡas-in fælas illa ḡur-i Abba.

³³ Æmâlax-awan arat wa fæl ad tægrewam alxer daḡ tærtəyt ta dær-i tægām. Ad tənøyam arkanay daḡ æddænet, ad wær tiksadam wala, fælas æddænet ærzêq-qat.»

17

Təwatray ən Ḡaysa i nættulab-net

¹ As inna Ḡaysa awen, idkal asawad-net iggəzzay ijənnawan, ittar inna:

«Abba, alwaq ewad-du, saknu tanaya ən Barar-nak fæl ad assaknu ænta da ta nak,

² id tæzzozaraq-qu y aytedan kul fæl ad akfu tæmæddurt ta tæḡlalal i win tu-tækfe.

³ Amaran tæmæddurt ta tæḡlalal awa tat-imosan, ad inæfiləl y aytedan awa tæmosa, kay a imosan Mæššina wa n tidət; inæfiləl-asan æntada as Ḡaysa Ælmæsix a du-tæzammazala.

⁴ Æssikna tanaya-nak fæl amaḡal s æsændi wa æge æššəḡæl was di-tæssəwarax igi-net.

⁵ Amaran æmərədda kay Abba, akf-i ḡur man-nak tanaya ta ḡur-æk æleḡ harwa dat æxluk n æddænet.

⁶ Sinafälalax awa tæmosa y aytedan win du-tæsannafrana tæskataq-qan-du daḡ æddænet, tægeq-qan daḡ æfus-in ættafan awal-nak.

⁷ Æmərədda æssânan as arat kul wa di-tækfe, kay a ḡur d-igmad.

⁸ Fælas æmâlax-asan awa di-tænne, æqbalan-tu, amaran silakanan as kay a ḡur d-ægmada, æzzigzanam deḡ as di-du-tæzimazala.

⁹ Wær kay-tinsəya y aytedan win æddænet, kalar aytedan win di-tækfe as kay-tansayax fælas æntanay a tæleḡ.

¹⁰ Awa æle kul i-nak, kay da awa tæle kul i-nu; amaran æntanay en da a daḡ tənafalal tanaya-nin.

¹¹ Nak, ab'as aheḡ æddænet, kay a din-ække, æntanay amaran æhân-tat. Ya Abba di zæddigan, agəz-tan s esəm-nak wa di-tækfeḡ, fæl ad æqqælan arat iyyanda šilat ən wa dær-æk æmosa.

¹² Harwa tan-æhe, oḡāzaq-qan s esəm-nak, a di-tækfê, wær daḡ-san ixrek waliyyan ar wa ixrakan fæl ad andu awa ænnan Ælkəttaban.

¹³ Æmərədda kay a din-ække, gannaḡ awa harwa æheḡ æddænet fæl ad agin tæfalawist tændât ta da ægeḡ.

¹⁴ Æmâlax-asan awal-nak tægzar-tan æddænet fælas wær tan-tæla zun d as nak iman-in da wær di-tæla.

¹⁵ Wær daḡ-ak ægmaya a tan-tækkæsa daḡ æddænet, mišan ægmâya daḡ-ak a tan-tagəza daḡ Iblis.

¹⁶ Wær tan-tæla æddænet, zun d as nak iman-in da wær di-tæla.

¹⁷ Zæzdəḡ iwallan-nasan s awal-nak imosan tidət.

¹⁸ Æzæmmizəl wa di-du-tæge s æddænet, ænta a tan-sær-æs-æge nak da.

¹⁹ Amaran ækfeq-qay iman-in fæl æddəlil-nasan fæl ad akfin win-nasan æntanay da æs tidət.

²⁰ Wærgəḡ inəttulab-in ḡas as kay-tansaya, kalar tansayaq-qay y aytedan win sær-i zæzzægzenen s æssəbab n as æslan y awal-nasan.

²¹ Ægmâya daḡ-ak a tan-igan ketnasan arat iyyanda s æmmək was dær-æk t-æmosa; næqqæl-tu dær-san nakkanay da fæl ad tæzzægzen æddænet as kay a di-d-izammazalan.

²² Ækfêq-qan tanaya ta di-tækfe, fêl ad eqqolan arat iyyanda s æmmæk was tu-næmos nak dær-æk.

²³ Nak ærtâya dær-san, kay tærtâya dær-i. Eqqolanet arat iyyanda æs tæmæwit tændât fêl ad tæssan æddænet as kay a di-d-izammazalan tægex-asan dex tara ta di-tæge.

²⁴ Abba, arex as win di-tækfe ad eggæzan æntanay da edag wa øhe fêl ad øhannayan tanaya ta di-tækfe fêlas di-tare harwa dat æxluk n æddænet.

²⁵ Abba, kay a oʻxadan, æddænet wær kay-tæssen eges nak æssânaq-qay amaran inættulab-in, æssânan as kay a di-d-izammazalan.

²⁶ Æssðsanaq-qan awa tæmosa amaran wær z'ammazzaya d igi n adi, fêl a tan-tæggæz tara ta di-tægex, ærtâya dær-san.»

18

Ætærmæs æn ʒaysa

¹ As iga ʒaysa batu ta, ikka tama ta hadat n øgirer wa n Kedron. Iggaz afarag n eškan illân-den ænta æd nættulab-net.

² Edag wen issân-tu Yahuza Isxaræyuti wa z'akkaddalan ʒaysa, fêlas faw da itakk-ay ʒaysa ænta æd nættulab-net.

³ Azzar-du Yahuza y agan æn sojitan æn Kæl-Ærrum, æd magazan n Ahan wa Zæwwæran n Ælʒibada a d-æssiglan muzaran æn limaman, æd Farisaytan, ewâyan fêtølaten, æd belan, æd tæzoli-nasan.

⁴ As din-ewadan ihoz-tan-in ʒaysa issânan daʒ arat kul wa tu-z-igræwan, issæstan-tan inn-asan: «Ma imos was tæsaggadam?»

⁵ Ænnan-as: «ʒaysa wa n Nazaret as næsaggad.» Inn-asan: «Nak da da.» Ibdåd gar-essan Yahuza wa t-ikkæddalan.

⁶ Amazay wa da daʒ dasan-inna ʒaysa: «Nak da da» ænta a daʒ ærmaʒan eqqalan dæffær-san har udan.

⁷ Ilas ʒaysa inn-asan: «Ma imos was tæsaggadam?» Ænnan-as: «ʒaysa wa n Nazaret as næsaggad.»

⁸ Inn-asan: «Wærgex ænneʒ-awan nak da da. Daʒ adi kud nak as tæsaggadam, tayyim aytedan win da ad jæwænken.»

⁹ Æmmæk wen da as inda awal wa iga dat awen as inna: «Wær daʒ-i z'ixræk waliyyan daʒ win di-tækfe.»

¹⁰ Ihåd-du Simʒon Butros ilbây-du takoba-net iwæt sær-æs akli n Ælimam wa Zæwwæran, ifras-du tæmæzzuk-net ta n øʒil. Akli wa esæm-net Malxus.

¹¹ Tæzzar inna ʒaysa i Butros: «Suʒæl takoba-nak tætærut! Awak ad aqqama wær øgeʒ alʒazab wa di-ixkam Abba?»

Ætæwæsæbdad æn ʒaysa dat limaman

¹² Tæzzar obazan ʒaysa, ækradan-tu, æmosan egan æn sojitan æn Kæl-Ærrum d æmuzar-nasan, æd magazan n Ahan wa Zæwwæran n Ælʒibada a d-æssiglan muzaran æn Kæl-Ælʒyøhud.

¹³ Ewayan-tu azzaran dær-æs s aʒaywan æn Xânan wa n ædaggal æn Kayif wa imosan Ælimam wa Zæwwæran daʒ awatay wen.

¹⁴ Amaran Kayif ænta a igan i muzaran æn Kæl-Ælʒyøhud tanat ta n as ofa ad ammat awedan iyyanda daʒ adag æn tamattay.

¹⁵ Ilkam Simʒon Butros i ʒaysa ænta d ænattalib iyyan. Ænattalib wa izdây Ælimam wa Zæwwæran iman-net, tæzzar iggaz afarag wa iʒlayan aʒaywan n Ælimam wa Zæwwæran daʒ amazay wa da daq-q iggaz ʒaysa.

¹⁶ Butros ænta iqqim-du dat ahan, ʒur ømi n aʒalla. Irdax-du ænattalib wen, igraw ʒur tæntut ta togazat tæsøhært ad tayyu Butros iggæz aʒaywan.

¹⁷ Tæzzar tænnæ tæmašʒayalt ta togazat imi n ahan i Butros: «Wærgæ kay da iyyan daʒ nættulab n alæs wa a tæmosa?» Inn-as: «Wær t-æmosa.»

¹⁸ Asamed igâ. ʒilayʒalayan eklan æd magazan n Ahan wa Zæwwæran n Ælʒibada temsæy æn tæmakaten æsukusan sær-æs. Ik-en-in Butros ænta da ad isukus.

¹⁹ As itaggu awen isastan Ælimam wa Zæwwæran ʒaysa daʒ talʒa æn nættulab-net, d æsæssøʒri wa itaggu.

²⁰ Inn-as ʒaysa: «Awal wa øge y æddænet, wær imos arat iʒbâran. Faw da inan æn taʒaray æn Kæl-Ælʒyøhud d Ahan wa Zæwwæran n Ælʒibada a daʒ sasaxra dad æddewan Kæl-Ælʒyøhud kul, daʒ adi wær t-illa awal øge daʒ æssir.

²¹ Mafel as di-tæsastana? Sætæn aytedan win di-æslanen d aratan win daʒ dasan-æmmægrada; æntanay æssânan daʒ arat wa ønne.»

²² As inna ʔaysa arat wa, iqqas-as iyyan daʒ magazan n Ahan wa Zəwwəran n Əlʒibada ibdādan den, inn-as: «Ma kay-issəhalan igi n aljawab wa y Əlimam wa Zəwwəran?»

²³ Ijjəwwab-as ʔaysa inn-as: «Kud arak batu a əge, əməl-i edag wa daq qat-əge. Kud amaran əgeʒ batu tolayat, ma imos əddəlil wa fəl di-təggata?»

²⁴ Issarda-q-q-u Xānan da ikrad, issok-ay Kayif wa n Əlimam wa Zəwwəran.

²⁵ As itaggu awen, Simʒon Butros illa den isukus əs təmsay en da. Itawann-as: «Wərgə kay da arat daʒ nəttulab n aləs wa a təmosa?» Ilas Butros şigget ən ʔaysa, inna: «Kala kala wər t-əmosa.»

²⁶ Inkar-du iyyan daʒ eklan n Əlimam wa Zəwwəran, imosan əşəqqay n aləs was d-ifras Butros təməzzuk-net, inna i Butros: «Wərgəʒ ənāyaq-qay təddewa dər-əs daʒ afarag?»

²⁷ Ilas Butros şigget ən ʔaysa. Amazay wen da daʒ iʒra əkəji aʒora.

Ətəwəsəbdad ən ʔaysa dat Bilatəs

²⁸ Imməway ʔaysa ʒur Kayif s aʒaywan n ənaxkim. Itaggu awen ʒur əfərirəy n anay. Aytədan win dər-əs d-əddewnen wər dər-əs əggezən aʒaywan wa n ənaxkim, fəl ad əttəfan tazdak-nasan har atşin amensay wa n Akkay.

²⁹ Awen da fəl sər-san d-igməd Bilatəs wa n əmuzar n akal ehan-net, ikk-en-du inn-asan: «Ma imos lahan wa fəl təbazam aləs wa?»

³⁰ Ənnan-as: «Ənnar wər imos əməggi ən təkma, wər dak-k-idu-za-nawəy.»

³¹ Inn-asan Bilatəs: «Awəyat-tu təkəməm-as s əşşəriʒa wa-nawan.» Ənnan-as Kəl-Əlyəhud: «Nakkanay wər nəla turagət ən tanaʒay n awədan.»

³² Arat wa igā fəl ad andu awal wa iga ʔaysa assaʒa wad imal ənnuʒ ən təməttant ta z'agu.

³³ Təzzar iqqal Bilatəs ehan-net iʒr-in ʔaysa issəstan-tu inn-as: «Awak kay daʒ a imosan əmənokəl ən Kəl-Əlyəhud?»

³⁴ Inn-as ʔaysa: «Arat wa kay iman-nak as tu-tənne, meʒ ak aytədan wiyyad a dak-k-ənnənən sər-i?»

³⁵ Inn-as Bilatəs: «Un nak iyyan daʒ Kəl-Əlyəhud a mosə? Tamattay-nak, əd limaman win zəwwənan a kay-d-əwaynen sər-i, ma imos arat wa təʒşada?»

³⁶ Ijjəwwab-as ʔaysa inn-as: «Taʒmar-in wər tat-təla əddənət ta da. Ənnar taʒmar-in təll-et əddənət a, ənkərnat-du təʒurad-in əknəsənət fəl ad wər əggəzay ifassan ən Kəl-Əlyəhud. Kala kala, igməd aşşak as taʒmar-in wər tat-təla əddənət ta da.»

³⁷ Inn-as Bilatəs: «Ak tidət əs kay a imosan əmənokəl ən Kəl-Əlyəhud?» Ijjəwwab-as ʔaysa inn-as: «Kay da tənneʒ adi. Awalla əmənokəl a mosə. Arat da wa fəl d-əhəwa amaran ənta fəl d-əggəzay əddənət a t-imosan əs əssa a d-əge y ad əggəyey i tidət. Awədan wa ilkaman i tidət, kul issisam y awal-in.»

³⁸ Inn-as Bilatəs: «Tidət za ma təmos?»

Təzzar iqqal-du Bilatəs Kəl-Əlyəhud inn-asan: «Fəl əganna za wa di-iqqalan nak, wər əhənnəya lahan waliyyan iga aləs wa.

³⁹ Mişan ya, daʒ arat wa imosan alʒadat əs id d-iʒlay əmud wa n Akkay a dawand-əkkəsəy iyyan daʒ məskəsə-nawan. Meqqal tarām a dawand-sassayya əmənokəl ən Kəl-Əlyəhud?»

⁴⁰ Əlasan adakal ən maslan-nasan wəllən ketnasan ənnan-as: «Kala, kala, wərgəʒ ənta! Barʒabbas əs nəra danaq-q-idu-təkkəsə.» Barʒabbas wa əjəjəb n ənəffəlləg a imos.

19

¹ Təzzar omar Bilatəs s ad təwəgginat təwit n ələkkud i ʔaysa; itawəgg-as awen da.

² Əzdān sojitan təkəbbut təgāt əs şənnanan əssəwəran-tat eyaf-net, əzzəzlagan-tu deʒ əbərnuz zəggaʒan.

³ Tihazan-t-in gannan-as: «Oyy-ik! Əmənokəl ən Kəl-Əlyəhud!» Taqqasan-as əs əd əs.

⁴ Ilas-du Bilatəs aradaʒ, inna i Kəl-Əlyəhud: «Ənəyat! A dawand-t-id-əssərdəʒa, ad təssənəm əs wər fall-as ənaya lahan waliyyan fəl iwwəddab.»

⁵ Təzzar irday-du ʔaysa təwār-tu təkəbbut ən şənnanan, izlāg əbərnuz zəggaʒan, inn-asan Bilatəs: «Aləs-nawan əddi.»

⁶ As t-oggan muzaran ən limaman əd magazan n Ahan wa Zəwwəran n Əlʒibada, ədkalan imaslan-nasan gannin: «Taytay-tu fəl təgəttawt! Taytay-tu fəl təgəttawt!» Inn-asan Bilatəs: «Abəzat-tu kəwanay iman-nawan tattaytayam-tu, nak wər hənneʒay əddəlil waliyyan a t-issiwəran təməttant.»

⁷ Ænnan-as muzaran ən Kəl-Ëlyəhud: «Nakkanay nəla əşşəriḡa, amaran əşşəriḡa wa, ih-ay as aləs wa ihor əd təmattant, fəlas a inna ənta Barar ən Məşšina a imos.»

⁸ Batu ta təḡa tasa wəllen daḡ Bilatəs,

⁹ iqqal ehan-net, iggaz edag wa n əşşəriḡa, inna i Ḡaysa: «Mənis du-təhe?» Mišan wər das-iga Ḡaysa aljawab waliyyan.

¹⁰ Amazay wen da das-inna Bilatəs: «Nak as tugaya s a di-təşšiwəla? Wər təssenay as əle fərregat n a kay-sassayya, ələḡ əntada fərregat n a kay-attaytaya fəl təgəttawt?»

¹¹ Inn-as Ḡaysa: «Wər fall-i təle tarna waliyyat ar ta sər-ək du-təfalat Məşšina. Adi da fəlas awedan wa di-igan gər fassan-nak, ogar-kay igi n abakkad.»

¹² Amazay wen da daḡ iggaz Bilatəs šin agamay n asaway was z'ayyu Ḡaysa. Mišan ənkaran-du Kəl-Ëlyəhud ad gannin s afalla: «Aləs di as tu-təsassayya, wədi wər təmosay əmidi ən Qaysara, əmənokal ən Kəl-Ërrum, fəlas awedan wa innan imos əmənokal, wədi azangaw ən Qaysara a imos!»

¹³ As isla Bilatəs i batu ta, issərdaḡ-du Ḡaysa, təzzar iqqim daḡ təxawit ta n adag n əşşəriḡa. Edag wa esəm-net «Aḡarḡar ilsân təsəlit» itawann-as daḡ təlḡibrit «Gabbata».

¹⁴ Itaggu awen ammasnazal n əzəl wa oggan amud wa n Akkay, simutugan aytedan y əmud. Inna Bilatəs i Kəl-Ëlyəhud: «Əmənokal-nawan əddi!»

¹⁵ Iqqal-asan awen as sahhaken imaslan-wəllen wəllen gannin: «Ammatet! Ammatet! Taytay-tu fəl təgəttawt!» Inn-asan Bilatəs: «Daḡ adi ad attaytayḡ əmənokal-nawan fəl təgəttawt?» Ænnan-as muzaran ən limaman: «Əmənokal-nana wər t-imos ar Qaysara.»

¹⁶ Təzzar ikf-en Bilatəs Ḡaysa y ad itəwətəytəy fəl təgəttawt.

Ëtəwətəytəy ən Ḡaysa fəl təgəttawt

Ëzzərgazan sojitan Ḡaysa.

¹⁷ Iḡmad aḡrəm ewəy ənta iman-net təgəttawt ta fəl z'itəwətəytəy. Ëkkan dər-əs edag as itawannu «Təkəyya», itawann-as deḡ daḡ təlḡibrit «Golgota».

¹⁸ Den da ad əttəytəyan sojitan Ḡaysa fəl təgəttawt. Tawataytəyan əşšin meddan wiyyad əntanay da fəl təgəttawen ədḡma-net, a daḡ illa Ḡaysa gar-essan.

¹⁹ Omar Bilatəs s ad ammadkal əsəllum itəwəktəb fall-as: «Awa Ḡaysa wa n NAZARET, Əmənokal ən Kəl-Ëlyəhud», itəwətəytəy daḡ afalla ən təgəttawt. Itawagga awen da.

²⁰ Ëḡran Kəl-Ëlyəhud aggotnen əsəllum wa. Ənta edag wa daḡ itawətəytəy Ḡaysa fəl təgəttawt ihoz aḡrəm, amaran əsəllum wa iktāb daḡ awal wa n təlḡibrit, əd wa n təlatint əd wa n təlyunant.

²¹ Ænnan limaman win zawwarnen ən Kəl-Ëlyəhud i Bilatəs: «Ad wər tayyay əsəllum wa təssəltəy təgəttawt iktāb fall-as ās: "Aləs wa əmənokal ən Kəl-əlyəhud", kalar əktəb fall-as ās: "Aləs da wa innan ənta a imosan əmənokal ən Kəl-Ëlyəhud."»

²² Inn-asan Bilatəs: «Arat wa əktaba, wər-tu-za-səmməttəya.»

²³ As əttəytəyan sojitan Ḡaysa fəl təgəttawt, ədkalan isəlsa-net, əgan-asan əkkozat təzunen, əkkulluk n iyyan daḡ-san iḡrāw iyyat. Ëdkalan əntada təkadkat-net ta zəwwərat, təḡāt daḡ təbdoq wər iha a imosan azamay, toşāḡ-du ḡur afalla har eres.

²⁴ Ænnan gar-essan: «Ad wər nəzəzzərrət təkadkat ta, ofa ad nagu šišəḡeren fəl ad nəssən wa tat-z-ilen.» Arat wa ənnān-tu fəl ad tandu batu təhāt Ëlkəttaban ta tənnat: «*Ëzunan tabdoq-in, təzzar əgan šišəḡeren fəl təkadkat-in.*»

Arat wen ənta iman-net a əgan sojitan win den.

²⁵ Təgəttawt ta fəl ittəytəy Ḡaysa, əbdādnat dagma-net tədoden əmosnen anna-net, əd Maryama ta n tamadrəy n anna-net, təmosat təḡur Klobas, əd Maryama Madəl.

²⁶ Ogga Ḡaysa anna-net, inay ənattalib-net wa n əməri-net ibdād dagma-net, inn-as: «Anna, barar-nam əddi.»

²⁷ Təzzar inna y ənattalib-net wen: «Anna-nak əddi.» Amazay wen da daḡ dər-əs iddew ənattalib wen s aḡaywan-net issan daḡ-as.

²⁸ Dəffər awen inna Ḡaysa: «Ih-i fad», fəlas issān as arat kul ikmal, amaran arat wa wər t-inna ar fəl ad andu awa ənnan Ëlkəttaban.

²⁹ Edag en inša daḡ-as əḡəzu iha bənegər, təmmədkal-du təduft tətəwəttəl d əmi n əḡabal n əzzənəf n ənniḡnay iyyan idwālan as itawannu xisof, tətəwasalmaḡ-du daḡ bənegər wa, tətəwəzzal-in s əmi-net.

³⁰ As izannalmaz Ḡaysa bənegər, inna: «Arat kul ikmal.» Təzzar issərəs əḡaf-net, əḡmadan-tu man.

Ëtəwəgga ən Ḡaysa daḡ əzəkka

³¹ Əzəl wen simutugan aytedan y əmud wa n Akkay. Wər əren Kəl-Ëlyəhud ad aqqaminat alzanəzaten n aytedan əwārnat šigəttawen daḡ əzəl wa n təsanfawt-nasan. Ənta əzəl wen, wər ogda əd win hadatnen təzəwwərt. Ëkkan muzaran ən Kəl-Ëlyəhud

Bilatēs ənnan-as: «Amər s ad tawarzin daran-nasan, fəl a tan-iba tarmad, təssukəsa-du alzanazaten-nasan!»

³² Əkkan-du sojitan meddan win tawataytaynen dagma ən Yaysa. Ərzan idaran ən wa azzaran, okayan əs wa n əşšin əgan-as awen da.

³³ As d-ewadan Yaysa ənayan əs as d-osan da aba-tu. Əqqiman da wər ərzen idaran-net,

³⁴ Mişan idag iyyan dağ sojitan win tasaga ən Yaysa s allax-net, iffay-du dağ-as əzni d aman.

³⁵ Awedan wa igan isalan win, inay-tan əs şittawen-net, amaran təgəyya-net tidət a təməs. Issān as tidət ta təzdarat as işşewal da, fəl ad təzzəgzənam kawanay da.

³⁶ Ənta aratan win kul wər əgen ar fəl ad tandu batu təhāt Əlkəttaban ta tənnat: «*Eyas-net waliyyan wər z'arrax.*»

³⁷ Əlkəttaban ih-en əntada as: «*Ad əssədəgan isawadan-nasan sa sər wa saxxarabben.*»

³⁸ Dəffər adi oşa-du Yusəf wa n əxərəm n Arimatay, imosan iyyan dağ nalkiman ən Yaysa, eges dağ əssir, fəlas iksud Kəl-Əlyəhud. İkka Bilatēs igmay dağ-as ad awəy təxəssa ən Yaysa. İkf-ay Bilatēs turagat n awen, təzzar igla eway-tat.

³⁹ Oşa-du Nikodemos ənta da, s ənta as kala din-osa Yaysa ahad iyyan. Eway-du təfarşit dağ ənyālan alwarditan təməsat amađal ən karadat təmərwən ən kilaw.

⁴⁰ İdkal-du Yusəf əd Nikodemos təxəssa ən Yaysa əgan-tat dağ şifit təgāt dağ təsəwad, əssəlalan-tat ađutan əzodnen win. Arat wa imos alxadat ən Kəl-Əlyəhud dağ anabal ən nəmməttan.

⁴¹ Edag wa dağ itawataytay Yaysa fəl təgəttawt ih-ay afarag. Amaran afarag wen ih-ay əzəkka imosan akazam as wər kala a dağ-as itawagga ənəmməttən.

⁴² Əzəl wen ənta dağ simutugan Kəl-Əlyəhud y əzəl-nasan wa n təsanfawt, awen da fəl iga Yusəf əd Nikodemos Yaysa dağ əzəkka wa, fəlas ənta a ihozan.

20

Tanakra ən Yaysa dağ təməttant

¹ As affaw əzəl wa n alxad, harwa da wər ifarayray anay, as təkka Maryama Madəl əzəkka. As din-tosa tənay as təhənt ta təharat əzəkka tətıwakkas-du.

² Tozal təkka Simxon Butros d anattalib wa isannahal Yaysa tara tənn-asan: «*Əməli itawakkas dağ əzəkka amaran wər nəssen edag wa dağ itawagga.*»

³ İrdağ-du Butros d anattalib wa hadan əkkan əzəkka.

⁴ Ozalan, azzar-in ənəttalib wa hadan fəlas orna Butros dağ azzal.

⁵ İşşəgga inay şisəwad şin şifit ənsānat den, mişan wər iggez.

⁶ As d-ewad Simxon Butros wa das-d-ilkaman, iggaz əzəkka, inay əntada şisəwad şin ənsānat den.

⁷ Inay asalsaw wa iwaran eɣaf ən Yaysa wər irtay əd şifit, ittāl insa s aganna.

⁸ Təzzar iggaz-du anattalib wa hadan, s ənta a d-azzaran, inay arat wa izzəgzan-tu.

⁹ Ənta harwa da wər əgren batu ta tənnat dağ Əlkəttaban, Əlməsix kundaba inkar-du dağ təməttant.

¹⁰ Təzzar əqqalan nəttulab win den aɣaywan.

Ənəfilal ən Yaysa i Maryama Madəl

¹¹ Təqqim-du Maryama təhallu dagma n əzəkka. Təşşəgg-in dağ-as,

¹² tənay əşšin angalosan əssimlənən, əqqiman dağ adag was kala a tu-təha təxəssa ən Yaysa. İyyan illa xur anamod n aɣaf-net, wa hadan illa xur daran-net.

¹³ Ənnan-as: «*Ma kam-isālan, tantut?*» Tənn-asan: «*Wər di-isəlu ar as immeway Əməli-nin, amaran wər əssena dad itawagga.*»

¹⁴ As tənna arat wa, təswad dəffər-əs, togga Yaysa ibdād. Mişan wər təssen as ənta awen.

¹⁵ Inn-as Yaysa: «*Ma kam-isālan tantut? Ma imos was təsəggada?*» Tənn-as Maryama: «*Ya aləs, kud kay a t-ewayan, təmələx-i dad illa, a t-id-awəya.*» Arat wa, as das-tu-tənna a təxil əmagyak n afarag wa iha əzəkka a das-işşewalan den.

¹⁶ Inn-as Yaysa: «*Maryama!*» Təzzar təmalallay-t-in tənn-as dağ awal wa n təlyibrit: «*Rabbuni!*» (Almaɣna n awen Əşşex-in.)

¹⁷ Inn-as Yaysa: «*A di-wər-təgdəla teklay, fəlas harwa da wər əggəzzaya s Abba, kalar aglu əməl i mədrayan-in as nak ad əggəzzaya s Abba-nin, s ənta a imosan Abba-nawan kawanay da, əggəzzaya s Əməli-nin s ənta a imosan Əməli-nawan kawanay da.*»

¹⁸ Təgla Maryama Madəl təmal i nəttulab as tənây Əməli, təmal-asan deɣ awa das-inna.

Awa d-izdaran dağ Əlkəttab wa

Enəfilal ən Yaysa i nəttulab-net

¹⁹ Tadwit n alxad wen da iman-net, əddewan nəttulab, əxfalan-du ehan fəl man-nasan, fəlas əksudan imuzaran ən Kəl-Əlyəhud. Osa-du Yaysa ibdad gar-essan inn-asan: «Alxer fall-awan!»

²⁰ As dasan-inna awen issəkn-en ifassan-net, əd tasaga-net. Falawasan nəttulab fəl anay wa əgan Əməli.

²¹ İlas inn-asan: «İg-awan Məşşina alxer! Əzimazalaq-qawan s əmmək was di-d-izammazal Abba.»

²² As dasan-iga batu ta, issəwad-du fall-asan s əmi-net, inn-asan: «Təgrəwamet Infas wa Zəddigan!»

²³ Win as təssorafam ibakkadan-nasan za, a dasan-təwəsürəfan, amaran win as tan-wər-təssorafam, wər z'əgrəwan təsureft-nasan.»

Enəfilal ən Yaysa i Tuma

²⁴ Tuma was təsəmmədəq-net Eknay imosan iyyan dağ nəttulab win maraw d əşšin, wər illa den as ənayan Yaysa.

²⁵ As das-ənnan nəttulab win: «Nənây Əməli!» Inn-asan: «Wər z'əzzəgzənəy iket wər ənaya şimijar ən nəsmar dağ fassan-net, ədəsəy idaggan-nasan s adad-in, ədəsa deş tasaga-net s əfus-in.»

²⁶ As əgan əttam adan dəffər awen, əddewan-du nəttulab ən Yaysa dağ ahan iyyan amaran taklat ten ih-en Tuma. İggaz-du fall-asan Yaysa da əharnat təsəhar n ahan, ibdad gar-essan, inn-asan: «İg-awan Məşşina alxer!»

²⁷ Dəffər adi inna i Tuma: «Agu adad-nak da, təswəda dağ fassan-in, tədəsa deş tasaganin s əfus-nak, təzzəgzəna taqqama da wər təqqələş awedan wər nəssen Məşşina!»

²⁸ Inn-as Tuma: «Ya Məşşina di n Əməli-nin!»

²⁹ Inn-as Yaysa: «Kay wər təzzəgzəna har di-tənaya. Əbbilalan aytedan win di-wər-nənay mişan əzzigzanan!»

Əlməxsud n Əlkəttab wa

³⁰ İmmozal Yaysa alğalamaten şiyvad aggotnen dat nəttulab-net, mişan ya wər sər-əsnat imməgrad əlkəttab wa.

³¹ Eges arat wa t-ihan, itiwaktab fəl ad təzzəgzənam as Yaysa ənta a imosan Əlməsix, imos deş Barar ən Məşşina, amaran, as sər-əs təzzəgzənam ad təgrəwam təməddurt s esəm-net.

21*Enəfilal ən Yaysa i nəttulab-net şur tama n agaraw*

¹ Dəffər awen ilas Yaysa ənəfilal i nəttulab fəl təgadamayt n agaraw wa n Tiberəyad. Əmmək da was dasan-inafalal:

² Simyon Butros, əd Tuma was təsəmmədəq-net Eknay, əd Natanəyel wa n Kâna dağ amađal ən Galilaya, əd bararan ən Zabaday, d əşšin nəttulab wiyyad, ketnasan əddewan.

³ Inn-asan Simyon Butros: «Nak ad akkaş edag n abbaz ən kifitan.» Ənnan-as: «Nakkanay da nəddew dər-ək.» Əgılan, əggəzan aşlal n aman. Ahad wen wər obezan wala.

⁴ As affaw iwar-in Yaysa təgadamayt n agaraw, mişan wər əssenən nəttulab-net as ənta awen.

⁵ Inn-asan: «İmaran-in, awak abbaz a wər təgem wala dağ kifitan?» Ənnan-as: «Kala.»

⁶ Inn-asan: «Əgərət əməzzəzdər-nawan wa n abbaz ən kifitan fəl aganna n əşlal wa n əşil, a tan-təgrəwam.» Əgaran əməzzəzdər-nasan dağ agaraw, təzzar indar-asan a t-id-ədkəlan, fəl awa əgan kifitan win t-əhanən dağ igət.

⁷ İnkər ənəttalib wa isannahal Yaysa tara inna i Butros: «Awen Əməli!»

Da dağ ad isla Simyon Butros as Əməli awen, ənta ad iqqan asalsaw-net wa n afalla, fəlas izzâf, təzzar itaragğat dağ agaraw.

⁸ Amađal ən sanatat təmad n əşil a əllanən gar-essan əd təgadamayt n agaraw. Əqqıman-du nəttulab win hadatnen dağ əşlal ərkâban-du dəffər-san əməzzəzdər-nasan, idnây kifitan.

⁹ Əzzəbben-du şas oggan təmsay ən təmakaten fəl nanşin kifitan, tənsa deş təğəlla den.

¹⁰ Inn-asan Yaysa: «Awəyat-du arat dağ kifitan win du-tobazam əmərədda.»

¹¹ Igməd-du Simxon Butros aman illil-asan s arakab n əməzzəzdər wə əhan kifitan. Təmədəy əd səmmosat təmərwen ən kifi əd karad əs kul win zawwarnen a t-əhanen mišan wər izzərrat.

¹² Inn-asan Ƴaysa: «Ayewat tatšim.» Wər iha inəttulab i ihalan ad issəstən Ƴaysa ann-as: «Ma təmosa?» Fəlas əssānan as Əməli awen.

¹³ Ihoz-tan-in Ƴaysa, obaz-du tagəlla ikf-asan-tat, ikf-en əntada kifitan.

¹⁴ Taklat ta ənta a təmosat ənəfilal wa n karad a d-iga Ƴaysa i nəttulab-net dəffər tanakra-net dəy təməttant.

Ƴaysa əd Butros

¹⁵ As ətšan inna Ƴaysa i Simxon Butros: «Simxon ag Yaxya, awak tidət as tara ta di-təge togar ta di-əgan nəttulab win hadatnen?» Inn-as Simxon: «Ayew Əməli, təssāna dəy tara ta dak-əge.» Inn-as Ƴaysa: «Agəz za ijamaran-in.»

¹⁶ Ig-as y əsəstan wa igi wa n əššin inn-as: «Simxon ag Yaxya, awak tərəx-i?» Inn-as Butros: «Ayew Əməli, təssāna dəy tara ta dak-əge.» Inn-as Ƴaysa: «Əqqəl za amadan n ayfəd-in.»

¹⁷ Ig-as y əsəstan wa igi wa n karad inn-as: «Simxon ag Yaxya, awak tərəx-i?» Əxšadan man ən Simxon Butros fəlas karad igitan das-iga Ƴaysa y əsəstan wa. Inn-as: «Əməli, kay a issanan dəy arat kul, təssānaş as əreç-qay.» Inn-as Ƴaysa: «Əssən za dəy ayfəd-in.»

¹⁸ Əggəyyəş əsilakanax-ak as harwa taynaya, iman-nak as təlassa tabdoq-nak, tətakkax edag was tare, mišan as təqqalax aşmar, ad təzzələş ifassan-nak, assals-ik awedan iyyan tabdoq-nak, awəy-kay s adag as wər tərəş iki-net.»

¹⁹ Batu ta issoka sər-əs Ƴaysa ənnux ən təməttant ta z'agu Butros s ənta as z'assaknu adkul wa iga i Məššina. As iga Ƴaysa batu ta inn-as: «Əlkəm-i»

²⁰ Iswad-in Butros dəffər-əs ogga anattalib wa isannahal Ƴaysa tara ilkām-asan-du. Anattalib wa ənta a isaşxaməran dəy ihəz n ədməran ən Ƴaysa əhad wad tattin iməsewan n əmud wa n Akkay, ənta dəş as kala ad issəstənan Ƴaysa inn-as: «Əməli, ma imos wa kay z'akkaddalan.»

²¹ As t-ogga Butros issəstan Ƴaysa inn-as: «Ənta za Əməli, ma dəş-as ilkaman?»

²² Inn-as Ƴaysa: «Kud tara a əgeş ad iddər har d-əqqəla, tədi wər kay-təqqel. Kay əlkəm-i şas!»

²³ Wazawazan salan dəş məzzəgzan əs Ƴaysa as anattalib wa wər tu-z-iba. Ənta Ƴaysa wərgeş a inna wər tu-z-iba, tənna şas a iga: «Kud tara a əgeş ad iddər har d-əqqəla tədi wər kay-təqqel.»

Zagzal dəy batu ta təmosat əlməxsud n əlkəttab wa

²⁴ Anattalib wa ənta iman-net as iggəyyat fəl igitan win, iktab-tan. Nəssān as təgəyya-net tidət a təmos.

²⁵ Ƴaysa iga aratan wiyyad aggotnen. As igmay awedan d a sər-san ammagrad s iyyan-iyyan, ordeş as əddənet ketnet da wər za tawəy əlkəttaban win z'iktəb.

Igitan ən Nəmmuzal

Əkkozat təmərwen n əzəl win dat əmədkəl ən Yaysa

İsənti

¹ Ya Tayofil, əlkəttab-in wa azzaran əktâbağ dağ-as aratan kul win as issənta Yaysa igi-nasan d əsəssəyri-nasan,

² har əzəl wa d immədkal əs jənnawan dəffər as iga ammaran-net əs tarna n Infas wa Zəddigan i nəmmuzal-net win isannafran.

³ Əntanay en da a issəkna iman-net dəffər ałxazab-net. Isattad-asan əs təməwiten aggotnen tanakra-net dağ tamattant. Əkkozat təmərwen n əzəl a iga itinəfilil-asan, itagg-asan isalan ən Taymar ta n Məşşina.

Arkawal n assa n Infas wa Zəddigan

⁴ Əzəl iyyan idrāw dər-san imensewan as tan-omar, inn-asan: «Ad wər təgmədam aıxərəm ən Yerusalam. Əqqələt y arkawal n Abba wa dawan-əmala,

⁵ fəlas Yaxya aman a dağ issəlməğ aytedan mişan kawanay, çur adan wər nəggət, Infas wa Zəddigan a dağ za tətəwəsəlməğam.»

⁶ Əddəwan çur-əs nəmmuzal-net as t-əssəstanan, ənnan-as: «Əməli, awak əmərədda ad za təssuxəla təmənukəla y İsrayil?»

⁷ Inn-asan: «Wər kawan-təwer masnat n alwaç wala tamert win otas Abba əs tanayane-net.

⁸ Mişan ya a fall-awan d-azzabbat Infas wa Zəddigan, təgrəwam tarna, təqqələm şigəyyawen-in dağ əxərəm wa n Yerusalam, d akal kul wa n Yahudəyya əd wa n Samarəya, taglim har da d-iraz amaçal.»

Əmədkəl ən Yaysa

⁹ As inna awen, immədkal əs jənnawan. Əswādan dağ-as har dasan-tu-təlsa tagarak.

¹⁰ Harwāda əggizzayan ijənnawan assaça wad itagazzay Yaysa as nafalalan əşşin meddan ən samlalan dəğma-nasan.

¹¹ İnnan-asan: «Ya meddan ən Galilaya, mas təbdadam, təswādam dağ jənnawan? Yaysa wa immədkalan gar-ewwan da əs jənnawan, ilkām a d-iqqəl s əmmək wa da as tu-tənyam ikk-en.»

Ənətti n Əlkənisat - Şigəyyawen dağ Yerusalam

Awedan wa z'iggəzan edag ən Yahuza

¹² Təzzar əfalan nəmmuzal adçağ was itawannu wa n Eşkan ən Zaytun, əqqalan aıxərəm ən Yerusalam a das-ihân edag ən teklay tas tətawala turagat-net dağ əzəl wa n təsanfawt ən Kəl-Əlyəhud, almaçna edag ən kilaw iyyanda ən teklay.

¹³ As din-osan, əggazan ehan wa n afalla dağ suru wa dağ saganan. Əmosan Butros, Yaxya, Yaqub, Andrawəs, Filibus, Tuma, Bartulamawəs, Matta, Yaqub wa n ag Alfay, Simçon was itawannu wa Isaggatakken əd Yahuza wa n ag Yaqub.

¹⁴ Ketnasan tiddawan-du y igi ən təwatriwen s əwəl iyyanda, əntanay əd mədrayan ən Yaysa əd tədoden təha Maryama ta n anna-net.

¹⁵ Adan en da a dağ ibdad Butros gər nəlkiman ən Yaysa, əmosnen temeday n awedan əd sanatat təmərwen, inn-asan:

¹⁶ «İmədrayan-in, əşşil ad andu awa inna Infas wa Zəddigan dağ Əlkəttaban irəw s əmi n ənnəbi Dawəd dağ salan ən Yahuza wa d-issəlalan aytedan win əbaznen Yaysa.

¹⁷ Fəlas kala dağ-naç idduu nakkanay inəmmuzal, amaran igrāw adagar-net dağ əşşəxəl wa dər-naç isanattaf Yaysa Əlməsix.

¹⁸ Aləs za wa, izzənza tawagost dağ azrəf wa igray dağ abakkad-net, dəffər awen uda dağ-as əs tədist-net, ibbəqqat, iffəzzat awa ihan tədist-net kul.

¹⁹ Aytedan kul win əxsarnen dağ Yerusalam əslən awen, har as tawagost ten əğan-as esəm dağ awal-nasan "Akaldama", alamaçna tawagost ta n əzni.

²⁰ Amaran iktāb dağ əlkəttab wa n Əzzəbur as: "İqqələt ahan-net əməjir, a tu-wər-iləs awedan iguz." İktāb dağ-as deç as: "İggəzet awedan iyyan edag-net dağ əşşəxəl."

²¹ Dağ adi ilzām-ana ad nəsənnəfrən iyyan dağ meddan win dər nətidaw faw dağ şikilan n Əməli Yaysa,

²² a d-ibazan çur əzəl wa t-issəlməğ Yaxya dağ aman har əzəl wa çur-naç immədkal əs jənnawan. Aləs wa za nəsənnəfrən da, ad iqqəl təğəyya ən tanakra ən Yaysa dağ tamattant.»

²³ Əssəbdadan əşšin meddan əmosnen Yusəf was itawannu Barsabbas, gannin-as deḡ Yustus, əd Matəyyas.

²⁴ Təzzar əttaran, ənnan: «Ya Əməli, kay a issanan awa ihan iwallas n aytedan kul, sakh-ana wa təsannafrana gar meddan win əşšin a,

²⁵ fəl ad iggəz əşşəxəl n anammazul wa igmad Yahuza ikka edag wa imosan wa-net.»

²⁶ Əgan şişəxeren, əbaznat Matəyyas, iddun daḡ nəmmuzal win maraw d iyyan.

2

Assa n Infas wa Zəddigan

¹ As d-iḡlay əzəl n əmud ən Kəl-Əlyəhud was itawannu Fantəkawt, əddəwan nalkiman ən Ҳaysa ketnasan daḡ adag iyyanda.

² Wala a ihogan igmad-du əjit iyyan ijənnawan olān d in aḡu issohen, itkar ehan ketnet wa daḡ əqqiman.

³ Nafalalan-asan d ilsawan olanen d in abalagleg ən təmsay, əmməzzayan ilsawan en; əkkulluk n iyyan iwar iyyan daḡ-san,

⁴ İdnay-tan Infas wa Zəddigan ketnasan, təzzar əssəntan awal daḡ awalan wər nəmos win-nasan, s əmmək was tan-ikfa Infas wa Zəddigan fərregat n awen.

⁵ As itaggu awen, aḡrəm ən Yerusalām əxsəran daḡ-as Kəl-Əlyəhud zizawatnen daḡ əddin a d-əgmədnen ikallan n əddənet kul.

⁶ As əslan y awal wen, təddew-du tamattay tagget, təzzar isammaklal sər-san awen fəlas akkiyyan daḡ-san isallu i nalkiman əşşewalan daḡ awal n akal wa d-igmad.

⁷ İga sər-san awen əsəmməkləl labasan, gannin: «Xa! Aytedan a əşşewalnen da, awak wərgeḡ ketnasan Kəl-Galilaya?

⁸ Mas za, akkiyyan daḡ-na isall-asan əşşewalan awal ən marwan-net?

⁹ Ənta nakkanay əhān-anay aytedan a d-əgmədnen amaḡal ən Bartəya, d akal wa n Medəya, əd wa n Aļam, d aytedan əxsərnen daḡ akal wa n Mezobotaməya, əd wa n Yahudəyya, əd wa n Kabadokəya, əd wa n Fontəs əd wa n Asəya,

¹⁰ əd wa n Frijəya, əd wa n Banfiləya əd wa n Masar. Wiyyad əgmədān-du akal ən Libəya daḡ hələyḡəlayan n aḡrəm wa n Qərwan, wiyyad aytedan n Ərrum,

¹¹ wiyyad aytedan ən Kərət əd win Arabəya. Gər za win daḡ-na əmosnen Kəl-Əlyəhud wala deḡ aytedan a d-əhdānen s əddin wa n Kəl-Əlyəhud, ketnana nəsal-asan əmmālan daḡ awalan-nana igitan ən tarna ən Məşşina.»

¹² Ketnasan isimaklal sər-san awen, wər əssenān a ənnan, tinəmənnin: «Ma imos almaḡna n awa?»

¹³ Mişan ya wiyyad daḡ-san əgan daḡ nəlkiman tamakkakkayt, gannin: «Awen esmad n alḡanab a tan-isammaswadan.»

Təlxutbat ən Butros əzəl wa n Fantəkawt

¹⁴ Təzzar ibdad Butros ənta əd nəmmuzal win maraw d iyyan, idkal əməsli-net işşewal i tamattay, inna: «Meddan ən Yahudəyya əd kawanay ketnawan win əxsərnen daḡ Yerusalām, aḡriwat awa igan da, təssəsəmam wəllen y awa dawan-z-anna da.

¹⁵ Meddan win wər əmməsəwadan, arat wa təḡilām əddi, fəlas taza alwaqan win aḡora awa harwa da.

¹⁶ Kala kalar arat wa imal ənnəbi Yowəl a d-osan, as inna:

¹⁷ "İnna Məşşina: 'Ənta da awa du-z-asin daḡ adan n əddənet win əlkammen: a du-zəzzəbbəḡ Infas-in fəl i t-illa awedan, əssuḡəlan maddanawan d aşşekkawan awa dasan-z-əməla; sənnəfiləḡ aratan əttinkalnen i mawadan-nawan, səssuga iḡmaran-nawan targəten.

¹⁸ Awalla, a du-zəzzəbbəḡ daḡ adan win den Infas-in fəl naḡbidan-in əd tənayḡbiden-in təzzar əssuḡəlan awa dasan-z-əməla.

¹⁹ Ad aḡay təlməḡjujaten daḡ jənnawan, aḡay aratan əmosnen alḡalamaten fəl amaḡal: İnḡəl əzni, tarḡu təmsay, akku əhu ijənnawan.

²⁰ Təfuk ad tamattay, təqqəl şiyay; tizwaḡ təllit şilat n əzni; izar-du adi kul y assa n əzəl zəwwəran ilān əlxurma wa issəbdad Əməli.

²¹ Amaran i igmayan daḡ Əməli əḡşillas ad t-igrəw."

²² Ya meddan n İsrayil, səşəmat i salan win: Ҳaysa wa n Nazaret, aləs a imos as kawan-issikna Məşşina əs təlməḡjujaten d aratan əmmittaynen, əd wiyyad əmosnen alḡalamaten win as t-ikfa igi-nasan gar-ewwan as ənta a isannafran. Kawanay iman-nawan təssānam daḡ adi.

²³ Aləs di, Məşşina di as tu-wər-illa a das-idrāgan a t-igan daḡ fassan-nawan, imos awen arat ixtās irəw, təgam iman-net s ətəwəsətəytəy wa tu-təsassagam i nəzzulam fəl təḡəttawt.

²⁴ Mišan isənkar-t-idu Məššina, ikkas-t-idu dəy tarna ən tamattant fəlas wər t-illa əmmək as t-in-təttəf tamattant.

²⁵ Batu-net a dəy inna ənnəbi Dawəd irəw: "Hannaya Əməli dat-i faw, iha əxil-in fəl ad wər əxšədan man-in.

²⁶ Adi fəl falawasan man-in, təkna tədəwit iguz n awal-in, wala tağəssa-nin wər nəmos tamağlolt da ad tagu atama,

²⁷ id wər za tayyağ iman-in dəy alaxirat, wala dəy tayyağ Əmizdag-nak tarqu təğəssa-net.

²⁸ Kay a di-issəknan tarrayt ta təha təməddurt. A di-təsəffəliwəsa wəllen əs tassağ ta dər-ək əgeğ."

²⁹ Imədrayan-in, ələğ tarrayt n a dawan-agağ isalan dəy əkkəsağ aššək n əmaraw-nana Dawəd n as, aba-tu, itawanbal-in. Əzəkka-net, har azalada illa gar-ena.

³⁰ Ənnəbi a imos, issən dəy fəl arkawal wa fəl das-ihad Məššina n as, ilkâm ad agu dəy tağmar-net iyyan dəy hayawan-net.

³¹ Dəy adi Dawəd inây dat alwağ tanakra n Əlməsix dəy təmattant, amaran isalan ən tanakra-net a dəy inna: "Wər din-itawayya dəy alaxirat, wala dəy tərka təğəssa-net."

³² Ƴaysa za wa, issənkar-t-idu Məššina gər nəmməttan, nakkanay nəğğəyat adi.

³³ Idkal-tu Məššina di n Abba-net ig-ay dəy əxil-net, ikf-ay Infas wa Zəddigan was iga arkawal-net, ənta amaran izzabbat-t-idu fall-ana. Adi a imos arat wa təhannayam da, təsallim-as.

³⁴ Wərgəğ ənnəbi Dawəd a ikkan ijənnawan, kalar ənta iman-net a innan: "Inna Əməli Məššina y Əməli-nin: Ƴam dəy əxil-in,

³⁵ iket di ad taggağ izəngə-nak daw daran-nak."

³⁶ Dəy adi akninet Kəl-İsrayil kul masnat dəy as, Ƴaysa wa tətəytayam fəl təgəttawt, ənta a iga Məššina Əməli d Əlməsix.»

³⁷ Idas awal wa iga Butros den iwallan n aytedan wəllen, ənnan-as ənta əd nəmmuzal win hadatnen: «Imədrayan-nana mas danağ-ilzam igi-net?»

³⁸ Inn-asan Butros: «Utabat. Akkiyyan dəy-wan itəwəsəlməğət dəy aman s esəm ən Ƴaysa Əlməsix fəl ad təgrəwam təsəuft ən bakkadan-nawan, təgrəwam təhəkkut ən Məššina təmosat Infas wa Zəddigan,

³⁹ ənta arkawal wa iga Məššina, kawanay as t-iga, kawanay əd hayawan-nawan d aytedan kul win əxsarnen dəy igəğ, almağna aytedan kul win du-z-ağru Əməli-nana Məššina əs man-net.»

⁴⁰ Har irəw Butros itagğ-asan təlxutbat idgâz wəllen igann-asan: «Ağəzat iman-nawan dəy aytedan əxrâknən ən nəllubas win azzaman a.»

Tassağ ta əgan məzzəğzan win azzarnen

⁴¹ Aytedan win əzzəğzannen s awa inna, tawasalməyan dəy aman, təzzar tətəyt tiddawat ən məzzəğzan əzəl wen s adag ən karad gim n awedan.

⁴² Wər əğmedan ar əs tağaray daw nəmmuzal, əmosan arat iyyanda ketnasan, darrawan niməsewan-nasan, tuzanan amensay wa n saktan, taggin šiwatriwen.

⁴³ Təkna tasa ən Məššina igguz n awedan kul, inəmmuzal dəy taggin s əlqudrat ən Məššina təlməğjujaten aggotnen d aratan əmosnen alğalamaten.

⁴⁴ Ərtâyan məzzəğzan ketnasan, ədrâwan dəy arat kul wa əlan.

⁴⁵ Zanzin-in dəy ərrəzəğ-nasan, tuzanan attaman-net, ewal awen s awa dər togdâ addararat n akkiyyan dəy-san.

⁴⁶ Əzəl kul tamanayan dəy Ahan wa Zəwwəran n Əlğibada, nimannakan s awen. Tuzanan amensay wa n saktan dəy nan-nasan, darrawan dəy imensewan-nasan dəy təfalawist əd tazdək n əwəl.

⁴⁷ Əmmâlan Məššina, əssiğmaran-tan aytedan kul. Akk əzəl iššota Əməli əljəməğat-nasan s aytedan win iğlas.

3

Təməzzəyt n anabdon iyyan

¹ Əzəl iyyan iggəzzay Butros əd Ƴaxya s Ahan wa Zəwwəran n Əlğibada y ad agin šiwatriwen šin tazzar.

² Alwağ wen da a dəy d-imməway aləs iyyan a d-ihəwan əd bəddən s əmi n Ahan wa Zəwwəran n Əlğibada was itawannu: «Imi wa lhossayan» itawasansa fəl ad igməy takutay dəy aytedan win tu-tagaznen. Akk əzəl itawasansu den.

³ As inay Butros əd Ƴaxya əbukən y iguz n Ahan wa Zəwwəran n Əlğibada, a tan-itansay.

⁴ Idak-ku Butros əd Ƴaxya s asawad, inn-as Butros: «Əswəd dəy-na.»

⁵ Ikna daḡ-san asawad, iga attama n ad t-akfin arat iyyan.

⁶ Təzzar inn-as Butros: «Urəḡ wala azrəf, wər tan-ələḡ, mišan a kay-akfa awa ələḡ: Əs tarna n esəm ən Ƴaysa Əlməsix wa n əḡrəm ən Nazaret, əbdəd jəwənkət!»

⁷ Təzzar ibaz Butros əfus-net wa n əḡil, issəbdad-tu. Əddaran-du daran-net əd təlazzen-net alwaq wen da.

⁸ Innad-du zallat ibdad, ijawankat. Iddew dər-san, əggazan Ehan wa Zəwwəran n Əlḡibada, ijiwankat itaggad fəl tədəwit immâl Məššina.

⁹ Hannayan-tu aytedan kul ijiwankat immâl Məššina.

¹⁰ As din-əgran as, ənta a itaḡamin ḡur əmi n Ahan wa Zəwwəran n Əlḡibada was itawannu: «Imi wa Ihossayan», itânsay, əhagan, isammaklal sər-san awa t-igrawan.

Emel ən Butros i tamattay almaḡna n əzuzəy wa iga y anabdon

¹¹ Iḡla aləs wa itawozozayan da iltâḡ daḡ Butros əd Yaxya. Jiwanke daḡ tarrayt təfâlat as itawannu «ta n Suliman» as sər-san du-tozal tamattay ketnet. Iḡâ awen s aytedan əsəmməkləl labâsan.

¹² As inay Butros awen, inna y aytedan: «Məddan n Israyil, mafel ikna sər-wan awa əsəmməkləl? Təḡâram daḡ-na šittawen, təḡâm daḡ-na asawad n as nakkanay a izzozayan aləs wa əs fərregat-nana nakkanay iman-nana, madəḡ nəzzozay-tu fəl aššaddat ən təksəda-nana Məššina?»

¹³ Əməli n Ibrahim d Isəhaq əd Yaḡub, Əməli ən marawan-nana, ənta a ikfan akli-net Ƴaysa əlxurma. Kawanay iman-nawan a t-igan daḡ fassan, tənkuram-tu dat Bilatəs s ənta ikus-net a otas.

¹⁴ Awalla tənkuram Alḡadil di n Əmizdag, təḡməyam a dawan-d-itəwəkkəs aləs n əməḡḡi ən man.

¹⁵ Təḡam iman ən wa ihakkin təməddurt. Ənta a d-issənkar Məššina daḡ tamattant, nakkanay nəḡḡəyat adi.

¹⁶ Əzəḡzan-nana əs tarna n esəm ən Ƴaysa a ikfan aləs a təhannayam da, təzdâyam-tu šixurad-net. Illikan as əzəḡzan əs Ƴaysa a ikfan aləs di šixurad-net kul dat-wan ketnawan.

¹⁷ Amaran imədrayan-in, əssânaḡ as əljəhəl a daḡ təḡam adi kawanay əd muzaran-nawan.

¹⁸ Mišan əssənət as irəw as imal Məššina daḡ mawan n ənnəbitan kul as Əlməsix ilzâm-tu ad inəy alḡazab, amaran issənda adi əs təməwit tədi da.

¹⁹ Daḡ adi utabat tiksadam Məššina fəl ad iməs ibakkadan-nawan,

²⁰ izəzzəbbət-du fall-awan šiməren ən təsasmit, issuḡəl-du Əlməsix a dawan-isinafran dat alwaq, almaḡna Ƴaysa.

²¹ Ilzâm-tu ad aḡqam daḡ jənnawan har d-asu alwaq wa daḡ z'issuḡəl Məššina arat kul əmmək-net wa azzaran, imâl awen irəw əs mawan n ənnəbitan-net di zaddognen.

²² Awalla a inna ənnəbi Musa: "Məššina, Əməli-nawan a dawan-d-isənnəfiləl iyyan ənnəbi ən šilat-in daḡ mədrayan-nawan amaran ad təsəsəmam y awa dawan-z-annu kul.

²³ Awedan kul wa wər nəbbərdag y ənnəbi wədi, ad itəwəkkəs daḡ tamattay ən Məššina, ihlək."

²⁴ Ənnəbitan kul win hadatnen, a d-ibazan ḡur ənnəbi Saməwel əd win t-əzraynen ketnasan, əmâlan arat wa igan daḡ adan win.

²⁵ Kawanay a imosan iməkkusa n ənnəbitan win den, təkkošem deḡ arkawal ən tassaḡ wa idkal Məššina i marawan-nawan as inna y Ibrahim: "Tawšeten n əddənet kul ad əḡrəwnat albaraka s əssəbab n əzzurrəyya-nak."

²⁶ Kawanay as d-isannafalal Məššina Akli-net Ƴaysa daḡ tizarat, issok-awan-t-id, fəl a kawan-akfu albaraka-net ikkəs akkiyyan daḡ-wan daḡ tarrayt ta n əššur.»

4

Təbadday ən Butros əd Yaxya dat Asəḡḡawar wa Zəwwəran

¹ Harwada iššewal Butros əd Yaxya i tamattay as fall-asan əhan limaman əddewan d əmuzar n aytedan win tagaznen Ehan wa Zəwwəran n Əlḡibada əd Sadusaytan;

² ih-en alham n əsəssəḡri wa taggin tamattay, əmmâlan âs dad zamas Ƴaysa inkar-du daḡ təmattant, wədi inəmməttan da a daḡ-as d ənkaran.

³ Sattarmanan-tan əgan-tan daḡ kasaw har ifaw fəlas ehad a igan.

⁴ Mišan ya əzzəḡzanan aytedan əḡḡotnen daḡ win əslanen i təlxutbat ten, təzzar əḡḡalan məzzəḡzan edag ən səmmos gim n aləs.

⁵ As affaw əmmənanay muzaran ən Kəl-Əlyəhud, d əmḡaran-nasan əd musanan n Əttawret daḡ Yerusalam.

⁶ Ih-en Xânan wa n Əlimam wa Zəwwəran əd Kayif, əd Yaxya d Alaskandər d aytedan n aɣaywan n Əlimam wa Zəwwəran ketnasan.

⁷ Əssəbdadan Butros əd Yaxya gar-essan, əsəstanan-tan ənnan-asan: «Ma ilan tarna madəɣ esəm was təɣam adi?»

⁸ Təzzar inn-asan Butros idkâran Infas wa Zəddigan: «Ya imuzaran ən tamattay-nana d əmɣaran n Israyil,

⁹ azalada nəbdād dat asaggawar wa fəlas nəɣa əmazal olâɣan imosan tilalt y awedan ibdânan, amaran ilzâm-ana ad nəməl əmmək was itawozozay.

¹⁰ Əssənət za ketnawan, kawanay d aytedan n Israyil kul as, aləs wa ibddadan dat-wan da wər ila malad waliyyan, tarna n esəm ən Ƴaysa Əlməsix wa n Nazaret a t-izzozayan, wa tətəytayam fəl təgəttawt, issənkər-t-idu Məşşina dəɣ təmattant.

¹¹ Ƴaysa, ənta a imosan "təhunt ta din-təgaram kawanay win makrasan, amaran ənta a təqqalat təhunt ta təkbalat ehan."

¹² Ənta ɣas a iɣallasan, amaran wər ikfa Məşşina gər jənnawan d amaɣal esəm n awedan iyyan was za nəɣləs ar wa-net.»

¹³ As ənayan taholat ən Butros əd Yaxya awal isammaklal sər-san awen fəlas əgran as aljahilan a əmosan, əssânan dəɣ as aytedan a əmosan as kala tiddawan əd Ƴaysa,

¹⁴ mişan wər t-illa as əfrâɣan a dasan-t-annin fəlas hannayan aləs wa itawozozayan ibdād den ɣur-san.

¹⁵ Təzzar əkkasan-tan dəɣ ahan wa dəɣ immənay asaggawar, amaran ad tinəməggin şinaden.

¹⁶ Gannin: «Ma za nagu y aytedan a? Illikan as ənâyan Kəl-Yerusalām kul təlməɣjujat zəwwərat ta əgan, amaran wər nəfreg əsəbbəhəw-net.

¹⁷ Mişan ya fəl ad wər wəziwəzan salan n awen dəɣ tamattay kul, dəɣ adi agiwatana y-asan şisəksədawen fəl a du-wər-ələsan adakal n esəm ən Ƴaysa dat awedan waliyyan.»

¹⁸ Təzzar sassaɣran-tan-du, ərɣaman-asan fəl a du-wər-ələsan adakal n esəm ən Ƴaysa wala dəɣ əsəssəɣri n arat a t-iqqalan.

¹⁹ Mişan inn-asan Butros əd Yaxya: «Kawanay iman-nawan ma tənnam: Məni dəɣ aratan win wa oɣadan dat Məşşina: awak əbərdəɣ y-awan mēɣ əbərdəɣ i Məşşina?

²⁰ Nakkanay za, wər nəfreg ad nayyu emel n aratan win nənəy əd win as nəsla.»

²¹ İlas-asan asaggawar igi n təsəksədawen, amaran oyyan-tan, id wər əgrewan əsarı fəl tan-əwwəddaban. Əgân awen fəl əddəlil n aytedan, fəlas aytedan en ketnasan taggin i Məşşina təmmalen fəl awa igan den.

²² Ənta aləs wa igan təməzzəyt təmosat təlməɣjujat ten, elan-net ogaran əkkozat təmərwən n awatay.

Şiwatriwen ən məzzəɣzan əs Ƴaysa a dasan-olaman fəl man

²³ İtawayya Butros əd Yaxya ɣas, əkkan imidawan-nasan, əssoɣalan-asan awa dasan-ənnan muzaran ən limaman d əmɣaran ən Kəl-İlyəhud.

²⁴ As əslan i salan win, jajjəyən dəɣ təwatray ta, s əwəl iyyanda, ənnan s afalla: «Ya Əməli, kay a d-ixlakan ijənnawan d amaɣal, əd gərwan d awa tan-ihan kul,

²⁵ kay a innan əs tarna n Infas wa Zəddigan s əmi n amaraw-nana akli-nak Dawəd: "Mafel ɣışaşatnat addawlaten n əddənət, tagginat təməttiwen şinaden wər nənfa wala?

²⁶ Əbdadan mənokalan n əddənət, əddəwan dəɣ muzaran dəɣ adag iyyanda, fəl ad ammaddin Əməli d Əlməsix-net."

²⁷ İd illikan as, aɣrəm wa da, a dəɣ immənay Herod əd Fons Bilatəs əntanay əd təməttiwen şin nəzzulam əd şin Israyil, əmməddan Ƴaysa, imosan Akli-nak zəddigan, wa təgeɣ Əlməsix.

²⁸ İmos awen igi n arat ketnet was təxtasa fəl igi-net dat alwaq əs tarna-nak əd taran-ak.

²⁹ Amaran əmərədda Əməli, əswəd dəɣ təsəksədawen şin dana-taggin, təzzar təssəhələɣ-ana wəllən nakkanay an eklan-nak emel n awal-nak,

³⁰ tilalay-ana əs tarna n əfus-nak fəl ad nəzzuzəy aytedan, nagu təlməɣjujaten d aratan əmosnen alɣalamaten s esəm ən Ƴaysa, Akli-nak Zəddigan.»

³¹ As əyradan təwatray-nasan inagaynagay adag wa dəɣ əddəwan, idnay-tan Infas wa Zəddigan ketnasan, təzzar ad əmmâlan awal ən Məşşina şı wala tasa.

Tartəyt ta əgan məzzəɣzan

³² Əljəməɣat ta n məzzəɣzan ketnet tənimmənak təmos arat iyyanda. Wər tan-iha i igannin awa ila, i-net ɣas-net, kalar ədrâwan arat kul wa əlan.

³³ Tagayyen nəmmuzal əs tarna zəwwərat fəl tanakra n Əməli Ƴaysa dəɣ təmattant, ikf-en dəɣ Məşşina ketnasan arraxmat-net s igət.

³⁴ Əljəməxat ən wər tat-iha i iddiraran əs wala, fəlas win dağ-san əlanen inan madey şiwəgas zanzan-tan-in, tawayan-du attaman-nasan,

³⁵ hakkin-tu i nəmmuzal, amaran itəwizən gər məzzəgzan ewālan dəgran-nasan s awa dər ogdanat təməxutar-nasan.

³⁶ Awen da a iga ələs iyyan igān Yusəf imosan iyyan dağ Kəl-Lebi n akal ən Qibrus. Ənta əs əgan nəmmuzal təsəmmadəq Barnabas, almaxna «Ənalam fəl man»

³⁷ İzzənz-in tawagost təhat təla-net, eway-du attaman-net ikf-ay i nəmmuzal.

5

Bahu wa iga Ananəyās əd Safira

¹ İll-ay ələs iyyan igān esəm Ananəyās a din-izzinzan, ənta əd təntut-net Safira, tawagost-net,

² təzzar inamarda əd təntut-net fəl a din-ittəf arat dağ əzrəf wa din-tənza, eway-du awa hadan, ikf-ay i nəmmuzal.

³ Inn-as Butros: «Ananəyās, mafel əs toyyeş Aşşaytan iga y əwəl-nak iguz ogdān d awa, ewad dağ-ak ad taga y İnfəs wa Zəddigan bahu s iduf wa din-təgeş arat dağ əzrəf wa din-tənza tawagost-nak?»

⁴ Harwa tat-in-wər-təzzənza, wərgəş təla-nak a təha? As tat-in-təzzənza deş, wərgəş əzrəf wa tat-in-təzzənza kay a ittəfan tanat-net? Dağ adi, mafel təsəmarkasa dağ əwəl-nak igi n əməzal ogdān d awa? Wərgəş aytedan əs təgeş bahu, kalar Məşşina əs tu-təgeş.»

⁵ As isla Ananəyās i batu ten, ifataqqat, əgmadan-tu man. Təggaz tasa zəwwərat aytedan kul win əslanən awen.

⁶ Təzzar osan-t-idu meddan ən mawadan, əgan-tu dağ şifit, əqlan dər-əs ənbəlan-t-in.

⁷ Edag ən karadat əssaşaten dəffər awen, tosa-du təntut n Ananəyās, wər təssen fəl awa igan.

⁸ İssəstan-tat Butros, inn-as: «Safira, əməl-i, awak tawagost-nawan əzrəf wa tat-in-təzzənzam, ənta da da ketnet?» Tənn-as: «Awalla, ənta əddi da.»

⁹ Təzzar inn-as Butros: «Mənəmmək əs tənəmännakam fəl igi ən tərəmt y İnfəs wa Zəddigan? Səsəm, meddan win din-ənbələn ələs-nam əllān dat əmi n ahan; a kam-awəyan kam da.»

¹⁰ Təfataqqat tamazayt ten da şur daran ən Butros, əgmadan-tat man. Əggazan-du meddan winad ən məwadan a, osan-tat-du wər tədder, ewayan-tat ənbəlan-tat-in dəgma n ələs-net.

¹¹ Eway-du awen əs təggaz tasa labəsət İlkənīsət ketnet d aytedan kul win əslanən awen.

Inəmmuzal dat Asəggawar wa Zəwwəran

¹² Taggin nəmmuzal təlməşxujatən əgğotnən əmosnən əlxalamaten d aratan əgğotnən simaklənən dağ aytedan. Təmanayan faw məzzəgzan əs Şaysa ketnasən, daw tafala n Ahan wa Zəwwəran n Əlxibada tas itawannu «ta n Suliman».

¹³ Əssişmaran-tan aytedan mişan wər-t-illa i ihalan a tan-in-ihaz.

¹⁴ Dər iga awen da ya, tittəyan s aytedan əknənən igət əgānən dağ meddan əd tədoden win zagzannən s Əməli.

¹⁵ Har əs, tamawayan-du miranan tawasənsin dağ təssatən madeş şisalaten fəl əfay ən tarrayən ən Yerusalam, fəl a din-tawəd kuddeş təlay ən Butros wiyyad dağ-san əs d-illam den.

¹⁶ Təzalan-du deş aytedan əknənən igət ən şərman win əhoznen Yerusalam, əs Yerusalam ewāyan imiranan-nasan d aytedan-nasan win əssəranən kələsuf. Ketnasən deş tiwəzuzəyan.

¹⁷ Əggaznat təsmiten labəsən Əlimam wa Zəwwəran ənta d aytedan kul win təximit-net, ən taggayt ta n Sadusaytan,

¹⁸ təzzar ənkəran səttarmasən inəmmuzal əgan-tan dağ kasaw dat əwedən kul.

¹⁹ Mişan əsa-du əngalos n Əməli əhad, əlam şisəhar ən kasaw, ikkas-tan-du, inn-asan:

²⁰ «Akkiwat Ehan wa Zəwwəran n Əlxibada, təməlam y aytedan isalan kul win təməddurt ta taynayət.»

²¹ Əgan nəmmuzal awa dasan-itawannən, ənzayan s Ahan wa Zəwwəran n Əlxibada, a dağ-əs sasaxrin aytedan.

As d-əsa Əlimam wa Zəwwəran ənta d aytedan win təximit-net, səsaxran-du Asəggawar wa Zəwwəran əlməşxna işmarən kul win əmosnən şiggətawən ən Kəl-İsrayil, amaran əssəgmayən inəmmuzal əs kasaw.

²² Osan-in maššaxalan win tan-ağmaynen ehan ən kasaw, mišan wər tan-in-ogezan daχ kasaw, təzzar əqqalan əgan isalan,

²³ ənnan: «Nos-in kasaw ketnet itimantammat, əbdādan sojitan win t-ogaznen dat mawan-net, mišan as nolam təsəhərt ən kasaw, wər daχ-as in-nosa awedan waliyyan.»

²⁴ As isla kabtan ən sojitan win tagaznen Ehan wa Zəwwəran n Əlχibada, əd muzaran ən limaman i salan win den, əqqanan χafawan-nasan, ad samadrnan daχ awa z'iqqəl awen.

²⁵ Əhān ten da as tan-d-osa awedan, inn-asan: «Səsəmat! Meddan win təgam daχ kasaw, əbdādan daχ Ahan wa Zəwwəran n Əlχibada, sasaχrin daχ-as tamattay.»

²⁶ Təzzar igla kabtan alwaq wen da iddēw əd sojitan-net əbazan-du inəmmuzal, mišan wər tan-ədesan fəlas əksudan a sər-san du-təggəd tamattay əntanay en da, tanχ-en əs zabaw ən təgur.

²⁷ As tan-d-ewayan, zazzakken-tan dat Asaggawar wa Zəwwəran, təzzar issəstan-tan Əliman wa Zəwwəran,

²⁸ inn-asan: «Wərgəχ nərχām-awan wəllen fəl a imosan əsəssəχri n awedan waliyyan daχ batu n esəm di? Mišan ənəyat awa təgam! Təzawwazawazam daχ Yerusalam ketnet əsəssəχri-nawan, tərām a dana-təssəwaram tamattant n aləs di.»

²⁹ Inn-asan Butros əd nəmmuzal win hadatnen: «Məššina as danaχ-ilzam a das-nabbardag, wərgəχ aytedan!

³⁰ Məššina, Əməli ən marawan-nana a d-issənkaran Yaysa was təgam iman-net s ətəytəy wa tu-təgam fəl təgəttawt.

³¹ Ənta a da, a idkal Məššina ig-ay daχ əχil-net, ig-ay Əmuzar d Əmaχlas y ad igrəw i Kəl-İsrayil tarrayt ən tətubt, əgrəwan təsureft ən bakkadan-nasan.

³² Nəmos šigəyyawen n awen, nakkanay d Infas wa Zəddigan ihakku Məššina y aytedan win əlkamnen i tara-net.»

³³ As əslan muzaran n Asaggawar wen i batu ten, iggaz-tan alham labasan, əran a daχ-san əkkasan iman.

³⁴ Mišan ibdad iyyan daχ-san ən taggayt ta n Farisaytan igān esəm Gamaləyel imosan əmusan zəwwəran n Əttəwret, əssiχmaran aytedan kul, omar s ad təwəkkəsən nəmmuzal daχ ahan wa daχ iga əmənəy har din-agin arat n amazay,

³⁵ amaran inn-asan: «Kəl-İsrayil, ənkədat y a was tərām a tu-tagim i meddan en.

³⁶ Wər irəw adi as d-inkar aləs igān Tedas inna ənta imos arat, təzzar əlkaman-as meddan ewādnen əkkozat təmad n aləs. Ənta za iman-net itawənχa kərəz, meddan win das-əlkamnen wazawazan, ibənnan awen ketnet.

³⁷ Dəffər-əs, daχ əzzaman win tuddat, inkar-du iyyan aləs igān esəm Yahuza wa n Galilaya, isaffallag aytedan aggotnen, əlkaman-as. Ənta da za, itawənχa kərəz, təzzar wazawazan aytedan kul win das-əlkamnen.

³⁸ Daχ adi daχ talχa ta, ənnəsixa wa dawan-z-aga: Əgmədat batu ən meddan en, tayyim-tan ad aglin; fəlas kud arat wa ənnəyən madeχ wa taggin wər imos ar arat ərān aytedan a, wədi ad ibərəjjət.

³⁹ Mišan kud arat a imos as Məššina a t-iran, wədi wər təfregam əzərəz-nasan. Ənkədat, a din-wər-tagrim iman-nawan təmosam əllid ən Məššina.» Təzzar əttafan ənnəsixa-net.

⁴⁰ Sassaχran-du inəmmuzal, sassagan-asan šiwwit labasnen s ələkkud. Dəffər awen ərχaman-asan fəl a du-wər-ələsan adakal n esəm ən Yaysa, amaran oyyan-tan.

⁴¹ Əfalan nəmmuzal ehan wa daχ itamanay Asaggawar wa Zəwwəran, əknān tədəwit id Məššina a tan-issəharan d ad tawasaknin məlka fəl əddəlil ən Yaysa.

⁴² Akk əzəl, gər za daχ Ahan wa Zəwwəran n Əlχibada wala deχ daχ nan n aytedan, wər kala əmməzzayan d əsəssəχri d igi ən salan n Əlinjil a tan-imosan əs Yaysa ənta a imosan Əlməsix.

6

Əssa meddan win tawasanafrannen y ad ilalan i nəmmuzal

¹ Azzaman en, inalkiman ən Yaysa tittəyan wəllen. Eway-du awen as gatantanan Kəl-Əlyəhud win əššəwalnen təlyunant fəl Kəl-Əlyəhud win əššəwalnen təlyibrit fəlas wər tətawagga masnat toləχat daχ tədoden-nasan šin as aba meddan-nasnat χur təzunt ta tawaggin mensewan akk əzəl.

² Adi a fəl sassagan nəmmuzal win maraw d əššin əmənəy təha əljəməχat ən nalkiman ən Yaysa kul, ənnan-asan: «Wər ihor ad nayyu emel n awal ən Məššina fəl ad nannataf əd təzunt ən mensewan.

³ Dağ adi imədrayan-nana, sənnəfrənat dağ-wan əssa meddan as təga masnat fəl əlluy-nasan, idkâr-tan Infas wa Zəddigan, əmosan imusanan, a tan-nəsənnəttəf d əşşəxəl wədi.

⁴ Nakkanay amaran nəgməd s igi ən təwatriwen d əşşəxəl wa n amel n awal ən Məşşina ɣas.»

⁵ Tanat ten, toggam-tat aljamaɣat ketnet. Təzzar sannafranan Əstefanos imosan aləs izzigzanan wəllen, idkâr-tu deɣ Infas wa Zəddigan, əd Filibus əd Frukurus əd Nikanor əd Timun əd Barmenas əd Nikolayos wa n əɣrəm n Antəyoxəya as kala-net əddin wa n Kəl-Əlyəhud a iha.

⁶ Təzzar əssəbdadan-tan dat nəmmuzal, əssəwaran-tan nəmmuzal ifassan, əttəran-asan.

⁷ Ad itəyttəy ətəwəsəɣmar wa itawaggan y awal ən Məşşina. Təzzar əttəyan nalkiman ən ɣaysa wəllen daɣ Yerusalem, fadda əhdan-du limaman ən Kəl-Əlyəhud aggotnen əs ɣaysa, əzzəgzanan as Əlməsix a imos, əlkaman y awas omar.

İtərməs n Əstefanos

⁸ Əstefanos aləs a imos iknân agaraw n arraxmat əd tarna ən Məşşina. Itamazal dat aytedan aratan simaklalnən əd təlməxjujaten əmosnən alɣalamaten zawwarnən.

⁹ Təzzar ənkarən-du aytedan wiyyad n ahan n əlɣibada ən Kəl-Əlyəhud was itawannu «wa n Dərfan» əs wiyyad daɣ-san Kəl-Əlyəhud ən Qərwan, wiyyad in əɣrəm n Alaskandrəya, wiyyad in akal wa n Kilikəya əd wa n Asəya, ad tamazaɣan d Əstefanos.

¹⁰ Mişan wər t-illa a dər din-əkkân masnat ta t-ikfa Infas wa Zəddigan.

¹¹ Təzzar ərzaman i meddan wiyyad daɣ əssir fəl ad əssəwaran Əstefanos bahu, annin: «Nəsl-əs itaggu batuten əmosnən ikus ən tarna i Məşşina, əmosnat deɣ iba n safran ən ənəbbi Musa.»

¹² Əgan s awen alham daɣ tamattay əd muzaran ən Kəl-Əlyəhud əd musanan n Əttəwret. Wər isla Əstefanos wala as t-id-osan aytedan, əbazan-tu. Ewayan-tu s Asaggawar wa Zəwwəran ən Kəl-Əlyəhud.

¹³ Təzzar əssəbdadan şigəyyawən ən bahu, ənnanat: «Aləs wa, wər itəməzzəy d abayak n ahan wa zəddigan [wa] d Əttəwret.

¹⁴ Igməd əşşak as nəsl-əs as inna, ilkâm ad ijəbbərəjjet ɣaysa di ən Nazaret di ehan wa, isəmməttəy alɣadaten şin dana-d-oyya Ənnəbi Musa.»

¹⁵ Əgaran aytedan ketnasan win asaggawar şittawən daɣ Əstefanos, iqqal sər-san udəm-net zun in angalos.

7

Təlɣutbat n Əstefanos dat Asaggawar wa Zəwwəran

¹ Təzzar issəstan Əlimam wa Zəwwəran Əstefanos, inn-as: «Awak aratan win tidət?»

² Inna Əstefanos: «Kawanay imədrayan-in d abbatan-in, səsəmat-i! Məşşina di n əməli ən tanəya, ənta as kala a d-inafalal y amaraw-nana İbrahim harwa iha akal wa n Mezobotaməya, dat təməxsurt-net daɣ akal wa n Xaran.

³ Inn-as: "*Əgməd akal-nak əd marwan-nak, takkaɣ akal wa kay-z-əsakna.*"

⁴ Təzzar igmad İbrahim akal wa n Kasdaytan, ixsar daɣ wa n Xaran. Dəffər iba n abba-net a t-id-isaggalat Məşşina s akal wa da daɣ təxsaram da azalada.

⁵ Akal wa, wər daɣ-as ikfa Məşşina İbrahim edag as z'iggəzan təkəsət-net, wala ɣas edag daɣ issənsa adar-net, mişan idkal-as Məşşina arkawal n a *das-t-akfu ənta d əzzurrəyya-net*, kuddeɣ as alwaq wen, wər ila İbrahim ara waliyyan.

⁶ Ənta da awa inna Məşşina: "*Thəyawan-nak ad əxsəran daɣ akal a daɣ əmosan iyərab, əqqəlan daɣ-as eklan, ad tawazayazzaban har aɣin əkkozat təmad n awatay.*"

⁷ Mişan addawlat ta *tan-təgat eklan, nak iman-in a tat-z-abəzan s əşşəriɣa, dəffər adi, əkkəsəq-qan-du daɣ-as, əɣbədən-i daɣ adag wa da.*"

⁸ Təzzar inamagga Məşşina d İbrahim arkawal ən tassaɣ s ənta as imos əmənəkəd əjwal-net. Adi a fəlas, as ihəw barar-net İsəhaq isammankad-tu əzəl wa n əttam dəffər təhəwt-net. Iga İşəhaq awən da i barar-net Yaquub, Yaquub deɣ iga awən da i bararan-net əmosnən maraw d əşşin, win əmosnən aljadan-nana.

⁹ Ənkarən meddan win əmosnən aljadan-nana əmmənəzəɣan amadray-nasan Yusəf, təzzar əzzənzən-t-in, immeway s akal ən Masar; mişan issan daɣ-as Məşşina.

¹⁰ İkkas-t-idu Məşşina daɣ təməxutar kul şin iggaz. İkf-ay masnat, d udəm ɣur Firɣawna wa n əmənokal ən Masar, har as ig-ay Firɣawna daw-əs, izzozar-tu y akal ən Masar d aɣaywan-net ketnet.

¹¹ Dəffər awən, iga laz daɣ akal ən Masar ketnet, ənta əd wa n Kanan. Ad təyazzaban aytedan wəllen, aba i meddan win əmosnən aljadan-nana a ətşan.

¹² As isla Yaqub as Masar təh-et təbzəst, izammazal sər-əs meddan win dana-sahhayawnen, imos awen iki-nasan y-as wa azzaran.

¹³ Yur iki-nasan Masar wa n əşšin, ad izzəzday Yusəf iman-net i mədrayan-net, əggazan dəy salan Firxawna n aḡaywan wa d-igmad Yusəf.

¹⁴ Issəgmay Yusəf abba-net Yaqub əd marwan-net kul, əmosan əssayat təmərwen n awedan əd səmmos.

¹⁵ Təzzar iras Yaqub akal ən Masar, s ənta a daḡ t-aba, aba daḡ-as dəy imarawan-nana.

¹⁶ Əmmewaynat təḡəswen-nasan s əḡrəm ən Şəkem, tawanbalnat daḡ əzəkka wa izzənza İbrahim azrəf wa ibalalaxan xur maddanəs ən Xamor daḡ Şəkem, y ad iqqəl tanbəl-t-net.

¹⁷ As d-ihoz alwaq wa daḡ z'assandu Məşşina arkawal wa fəl ihad y İbrahim, tamattay-nana tətəy, təmôs taxlək tagget daḡ Masar,

¹⁸ har "iggaz iyyan əmənokal wər nəssen fəl Yusəf taxmar [ən Masar]."

¹⁹ İkkərras kəl-tamet-nana, iga i marawan[-nana] əzəḡəzzəb labâsan har âs işahhaşşal-tan a din-tayyin bararan-nasan win əs səkət əhəwan daḡ əsuf fəl ad wər əddəran.

²⁰ Azzaman en da a daḡ ihəw Musa, imos barar ihossayan, igrâwan arraxmat ən Məşşina. Əttafan-tu marwan-net daḡ ahan-nasan har iga karadat təlil.

²¹ Oyyan-t-in marwan-net xas fəl afay n Ənnil, tənay-tu tabarart ən Firxawna, tədkal-tu təg-ay barar-net, təg-as əsədwəl wa za tagu i barar ən tədist-net.

²² Itawasasayru Musa masnat kul ta n Kəl-Masar, iqqal aləs ilân tənna daḡ awa igannu d awa itaggu.

²³ As iga əkkozat təmərwen n awatay əd təhəwt, iggaz-t-id a din-asu imədrayan-net Kəl-İsrayil inəy awa dər t-əllan.

²⁴ Inay iyyan daḡ-san tawagginat-as tarşəxşad, oḡ-as şinaxen, iga iman n aw Masar wa das-itaggin ark aratan.

²⁵ İxil ad agrin mədrayan-net Kəl-İsrayil as Məşşina a t-id-izammazalan sər-san fəl a tan-assafsu, mişan wər əgren awen.

²⁶ Əzəl wa ilkaman i wen, osa-du əşşin daḡ-san əknâsan. İgmay d a tan-aknu, nəməggin alxer, inn-asan: "Meddan, kawanay əmosnən imədrayan, mafel as tətinəmənxiim?"

²⁷ Mişan ibdaq-q-in aləs wa itaggin tarşəxşad y əmidi-net, inn-as: "Ma kay-igan əmuzar-nana wala əmaşray-nana?"

²⁸ Əngəm a tarex a di-taga tenaxay ta təgey y aw Masar wa n əndazəl?"

²⁹ İsla Musa i batu ten xas, təggaz-tu tasa, igmad Masar ilxas daḡ akal wa n Midəyan, iqqal daḡ-as əḡərib, izlaf daḡ-as igraw əşşin bararan.

³⁰ As əganat əkkozat təmərwen n awatay dəffər awen, "inafalal-as-du angalos day təfsəq təbilaglagat day taneray xur ədḡax" wa n Sinay.

³¹ İsammaklal əs Musa arat wa das-d-inafalal den. İtihaz-in za tafsəq fəl ad annafly day awen, as isla y əməsli n Əməli Məşşina as das-inna:

³² "Nak a imosan Məşşina ən marawan-nak, Əməli n İbrahim, d İsaḡaq əd Yaqub." Təndaw taysəst Musa ab'as ihal ad iləs asawad daḡ təfsəq en.

³³ Inn-as dəy Əməli: "İkkəs iḡatemən-nak, fəlas edag wa daḡ təbdadax əddi amaḡal zəddigan a imos.

³⁴ İḡḡəyyanax aḡxazab wa tətaggu tamattay-nin daḡ Masar; əsləy dəy i hərərrəkitan-nasan. Əzzəbbe-du fəl a tan-assafsa. Əmərədda ihaz-du, a kay-zəmmizəla əs Masar."

³⁵ Musa wen da, a ənkurən əs tənna ta das-əgan: "Ma kay-igan əmuzar-nana wala əmaşray-nana?" İnta en da za, a d-izammazal Məşşina y ad izar i Kəl-İsrayil, isəddərfət-tan, əs tarna n angalos wa das-d-inafalalan daḡ təfsəq.

³⁶ İnta en da, a tan-d-ikkasan daḡ Masar s aratan simaklalnen win itaggu əd təlməxjujaten əmosnən aḡalamaten ən tarna ən Məşşina. Iga aratan wiyad simaklalnen əd təlməxjujaten əmosnən aḡalamaten xur aradaḡ wa əgan daḡ Agaraw was itawannu wa Zaggaḡan, igla itaggu awen da daḡ taneray har iga əkkozat təmərwen n awatay.

³⁷ Musa en da, a innan i Kəl-İsrayil: "İlkâm a sər-wan d-izəmmizəl Məşşina ənnəbi iyyan ən şilat-in, a kawan-du-z-igmədan."

³⁸ As təddew tamattay n İsrayil daḡ taneray ən Sinay, ənta en da a ibdadən gər marawan-nana win den d angalos wa das-işşewalan fəl ədḡax wa n Sinay, təzzar ikf-ay Məşşina awalan hakkinen təməddurt y a dana-tan-imal.

³⁹ Mişan uḡayan marawan-nana s ad əlkəman y awa inna Musa, uḡayan sər-əs, saddaranan ad əqqəlan Masar.

⁴⁰ Ənnan i Harun: "Ag-ana imalan a z'əməlne dat-na, fəlas Musa wa dana-d-ikkasan dağ akal ən Masar da, wər nəssen awa dağ-as in-igan."

⁴¹ Adan en da a dağ əgan əssənəm igân təməwit a n abarkaw, əkatan fall-as. Isidawat-tan wəllen arat wa əgan əs fassan-nasan.

⁴² Təzzar inamaggag dər-san Məşşina, oyy-en əd man-nasan, əğbadan təfuk əd təllit d etran, imos awen arat ənnân Elkəttaban, əs ənnan: "Ya Kəl-İsrayil, awak nak as tətəggim şizəgzam əd təkutawen dağ əkkozat təmərwen n awatay şin təgam dağ tənəray?"

⁴³ Wərgəy ahaket n əssənəm wa igan Molox a tewayam, əd şaşşelan n ətri wa igan Rəmfan wa n əssənəm-nawan, əmosnen əssənəman win təgam" fəl a tan-təğbədəm! "Adi fəl kawan-z-əstəya har takəyam" Babəylon.

⁴⁴ Amaran imarawan-nana win d-ikkas Məşşina dağ Masar əggazan tənəray, ələn əhaket wa n əmənəy əd Məşşina, was omar Məşşina Musa s ad t-əgu s əmmək wa t-issəkna.

⁴⁵ Ahaket en, iggaz-du əs marawan-nana win dəffər win den, azzaman win dağ dasan-azzar Joswe, ewayan-tu s akal wa əbazan, s ənta a dağ istay Məşşina tawşeten dat-san. İggaz ahaket wen akal en da har azzaman n ənnəbi Dawəd.

⁴⁶ Ənnəbi Dawəd igrâw arraxmat çur Məşşina. Ənta a igmayan dağ Məşşina turagat n ad ikrəs ehan y Əməli ən Yaqub.

⁴⁷ Mişan ənnəbi Suliman a igrawan turagat ten, ikras ehan y Əməli Məşşina.

⁴⁸ Dər iga awen da ya, Məşşina di n Amadkol wər ixser dağ a əkrasan fassan n aytedan. Adi a inna ənnəbi İsayas as inna:

⁴⁹ Inna Əməli Məşşina: "İjənnawan a əmosnen təxawit-in ta n taçmar, amađal wər imos ar arat illan daw daran-in. Dağ adi ma imos əzzənəf n ahan wa di-za-təkrəsəm? Madəy edag wa dağ z'assanfa?"

⁵⁰ Wərgəy əfus-in a d-ixlakan adi kul?"»

⁵¹ Harwa inn-asan Əstefanos: «Ya meddan win əqəssatnen, təxfələm iwallan-nawan, tədbəxam şiməzzugen-nawan wər təzlayam d aytedan wər nəksud Məşşina, faw tugəyam s İnfas wa Zəddigan. Adi da a əgan marawan-nawan.

⁵² Məni dağ ənnəbitan wa wər zaxğazzaban marawan-nawan? Əgan iman ən nəmmuzal ən Məşşina win əməlnen dat alwaq assa ən Wa Oğadan, as kawayay əməradəda a t-ikkəddalan təgam iman-net.

⁵³ Kawayay win d-issoka Məşşina angalosən ewəynən əlqanun-net, mişan tugayam s a das-təlkəmam.»

Tamattant n Əstefanos

⁵⁴ As əslan i batu ten, iggaz-tan alham labasan, ad samadadan fəl alham n Əstefanos.

⁵⁵ Mişan ənta idkəran İnfas wa Zəddigan, idkal asawad-net sa sər jənnawan, inay tanaya ən Məşşina, inay değ Yaysa ibdəd dağ əxil ən Məşşina.

⁵⁶ Təzzar inn-asan: «Ənəyat, ijənnawan ənnolaman! Hannayax Ag Aggadəm ibdəd dağ əxil ən Məşşina.»

⁵⁷ Əslan y awen ças, ad zayyakan ədbəxan şiməzzugen-nasan, əggadan-in ketnasan s Əstefanos, əbazan-tu.

⁵⁸ Əkkasan-tu dağ əğrəm, ad t-əggaran əs təhun. Amaran meddan win fall-as əgəyyatnen, aləs n ammas igân esəm Talut a çur əssənsən ibərnaz-nasan.

⁵⁹ Əggəran Əstefanos əs təhun as ittar inna: «Ya Əməli Yaysa, əqbəl iman-in!»

⁶⁰ Dəffər awen, igaraffat, idkal əməsli-net s afalla, inna: «Ya Əməli, a tan-wər-təssəwarəx abakkad wa!» As inna awen, əgmadan-tu man.

8

¹ Amaran Talut ənta, iha win ərdənən s ətəwənça n Əstefanos.

Təttəyt n Əlkənisat - Şiggəyyawen dağ Yahudəyya əd Samarəya

Ətəwədgaz d əwəziwəz ən məzzəgzan əs Yaysa

Əzəl wen da ad tənta təssust labasat fəl Əlkənisat ta təhat Yerusalam; təzzar wazawazan əlməsixitan ketnasan dağ kallan win Yahudəyya əd Samarəya. Wər d-iqqim dağ Yerusalam ar inəmmuzal.

² Osan-du meddan ən miksadan ən Məşşina, ənbalan-in Əstefanos. İyyəwanan fall-as tala.

³ Talut ənta, issənta dağ əhluk n Əlkənisat. İrzag inan, ilabbay-du dağ-san meddan əd tədoden, iggar-tan dağ kasaw.

Emel ən Filibus isalan win Əlinjil dağ Samarəya

⁴ Amaran iməzzəgzan əs Ҳaysa win təwazawaznen den, ərzagan akal ketnet əmməlan y aytedan isalan win əhanen Əlinjil.

⁵ Awen da a d-ewayan Filibus s əxrəm iyyan n akal ən Samarəya a dağ-as immâl y aytedan isalan n Əlməsix.

⁶ As təsla aljamağat tagget tənimmənakat y awal ən Filibus, tənay deş təlməxjujaten šin itaggu əmosnen ałxalamaten ən tarna ta igrav, təssoxal-in ənnəyat-net aratan win igannu.

⁷ Fəlas aytedan aggotnen a əğmadan kələsuf. As tan-du-gammadan, takkasan imaslan labasnen. Tawazozayan deş nəbdan əd məğgudal aggotnen.

⁸ Eway-du awen tədəwit agget dağ əxrəm en.

⁹ Amaran əxrəm en, ih-ay aləs iyyan n amassaxar igân esəm Simxon itaggin işaxawan simaklalen s aytedan ən Samarəya. Igannu ənta awedan zəwwəran a imos.

¹⁰ Aytedan kul sasaman-as s əlluş, gər za win wər nəla almaqam, wala win t-əlanen, gannin: «Aləs wa, tarna n Əməli təs itawannu ta togarat a imos.»

¹¹ Aytedan win sasaman-as s əlluş, fəlas irəw itagğ-asan işaxawan sər-san simaklalen.

¹² Mišan as əzzəgzanan i Filibus a dasan-imməlan isalan ən təxmar ta n Məşşina əd tarna n esəm ən Ҳaysa Əlməsix, tawasalmağan dağ aman, meddan harkid tədoden.

¹³ İzzəgzan Simxon ənta da, itawasalmağ dağ aman; iltax dağ Filibus. Əqqanənat ałxalamaten ən tarna əd təlməxjujaten zawwarnen šin itaggu Filibus eıaf-net.

¹⁴ As əslan nəmmuzal dağ Yerusalam as Kəl-Samarəya əqbalan awal ən Məşşina, zammazalan sər-san Butros əd Yaxya.

¹⁵ As tan-in-osan, əttaran-asan a fall-asan d-izazzabben Infas wa Zəddigan,

¹⁶ fəlas harwa da wər tan-iha i fəl d-izzibbat, ətəwəsəlməğ xas a tawaggan dağ aman s esəm n Əməli Ҳaysa.

¹⁷ Təzzar a tan-isawar Butros əd Yaxya ifassan-nasan, garrawan Infas wa Zəddigan.

¹⁸ As inay Simxon as, Infas wa Zəddigan əsəwər ən fassan ən nəmmuzal as itawagraw, igmay dağ-san a tan-akfu azrəf, inn-asan:

¹⁹ «Akfiwat-i nak da tarna tədi, tas i əssəwara ifassan-in ad igrəw Infas wa Zəddigan.»

²⁰ Inn-as Butros: «Təhləkəğət kay d əzrəf-nak, zama təxila təfrəğax a tazzanə təhəkkut ən Məşşina.

²¹ Batu ta, wərməd tat-təheş za wala tələş dağ-as tanat fəlas əwəl-nak wər oşed dat Məşşina.

²² Dağ adi utab dağ əşşur-nak, tansəya Məşşina a dak-issurəf ark ənnəyat ta təhat əwəl-nak, kud immikkan adi.

²³ Fəlas hannayax as, əwəl-nak wər idker ar tara n əddənət labasat d iba n aqqad.»

²⁴ Təzzar inn-asan Simxon: «Ansəyat-i Əməli kawanay iman-nawan fəl a di-wər-abəz s awa tənnam.»

²⁵ Butros əd Yaxya win nəmmuzal, as əmalan y aytedan awa əğgəyyen fəl Ҳaysa Əlməsix, əməlan-asan deş awal n Əməli, əqqalan Yerusalam. Əmalan isalan n Əlinjil dağ təxarmaten aggotnen ən Samarəya šin əhanen tarrayt-nasan.

Filibus d aləs iyyan n Etəyofəya

²⁶ Dəffər awen işşewal angalos n Əməli i Filibus, inn-as: «Ənkər tawəya əd tarrayt təkkət agala ta təğmədat Yerusalam tərəs təkka Gaza.» Tarrayt ten, təssuf.

²⁷ İnkar Filibus, igla. İjwiwənat dağ tarrayt as immənəy d aləs n ənazum n akal n Etəyofəya imosan awedan zəwwəran dağ təxmar ən Kandas ta n təmənokalt n Etəyofəya s ənta a innəttəfan d ərrəzəş kul wa n təmənokalt en. Osâ-du Yerusalam fəl a dağ-as ixbəd Məşşina.

²⁸ İqqâl akal-net, iqqım dağ amalankay-net, iğarru əlkəttab n ənnəbi İsayas.

²⁹ İnna Infas wa Zəddigan i Filibus: «İhaz-in amalankay en, təmmudəğax i məşşis»

³⁰ Ozal-in sər-əs Filibus. İsl-as iğarru əlkəttab n ənnəbi İsayas, inn-as: «Awak təğrəş almağna n awa təğarra əddi?»

³¹ Inn-as aləs wən: «Mənəmmək as tu-z-agra, wər t-illa awedan a di-t-iffəssaran?» Təzzar igmay dağ Filibus a d-iwən, aqqam dəğma-net.

³² Edag wa iğarru dağ əlkəttab en, ənta da awa inna: «İttilway zun tilay s adag n agazam, təfastit a itaggu əjağol y aytedan ləzzinen təduft-net a iga, wər d-igmed əlxərəf imi-net.

³³ İtiwasaras, wər das-əgen əşşəriya wa dər ihor. Ma ifragan igi ən salan kul ən həyawan-net, id tətihazaraz təğrəst-net dağ əddənət?»

³⁴ Təzzar issəstan aləs wa n Etəyofəya Filibus, inn-as: «Kay ak əməl-i, was iha ənnəbi šin-net da. Ənta iman-net meḡ awedan iyyan?»

³⁵ İbaz Filibus ḡur batu ten da, imal-as isalan n Əlinjil ən Ƴaysa.

³⁶ Əglân za, as d-osan edag əhân aman, təzzar inna aləs wa n Etəyofəya: «Aman da, ma di-z-igdəlan ad təwəsəlməḡ?»

³⁷ [Inn-as Filibus: «wər t-illa, kud təzzigzana s əwəl iyyanda.» Inn-as aləs wen: «Əzzigzanax as Ƴaysa Əlməsix Barar ən Məššina a imos.»]

³⁸ Omar alwaḡ wen da s ad itəwəsəbdəd amalankay, əzzəbben ənta əd Filibus, əggazan aman, issəlmaq-qu Filibus.

³⁹ Da da Ƴas a d-əgmədan aman, ənta ad idkal İnfəs n Əməli Filibus, ab'as t-ihannay aləs wen, mišan igla daḡ tarrayt-net, ikna tədəwit.

⁴⁰ Filibus ənta, as din-igra iman-net iha aḡrəm n Azot. As t-igmad illil akal en itaggu daḡ ḡərman kul win əhanen tarrayt isalan n Əlinjil har osa aḡrəm ən Qaysaraya.

9

Talut ihdad-du

¹ As itaggu awen, Talut harwada isamahad fəl igi ən man ən nəttulab n Əməli Ƴaysa. İkka Əlimam wa Zəwwəran,

² igmay daḡ-as a das-əgu šira əs nan n əlḡibada ən Kəl-Əlyəhud win əḡrəm ən Damas əmosnən šira a t-əkfanen turagat s as, as igraw aytedan, ḡər za məddan wala šidoden, win əhanen tarrayt ta n Ƴaysa, a tan-ikrəd ilwəy-tan-du əs Yerusaləm.

³ İkkâ za aḡrəm ən Damas, as t-in-ihoz, wər isla a igan as fall-as ibalazzat ənnur a d-igmədan ijənnawan.

⁴ İfataqqat, isla y əməsli wa das-innan: «Talut, Talut mafel as di-təzəḡazzaba?»

⁵ Inn-as Talut: «Ma təmosaḡ, Əməli?» İsla i wa das-innan: «Nak Ƴaysa wa təzəḡazzaba.

⁶ Əbdəd əggəz aḡrəm a dak-attamal awas kay-iwar igi-net.»

⁷ Məddan win əddewnen əd Talut əbdâdan, təgdal-asan tərəmməq awal, sallan y əməsli mišan wər hənnəyan awedan waliyyan.

⁸ İbdad-du Talut, ora šittawen-net, mišan indar-as anay ən wala. Kundaba as əbazan midawan-net əfus-net, əlwayan-tu har dər-əs əggazan Damas.

⁹ Har iga karad adan wər ihənnəy arat, wər itša za wər işwa.

¹⁰ Amaran Damas ih-ət ənalkim ən Ƴaysa igân esəm Ananəyâs. İḡr-ay Əməli daḡ tərḡət inn-as: «Ananəyâs!» İkkəwan-as inn-as: «Nak da, Əməli!»

¹¹ Inn-as Əməli: «Ənkər, təssəwəla əd tarrayt tas itawannu "ta tərḡadat", takkaḡ ehan ən Yahuza, təssəstənəḡ d aləs n əḡrəm ən Tarsa igân esəm Talut, id itansay-i daḡ alwaḡ wa da.

¹² Amaran inay [daḡ tərḡət] aləs igân esəm Ananəyâs as t-id-osa, issəwar-tu ifassan-net fəl a t-id-iqqal asawad-net.»

¹³ Təzzar inn-as Ananəyâs: «Ya Əməli, aytedan aggotnen əḡân-i isalan n aləs di, əd talbast tagget ta issəkna imizdagan-nak win əhanen Yerusaləm.

¹⁴ Da da ilə turagat n abbaz n aytedan kul win tattarnen s esəm-nak, amaran imuzaran ən limaman a t-əkfanen turagat ten.»

¹⁵ Mišan inn-as Əməli: «Aglu, aləs di nak a t-isannafran fəl a di-iməl y aytedan wər nəmos Kəl-Əlyəhud əd mənokalan-nasan, iməl-i deḡ i Kəl-İsrəyil.

¹⁶ Nak iman-in as das-z-əḡəḡ əzəḡḡəzzəb kul wa t-iwaran fəl əddəlil-in.»

¹⁷ Təzzar igla Ananəyâs har din-osa ehan, iggaz-tu, inay Talut, issəwar-tu ifassan-net, inn-as: «Amadray-nin Talut, Əməli Ƴaysa wa dak-inafalalan daḡ tarrayt ta du-təḡəḡ, ənta a di-d-izammazalan fəl a kay-d-iqqəl asawad-nak, idnəy-kay İnfəs wa Zəddigan.»

¹⁸ Tamazayt ten da a daḡ d-ərtakan aratan olanen əd təfərənkawen daḡ šittawen ən Talut, təzzar iqqal-t-id asawad-net. İbdad, itawasalmaḡ daḡ aman.

¹⁹ Dəffər awen itša, əqqalnat-t-idu tərḡurat-net.

Tewaylay ta iga Talut təḡəyya ən Ƴaysa Əlməsix

Talut iha Damas

Iga arat n adan ḡur nalkiman ən Ƴaysa win əhanen Damas.

²⁰ Tarmâd as ikka Talut inan n əlḡibada win Kəl-Əlyəhud a daḡ-san immâl as Ƴaysa Barar ən Məššina a imos.

²¹ İsammaklal awen s aytedan ad gannin: «Ak wərḡəḡ ənta, as kala ibənbəy daḡ aytedan win tattarnen s esəm ən Ƴaysa daḡ Yerusaləm ihallak-kan? Wərḡəḡ wər t-id-eway s əḡrəm wa, ar a tan-abəz, ilwəy-tan əs muzaran ən limaman?»

²² Mišan Talut ənta itisuhit əzəgzan-net. Wər əssenən Kəl-Əlyəhud win Damas a das-ənnan daş əsəkni wa tan-itaggu as Ƴaysa ənta a imosan Əlməsix.

²³ As irəw Talut daş Damas, namaggan Kəl-Əlyəhud eşaf fəl ad agin iman-net,

²⁴ mišan ittəmal-as awen. Ewadan daş tara ən tənəşay-net as das-ənkadan ehad ezal xur mawan n əşrəm.

²⁵ As ahad iyyan, ənkaran nəttulab-net əgan-tu daş əzmam zəwwəran, ərdafan daş-as aşan, zazzabben-tu fəl aganna wa hadan n aşalla wa işlayan aşrəm.

Talut iha Yerusalām

²⁶ As oša Talut Yerusalām, igmay d ad irtəy əd nalkiman ən Ƴaysa, mišan əwafan-tu ketnasan fəlas harwa da wər əzzəgzanan as iyyan daş-san a imos.

²⁷ İbāz-t-idu Barnabas əs man-net, iddew dər-əs əs nəmmuzal, təzzar ig-asan isalan kul n əmmək was inay Talut Əməli Ƴaysa daş tarrayt ən Damas d awal wa das-iga, imal-asan deş igi wa iga isalan n Əməli Ƴaysa daş Damas wər t-illa i as tu-təha tasa-net.

²⁸ Alwaş wədi a dər-san irtay, itidaw dər-san daş Yerusalām. İtaggu isalan n Əməli Ƴaysa ši wala tasa ən waliyyan.

²⁹ İtiməşiwil Talut əd Kəl-Əlyəhud win əşşewalnen təlyunant, itamazax deş dər-san; ad gammayan d igi ən man-net.

³⁰ As əslan mədrayan-net daş əzəgzan awen, əddewan dər-əs wiyyad daş-san s əşrəm ən Qaysarəya, amaran əssokan-tu wa n Tarsa.

Tagadezt ta n Butros iməzzəgzan win Yahudəyya

³¹ Azzaman ən, əgrāwan daş-san nalkiman ən Ƴaysa d Əlkənisaten alxer daş akal kul wa n Yahudəyya əd wa n Galilaya əd wa n Samarəya. İtasahat əzəgzan n Əlkənisaten, tagginat imazalan əssişmarnen Əməli, tittəynat deş əs tilalt n İnfas wa Zəddigan.

Təmməzzəyt n Enəyas

³² İllil za Butros akal ketnet har iras təşrəmt ta n Ludda fəl ad inəy imizdagan win daş-as əxsarnen.

³³ Inay daş-as aləs igān esəm Enəyas, igān əttam elan əd bəddən, wər kala igmad təssut-net.

³⁴ İnn-as Butros: «Enəyas, əbdəd tada təssut-nak, Ƴaysa Əlməsix izzozay-kay.» İbdad Enəyas tamazayt ten da.

³⁵ Ənayan-tu aytedan kul win təşrəmt ən Ludda əd win azawaş wa n Şaron, təzzar əhdan-du s Əməli.

Ətəwəsənkər ən Tabita daş tamattant

³⁶ As itaggu awen aşrəm ən Yaffa təxsār daş-as tənalkimt ən Ƴaysa təgāt esəm Tabita, almaşna n esəm wa daş təlyunant Dorkas, almaşna «Tenert». Wər təgmed ar s igi ən mazalan olaşnen əd təkutawen i maddararan.

³⁷ Adan ən da a daş tərın, aba-tat. Tətawaşarad, tətawasansa daş ahan wa n afalla ən suru.

³⁸ Dad imos as Ludda wər təggug Yaffa, as əslan nalkiman ən Ƴaysa win əhanen Yaffa as Butros iha Ludda, zammazalan sər-əs əşşin meddan fəl ad t-ansəyan a tan-dakku tarməd.

³⁹ İnkər Butros iddew dər-san. As din-osa, ewayan-tu əs suru wa təha təşəssa ən təntut, əkkanat-idu tədoden şin as wər ədderan meddan-nasnat hallinat, sakninat-tu şikadkaden əd əlsa wiyyad a dasnat-təga Dorkas harwa təddār.

⁴⁰ İssərdəş Butros awedan kul, igaraffat ad itattar. As issənda təwatray-net, imalallay-du təşəssa ən təntut ta aba, inna: «Tabita, ənkər-du», təzzar tora şittawen-net, tənay Butros, təqqim-du.

⁴¹ İzzal-as-in əfus-net, illil-as əs tēbadday, amaran işra-du imizdagan əd tədoden şin as wər ədderan meddan-nasnat, issəkn-asan-tat təddār.

⁴² İtawasla awen daş əşrəm ən Yaffa ketnet, təzzar əzzəgzanan aytedan aggotnen s Əməli.

⁴³ İha Butros Yaffa har irəw, illa xur aləs iyyan igān esəm Şimşon as imos əşşəşəl-net əşifəl ən gəşkan.

Əlkənisat əd təgəyya dat aytedan wər nəmos Kəl-Əlyəhud

10

Butros əd Korniləyas

¹ Aşrəm ən Qaysarəya ih-ay aləs iyyan ən Kəl-Ərrum igān esəm Korniləyas, imos iyyan daş kabtanatan win azzarnen y agan ən sojitan was itawannu «İtaləya».

² Imos aləs iksudan Məşşina, ixbâd-tu ənta d aytedan n ahan-net ketnasan, itaggu şikutawen aggotnen i Kəl-Əlyəhud, faw dəx itattar əs Məşşina.

³ As əzəl iyyan xur amaḍal ən karad alwaqan win tazzar, inafalal-as-du angalos ən Məşşina, inay-tu as d-iggaz ehan-net, inn-as: «Korniləyas!»

⁴ Irmaḡ Korniləyas, igar şittawen daḡ angalos, inn-as: «Ya Məşşi, ma tareḡ?» Inn-as angalos: «Şiwatriwen-nak əd təkutawen-nak əggəzzaynat əs Məşşina, iqbâl-tanat.

⁵ Daḡ adi əmərədda, zəmmizəl meddan s əḡrəm ən Yaffa a dak-d-idawan d aləs iyyan igân esəm Simḡon as itawannu Butros,

⁶ inniftayan i Simḡon wa išafalan igəşkan s ehan-net ihâ tagadamayt n agaraw.»

⁷ Ifal-tu angalos wa das-işşewalan ḡas, iḡra-du imaşşaxalan-net əşşin d iyyan daḡ sojitan win išaşḡal imosan awedan iksudan Məşşina,

⁸ issoḡal-asan awa igan kul, amaran izammazal-tan əs Yaffa.

⁹ Əhōzan-in aḡrəm əzəl wa hadan, as iwar Butros afalla ən taḡazamt attayan n ammas n azal fəl ad agu şiwatriwen.

¹⁰ Itattar den da as t-iggaz gələk, isaddaran a itša. Tawaggin-as-du mensewan as tubobaz tarna n Infas wa Zəddigan.

¹¹ Ogga ijənnawan as əmmoran, itawasaras-du daḡ-san arat olân d əfər zəwwəran itiwwattafan s əkkozat təsəlkad-net, har dat-əs imal.

¹² Əhân-tu əzzənəfan ən mudaran kul win jawankatnen fəl amaḍal əd dəmərdəmaran əd gəḍad.

¹³ Təzzar isla y əməsli iyyan as das-inna: «Butros, ənkər, təgzəma, tatša!»

¹⁴ Mişan inn-as Butros: «Kala kala Əməli, id wər kala ad ətşəy a xaraman wala a immidasan.»

¹⁵ Ilas tesalay y əməsli en as inna: «Awa issəxlal Məşşina, wərgəy kay a tu-z-agin i xaraman!»

¹⁶ Har iga əməsli en y awen karadat tənnawen, amaran immədkal əfər en əs jənnawan.

¹⁷ Harwada iqqân awen əḡaf ən Butros, isamadran daḡ awa z'iqqəl almaḡna-net n awa das-d-inafalalan den, as d-əbdadan meddan win d-izammazal Korniləyas daḡ əmi n ahan ən Simḡon, dəffər əs əssistanan əd dad illa.

¹⁸ Əḡran-du məssawəs n ahan, əssəstanan-tan kud den da ad izzəbbat Simḡon was itawannu Butros.

¹⁹ Harwada isamadran Butros daḡ awa z'iqqəl almaḡna n arat wa das-d-inafalalan as [das]-inna Infas wa Zəddigan: «Ənəy! Meddan den karad a dər-ək sastannen.

²⁰ Ad wər təzləyax aytedan, əbdəd, tazzabbəy, tidawa dər-san; id nak a tan-d-izammazalan.»

²¹ Təzzar izzəbbat-du sər-san Butros inn-asan: «Nak da as təsəggadam. Ma imos əddəlil wa kawan-d-ewayan da?»

²² Ənnan-as: «Korniləyas wa n kabtan ən Kəl-Ərrum a dana-d-izammazalan, imosan aləs oḡādan, n əmiksad ən Məşşina, əssiḡmaran-tu Kəl-Əlyəhud ketnasan. Ənta as inafalal angalos zəddigan ən Məşşina omar-tu s a kay-issəgməy, tasaḡ-in ehan-net fəl ad aslu y awa za tanna.»

²³ Amaran izzogaz-tan-du Butros, isammagarat-tan. As affaw, iddew dər-san. Əddewan dər-əs arat daḡ nalkiman ən ḡaysa win n əḡrəm ən Yaffa.

²⁴ As əzəl wa hadan ewadan aḡrəm wa n Qaysarəya. As din-osan da, iqqâl-asan Korniləyas ənta əd marwan-net d aytedan win dər ikna təmmidwa s ənta a tan-d-iḡran.

²⁵ As zama din-iggāz Butros ehan, issəlkad-as-du Korniləyas, igaraffat xur daran-net, issəjad-as.

²⁶ Mişan issəbdad-tu Butros, inn-as: «Əbdəd! Nak əggadəm ḡas a əmosa.»

²⁷ Əggazan ehan mişawalan, os-in daḡ-as Butros aljamaḡat tagget.

²⁸ Təzzar inn-asan: «Təssānam kawanay iman-nawan as issixram əlqanun ən Kəl-Əlyəhud y iyyan daḡ-san tassaḡ madəḡ iguz n ahan n awedan wər nəmos iyyan daḡ Kəl-Əlyəhud. Mişan nak issosan-i Məşşina daḡ as ad wər aḡax y awedan waliyyan iduf n as i xaraman wala immidas.»

²⁹ Adi da fəlas, as di-təssəgməyam, əkkeq-qawan-du əddi da wər əgəy asarəw waliyyan. Amaran əmərədda əməlat-i əddəlil wa fəl di-təssəgməyam.»

³⁰ Inn-as Korniləyas: «Əzəl iyyan tattara daḡ ahan-in, ila adi əmərədda karad adan, wər əsleḡ a igan as dat-i ibdad aləs ilsân isəlsa bilazlaznen.

³¹ Təzzar inn-i: "Korniləyas! Təwatray-nak təqbâl, şikutawen-nak dəx iqbâl-tanat Məşşina.

³² Dağ adi, zəmmizəl əs Yaffa, təssəgməya Simxon was itawannu Butros. Inniftay y aləs igân Simxon wa išafalan igəşkan ihân tagadamayt n agaraw."

³³ Təzzar əssəgməyaq-qay tamazayt tədi da, olâx deş as du-toseş. Amaran əmərədda ketnana nəlla da dat Məşşina, fəl ad nəssəsəm y arat kul was kay-omar Əməli s a danaq-qu-tanna.»

Talxutbat ən Butros daş ahan ən Kornilyas

³⁴ İşşewal Butros inna: «Əmərədda əgreq as, tidət daş a imos as Məşşina wər izlay aytedan.

³⁵ Kalar awedan kul wa t-iksudan, itaggu awa oşadan, awedan wədi, ad t-iqbəl Məşşina, a təqqal tawşet-net.

³⁶ İssoka-du Kəl-İsrayil awal-net imosan isalan n Əlinjil, əmmâlən isalan n alxer wa ihakku Yaysa Əlməsix, ənta wa n Əməli n awedan kul.

³⁷ Təssânam daş awa igan daş akal kul ən Yahudəyya, intâ-du adi daş wa n Galilaya dəffər təlxutbat ta iga Yaxya y aytedan daş batu n alamay daş aman;

³⁸ d əmmək was issəkna Məşşina aytedan as Yaysa wa n Nazaret a issannafran əs tahakkay ta t-iga Infas wa Zəddigan əd tarna. Təssânam deş daş tilalt ta iga akal itamazal əlluş, izuzəy aytedan kul win daş innoda İblis, id tarna ən Məşşina a igraw.

³⁹ Nakkanay inəmmuzal nəggəyat awa iga ketnet daş əşrəm wa n Yerusalam d akal sa hadan wa n Kəl-Əlyəhud. Ənta wa itawataytayan fəl təgəttawt, aba-tu;

⁴⁰ İssənkər-t-idu Məşşina əzəl wa n karad dəffər iba-net, ikf-ay turagat n ad itəwənəy iddâr.

⁴¹ Wərgəş aytedan kul a t-ənaynen, kalar wər t-inay ar şigəyyawen şin isannafran Məşşina harwa dat alwaq, a tanat-imosan nakkanay win dər-əs ədrawnen tettay əd tassay dəffər tanakra ta d-iga daş tamattant.

⁴² Təzzar omar-ana Yaysa s ad nəməl Əlinjil y aytedan, naggəyyat-asan as, ənta da, a isannafran Məşşina ig-ay əmaşraş n id t-illa awedan, gər za win əddarnən wala win aba.

⁴³ Ənta en da as əggəyyen ənnəbitan kul as, i sər-əs izzəgzanan ad igrəw təsureft ən bakkadan-net s esəm-net.»

Agaraw wa əgan aytedan wər nəmos Kəl-Əlyəhud Infas wa Zəddigan

⁴⁴ Harwada işşewal Butros as d-izzəbbat Infas wa Zəddigan fəl aljamaşat ketnet ta təssəsamat i təlxutbat-net.

⁴⁵ İkna awen əsəmməkləl əs nalkiman ən Yaysa win Kəl-Əlyəhud win d-əddewnen əd Butros, əs, wala aytedan win wər nəmos Kəl-Əlyəhud da garrawan s igət təhəkkut ta n Infas wa Zəddigan.

⁴⁶ Fəlas sallan-asan əşşewalan awalan wər nətawazday, əmmâlan adkul ən Məşşina. Təzzar inna Butros:

⁴⁷ «Awak ma z'igdəlan y aytedan əgânen y Infas wa Zəddigan agaraw wa das-nəga ad təwəsəlməşan daş aman?»

⁴⁸ Amaran omar s ad təwəsəlməşan daş aman s esəm ən Yaysa Əlməsix. Dəffər awen əgməyan daş Butros a şur-san agu adan.

11

İsalan win iga Butros dat nalkiman ən Yaysa win Yerusalam

¹ Əslan nəmmuzal əd mədrayan daş əzəgzan win əhanen akal wa n Yahudəyya as, əllân-tu aytedan wər nəmos Kəl-Əlyəhud əzzigzannen əntanay da s awal ən Məşşina.

² Alwaq wad iggəzzay Butros əs Yerusalam, əşşewalan fall-as inalkiman ən Yaysa win Kəl-Əlyəhud win əttafnen alşadat-nasan ta n əmənkəd.

³ Ənnan-as: «Manəmmək as tətəggaza ehan n aytedan wər nəmmənkəd, wala tədarraw dər-san imensewan.»

⁴ Təzzar işsoşal-asan Butros awa igan kul, wa n ənətti, inn-asan:

⁵ «Tattara daş əşrəm ən Yaffa as di-tobaz tarna n Infas wa Zəddigan, inafalal-i arat iyyan. Arat wa, itawasaras-du daş jənnawan, olâ d əfər zəwwəran itiwattafan s əkkozat təsəlkad-net, har dat-i d-imal.

⁶ İswada daş-as, zəggəzdaq-qu, ənayax daş-as eharay, əd təwaqqast əd dəmərdəmaran əd gəqad.

⁷ Təzzar əşləş y əməli wa di-innan: "Butros, ənkər, təgzəma, tatşa!"

⁸ Mişan ənneş-as: "Kala kala Əməli, id imi-nin wər kala t-iggaz arat xaraman wala iyyan immidasan."

⁹ ʔlasa tesalay y əməsli en as inna daɣ jənnawan: "Awa issəxalal Məššina, wərgəɣ kay a tu-z-agin i xaraman!"

¹⁰ Har iga əməsli en y awen karadat tənnawen, amaran itawarkab-in awen ketnet əs jənnawan.

¹¹ Tamazayt ten da a d-əbdadan karad meddan s ahan wa daɣ əssəgana, sər-i d-əmmozaalnen daɣ əxrəm ən Qaysarəya.

¹² Təzzar inn-i Infas wa Zəddigan a dər-san idawa əddi da. Ad wər əzləyaɣ aytedan. ʔddewa dəɣ əd mədrayan-nana sədis win, har nəggaz ehan n aləs wa di-d-issəgməyan.

¹³ Isoɣal-ana əmmək was das-inafalal angalos daɣ ahan-net, ibdad dat-əs inn-as: "Zəmmizəl awedan s əxrəm ən Yaffa y a dak-d-idaw əd Simɣon was itawannu Butros.

¹⁴ A dak-agu amagrad a sər-ək du-z-awəyan efsan kay d aɣaywan-nak ketnet."

¹⁵ Harwada wər əhoga əššewala as fall-asan d-iga Infas wa Zəddigan əzəbbi wa fall-ana d-iga nakkanay daɣ tizarat.

¹⁶ Təzzar əkteɣ-du tənna ta iga ʔməli: "Yaxya, aman a daɣ issəlməɣ aytedan, mišan kawanay, Infas wa Zəddigan a daɣ za tətəwəsəlməɣam."

¹⁷ Daɣ adi, dad zamas ig-asan Məššina təhəkkut zun ta danaɣ-iga as nəzzəgzan s ʔməli ʔaysa ʔlməsix, ma əmosa nak as gaddala i Məššina igi n awa ira?»

¹⁸ As təsla əljaməɣat i salan win, təffəsta, təzzar ad təmmal Məššina təgannu: «Daɣ adi aytedan win wər nəmos Kəl-ʔlyəhud, da issəfrak-kan Məššina ad utaban, əgrəwan təməddurt ta təɣlatat.»

ʔtəməl n ʔlinjil i Kəl-ʔlyəhud daɣ Antəyoxəya ta n Surəya

¹⁹ Inalkiman ən ʔaysa win izawwazawaz aɣzabab wa d-izrayan ətəwənɣa n ʔstefanos, əglan wiyyad har osan akal wa n Fenisəya, wiyyad osan akal imosan gərəwətan as itawannu Qibrus, wiyyad osan aɣrəm wa n Antəyoxəya. ʔmmālan awal ən Məššina, eges i Kəl-ʔlyəhud ɣas.

²⁰ Dər iga awen da ya, wiyyad daɣ-san n akal wa n Qibrus əd wa n Qərwan, as din-osan aɣrəm wa n Antəyoxəya əššewalan y aytedan win wər nəmos Kəl-ʔlyəhud win əššewalnen təlyunant, əmmālan-asan isalan n ʔlinjil n ʔməli ʔaysa.

²¹ Tədhal-tan tarna ən Məššina daɣ awa taggin, təzzar əzzəgzanan aytedan aggotnen əs ʔaysa ʔlməsix, ətuban, əlkaman y ʔməli imosan əmənokəl-nasan.

²² Isalan n awen ewadan-in ʔlkənisat ta təhat Yerusalām, təzzar təzammazal Barnabas s əxrəm n Antəyoxəya.

²³ As din-osa inay arraxmat ən Məššina ta du-təzzəbbet den, iddəwat. Təzzar ig-asan ketnasan ənnəsixa imosan ad əlkəman y ʔməli.

²⁴ ʔnta iman-net Barnabas, aləs olāɣan a imos, itkāran Infas wa Zəddigan, issohat dəɣ əzəgzan-net. ʔzzəgzanan aytedan wiyyad aggotnen s ʔməli ʔaysa.

²⁵ Amaran ikka Barnabas aɣrəm ən Tarsa, isaggad i Talut.

²⁶ As t-igraw, iddew-du dər-əs s Antəyoxəya. ʔgan daɣ-as awatay iɣrādan osāɣan əd nalkiman ən ʔaysa win əhanen ʔlkənisat ten, sasəɣrin aytedan aggotnen. Aɣrəm wen da n Antəyoxəya en a daɣ əssəntan aytedan təɣaray nalkiman ən ʔaysa s esəm wa n «əlməsixitan».

²⁷ Adan en da a daɣ əgmadan ənnəbitan wiyyad Yerusalām, ərasan s əxrəm wa n Antəyoxəya.

²⁸ Ibdad iyyan daɣ-san igān esəm Agabus, imal dat alwaq əs tarna n Infas wa Zəddigan as, ilkām ad agu laz labasan daɣ əddənət ketnet. Laz en da dəɣ osa-du s əmmək was t-iməl daɣ azzaman n əmənokəl Klawdəyus Qaysara.

²⁹ Təzzar namardan nalkiman ən ʔaysa win Antəyoxəya fəl tanat təmosat ad irəg akkiyyan daɣ-san awa ifrag səssiwəyan tadhəlt ta i mədrayan-nasan daɣ əzəgzan win əhanen akal ən Yahudəyia.

³⁰ ʔgan awen da, əgan širgitan-nasan daɣ əfus ən Barnabas əd Talut y a tanat-awəyan i muzaran n ʔlkənisat ta təhat Yahudəyia.

12

Tamattant ən Yaqub d iguz ən Butros kasaw

¹ Azzaman en da a daɣ issənta əmənokəl Herod əzəɣɣəzzəb n arat daɣ aytedan n ʔlkənisat.

² Isassanɣa əs takoba Yaqub wa n amadray ən Yaxya.

³ As inay as oggaman Kəl-ʔlyəhud awen, isattarmas Butros. Itaggu awen adan n əmud wa daɣ tattin aytedan šigəlwen šin wər iha xamira.

⁴ Isassag-ay daɣ kasaw, issəwəq-qu i maraw sojitan əd sədis a tu-tinəməzrəynen s əkkoz əkkoz. Otās a das-išrəɣ dat awedan kul dəffər əmud wa n Akkay.

⁵ A iha Butros kasaw den, Əlkənisat ənta tədgāz wəllen tətansay-as Məşşina.

⁶ As ahad wad z'ifaw isrəx-as Herod, insā Butros gər əşšin sojitan a t-əttāfnen s əşšin sassaran, əbdādan dəx magazan wiyyad dat əmi ən kasaw.

⁷ Wala a ihogan inafalal-du angalos iyyan n Əməli, imalawlaw adag wa dəx insa Butros dəx ammas ən kasaw. Təzzar idas angalos tasaga ən Butros, issənkar-tu inn-as: «Əbdəd tarmād!» Ertakan sassaran win as əkradan fassan-net dəx tamazayt ten.

⁸ Harwa inn-as: «Əzləg isəlsa-nak, təsələx ixtəman-nak.» Iga Butros awen da. «Əmərədda əzləg əbərnuz-nak, təlkəməx-i-du.»

⁹ Igməd-du Butros ilkām y angalos, wər issen as awa itaggu angalos den tidət a imos, ixl targət awen.

¹⁰ Okayan fəl magazan win azzarnen əd win əllanen dənnəg-san, amaran osan-du təsəhərt ən təzoli təswādat sa sər əxrəm. Tənnolam dat-san šin man-net, ərdəxan. Əssəwəlan əd tarrayt iyyat, wala a ihogan ifal-tu angalos.

¹¹ Təzzar iggaz Butros annawalat n əyaf-net, inna: «Əmərədda əkkasəx aşşak dəx-as, Əməli Məşşina a d-izammazalan angalos-net, ikkas-i-du dəx fassan n əmənokəl Herod əd talbast kul tas əran Kəl-Əlyəhud a di-təgrəw.»

¹² Amaran igra təxara-net, ikka ehan ən Maryama ta n anna ən Yaxya was itawannu Markus. Əmmınayan xur-əs aytedan aggotnen tansayan Məşşina.

¹³ İkawkaw imi n aqalla, təgla-du tamaşşaxalt təgāt esəm Yoda y ad təssən awa imos awedan.

¹⁴ As təzday əməsli ən Butros, awa təga dəx tədəwit, edag n a das-tələm, tozal təqqal ammas n ahan, təməl as Butros illa dat əmi n aqalla.

¹⁵ Ənnan-as: «Kam, əmməkəl a təgəx!» Mišan təzazzayyar-asan dəx-as ənta dəx awen. Amaran ənnan-as: «Dəx adi angalos-net adi.»

¹⁶ A əgənnin awen, Butros ənta itakawkaw-asan imi n aqalla. As olaman, ənayan-tu, iga sər-san awen əsəmməkləl labasan.

¹⁷ Isaddagan-asan s əfus-net ad affastin, təzzar imal-asan təməwit kul tas t-id-ikkas Əməli Məşşina dəx kasaw. Inn-asan dəx: «Əmələt adi i Yaqub əd mədrayan-nana win hadatnen.» Amaran ifal-tan, ikka edag iyyan.

¹⁸ As affaw, təga tənajarwayat labasat dəx sojitan; akk iyyan isastan əmidi-net d awa iga Butros.

¹⁹ As t-id-aba y aytedan win as t-issəswad Herod, issəstan sojitan win t-ogaznen, amaran omar s ad tawaxın kərəz. Dəffər awen igmad Herod akal wa n Yahudəyya, izagaday ikka əxrəm ən Qaysarəya y a dəx-as agu tamert.

Iba ən Herod

²⁰ Awen as itaggu, Herod ih-ay alham labasan n aytedan n əxrəm wa n Tir əd wa n Sidon. İdhal-tan Blastus wa n əməşşəwəwər ən Herod, namannakan zammazalan əs Herod almawakkilan-nasan, fəl a dər-əs aknin, fəlas akal-net a du-gammadan sudar-nasan.

²¹ As d-osa əzəl wa itawasanafranan, izlag Herod isəlsa-net win təxmar təzzar iqqim fəl təxawit-net ta n təxmar, amaran işşəwal i tamattay.

²² Ad saxaren aytedan, gənnin: «Əməsli wa in əməli iyyan, wərgəx in awedan!»

²³ Wala a ihogan iwət-tu angalos n Əməli fəlas igi a iga iman-net dəx adag ən Məşşina, wər iga y Əməli adkul wa dər ihor; təzzar ətşanat-tu təwakkawen, aba-tu.

²⁴ Awal ən Məşşina ənta, igla itiwəzəwiz, tigatan aytedan win sər əzzəgzənnen.

²⁵ Amaran Barnabas əd Talut as əxradan əşşəxəl wa tan-d-ewayan s əxrəm ən Yerusalam, əqqalan s as d-əhan, əddəwan əd Yaxya was itawannu Markus.

Şigəyyawen dəx Asəya əd dəx akal ən Kəl-Əlyunan

13

Ətəwəsənnəfrən ən Barnabas əd Talut y ad əşşikəlan

¹ Əlkənisat ta təhat əxrəm n Antəyoxəya əhən-tat ənnəbitan əd məsəssəxra əmosnen Barnabas əd Simxon was itawannu "Akawel" əd Luqəyus wa n akal ən Qərwan əd Manahin wa inamadwəlan d əmənokəl Herod dəx ahan iyyanda amaran əd Talut.

² Əzəl iyyan ad əmmınayan əybādan Əməli əzuman dəx, inn-asan İnfəs wa Zəddigan: «Səwərat-i Barnabas əd Talut aganna fəl ad agin əşşəxəl was tan-d-əxreş.»

³ Əzuman əgan şiwatriwen təzzar, amaran əssəwəran Barnabas əd Talut ifassan-nasan əgan-asan şiwatriwen, dəffər adi əssəglan-tan.

⁴ İssoka İnfəs wa Zəddigan Barnabas əd Talut əxrəm ən Salukəya. Əggazan dəx-as əylal n aman əkkən akal imosan gərətlan as itawannu Qıbrus.

⁵ As osan aɣrəm ən Salamin, ad əmmālan awal ən Məššina daɣ nan n əlyibada win Kəl-Əlyəhud. Iddew dər-san Yaxya was itawannu Markus. Ilil-asan idhāl-tan.

Əmənəy d Eləymas wa n amaššaɣaw daɣ Qibrus

⁶ Ərzağan Qibrus, sannaqqaban-tu har osan aɣrəm ən Bafus. Den da ad əmmənəyan d aləs iyyan ən Kəl-Əlyəhud igān esəm Bar-Ƴaysa n amaššaɣaw, igannin ənta ənnəbi.

⁷ Amaran osāɣ əd Sarjəyus Buləs wa n ənaxkim n akal, imosan awedan ilān əgərri. Issəgmay əmuzar wa Barnabas əd Talut fəlas ikna əsənnəhəl ən tara n ad aslu y awal ən Məššina.

⁸ Mišan inkar Eləymas wa n amaššaɣaw – awen da a imosan almaɣna n esəm-net daɣ təlyunant – iqqal əllid-nasan, ad igammay d ad igdəl y ənaxkim wen əzəgzan.

⁹ Təzzar ijajjanɣal daɣ-as Talut, as itawannu deɣ Buləs, igrāwan s igət Infas wa Zəddigan,

¹⁰ inn-as: «Agg Aššaytan, azangaw n arət kul wa oɣadan. Wər t-illa əzzənəf ən təkərras a kay-wər-nəha, əməkkərrəs n ənallabus a təmosaɣ. Əmmay ad za tammazzaɣ d əgamay n əsəfrəɣ ən tarrayt toɣādat n Əməli Məššina?»

¹¹ Əmərədda ənəy, a fall-ək əssansu Əməli əfus-net, taddarɣala. Ad tagaɣ azzaman wər təlesəɣ anay n ənnur ən təfuk.» Tamazayt ten da a fall-as əganat šiyyay, idalammat fall-as amaɣal, təzzar ad iddāz, igammay i t-ilwayan.

¹² As inay ənaxkim wen awa igan den, izzəgzan. Isiməklal sər-əs əsəssəɣri was isla daɣ batu n Əməli.

Təlxutbat ta iga Buləs daɣ əɣrəm wa n Antəyoxəya wa n Bissidəya

¹³ Iggaz Buləs aɣlal n aman ənta əd midawan-net daɣ Bafus, əkkan aɣrəm ən Bərge ihān akal ən Banfiləya. Den da a dər-san imməzzay Yaxya was itawannu Markus, iqqal Yerusalam.

¹⁴ Əntanay amaran əgmadan Bərge, əkkan aɣrəm n Antəyoxəya wa n akal ən Bissidəya. As iga əzəl wa n təsanfawt, əggazan ehan n əlyibada ən Kəl-Əlyəhud, əqqiman.

¹⁵ As tawayran daggan daɣ Əttəwret d Əlkəttaban win Ənnəbitan sa hadan, ənnan-asan-in muzaran n ahan n əlyibada wen: «Imədrayan-nana, kud təll-ay batu as za təsəssuhet əzəgzan n aytedan, tagim-tat.»

¹⁶ Ibdad Buləs, isaddagan-asan s əfus-net ad affastin, amaran inna: «Məddan win Kəl-İsrayil əd kawanay win miksadan ən Məššina, səsəmat-i!

¹⁷ Məššina di n Əməli ən tamattay ta da n İsrayil a isannafranan imarawan-nana, təzzar issəgat-tan daɣ elan win daɣ əmosan inaftayən daɣ akal ən Masar, dəffər adi ikkas-tan-du daɣ-as əs tarna n əfus-net.

¹⁸ Iga edag n əkkozət təmərwən n awatay, šin əgan daɣ taneray, izizaydar dər-san.

¹⁹ İkf-en as ərzən əssayət tawšeten daɣ akal ən Kanan, ikf-en akal-nasan, iggaz təkasit-nasan.

²⁰ Awen ketnet, edag n əkkozət təmad n awatay əd səmmosat təmərwən a daɣ iga. Dəffər awen a dasan-izuzir əlqalitan taqqalan-asan imənokalan har azzaman n ənnəbi Saməwel.

²¹ Azzaman en da a daɣ əgməyan əmənokəl, təzzar ikf-en Məššina Talut ag Kiš wa n tawšet ta n Benyamin. Iga əkkozət təmərwən n awatay ixkām fall-asan.

²² Dəffər adi ikkas-tu Məššina da taɣmar, iga Dawəd daɣ adag-net s ənta a fəl inna Məššina: "Əgrawa Dawəd ag Yasay, imosan aləs ilkāmān i tara-nin, wa z'ammazalan əs tara-nin ketnet."

²³ İhayawan-net a daɣ d-ikkas Məššina Ƴaysa s ənta a imosan Əməɣlas was iga arkawal-net i Kəl-İsrayil.

²⁴ Dat əssa-net ad iga Yaxya i tamattay n İsrayil ketnet isalan əmosnən ad utaban, təwəsəlməɣan daɣ aman, assaknu adi tətubt-nasan.

²⁵ As ibuk Yaxya y əsəndi n əššəɣəl-net, ad igannu: "Ma təɣilam, ma əmosaɣ? Wər əmosaɣ za awedan was təɣilam. Kala, kala! İlkām-i-du, nak wər əweda wala arra ən suɣan ən ɣateman-net."

²⁶ Imədrayan-in kawanay win hayawan n İbrahim əd kawanay win wər nəmos Kəl-Əlyəhud təksudam Məššina, isalan n əlyillas wa, nakkanay as tan-d-issoka Məššina.

²⁷ Amaran aytedan ən Yerusalam əd muzaran-nasan wər əgren awa imos Ƴaysa, wər əgren deɣ wala daɣ awa ənnan ənnəbitan daɣ Əlkəttaban win tawayrinən akk əzəl wa n təsanfawt daɣ nan n əlyibada, əssəndan awa ənnan ənnəbitan win di s abbaz wa t-əgan s əššəriɣa.

²⁸ Wər əgrewan arət waliyyan a t-issiwaran tamattant, mišan harkid awen, əgməyan daɣ Bilatəs a daɣ-as təwəkkəsən man.

²⁹ As əssəndan arat kul awa fall-as ənnan Əlkəttaban, əkkasan-t-idu fəl təgəttawt, əgan-tu dağ əzəkka.

³⁰ Mişan issənkar-t-idu Məşşina dağ tamattant.

³¹ Iga adan aggotnen itinəfilil y aytedan win dər-əs d-əddawnen dağ akal ən Galilaya əgəzzayyan s əğrəm ən Yerusalam. Əntanay a əmosnen əmərədda şigəyyawen-net çur tamattay n İsrayil.

³² Amaran nakkanay da, nətagg-awan isalan n Əlinjil, əmosnen isalan win as itawagga arkawal-nasan i marawan-nana.

³³ Arkawal wen issənd-anaq-çu Məşşina nakkanay win hayawan-nasan s əsənkər wa d-iga Yaysa s əmmək was iktab dağ təsərnat ta n sanat n Azzabur, as inna dağ salan ən Yaysa: *"Kay Barar-in, əqqalay azalada Abba-nak."*

³⁴ Əsənkər wa t-id-iga Məşşina dağ tamattant, da wər tərka təxəssa-net dağ əzəkka iməl-tu Məşşina dağ Əlkəttaban əs təməwit ta, as inna: *"A kawan-akfa arraxmaten zaəddognen, ətiddanen şin as əgeç arkawal-nasn i Dawəd."*

³⁵ İktab deç as: *"Wər za təyya Əmizdag-nak arku dağ əzəkka."*

³⁶ Dawəd amaran, dəffər as immozal dağ azzaman-net s aratan win ixtas Məşşina, aba-tu, itawanbal dəgma ən marawan-net, tərka təxəssa-net;

³⁷ mişan Yaysa, ənta a d-issənkər Məşşina dağ tamattant, wər tərka təxəssa-net.

³⁸⁻³⁹ Dağ adi imədrayan-in əssənat as təsureft ən bakkadan, təttimeal-awan əs tarrayt-net; amaran i sər-əs izzəgzanan ad igrəw tədarfit dağ aratan kul win as wər ifreg tədarfit dağ-san əs tarrayt ta n ləkkum y əşşəriça wa d-izzəbben fəl ənnəbi Musa.

⁴⁰ Adi a fəl za tənəkədam y a kawan-igrəw awa əmalan ənnəbitan, as ənnan:

⁴¹ *"Ənəyat kawanay win nujaban; səmməkləlat, təhləkam; fəlas ad ammazala arat dağ azzaman-nawan, as kud dawan-iga awedan isalan-net kul da, wər das-za-təzzəgzənam."*

⁴² İgammad Buləs əd Barnabas as dağ-san əgməyan aytedan ad d-ələsan tewaçlay əzəl ən təsanfawt wa d-izayan fəl a dasan-əşşitin dağ igi ən salan win den.

⁴³ As təwəzawəz əljəməçat, əddəwan Kəl-Əlyəhud aggotnen d aytedan wiyyad ad d-əhdənan s əddin wa n Kəl-Əlyəhud əd Buləs əd Barnabas. Maşawalan dər-san, gamməyan dağ-san ad zəzzəwen dağ arraxmat ən Məşşina ta əgrəwan.

⁴⁴ As d-içlay əzəl wa n təsanfawt, təddew-du taşşam n əğrəm ketnet y ad issəsəm y awal n Əməli.

⁴⁵ As ənəyan Kəl-Əlyəhud igət ən tamattay, əggəznat-tan təsmiten labasnen, ad sabahəwan Buləs, rəbbadan-tu.

⁴⁶ Təzzar inn-asan Buləs əd Barnabas wər təha tasa ən wala: «Kawanay a iddəraran s a dawan-attamal awal ən Məşşina əs tizarat, mişan dad zamas tugayam sər-əs, wər təssəharam iman-nawan əd təməddurt ta təçlalət, wədi ad nəmələlləy s aytedan win wər nəmos Kəl-Əlyəhud.

⁴⁷ Fəlas awen da as danəç-omar Əməli Məşşina s əmmək was inna dağ Əlkəttaban as ənnan: *"İgeç-qay ənnur i tawşeten şin wər nəmos Kəl-Əlyəhud fəl ad tawəyaç isalan n əlyilləs har d a du-tərəz əddənət."*

⁴⁸ As əslan aytedan win wər nəmos Kəl-Əlyəhud y awen, əddəwen, əzzəzwəran awal n Əməli Məşşina, əzzəgzanan aytedan kul win as itawatəs ad əgrəwan təməddurt ta təçlalət.

⁴⁹ Ad itiwəziwiz awal n Əməli dağ akal ketnet.

⁵⁰ Mişan ənkəran Kəl-Əlyəhud əgan ark-man dağ tədoden şiyyad tiwasəçmarnen əhənan əddin ən Kəl-Əlyəhud əd muzaran n əğrəm, ewəyan-du əs Buləs əd Barnabas ətəwədgəz labasan, təzzar əstaçan-tan, əkkasan-tan dağ akal-nasan.

⁵¹ Əbbəkəbakan aboçqa ən daran-nasan dağ batu n əğrəm wen, təzzar əkkən əğrəm wa n İkonəyum.

⁵² İnalkiman ən Yaysa win d-oyyan dəffər-san dağ Antəyoxəya amaran, əknən təfalawist, idnay-tan deç İnfəs wa Zəddigan.

14

Buləs əd Barnabas dağ İkonəyum

¹ Iga Buləs əd Barnabas dağ əğrəm n İkonəyum arat wa da taggin fawda, a t-imosan iguz n ahan n əlyibada ən Kəl-Əlyəhud; təzzar əgan dağ-as awal a d-ewəyan as əzzəgzanan aytedan aggotnen dağ Kəl-Əlyəhud əd Kəl-Əlyunan əs Yaysa.

² Mişan ənkəran Kəl-Əlyəhud win ugaynen s əzəgzan əs Yaysa, əgan dağ aytedan win hədatnen wər nəmos Kəl-Əlyəhud ark-man əs məzzəgzan əs Yaysa.

³ Harkid awen iga Buləs əd Barnabas tamert tagget dağ İkonəyum. Taggin awal a daç-qan wər təha tasa, tagayyen fəl Əməli. İkf-en Əməli fərregat n igi ən təlməçjujaten

əmosnen aɣalamaten d aratan simaklalnen sataddinen tidət a mosan salan win əqqalnen arraxmat-net.

⁴ Mišan təzun tamattay n əxrəm. Wiyyad əwaran aganna wa n Kəl-Əlyəhud, wiyyad aganna wa n nəmmuzal.

⁵ Ənkarən aytedan win wər nəmos Kəl-Əlyəhud əd Kəl-Əlyəhud əd muzaran-nasan sammarkasan ad agin tarəxəşad labasnen i Buləs əd Barnabas, anɣin-tan kərəz əs təgur ən təhun.

⁶ As isla Buləs əd Barnabas awen, əgmadan əxrəm wen, əkkan Lustra əd Derbe əmosnen ixrəmən n akal wa n Lukawnəya əd kallan win tan-əɣlaynen,

⁷ a daɣ-san əmmalan isalan n Əlinjil.

Buləs əd Barnabas daɣ Lustra

⁸ Əxrəm ən Lustra ih-ay ələs n anabdon s as d-ihəw da, əmmutan daran-net, wər kala təwer takkolt-net amaɣal.

⁹ As əzəl iyyan ad issisam i Buləs işşewal, idak-ku Buləs s asawad, inay daɣ-as as, ila əzəgzan a t-izzozayan;

¹⁰ təzzar inn-as s afalla: «Ənkər, taɣəda tebadday-nak!» Iggad ələs, iggaz šin teklay.

¹¹ As tənay tamattay təgget awa iga Buləs den, ad gannin aytedan s afalla daɣ awal wa n təlukawnəysat: «Imalan əhânen šaşşelan an aytedan, a fall-ana d-əzzəbbatnen.»

¹² Əgan i Barnabas esəm n iyyan daɣ əssənaman-nasan as gannin «Zus», Buləs əgan-as esəm n iyyan as gannin «Hərmes» fəlas ənta a imosan əməşşewəl.

¹³ İnkər əlimam n əssənəm wa igan «Zus» âs ehan n əɣibada-net iha imi n əxrəm, isassalway-du əs mawan n əxrəm izəgran əd tətəltəla ən təjigay, ira ənta əd tamattay tagget a tan-əgin šizəgzam i Buləs əd Barnabas.

¹⁴ Mišan as əslan nəmmuzal win əganen Barnabas əd Buləs awen, zazzarren šikadkaden-nasan fəl man-nasan, ozalan əs tamattay təgget ədkâlan imaslan-nasan s afalla gannin:

¹⁵ «Xa meddan! Ma tətəggim da? Nakkanay wər nəmos ar aytedan ən šilatən-nawan. Isalan n Əlinjil a dawan-du-neway fəl ad tamməzzayam d əɣibada n əssənəman, tutabam əs Məşşina di n Amaɣlöl a d-ixlakan ijənnawan d amaɣal əd gərwan d awa tan-ıhan kul.

¹⁶ Daɣ elan win ərəwnen, oyya šimattiwen kul, əlkamnat i tara ən man-nasnat.

¹⁷ Mišan dər iga awen da ya, iga i man-net təgəyya id issəkna əlluɣ-net imosan: əsufəy wa dawan-d-itaggu akonak daɣ jənnawan, ihakk-iwan šimeren olaɣnen əd sudar, isifəliwis-kawan.»

¹⁸ Gərrid as sahhadarren aytedan əs batu ta əgan den, əgdalan-asan a dasan-əgin šinagzamen.

¹⁹ Osan-du Kəl-Əlyəhud wiyyad a d-əfalnən əxrəm n Antəyoxəya əd wa n İkonəyum, əşşewalan y aytedan har tan-əssəwaran aganna wa-nasan. Ad əggaran Buləs əs təhun, dəffər adi zarorawan-tu har dər-əs əgmadan əxrəm, əxilan aba-tu.

²⁰ Mišan as sər-əs d-əddewan nalkiman ən Ƴaysa, ɣalayɣalayan-tu, ibdad-du iqqal əxrəm. As affaw, iddew əd Barnabas əkkan əxrəm ən Derbe.

Təwayɣlay ən Buləs əd Barnabas Antəyoxəya

²¹ As əmalan isalan n Əlinjil daɣ əxrəm wen, əlkaman aytedan aggotnen i Ƴaysa; iqqal Buləs əd Barnabas əxrəm ən Lustra əd wa n İkonəyum əd wa n Antəyoxəya,

²² ad gammayan daɣ nalkiman ən Ƴaysa win ɣərman win ad zəzzəwen daɣ tarrayt-nasan. Šəwalan-asan, talaman-asan fəl man s ad zəzzəwen daɣ əzəgzan-nasan, gannin-asan: «İllikan as, iguz ən Taɣmar ta n Məşşina, iddew əd təssust tagget.»

²³ Əkkulluk n Əlkenisat sinafranan-as imuzaran, əşşədawan awen əd təwatriwen d əzum, amaran əgin-tan daɣ təɣlift ən Məşşina di as əzzəgzanan.

²⁴ Dəffər awen ərzəgan akal wa n Bissidəya, okayan əs wa n Banfiləya.

²⁵ Əmalan isalan n Əlinjil daɣ əxrəm wa n Bərge, amaran ərasan əs wa n Attaləya.

²⁶ Əggazan aɣlal n aman daɣ Attaləya, ənnəmadan Antəyoxəya, əxrəm was ənta as kala daɣ-as tawaggan daɣ təɣlift ən Məşşina y əşşəɣəl wa əssəndan den.

²⁷ As din-osan, sassaɣran-du aytedan kul n Əlkenisat, təzzar əsoɣalan-asan isalan n arat kul was tan-ikfa Məşşina turagat n igi-net, d əmmək was olam Məşşina tarrayt n əzəgzan i təmattiwen šin wər nəmos Kəl-Əlyəhud.

²⁸ Dəffər awen əmalan ɣur nalkiman win den har əgan tamert tagget.

¹ Osan-du meddan wiywad a d-əgmadnen akal ən Yahudəyya aḡrəm n Antəyoxəya ad sasayrin inalkiman ən Ƴaysa, gannin-asan: «As wər təlkemam y aḡdadat n əmənəkəd ta d-oyya ənnəbi Musa, wər za təgrəwam əlḡillas.»

² Wər irḡa Buləs əd Barnabas əs batu ten, eway-du awen tamazaḡ labasat gar-essan əd Buləs əd Barnabas. Təzzar tətawagga tanat n ad aggazzay Buləs əd Barnabas əd nalkiman ən Ƴaysa wiywad əs Yerusalem fəl ad ənəyan inəmmuzal əd muzaran n Əlkənisat daḡ batu ten.

³ Təkf-en Əlkənisat ta n Antəyoxəya arat kul was əddəran, amaran əḡlan. Ƴrzagan akal wa n Fenisəya əd wa n Samarəya suḡulan isalan kul ən tətubt ta d-əganat təmattiwen šin wər nəmos Kəl-Ƴlyəhud əs Məššina. Isifilawas awen wəllen inalkiman kul win kalla en.

⁴ As osan Yerusalem təḡ-asan Əlkənisat ketnet marxaba əd nəmmuzal əd muzaran. Təzzar əḡan daḡ-san isalan n arat kul was tan-ikfa Məššina igi-net.

⁵ Mišan əḡḡadan-du meddan wiywad ən nalkiman ən Ƴaysa əhanen taggayt ta n Fərisaytan ənnan: «Əmənəkəd əd ləkkum y əlqanun wa n ənnəbi Musa fərəḡ a imos fəl aytedan win wər nəmos Kəl-Ƴlyəhud.»

⁶ Təzzar əmmənanəyan nəmmuzal əd muzaran n Əlkənisat fəl ad əssənan awa z'əgin daḡ batu ten.

⁷ As əwəwan əmmizaḡan, ibdad Butros inn-asan: «Imədrayan-in, təssānam as irəw as di-isannafran daḡ-wan Məššina fəl ad aslin aytedan win wər nəmos Kəl-Ƴlyəhud isalan n Ƴlinjil daḡ imi-nin, əzzəḡzənan əs Məššina.

⁸ Məššina issānan awa ihan əwəl n awedan kul, issikna tərəddawt ta sər-san iga əs təhakkay ta tan-iga Infas wa Zəddigan əs təməwit tas dana-t-ikfa nakkanay win Kəl-Ƴlyəhud.

⁹ Wər danaḡ-izannamazlay dər-san fəlas Məššina a izardagan iwallan s əzəḡzan sər-əs.

¹⁰ Daḡ adi əmərədda ma fel tətəḡḡim tənəḡmayt i Məššina s igi wa tətəḡḡim fəl rawan ən nalkiman əzuk əs wərmad əfrāḡan marawan-nana adakal-net wala deḡ nəfrāk-ku nakkanay?

¹¹ Wəḡeḡ arraxmat n Ƴməli Ƴaysa as nəzzəḡzan, təssəfs-ana? Ƴntanay da za, əntanay win wər nəmos Kəl-Ƴlyəhud, təməwit ta da as əfsan!»

¹² Təzzar təffəsta tamattay ketnet, əssəsaman aytedan i Barnabas əd Buləs suḡulan isalan kul ən təlməḡxujatən əmosnen aḡḡalamaten d aratan simaklalnen win as tan-ikfa Məššina igi-nasan daḡ təmattiwen šin wər nəmos Kəl-Ƴlyəhud.

¹³ As iffəsta Barnabas əd Buləs, iššewal Yaḡub, inna: «Imədrayan-in, səsəmat-i.

¹⁴ Simḡon Butros issəḡḡal-ana təməwit tas issənta Məššina harwa daḡ tizarat əsəkni ən tara ta iga i təmattiwen šin wər nəmos Kəl-Ƴlyəhud s əsənnəfrən wa daḡ-asnat iga aytedan as z'əḡḡələn tamattay-net.

¹⁵ Amaran inimannak awen d awa ənnan ənnəbitan daḡ Əlkəttaban as ənnan:

¹⁶ "Ad d-əqqəla dəffər awa, ələsay i Dawəd akarəs n ahan-net ibirajjen, əkrəsay iməḡḡulaz-net, əssəbdadaq-qu,

¹⁷ fəl ad əḡməyan aytedan win d-əqqimnen Ƴməli. Awalla šimattiwen kul šin wər nəmos Kəl-Ƴlyəhud, ad əqqəlnat tamattay-nin, əḡbadnat-i. Adi a inna Ƴməli wa igan aratan di kul",

¹⁸ fəl təḡa masnat harwa irəw.

¹⁹ Awen da fəlas nak Yaḡub, ərdəḡ s ad nayyu əsəmməḡitər n aytedan win wər nəmos Kəl-Ƴlyəhud win du-tutabnen əs Məššina.

²⁰ Mišan əktəbatana y-asan širawt, nann-asan ad ammazḡayan d əsəmmədəs ən man-nasan s arat ad d-immāran əssənəm, ammazḡayan d igi n əzzəna əd tattay ən šan n əmudar tənḡa tarzam əd təssay n əzni.

²¹ Fəlas irəw ad t-əmalan əlfəḡḡitan sasaḡrinen Ƴttawret daḡ əkkulluk n əḡrəm, itawaḡru deḡ akk əzəl ən təsənfawt daḡ nan ən Kəl-Ƴlyəhud win əḡḡibada.»

Širawt ta tətawasokat i nalkiman ən Ƴaysa win wər nəmos Kəl-Ƴlyəhud

²² Təzzar ərdən nəmmuzal əd muzaran d Əlkənisat ketnet s ad sənnəfrənan wiywad daḡ-san, zəmmizəlan-tan s əḡrəm n Antəyoxəya, idawan əd Buləs əd Barnabas. Sannafranən Yahuza was itawannu Barsabbas əd Silas, əmosnen imuzaran daḡ məzzəḡzan əs Ƴaysa.

²³ Ƴssəwəran-tan ad awəyan širawt s ənta da awa daḡ-as əktaban: «Awa nakkanay inəmmuzal əd muzaran ən nalkiman ən Ƴaysa win mədrayan-nawan. Nəhul-in imədrayan-nana win wər nəmos Kəl-Ƴlyəhud, win əhanən aḡrəm n Antəyoxəya əd win əhanən akal ən Surəya əd wa n Kilikəya.

²⁴ Nəslâ assa wa kawan-in-əgan meddan danaŋ-in-əfalnen ši wala turagat-nana, əŋşadan iman-nawan, əşşəwaşan-kawan s awa gannin.

²⁵ Adi a fəl nənammannak ketnana, nəga tanat ad nəseñnəfrən meddan, nəzəmmizəl-tan-in sər-wan, idawan-in əd maran-nana Barnabas əd Buləs,

²⁶ əmosnen meddan əgânen iman-nasan daŋ alŋarar fəl əddəlil n esəm n Əməli-nana Ƴaysa Elməsix.

²⁷ Adi da fəl din-nəzammazal Ƴahuza əd Silas fəl a dawan-ələsan əsuŋəl ən salan win imi s imi.

²⁸ Fəlas issibdad Infas wa Zəddigan əd nəkkanay iman-nana tanat n as wər kawan-za-nəssəwər əzuk waliyyan ar wa n aratan win əwwəjjabnen,

²⁹ əmosnen: ad tammazzayam əd tattay n amensay itiwakfan y əssənəman əd tassay n əzni əd tattay ən şan n əmudar tənŋa tarzam d igi n əzzəna. As təttafam iman-nawan fəl igi n aratan win di, ad tagim a olâŋan. Nəhul-kawan-in wəllen.»

³⁰ Dəffər awen tawəşallaman, əzagadayyan, əqqalan Antəyoxəya, ewāyan şirawt. As din-ewadan əşşədawan-du inalkiman ən Ƴaysa, əkfan-tan şirawt ten.

³¹ Tətawaxra, təzzar saddawen-tan salan talammen fəl man win əgrawen den.

³² Amaran işşewal Ƴahuza əd Silas əmosnen əntanay iman-nasan ənnəbitan ad taggin ənnəsixa aggen i mədrayan talaman-asan fəl man, sisuhen əzəgzan-nasan.

³³ As iga Ƴahuza əd Silas tamert den, əssəllaman-tan mədrayan win Antəyoxəya fəl ad əqqalan Əlkənisat ta tan-du-təzammazalat. [

³⁴ Mişan issof Silas ad aqqam den da, iqqal âs Ƴahuza ŋas a iqqalan Yerusalam.]

³⁵ Ixsar Buləs əd Barnabas daŋ Antəyoxəya, xattaban əntanay əd wiyyad imədrayan aggotnen y aytedan Əlinjil n Əməli, sasaxrin-asan-tu dey.

Əməzzəy ən Buləs əd Barnabas

³⁶ As əgan tamert dəffər awen, inna Buləs i Barnabas: «Əqqələna imədrayan-nana daŋ əzəgzan win əhanen iŋərman kul win daŋ nəmal awal n Əməli, ad nəssən awa daŋ-san in-igan.»

³⁷ Ira Barnabas ad idawan əd Ƴaxya was itawannu Markus.

³⁸ Mişan inna Buləs wər ihor ad idawan d aləs as dat awen a daŋ-san ixtas iman-net daŋ Banfiləya, wər ŋur-san iqqim har səkkəsəwan əşşəŋəl-nasan.

³⁹ Təkkus talŋa gar-essan har d-eway awen as əmməzzayan. Iddew Barnabas əd Markus əggazan aŋlal n aman əkkan Qibrus.

⁴⁰ Buləs ənta isannafran Silas, iddew dər-əs. As t-əgan mədrayan daŋ təŋlift ən Məşşina, igla.

⁴¹ Illil Buləs akal wa n Surəya əd wa n Kilikəya isisuhit əzəgzan n Əlkənisaten.

16

Tidawt ən Timotay əd Buləs əd Silas

¹ Osa Buləs aŋrəm ən Derbe, as t-ifal ikka wa n Lustra. Amaran Lustra ih-et ənalkim ən Ƴaysa igân Timotay s anna-net iyyat daŋ Kəl-Əlyəhud təzzigzanat əs Ƴaysa, mişan abba-net iyyan daŋ Kəl-Əlyunan.

² Emmâlan-tu mədrayan daŋ əzəgzan win Lustra d İkonəyum əlluŋ.

³ Ira Buləs tidawt-net, inkar isammankad-tu fəl əddəlil ən Kəl-Əlyəhud win əhanen akal wen, fəlas əssânan ketnasan as abba-net iyyan daŋ Kəl-Əlyunan a imos.

⁴ Aŋrəm a d-osa Buləs əd Silas a daŋ-as əməlan i nalkiman win t-əhanen şinaden şin əgan nəmmuzal əd muzaran n Əlkənisat ta n Yerusalam, əgməyan daŋ-san a dasnat-əkəman.

⁵ Ad itasahat əzəgzan n Əlkənisaten, təyttəynat akk əzəl.

Ətəwəxra ən Buləs əs Masedonəya

⁶ Irzag Buləs əd Silas akal wa n Frijəya əd wa n Galatəya əgfan okāyan, fəlas Infas wa Zəddigan a dasan-igdalal emel n awal ən Məşşina daŋ akal wa Asəya.

⁷ As osan əgogas n akal wa n Məsəya, əgməyan d iguz n akal wa n Bitinəya, mişan igdal-asan-tu Infas wa Zəddigan.

⁸ Təzzar ərzagan Məsəya, əzagadayyan s aŋrəm wa n Trowas.

⁹ As iga ahad orga Buləs: Inay aləs iyyan n akal ən Masedonəya ibdâd dənneğ-əs, itansay-tu, igann-as: «Akka-du Masedonəya, tədhələŋ-ana.»

¹⁰ Iga Buləs targət ten ŋas, nəsammatag y iki ən Masedonəya fəlas nəkkâs aşşak as Məşşina a danaŋ-iŋran fəl a daŋ-as nəməl isalan n Əlinjil.

Əzəgzan ən Lidəya s Əməli daŋ Filib

¹¹ Nəggaz aɣlal n aman daɣ Trowas, nənəmäd akal imosan ǵerwətlan as itawannu Samotras. As affaw nəkka aɣrəm ən Neyabolis.

¹² Ənta nəǵmad-tu əs wa n Filib imosan aɣrəm fəl təxkâm Ərrum; imos deɣ aɣrəm wa azzaran daɣ akal ən Masedonəya. Nəga daɣ-as adan.

¹³ As d-ewad əzəl wa n əssəbət, əzəl wa n təsanfawt ən Kəl-Əlyəhud, nəǵmad-in aɣrəm əs təǵadamayt ən təsəssəngəyt iyyat as norda as, ih-et adag a daɣ taggin Kəl-Əlyəhud šiwatriwen. Nəgəz-in ši doden əmminaynen den, təzzar nəǵqim, nəššewal-asnat, nəg-asnat deɣ təlɣutbat.

¹⁴ Təsəsasam-ana iyyat daɣ-asnat ən təmiksət ən Məššina təǵāt esəm Lidəya n aɣrəm ən Təyatir tətəggit jola ən təbəddəɣ zəgǵaynen hossaynen. Ora Əməli əwəl-net, təga əsəsəm olāɣan y awa igannu Buləs, təzzar təzzəgzan əs Ƴaysa.

¹⁵ As tətawasalmaɣ daɣ aman ənta d aytedan n aɣaywan-net, tonsay-ana, tənn-ana: «Zama təhannayam as əzzigzana s Əməli, wədi akkiwat-du ehan-in tazzabbem daɣ-as.» Təgraw-du daɣ-na as nərdə.

¹⁶ Əzəl iyyan nəkkə edag ən təwatriwen wen as nəmmənəy əd təmawat iyyat ən təkliit iha əgǵəsuf a das-immalan awa d-izayan, ǵarrawan sər-əs məssawəs tənfa tagget daɣ awen.

¹⁷ Təlkam-ana nakkanay əd Buləs təsiɣarat təgannu: «Məddan win, eklan ən Məššina di n Amadkol a əmosan. Isalan ən tarrayt ta n əlɣillas as d-osan y a dawan-tan-agin.»

¹⁸ Təga adan əggotnen tətəggu awen. Iǵla Buləs har t-išəɣəššəsat awen, imalallay-tat-in inna y əgǵəsuf wa tat-ihan: «Omaraq-qay əs tarna ta təhat esəm ən Ƴaysa Əlməsix, əǵməd-tat!» Təzzar igmad-tat əgǵəsuf daɣ tamazayt ten da.

¹⁹ As ənayan məssawəs as ab-as sər-san tat-du-təgammad tənfa, əbazan Buləs əd Silas, əlwayan-tan s asəmmanay n aɣrəm, əssəbdadan-tan dat naxkiman.

²⁰ Ənnan i naxkiman: «Məddan win jannajarwayan aɣrəm-nana. Kəl-Əlyəhud a əmosan,

²¹ sasəɣrinen aytedan alɣadaten as nakkanay Kəl-Ərrum wər nəla turagat ən tərəddawt sər-əsnaɣ wala ləkkum y-asnaɣ.»

²² Tənkər tamattay ənta da təzzan əs Buləs əd Silas. Ənnan naxkiman a fall-asan təwəzəzərren səlsa, əmaran s a dasan-təwəgginat təwit.

²³ As tan-əyyəwanan šiwwit, əǵaran-tan daɣ kasaw, əmaran əmuzar ən kasaw s a dasan-əgə əgǵaz olāɣan.

²⁴ Əmuzar ən kasaw deɣ əs das-itawanna awen, inkar ig-en daɣ adangaya ən kasaw, inday idaran-nasan daɣ šilət.

²⁵ As isəgǵarayǵaray əhad, ad itattar Buləs əd Silas sihaken imaslan-nasan taggin deɣ təmmalen i Məššina, əssisaman-asan məskəsa win hadatnen.

²⁶ Wala a ihogan iga əmaǵal ənəǵəynəǵəy s awa iga daɣ əssahat har inəgəynəgəy ahan ən kasaw ketnet, ənnolamnat təsəhar ən kasaw kul tamazayt ten da, zalabben sassaran daɣ məskəsa kul.

²⁷ Inkər-du əmuzar n ahan ən kasaw daɣ etəs. As inay ši səhar ən kasaw ənnolamnat, ilbay-du takoba-net y sər-əs anɣu iman-net fəlas a iɣil iməskəsa əddəggəgan.

²⁸ Mišan isəɣarat-as Buləs inn-as: «Ad wər tanɣay iman-nak, ketnana nəlla da.»

²⁹ Inna əmuzar ən kasaw ad d-ammawaynat fətəlaten, igǵaz ammas ən kasaw tarmad igla har ewad adangaya-net təndaw-tu təysəst har issəjad i Buləs əd Silas.

³⁰ Təzzar ikkas-tan-du inn-asan: «Məddan, mas di-iwar igi-net əǵrəwəɣ əlɣillas?»

³¹ Ənnan-as: «Zəgzn s Əməli Ƴaysa ad təɣləsa kay d aɣaywan-nak.»

³² Amaran əmalan-as awal n Əməli ənta d aytedan kul n aɣaywan-net.

³³ Eway-tan alwaq wen da adawannay n əhad, iššorad ibusan-nasan. Den da ad itawasalmaɣ daɣ aman, ənta d aytedan n aɣaywan-net ketnasan.

³⁴ Təzzar iddəw əmuzar ən kasaw əd Buləs əd Silas s ahan-net, isəmməgərat-tan. Isidawat-tu wəllen ənta d aɣaywan-net ketnet əzəgzan wa əgan əs Məššina.

³⁵ As affaw, zammazalan naxkiman sojitan s əmuzar ən kasaw y a das-ənnin ad ikkəs Buləs əd Silas.

³⁶ Imal əmuzar ən kasaw əmazal wen i Buləs, inn-as: «Inaxkiman n aɣrəm ənnan-du ad tətəwəkkəsəm. Daɣ adi əǵmədat, taglim daɣ əlxər.»

³⁷ Mišan inna Buləs i sojitan: «A danaɣ-agin šiwwit dat əwedan kul da wala əššəriɣa, ənta nakkanay nəmos Kəl-Ərrum; əǵəran-ana daɣ kasaw, amaran əmərədda iren a danaɣ-əkkəsan wər t-illa i issanan! Kala kala! Asinet-du iman-nasan, əkkəsan-ana.»

³⁸ Əqqalan sojitan əssoɣalan batu ten i naxkiman. As əslan əs Buləs əd Silas Kəl-Ərrum a əmosan, ərmaɣan.

³⁹ Osan-tan-du a tan-talaɣden, təzzar əkkəsan-tan daɣ kasaw, a daɣ-san ǵammayan ad əǵmədan aɣrəm-nasan.

⁴⁰ Ifal Buləs əd Silas kasaw, əkkan ehan ən Lidəya. As əmmənayan əd mədrayan dağ əzəgzan, əşşewalan-asan, olaman-asan fəl man, amaran əqlan.

17

Tugəyt ən Kəl-Əlyəhud win Tesalonik s ad əqbəlan əsəssəxri ən Buləs əd Silas

¹ Iga Buləs əd Silas tarrayt ta tərzagat Anfibolis d Abollonaya har din-osan əxrəm ən Tesalonik a dağ ələn Kəl-Əlyəhud ehan n əlxibada.

² Os-en-in Buləs, awa da itaggu fawda. Iga den karadat əssəbətən itiməşiwil əd Kəl-Əlyəhud dağ salan n awa ənnan Əlkəttaban.

³ Isassagr-asan-tan, issosan-tan əs, Əlməsix ilzâm-tu ad ayyəzabb iba-tu, təzzar inkər-du dağ tamattant. Igann-asan deş: «Yaysa wa dawan-əmmala da, ənta Əlməsix.»

⁴ Əzzəgzanan wiyyad dağ-san s awa igannu, təzzar əwaran aganna ən Buləs əd Silas, əntanay əd Kəl-Əlyunan əknənən igət ən miksadan ən Məşşina əd tədoden aggotnen ələnen esəm dağ əxrəm.

⁵ Mişan əggaznat təsmiten labasnen taşşam ən Kəl-Əlyəhud, əşşədawan-du ark aytedan win əssuk, əqqalan tiddawat təzzar jannajarwayan əxrəm. Əstaban y ahan ən Yason gammayan Buləs əd Silas fəl a tan-əssəbdədan dat əljaməyat təşrəx-asan.

⁶ Wər xur-əs tan-əgrewan, təzzar əlwayan Yason ənta d arat dağ mədrayan dağ əzəgzan har tan-əssəbdədan dat naxkiman n əxrəm, ad gannin s afalla: «Aytedan win, əddənət ketnet as sər-əs d-ewayan iba n alxer, əmərəddə əntanay da.

⁷ Amaran Yason a tan-igan dağ əxaywan-net. Ketnasan tamazrayan əlqanun n əmənokəl-nana Qaysara fəlas tənna a taggin ill-ay iyyan əmənokəl igən esəm Yaysa.»

⁸ Isalan win den as dasan-təsla tamattay əd naxkiman n əxrəm əgan əşşawaşa labasan.

⁹ Əgan azrəf dağ Yason d aytedan win xur-əs əllənən, har t-ərzaman as tawayyan.

Buləs əd Silas dağ Berawya

¹⁰ Tarmad as əssokan mədrayan dağ əzəgzan Buləs əd Silas əxrəm ən Berawya ahad wenda. As t-in-osan, əggazan ehan ən Kəl-Əlyəhud wa n əlxibada.

¹¹ Əssəknan-tan Kəl-Əlyəhud win Berawya əlləllü oqaran wa tawasaknan dağ Tesalonik. Əntanay əknən əlqəbulat n awal ən Məşşina. Əzəl kul xarran Əlkəttaban, taşəggaran kud awa igannu Buləs tidət a imos wala.

¹² Eway-du awen as əzzəgzanan wiyyad dağ-san aggotnen, əntanay əd tədoden ən Kəl-Əlyunan tiwasəxmarnən əd meddan aggotnen ən Kəl-Əlyunan.

¹³ Mişan as əslan Kəl-Əlyəhud win Tesalonik as əxrəm wa n Berawya ənta da imməl dağ-as Buləs awal ən Məşşina, əkkan-tu ənta da, əgan arak man dağ aytedan, jannajarwayan əxrəm.

¹⁴ Den da ad ənkarən nalkiman ən Yaysa əssəqlan Buləs, əssokan-tu tama n agaraw. Silas əd Timotay əntanay əqqiman-du dağ Berawya.

¹⁵ Aytedan win məşşidaw ən Buləs, əddəwan dər-əs har tu-şəşawadan əxrəm n Atena, amaran əqqalan ewəyan əməzal ən Buləs i Silas əd Timotay n as, a das-d-əlkəman tarmâd.

Buləs dağ Atena

¹⁶ A iqqal Buləs i midawan-net dağ əxrəm n Atena, tamatşin man-net fəl alham n igət wa əgan əssənəman dağ əxrəm wen.

¹⁷ Təzzar ad itakku ehan ən Kəl-Əlyəhud wa n əlxibada itiməşiwil dər-san əntanay d aytedan wiyyad ən miksadan ən Məşşina, itakku deş əkk əzəl əsammanay n əxrəm, itiməşiwil əd win dər itamanay.

¹⁸ Itiməşiwil deş Buləs əd meddan wiyyad ən musanan ən taggayt ta n Əfikurəyan d Əstoyisəyan. Tamazayan dər-əs wiyyad dağ-san gannin: «Wa əkk tawalaqqat, ma igannu?» Wiyyad gannin: «Əs tanna imalan wiyyad wər nəzday as imməl isalan-nasan.» Wər tan-issanna awen ar, a fəl dasan-imməl Buləs isalan n Əlinjil, itagğ-asan isalan ən Yaysa əd tanakra-net dağ təmattant.

¹⁹ Təzzar əkkan dər-əs s əsəggawar n əxrəm n Atena as itawannu Aryofəgəs, ənnan-as: «Ag-ana isalan ən masnat təzrəyat ta dər du-toseş da,

²⁰ fəlas təssislaş-ana aratan wər nəzday, as nəra ad nəssən əlmaşna-nasan.»

²¹ Əntanay Kəl-Atena kul əd naftaxan win tan-əhanən, wər əgmedan ar s awal d əsəsəm i salan win d-əzraynen.

²² İbdad Buləs dağ ammas n Aryofəgəs inna: «Hannaya wəllən as, kawanay Kəl-Atena təddinam wəllən,

²³ fəlas əssiylaya dağ əxrəm-nawan, zigazdağ idaggan win dağ təyabbadam imalan-nawan, əssiha fadda fəl adag a dağ tawakfinat təkutawen fəl iktâb: "Edag n əlyibada n əməli wər nətawassan". Əməli wa təybadam da wər tu-təssenam, ənta as dawana-əmmâla isalan-net da.

²⁴ Məşşina wa d-ixlakan əddənet d arat kul wa tat-ihan, ənta a imosan Əməli ən jənnawan d amaçal, wər ixser dağ nan n əlyibada əkrâsan fassan n aggadəm,

²⁵ wala iddirar s a ikna aggadəm fəlas wər iddərər əs wala. Ənta a isuduran, ihakku infas, ihakku arat kul.

²⁶ Ixlak-du tawşetən n əddənet kul dağ awedan iyyanda, y ad əxsərnat fəl əruru n amaçal ketnet. Ixtas-asnat azzaman, iga deş şizəraz i kallon win dağ əxsaran.

²⁷ İgâ Məşşina awen fəl ad t-əgməyan aytedan kuddeğ s adez, mijas a t-əgrəwan; kuddeğ as wər danağ-ıha i igguğ,

²⁸ fəlas ənta a ittəfan təməddurt-nana d əmətəkwəy n akk iyyan dağ-na d awa nəmos. Adı da a ənnan arat dağ məssiway-nawan wiyyad əs tənna ta əgan: "Awalla, nakkanay da nəmos bararan-net."

²⁹ Dağ adi dad zamas nəmos bararan ən Məşşina, wər imməkkan ad narđu as iha şaşşelan n əssənam igân dağ urəğ, wala azrəf, wala təhunt, a d-inzâm awedan gar-es əd man-net.

³⁰ Əljəhəl wa əgan aytedan dağ aratan win di, wər fall-asan t-ixseb Məşşina dağ elan win təljuhələ, mişan əmərədda omar aytedan kul, edag əhan, əs tətubt,

³¹ fəlas ilkâm əzəl igâ təmastant, wa dağ z'agu y əddənet ketnet əşşərixa oğâdan. İsinafran aləs wa z'agu dağ əşşəğəl wədi. İssikna adi y awedan kul s əsənkər wa t-id-iga dağ təmattant.»

³² As əslan i Buləs işşewal dağ batu ən tanakra dağ tamattant, əgan dağ-as wiyyad tamakkakkayt, wiyyad amaran ənnan-as: «Nəra a dak-nələs əsəsəm dağ batu tədi əzəl iyyan.»

³³ Den da a tan-ifal Buləs, igla.

³⁴ Dər iga awen da osaxan dər-əs wiyyad dağ-san təzzar əzzəgzanan. Aytedan win, ih-en Dəyonusəyəs ihân asaggawar wa n Aryofagəs əd tətut təğât Damaris əd wiyyad aytedan.

18

Buləs day Korent

¹ Dəffər awen igmad Buləs əxrəm n Atena, ikka wa n Korent.

² Den da ad immənay d aləs ən Kəl-Əlyəhud igân esəm Akilas n akal ən Fontəs, a d-osân səkət ifâl-du akal wa n İtaləya ənta əd hannes Friska; fəlas əmənokəl Klawdəyus Qaysara a omaran s ad təwəstəxan Kəl-Əlyəhud kul dağ əxrəm n Ərrum. Osax dər-san Buləs.

³ Amaran dad imos as ola dər-san əşşəğəl – ketnasan əşşəğəl-nasan igi ən həktan – imal çur-san Buləs, işçal.

⁴ Akk əzəl ən təsənfawt, itaggu Buləs isalan dağ əhan ən Kəl-Əlyəhud wa n əlyibada, igammay d ad əzzəgzanan Kəl-Əlyəhud əd Kəl-Əlyunan.

⁵ As d-osa Silas əd Timotay Buləs əfâlan-du Masedonəya, igmad Buləs ənta s amel n awal ən Məşşina ças, itagayyat i Kəl-Əlyəhud as Ƴaysa a imosan Əlməsix.

⁶ Mişan uqayan sər-əs Kəl-Əlyəhud, a tu-rabbadan. İbbəkək Buləs isəlsa-net, almaçna ab'as dər-san idraw wala. Inn-asan: «Təlmanam iman-nawan; iwəret alxaq-nawan ixfafawan-nawan, nak ab'as di-iwar alxaq n iba n əlyıllas-nawan. A obazan çur əmərədda aytedan win wər nəmos Kəl-Əlyəhud a z'akkaç.»

⁷ Təzzar ifal-tan, iggaz əhan n aləs igân esəm Titəyus Yustus imosan əmiksad ən Məşşina as illa əhan-net dəğma n əhan wa n əlyibada ən Kəl-Əlyəhud.

⁸ Krisbəs wa n əmuzar n əhan ən Kəl-Əlyəhud wa n əlyibada ənta izzigzan s Əməli, ənta harkid aytedan n aqaywan-net kul. Əslan Kəl-Korent aggotnen i salan win itaggu Buləs, əzzəgzanan əntanay da, təzzar tawasalməyan dağ aman.

⁹ As əhad iyyan iga Buləs targət a dağ das-inna Əməli: «A kay wər təggəz tasa, kalar şawal ad wər taffasta,

¹⁰ əlleq-qu dər-ək, wər t-illa i z'ifrəgan a dak-ixşəd arat, fəlas ələğ aytedan aggotnen dağ əxrəm wa.»

¹¹ İxsar Buləs dağ əxrəm ən Korent har iga awatay d aganna, isasaçru aytedan awal ən Məşşina.

¹² Azzaman win dağ imos Galləyyun ənaxkim n akal wa n Akayya, ənkarən Kəl-Əlyəhud əgan eçaf fəl Buləs, əbazan-tu, ewayan-tu s adag n əşşərixa,

¹³ Ənnan: «Aləs wa, igamma d ad əx̄bədan aytedan Məşšina əs tēməwit tēmmizrayat əşšərixa.»

¹⁴ As zama issinta Buləs daɣ awal, inna Galləyyun i Kəl-Əlyəhud: «Kawanay Kəl-Əlyəhud, ənnar assa a di-du-təgam daɣ batu n arat immizrayan əşšərixa madəɣ ark amaz labasan, iməl-tu əddəlil wa fəl dawan-z-əssəsəməx̄;

¹⁵ mišan zama awa tamazaq təgāt fəl təfir d əsmawan d əşšərixa-nawan, əşrəɣat-tan kawanay iman-nawan, nak wər arex̄ ad əqqəla əməşray n aratan zun win di.»

¹⁶ Amaran isassardaɣ-qan ehan wa n əşšərixa.

¹⁷ Təzzar ənkarən ketnasan, əbazan Sustinəs wa n əmuzar n ahan ən Kəl-Əlyəhud wa n əlx̄ibada, ad t-əggatan da da dat ahan wa n əşšərixa; mišan wər izlay Galləyyun daɣ awen.

Iqqal Buləs aɣrəm n Antəyoxəya

¹⁸ Iqla Buləs ixsâr daɣ aɣrəm ən Korent har irəw. Dəffər adi inamagga əd nalkiman ən Ƴaysa šiwatriwen, iggaz aɣlal n aman ikka Surəya, iddew əd Friska d Akilas. Harwada wər iggez aɣlal n aman daɣ Qankrəya inimahazan əd Korent akku Surəya ad ilza eɣaf-net y ad assaknu s awen əddawal wa iga.

¹⁹ As osan aɣrəm n Efez, imməzzay dər-san Buləs. Iqla ənta iggaz ehan ən Kəl-Əlyəhud wa n əlx̄ibada imaşawal dər-san.

²⁰ Əgmayan daɣ-as a ɣur-san ihag, uɣay-asan.

²¹ Mišan as tan-ifal inn-asan: «[Wər imməkkan a di-wər-iga əmud wa d-izayan daɣ Yerusalem.] A kawan-d-əqqəla kud Məşšina irda.» Igməd Efez iha aɣlal n aman.

²² As izzəbbat daɣ aɣrəm wa n Qaysarəya, iggazay, ikka Yerusalem issəslam Əlkənisat, dəffər adi izagaday, ikka aɣrəm n Antəyoxəya.

²³ As daɣ-as iga tamert, igmad-tu, illil akal wa n Galatəya əd wa n Frijəya, isisuhit əzəgzan ən nalkiman ən Ƴaysa kul.

Assa n Abbolos Efez d əşšəɣəl ən Buləs daɣ Akayya

²⁴ As itaggu awen, aɣrəm n Efez os-ay-du aləs ən Kəl-Əlyəhud igân esəm Abbolos n aɣrəm n Alaskandrəya, imosan aləs issânan awal wəllen, igân masnat tagget y Əlkəttaban.

²⁵ Itiwasasayra tarrayt ta n Əməli, amaran ikf-ay Infas wa Zəddigan gəlleyat daɣ igi ən təlxutbat, isasayru deɣ s əlluɣ daɣ batu ən Ƴaysa; dər iga awen da ya, isalan n əsəlməx̄ wa itaggu Yaxya aytedan daɣ aman ɣas a t-əhanen.

²⁶ Ad itaggu awal daɣ-qu wər təha tasa daɣ ahan ən Kəl-Əlyəhud wa n əlx̄ibada. As das-təsla Friska d Akilas, əddewan dər-əs, sassayran-tu s əlluɣ, əşšotan-as masnat ta iga tarrayt ta n Məşšina.

²⁷ Dəffər awen isammarkas Abbolos iki n akal wa n Akayya, təzzar ədhalan-tu mədrayan-net daɣ əzəgzan s awen. Əktaban širawt i nalkiman ən Ƴaysa win t-əhanen fəl a das-agin tēməwit tolaşat as tan-in-osa. As din-osa, təggaz-tu tənfa zəwwərat a du-təfállat arraxmat ən Məşšina y aytedan win əzzəgzannen,

²⁸ fəlas isabbahaw s assahat dat tamattay iduf wa əgan Kəl-Əlyəhud. Issəkn-en daɣ Əlkəttaban as, Ƴaysa a imosan Əlməsix.

19

Buləs daɣ Efez

¹ Azzaman win daɣ iha Abbolos Korent, ad irzag Buləs akal n ədɣaxan har iras fəl aɣrəm n Efez. Inay daɣ-as inalkiman ən Ƴaysa wiyayd,

² inn-asan: «Awak kawanay, as təzzəgzanam təgrāwam Infas wa Zəddigan?» Ənnan-as: «Wər nəsla fadda as t-illa Infas wa Zəddigan.»

³ Inn-asan Buləs: «Daɣ adi ma imos əzzənəf n əsəlməx̄ wa tətawaggam daɣ aman?» Ənnan-as: «Əsəlməx̄ wa n Yaxya.»

⁴ Amaran inn-asan Buləs: «Yaxya, aytedan win ətubnən daɣ bakkadan a isalmaɣ daɣ aman, assaknu adi tətubt-nasan, imməl-asan ad əzzəgzanan əs wa du-z-asin dəffər-əs, almaɣna Ƴaysa.»

⁵ As əslan y awen, tawasalmaɣan daɣ aman daɣ esəm n Əməli Ƴaysa.

⁶ Təzzar issəwar Buləs akk iyyan daɣ-san ifassan-net, əgrawan deɣ Infas wa Zəddigan, əşšəwalan daɣ awalan wər nətawazday, əgrawan emel ən salan a d-izizabbat Məşšina.

⁷ Meddan en, marawessan d əşšin.

⁸ Amaran ad itakku Buləs ehan wa n əlx̄ibada ən Kəl-Əlyəhud, itaggu daɣ-as təlxutbat wər t-illa is tu-təha tasa-net har iga karadat təlil. Igamma d ad isəttəddu i Kəl-Əlyəhud isalan win itaggu daɣ batu ən Taɣmar ta n Məşšina.

⁹ Mišan saggarmaman wiyyad daχ-san iwallan-nasan, ugayan s ad əzzəgzənan s awa igannu, fadda ad gannin dat tiddawat aratan wər noleχ əs tarrayt ta n Əməli. Imməzzay dər-san Buləs, iddew əd nalkiman ən Ƴaysa; a tan-isasaχru akk əzəl daχ ahan ən taχaray n aləs iyyan igā esəm Turanus,

¹⁰ har igā əššin elan; har as aytedan win akal n Asəya, gər za win Kəl-Əlyəhud wala win Kəl-Əlyunan, ketnasan əslan y awal n Əməli.

¹¹ Isisugu Məššina Buləs təlməχjujaten wər nətawazday,

¹² har as, tamawayan əlkəšifatan əd təsəwad ən təbdoq ədasnen Buləs fəl a sər-san təwədəsan miranan. Tazzayan aytedan en daχ təwərnawen-nasan; win daχ-san əhan kələsuf deχ gammadan-tan.

¹³ Ənkarən Kəl-Əlyəhud wiyyad əllâmnən gər kallan, takkasan kələsuf daχ aytedan, ad gammayan əntanay da d-ikus ən kələsuf daχ aytedan s esəm ən Ƴaysa, gannin daχ təməgraw-nasan: «Əhâdaχ-awan əs Ƴaysa, was itaggu Buləs isalan-net ar; ad təgmədam awedan a!»

¹⁴ Əssa meddan ən mədrayan əmosnen maddanəs n əmuzar iyyan n əlimam igān esəm Sewa a tagginen awen.

¹⁵ As ənnan awen y aggəsuf, a dasan-annu: «Əzdâyaχ Ƴaysa, Buləs deχ əššânaχ awa imos, kawayan amaran, ma təmosam?»

¹⁶ Təzzar ifətəqqət daχ-san awedan wa əhan kələsuf da, əggəznat-tu təχurad a tuisarnanen meddan en ketnasan, iχləb-tan əs təwit, har as, as gammadan ehan wen, ozâlan, əzzâfan, əbbôsân.

¹⁷ Əslan aytedan n Efez kul awen, gər za win Kəl-Əlyəhud wala win Kəl-Əlyunan. Təggaz-tan tasa ketnasan, təzzar əzzəzwaran wəllen esəm n Əməli Ƴaysa.

¹⁸ A du-tasin aytedan aggotnen əzzigzannen əs Məššina, suχulan ark mazalan win as kala tan-taggin.

¹⁹ Ewayan-du massaxaran aggotnen əlkəttaban-nasan, əssəqqadan-tan dat awedan kul. Itawaxsab awa d-ənzan, iqqal səmmosat təmərwən n əgim en tamma n əzrəf.

²⁰ Əmmək en da as təzawwazawaz tarnə n Əməli awal ən Məššina, təssəkna assahat ta təhat awal ən Məššina.

²¹ Dəffər awen, isammarks Buləs daχ man-net iki ən Yerusalam, immər akal wa n Masedonəya əd wa n Akayya. Igannu daχ man-net: «Dəffər as oseχ Yerusalam, kundaba əkkeχ aχrəm wa n Ərrum ənta da.»

²² Təzzar izammazal Timotay d Erastus win madhalan-net s akal ən Masedonəya, mišan ənta iman-net igla iha akal wa n Asəya har daχ-as ihog.

Šiməyutar šin d-eway əlyibada n əssənəman daχ Efez

²³ Azzaman en inijarway daχ-san aχrəm n Efez wəllen fəl əddəlil ən tarrayt ta n Əməli.

²⁴ Ill-ay anad iyyan igān esəm Demetrəyəs, itaggin daχ əzrəf fototan n ahan n əssənəm iyyan imosan tantut təgāt esəm Artemis. Igarraw daχ awen tənfa təknât igət i nadan win midawan-net.

²⁵ Iššədaw-tan-du ketnasan, əntanay əd nadan wiyyad win əddarnen daχ awen, inn-asan: «Ya meddan, təssânam as təgərgist-nana, təqqân daχ əššəχəl wa da.

²⁶ Mišan təhannayam kawayan iman-nawan, təslâm deχ awa itaggu aləs wədi as itawannu əddi Buləs. A igannu: "İmalan win əgan fassan n aytedan, wər əmosan fadda imalan." Izazəgzan awen y aytedan aggotnen, wərgə da da daχ Efez χas ad issəχrak aytedan, kalar harkid taššam n aytedan win akal n Asəya kul.

²⁷ Arat wa, wərgəχ əššəχəl-nana χas as du-z-awəy iguz ən tazak n ad itəwəlku, kalar ehan n əlyibada wa n Artemis di maqqarat, ta təmosat təməlit-nana ənta da ad irtək almaqam-net, tammazzay fadda d ətəwəsəχmar, ənta əχbâdan aytedan kul win akal n Asəya, d əddənət ketnet.»

²⁸ As əslan aytedan win das-əssəsammen y awen, iggaz-tan alham labasan, əssokan imaslan-nasan ijənnawan gannin: «Artemis ta n Kəl-Efez di maqqarat!»

²⁹ Təga tənajarwayat daχ aχrəm ketnet. Tənkar tamattay təggag s ahan zəwəwəran wa n əmənəy, təlwây Gayəs d Aristarxus win akal ən Masedonəya əmosnen imidawan ən Buləs dər iddew daχ əşikəl.

³⁰ Təzzar ira Buləs ad akku tamattay ten, mišan əgdalan-as-tu nalkiman ən Ƴaysa.

³¹ Wala arat daχ muzaran n akal n Asəya ən midawan-net da, zammazalan sər-əs aytedan y a daχ-as əgməyan ad wər ikka ehan en.

³² As itaggu awen, tamattay ta təddewat daχ ahan en, ketnet tənijarway. Siχaren aytedan daχ jənnawan gannin aratan wər nola, fəlas taššam-nasan wər əssenən fadda əddəlil wa fəl əddewan den.

³³ Əbdaxan-in Kəl-Əlyəhud aləs igân esəm Alaskandər əs tiddawat, ittəməl-as awa igan den. Təzzar ad isidugin s əfus-net i tamattay təfastit, y a dasan-işšiwəl s esəm ən Kəl-Əlyəhud.

³⁴ Mişan as əgran as awedan ən Kəl-Əlyəhud a imos əssokan imaslan-nasan ijənnawan jajjajayen gannin: «Artemis ta n Kəl-Efez di maqqarat!» Har din-əkkan edag ən sanatat assaxaten gannin awen.

³⁵ Aləs wa imosan ənəkta b n əxrəm en, ənta a isahhadarren tamattay en, inn-as: «Ya meddan n Efez, awak ill-ay awedan wər nəssen as, əxrəm wa n Efez ənta a imosan əmagaz n ahan wa dağ tətawaşbad Artemis di maqqarat əd şaşşelan-net igân dağ təhunt as jənnawan a dağ du-tərtak?»

³⁶ Zama wər t-illa awedan as ijhâl awen, wədi ihôr ad təhədərrem, ad wər tagim arat waliyyan dağ tararada,

³⁷ fəlas meddan win du-təlwayam da, wərmâd əmôsan ibaydagan ən nan win əlxibada, wala deş ənnan a labasan əs təməlit-nana.

³⁸ Amaran kud Demetrəyəs əd nadan win midawan-net ill-ay a dasan-işşâd awedan, wədi əllân-tu jilan win dağ itaggu əşşərişə, əllân-tu deş naxkiman win tu-tagginen. Akkinet-tan.

³⁹ Kud deş wiyyad aratan a dər təssəstanam, ad tətəwəknu taşawşay tədi dağ asaggawar wa iskatan s awen.

⁴⁰ Nakkanay da əmərədda əhanen tazak n ad itiwənnu əfəlləg a nəga fəl əddəlil n awa igan azalada; fəlas wər t-illa əsarü nəga as nənna ənta a fəl təga tənajarwayat ta.» İşrad ənəkta b n əxrəm awal wen şas, inna i tamattay ad təwəziwəz.

20

İşşəşəl ən Buləs dağ Masedonəya d akal ən Kəl-Əlyunan

¹ As ədraran aytedan, isassaşra-du Buləs inalkiman ən Ƴaysa ig-asan ənnəsixa issəsmađ iwəllan-nasan, amaran inamagga dər-san şiwatriwen, igla ikka akal ən Masedonəya.

² Irzag akal en itaggu ənnəsixatan aggotnen i nalkiman ən Ƴaysa, italam-asan fəl man, dəffər awen ikka akal wa n Kəl-Əlyunan.

³ İga dağ-as karadət təlil. İsimutug y iguz n əşläl n aman s akal ən Surəya as t-əggazan salan n as əğân Kəl-Əlyəhud eşaf fəl a t-anşin, təzzar iga tanat n ad iqqəl dəffər-əs, agu tarrayt ta n Masedonəya.

⁴ İddew əd Sofatras ag Fərəs wa n əxrəm ən Berawya, d Aristarxus əd Səkəndus win n əxrəm ən Tesalonik, əd Gayəs wa n əxrəm ən Derbe, əd Tişik əd Trofiməs win n akal n Asəya amaran əd Timotay.

⁵ Əqlan meddan win, azzaran-anaş, əqqalan-anaş dağ əxrəm ən Trowas.

⁶ Amaran nakkanay as fall-anaş okay əmud wa dağ tattin aytedan şigəlwen şin wər iha xamira, nəggaz aşläl n aman dağ Filib nəkka Trowas. As nəga səmmos adan fəl agaraw nos-en-in, nəga den əssa adan.

Assa ən Buləs i Trowas

⁷ As əzəl wa n əlxad imosan əzəl wa azzaran dağ jilan, nəmmənay dağ adag iyyanda y ad nədrəw imensewan win saktan. İşşewal Buləs i nalkiman ən Ƴaysa win əllanen den har işiggaraygaray ahad fəlas əşikəl a fəl insa.

⁸ Əhanat fətəlaten aggotnen ehan imosan suru wa dağ nəmmənay.

⁹ A işşewal Buləs den, iqqim aləs iyyan n əməwad igân esəm Ƴutəxos fəl fənətər. İlla den har t-iggaz etəs ad itanaddam. İgla har dağ-as igla etəs wəllen, ifataqqat, ikka amadäl. Fənətər ən suru wa n karad a fəl d-ifataqqat den. As d-immədkal, wər idder.

¹⁰ İzzəbbat-du sər-əs Buləs ənta da, ifataqqat fall-as, izalammat-tu, inna: «Ad wər təşşəwəşam, iddâr.»

¹¹ Təzzar iqqal Buləs ehan wa d-izzəbbat, izun imensewan win saktan, as ətşan, ilas Buləs işşewal-asan har du-təğmad təfuk, əddi amaran ad igla.

¹² Əməwad ənta, əddewan dər-əs aytedan s aşaywan iddâr, wər ila əşəli. Ketnasan olam-asan awen wəllen fəl man.

Şiwatriwen şin əlkamnen inamagga Buləs əd muzaran n Əlkənisat n Efez

¹³ Nakkanay nəgla nəggaz aşläl n aman nəkka əxrəm n Assos, nazzar i Buləs. Den da a fall-ana du-z-iggəz aşläl, imos as awen da as otas igi-net. Ənta iman-net a ira a din-ijəwənkət.

¹⁴ As dana-d-osa dağ Assos, nənamaggaz dər-əs aşläl n aman, nəkka əxrəm ən Mitilenəs.

¹⁵ Nəgmad Mitilenəs nəhâ aɣlal n aman, as əzəl wa hadan nəmmoday y akal imosan gərwətlan as itawannu Xəyyaw, əzəl wa dəffər wədi newad wa n Samos, əzəl wa dəffər wədi nosa aɣrəm ən Miletəs.

¹⁶ Igâ Buləs tanat n as, wər z'immər Efez fəl ad wər aɣlalat daɣ akal n Asəya, fəlas irrorad Yerusalam fəl a daɣ-as t-əgu əmud wa n Fantəkawt, kud adi ifrâg igi.

¹⁷ Əzəbbi wa nəga daɣ Miletəs a ɣur izammazal Buləs awedan, issəgmay imuzaran n Əlkənisat n Efez.

¹⁸ As t-id-osan inn-asan: «Kawanay iman-nawan əhân-kawan salan ən tassaɣ ta dər-wan əgeɣ, wa d-əggazaɣ akal n Asəya əzəl w'azzaran, har awas kawan-əfala;

¹⁹ d əmmək was tagga əşşəɣəl n Əməli əssirasay iman-in daɣ arat kul, iddew-i awen əd məttawan əd təməɣutar šin sər-i du-tawaynat ark tənagmayen šin di-taggin Kəl-Əlyəhud.

²⁰ Təssânam deɣ as, wər kala a dawan-əɣbara arat waliyyan a dawan-təha tənfa, aqqama wər dawan-t-əmela, sassayr-awan-tu, gər za dat aytedan wala deɣ daɣ nan-nawan.

²¹ Wər kala əmməzzaya d agamay daɣ Kəl-Əlyəhud əd win tan-wər-nəmos ad utaban əs Məşşina, əzzəgzənan s Əməli-nana Ƴaysa.

²² Amaran əmərədda nak da izzəlzam Infas wa Zəddigan iki n Yerusalam, wər əssenay awa di-iqqalan daɣ-as.

²³ Arat iyyanda ɣas a daɣ əssanay as, ig-i Infas wa Zəddigan ta daw aɣaf as, aɣrəm oseɣ da ilkâm daɣ-i kasaw d aɣzab.

²⁴ Wər ɣur-i təmos təməddurt-in fadda wala, arat wa ɣur-i t-imosan a d-əssəxsəla arat wa dəffər ozala, əɣrəda əşşəɣəl wa daɣ-i iga Əməli Ƴaysa, imosan emel n Əlinjil a əhan salan n arraxmat ən Məşşina.

²⁵ Amaran əmərədda əssâna daɣ-as, kawanay win gər əllama da, əmmâla Taɣmar ta n Məşşina, wər di-za-tələsam anay.

²⁶ Adi a fəl kawan-əgeɣ azalada šigəyyawen n as, ab'as di-iwar alxaq n əzni ən waliyyan daɣ-wan.

²⁷ Fəlas wər kala a dawan-əɣbaraɣ arat waliyyan, əmâlaɣ-awan tarrayt kul ta d-iktab Məşşina.

²⁸ Daɣ adi ənkədat əd man-nawan, təssənam deɣ daɣ tamattay ketnet tas kawan-iga Infas wa Zəddigan imagazan-net, tagim y Əlkənisat ən Məşşina təmədint toləɣat, ənta di da a d-izzənza Əlməsis s əzni wa-net iman-net.

²⁹ Əssânaɣ as, nak as əgleɣ a kawan-d-əggəzan aytedan wər nəzlay əd təzoriyawen labasnen, wər za nayyu Əlkənisat-nawan wər tat-ədesan.

³⁰ Kawanay iman-nawan da, əhân-kawan aytedan as za safraɣnen tidət fəl ad əssəxrəkan inalkiman ən Ƴaysa.

³¹ Daɣ adi agat ənnəyat, a du-təkattim as karad elan a əgeɣ sasayraɣ-qawan s iyyan iyyan ehad ezal, əssirtayay awen əd məttawan.

³² Amaran əmərədda əssiɣlafaɣ-qawan i Məşşina əd salan win əmmalnen arraxmat-net. Məşşina ifrâg əsəssuhi n əzəgzan-nawan d əsəttəddi n agaraw wa za tagim daɣ təkəsit ta issənəsa y aytedan kul win zaddoggen.

³³ Wər di-ides as əgəɣ attama-nin daɣ əzrəf wala urəɣ wala isəlsa n awedan waliyyan.

³⁴ Kawanay iman-nawan təssânam as, ifassan win-da-nin as əşɣala, əkneɣ s əşşəɣəl-nasan tuməɣlaten-in əd šin midawan-in win dər əddewa.

³⁵ Faw saknaq-qawan as, əmmək en da as kawan-iwar kawanay da, ad təşxələm fəl ad tilalam i maddararan, a du-təkattim batu ta iga Əməli Ƴaysa ənta iman-net, as inna: "Əbbələl wa itaggu awedan wa ikfan, ogar wa itaggu awedan wa igrawan."»

³⁶ As inna Buləs awen, igarəffat ənta dər-san ad itattar.

³⁷ Ketnasan hallin, tizələmmen Buləs, tamallen-as.

³⁸ Arat wa iɣşadan iman-nasan wəllen, tənna ta dasan-iga, wər tu-z-ələsan anay. Amaran əntagan-tu har osa aɣlal n aman.

Šigəyyawen daɣ Ərrum

21

Iki ən Buləs əd midawan-net Yerusalam

¹ As dər-san nəmməzzay gərrid, nəggaz aɣlal n aman, izzal dər-na s akal imosan gərwətlan as itawannu Kos. As əzəl wa dəffər wen, nəgmad-tu s akal imosan gərwətlan as itawannu Rodəs. Nəgmad Rodəs nəkka aɣrəm ən Fatara.

² Nogaz-in daɣ-as aɣlal n aman itakkin akal wa n Fenisəya, təzzar nəggaz-tu, nəgla.

³ As nogga akal imosan gərwətlan as itawannu Qibrus, nəçlay-tu fəl aganna wa n agala, nədag sa sər akal wa n Surəya har nəzzəbbat daç əçrəm ən Tir s ənta a daç za təwəzəzəbben lalan win eway əylal.

⁴ Nəçmay inalkiman ən Çaysa har tan-nəçraw, nəzzəbbat çur-san har nəga əssa adan. Nəlla çur-san as tan-issosan Infas wa Zəddigan daç ad annin i Buləs, ad wər akku Yerusalam.

⁵ Dər iga awen da ya, as əndan adan win den, nəmatakway nəçla. Əntagan-ana ketnasan, harkid tədoden-nasan əd bararan-nasan har nəçmad əçrəm, amaran nəçaraffat daç tama n agaraw, nəttar.

⁶ As dər-san nənamagga šiwatriwen, nəçgaz əylal n aman; əntanay əçqalan içawnatan-nasan.

⁷ Nəçla daç əşşikəl-nana, nəçmad Tir nəçka Bətolemayəs. As daç-as nəzzəbbat, nəçka imədrayan-nana win t-əhanen y a tan-nəssəslem, nəga çur-san əzəl.

⁸ As əzəl wa dəffər wen nəçka əçrəm ən Qaysarəya. As t-in-nosa nəzzəbbat daç ahan ən Filibus wa n əməççi ən salan n Əlinçil imosan iyyan daç meddan win əssa, win as kala tawasafranan fəl ad tilalan y Əlkənisat ta n Yerusalam.

⁹ İla əkkozat təbararen wər nəzday meddan. Şibararen şin əmosnat tənəbiten.

¹⁰ As nəga adan aggotnen den, osa-du ənnəbi iyyan igân esəm Ağabus, a d-ifalan akal ən Yahudəyya.

¹¹ Os-ana-du, idkal əsatəb ən Buləs, ikrad sər-əs idaran win-net iman-net əd fassan-net, amaran inna: «Ənta da awa inna Infas wa Zəddigan: "Aləs wa ilan əsatəb wa, əmmək wa da as tu-z-əkrədən Kəl-Əlyəhud daç Yerusalam, agin-tu daç fassan n aytedan wər nəmos Kəl-Əlyəhud."»

¹² As nəsla y awen, ad nətənsay Buləs, nakkanay əd nalkiman ən Çaysa win əçrəm en fəl ad wər aggəzay akku Yerusalam.

¹³ Mişan inn-ana Buləs: «Ma fəl təhallim, təsimələşşəm əwəl-in? Nak, wərgəç kerrad ças as sammataga, kalar tamattant da simatagaç-as daç əçrəm ən Yerusalam fəl əddəlil n esəm n Əməli Çaysa.»

¹⁴ As nənəy as wər t-idu-za-nəssuçəl daç awas ira igi-net, noyy-ay, nənna: «Aget Əməli tara-net!»

¹⁵ Dəffər adan win den ad nasammatag i teklay, nəçla nəçgəzay əs Yerusalam.

¹⁶ Əddəwan dər-na arət daç nalkiman ən Çaysa win əçrəm ən Qaysarəya. Ewayan-ana s ahan n aləs igân esəm Mənasən n akal imosan gərwətlan as itawannu Qibrus, irəwan imos analkim ən Çaysa, nəzzəbbat çur-əs.

Əmələy ən Buləs əd muzaran n Əlkənisat ən Yerusalam

¹⁷ As din-nəçgaz Yerusalam, əgan-ana mədrayan-nana daç əzəçzan win əllanən den marxaba, əddəwen.

¹⁸ As affaw iddew dər-na Buləs s ahan ən Yaqub çur əddəwan əmçaran n Əlkənisat ketnasan.

¹⁹ İssəslam-tan Buləs, təzzar içrad-asan əsuçəl n aratan kul win iga Məşşina əs tarrayt n əşşəçəl wa itaggu Buləs daç aytedan win wər nəmos Kəl-Əlyəhud.

²⁰ As əslan y aratan win inna, ad əmməlan Məşşina. Dər iga awen da ya ənən i Buləs: «Amədray-nana, ənəy igiman əs giman n aytedan win əzəçzannen əs Çaysa daç Kəl-Əlyəhud, ketnasan zizawen wəllən daç iduf n əşşəriçə wa n Əttəwret.

²¹ Ewədan-tan-du za salan wizawaznen daç batu-nak, əmosnen as: əsəssəçri wa tətəçga, itaway-du əs Kəl-Əlyəhud kul win əhanən şimattiwen şin wər nəmos Kəl-Əlyəhud əməzçəy d əşşəriçə wa n Əttəwret, təçannaç-asan ad ammazayan d əsəmmənkəd ən bararan-nasan əd ləçkum y alçadaten ən Kəl-Əlyəhud.

²² Daç adi ma za nagu? Fəlas igməd əşşək as ad aslin as təsəç-du.

²³ Əddəlil wədi a fəl za taga a wa dak-za-nannu da: Əhən-anəç əkkoz meddan ədkələn ədçawal.

²⁴ İdaw dər-san s adag wa daç zazdagan aytedan, təzçəzdəga iman-nak kay dər-san, təzçəməç fall-asan arət wa tan-ihan, fəl a dasan-təwəlzın çafawan-nasan. Əddi ad z'əssənən aytedan kul as, awa sər-ək itawannin wər t-iha a igân, kalar kay da təlkəməç y əşşəriçə wa n Əttəwret.

²⁵ Amaran aytedan win wər nəmos Kəl-Əlyəhud win əlkammen i Çaysa, nəktəb-asan şirawt əhənət tənaden şin nəga əmosnen as, ad wər atşin isan əmosnen takutay y əssənəm, wala aşwin azni, wala atşin isan n əmudar tənçə tarçam, wala agin əzçəna.»

²⁶ Təzzar iddew Buləs əd meddan win əkkoz en. As əzəl wa dəffər wen izzəçdag iman-net ənta dər-san, amaran iggaz Ehan wa Zəwwəran n Əlyibada, imal i limaman

əzəl wa daɣ za tandu tazdak-nasan, əzəl wa daɣ za tətəwəkfə təkutay fəl akk iyyan daɣ-san.

İtərməs ən Buləs daɣ Ahan wa Zəwwəran n Əlɣibada

²⁷ As zama daɣ-san əkməlan əssa adan, tandu tazdak-nasan, ənayan Kəl-Əlyəhud wiyəd n akal n Asəya Buləs daɣ Ahan wa Zəwwəran n Əlɣibada; təzzar jannajarwayan tamattay, əgan daɣ-as arak man əs Buləs, əbazan-tu.

²⁸ Gannin s afalla: «Ya Kəl-İsrayil, aǧəzat! Ənta da aləs wa itaggin daɣ təlɣutbaten šin itaggu y aytedan kul daɣ adag kul ark awalan fəl tamattay-nana, d əššəriɣa wa n Əttəwret d Ahan wa Zəwwəran n Əlɣibada wa. Iɣla har as, iga-du Kəl-Əlyunan daɣ Ahan wa Zəwwəran n Əlɣibada, isammadas edag zəddigan wa.»

²⁹ Gannin awen fəlas dat awen ənāyan Trofiməs wa n Efez daɣ əɣrəm iddew əd Buləs; təzzar ordan as izzogaz-tu Buləs Ehan wa Zəwwəran n Əlɣibada.

³⁰ Inajarway əɣrəm ketnet, ozalan-du aytedan daɣ təsədag kul. Əbazan Buləs, əlwayan-tu əǧmadan dər-əs Ehan wa Zəwwəran n Əlɣibada, təzzar tawaharan mawan-net dəffər-san tamazayt ten da.

³¹ Gammayan əd aǧin iman ən Buləs as din-ewadan salan kumanda ən sojitan n İrrum n as, aɣrəm ən Yerusaləm ketnet injarway.

³² Iɣra-du sojitan əd kabtanatan-nasan daɣ tamazayt ten da, ozalan sər-san. As togga tamattay kumanda əd sojitan, tərəz daɣ təwit ən Buləs.

³³ Təzzar ikka-du kumanda Buləs, ibaz-tu, omar s ad itəwəkrəd s əššin sassaran, amaran issəstan d awa imos, d awa iɣšad.

³⁴ Təsəɣarat tamattay ketnet, gannin aratan əmmizraynen. İndar i kumanda ad issən awa imosan tidət daɣ takat ten, təzzar omar s ad ammaway Buləs əs barəki wa n sojitan.

³⁵ As ewad Buləs šisəffəttan n ahan wa n barəki, awa sər-əs təga tamattay daɣ əwəjjən, kundaba as t-ədkalan sojitan s afalla.

³⁶ Təlkâm-as tamattay ketnet, təsiɣarat təǧannu: «Ammatet, ammatet!»

Aljawab wa iga Buləs dat əljəmaɣat

³⁷ As zama dər-əs əǧǧāzan sojitan barəki, inna Buləs i kumanda: «Awak ələɣ tarrayt n a dak-annax arat?» Inn-as kumanda: «Ko! Kay təssana təlyunant?»

³⁸ Daɣ adi wər təmosax aw Masar was kala isaffallag aytedan, təzzar iggaz teneray ənta d əkkoz gim n awedan ən maggan ən man?»

³⁹ Inn-as Buləs: «Nak, Aǧ-Əlyəhud a əmosax, ihəwan daɣ əɣrəm ən Tarsa daɣ akal ən Kilikəya imosan aɣrəm fəl təga masnat. Onsayaq-qay a di-takfa turagat n ad əššiwəla i tamattay ta.»

⁴⁰ İkf-as-tat kumanda, ibdad Buləs fəl təsəffəttan, isaddagan s əfus-net i tamattay ad təssəsəm. Təffəsta tamattay ketnet, təzzar iššewal-asan Buləs daɣ təlɣibrit, awal wa-da-nasan, inn-asan:

22

¹ «İmədrayan-in d abbatan-in, səsəmat əmərədda a kawan-sassagra tādłəmt ta tawagga.»

² As das-əslan iššewal-asan daɣ təlɣibrit, əššotan daɣ əsəsəm y-as; təzzar inn-asan:

³ «Nak Aǧ-Əlyəhud a əmosa, ihəwan daɣ əɣrəm ən Tarsa ihân akal ən Kilikəya, mišan aɣrəm wa daɣ a daɣ ədwala, əɣrəɣ daw Gamaləyel. Isassaɣr-i s əllux ləkkum y əlqanun n aljad-nana. Əgəɣ gəllewat daɣ ləkkum i Məššina šilat ən ta təgam azalada.

⁴ Əzaɣazzabaɣ aytedan win əhanen tarrayt ta da ən ɣaysa, har əǧmadan man wiyəd, karrada meddan əd tədoden, əǧgaraq-qan daɣ kasaw.

⁵ Əlimam wa Zəwwəran d Asaggawar wa n əɣmaran əǧǧəyyen fəl adi. Əntanay fadda a di-əkfanen šira əkkänen imədrayan-nana, Kəl-Əlyəhud win Damas, fəl əd əǧrəwa as din-oseɣ tarrayt n abbaz ən nalkiman ən ɣaysa kul win t-əhanen, awayaq-qan-du əs Yerusaləm əkrādan fəl əd awwaddaban.

⁶ Əššokala za daɣ awen da, as din-əhozaɣ aɣrəm ən Damas attayan n ammas n azal, wala a ihogan, ibalazzat ənnur labasan a d-igmədan ijənnawan daɣ ɣələyɣələyan-in.

⁷ Udeɣ, əsleɣ y əməsli iyyan as di-inna: "Talut, Talut ma fel as di-təzaɣazzaba?"

⁸ Ənneɣ: "Əməli, ma təmosax?" Inn-i: "Nak awa, ɣaysa wa n Nazaret, wa təzaɣazzaba."

⁹ Ənāyan aytedan win dər əddewax ənnur wen, mišan wər əslen y əməsli wa di-iššewalan.

¹⁰ Təzzar ənneɣ: "Əməli, mas di-iwar igi-net?" Inn-i Əməli: "Əbdəd, takkaɣ aɣrəm ən Damas, a dak-day-as-attamal arat kul was kay iwar igi-net."

¹¹ Eddəryala fəl təllabəst n ənnur en, təzzar əbazan aytedan win dər əddewa əfus-in, əlwayan-i əs Damas.

¹² Amaran Damas ih-et ələs iyyan igân esəm Ananəyās iksudan Məššina wəllen, ilkâm y əlqanun-nana, as Kəl-Əlyəhud kul win Damas əssiḡmaran-tu.

¹³ Os-i-du, ibdad dəgma-nin, inn-i: "Amadrəy-nin Talut, iqqəlet-kay-du asawad-nak." Iqqal-i-du asawad-in tamazəyt ten da, ənayaq-qu.

¹⁴ Inn-i dəḡ: "Məššina wa əḡbadan marawan-nana a kay-isannafranan harwa dat əlwaq, y a kay-issusən tara-net, tənəyax Əlxadil-net, tasla dəḡ y əməsli wa-net iman-net, ¹⁵ id ad təqqəla təgəyya-net dat aytedan kul, təmələx-asan awa tənəyax d awas təsleḡ.

¹⁶ Əmərədda mas təqqala? Ebdəd, tətəwəsəlməḡa dəḡ aman, tansəyax Əməli a kay-izzəzdəḡ dəḡ bakkadan-nak."

¹⁷ Dəffər awen əqqala Yerusalam. Tattara əzəl iyyan dəḡ Ahan wa Zəwwəran n Əlxibada as di-tobaz tarra n Infəs wa Zəddigan.

¹⁸ Ənəyax Əməli, inn-i: "Ətrəb, təgməda Yerusalam tarməd, fəlas wər z'əqbəlan aytedan-net təgəyya ta fall-i tətəgga."

¹⁹ Təzzar ənneḡ-as: "Ya Əməli, wərgəḡ əntanay iman-nasan əssānan dəḡ əmmək was kala ad tilala inan n əlxibada s iyyan iyyan, saḡfalaḡ aytedan win sər-ək əzzəgzannen, əggataq-qan?"

²⁰ As itawənḡal dəḡ əzni n Əstefanos imosan təgəyya-nak, nak iman-in əlley den, ərdəḡ s ətəwənḡa-net, nak a ogazan ibərnaz n aytedan win əganen iman-net."

²¹ Amaran inn-i: "Aḡlu, nak a kay-z-izəmmizəlan s igəḡ, əssukaq-qay aytedan win wər nəmos Kəl-Əlyəhud."»

Buləs əd kumanda ən sojitan win Ərrum

²² Əssisaman-as aytedan har d-idkal batn n aytedan win wər nəmos Kəl-Əlyəhud, təzzar saḡaren dəḡ jənnawan gannin: «Itəwəkkəsət awedan wa fəl amaḡal! Awedan šilat ən wa, wər immək ad iləs təməddurt.»

²³ Takkasan imaslan saksodnen, əggaran-in ibərnaz-nasan, əggaran aboqqa dəḡ əlhawa.

²⁴ Omar kumanda s ad itəwəzəgəz Buləs ammas ən barəki, təwəgginat-as təwit s ələkkud fəl a dasan-iməl əddəlil wa fall-as təsaḡarat tamattay.

²⁵ Mišan as t-əkradan y a das-əgin šiwwit, inna i kabtan wa illan den: «Awak təlām tarrayt ən təwit n iyyan dəḡ Kəl-Ərrum wər ibez əššəriḡa harwada?»

²⁶ As isla kabtan en y awen, igla imal i kumanda, inn-as: «Ma tətəgga da? Ələs a, in Ərrum!»

²⁷ Ikka-du kumanda Buləs, inn-as: «Tidət as kay in Ərrum?» Inn-as Buləs: «Awalla!»

²⁸ Təzzar inna kumanda: «Nak, azrəf əggen a əzzənza tišit n iyyan dəḡ Kəl-Ərrum.» Inn-as Buləs: «Nak ələsəl-in a təmos.»

²⁹ Tarməd as fall-as əzzənəkazan sojitan win as zama a t-əggazan šin tanaḡay y a tu-šəššiwełan. Kumanda iman-net as issan as iyyan dəḡ Kəl-Ərrum a isassakrad den əs sassaran, təggaz-tu tasa.

Təbadday ən Buləs dat Asəgḡawar wa Zəwwəran

³⁰ As əzəl wa dəffər wen, omar kumanda imuzaran ən limaman d Asəgḡawar wa Zəwwəran ən Kəl-Əlyəhud ketnet s ad ammanay, fəlas ira ad ikkəs aššək dəḡ əddəlil wa fəl sattarmasan Kəl-Əlyəhud Buləs. Təzzar issokas-du Buləs, issəbdad-tu dat-san.

23

¹ Idəḡ Buləs Asəgḡawar s asawad-net, inna: «Imədrayan-in, wər di-təha tərək waliyyat n as ill-ay arət a iqqal wər ira Məššina as kala ad t-əmmozała har awas əbdada da.»

² Mišan omar Ananəyās wa n Əlimam wa Zəwwəran iyyan dəḡ aytedan win əllanen dəgma ən Buləs s a das-infəz.

³ Təzzar inn-as Buləs: «Məššina a dak-z-infəzan, əlmunafiq! Wər təqqimaḡ əddi ar y a di-təšrəḡa s awa inna əššəriḡa, kay təmməzrayaq-qu ad təsawataḡ imi-nin.»

⁴ Ənnan-as aytedan win əllanen dəgma-net: «Kay, Əlimam wa Zəwwəran ən Məššina a tərəbbada?»

⁵ Inn-asan Buləs: «Wər əssenəḡ imədrayan-in as ənta a imosan Əlimam wa Zəwwəran; tidət dəḡ as iktāb as: "Ad wər tannaḡ a labasan s əmənokəl ən tamattay-nak."»

⁶ Issān Buləs as təzunt n Asəgḡawar en iyyat Sadusaytan a dəḡ təḡa, ta hadat Farisaytan; adi a fəl idkal əməsli-net wəllen dat Asəgḡawar; inna: «Imədrayan-in, nak Farisay a əmosa, erəwan wiyyad Farisaytan, wər d-əmməwəya s adəḡ n əššəriḡa wa, ar fəlas əgəḡ əttama dəḡ as inəməttan ilkâm a d-ənkəran dəḡ tamattant.»

⁷ Inna awen ɣas tənkar tamazaq gər Farisaytan əd Sadusaytan, təzun tiddawat,
⁸ fəlas Sadusaytan əttāfan as wər tu-təlla tanakra daɣ tamattant, wala əllān-tu
 angalosan, wala kələsuf. Farisaytan amaran əntanay əzzigzanan as awen kul ill-ay.

⁹ Təkkus tamazaq wəllen. Inkar arat daɣ musanan win Farisaytan əbbəllanan fəl
 awen, əwaran aganna ən Buləs, ad gannin: «Aləs wa, wər fall-as nəhənnəy lahan
 waliyyan! Mijas tīdət daɣ as iššəwal-as əggəşuf madex angalos.»

¹⁰ Awa təga tamazaq-nasan daɣ tuksay, təggəz tasa kumanda n ad agin Buləs tankət-
 tankət. Adi a fəl omar sojitan s ad azzabben fəl a daɣ-san d-əxtəsan Buləs, awəyan-tu
 əs barəki-nasan.

¹¹ As iga əhad, inafalal Əməli i Buləs, inn-as: «Buləs, a kay-wər-təggəz tasa! Əmmək
 wa daɣ as fall-i təggəyyeɣ daɣ əɣrəm ən Yerusalām, əmmək di da as kay-iwar a fall-i
 taggayeyəɣ daɣ wa n Ərrum ənta da.»

Əgan Kəl-Əlyəhud əɣaf fəl ad anɣin Buləs

¹² As affaw, namaggan Kəl-Əlyəhud əɣaf, əhadan as wər z'atşin, wala aşwin iket wər
 əgen iman ən Buləs.

¹³ Aytədan win əhadnen den, ogaran əkkozat təmərwen.

¹⁴ Əkkan imuzaran ən limaman d əmɣaran ən tamattay, ənnan-asan: «Nəhād as, wər
 z'iggəz arat imawan-nana iket wər nəga iman ən Buləs.»

¹⁵ Daɣ adi əmərədda kawanay d Asəggawar wa Zəwwəran əgməyat daɣ kumanda
 a dat-wan issəbdəd Buləs, tassaknim as, a tərām ad taşşaggarām taɣara-net s əlluɣ.
 Amaran nakkanay, nasimatag y igi ən man-net harwa du-wər-ewed da.»

¹⁶ Mişan isla tagazay ən Buləs i taftaw ten, ikka barəki ən sojitan, iggaz-tu, imal i Buləs.

¹⁷ Təzzar iɣra-du Buləs iyyan daɣ kabtanatan, inn-as: «Əlwəy abi di əs kumanda, ila
 isalan a das-z-əgu.»

¹⁸ Iddew dər-əs kabtan, eway-tu əs kumanda, inn-as: «Amaskasaw wa igan Buləs a
 di-d-iɣran, igmay daɣ-i a sər-ək d-əlwəya abi a, ilān isalan a dak-z-iməl.»

¹⁹ İbaz kumanda əfus n əbi, igmad dər-əs aytədan, issəstan-tu, inn-as: «Mas tərɣ a
 di-tu-təməla?»

²⁰ Inn-as əbi: «Kəl-Əlyəhud əgān əɣaf fəl a daɣ-ak əgməyan tufat ad təssəbdəda Buləs
 dat Asəggawar-nasan wa Zəwwəran, almat ərān ad aşşaggarām taɣara-net s əlluɣ.»

²¹ A dasan-wər-tərda fəlas wiyay daɣ-san ogarnen əkkozat təmərwen n aləs a das-
 za-bəkəmmətnen y ad agin iman-net. Əhādān as wər z'atşin za wər z'aşwin iket wər
 əgen adi. Simatagan əmərədda, wər əqqəlan ar y a t-id-tayya sər-san.»

²² İrɣam kumanda y əbi wen fəl amel y awədan waliyyan isalan win das-iga den,
 amaran issəgl-ay.

Əməwəy ən Buləs s əmuzar ən Qaysarəya

²³ Dəffər awen iɣra-du kumanda əşşin kabtanatan, inn-asan: «Səmmutəgat sanatat
 təmad ən soji d əssayət təmərwen ən soji daɣ win əggannen əggəsan əd sanatat təmad
 daɣ win əttafnen allaxan; y ad akkin Qaysarəya dəffər təsüdəsen.»

²⁴ Təsəmmutəgam deɣ şisənay şin z'iwən Buləs, təşəşşiwədam-t-in Felikəs wa n
 ənaxkim daɣ əlxer.»

²⁵ Amaran iktab-as-in kumanda şirawt inn-as-in:

²⁶ «Awa nak Klawdəyus Lusəyas din-ihulan ənaxkim Felikəs əknəɣ saɣmar.

²⁷ Aləs di, a əbazan Kəl-Əlyəhud, as zama əgān iman-net as tan-in-oseɣ əddewəɣ əd
 sojitan. As di-əggazan salan n as awədan n Ərrum a imos, əgeq-qu daɣ adag a daq-q-in
 wər ikka arat.»

²⁸ Dəffər awen ewayaq-qu s Asəggawar-nasan wa Zəwwəran fəl ad əssənax lahan wa
 t-əssəwaran.

²⁹ İnayəɣ as, arat iqqālan əşşəriɣa wa-nasan ɣas a fəl tu-ɣattasan, wərgəɣ arat a
 t-issiwaran tamattant wala iguz ən kasaw.

³⁰ Mişan as əsleɣ as əgān Kəl-Əlyəhud əɣaf fəl ad agin iman-net, əssokax-ak-in əddi
 da, əntanay amaran ənnəy-asan a sər-ək in-awəyan kay şixəttas şin t-əgan.»

³¹ Əgan sojitan awas tawamaran. Əqlan əhad wen da, əddəwan əd Buləs har osan
 əɣrəm n Antifatris.

³² As əzəl wa dəffər wen əqqalan-du sojitan win jawankatnen barəki-nasan, əqlan
 win əwwanen əggəsan əd Buləs.

³³ As din-osan əɣrəm ən Qaysarəya, əgan şirawt tanad daɣ əfus n ənaxkim,
 əssəbdədan dat-əs deɣ Buləs.

³⁴ İɣr-et, amaran issəstan Buləs d akal wa t-ilan. As issan as akal ən Kilikəya a t-ilan,

³⁵ inn-as: «As d-osan aytədan win kay-əxtasnən, a kay-du-sassaɣra.» Təzzar omar s
 ad itəwəttəf Buləs daɣ ahan ən təmənukəla was kala t-issəkras əmənokəl Herod.

24

Ətəwəsəbdad ən Buləs dat ənaxkim Felikəs

¹ Səmmos adan dəffər awen, osa-du Ananəyās wa n Əlimam wa Zəwwəran, iddew-du d arat dağ əmjaran ən Kəl-Əlyəhud d ələs a d-əwwikkalan Kəl-Əlyəhud igān esəm Tertuləs. Əytasan Buləs xur ənaxkim n akal Felikəs.

² Təzzar itawaxra-du Buləs, amaran issənta Tertuləs dağ amel n aratan win as ənnan Kəl-Əlyəhud ixsād-tan, inna: «Ya əmizwar Felikəs, əddəlil-nak d əddəlil n aratan win təgeş a fəl igraw akal wa alxer aggen, amaran təgeş ənnizam olaşan i tamattay-nana fəl əşşaddat ən təla-nak əgərri.

³ Nətigudəy-ak wəllen dağ adag kul aratan olaşnen kul win təgeş, ya əmizwar Felikəs!

⁴ Wər areş a kay-səlluleş, batu-nana ši gəzzulat, mişan əgmāya dağ-ak fəl əddəlil n əllux-nak a dər kay-nəzdāy a dana-təssəsəma.

⁵ Nənāy as ələs a, əlməssibat a imos, igammayan d əsəffəlləg ən Kəl-Əlyəhud edag əhan dağ əddənət, imos deş əmuzar ən taggayt n arat n aytedan as itawannu Nazaritan.

⁶ Wala Ehan wa Zəwwəran n Əlyibada da, igmāy d əsəmmədəs-net; nəbaz-tu. [Nərā a das-nagu əşşərişə wa-nana,

⁷ mişan os-ana-du kumanda Lusəyas, ibaz-tu dağ-na s assahat,

⁸ omar deş a dat-ək əbdədan aytedan win əxtasnen Buləs.] Kay iman-nak as tu-təssəstana, ad tənəya tidət ən təxəttas kul šin das-nəga.»

⁹ Təzzar ərdan Kəl-Əlyəhud əd batu ən Tertuləs, ənnan tidət a təmos.

¹⁰ Isaddagan ənaxkim i Buləs ad iššiwil. Inna Buləs: «Isidawat-i a dat-ək aga batu tas əgməyəş aggaz ən man-in, fəlas əssānaş əmənokal-in as, irəw təmosaş amaşraş ən tamattay n akal wa.

¹¹ Kay iman-nak təfrəgaş ad təssənəş kud tidət wala bahu as, a ilān maraw adan d əşšin ad əggəzzayəş əs Yerusalam y a dağ-as əxbəda Məşşina.

¹² Wərmād a di-ənāyan dağ Ahan wa Zəwwəran n Əlyibada, wala dağ nan win əlyibada, wala deş dağ əxrəm, mişawala d əwedan waliyyan za wala jinajarwayəş tamattay.

¹³ Aytedan win, wər əfregan əsəbdəd ən təxəttas šin di-əgan da.

¹⁴ Mişan ya ərdəş s arat iyyanda, amaran ad t-anna dat-ək, a t-imosan as: Məşşina di n Əməli ən marawan-nana as əlkama əs təməwit tas tu-tənna tarrayt ta n Əlməsix Yəysa, tas gannin əntanay taggayt. Əzzigzanəş s arat kul wa iktaban dağ Əttəwret d Əlkəttaban n Ənnəbitan.

¹⁵ Əgəş attama wa dağ Məşşina, amaran əntanay da əgān-tu, a t-imos as təll-ay tanakra dağ tamattant, gər za y aytedan win oşadnen wala win wər noşed.

¹⁶ Adi a fəlas fəw da gammaya nak da wəllen a di-wər-təggəz tərək n a labasan dat Məşşina wala deş dat aytedan.

¹⁷ A ilan elan ad əgmadaş Yerusalam, as əmərədda əqqala-du y a d-awəyaş i tamattay-nin širgiten, aga deş šikutawen šin izzəlzam Məşşina.

¹⁸⁻¹⁹ Awa da a əhəş as di-d-osan Kəl-Əlyəhud win Asəya dağ Ahan wa Zəwwəran n Əlyibada, əssindaş arat wa di-issəwar əşşərişə dağ salan n əzəzdəg-in; wərmad xur-i təlla tamattay za wala əssinkara əjeqqəş n aytedan. Əntanay as ihor a dat-ək əbdədan, əxtəsən-i xur-ək, kud ənta əlān əddəlil waliyyan,

²⁰ madəş əməlan aytedan win əllanen da lahan was inna Asaggawar wa Zəwwəran əgəq-qu əlwaq wa dat-əs əbdada,

²¹ a wər nəmos as ənnəş gar-essan s afalla: "Wər di-issəbdad dat-wan azalada y a di-təşrəşam ar fəl as əzzəgzanəş as ilkām a d-ənkəran nəmməttan."»

²² Felikəs əhān salan wəllen ən tarrayt ta n Əlməsix Yəysa, as isla i batu ten, izzərəz əşşərişə har iyyan əzəl, inna: «As d-osa Lusəyas wa n kumanda ad əxtəsa əşşərişə-nawan.»

²³ Təzzar omar Felikəs kabtan s ad agəz Buləs, mişan ad wər itəwədgəz, wala itəwəgdəl y aytedan-net a dağ-as əssənan.

²⁴ Arat n adan dəffər awen, osa-du Felikəs iddew əd təntut-net Drusilla, təmosat wələt əlyəhud; təzzar isassayra-du Buləs, issəsam i salan win itaggu dağ batu n əzəgzan s Əlməsix Yəysa.

²⁵ Mişan as d-ewad Buləs isalan win əqqalnen taqqat d ənudi dağ man d əşşərişə ən Məşşina wa d-izayan, təggaz tasa Felikəs, inn-as: «Əmərədda aglu, as əgrawa təmazayyat n a dər-ək məşiwala, a kay-d-ələsəş əsəşəşəri.»

²⁶ A itaggu Felikəs awen, igâ attama daɣ ad t-akfu Buləs azrəf, adi fəl t-id-isasayru itaggu dər-əs takkayt.

²⁷ Awen da a igan har əgan əššin elan. Igməd Felikəs tizart, iggaz Borkəyəs Festus edag-net. Oyya-du Buləs daɣ kasaw fəl ad agu tənəfust i Kəl-Əlyəhud.

25

Tebadday ən Buləs dat Festus – Buləs issof a das-işrəɣ Qaysara wa n əmənokal wa zəwwəran

¹ As iga Festus karad adan d iguz ən tizart ən Yahudəyya, igmad aɣrəm ən Qaysarəya, iggəzzay əs Yerusalam.

² As din-osa, əmmənanayan dər-əs muzaran ən limaman əd muzaran ən Kəl-Əlyəhud, əɣtasan ɣur-əs Buləs. A tu-tansayan,

³ a dasan-agu tənəfust n ad d-issuku Buləs Yerusalam y a daɣ-as işrəɣ. A gannin awen, əntanay əgân əɣaf fəl a das-bəkəmmen daɣ tarrayt, əgin iman-net.

⁴ Mišan inn-asan Festus: «Buləs kasaw wa n Qaysarəya a daɣ itawattaf, amaran ənta iman-net ad iqqəl tarmâd.

⁵ Daɣ adi idawanet dər-i muzaran-nawan əs Qaysarəya, əɣtəsanet-tu den da kud ill-ay a iɣšâd.»

⁶ Iga Festus daɣ Yerusalam adan əllanen gər əttam əd maraw, amaran iqqal Qaysarəya. As əzəl wa dəffər wen, iqqim daɣ adag wa daɣ işšarraɣ, təzzar omar s a dat-əs itəwəsəbdəd Buləs.

⁷ As d-osa Buləs ɣalayɣalayan-tu Kəl-Əlyəhud win d-əgmədnen Yerusalam, a tu-ɣattasan sawaran-tu igi n aratan aggotnen labasnen as wər əfregan əsəttəddi-nasan.

⁸ İşšewal Buləs y ad agəz iman-net, inna: «Nak wər əgəɣ ark amazal waliyyan immâran əššəriɣa ən Kəl-Əlyəhud, za wala Ehan wa Zəwwəran n Əlɣibada wala deɣ əgəq-qu i Qaysara əmənokal wa zəwwəran.»

⁹ Festus irân igi ən tənəfust i Kəl-Əlyəhud, inna i Buləs: «Awak tərdeɣ s ad taggazayay əs Yerusalam dak-daɣ-as-əşrəɣa aratan win di?»

¹⁰ Inn-as Buləs: «Kala, kala! Edag n əššəriɣa wa, in Ərrum; daɣ adi da da ad za təwəşrəɣa. Wər əɣşədəɣ arat waliyyan i Kəl-Əlyəhud, kay iman-nak təssânaɣ wəllen daɣ adi.

¹¹ Kud əššəriɣa a əmməzraya, madəɣ əgəɣ arat a di-issiwaran tamattant, ərddeɣ əs tamattant. Mišan kud aratan win as itawanna əɣšâdaq-qan bahu a əmosan, wədi wər t-illa awedan ilân tarrayt n a di-agu daɣ fassan-nasan. Amaran, dad zamas adi a igan, wədi əmənokal Qaysara as areɣ a di-işrəɣ.»

¹² İmaşşawwar Festus əd məşşewwar-net, amaran inna i Buləs: «Əmənokal Qaysara as tərəɣ a dak-işrəɣ, a tu-takka za.»

Tebadday ən Buləs dat Agriffa əd Bernikəs

¹³ Arat n adan dəffər awen, osa-du əmənokal Agriffa aɣrəm ən Qaysarəya, iddew əd tamadrəyt-net təgât Bernikəs fəl ad əssəsləman Festus əgin-as əlafəyet d assa.

¹⁴ Adan aggotnen win əgan den, idkal-du daɣ-san Festus y əmənokal Agriffa isalan ən Buləs, inn-as: «İlla ələs da, a d-oyya ənaxkim Felikəs daɣ kasaw.

¹⁵ Alwaq wa d-əkkeɣ Yerusalam, əɣtasan-tu ɣur-i muzaran ən limaman d əmɣaran ən Kəl-Əlyəhud, əgməyan daɣ-i a t-əzzəbəza s əššəriɣa.

¹⁶ Mišan ənnəy-asan, əššəriɣa wa n Kəl-Ərrum wər itibəz awedan ar s ad işrâɣ. Kundaba innəbdad awedan d aytedan win t-əɣtasnen, agəz iman-net daɣ arat wa itawasawar.

¹⁷ Adi a fəl dər-i d-əddəwan əs Qaysarəya. Ose-du ɣas, as əzəl wa dəffər wen əqqima daɣ adag wa n əššəriɣa omara s a d-ammaway ələs wen.

¹⁸ Əbdadan meddan win t-əɣtasnen, mišan wər t-əssəwaran arak əmazal labasan waliyyan daɣ win əɣila.

¹⁹ Awa zaɣnin təmazaq ɣas təgât daɣ batu n əddin-nasan əd salan n ələs iyyan igân esəm Ƴaysa abâ, mišan igla Buləs immâl as iddâr.

²⁰ Nak iman-in wər əssenəɣ əmmək was z'əşrəɣa əzzənəf n aratan win den, adi a fəl əssəstanaɣ Buləs kud irqâ s ad akku Yerusalam işrəɣ daɣ-as.

²¹ Mišan issof a das-işrəɣ Qaysara s ənta əmənokal wa dənnəg mənokalan. Adi a fəl omara s ad itəwigəz har t-itəwəsuku.»

²² Amaran inna Agriffa i Festus: «Nak da areɣ ad əsla y ələs wədi.» Inn-as Festus: «Tufat a das-taslaɣ.»

²³ Ʒzəl wa dəffər wen iga-du əmənokal Agriffa assa wa n mənokalan ənta əd tamadrəyt-net Bernikəs. Ʒggazan ehan wa n əššərixa əddewan əd kumandatan ən sojitan əd mizwaran n əxrəm. Omar Festus s a d-ammaway Buləs, təzzar immeway-du.

²⁴ Amaran inna Festus: «Ʒmənokal Agriffa, əd kawanay ketnawan win əmmənaynen da, ənta da aləs wa əddəlil-net a fəl di-d-osan Kəl-Ʒlyəhud kul, daƷ Yerusaləm harkid deƷ da da, gannin s afalla wər imməkkan ad iləs təməddurt.

²⁵ Amaran nak za, wər ənayax as iga əmazal waliyyan a t-issiwaran tamattant, mišan dad zamas ənta iman-net a igmayan a das-išrəx əmənokal wa dənnəg mənokalan, wədi əge tanat təmosat a das-t-əssuka.

²⁶ Dər iga awen da ya, wər əssenəx fəl arat waliyyan igmād aššak daƷ talxa-net a din-z-əktəba y əmənokal wa dənnəg mənokalan. Adi a fəl t-əssəbdada dat-wan, wəllen kay əmənokal Agriffa, fəl a tu-nəssəstən, əssenəx awa z'əktəba daƷ talxa-net;

²⁷ fəlas wər sər-i ilə almaƷna ad əssuka Qaysara amaskasaw as din-wər-əmələx əddəlil wa fəl itawattaf.»

26

Aljawab wa iga Buləs dat Agriffa

¹ Inna Agriffa i Buləs: «Təgrawa turagat n awal, tagəzax iman-nak.» Təzzar izzal Buləs əfus-net y a das-təssəsəm tamattay, inna:

² «Ya əmənokal Agriffa, əbbələl zəwwəran a di-təmos tahakkay ta di-təgeƷ azalada turagat n aggaz ən man-in daƷ aratan kul win as ənnan Kəl-Ʒlyəhud əƷsadaq-qan, ³ wəllen as əhân-kay salan wəllen n alƷadaten-nasan kul d aratan kul win fəl tamazaƷan. DaƷ adi, onsayaq-qay ad taga tazaydart, təssəsəməx-i.

⁴ Kəl-Ʒlyəhud kul əzdəyan-i harwa Ʒur təmmədrəyt-in. Ʒssānan daƷ awa əgeƷ kul daƷ tamattay-nin harkid deƷ daƷ Yerusaləm.

⁵ Irəw as di-əzdayan, amaran as imos as ərdān, əfrāgan a dak-aggayyen as, taggayt ta n Farisaytan a əheƷ, s ənta a togarat əzəzzəwi daƷ əddin-nana.

⁶ Ʒmərədda nak da ibdadan da šarraƷa fəlas əgeƷ attama daƷ arkawal wa iga Məššina i marawan-nana.

⁷ Attama en da a əganat tawšeten-nana an marawat əd sanatat, eway-du sər-əsnat awen əlƷibada ən Məššina əs gəlleƷat ehad ezal, əqƷalnat y ad andu. Ya əmənokal-in, Agriffa, attama en da za, a fəl di-əxtasan Kəl-Ʒlyəhud.

⁸ Ma fel as dawan-orna kawanay Kəl-Ʒlyəhud əzəƷzan əs Məššina ilkām ad d-issənker inəmməttan?

⁹ Nak iman-in, kala a Ʒur-i illa as, iwār-i igi n arat kul wa əfraga fəl a din-anƷa esəm ən Ʒaysa wa n Nazaret.

¹⁰ Arat wen iman-net a əgeƷ daƷ əxrəm ən Yerusaləm. Ʒkfan-i daƷ-as muzaran ən limaman turagat, təzzar əbazaƷ inalkiman ən Ʒaysa aggotnen əgeƷ-qan daƷ kasaw. ƷwərəƷ aganna ən win tan-əbaznen s əššərixa wa n tamattant ta n təwə.

¹¹ ƷyyəwanaƷ ilum gər nan ən Kəl-Ʒlyəhud win əlƷibada təwəddabaq-qan, šahaššalaq-qan əbudər ən Ʒaysa. Awa dasan-əge daƷ gezzar, lakkamaƷ-asan əs Ʒərman ən kalla win tamawen.

¹² Ʒzəl iyyan əššokala daƷ awen da əkkeƷ Damas, əgrāwa turagat Ʒur muzaran ən limaman n igi n awen imos as əntanay a di-əganen daƷ əššəxəl wen.

¹³ Ya əmənokal-in, ewāyax əd tarrayt ammas n azal wala a ihogan ənayax ənnur a d-igmədan ijənnawan ogaran wa n təfuk əmələwləw as ibalazzat daƷ ƷələyƷələyan-nana, nak d aytedan win dər əddewa.

¹⁴ Nuda ketnana, təzzar əsləx i wa di-innan daƷ təlƷibrit: "Talut! Talut! Mas di-təzaxazzaba? Tugəyt-nak əs ləkkum i tara-nin, wər tənfa wala; wər təzlay əd ta n ays iddag məššis əs Ʒayman."

¹⁵ Ʒnney-as: "Ʒməli, ma təmosax?" Təzzar inn-i Ʒməli: "Nak awa, Ʒaysa wa təzaxazzaba.

¹⁶ Mišan ənker, təbdədaƷ, fəlas ənifalələx-ak fəl a kay-aggax aməššaxal-in əd təgəyya-nin a za taggayyet y aytedan anay wa [di-]təgeƷ, taggayyex-asan deƷ awa kay-z-assakna dəffər awa.

¹⁷ A kay-aggaza daƷ Kəl-Ʒlyəhud, əd təmattiwen šin tan-wər-nəmos, əzəmmizələq-qay sər-san,

¹⁸ fəl ad tara šittawen-nasan, təkkəsəq-qan-du daƷ šiyay s ənnur, əgmədan-du tarna ta n Iblis əlkəman i Məššina, fəl ad əgrəwan təsureft ən bakkadan-nasan, əgrəwan deƷ tadagart daƷ mizdagan əs tarrayt n əzəƷzan sər-i."

¹⁹ Ya əmənokəl Agriffa, əddəlil wədi a fəl wər əmməzrayax awa di-d-inafalalan, igmād-du ijənnawan. Igi ən Məššina a imos.

²⁰ Kalar azzaray əs Kəl-Əlyəhud win Damas əd win Yerusalam, d aytedan win Yahudəyya ketnet, d aytedan win wər nəmos Kəl-Əlyəhud, taggaş-asan təlxutbat gannaş-asan, iwâr-tan ad utaban, ahdin-du əs Məššina, agin imazalan əssiknanen tətub-nasan.

²¹ Əddəlil n awen da a fəl di-əbazan Kəl-Əlyəhud daş Ahan wa Zəwwəran n Əlyibada, əgmayan əd tanaşay-nin.

²² Tadhəlt ta di-iga Məššina a di-du-təšašşawadat əzəl wa n azalada, tebadday ta əge da taggaş isalan-net y aytedan wər win wər nəla almaqam, wala win t-əlanen, wər d-əššotax wala daş salan ən was əmalan ənnəbitan sa hadan d ənnəbi Musa əs a d-asu;

²³ a t-imosan as, Əlməsix ilkâm ad inəy alğazab, iba-tu, izar-du deş i nəmməttan tanakra, iməl ənnur wa ihakku Məššina, imosan isalan n əlyillas, i Kəl-Əlyəhud d aytedan win tan-wər-nəmos.»

²⁴ Harwada işşewal Buləs, işarax fəl man-net, as idkal Festus əməsli-net, inna: «Kay Buləs əmməskəl a təgeş, igət ən taşaray ta təgeş isammaskal-kay.»

²⁵ Inn-as Buləs: «Əmizwar Festus, nak wər əmməskala. Kalar awa ganna da, tidət a imos, təkfāt əs tayttay.

²⁶ Amaran əmənokəl Agriffa əhân-tu salan win di. Adi a fəl wər əksudax igi-nasan dat-əs, fəlas əkkâsax aššak as, wər tan-iha waliyyan a das-ijhâlan, id wər tawaggan daş əssir.

²⁷ Əmənokəl-in Agriffa awak təzzigzanax s awa ənnan ənnəbitan? Əssânaş as təzzigzanax sər-əs.»

²⁸ Təzzar inna Agriffa i Buləs: «Torda-nak a di-taga əlməsixi fəl arat n amazay!»

²⁹ Inn-as Buləs: «Gər za fəl arat n amazay wala, əgmâya daş Məššina a kay dər-i işašşalan, kay harkid aytedan kul win di-əssəsammen da azalada, as wər əhen sassaran win.»

³⁰ Təzzar inkar əmənokəl Agriffa əd Festus wa n ənaxkim əd Bernikəs d aytedan kul win dər naşaman,

³¹ əgmadan tinəmənnin gar-essan: «Aləs wen wər iga arat waliyyan as ihor a fall-as ammat wala deş iggəz fall-as kasaw.»

³² Amaran inna Agriffa i Festus: «Aləs wen ənnar wər igmay a das-işrəş Qaysara əmənokəl wa zəwwəran, itəwəyyu.»

27

Əmiwəy ən Buləs s əşrəm n Ərrum

¹ As itawanna ad nəggəz aşlal n aman nakku akal n Italəya, itawagga Buləs ənta əd wiyad iməskəsa daş əfus ən kabtan iyyan igân esəm Yuləyus ihân egan ən sojitan as itawannu «Wa n Qaysara».

² Təzzar nəggəz aşlal n aman n əşrəm n Adramutenəs ikkân ikallan n Asəya win əwarnen efay n agaraw. Ih-âna Aristarxus imosan awedan n əşrəm ən Tesalonik n akal wa n Masedonəya.

³ As əzəl wa dəffər wen, nəzzəbbat daş əşrəm ən Sidon. Yuləyus imosan awedan işâknin Buləs əlluş, ikf-ay turagat n ad akku imidawan-net win əhanen aşrəm wen fəl a daş-as əssənan.

⁴ As dər-nax igmad əşlal n aman Sidon, nəllil əsəlim n agaraw daş nəha ifi n akal imosan gər-wətlan as itawannu Qibrus fəlas ađu dər nəmməqqas.

⁵ Dəffər awen, nəšşokəl fəl agaraw was iwar akal ən Kilikəya əd wa n Banfiləya tama-net, newad-in aşrəm ən Mira ihân akal wa n Lukəya, nəzzəbbat daş-as.

⁶ Igraw daş-as kabtan wa dər nəddew iyyan aşlal n əşrəm n Alaskandrəya, itakkin akal n Italəya, ig-ana daş-as.

⁷ Nəga adan aggotnen nəsilalam fəl aman sollan, gərrid as din-nəhoz aşrəm ən Kənidos. Təgdal-ana assahat n ađu ad naglu daş anamod wen, təzzar nənnamad akal imosan gər-wətlan as itawannu Kəret. As nokay fəl Salmone, nəmmoday i Kəret, nəggəz ifi-net.

⁸ Gərrid as nəllil əsəlim n agaraw har newad edag igân esəm «Izəzzəbba win Hossaynen n aşlalalan» inimahazan d əşrəm ən Lasaya.

Tazafa d alamaz n aman aşlal

⁹ Isilalat-ana əşikəl wen wəllen, əşikəl daş aşlal n aman deş əmərədda iggaz-tu alşarar, fəlas wala əzum ən Kəl-Əlyəhud wa n şarat okay. Adi a fəl iga Buləs y aytedan win ənnodanən daş aşlal n aman ənnəsixa, inn-asan:

¹⁰ «Meddan, hannayaş as əsikəl-nana ad t-iggəz iba ən taşara d əşşud zəwwəran. Wərgəş aylal n aman ʒas əd lalan-net a z'əhləknen, kalar nakkanay da, ad nəggəz tazak ten.»

¹¹ Mişan issof kabtan iduf ən batu ta dasan-iga aləs wa ewayan aylal n aman əd wa t-ilan, iduf n ənnəsixa wa dasan-iga Buləs.

¹² Dad imos as azazzabbaw n əylalan n aman wen wər daş-as oley ikus ən təgrəst, tənkar taşşam n aytedan win maşşaxalan n əylal əgan tanat ad aqlin, əgməyan d əggad n iyyan aşrəm imosan azazzabbaw n əylalan n aman igân esəm Fenikəs ihân akal imosan gərwətlan as itawannu Kəret, əkkəsan tagrəst daş ʒayanʒayan-net s iyyan iswād sa sər agala daş ataram, wa hadan sa sər tamasna daş ataram.

¹³ Əllan den da as d-igar arat n ađu wa n agala, təzzar əkkəsan y əylal anaday, əqlan, sammađaxan y akal imosan gərwətlan ən Kəret daş əhozan təsəşwit-net, əylalan ad əfrəgan əmərədda igi n awa əran.

¹⁴ Mişan wər əhogan əd teklay as fall-asan du-təgar tazafa təssohet as itawannu ta n tamasna daş dənnəg, təgāt esəm Yurakilon, a dasan-du-təgāt iguz wa n akal ən Kəret.

¹⁵ Təzzar ibat ađu aylal n aman, indar-ana iduf-net, igla dər-naş ibāt-tu ađu.

¹⁶ As nəggəz ifi n arat n akal imosan gərwətlan, igân esəm Kawda, nəga y arat ən təxlalt n aman ilwāy aylal wa nəha, təməwit ta nəra gərrid.

¹⁷ Ədkalan-tat-du maşşaxalan n əylal, əgan-tat daş ammas n əylal, təzzar əssəxlayan-du aylal n aman ketnet iʒunan zawwarnen otaban-as sər-san fəl a tu-wər-zəmməzzəyan aman. İssərasan afər wa isakaf ađu isəluləm fəl aman fəl ad agu sollan, fəlas əksudan ad istəb əylal y amađal daş adag igân esəm Surtis a daş gəzzul agaraw, igla əylal ibāt-tu dər-naş ađu.

¹⁸ Awa təga tazafa en daş assahat, as əzəl wa hadan a din-əggəran maşşaxalan n əylal ilalan daş agaraw fəl ad ifsas əylal.

¹⁹ As əzəl wa n karad, əgaran-in daş aman əs fassan win-da-nasan isəssəkna n əylal.

²⁰ Təfuk wala etran nəgāt adan əgətnen wər tan-nənay. Awa təga tazafa en daş assahat, nəkkas fadda attama ən man-nana.

²¹ Adan en nəg-en wər t-illa i itşan arat, təzzar ibdad Buləs daş ammas n aytedan, inna: «Meddan, ənnar təttáfam ənnəsixa wa dawan-əgəş, taqqamim da wər du-təgmedam akal wa n Kəret; əddi wər kawan-z-igrəw iba n taşara wa d əhluk wa.

²² Amaran əmərədda əgmāya daş-wan ad wər təkkəsam attama, fəlas wər kawan-ihā i z'əgmədan man-net, mişan ya aylal n aman ənta a danaş-igməd.

²³ Əndod a di-inafalal angalos ən Məşşina wa di-ilan, əheş əşşəxəl-net,

²⁴ inn-i: "Buləs, a kay-wər-təggəz tasa, Qaysara wa n əmənokəl wa zəwwəran, kundaba təbdəda dat-əs işrəş-ak. Amaran ənəy, Məşşina ig-ak arraxmat təmosat əggəz n aytedan kul win dər tənamaha aylal n aman da."

²⁵ Daş adi meddan ad wər təkkəsəm attama, fəlas əzzigzanəş əs Məşşina. Awa di-inna den, ad agu s əmmək en da.

²⁶ Amaran kundaba istab dər-naş əylal n aman i təsəşwit n akal iyyan imosan gərwətlan.»

²⁷ As iga adawannay n əhad n əzəl-nana wa n maraw d əkkəz təgār fall-ana tazafa, ibāt dər-naş ađu aylal fəl agaraw igân esəm Adrəyatik, ənnəfrayan maşşaxalan n əylal n aman d as amađal wər igguz.

²⁸ Təzzar əgaran daş aman aşan y sər-əs əkətən təzzəgrət n agaraw. Təqqal təzzəgrət n aman daş adag wen əssəyat təmərwən n əxil d əkkəz. As əgan amazay, əlasan taşkot, osan-in edag wen təmos təzzəgrət-net səmmosat təmərwən n əxil əd sədis.

²⁹ Təggəz-tan tasa n ad infəl əylal n aman i təhün, təzzar əgaran daş aman daş ələqqam n əylal əkkəzət təzəliyawən şin as tu-nəddayan, amaran ad tattaran a tan-issəknan ezal.

³⁰ Ad gəmməyan maşşaxalan n əylal n aman ad əddəggəgan. Təzzar əssərasan təxlalt n aman ta əndərrat daş agaraw, əgan əsarə ās a əran ad əndəyan əşaf n əylal əs şiyvad şizəliyawən.

³¹ Mişan inna Buləs i kabtan əd sojitan: «Meddan en, as əgmədan aylal wa, wədi wər dawan-t-illa əgamad əd man-nawan.»

³² Təzzar olayan sojitan iʒunan win əqqannen təxlalt, əqlan dər-əs aman.

³³ As ibuk azal y igi, igmay Buləs daş əwedən kul ad atşu, inn-asan: «Azalada, əzəl-nawan wa n maraw d əkkəz d əşşawaşa labasan, wər t-illa arat as tərām təttay-net, wala iyyan iggāzan imawan-nawan.

³⁴ Daş adi əgmāya daş-wan ad tatşim fəl ad tərəgam, fəlas wər kawan-ihā i daş in-z-ihā wala anžad iyyanda n aşaf-net.»

³⁵ As inna Buləs awen, idkal-du tagəlla iga igodan i Məššina dat-san ketnasan, amaran ikarammat daḡ-as, ad itattu.

³⁶ Təgmad-tan tasa ketnasan, ətšan əntanay da.

³⁷ Awa nəmos daḡ əḡlal en ketnana, sanatat təmad n awedan d əssayət təmərwen əd sədis.

³⁸ As əyyəwanan a din-naqqalan alkama daḡ agaraw fəl ad əssəfsəsan aḡlal n aman.

³⁹ As iga azal, ənayan maššayalan n əḡlal as akal wa din-əhozan den wər t-əzdayan. Oggan əzazəl daḡ təšəšwit, ənnan ad əgməyan d a sər-əs awəyan aḡlal har das-t-əssəstəban kud ad əfrəgan awen.

⁴⁰ Əkkasan šizoliyawen šin əndaynen aḡlal, oyyan-tanat-in s aman, oran deḡ iḡunan ən katakawtan win sanamadnen aḡlal. Dəffər adi əkkasan aḡda y əfər wa ihan dat əḡlal fəl ad t-išəkəf aḡu, amaran sannamawalan-tu əd təgadamayt iha əzazəl.

⁴¹ Mišan ənfalan i tageft n əzazəl təhāt agaraw, ittityay daḡ-as aḡaf n əḡlal, iməzay d əmətəkwəy; təzzar ad tərəzzu əssahat [n tənazzamaren] ələqqam-net.

⁴² Ənayan sojitan awen ḡas, namannakan fəl ad əkkasan iman daḡ məskəsa fəl ad wər iššəf waliyyan daḡ-san, addaggag.

⁴³ Mišan igdal-asan kabtan-nasan igi n awen, fəlas a ira ad agəz Buləs. Təzzar omar kabtan aytedan win əsannen ewet n aman, ad tərəggen daḡ agaraw izaran-in əs təgadamayt.

⁴⁴ Amaran aytedan win hadatnen, əntanay omar-tan s ad əwəran katakawtan əd gannatan n əḡlal win du-nassarnen. Əmmək en da as ewadan ketnasan tagadamayt n agaraw əraḡan-du.

28

Buləs iha akal imosan gərwətlan as itawannu Malta

¹ As du-nərag daḡ awen, nəgmad-du aman, itawann-ana akal wen imosan gərwətlan, esəm-net Malta.

² Əssəknan-anax aytedan n akal wen əlluḡ wər nəla tulat. Əgan-ana ketnana marhaba, əssərḡan-ana temsay, fəlas akonak a iffayan, iga deḡ asamed.

³ Iššədaw-du Buləs əḡaf n eškan, ig-en daḡ təmsay, təkkas-du daḡ-san tuksay taššolt, tədad əfus-net, təkarayray daḡ-as.

⁴ As ənayan kəl akal wen taššolt təkirayray daḡ əfus ən Buləs, ad tinəmənnin: «İgmâd aššak as aləs wen əməggi ən man a imos. İrag-du daḡ agaraw, mišan harwa da ilkâm-as əššəriḡa, wər ira ad iddər.»

⁵ İrsak-in Buləs taššolt, tərtak daḡ təmsay, wər t-illa a t-igrāwan.

⁶ Əqqalan aytedan y ad ihədədəy Buləs, madəḡ ifətəqqət iba-tu tamazayt ten da; mišan as ərwəwan wər hənnəyan a t-igrāwan, əqqalan-du daḡ awa ənnan, ad gannin amaran: «Əməli iyyan awa!»

⁷ Edag ən əhoznat-tu təwəgas ən Bubləyəs, aləs wa n əmuzar n akal wen. İzazzabbat-ana daḡ ahan-net, nəga karad adan nənništay-as. İg-ana marhaba əd məgura əknanen əlluḡ.

⁸ As itaggu awen, təzizalallat tanaday abba ən Bubləyəs, tərtây-as əd tədist. Os-ay-in Buləs issəwar-tu ifassan-net, onsay-as Məššina. İzzozay-tu.

⁹ Dəffər awen a du-tasin miranan n akal wen win hadatnen, ətiwəzuzəyan.

¹⁰ Əssəknan-anax aytedan n akal wen saḡmar əggen, as nəggaz šin teklay daḡ əḡlal n aman iyyan. İkfan-anax arat was nəddərar y əšikəl.

Assa ən Buləs aḡrəm n Ərrum

¹¹ As nəga karadat təlil daḡ Malta, nəggaz aḡlal n aman a d-igmâdan aḡrəm n Alaskandrəya, as əwəran əssənəman as itawannu "win əknəwan" əḡaf-net, s ənta da akal wen da imosan gərwətlan a daḡ ikkas tagrəst, nəgla.

¹² As nosa aḡrəm ən Surakusa, nəga daḡ-as karad adan.

¹³ Nəgmad Surakusa nəgla har nosa aḡrəm ən Regəyon. As əzəl wa dəffər wen, igar-du aḡu wa n agala, nəgla. As əzəl wa hadan newad aḡrəm ən Batəyöləs.

¹⁴ Den da ad nəssəha fəl arat daḡ nalkiman ən Ḡaysa, əgməyan daḡ-na a ḡur-san nagu əssa adan. Dəffər awen nənneḡmad aḡrəm n Ərrum.

¹⁵ As danax-əslan mədrayan-nana daḡ əzəgzan win əḡrəm n Ərrum, əssəlkadan-ana-du əs təḡrəmt ta n Əssuk n Affəyus, wiyyad əssəlkadan-ana-du əs təḡrəmt as itawannu Ta n Karad Zəzzəbba. As tan-inay Buləs iga igodan i Məššina, ikna awen iman-net.

¹⁶ As din-nəggaz aḡrəm n Ərrum, irḡa əlxəkum i Buləs s ad iḡsər daḡ ahan wər inamaha ar əd soji wa t-ogazan.

Təlxtubat ən Buləs daɣ batu ən Ƴaysa Ɣlməsix daɣ Ɣrrum

¹⁷ Karad adan dəffər awen, isassaɣra-du Buləs imuzaran ən Kəl-Ɣlyəhud win əɣrəm n Ɣrrum. As d-əddewan inn-asan: «Imədrayan-in, nak wər nəɣşed arat waliyyan i tamattay-nana wala deɣ əmmizraya alɣadaten şin du-nogaz ɣur marawan-nana, mişan əttəmasaɣ daɣ Yerusalām, tawagga daɣ fassan ən Kəl-Ɣrrum.

¹⁸ As di-əşraɣan, ərən di-ayyin fəlas wər əgeɣ arat waliyyan a di-issiwaran tamattant.

¹⁹ Mişan ənkaran Kəl-Ɣlyəhud ugayan s ad tawayya, iqqal-i əşşil agamay n a di-işrəɣ Qaysara əmənokal wa zəwwəran, dər iga awen da ya wər əgeɣ ənnəyat n ad aga i tamattay-nana taɣtəst waliyyat.

²⁰ Adi a fəl kawən-əssəgmaya, a kawən-ənəya, məşiwəla dər-wan. Isassaran win, wər sər-i tan-d-eway ar as əgeɣ attama-nin daɣ was əqqalan Kəl-Israyil.»

²¹ Ənnan-as: «Nakkanay za, wər nəgrew şirawt waliyyat a du-təfəlat akal ən Yahudəyya daɣ talɣa-nak wala deɣ os-əna-du iyyan daɣ mədrayan-nana daɣ əddin, ag-ana isalan-nak madəɣ annu sər-ək ark arat.

²² Amaran nəra a dana-təməla kay iman-nak awa təsamədranaɣ, fəlas arat iyyanda as danaɣ-əhan salan-net as, taggayt ta n tarrayt n Ɣlməsix Ƴaysa, wər t-illa adag a tat-wər-nəşşek.»

²³ Təzzar namaggan dər-əs təmastant əzəl iyyan. As d-iɣlay əzəl wen, osan-t-idu s igət daɣ ahan wa iha. İşşewal-asan əs gəlleyat daɣ salan ən Taɣmar ta n Məşşina wa n aɣora har iga ahad, isasagr-asan-tat. Isakn-en əs təməwit təsasagrat daɣ Ɣttawret ən Musa d Ɣlkəttaban n Ɣnnəbitan win hadatnen as, awa igannu əs Ƴaysa tidət daɣ a imos.

²⁴ Wiyyad əssokasan daɣ-san aratan win inna Buləs aşşak, əzzəgzanan; win hadatnen ugayan s əzəgzan.

²⁵ Təzzar əmməzaɣan gar-essan. As əggazan şin teklay, inna Buləs: «Tidət da a inna İnfas wa Zəddigan i marawan-nana daɣ əmi n ənnəbi İsayas, as inna:

²⁶ "Aglu, akku tamattay en, tannaɣ-as: 'Ad təyyawan əsəsəm, mişan wər ilkem ad təgra wala, təyyawan asawad, mişan wər ilkem ad tənay wala';

²⁷ fəlas tamattay di, əşəɣər a təga əwəl-net, gərrid as sallinat təməzzugen-net, təqqān şittawen-net; fəl ad wər tənay za wala taslu, taqqam da wər təgra s əwəl-net, əngəm tutab, əzzuzəyaq-qat!"»

²⁸ Dəffər awen, inn-asan Buləs: «Əssənət za as, şimattiwen şin wər nəmos Kəl-Ɣlyəhud əntanatay da issok-enat-du Məşşina isalan n efsan-net. Əntanatay a dasan-z-əssəsəmmən.»

²⁹ [As inna Buləs awen, əfalan-tu Kəl-Ɣlyəhud, əmmizəɣan wəllen gar-essan.]

³⁰ İga Buləs əşşin elan əɣrədnən daɣ ahan ixfār ənta iman-net, itaggu marhaba y aytedan kul win ərənən anay-net.

³¹ İtagg-asan isalan ən Taɣmar ta n Məşşina, isasaɣr-en deɣ arat kul wa iqqalan Ɣməli Ƴaysa Ɣlməsix şi wala tasa, wər t-illa deɣ awedan a das-igdəlan awen.

Širawt ta iktab Buləs i Kəl-Ěrrum Ěsənti

Assalam

¹ Awa nak Buləs akli n Ělməsix Ƴaysa, itiwaxran əs tišit n anammazul itiwaskat deƳ y igi ən salan n Ělinjil ən Məššina.

² Ělinjil wen irəw Məššina as iga arkawal-net y ənnəbitan daƳ Ělkəttaban win zaddognen.

³ Isalan n Ělinjil win den əmmigradan daƳ batu ən Barar ən Məššina a d-ihəwan daƳ əzzurrəyya n ənnəbi Dawəd daƳ batu ta təqqalat tišit-net aggadəm.

⁴ DaƳ batu amaran ta təqqalat Infas wa Zəddigan ən Məššina itawaxsab Barar ən Məššina əs tarna s əssəbab ən tanakra-net daƳ təmattant. Ěnta a imosan Ƴaysa Ělməsix Ěməli-nana.

⁵ Tarrayt-net as nəgraw arraxmat ən tišit ən nəmmuzal fəl a du-nawəy šimattiwen kul šin wər nəmos Kəl-Ělyəhud s əbərdəg wa d-itaway əzəgzan, fəl saƳmar n esəm-net.

⁶ Šimattiwen šin kawanay da təhəm-tanat, kawanay a iƳra Ƴaysa Ělməsix.

⁷ KattabaƳ-awan-in ketnawan kawanay a əhanen aƳrəm n Ěrrum təmosam win ikna Məššina tara tətiwaxram s ad tizdagam. Ěgmaya daƳ Məššina di n Abba-nana d Ěməli Ƴaysa Ělməsix a dawan-igan arraxmat d alxer.

Igodan əd səsəgritan

⁸ DaƳ tizarat əggodan-yaƳ i Məššina əs tarrayt ən Ƴaysa Ělməsix daƳ batu-nawan ketnawan id əzəgzan-nawan itiwaxra daƳ əddənet ketnet.

⁹ Iggıyyat-i Məššina a əxbada s əwəl iyyanda s amel wa taggaƳ isalan n Ělinjil ən Barar-net əs faw tahəm šiwatriwen-in.

¹⁰ Faw da gammaya daƳ təwatriwen-in ad əgrəwaƳ təməwit n a kawan-in-asa, as irda Məššina.

¹¹ Tidət as əkneƳ tara n a kawan-ənəya fəl a dər-wan ədrəwaƳ arət ən təhəkuten šiyyad a d-əfalnen Infas wa Zəddigan fəl ad təgrəwam əzəzzəwi daƳ əzəgzan-nawan.

¹² AlmaƳna as dər-wan namaggaƳ ədag, əzəgzan wa nəla nak dər-wan a danay-isəssuhət ketnana daƳ tarrayt ta nəha, inəməsəssuhət deƳ əzəgzan wa-nawan əd wənin.

¹³ Ya imədrayan-in, areƳ ad təssənam as əyyəwanəƳ tara n a kawan-in-asa fəl ad əgrəwa Ƴur-wan tənfa n əššəƳəl-in wa n anammazul zun ta əgrawa Ƴur təmattiwen šin hadatnen wər nəmos Kəl-Ělyəhud. Mišan indar-i awen har harwa.

¹⁴ Tišit-in anammazul təsiwar-i əššəƳəl daƳ aytedan kul gər Kəl-Ělyunan as əmoranat šittawen-nasan wala win tan-wər-nəmos, gər win musanan wala win aljahilan.

¹⁵ Awen daƳ a fəlas sidaranəƳ wəllen a dawan-agəƳ isalan n Ělinjil kawanay da a əhanen aƳrəm n Ěrrum.

Awa daƳ təššəwal širawt ta

¹⁶ Fəlas wər di-imos Ělinjil təkarakit id tarna ən Məššina a imos, itaway-du efsan s aytedan kul win əzzəgzannen a obazan Ƴur Kəl-Ělyəhud ikka aytedan win tan-wər-nəmos.

¹⁷ İllikan as taqqat ta n Məššina tənifalal daƳ Ělinjil s əzəgzan, amaran s əzəgzan Ƴas, id ənnan Ělkəttaban: «*Awedan wa oƳadan daƳ tarrayt ta n əzəgzan a igarrawan təməddurt təynayət.*»

Ělinjil ənta immalan taqqat ən Məššina

Aytedan kul ibaz-tan əššəriƳa ən Məššina

Inəmməzray kul obāz-tan əššəriƳa ən Məššina

¹⁸ Alham ən Məššina iffal-du ijənnawan itakka-du aytedan kul win wər nəksud Məššina d aytedan kul win wər noƳəd, əwāƳan tidət əgdəlan-as ənəfilal s iba n taqqat-nasan.

¹⁹ Fəlas arət wa ifragan ətəwəssan daƳ batu ən Məššina ibbiyyan-asan id Məššina iman-net a dasan-t-isannafalalan.

²⁰ Awalla, harwa Ƴur əxluk ən Məššina əddənet da assayfaten-net šin wər nətəwənəy, əmosnen tarna-net təyləlat əd tišit-net Ěməli, tawahannaynat, əmmunnat daƳ igitan-net. DaƳ adi wər əlen əsarə waliyyan a tan-ikkasan,

²¹ id əssânan Məşşina mişan wər das-əgen saşmar wa dər ihor za wər das-əgen igodan. Kalar oyyan iman-nasan əssəxrakan-tan medranan wər nənfa wala, əjawanken deş daş şiyay id iwallan-nasan a əşfalnen.

²² Əgân iduf n as əmosan imalan ən tayttay, əntanay amaran imeskelan a əmosan.

²³ Ənkaran əs tanaya ən Məşşina di n Amaşlol əgan daş adag-net şaşşelanan n aggadəm wər nəşlel əd gədaş əd hərwan əd wəşsan əd dəmərdəmaran.

²⁴ Awen daş a fəl tan-oyya Məşşina əlkaman y arak deranan-nasan. Əmmək en daş as samadasan iman-nasan əs təməwit təsifallasat aggadəm.

²⁵ Əntanay a sammattaynen tidət ən Məşşina əgan bahu daş adag-net, əşbādan əməttəwəxlək oyyan Wa d-ixallakan. Attamalet əssən-net har faw! Amin!

²⁶ Awen daş a fəl tan-oyya Məşşina əggāzan tara ən man-nasan eway-du sər-san awen şifəllas, har əş şidoden-nasan ab-as tinəmənsinat əd meddan, kalar şidoden a dər tinəmənsinat, imos awen arat immizrayan əttəbişat n aggadəm.

²⁷ Meddan deş əgan awen da. Ab-as tinəmənsin əd tədoden-nasan, ad tinəməggin əzzəna gar-essan, əknān tara n awen. Aytedan win əxtraknen en, a tan-abəz əşşərişə ən Məşşina s attadib wa dər əhoran mazalan wər nətəwəggu win taggin den.

²⁸ Dad zamas ugayan s ad əssənan Məşşina, oyy-en Məşşina əlkaman y arak tayttay-nasan ad taggin imazalan wər nəmməkkən.

²⁹ Taggin əzzənəfan kul ən mazalan wər noşed, d aşşar, d attama daş a wər əlen, d əzzəngu əd manzaş, d igi ən man, əd kənnasan, əd təkərras, əd tişit ən maksanan. Sawaran aytedan bahu,

³⁰ akkiyyan igannu ark aratan əs wa hadan. Əmosan izəngə ən Məşşina, wər əlen aladab, tanarbadan, ih-en zazwar ən man, gammayan tarrayen kul şin igi ən təkma. Wər əbbərdəgan i marwan-nasan.

³¹ Wər əlen tayttay, wər əşdəlan, wər əlen tafreyt za wər tan-təha tahanint.

³² Əknān masnat n əşşərişə imosan tamattant təşlalət wa issənsa Məşşina i win tagginen imazalan win den. Mişan dər iga awen da, əssərtayan as tamazalan ark aratan win den, d as əqbālan aytedan win tan-tamazalnen.

2

Aytedan win əganen iduf n as olaşan obaz-tan əşşərişə ən Məşşina

¹ Daş adi kay wa ixakkaman y aytedan, əssən as wər dak-tu-təlla təsurreft a təqqala da, fəlas as təkakkama y aytedan, wədi iman-nak a tətəbaza s əşşərişə, id kay iman-nak da tətəggaş arak mazalan win taggin aytedan win den.

² Amaran nəssān as əşşərişə ən Məşşina was obaz aytedan win tagginen imazalan win den oşād.

³ Ənzər-in daş as kay wa ixakkaman aytedan a dər-ək olanen alxal, wər t-illa əmmək as du-za-tərəga daş əşşərişə wa n Məşşina.

⁴ Məş ak əsəttəlkək a təgəş əlluş ən Məşşina, d əlləllu-net, əd təzaydart-net, təqqima wər din-təgərəş as ira a kay-isəmməttəy s əlluş-net tutaba?

⁵ İqqəssu-nak əd tugəyt-nak əs tətəbt a d-əwaynen as itiwəsəmutig-ak alşazab zəwwəran əzəl wad z'izəmmizəl Məşşina alham-net inəfiləl əşşərişə-net oşādan.

⁶ Əzəl wən, awedan kul ad t-akfu Məşşina awa dər əhoran mazalan-net.

⁷ Win əganen təzaydart za daş əmazal n awa olaşan, gammayan s awen ətəwəsəşməş şur Məşşina, d ədkul, gammayan təməddurt ta wər nəşərrəd, win di ad tan-akfu Məşşina təməddurt ta təşlalət.

⁸ Amaran win wər nəgəmmay ar tənfa ən man-nasan, əmosan əllid ən tidət, tamazalan deş aratan wər noşed, win di a tan-assaknu Məşşina aşşar n alham-net.

⁹ Awalla, təssust əd təməşutar əllānat-tu y aytedan win tamazalnen talbast a obazan şur Kəl-İlyəhud ikka win wər nəmos Kəl-İlyəhud.

¹⁰ Amaran awedan kul wa itamazalan awa olaşan, wədi ill-as-tu ətkul d ətəwəsəşməş d alxer a obazan şur Kəl-İlyəhud ikka win wər nəmos Kəl-İlyəhud,

¹¹ fəlas Məşşina wər itəggu təmərıt.

¹² Adi a fəlas aytedan kul win tagginen ibakkadan imos as ijhal-asan əşşərişə wa n Əttawret, win di wər z'attarmasan s əşşərişə wən. Amaran win əssannen əşşərişə wa n Əttawret taggin ibakkadan, win di ketnasan a dasan-itəwəşkəm s əşşərişə wədi da.

¹³ Wəgəş win sasammen y əşşərişə a oşadnen dat Məşşina, kalar win sər-əs tamazalnen əntanay a z'əgrəwənen ətəwəşqbal əd taqqat şur Məşşina.

¹⁴ Aytedan win wər nəmos Kəl-İlyəhud amaran wər əssənan fəl əşşərişə wa n Əttawret mişan imazalan win əttəbişat-nasan nimannakan d əşşərişə wa, win di əntanay a əmosnen əşşərişə i man-nasan.

¹⁵ Saknin s awen as imazalan win as omar əşşərixa əktâban dağ wallan-nasan. İnnəyatən-nasan değ tagayyatnat awen. Amaran iduf wa namaggan gar-essan assaxat iyyat tinəməsəwiran sər-əs lahan assaxat iyyat değ gammayan sər-əs ənəməsurafl.

¹⁶ Ənta da da awa z'agin əzəl wad z'isrəğ Məşşina əs tarrayt ən Ƴaysa İlməsix imazalan n aggadəm win əğbarnen, s əmmək was t-inna İlinjil wa əmmala.

Kəl-İlyəhud obâz-tan əşşərixa ən Məşşina

¹⁷ Kay wa igannin təmosağ Ag İlyəhud təffilla fəl əşşərixa wa n İttawret, tətəgğay ibaragan as kay təmosağ əmaray əs Məşşina,

¹⁸ təssânağ awa ira Məşşina, təssânağ arat wa imosan əlməxsud id tətivasasaxra əşşərixa wen.

¹⁹ Kay wa ikkasan aşşak as təmosağ əmalway ən win əddəryələn, təmosağ ənnur i win əhanen şiyay,

²⁰ təmosağ əməsəsəşxri n aytedan win nəbbənnan, d əməsəsəşxri ən bararan, təgəğ awen fəlas tənâya dağ İttawret masnat əd tidət əkmälən.

²¹ Xasil kay wa isaxayrin aytedan amaran wər təsəsəşxray iman-nak! Kay wa itamaran aytedan s ad wər akəran, mafel tətakara?

²² Kay wa itamaran aytedan s ad wər agin əzzəna, mafel tətəgğaq-qu? Kay wa ikəyaqan əssənəman, mafel təğalla tətakarax awa ihan idaggan n əlxihada-nasan?

²³ Kay wa isabaragan fəl əşşərixa n İttawret amaran tətamazrayaq-qu imos awen iba n safrar n esəm ən Məşşina.

²⁴ «Fəlas esəm ən Məşşina sammadrayan-tu aytedan win wər nəmos Kəl-İlyəhud amaran imazalan-nawan a d-ewaynen awen», s əmmək was t-əmalan Əlkəttaban.

²⁵ İllikan as əmənkəd təh-ay tənfa as imos as təbbirdaga y əşşərixa wa n İttawret, mişan as tətamazrayax əşşərixa wen, wədi əmənkəd-nak wər izlay d iba-net.

²⁶ As imos as awedan wa wər nəmmənkəd ilkâm y əlwajiban n əşşərixa ibbirdag-asan, awak wərgəğ a das-itəwəxsəb as imminkad?

²⁷ Awedan wa wər nəmmənkəd amaran ibbirdag y əşşərixa wa n İttawret, ənta dak-z-isrəğan kay wa itafan İttawret təmminkada tətamazrayaq-qu.

²⁸ Arat wa imosan tidət as tişit n Ag İlyəhud wər təmos arat iwaran azzahir xas, wala əmənkəd xas.

²⁹ Kalar awa ihan əwəl ənta a itaggin awedan Ag İlyəhud amaran əmənkəd wa itaggin awedan Ag İlyəhud əwəl a dağ itaggu imos arat a d-ifalan İnfəs ən Məşşina, wərgəğ arat iktaban xas dağ İttawret. Ənta di da Ag İlyəhud wa igarrawan təmmalən şin d-əfalən Məşşina, wərgəğ şin d-əfalən aggadəm.

3

¹ Dağ adi məni tat əlfaydat ən tişit n Ag İlyəhud, madəğ məni tənfa n əmənkəd?

² Tənfa-net şi agget dağ anamod kul, amaran ta zəwwərat əs Kəl-İlyəhud əntanay as d-iga Məşşina awal-net dağ fassan-nasan.

³ Tidət as wiyyad dağ-san əmmizrayan Məşşina. Awak immikkan iba n təlxudəla-nasan ad təsəmməttəy arat dağ təlxudəla ən Məşşina?

⁴ Kala kala! Itəwəqbəlet əs Məşşina ənta a imosan tidət, aggadəm anasəbahu. Tişit ən Məşşina tidət ənta a fəl ənnan Əlkəttaban: «Təgrawa taqqat dağ awal-nak, təgrawa tidət dağ əşşərixa-nak.»

⁵ Mişan ma za nannu as imos as iba n aqqad-nana isannafalal-du aqqad ən Məşşina? Awak Məşşina imos fall-as iba n aqqad ad izəmmizəl əlham-net? İllikan əs awal wa tagga da taggaq-qu əs taytay ta n aggadəm.

⁶ Kala, kala! Məşşina inimaggag d ad imos as wər oğed. Kundaba adi, manəmmək as z'isrəğ y əddənət?

⁷ Amaran əs imos əs bahu-nin isannahal əsənəfiləl ən tidət ən Məşşina, əway-du awen əs təbbəyyan tanaya-net, wədi mafel tətawaxkam-i tişit n anasəkkad?

⁸ Ma ikma fadda nənna: «Mazalatana talbast fəl a tat-du-təgmad tənfa?» Arat s ənta a sər-na gannin arat n aytedan gammaynen a danax-əğşədan esəm. Aytedan win di əhoran d ad attarmasan s əşşərixa ən Məşşina.

Aytedan kul obâz-tan əşşərixa ən Məşşina

⁹ Ma za? Awak nakkənanə an Kəl-İlyəhud təll-ay əlfaydat nəgrâw dənnəğ aytedan harwa da? Kala kala, fəlas nəjwər nəsattadda əs ketnana gər za Kəl-İlyəhud wala aytedan win tan-wər-nəmos, əs nəha təla n əbakkad,

¹⁰ s əmmək was ənnan Əlkəttaban:

«Wər t-illa i oğadan, wala xas iyyanda,

¹¹ wər t-illa i igarrin,

wər t-illa i igammayan masnat ən Məşşina

¹² Kul əxrâkan əmmək a mosan,

ketnasan əknân aššar,

wər tan-iha i itaggan awa olağan,

[wala] ǧas iyyanda.

¹³ Şigarsaten-nasan əmosnat zun təsəska ənnolammen,

İlsawan-nasan takarrasan sər-san aytedan,

idəlay-nasan wər əyberan ar assam ən taššolt.

¹⁴ İmawan-nasan ədnâyan batuten samommen əd tulǧant,

¹⁵ idaran-nasan təh-en tadasayt ən tanaǧla n əzni,

¹⁶ ahluk d əlməssibat əwâran tarrayt-nasan,

¹⁷ wər əzdayan tarrayt ta n alxer.

¹⁸ Təksəda ən Məşşina wər təha wallan-nasan.»

¹⁹ Ənta nəssân as arat kul wa innə əšşəriǧa wa n Əttawret, inn-ay y aytedan win əllanen daw əlxəkum wa n Əttawret fəl ad affastin mawan kul itəwəq̄bəl as əddənət kul obâz-tat əšşəriǧa wa n Məşşina.

²⁰ Fəlas wər t-illa awedan as za tətəwəq̄bəl taqqat-net dat Məşşina əs tarrayt ən mazal n awa ihan əšşəriǧa, fəlas əšşəriǧa ənta a danaǧ-isusunan awa imos abakkad.

Aytedan əgrâwan taqqat əs tarrayt n əzəgzan

İsəssəgri ən taqqat ta ihakku əzəgzan

²¹ Mišan əmərəddə, Məşşina isinafalal əmmək was z'iq̄bəl taqqat-nanaǧ da wala tarrayt ta n Əšşəriǧa ittiddan daǧ Əlkəttaban.

²² Məşşina iq̄bbal taqqat əs tarrayt n əzəgzan əs ǧaysa Əlməsix. Amaran aytedan win əzzəgzannen kul iq̄bbal taqqat-nasan, fəlas aytedan wər əzlayan:

²³ Ketnasan əgân ibakkadan aba fall-asan tanaya ən Məşşina.

²⁴ Amaran əgrâwan taqqat təmosat təhəkkut n arraxmat ən Məşşina əs tarrayt ən tədərfit ta du-teway tassaǧ d Əlməsix ǧaysa.

²⁵ Ənta a d-issəgla Məşşina ixkâm-as ad iqqəl takutay ta təmmasat ibakkadan n aytedan əs tarrayt n əzəgzan s əzni-net. Əmmək en daǧ as issəkna Məşşina taqqat-net. Fəlas Məşşina oyya ibakkadan da wər tan-iwwəddab daǧ azzaman win ərəwnen,

²⁶ ən təzaydart-net, amaran azzaman win əmərəddə, ira ad assaknu taqqat-net əs təməwit a daǧ z'itəwəq̄bəl as oǧâd, fəl ad iq̄bəl taqqat n awedan kul wa izzəgzanan əs ǧaysa.

²⁷ Daǧ adi, awak ill-ay əddəlil a fəl nəgə ibaragan? Kala wər t-illa, fəlas wərgəy əbərdəg y əšşəriǧa a işǧalan əmərəddə, kalar əzəgzan.

²⁸ Fəlas nəkkənay nəgə iduf n as awedan igarraw taqqat əs tarrayt n əzəgzan, wərgəy ləkkum y əšşəriǧa.

²⁹ Məy ak nəgə iduf n as Məşşina Kəl-Əlyəhud ǧas as imos Əməli-nasan? Awak Məşşina wər imos Əməli n aytedan win wər nəmos Kəl-Əlyəhud? Awalla Əməli n aytedan kul a imos, harkid win wər nəmos Kəl-Əlyəhud.

³⁰ Dad zamas Məşşina iyyanda ǧas, wədi ad iq̄bəl taqqat ən Kəl-Əlyəhud s əssəbab n əzəgzan, iq̄bəl dəy taqqat ən win wər nəmos Kəl-Əlyəhud əs tarrayt n əzəgzan wa.

³¹ Daǧ adi wərgəy emes a din-nətaggu əšşəriǧa nətaggu əzəgzan daǧ adag-net. Kalar əsettəddi a nətaggu əšşəriǧa.

4

Ibrahim imos almasal n aǧaraw ən taqqat s əzəgzan

¹ Ma za nannu daǧ adi s İbrahim imosan əmâraw-nanaǧ daǧ batu ta təqqalat tišit n əggadəm? Ma igraw?

² Ənnar imos as İbrahim tarrayt ən mazalan-net as igraw taqqat ǧur Məşşina, wədi ıla əddəlil n igi ən baragan. Mišan wərgəy awen a igan ǧur Məşşina.

³ Fəlas ənnan Əlkəttaban: *Izzəgzan Abram əs Məşşina, awen daǧ a fəl t-ikfa Məşşina taqqat.*

⁴ Awedan wa itaggan imazalan olaǧnen, wədi alak-net wər das-imos tənəfust, kalar alxaq-net a imos.

⁵ Awedan amaran wa wər nəgə imazalan olaǧnen, mišan izzigzan əs Məşşina s ənta ihakkin taqqat i nasbakkadan, wədi ad igrəw taqqat s əssəbab n əzəgzan-net.

⁶ Əmmək en daǧ as innə ənnəbi Dawəd daǧ batu n əbbələl n awedan wa ikfa Məşşina taqqat da wala imazalan-net, innə:

⁷ «Əbbilalan win as tawasarafan arak mazalan-nasan,

Tawamasan bakkadan-nasan!

⁸ İbbilal alas wa fəl wər ixəssəb Məşşina ibakkadan-net!»

⁹ Awak əbbələl wa in Kəl-İlyəhud ɣas, meɣ ak in aytedan kul harkid win wər nəmos Kəl-İlyəhud? Fəlas nəgannu: *Əzəgzan n İbrahim igraw sər-əs taqqat dat Məşşina.*

¹⁰ Awak ma dər ola İbrahim as igraw ətəwəqbal wen ɣur Məşşina? Awak imminkad meɣ wər immənkad harwa? Kalar harwa da dat əmənəkəd-net ad igraw ətəwəqbal wen.

¹¹ Dəffər awen ad igraw İbrahim ɣur Məşşina asannal wa n əmənəkəd imosan əsətəddi ən taqqat ta igraw s əzəgzan harwa dat əmənəkəd-net. Arat wen igâ fəl ad iqqəl İbrahim əmâraw n aytedan kul win əzzəgzannen əs Məşşina da wər əmmənəkadan, fəl ad əgrəwan əntanay da taqqat ɣur Məşşina.

¹² İbrahim imos harwa da abba n aytedan win əmmənəkadnen, mişan wərgəɣ əmənəkəd-nasan ɣas a fəl əffəllan, kalar tilalt a əgan tarrayt n əzəgzan ta iga əmaraw-nanaɣ İbrahim harwa da wər immənəkad.

¹³ Məşşina iga arkawal y İbrahim əd hayawan-net as ad əgrəwan əddənet. Arkawal wen wər itawagga y İbrahim fəl ləkkum-net y əşşəriɣa, kalar ig-as-tu Məşşina əs tarrayt ən taqqat tat-t-ikfat əzəgzan-net.

¹⁴ As imos as tarrayt ən ləkkum y əşşəriɣa as z'əgrəwan aytedan arkawal wen, wədi əzəgzan wər ıla tarna waliyyat, arkawal wen deɣ ad ib'as t-illa.

¹⁵ Fəlas əşşəriɣa itaway-du təmazrəyt id wər nəfreg a t-idu-nəsandu, təmazrəyt amaran tətaway-du alham. Amaran edag wa wər iha əşşəriɣa, wədi wər tu-za-təggəz təmazrəyt.

¹⁶ Ənta den daɣ əddəlil wa fəlas arkawal wen ad itəwəgrəw əs tarrayt n əzəgzan, fəl ad iqqəl təhəkkut təmosat arraxmat. Əmmək en daɣ as arkawal wen ittidda y əzzurrəyya n İbrahim ketnet, almaɣna wərgəɣ win əlkamnen y əşşəriɣa ɣas, kalar harkid win obaznen tarrayt n əzəgzan ta n İbrahim imosan abba-nana ketnana.

¹⁷ Awen da a ihan Əlkəttaban id ənnan: *«Egeq-qay əmaraw ən təmattiwen əknânen igət.»* İmos abba-nana ketnana dat Məşşina s ənta as izzəgzan, Məşşina s ənta a ihakkin təməddurt i win aba, ixallak-du awa tu-wər-nəlla.

¹⁸ İbrahim iggaz alxalat a daɣ-as tu-wər-illa attama waliyyan, mişan izzəgzan iga attama-net daɣ Məşşina. Əmmək en daɣ as iqqəl *abba ən təmattiwen əknânen igət*, s əmmək was das-itawanna: *«Awen daɣ a dər z'əgdin hayawan-nak».*

¹⁹ Wər ides wala əzəgzan n İbrahim kuddeɣ as issân as təxəssa-net [zun as] təmmüt fəlas izay-in temeday n awatay, Sarata deɣ təwaşşar təggigra.

²⁰ İbrahim wər iga aşşak daɣ arkawal ən Məşşina zun awedan wər nəzzəgzan, kalar isassahat-tu əzəgzan-net issəɣmar tanaya ən Məşşina.

²¹ Isannahal ikus n aşşak as Məşşina ıla tarna n ad assandu arat was iga arkawal-net.

²² Awen daɣ a fəl *«das-itawaxsab awen əs tişit n awedan oɣâdan.»*

²³ Mişan wərgəɣ əddəlil-net ənta ɣas a fəl itawaktab as: *«Itawaxsab-as awen»*,

²⁴ kalar nakkanay da itiwaktab fəl əddəlil-nana, awedan Məşşina nakkanay da ad ixəsb taqqat-nana. Nakkanay əzəgzan a sər-əs nəga, ənta a d-issənkaran Əməli-nana ɣaysa daɣ təməttant

²⁵ s ənta a itawakfan fəl əddəlil ən bakkadan-nana, itawasankar-du fəl ad nəgrəw taqqat dat Məşşina.

5

Agaraw ən taqqat əs tarrayt n əzəgzan d əlyillal

¹ Daɣ adi as nəgraw taqqat dat Məşşina s əzəgzan-nana, wədi nəgrâw alxer gar-enay əd Məşşina əs tarrayt n Əməli-nana ɣaysa Əlməsix.

² Tarrayt n Əlməsix as nəgraw arraxmat [s əssəbab n əzəgzan-nana]. Arraxmat en ənta fella-nana. Nəddəwat amaran attama wa nəga daɣ tanaya ən Məşşina, ənta a imosan abarag-nana.

³ Dənnəg awen fadda, nəsabarag kudde nəha təssust, fəlas nəssân as təssust ənta a du-tətawayat zəmmerat.

⁴ Zəmmerat ten amaran ənta a dana-təhakkit tişit n aytedan əlânen almaɣna, amaran as nəqqal aytedan əlânen almaɣna wər za nammazzay d igi n attama daɣ Məşşina.

⁵ Məşşina amaran wər isərmig i daɣ-as igân attama, id tara-net a tədnayət iwallan-nana əs tarrayt n İnfas wa Zəddigan wa danaɣ-itawakfan.

⁶ Fəlas harwa danaɣ-wər-təqqəl alfaydat waliyyat ad immut Əlməsix fəl əddəlil n aytedan wər nəzəgzan əs Məşşina daɣ alwaq wa iskat Məşşina y awen.

⁷ İzzəwat i z'iqbələn ad t-iba kuddeɣ fəl əddəlil n awedan oɣadan. Mijas ifrâg awedan ad iqbəl təməttant fəl awedan olaɣan.

⁸ Mišan əmmək da wə danax-issəkna Məşşina tara ta danax-iga: Harwada nəmos inasbakkadan ad aba Əlməsix fəl əddəlil-nana.

⁹ Dad zamas əmərədda nəgraw taqqat əs tarrayt n əzni n Əlməsix, manəmmək as danax wər z'assafsu dağ alham ən Məşşina?

¹⁰ Fəlas, dad zamas harwa nəmos izənga ən Məşşina da nəga dər-əs alxer əs tarrayt ən təməttant ən Barar-net, manəmmək as wər za nəgrəw efsan s əssəbab ən təməddurt ən Barar-net əmərədda a dər-əs nəga alxer.

¹¹ Amaran iyyan arət as Məşşina a fəl nəsafalla əs tarrayt n Əməli-nana Yaysa Əlməsix s ənta a danax-igan əmərədda alxer əd Məşşina. Ənta den dağ abarag-nana.

Abakkad n Adəm d arraxmat ən Yaysa Əlməsix

¹² Ma təssoka za batu ten? Adı za as tarrayt n awedan iyyanda as d-iggaz abakkad əddənət, abakkad amaran ənta a d-ewayan təməttant. Əmmək en dağ as təməttant təll-ay y aytedan kul fəlas ketnasan əgən ibakkadan.

¹³ Ənta abakkad ill-ay harwa da wər d-izazzabbat Məşşina əşşərixa-net fəl ənnəbi Musa, amaran abakkad wər ixəssəb, as tu-wər-illa əşşərixa.

¹⁴ Dər iga awen da ya təməttant təll-ay təxkām dağ əddənət a d-obazan çur Adəm har Musa. Təll-ay harkid y aytedan win wər nəga abakkad olən əd wa n Adəm s ənta a ihan əlmital ən wa du-z-asin.

¹⁵ Mišan təməzrəyt n Adəm wər tola əd təhəkkut ta danax-iga Məşşina s arraxmat-net. Tidət as aytedan aggotnen aba-tan fəl əddəlil ən təməzrəyt n awedan iyyanda a t-imosan Adəm. Ma dər ogda igət n arraxmat ən Məşşina, təmosat təhəkkut-net ta du-tosat əs tarrayt n awedan iyyanda a t-imosan Yaysa Əlməsix? Arraxmat ten əd təhəkkut ten wər əlenat əddukad, amaran ewədnat-in aytedan əknənən igət.

¹⁶ Awa du-təwəyay təhəkkut ən Məşşina wər ola d awa d-eway abakkad n awedan iyyanda. Dəffər abakkad wa iga Adəm, Məşşina iwıwiddab s əşşərixa-net aytedan kul. Təhəkkut amaran ta d-iga Məşşina taqqat as təwəyay aytedan, amaran tosâ-du dəffər as əgən aytedan təməzrəyt təgget.

¹⁷ İllikan as təməzrəyt n awedan iyyanda a du-təwəyay as təxkam təməttant əddənət əs tarrayt n awedan iyyanda wen. Mišan əs tarrayt ən Yaysa Əlməsix ças-net, əgrāwan aytedan a ogaran awen wəllən. Aytedan win əgrawnen arraxmat wər nəla əddukad əd təhəkkut-net təhəkkut taqqat, win di ad əddəran əxkəman dəx əs tarrayt n awedan iyyanda a t-imosan Yaysa Əlməsix.

¹⁸ Dağ adi, kud təməzrəyt n awedan iyyanda təwəy-du attadib s aytedan kul, wədi aytedan kul ad əgrəwan taqqat təhəkkut təməddurt əs tarrayt n əməzal oğadan n awedan iyyanda. Əməzal wen təməttant ən Yaysa Əlməsix a t-imosan.

¹⁹ Zund əmmək as təməzrəyt n awedan iyyanda təwəy-du as əqqalan aytedan aggotnen inasbakkadan, əmmək en dağ as əbərdeğ n awedan iyyanda a du-z-awəyan s aytedan aggotnen ad əgrəwan taqqat dat Məşşina.

²⁰ Əşşərixa amaran osâ-du fəl ad tətəy təməzrəyt wəllən. Mišan ibakkadan as əgğətan dağ adag a dənneğ-san du-təssəfəl arraxmat ən Məşşina.

²¹ Dağ adi dad zamas abakkad ixkām fəl əddənət iddew əd təməttant, wədi arraxmat ən Məşşina da ad təxkam tidaw əd taqqat fəl a danax-takfu təməddurt ta təğlalət əs tarrayt n Əməli-nana Yaysa Əlməsix.

Tarna n Əlinjil: Awa du-təwəyay taqqat ta ihakku əzəgzan

6

Nəddirfa dağ əkkəlu n abakkad

Ab-ana dağ batu ta təqqalat abakkad nəddar əs tərtəyt d Əlməsix

¹ Ma za nannu dağ adi? Awak ad naglu dağ igi ən bakkadan fəl ad tətəy arraxmat ən Məşşina?

² Kala kala! Nakkanay win əganən təməttant ta dana-təzəmməzəyat əd bakkadan, manəmmək as za naglu dağ igi-nasan?

³ Nakkanay ketnanax əmmək a nəmos as nətawasalmağ dağ aman s esəm ən Yaysa Əlməsix, awak tatawt a din-təgam as nərtây dər-əs dağ təməttant-net?

⁴ Dağ adi təməttant a nəga, nətawanbal-in, nərtây d Əlməsix s alamağ wa nəga dağ aman s esəm-net. Awen dağ as zund əmmək as d-inkar Əlməsix dağ təməttant əs tarrayt ən tanaya n Abba-nana, əmmək en dağ as nakkanay da ad nagu təməddurt təynayət.

⁵ Dad zamas nərtây dər-əs dağ təməttant tolat əd ta-net, wədi a dər-əs nərtəy əs tanakra dağ təməttant tolat əd ta-net.

⁶ Næssân day adi âs aggadêm was kala a tu-nêmos, wædi itawataytay fêl tэгттawt iddew d Ælmêsix. Æmmêk en day as tэмust-nana ta tэрэwat ên tišit ên nasbakkadan têhlaç, ab-as tu-têlla, nakkanay deç nêmmêzzay d êkkêlu, a t-imosan tišit ên nasbakkadan.

⁷ Fêlas awedan wa aba, wædi iddirfa day abakkad.

⁸ Nakkanay amaran, dad zamas ab-ana nêddew d Ælmêsix wædi nêzzigzan as a dêr-êš nidaw day tэмêddurt da,

⁹ id næssân as Ælmêsix wêr tu-z-iba dêffêr tanakra ta d-iga day tэмattant. Ab-as fall-as têla tэмattant tarna waliyyat.

¹⁰ Fêlas aba-tu, amaran êddêlil n abakkad a fêl t-aba day taklat iyyadda. Æmêrêdda tэмêddurt ta iga, Mêššina as tat-iga.

¹¹ Day adi kawanay da agiwat i man-nawan iduf n as aba-kawan day batu ta n abakkad, tagim deç iduf n as têddâram i Mêššina day tassaç d Ælmêsix Ýaysa.

¹² Day adi ad wêr ilêš abakkad akakam fêl tэгэswen-nawan êmosnen arat itamattin, wala têlkêmam y arak deranan-net.

¹³ Ad wêr tэтayyim šisêllad-nawan y abakkad, êççêlnat zun têzoli as tэтawamazal têkma; kalar akfiwat iman-nawan i Mêššina, tэгççêlam zun aytedan aba a d-ênkarnen day tэмattant, takfim šisêllad-nawan i Mêššina ad êççêlnat têzoli tэтamazalat awa oçadan.

¹⁴ Fêlas ab-as têham têla n abakkad id ab-as têham taçmar ta n êššêriça wa n Ættawret, kalar tэгçazam taçmar ta n arraxmat ên Mêššina.

Nêddirfa day bakkadan fêl ad nэгçêd Mêššina

¹⁵ Ma za nagu za? Awak ad nagu ibakkadan fêlas nokay-du azzaman win êššêriça nэгçaz win arraxmat? Kala kala!

¹⁶ Awak wêr têssenêç âs as tэгêç iman-nak akli n awedan têbbêrdagay-as, wædi kay tэгççalêç akli n awedan wen? Day adi wa ças tэгççalêç akli n abakkad itawayan êš tэмattant, wa tэгççalêç akli ên tarrayt ta n êbêrdêç i Mêššina tэтawayat êš taççat?

¹⁷ Mišan tэмmalen i Mêššina! Dêffêr as kala tэмosam êklan n abakkad, êmêrêdda têbbêrdagam day wallan-nawan y êššêrêdan n êšêšêçri wa tэтawaggam.

¹⁸ Têddêrfam day bakkadan, tэгççalam êmêrêdda êklan n awa oçadan.

¹⁹ Ælmital wa taggaç-qu s anamod wa n aggadêm fêl êddêlil ên rêkkêam-nawan a dêr du-têxlêkam. Zund êmmêk as kala ad têsammalkawam šisêllad-nawan tэмosam êklan n awa imêdasan d awa xaraman fêl ad tawêdam taçxaramt ketnet, êmmêk di day as êmêrêdda akfiwat šisêllad-nawan y ad tэгççêlam êklan n awa oçadan fêl ad tawêdam tazdak.

²⁰ Fêlas assaça wad tэмosam êklan n abakkad, êddi têddirfam day anamod wa n taççat.

²¹ Ma dêr ola awa du-têšaxsalam day azzaman win di? Ængêam aratan as êmêrêdda šikarakadan-kawan, fêlas têšêlkamt-nasan tэмattant?

²² Mišan êmêrêdda dad zamas têddêrfam day bakkadan tэгççalam êklan ên Mêššina wædi tazdak a du-za-têšêšêšêlam, amaran têšêlkamt-nawan tэмêddurt ta têçlalat.

²³ Fêlas êrruzmatan n abakkad tэмattant, mišan têhêkkut ta danaç-issênsa Mêššina tэмos arraxmat-net, tэмêddurt a tat-imosan ta têçlalat day tassaç d Æmêli-nana Ælmêsix Ýaysa.

7

Nêddirfa day êššêriça wa danaç-obazan

Nêddirfa day awa danaç-issêwar êššêriça

¹ Awak masnat a wêr tэгem ya imêdrayan-in as êššêriça wêr ilzem ar aytedan win êddarnen? Æssânêç as êhân-kawan salan n êššêriça.

² Æmmêk en day as tantut têzlêfat iket iddar alêš-net osaç-çat dêr-êš êššêriça. Mišan as aba alêš-net ad taddafart day êššêriça was kala a tan-osaç.

³ Day adi as imos as harwa ad iddar alêš-net a tat-izlaf alêš iyyan, wædi êzzêna a têga, mišan as aba alêš-net wædi têddêrfa day êššêriça. Êddi kud tat-izlaf alêš iyyan da wêr z'itêwênnu têga êzzêna.

⁴ Æmmêk en da a tэмosam kawanay da ya imêdrayan-in: kawanay da aba-kawan day batu ta n êššêriça wa n Ættawret êš tarrayt ta n taçêssa n Ælmêsix. Æmêrêdda têhâm têla iyyat taynayat a tat-imosan ta n Wa d-inkaran day nêmmêttan fêl a du-nêšaxsal tênfâ day tarrayt ta n Mêššina.

⁵ Harwa ad nəl-kâm i deranan ən wallan-nana, əhân-anax arak deranan win d-itaway əşşərixa, əttâfan tanat ən təsəllad-nana fəl a du-nəsaxsal aratan win tawaynen əs təmattant.

⁶ Mişan əmərəddə, nəddirfa daş əlxəkum wa n Əşşərixa, ab-ana daş batu n aratan win danaş-əganen daş təla. Daş adi nəfrâq ad nəxbəd Məşşina əs təməddurt taynayət əs tarrayt n İnfəs wa Zəddigan, wərgex s anamod wa irəwan n əşşərixa wa n Əttawret imosan arat igmâdan.

Assa n əşşərixa d ənəfilal n abakkad

⁷ Ma za nannu daş adi? Awak əşşərixa imitalla d abakkad? Kala kala! Mişan ya əşşərixa ənta a di-izzəzdayan abakkad, id ənnar wər inna əşşərixa: «*Ad wər tagax attama-nak daş ares n awedan.*» Wər z'əssənax awa imos almaşna n igi n attama daş ares n awedan.

⁸ Emmək en daş as issolam abakkad daw alwajiban, təzzar iga-du daş əwəl-in arak deranan as tu-wər-illa a daş wər əgen. Fəlas as tu-wər-illa əşşərixa, wədi abakkad da zun as immut.

⁹ Dat awa harwa a tu-wər-illa əşşərixa nak əddâra. Mişan assaxa wa d-osan alwajiban ənta ad iqqal abakkad arat iddâran,

¹⁰ nak amaran ab-i. Alwajiban win as a ihoran âs təməddurt as ətawayan, nak təmattant as di-ewayan

¹¹ fəlas abakkad a issolaman daw alwajib n əşşərixa, issəxrak-i inx-i sər-əs.

¹² Daş adi əşşərixa i zəddigan, alwajib deş zəddig oxâd olâş.

Təməddurt ta n ləkkum y əşşərixa

¹³ Awak nak arat olaşan a di-iqqalan təmattant? Kala kala! Abakkad a imosan əssəbab n awen kul. Daş adi abakkad isannafalal-du awa imos əs tidət. İşşəşxal awa olaşan fəl a sər-i d-awəş təmattant. Emmək en daş âs tarrayt n alwajib as tənafalal talləbət wər nəla əddukad ta təhat abakkad.

¹⁴ Nəssân as əşşərixa İnfəs ən Məşşina a d-ifal. Mişan nak awedan a əmosa wər nəl-kem ar i deranan-net. Ənzex-in əmosa zun akli n abakkad.

¹⁵ Fəlas awa tagga wər t-əgre. Arat wa areş wər tu-təgga, amaran arat wa əkyada ənta a tagga.

¹⁶ Amaran as imos as taggaş awa wər əre, wədi əqbâlaş as əşşərixa olâş.

¹⁷ Əmərəddə wərgex nak a itaggin awen, kalar abakkad wa daş-i işsaran a t-itaggin.

¹⁸ Fəlas əssənax as arat wa olaşan wər daş-i işser, almaşna wər iha taşəssa-nin. Əfrâqa tara n awa olaşan, mişan wər əfregax əmazal-net.

¹⁹ Wər təmizilax awa olaşan s ənta a areş, kalar awa wər noləş a tamazala s ənta a wər areş.

²⁰ As imos as tamazalax awa wər areş, wədi wərgex nak a t-itamazalan, kalar abakkad wa di-izdayan.

²¹ Emmək en daş as d-əgreş as: Id areş igi n awa olaşan, a dat-i d-iməl awa wər noləş.

²² Əfrâya daş əwəl-in y as areş əşşərixa ən Məşşina,

²³ mişan əfrâya daş təsəllad-in y əşşərixa iyyan ibbillanan d əşşərixa wa əqbalan man-in. Emmək en daş as əqqalax akli n əşşərixa wa n abakkad ihân şisəllad-in.

²⁴ İket aşşud ən man igraw-i! Ma di-za-assafsin daş təşəssa tas təsəl-kamt-net təmattant?

²⁵ Təmmalen i Məşşina əs tarrayt n Əməli-nana Ƴaysa Əlməsix! Daş adi əs tayttay-nin za əmosax akli n əşşərixa ən Məşşina, əs təşəssa-nin amaran əmosax akli n əşşərixa wa n abakkad.

8

İnfəs ən Məşşina ihakk-ana təməddurt taynayət

Təməddurt ta danaş-ihakku İnfəs ən Məşşina

¹ Adi a fəlas əmərəddə ab'as t-illa attadib i win ərtaynen d Əlməsix Ƴaysa.

² Fəlas tarna ta n İnfəs wa ihakkin təməddurt ihân Ƴaysa Əlməsix təsiddarfət-kay daş tarna ta n abakkad əd təmattant.

³ Əşşərixa wa n Əttawret wər ifreg igi n awen, fəlas igdal-as-tu rəkkəm ən təşəssa n aggadəm. Adi a fəl d-issəgla Məşşina Barar-net iman-net iha taşəssa zun ta n nasbakkadan a nəmos, iqqal takutay ta təmmasat ibakkadan id Məşşina a t-itəwwəddaban daş adag-nana. Emmək en daş as z'izzərəz tarna ta fall-anax ilə abakkad.

⁴ Arat wen ig-ay fəl ad nəfrəg əmazal n Əşşəriyə wa n Əttawret əs təməwit toxadat nakkanay win əlkamnen i tara ta n Infas wa Zəddigan, wərgəx ta n aggadəm.

⁵ Aytedan win əlkamnen i tara ta n aggadəm, win di imedranan əd deranan win aggadəm a taggin, amaran win əlkamnen i tara ta n Infas wa Zəddigan, win di imedranan əd deranan win Infas wa Zəddigan a taggin.

⁶ Ləkkum i medranan əd deranan win aggadəm təməttant as itaway, amaran ləkkum i medranan əd deranan win Infas wa Zəddigan, təməddurt taynayət as itaway d agaraw n alxer xur Məşşina.

⁷ Fəlas imedranan əd deranan win aggadəm əzzingen Məşşina id aggadəm wər ibbərdaq y əşşəriyə wa n Məşşina, amaran wər t-ifreg.

⁸ Aytedan win əlkamnen i deranan ən təxəssa-nasan wər əfregan gərrezat i Məşşina.

⁹ Kawanay, as imos as izdây-kawan Infas ən Məşşina wədi ab-as təlkamam i medranan əd deranan n aggadəm, kalar win Infas wa Zəddigan as təlkamam. Awedan wa wər iha Infas wa n Elməsix, wədi wərgəx i n Elməsix.

¹⁰ Mişan as imos as tərtaşam d Elməsix, wədi kud imos as təxəssa-nawan təsəlkamnet təməttant fəl əddəlil n abakkad, da Infas wa Zəddigan ikf-iwan təməddurt taynayət fəlas aytedan oşadnen a təmosam dat Məşşina.

¹¹ Şiğəswen-nawan təsəlkamnet-nasnat təməttant; dər iga awen da ya as imos as ih-iwan Infas ən Wa d-issənkarən Yaysa Elməsix dəx təməttant, wədi Wa d-issənkarən Yaysa Elməsix dəx təməttant ad agu təməddurt taynayət dəx təxəswen-nawan s Infasnet Zəddigan a kawan-ihən.

¹² Dəx adi, imədrayan-in, əllan-tu aratan a danax-əhhişşalnen, mişan wərgəx dəx anamod wa n deranan n aggadəm əranen ad nəlkəm y awa əran man-nana.

¹³ Fəlas as təgam təməddurt təlkāmam y awa əran man-nawan, wədi a kawan-iba təggəzəm Jahannama. Mişan as toyyam imazalan win əran man n aggadəm, təlkamam i win ira Infas wa Zəddigan a kawan-ihən, wədi ad təddəram har faw.

Məşşina ig-anax bararan-net əs tahakkay ta danax-iga Infas-net di Zəddigan

¹⁴ Fəlas aytedan kul win dəx innoda Infas ən Məşşina, win di bararan ən Məşşina a mosan.

¹⁵ Infas wa təgrawam əddi, wər kawan-iga eklan, wər tu-təgrəwam fəl a taglim təhiwan tasa, kalar təgrāwam-tu fəl a təqqəlam bararan ən Məşşina. Infas en dəx a sər-na d-ewayan as nədkəl imaslan-nana nəgannu i Məşşina: «Abba! Abba!»

¹⁶ Infas wa Zəddigan əd nakkanay iman-nana a tagayyatnen as nəmos bararan ən Məşşina.

¹⁷ Amaran, dad zamas bararan ən Məşşina a nəmos, wədi iməkkusa n arraxmaten-net a nəmos, amaran nədrāw təkasit ten d Elməsix dad zamas nəddew dər-əs dəx alxazab fəl ad nəgrəw tədagart-nana dəx tanaya-net.

Infas əd tanaya win d-əzaynen

¹⁸ Iga xur-i əs alxazab wa nətaggu əmərədda wər ewed wala dəx tanaya ta dana-duz-isənnəfiləl Məşşina.

¹⁹ Awa d-ixlakan kul ikna əddəguz dəx anay n alwaq wad z'isənnəfiləl Məşşina bararan-net.

²⁰ Fəlas awa d-ixlakan kul iggâz təla ən təxmar ta n təbənnan. Wərgəx əntanay a əranen awen, kalar Məşşina a tan-igan dəx fassan ən təxmar ten. İl-ay attama n

²¹ as taxlək ten ənta iman-net da ketnet ad taddarfat dəx əhluk wa təga imosan əkkəlu, fəl ad əgrəwan əntanay da əlləllü igən dəx tanaya ta z'əgrəwan bararan ən Məşşina.

²² Amaran nəssən wəllən as har harwa da taxlək ketnet təddew dəx təhənəffa əd təlawayt zun təntut tətaggazat amzur.

²³ Mişan wərgəx əntanay şas a təhənəffitnen, nakkanay a əgrawnen Infas wa Zəddigan imosan tədagart ta tazzarat dəx təhək ən Məşşina, da nətəhənəffit dəx man-nana nəkna əddəguz dəx a danax-əgu Məşşina bararan-net akf-anax tədarfit təkməlat.

²⁴ Fəlas nəgrāw efsan, s attama wa nəga. As nəhannay awas nəga attama-net, wədi ab'as imos attama. Ma imos wa z'agin attama n arat ihannay?

²⁵ Mişan as nəga attama-nana dəx awa wər nəhənnəy, wədi a das-nəqqəl əs zəmmerat.

²⁶ As nəga awen a d-asu Infas wa Zəddigan idhəl-ana dəx rəkkəm-nana fəlas nakkanay wər nəssen arat was ihor a tu-nansəy dəx təwətriwen-nana. Mişan Infas wa Zəddigan iman-net itaggu şihənəffa as wər ifreg awedan emel-nasnat.

²⁷ Amaran wa itamayyanan iwallan, issən awa təmos ənnəyət n Infas wa Zəddigan id ənta agna wa n Məşşina as ittattar s esəm ən məzzəgzan.

²⁸ Amaran nəssân âs aratan kul əmosan tənfa n aytedan win əranen Məşşina tiwaşran-du deş əs tarrayt-net.

²⁹ Fəlas win isannafran harwa daş tizarat win di otâs-asan ad əqqəlan əlmital ən Barar-net, fəl ad iqqəl Barar-net en aşafadday daş bararan aggotnen.

³⁰ Amaran win as otas Məşşina teşaray-nasan kala da, win di işr-ên, amaran ig-en aytedan oşadnen, ikf-en deş tanaya.

İkus n aşşak daş tara ta danaş-iga Məşşina

³¹ Daş adi ma za nannu daş batu ta? As imos as Məşşina iwâr aganna-nana, ma ifragan ad iqqəl əllid-nana?

³² Məşşina as Barar-net an iyyanda da wər t-oyya, kalar ikf-ay fəl əddəlil-nana ketnana, manəmmək as dana-wər-z-akfu arat kul s arraxmat-net, nədrâw awen əd Barar-net?

³³ Ma z'əbəzan s əşşərişə aytedan win isannafran Məşşina? Awak aytedan win, wərgeş Məşşina a tan-ikfan taqqat.

³⁴ Ma imos za wa tan-z-abəzan s əşşərişə? Əlməsix [Yaysa] iman-net as t-aba, amaran wərgeş awen şas, kalar itawasankar-du daş təmattant. İha əmərədda aşıl ən Məşşina imos almawakkil-nanaş a danaş-itaggin şiwatriwen.

³⁵ Ma ifragan a danaş-izəmməzzəy əd tara n Əlməsix? Awak təssust? Meş təməşatirt, meş ətəwədgəz, meş gələk, meş çəlləm, meş igguz n alşarar ən tamattant, meş takoba?

³⁶ Ənnan Əlkəttaban: «*Tawakkasan daş-na man əzəl kul fəl əddəlil-nak. Nətiwaxsab zun əyfəd tawaşzannen.*»

³⁷ Mişan daş awen ketnet nəğarraw tarna ta togarat əs tarrayt ən wa danaş-iran.

³⁸ Fəlas əkkasaş aşşak as gər za təmattant, wala təməddurt, wala angalosan win əmməzraynen Məşşina, wala taşmaren n əşşur şin əhanen ətənkul, wala azzaman win nəha əmərədda, wala azzaman win d-əzaynen, wala şığurad,

³⁹ wala awa ihan afalla, wala wa ihan eres, wala arat waliyyan a d-ixlâkan, xasil wər t-illa a ifragan a danaş-izəmməzzəy əd tara ta danaş-isannafalal Məşşina əs tarrayt n Əməli-nana Əlməsix Yaysa.

Əlinjil d İsrayil: Edag wa ittaf İsrayil daş attarix n əlyillas

9

Tarna ən Məşşina tosâ-du əs tarrayt n İsrayil

İduf wa iga Buləs i Kəl-İsrayil daş əwəl-net

¹ Tidət a əmmala s esəm n Əlməsix, wər təgga bahu, iman-in əggəyyen-i fəl awen əs tarrayt n İnfəs wa Zəddigan.

² Əşşâdan man-in wəllen, əşşiwaşa deş wəllen.

³ Awalla wər di-ikma ilşan-i Məşşina ammazzaya d Əlməsix fəl əlyillas ən kəl tamet-in d aytedan win di-erawnen,

⁴ a tan-imosan Kəl-İsrayil. Əntanay a əlanen almaşam ən tişit ən bararan ən Məşşina win d-iskət i man-net. Əntanay deş a mosnen aytedan win daş du-tənafalal təmust ən Məşşina əs tanaya, nafalalan-du deş daş-san arkawalan ən tassaş, əd təhəkkut ta n Əşşərişə, d əlyibada, d arkawalan.

⁵ Əntanay deş a mosnen əzzurrəyya ən marawan-nana win ərəwnen, Əlməsix deş imos iyyan daş-san əs tişit-net aggadəm. Əlməsix s ənta a illan dənneş əkkulluk n arat, imos Məşşina. Attamalet esəm-net har faw! Amin!

Awa imos akal wa n İsrayil

⁶ Arat wen wər imos almaşna-net as awal ən Məşşina ab-as ila almaşam. Kala kala! Ənta ya wərgeş aytedan kul win d-əşmadnen İsrayil a mosnen İsrayil.

⁷ Win d-əşmadnen İbrahim deş wərgeş kul əmosan bararan-net, kalar a inna Məşşina y İbrahim daş Əlkəttaban: «*Aytedan win d-əşmadnen İshəaq a z'iqqəlnen əzzurrəyya-nak.*»

⁸ Almaşna n awen as wərgeş bararan win əhəwnen əs təməwit ta n aggadəm a mosnen bararan ən Məşşina. Kalar bararan win əhəwnen əs təməwit ta tənəmannakat d arkawal ən Məşşina, əntanay a ixsab Məşşina daş əzzurrəyya n İbrahim.

⁹ Ənta da awa inna arkawal: «*A kay-d-əqqəla adan a da âşnin, əddi da tamahharak-nak Sarata təla barar.*»

¹⁰ Amaran wərgeş awen şas. Awen daş a təga Raqqiyetu, ənta da əşşin bararan ən yayyan n eknewan a təla, amaran ketnasan aljad-nanaş İshəaq a dər tan-təla.

11-12 Məššina ila tarrayt-net tas isanafran aytedan. Æsənnəfrən-net aytedan ilkâm i taḡaray ta tan-iga əs tarrayt-net, wərgəḡ imazalan-nasan. Fəl ad isattaddu tarrayt ta d-iga den, təmosat arat isinafran, inna i Raqqiyetu harwa da wər əhəwan bararan-net, wər əknən wala za wər t-əḡšədan: «*Wa waššaran ad iqqəl akli ən wa əndarran.*»

13 Inimannak awen d awa ihan Ælkəttaban as ənnan: «*Areḡ Yaqub, əkyâdaḡ Esaw.*»

Məššina ənta məššis ən tarna oḡâdan

14 Daḡ adi ma za nannu y awen? Awak Məššina wər oḡed? Kala kala!

15 Fəlas a inna i Musa: «*Ad hənətəḡ i was areḡ a das-hanattəḡ, ilaḡay i was areḡ a das-ilala.*»

16 Æmmək en daḡ as arat wen wərmad iqqân daḡ wa ira awedan, wala aratan win as ozal daḡ agamay-nasan. Kalar wər iqqen ar daḡ Məššina di n əməhhenən,

17 s ənta a inna i Firḡawna daḡ Ælkəttaban: «*Ənəy! Əkfeq-qay almaqam fəl ad assakna tarna-nin əs tarrayt-nak, taḡu masnat fəl esəm-in daḡ əddənət ketnet.*»

18 Daḡ adi Məššina ithənəttit i was ira, isagarmam əwəl ən was ira.

19 Amaran əssānaḡ as a di-tanna: «*Mafel [daḡ adi] Məššina harwada itabaz aytedan əs mazalan-nasan, dad zamas wər t-illa i ifrāḡan əməzəy ən tara-net?*»

20 Fadda, kay aggadəm, ma təmosaḡ as təsarraḡa əd Məššina? Awak talaq təfrāḡ ad tannu i wa sər-əs išaqqalan: «*Mafel tətəggaḡ-i əmmək wa?*»

21 Awak akanaw wərgəḡ ənta a ilān talaq itaḡgu sər-əs ikassan əs wiyyad za tiwasansan y əzəl a sər-san iskātan, win hadatnen amaran tiwasataḡmalan əzəl kul?

22-23 Æmmək en daḡ a əḡan aratan win isammatag Məššina. Iga dər-na təzaydart tagget nakkanay a əhornen d əhluk fəlas ira ad isənnəfiləl alham-net əd tarna-net. Ira deḡ ad isənnəfiləl y aytedan wiyyad tanaya-net wər nəla əddukad. Aytedan win den əntanay as ihanəttat, əntanay deḡ a isammatag kala da, y a dər-əs ərtəyan daḡ tanaya-net.

Məššina iḡra Kəl-Əlyəhud d aytedan win tan-wər-nəmos

24 Aytedan win den nakkanay a tan-imosan. Iḡr-ana-du Məššina daḡ Kəl-Əlyəhud, iḡr-ana-du deḡ daḡ win wər nəmos Kəl-Əlyəhud.

25 Awen daḡ a ihan əlkəttab wa n ənnəbi Osay as inna: «*Win wər nəmos tamattay-nin, a tan-d-aḡraḡ aḡaq-qan "tamattay-nin". Win wər nəmos win əkneḡ tara, a tan-aga "win əkneḡ tara".*»

26 Amaran idaggan win daḡ dasan-itawannu: «*Wər təmosam tamattay ən Məššina!" Idaggan win di da a daḡ dasan-z-itawannu "bararan ən Məššina di iddaran".*»

27 Ənnəbi Isayas deḡ iktāb daḡ batu n Israyil as: «*As əḡan maddanəs n Israyil igət wa n təblalen n amadəl, arat daḡ-san ḡas a z'afsin.*»

28 Fəlas Amaylöl ad assandu awal-net fəl əddənət əs təməwit təkmîlat tətərabat.»

29 Zun batu ta iga ənnəbi Isayas dat awen as inna: «*Kundaba as Əməli di ilan tarna a daḡ-na d-iglazan amasa, wədi ad nəqqəl zun Sədom, nalu əd Gamora.*»

Awa iwaran aggadəm d awa iqqalan Israyil daḡ azzaman win əmərədda

Agaraw ən taqqat s əzəḡzan wərgəḡ əs mazalan

30 Ma za nannu daḡ adi? Aytedan win wər nəmos Kəl-Əlyəhud wər əḡlayan daḡ agamay ən taqqat mišan əḡrawan-tat əs tarrayt n əzəḡzan-nasan.

31 Kəl-Israyil amaran a gammaynen a d-əssəkməlan ləkkum y əššəriḡa fəl ad əḡrəwan taqqat, indar-asan.

32 Ma d-ewayan za awen? Adi za iba n agamay-nasan taqqat ten əs tarrayt ta n əzəḡzan, əḡmayan-tat əs mazalan-nasan. Tənkaf-asan təhunt ta təsəḡadlit.

33 Təhunt ten təmmittal Əlməsix, amaran ənnan Ælkəttaban daḡ batu-net: «*Ənəyat, əssinsa daḡ Səyon təhunt təmosat təsənkəft, təmos deḡ təsəlīt tətəḡadlit aytedan. Mišan awedan wa sər-əs izzəḡzanan wər z'ikərəkəd.*»

10

1 Imədrayan-in, əkneḡ dərən n ad əḡrəwan Kəl-Israyil efsan, amaran awen daḡ a tansaya Məššina faw daḡ təwatriwen-in.

2 Fəlas əḡḡəyyəḡ as əḡləyan daḡ batu ta n Məššina mišan wər əssərtəyan awen əd masnat.

3 Wər əḡren təməwit tas ihakku Məššina aytedan taqqat, a tat-gammayan əs mazalan-nasan. Æmmək di daḡ əs wər əbbərdəḡan i Məššina, uḡayan əs ləkkum i tarrayt tas ihakku Məššina taqqat.

4 Əlməsix ənta a imosan təsəxtəmt n əššəriḡa y ad iqqəl as aytedan kul win sər-əs əzzəḡzannen ad əḡrəwan taqqat dat Məššina.

Efsan s əzəgzan, wərgəx əs ləkkum y əşşəriya

⁵ Arat da wa iktab ənnəbi Musa daɣ batu ən taqqat ta tətawagrawat əs ləkkum y Əşşəriya wa n Ettawret: «Awedan kul wa d-issəndan əşşəriya, wədi ad igrəw təmaddurt s əssəbab n əşşəriya.»

⁶ Mişan ənta da əmmək was tətawagraw taqqat əs tarrayt ta n əzəgzan: «Ad wər taganna daɣ man-nak: "Ma z'aggazzayan əs jənnawan?"» Awak Əlməsix wərgəx izzibbat-du?

⁷ Madəx tanna: «Ma z'azzabben iggəz imawetan n amaɣal?» Awak Əlməsix wərgəx inkar-du daɣ təmattant?

⁸ Awak ma inna Awal ən Məşşina daɣ batu ta? A inna: «Awal ihoz-kay, iha imi-nak, iha əwəl-nak,» amaran awal wa batu n əzəgzan a daɣ işşewal, ənta dəx əs nətəggu təlxutbat.

⁹ As təşşewala təqbalax əs Ƴaysa imos Əməli, təzəgzana daɣ əwəl-nak əs issinkar-t-idu Məşşina daɣ təmattant, wədi kay təgrəwəx efsan.

¹⁰ Fəlas awedan wa izzəgzanan daɣ əwəl-net, wədi ad t-akfu Məşşina taqqat. Amaran wa işşewalan imal əzəgzan-net, wədi ad t-akfu Məşşina efsan.

¹¹ Ənnan Əlkəttaban: Awedan kul wa «fall-as iffəllan iga daɣ-as attama-net, wər ilkem ad ikirakad.»

¹² Wər izlay wa imosan Ag Əlyəhud wala wa tu-wər-nəmos. Ketnasan Əməli-nasan iyyanda, ihakkın s əlləllu-net taggast y aytedan kul win daɣ-as tat-əgməynen.

¹³ «Fəlas awedan kul wa igməyan taggast daɣ Əməli, wədi ad igrəw efsan.»

Kəl-İsrayil wər əzzəgzanan s Əlinjil

¹⁴ Məni za əmmək was z'əgməyan taggast daɣ was wər əzzəgzanan? Məni əmmək was sər-əs z'əzzəgzanan wər əslen y awal-net? Məni əmmək was das-z-aslin da wər t-illa i dasan-t-imalan?

¹⁵ Məni əmmək was tu-z-əməlan aytedan a dasan-t-əmälnen əs imos əs wər t-illa i tan-issiglan? Ənnan Əlkəttaban: «Ket sihussay əganat-tanat takkolen n aytedan win əmmälnen isalan n alxer a imos Əlinjil!»

¹⁶ Mişan wərgəx Kəl-Əlyəhud kul əbbirdagan y Əlinjil. Inna Ənnəbi İsayas: «Əməli, məni wa izzəgzanan s awa nənna?»

¹⁷ Daɣ adi, isalan win əs nəsla, əntanay a du-tawaynen əzəgzan, amaran awal n Əlməsix a əmosan.

¹⁸ Mişan əsəstan da wa tagga: Awak Kəl-Əlyəhud wər əslen y awal wen? Wəllen za əs əslən-as. Ənnan Əlkəttaban: «Əməli-nasan təsl-as əddənət ketnet, awal-nasan əruru n amaɣal ketnet ewād-tu.»

¹⁹ Əlasax əsəstan harwa da ənne: Awak tamattay n İsrayil masnat a wər təga daɣ awen? Ənnəbi Musa a dasan-t-imalan əs tizarat. Inn-asən: «Inna Məşşina, a kawan-aqax inəmmənzaɣ ən win əs tamattay da wər tat-əmosan, aknaɣ daɣ-wan igi n alham ən tamattay wər nəla tayttay.»

²⁰ Ənnəbi İsayas fadda a dasan-innan əs təholat: «Əgrawan-i win di-wər-nəgəmməy, sannafalalay iman-in i win di-wər-nonsay wala.»

²¹ Mişan daɣ batu ta n Kəl-İsrayil inna: «Əzəl kul əzzələx əfus-in ɣarra tamattay təmosat inəmməzray ən nəffəllag.»

11

Tarrayt ta d-iga Məşşina d awa d-izayan İsrayil

Məşşina isinafran i man-net aytedan win d-əggolaznen

¹ Ənne daɣ adi: Awak Məşşina agamad a iga batu ən tamattay-net? Kala kala! Fəlas nak iman-in iyyan daɣ Kəl-İsrayil a mosa, əmosax əhaya n İbrahim, əgmədə-du tawşet ta n Benyamın.

² Məşşina wər igmed batu ən tamattay-net əs irəw əs tat-isannafran. Əngəm təkittəwam awa ənnan Əlkəttaban daɣ batu n ənnəbi İlyas assaxa wad eway tala-net əs Məşşina daɣ batu ən Kəl-İsrayil?

³ Inna i Məşşina: «Əməli, ənyan ənnəbitan-nak, jabbarajjen idaggan-nak win təkutawen, wər d-iqqim ar nak, amaran gamməyan d a daɣ-i əkkəsan iman.»

⁴ Təssənəm za awa das-ijjəwəwəw Məşşina? Inn-as: «Əsinafranay i man-in əssa gim n aləs wər nəssəjad dat əssənəm wa igan Baxal.»

⁵ Zund əmmək en daɣ əs daɣ əzzaman win nəha əmərəddə əggolazan-du aytedan isinafran Məşşina s araxmat-net.

⁶ Daḡ adi, dad zamas arraxmat-net as tan-isannafran, wædi wørgex fæl æddæilil en mazalan-nasan, madex amaran iqqal as arraxmat ab-as tamos arraxmat.

⁷ Ma igan daḡ adi? Kæl-Israyil wør ægrewan awa gammayan. Wør daḡ-san t-igrew ar win isannafran Mæššina. Win hadatnen amaran tawaggan aytedan as garmoman wallan-nasan,

⁸ inimannak awen d awa ænnan Ælkættaban as ænnan: «*Ikkas-tan Mæššina daḡ ælxayyar ən man-nasan, ikf-en šittawen wør nəhənnəy wala, əd təməzzugen wør nəşəllu har azalada.*»

⁹ Ænnəbi Dawəd dex inna: «*Æqqəlanet-asan mensewan-nasan taftaw, əqqəlan sangay a tan-z-ibəzan. İqqəlanet-asan agadal, əgrəwanet attadib wa dər əhoran.*»

¹⁰ Alsinet šiyayy šittawen-nasan, igmədet-tan asawad-nasan. *Kərənbəwanet roran-nasan har faw!*»

Edag wa əhan Kæl-Əlyəhud d aytedan win tan-wər-nəmos daḡ tarrayt ta d-iga Mæššina

¹¹ Ænne daḡ adi: Awak Kæl-Israyil nigartattafan y ad uden har faw? Igməd aššak as wørgex awen. Mišan təmazrəyt-nasan a du-tewayat as əgrawan aytedan win wør nəmos Kæl-Əlyəhud efsan fæl ad əggəznat təsmiten Kæl-Israyil.

¹² Wala təmazrəyt-nasan təqqal tənəfləyt y əddənet, ətəwərna-nasan dex iqqal tənəfləyt i win wør nəmos Kæl-Əlyəhud, əngəm in za as d-əḡradan əsənəd əbdadan-du?

¹³ Æmərədda kawanay win wør nəmos Kæl-Əlyəhud as əššewala: Nak anammazul a mosa s aytedan win wør nəmos Kæl-Əlyəhud amaran əssiḡmarax əššəxəl wen,

¹⁴ har əs as imməkkan awen a d-awəya šismiten s aytedan win tawšet-in afsin daḡ-san wiyyad.

¹⁵ Fəlas as iqqal as ətəwəkkas-nasan əs tama eway-du amaknaw daḡ əddənet, əngəm in za ətəwəsuxəl-nasan? Wør t-illa a dər z'alu ar tanakra daḡ təmattant.

¹⁶ Amaran as imos as tadagart ta tazzarat daḡ təgəlla təkāt i Mæššina, wædi awa daḡ-as in-iqqiman ketnet da in Mæššina. As imos as dex ikewan tiwaskatan i Mæššina, wædi ilədlad da tiwaskatan-as.

¹⁷ Ælmital en daḡ a əhan Kæl-Israyil: İlədlad wiyyad a din-tawakarammatnen daḡ ašək. Kay amaran wa wør nəmos iyyan daḡ Kæl-Israyil, təmosa zun ələdlid ən zaytun n əsuf, təzzar tətawagga daḡ adag-nasan. Daḡ adi kay da tədrāwa dər-san isudar olāḡnen win du-nakkasan kewan n azzaytun wa itawanbalan den.

¹⁸ Dər iga awen da ya, ad wør talkax ilədlad win din-tawakarammatnen. Amaran as kay du-təggaz ənnəyət ən zazwar ən man-nak, takta-du as wørgex kay a ilan ikewan, kalar ikewan a kay-ewaynen əkbəlan-kay.

¹⁹ Ad tanna daḡ adi: İlədlad tawakarammen-in fæl ad əggəzax edag-nasan.

²⁰ Tidət as ətəwəkərəmme a din-əgan lədlad win den fæl iba n əzəgzan. Kay amaran təddara s əzəgzan-nak. Ad wør tagax imedranan əmosnen zazwar ən man, kalar əqqəl əmiksad ən Mæššina.

²¹ Fəlas dad zamas Mæššina wør oyya ilədlad win dər d-ixlak ašək, wædi kay da wør kay-z-ayyu.

²² Daḡ adi əssən fæl əlluḡ ən Mæššina, əd tallabast n alham-net. Tallabast n alham-net isakn-et i win nəmməzray, əlluḡ-net amaran isakn-ak-ku, iket təzizawe daḡ tarrayt n əlluḡ wen. As wør təgex adi, wædi kay da a din-təwəkərəmme.

²³ Kæl-Əlyəhud da as oyyan tarrayt ta n iba n əzəgzan a du-təwəsuxələn ašək, fəlas Mæššina ila tarna n a tan-d-iləs əsuxəl n ašək wen.

²⁴ Dad zamas kay tətawakaramme-du daḡ ašək ən zaytun n əsuf, tətawaggax ələdlid ən zaytun wa n ənebəw olāḡan, manəmmək as du-wər-za-təwəsuxələn əntanay da təwəggin daḡ azzaytun wa daḡ d-əxlakan?

Əlyilləs wa d-izayan Kæl-Israyil

²⁵ İmədrayan-in, wør areḡ a dawan-ijhəl əssir wa, fæl ad wør təḡilam təlām masnat iyyat zəwwərat. Edes ən Kæl-Israyil wør z'ammazzayan ad əfillagan iket wør d-əxsələn aytedan kul win wør nəmos Kæl-Əlyəhud əs Taḡmar ən Mæššina.

²⁶ Æmmək en daḡ as z'igrəw Israyil ketnet efsan id ənnan Ælkættaban: «*Wa iḡallasan a d-igməd Səyon, ikkəs inəmməzray daḡ əzzurrəyya ən Yaqub.*»

²⁷ Ənta da da arkawal wa dər-san z'aga, assaxa wa fall-asan z'əkkəsax ibakkadan-nasan.»

²⁸ Daḡ batu ta təqqalat tugəyt-nasan s Əlinjil, wædi Kæl-Əlyəhud əntanay a mosnen izəngə ən Mæššina fæl ad təgrəwam tənfa n awen. Mišan daḡ batu ta təqqalat anafran wa n Mæššina, wædi əntanay a mosnen aytedan win ikna Mæššina tara fæl əddəilil ən marawan-nasan.

²⁹ Fəlas Məşşina wər d-itəqqəl daɣ təhəkkuten-net, za wər isəmməttəy anafran-net.

³⁰ Kawanay iman-nawan dat awa təmmizrayam Məşşina mişan əmərədda ihanattat-awan s əssəbab ən təmazrəyt-nasan.

³¹ Zund əmmək en daɣ as, dad zamas təmazrəyt-nasan ta n əmərədda teway-du as təgrawam əhənətta, arat wədi iga fəl a dasan-ihənəttət Məşşina əntanay da [əməredda].

³² Fəlas Məşşina ittâf aytedan kul daɣ təmazrəyt fəl a tan-assaknu ketnasan təhanint-net.

Təmmalen i Məşşina fəl masnat-net

³³ Ya Məşşina! Təgərgist-nak, əd tayttay-nak əd masnat-nak wər əlenat əddukad. Əlxəkuman-nak wər t-illa i ifragan əşəggər-nasan, tarrayen-nak wər t-illa i ifragan əgərri-nasnat.

³⁴ «Məni wa issanan awa daɣ isamadran Əməli? Məni was kala ad iqqal əməşşewwər-net?»

³⁵ Məni was kala ad iga i Məşşina tənəfust, əngəm iqqal as irwâs-tu tənəfust?»

³⁶ Arat kul ənta a d-ifal, ənta a d-ewayan as t-imal arat kul, ənta deɣ a ilan arat kul. İgrəwet Məşşina adkul daɣ azzaman kul har faw! Amin.

İzəmmizəl n Əlinjil: Awa dər tətalu təməddurt n əlməsixi

12

Ammar s igi ən təməddurt ta n əlməsixi

Təməddurt təmmitayət fəl ta tərəwat

¹ Daɣ adi əgmâya daɣ-wan, ya imədrayan-in, fəl tişit ta iga Məşşina əməhhenən, ad takfim şixəswen-nawan əqqəlnat takutay təddarat, zəddigat, təgrâzat i Məşşina. Əmmək en daɣ as za tagim i Məşşina əlxibada wa n tidət.

² Ad wər tayyim iman-nawan səmməttəyan-kawan azzaman win nəha da əməredda, kalar aywiwat iman-nawan a kawan-təşəşinəy tayttay-nawan ta taynayət, fəl ad tagrim, tardim deɣ s arat wa imosan tara ən Məşşina, a t-imosan: Awa olaɣan, d awa igrəzan i Məşşina, d awa ikmalan.

Agiwat təməddurt âs akkiyyan daɣ-wan imos amaşşaxal ən win hadatnen, təşxəlam əs təhəkkuten ən Məşşina

³ Arat da wa ganna y akkiyyan daɣ-wan s əssəbab n arraxmat ta di-iga Məşşina: Ad wər təqqələm aytedan əzzizwarnen iman-nasan, kalar agiwat i man-nawan iduf igân s ənnəyat tolaɣât, ewâl awen s əzəgzan wa ikfa Məşşina y akkiyyan daɣ-wan.

⁴ Akkiyyan daɣ-na təxəssa iyyadda a ila, mişan təga daɣ təsəllad aggotnen, amaran şisəllad şin den akkiyyat d əşşəxəl-net.

⁵ Əmmək en daɣ as nakkanay nəggət, mişan təxəssa iyyadda a nəmos daɣ tərətəy d Əlməsix, amaran akkiyyan daɣ-na imôs taslət daɣ əljəməxət-nana.

⁶ Mişan nəgrâw şihəkkuten wər nola ewalnen s arraxmat ta tətawakfat akkiyyan daɣ-na. As imos as igrəw iyyan daɣ-na təhəkkut n emel y aytedan isalan a fall-as d-izazabbat Məşşina, işşəşəxələt-tat ewâl awen s awa dər ogda əzəgzan-net.

⁷ Was təhəkkut-net tadhəlt n aytedan, idhələt-tan. Wa igrəwan təhəkkut n əsəssəxri, issəşəxriwet.

⁸ Wa igrəwan tişit n awedan italaman y aytedan fəl man, amazalet s awen. Wa igrəwan tişit n awedan təha təhəkkay, akfet s əwəl iyyanda. Wa igrəwan tizart agiwet tizart n əlməxsud. Wa itassanan daɣ aytedan win məxatarnen, issənet daɣ-san əs man filawasnen.

Agiwat təməddurt taha tara d əsəmmədrəy ən man əd tuğəyət s a imosan təkma

⁹ Tara a tat-wər-təggəz təlmənufəqa. Əkəydat arat kul wa imosan təkma. Zəzzəwətat wəllen daɣ əmazal n awa olaɣan.

¹⁰ Daɣ batu ta təqqalat tara ta gər mədrəyan, akkiyyan daɣ-wan akniwet tara ən win hadatnen. Daɣ batu ta təqqalat saɣmar,

zuzərat tənfa ta n mədrəyan-nawan i ta-nawan.

¹¹ Daɣ batu ta təqqalat əşşəxəl, əqqələt imaşşaxalan, wərgəx iməssəndad, təməhəndəret daɣ-wan tamse ta tətakkasat sandad, a tat-imosan ta n İnfəs ən Məşşina, təxəbdam Əməli.

¹² Dağ batu ta təqqalat igi n attama, fəliwəsat.
Dağ batu ta təqqalat təssust, əqqələt iməzəzzəydar.
Dağ batu ta təqqalat şiwatriwen,
ad wər tammazzayam d igi-nasnat.

¹³ Dahhalat imizdagan dağ addararaten-nasan,
təqqələm aytedan iha amagaru fawda.

¹⁴ Tattarat a igan albaraka y aytedan win [kawan]-ədgaznen. Ad wər təlayxanam awedan waliyyan, kalar tattarat y aytedan.

¹⁵ As təggazam aytedan filawasnen, təfəliwəsam kawanay da, as təggazam win hallinen, talim kawanay da.

¹⁶ Nəməggiwat iduf iyyanda gar-ewwan. Ad wər təgammayam almaqam i man-nawan, kalar gammayat awa wər nəla anay. Ad wər tagim iduf n as təmosam imalan ən tayttay.

¹⁷ Ad wər təzzalam təkma əs təkma y awedan waliyyan. Gammayat awa olağan xur aytedan kul, a sər-əs tətamazalam.

¹⁸ As immikkan awen, iket iqqan dağ-wan adi, imələt-tu alxer gar-ewwan d awedan kul.

¹⁹ Ad wər təzazalam i man-nawan, imaran-in, kalar ayyiwat alham wa n Məşşina ad işxəl, fəlas ənnan Əlkəttaban: «*Nak a itabazan s əşşərixa, nak a z'ixkəman y awedan kul awa dər ihor; inna Əməli.*»

²⁰ Kawanay amaran arət da wa kawan-iwaran: «*As tənayax azangaw-nak ih-ay gələk, taşşatşaq-qu; as t-ihə fad deş taşşəşwaq-qu; fəlas as das-təgeş adi, zun as təssinsa fəl axaf-net şiməkaten ərşānen.*»

²¹ A dak-wər-ilkəm ad toyeyəş əşşur issəfəl-du dənnəg-ək, kalar əxləb əşşur s əmazal n awa olağan.

13

İqqələt kəl akal olāynen

¹ Awedan kul ilzəm-tu əbərədəg i muzaran n akal fəlas təxmər kul Məşşina a du-təfal. Təxmərən kul şin t-əllanən, Məşşina a tanat-issəbdadan.

² Awen dağ a fəlas awedan kul wa iffəllagan fəl əlxəkum n akal-net, awedan wədi ənnizam ən Məşşina a fəl iffəllag. Win əffəllagnen deş a d-awəyan attadib əs man-nasan.

³ Imuzaran wər tan-iksud awedan wa itaggin awa olağan, kalar wər tan-iksud ar wa itaggin təkma. As tərəş a kay-təgməd tasa ən muzaran ad tətamazalax awa olağan, əddi a xur-san təgrəwəş əlqəbulat.

⁴ Fəlas imuzaran n akal əşşəxlən ən Məşşina a əhan imosan tənfa-nak. Mişan as tətəgəş awa wər noləş, wədi iksad imuzaran fəlas wərgəş bannan ələn fərregat n attadib əs təmattant. Məşşina a işşəşyalan imuzaran fəl ad tawaddaban aytedan win tamazalnen təkma, ewayan-du əs man-nasan alham n Əməli.

⁵ Awen dağ a fəlas təga addararət s ad abbardagan aytedan i muzaran. Wərgəş təksədə n attadib xəs a fəl danaş-ilzam awen, kalar ənnəyat-nanaş a dana-tu-təzzəlzamat.

⁶ Əddəlil n awen dağ a fəl tərəzzamam amana fəlas win tu-garrawnen den Məşşina a tan-işşəşyalan fəl ad sənnəhəlan amaknaw n əşşəxlən wen.

⁷ Ərzəmət y awedan kul awa dağ-wan ilə. Ərzəmət amana i wa dağ-wan t-ilan, tərzəmət takəs i wa dağ-wan tat-iran, tiksadam was kawan-təwar təksədə-net, təssəxmərəm was kawan-iwar şaxmər-net.

Tara n əşşəqqax-nak, ənta a təmosat əsəkməl ən ləkkum y əşşərixa

⁸ A tu-wər-iməl waliyyan dağ-wan itiwarwasan arət a iqqal. A tu-wər-iməl gar-ewwan ar ənəmərə, id awedan wa iran aytedan, wədi issinda-du əşşərixa ən Məşşina.

⁹ Fəlas əlwajiban zun win ənnanən: «*Ad wər tagəş əzzəna, wala tagəş iman, wala takəra, wala tagəş attama-nak dağ ares n awedan*», d əlwajiban kul win hadatnen, əxsələn-du dağ əlwajib iyyanda, wa innən: «*Agu y əşşəqqax-nak tara ta təgeş i man-nak.*»

¹⁰ Awedan irən əşşəqqax-net wər ilkem a das-iga təkma waliyyat. Dağ adi tara, təssinda-du əşşərixa.

Əgiwət təməddurt a dağ təhəm ənnur fəlas təwəşləy n Əməli təhöz

¹¹ Dağ adi, əlwaq ewad-du əmərədda wa daq-qawan iwar ad tənkerəm dağ etəs, fəlas əfsan oğar ihəz wa dana-d-əgan əmərədda i wa dana-d-əgan əssaşa wa du-nəzəzgan.

¹² Ehad iglâ, ezal ihoz-du. Mazzayatana dağ adi əd mazalan win şiyay. Əttəfatana təzoli ta n ənnur.

¹³ Şikəlatana dağ əzzəbun, zun as nəjiwankat ezal a mallan. Ad wər nəsasakay dağ tattay wala tessay n esmad. Ad wər nətaggu əzzəna əd mazalan zizallatnen aggadəm, nənaməggəg əd təmazaxən əd manzağ.

¹⁴ Kalar təqqəlet təbdoç-nawal alxal wa n Əməli Үaysa Əlməsix. Ad wər tayyim tarrayt waliyyat y arak deranan win aggadəm annadin dağ-wan.

14

Tara d ənəmənnak gər aytedan win ədrawnen əzəgzan

Ad wər təxakkamay y aytedan win dər tədraway əzəgzan

¹ Qabbalat aytedan win as irkam əzəgzan-nasan. A dər-san wər tətamazaxam dağ batu n idufan-nasan.

² Awedan iyyan iga iduf n əs təxalal-as tattay n arat kul. Iyyan as irkam əzəgzan-net wər das-xalal ār tettay n annabatan win fərgan.

³ Wa itattin amensay, ad wər alku wa tu-wər-nətəttu. Wa wər nətəttu amensay değ ad wər issəwər lahan i wa t-itattin fəlas ənta da iqbâl-tu Məşşina.

⁴ Ma təmosağ as təxakkama y əkli ən wiyyad? Gər ibdād wala uda, da məşşis a təqqal batu ten. Mişan wər z'udu, kalar ad ibdəd, fəlas Əməli ila fərregət n akabal-net.

⁵ Awedan iyyan iga iduf n as əzəl iyyan oğar ijilan win hadatnen, iyyan iga iduf n as ijilan kul olân oğdân. Awedan kul iwâr-tu ikus n aşşak dağ iduf wa iga.

⁶ Awedan wa izlayan ijilan, Əməli a fəl iga awen. Wa itattin amensay was ira değ Əməli a fəl iga awen, fəlas igğoday i Məşşina amensay wa itattu. Wa issəban fəl man-net imensewan wiyyad değ Əməli a fəl iga awen id ənta da igğoday i Məşşina.

⁷ Əssənət as wər danağ-ihə i iddaran fəl əddəlil ən man-net wala değ i itiba fəl əddəlil ən man-net,

⁸ fəlas as nəddâr, wədi Əməli a fəl nəddar, as danağ-aba değ Əməli a fəl danağ-aba. Gər za nəddar wala değ ab-ana, Əməli a danağ-ilan.

⁹ Fəlas Əlməsix aba-tu, iqqal-du təməddurt fəl ad iqqəl Əməli ən win aba əd win əddarnen.

¹⁰ Amaran kay, mafel təxakkama y amadrəy-nak madəğ tolkeç-qu? Awak wərgəç ketnana kundaba nəbdad dat adag n əşşəriça ən Məşşina?

¹¹ Fəlas ənnan Əlkəttaban: «İnna Məşşina: "Nak əddâra, i d-ixlâkan kul kundaba issəjad dat-i, iləs değ kul kundaba iga təmmalen i Məşşina."»

¹² Emmək en dağ as akkiyyan dağ-na kundaba ibdad fəl mazalan-net [dat Məşşina].

İdgəz dağ awa infan aytedan win dər tədraway əzəgzan

¹³ Dağ adi mazzayatana d ad nəxakkam imidawan-nana. Kalar akkiyyan dağ-wan idgəzet dağ ad inkəd y arat a z'isənnəgərtəffətan əmidi-net madəğ aggadl-ay dağ alxata.

¹⁴ Əssânağ, amaran əkkasağ aşşak dağ esəm n Əməli Үaysa as wər t-illa arat xaraman. Mişan as iga awedan iduf n as xaram fall-as arat iyyan, wədi a fall-as ixram.

¹⁵ As imos as təğşâda iman n amadrəy-nak dağ batu n amensay, wədi kay wər təşşokala dağ tara. Ad wər-təhləka imədrayan-nak dağ əzəgzan dağ batu ən mensewan fəlas Əlməsix iman-net as t-aba fəl əddəlil-nasan.

¹⁶ Dağ adi ad wər itəwənnu ark arat s aratan win as təgam iduf n əs olâğan.

¹⁷ Fəlas Tağmar ta n Məşşina wər təmos tettay wala tessay. Kalar taqqat a təmos d alxer əd təfalawist əs tarrayt n Infas wa Zəddigan.

¹⁸ Wa iğbadan Əlməsix s əmmək wədi, ad iğrəz i Məşşina iğrəw değ ətəwəsəğmar xur aytedan.

¹⁹ Dağ adi gammayatana wəllen aratan win du-tawaynen alxer əd win dana-z-ilalnen s ad issuhət əzəgzan-nana ketnana.

²⁰ Ad wər təjəbbərəjjeç əşşəğəl ən Məşşina fəl batu ən mensewan. Tidət as amensay kul təxalal tattay-net, mişan təxaram tattay n amensay a du-za-tawəyat ad inəgərtəttəf awedan iyyan dağ əzəgzan-net.

²¹ Olâğ ad ayyu awedan tettay ən şan, ayyu tessay n esmad n alğanab, ammazay d arat kul wa z'arzin əzəgzan n amadrəy-net.

²² Iduf wa dağ təkkasağ aşşak dağ əwəl-nak, wədi ag-ay gar-ek əd Məşşina. İbbilal wa ikkasan aşşak as wər t-obeç əşşəriça s arat was iga iduf n əs ənta a oğadan!

²³ Mişan awedan wa iğan aşşak dağ awa itattu, wədi ibâz-tu əşşəriça id awa itaggu wər inamannak d əzəgzan-net. Amaran arat kul wa wər nənamannak d əzəgzan-nak wədi abakkad.

15

İdgəz daɣ tədhəlt n aytedan win dər tədrawəɣ əzəgzan

¹ Nakkanay as issəhat əzəgzan-nanay təwâr-ana zəmmerat i win as wər issəhat əzəgzan-nasan, nayyu agamay n arat wa ərən man-nana.

² Akkiyyan daɣ-na iwar-tu ad igammaɣ d ad igrəz y aytedan win dər idraw əzəgzan daɣ anamod n awa olaɣan imos awen agamay n awa tan-z-işşitin.

³ Fəlas İlməsix da wər igmay awa das-igrazan, kalar ənnan İlkəttaban: «*İrrəbdan win dak-tawəgginen əqqalan fall-i.*»

⁴ Amaran aratan win ənnan İlkəttaban dāt əzəl, kul tiwaktaban fəl ad nəgrəw attama wa itawayan əs tarrayt ən zəmmerat əd təsasmit ən wallan-nana şin danaɣ-əhakkin İlkəttaban.

⁵ Əgmâya daɣ Məşşina s ənta a du-təfal zəmmerat d allam fəl man a kawan-akfu təməddurt a daɣ tənimardam gar-ewwan daɣ təlkâmam y almasal n İlməsix Ƴaysa.

⁶ Emmək en daɣ as za tagim təmmalen ən tanaya ən Məşşina di n Abba n İməli-nana Ƴaysa İlməsix, təgâm awen s ənəmənnak ən wallan d əməsli iyyanda.

Tinəməqbilat gar-ewwan zund əmmək âs İlməsix osâ-du fəl əddəlil ən Kəl-İlyəhud d aytedan win tan-wər-nəmos

⁷ Tinəməqbilat gar-ewwan zund əmmək as kawan-iqbal İlməsix, tagim awen fəl saɣmar ən tanaya ən Məşşina.

⁸ İllikan as İlməsix iqqal amaşşaxal ən Kəl-İlyəhud fəl ad isattaddu arkawalan win iga Məşşina y aljadan-nasan, assaknu s awen as Məşşina tidət a imos.

⁹ Osâ-du əntada fəl ad igrəw Məşşina təmmalen ən tanaya-net ɣur aytedan win wər nəmos Kəl-İlyəhud fəl əddəlil ən təhanint-net, zun awa ihan İlkəttaban, as ənnan: «*Awen daɣ a fəl kay-z-əməla daɣ aytedan wər nəmos Kəl-İlyəhud, aɣax şigaytalen ən saɣmar-nak.*»

¹⁰ Ənnan deɣ İlkəttaban: «*Tawşeten şin wər nəmos Kəl-İlyəhud, aɣimat təfalawist ta təga tamattay ən Məşşina.*»

¹¹ Ənnân deɣ: «*Aɣimat təmmalen y İməli ketnakmat tawşeten şin wər nəmos Kəl-İlyəhud, şimattiwen kul əməlnatet-tu!*»

¹² Ənnəbi İsayas da innâ: «*Ahaya ən Yasay a d-asu, ibdəd ixkəm fəl tawşeten şin wər nəmos Kəl-İlyəhud, amaran ketnasnat a daɣ-as aɣinat attama-nasnat.*»

¹³ Əgmâya daɣ Məşşina s ənta a ɣur d-iffal attama ketnet a kawan-akfu təfalawist d alxer əkmâlən əs tarrayt n əzəgzan-nawan fəl ad təsənnəhəlam agaraw n attama əs tarna n İnfas wa Zəddigan.

Təsəxtəmt

Əşşəxəl wa iwaran Buləs əd şikilan win as otas igi-nasan

Əşşəxəl wa iwaran Buləs daɣ batu n aytedan win wər nəmos Kəl-İlyəhud

¹⁴ Daɣ batu ta kawan-təqqalat kawanay, nak iman-in əkkasax aşşak imədrayan-in, as təknâm əlluɣ təknâm agaraw ən masnat, təfrəgam ad tətinəməsəxrim gar-ewwan.

¹⁵ Dər iga awen da ya, kud ira annax əktabay-awan-in əs təholat, fəl a kawan-d-asakta, əs tarrayt n arraxmat ta di-iga Məşşina, arat əs kala da təssanam daɣ-as.

¹⁶ Arraxmat ten təmos as di-iga amaşşaxal n İlməsix Ƴaysa daɣ aytedan win wər nəmos Kəl-İlyəhud. Taggaɣ əşşəxəl zəddigan s amel wa taggaɣ İlinjil ən Məşşina. Awen əgêq-qu fəl ad əqqəlan aytedan win wər nəmos Kəl İlyəhud takutay təgrâzat i Məşşina, təmosat arat a dər inihagga əs tarrayt n İnfas wa Zəddigan.

¹⁷ Daɣ adi ələx s ad səbbərəga daɣ tassaɣ n İlməsix Ƴaysa daɣ batu n əşşəxəl wa əgeɣ i Məşşina.

¹⁸ Wər əhelax awal daɣ aratan ar win issənda İlməsix əs tarrayt-in əmosnən as d-ewayax aytedan win wər nəmos Kəl-İlyəhud s əbərdəg i Məşşina. Arat wen iga s awal əd mazalan,

¹⁹ İgâ deɣ əs tarna ən təlməxjujaten əmosnən alɣalamaten, d aratan simaklalnən, əgânən əs tarrayt ən tarna n İnfas ən Məşşina. Emmək en daɣ as a d-obazan ɣur Yerusalam harkid İlurəya, akal wədi kul sinahalaɣ daɣ-as emel ən salan n İlinjil n İlməsix.

²⁰ Amaran əşşəxəl-in wa daɣ ədgaza wəllen imos emel n İlinjil y aytedan win âs wər kala ad əslan y esəm n İlməsix. Arat wen əgeq-qu fəl ad wər iqqəl əşşəxəl-in arat intân fəl əşşəxəl n iyyan awedan.

²¹ Əşşəxəl wen əgeq-qu s əmmək wa əmalan İlkəttaban as ənnan: «*Win as wər itəmäl ad t-ənəyan, amaran win wər nəsla isalan-net a tan-aslin agrin-tan.*»

Işikilan win otas Buləs

²² Arat wa daɣ a di-igaddalan fawda a kawan-in-asa.

²³ Mişan əmərədda əxradaɣ əşşəxəl-in daɣ kallan win den. A ilan elan ad əkneɣ tara n a kawan-in-azzayyara,

²⁴ amaran areɣ igi n adi assaɣa wa din-z-asaɣ Esbanəya. Fəlas əgeɣ attama n a kawan-ənəyax as din-əmmaraɣ əddi, amaran əffilla fall-awan y a di-tilalam s iki n akal wen dəffər as ɣur-wan əgeɣ azzaman.

²⁵ Əmərədda ad akka Yerusalam y ad əşxələx i tamattay ən Məşşina ta təllat den.

²⁶ Fəlas Əlkənisaten şin Masedonəya d Akayya əknənat tara n igi ən şirgiten fəl ad ədhəlnat şiləqqawen əhanen imizdagan win Yerusalam.

²⁷ Əlkənisaten şin əknənat tara n awen, amaran iwār-tanat igi-net, fəlas dad zamas əlməsixitan win əmosnen Kəl-Əlyəhud ədhəlan win wər nəmos Kəl Əlyəhud fəl aganna wa n əzəgzan-nasan, wədi əlməsixitan win wər nəmos Kəl Əlyəhud iwār-tan əntanay da ad ədhəlan s ərərəzəhan-nasan win əmosnen Kəl Əlyəhud.

²⁸ Daɣ adi as əxradaɣ əşşəxəl wa, şaşawada şirgiten şin i məssawəsna, ad akkaɣ Esbanəya əmməraq-qawan-in.

²⁹ Amaran əssənax as albaraka ikməlan n Əlməsix a imos asa wa kawan-in-z-aga.

Agamay ən Buləs şiwatriwen ən məzzəgzan s Əlməsix

³⁰ Ya imədrayan-in, əgmaya daɣ-wan wəllen əs tarrayt n Əməli-nana Ƴaysa Əlməsix əd tara ta ihakku Infas wa Zəddigan a di-tilalam daɣ təbəllant ta əgeɣ s a di-tətansayam Məşşina daɣ təwatriwen-nawan.

³¹ Tattarat-in a di-iyłasan daɣ aytedan win ugaynen s əbərdeɣ i Məşşina əhanen Yahudəyya, tətəram-i deɣ a fəl əqbalan mizdagan win Yerusalam şirgiten şin dasan-z-awəya.

³² As iga adi a kawan-in-asa əkneɣ təfalawist, kud ira Məşşina adi, aga ɣur-wan azzaman ən təsanfawt.

³³ Əgmaya daɣ Məşşina a ihakkin alxer a kawan-agəz ketnawan. Amin!

16*Assalaman d ənnəsixatan əd təwatriwen*

¹ Əssiflasaq-qawan təmadrayt-nana Fəbay təmosat təmadhalt n Əlkənisat ta n Qankrəya

² fəl a tat-təqbəlam s esəm n Əməli, igā awen s əmmək wa dər əhoran mizdagan. İlalat-əs daɣ arat kul wa daɣ təddərər tilalt-nawan fəlas ənta da təllil y aytedan aggotnen as nak iman-in aheq-qan.

³ Təhulam-in Friska d Akilas əmosnen imidawan-in daɣ əşşəxəl y Əlməsix Ƴaysa.

⁴ Əntanay a əganen iman-nasan daɣ alɣarar ən tamattant fəl a di-agəzan daɣ win əranen tenaxay-nin. Wərgəɣ nak ɣas a dasan-iggodayan awen. Kalar Əlkənisaten kul şin aytedan win wər nəmos Kəl-Əlyəhud, da əggodaynat-asan.

⁵ Təhulam-in deɣ Əlkənisat ta təhat aɣaywan-nasan.

Təhulam-in əməri-nin Efaynet s ənta a azzaran əzəgzan s Əlməsix daɣ akal n Asəya.

⁶ Təhulam-in Maryama təyyəwanat əşşəxəl aggen imosan tilalt y-awan.

⁷ Təhulam-in Andronikus əd Yunəya, əmosnen kəl tamet-in a dər nimaggaza kasaw, əmosan deɣ aytedan a fəl təga masnat daɣ nəmmuzal amaran azzaran-i əzəgzan s Əlməsix.

⁸ Təhulam-in deɣ Anfləyatus əkneɣ tara fəl tərteyt a nəga daɣ əzəgzan s Əlməsix.

⁹ Təhulam-in Urbanus imosan əmidi-nana daɣ əşşəxəl y Əlməsix, təhulam-in deɣ əməri-nin İstayus.

¹⁰ Təhulam-in Abalus imosan awedan isitaddan əzəgzan-net s Əlməsix. Təhulam-in deɣ kəl aɣaywan n Aristabul.

¹¹ Təhulam-in Herodəyon s ənta da iyyan daɣ kəl tamet-in. Təhulam-in kəl aɣaywan ən Narsisos win əzzəgzannen s Əlməsix.

¹² Təhulam-in Trifina əd Trifoza əgānen əşşəxəl aggen daɣ tarrayt n Əməli. Təhulam-in təmərit-nana Fərsida təgāt əntada əşşəxəl aggen daɣ tarrayt n Əməli.

¹³ Təhulam-in Rufus imosan anafron ən Məşşina d anna-net as nak da təmos-i zun anna.

¹⁴ Təhulam-in Asinkrit əd Flegon əd Ƴermes, əd Fatrobas əd Ƴermas əd mədrayan-nana win ɣur-san əllanen.

¹⁵ Təhulam-in Filologos əd Yuləya, əd Neray əd tamadrayt-net, əntanay harkid Olinbas əd məzzəgzan kul win ɣur-san əllanen.

¹⁶ Tinəməggat assalam zəddigan. Əhulnat-kawan-in Əlkənisaten n Əlməsix ketnasnat.

Ənnəsixa wa ilkaman

¹⁷ Ya imədrayan-in, əgmâya dağ-wan ad tənkedam y aytedan win du-tawaynen iməzzəyan gar-ewwan əd təsənkaf sikarakadnen əmosnen əllid n əsəssəxri wa tətawaggam. Nəməggəgat d aytedan win di

¹⁸ Fəlas wər əxbedan Əməli-nanağ Əlməsix, kalar wər gəmməyan ar a əgan dağ tədusen-nasan. Awan-nasan hossaynen əd şizada n iləs-nasan as takarrasan aytedan win wər nəla arak man.

¹⁹ Əbərdəg-nawan i Məşşina awedan kul issân dağ-as, adi a fəl as isifalawas-i awen dağ batu-nawan. Mişan arex ad tilem tayttay dağ batu ta təqqalat əmazal n awa olağan, tizdagam deş dağ i tu-təlla talbast.

²⁰ Məşşina s ənta a d-iffal alxer kul, tarmad as z'addagdag Aşşaytan daw daran-nawan. Tidawet dər-wan arraxmat n Əməli-nana Yaysa.

²¹ Ihul-kawan-in əmidi-nin dağ əşşəşəl a t-imosan Timotay ənta harkid Luqəyus əd Yason əd Sosifater əmosnen kəl tamet-in.

²² Nak iman-in Tertəyus a itawasaktaban şirawt ta, da əhulaq-qawan s esəm n Əməli.

²³ Ihul-kawan-in Gayəs s ənta a xur əssəgana nak d Əlkənisat ketnet. Ihul-kawan-in Erastus imosan aləs wa innəttafan d ərrəzəğan n əxrəm wa, ihul-kawan-in deş amadray-nana Kartus.

²⁴ [Tidawet dər-wan arraxmat n Əməli-nana Yaysa Əlməsix ketnawan! Amin!]

²⁵ Təmmalen i Məşşina s ənta a ilan tarna n ad isəssuhət əzəgzan-nawan dağ anamod inimannakan d Əlinjil-net wa əmala imos təlxutbat ta əge dağ batu ən Yaysa Əlməsix. Inimannak deş awen d əssir ən Məşşina wa danağ-inafalalan. Əssir wen, ixbâr dağ azzaman win okaynen.

²⁶ Mişan əmərədda sannafalalan-tu Əlkəttaban win d-əzzəbbatnen fəl ənnəbitan. Məşşina di n Amaşlöl a omaran s ad inəfiləl awen i tawşeten n əddənet ketnasnat fəl a sər-əs əzzəgzənət abbardagnat-as.

²⁷ Məşşina ənta məşşis ən masnat kul! Tanaya kul şin-net. Attamalet har faw, əs tarrayt ən Yaysa Əlməsix! Amin!

Širawt ta tazzarat iktab Buləs i Kəl-Korent Əsənti

Təhult

¹ Awa nak Buləs, iğrâ Məşşina dağ tara-net əs tişit n ənammazul ən Əlməsix Yaysa. Nak d amadray-nana Sustinəs

² nəhul-in Əlkənisat ən Məşşina ta təhat ağrəm ən Korent. Iğr-et y ad təqqəl tamattay-net zəddigat, təhât təla-net s əssəbab ən tassağ-nasan d Əlməsix Yaysa; ənta d aytedan kul win hədatnən edağ əhan, əğbâdan Əməli-nana Yaysa Əlməsix, imosan Əməli-nasan, imos değ wa-nana.

³ Məşşina di n Abba-nana, d Əməli-nana Yaysa Əlməsix təkfeq-qawan arraxmat d alxer.

Igodan

⁴ Faw tigudəyax i Məşşina di n Əməli-nin dağ talğa-nawan, tehakkay ta kawan-iga arraxmat-net s əssəbab ən tassağ-nawan d Əlməsix Yaysa.

⁵ Fəlas tassağ-nawan dər-əs a sər-wan d-ewayan as kawan-isabbalal dağ arat kul, wəllən dağ awa təgənnim kul d awa təssanam kul.

⁶ İsalan ən Yaysa win nəğa əttiddan çur-wan wəllən.

⁷ Adı as wər tu-təlla təhəkkut ən Məşşina wər təgrewam, kawanay win warəğwarəğnən i tawağlay n Əməli-nana Yaysa Əlməsix;

⁸ s ənta a z'isəssuhen əzəgzan-nawan har təzərəst, awəd-du fall-awan əzəl wa du-z-asu wər kawan-iwer lahan waliyyan.

⁹ Məşşina di kawan-d-iğran y ad tərtaşam əd Barar-net Əməli-nana Yaysa Əlməsix, wər d-itəqqəl dağ tənna-net.

Ətəwətəytay n Əlməsix d ənəmənək n əlməsixitan

Iba n ənəmənək dağ Əlkənisat

¹⁰ İmədrayan-in, əgmāya dağ-wan fəl udəm n Əməli-nana Yaysa Əlməsix ad tənəmənəkəmə ketnawan dağ awa təgənnim, taqqamim wər təqqelam təzunen. Kalar nəmənəkət dağ awa təsamadranam d awa tənneyəm.

¹¹ Fəlas imədrayan-in, əgân dağ-i aytedan n ayaşwan ən Kələway isalan n as, təlla gar-ewwan tamazaq.

¹² Ənnəç adi fəlas wiyyad dağ-wan gənnin: «Nakkanay Buləs as nəlkam», wiyyad gənnin «Nakkanay Abbolos as nəlkam», wiyyad gənnin «Nakkanay Butros as nəlkam», wiyyad gənnin: «Nakkanay Əlməsix as nəlkam».

¹³ Awak Əlməsix təzunt a iga? A təxilam nak Buləs, a itawanğan fəl təgəttawt fəl əddəlil ən bakkadan-nawan? Məç ak esəm wa-nin Buləs as tətawasalmağam dağ aman?

¹⁴ Əgğodayax i Məşşina əs wər dağ-wan əssəlməyax awedan waliyyan dağ aman, ar Krisbəs əd Gayəs.

¹⁵ Dağ adi wər t-illa awedan ifrāğan ad annu itiwəsalmağ dağ aman s esəm-in fəl ad iqqəl ənalkim-in.

¹⁶ Awalla, əkte-du as əssilməyax dağ aman aytedan n əhan n Əstefanos əntanay da. A wər nəmos aytedan win, wər kəttəwəğ id əssilməyax dağ aman awedan iyyan.

Ətəwətəytay n Əlməsix issikna tarna əd masnat šin Məşşina

¹⁷ Fəlas wər di-d-izammazal Əlməsix fəl ad əssəlməyax aytedan dağ aman, kalar izimazal-i-du fəl a dasan-əmələy isalan n Əlinjil, ayağ-asan değ emel wər nəğa əs masnat n awal, fəl ad wər tabbannan tamattant n Əlməsix fəl təgəttawt, təqqəl arat wər nəla almağna.

¹⁸ Tidət as, isalan ən tamattant ən Yaysa fəl təgəttawt, çur aytedan win əhanən tarrayt n əhluk, isalan wər nəla almağna a əmosan; mişan nakkanay win əhanən tarrayt n əlçilləs, nəssân as tarna ən Məşşina a əmosan.

¹⁹ İsalan n awen da a dağ ənnan Əlkəttaban: «Ad səbbənnana masnat ən musanan, səbbənnana değ tayttay ən malan ən tayttay.»

²⁰ Dağ adi ma din-igan dağ musanan? Ma din-igan za dağ musanan n Əttawret? İmusanan n awal n azzaman win den, əntanay ma dağ-san in-igan? Wərgəç Məşşina issəkna as, masnat ta əlan aytedan n əddənət ta, əmməskəl a təmos?

²¹ Fəlas Məşşina a igan əs masnat-net as aytedan wər əfregan a t-əssənan əs masnat ta-nasan iman-nasan, adi a fəl igrəz i Məşşina ad ixləs aytedan win sər-əs əzzəgzannen əs tarrayt ən salan n' Əlinjil əmosnen əmməskəl s aytedan win sər-əs wər nəzzəgzan.

²² Kəl-Əlyəhud za əntanay gammayan a dasan-ətəwəgginat təlməxjujaten əmosnen alxalamaten, Kəl-Əlyunan amaran gammayan masnat.

²³ Adi a fəlas nakkanay emel wa nətaggu tamattant n Əlməsix fəl təgəttawt, təsənkəft a imos i Kəl-Əlyəhud a dasan-təgdəlat əzəgzan, aytedan amaran win wər nəmos Kəl-Əlyəhud əntanay imos xur-san əmməskəl.

²⁴ Mişan xur aytedan win iğra Məşşina, gər za Kəl-Əlyəhud wala dəx Kəl-Əlyunan, Əlməsix tarna əd masnat ən Məşşina a imos.

²⁵ Fəlas igi ən Məşşina wədi imosan s aytedan əddi əmmiskəl, wər tu-tewəd masnat n əggadəm. Igi-net dəx wədi imosan s aytedan iba ən təla ən tanaya, wər tu-təlla tarna n əggadəm wər oger.

²⁶ Ya imədrayan-in, aktiwat-du awa təmosam as kawan-d-iğra Məşşina. Wər dəx-wan əggətan aytedan as itiwagga iduf n as əmosan imusanan, wala wiyyad əlanen fərrəgat, wala wiyyad əmosnen kəl əket.

²⁷ Kalar Məşşina isannafran aratan win wər nəla almağna xur aytedan n əddənət ta fəl ad izzəbəz imusanan təkarakit. Isannafran dəx win wər nəla fərrəgat dəx əddənət ta fəl ad izzəbəz təkarakit aytedan win əlanen fərrəgat.

²⁸ Awa itawalkan dəx əddənət ta, d awa itawakyadan, əd wa wər nətəwəgga wala a isannafran Məşşina y a sər-san assabu tamayyamayt ən win əmosnen arət xur aytedan.

²⁹ Arat wen kul, ig-ay Məşşina fəl ad dat-əs wər idkəl awedan waliyyan iman-net.

³⁰ Kawanay amaran Məşşina a kawan-osağan əd Yaysa Əlməsix, s ənta a danağ-ıqqalan masnat a du-təfəlat Məşşina – almağna ikf-ana sər-əs taqqat, əd tazdak, əd tədarfit.

³¹ Adi a fəl ənnan Əlkəttaban: «Awedan wa iran adkul ən man-net, idkəlet-tan fəl aşşaddat n awa iga Məşşina.»

2

¹ Nak iman-nin, imədrayan-in, as kawan-in-osex y a dawan-əməla tidət ta du-təfalət Məşşina təmosat əssir, wər kawan-əssəkna masnat n awal wala igət ən masnat.

² Fəlas əgəx tanat n as, iket əheq-qawan, wər dawan-z-agax isalan wər nəmos win Yaysa Əlməsix, d ətəwəngə wa itawagga fəl təgəttawt.

Masnat ta n Məşşina isannafalal-tat Infas wa Zəddigan

³ Nak azzaman win xur-wan əge, əgeq-qan d iba n assahat əd tasa di-təssindawat taysəst labasat.

⁴ Amaran isəssəxritan-in əd təlxutbatən-in wər əgen əs masnat n awal wala təla ən tayttay, kalar isəssəxritan a əmosan as issikna Infas wa Zəddigan əs tarna-net as tidət a əmosan,

⁵ fəl ad iqqəl əzəgzan-nawan arət a sər-wan du-təway tarna ən Məşşina wərgəx masnat n əggadəm.

⁶ Dər iga awen da ya, tidət as, təll-ay masnat nəsasaxru aytedan win saggatakkanen dəx əzəgzan; mişan masnat ten, wər tat-təla əddənət ta, za wər tat-ələn muzaran-net as ilkâm ad iba tamayyamayt-nasan.

⁷ Kalar masnat ta du-təfalət Məşşina a nəsasaxru, təmosat əssir irəwan ixbâr y aytedan. Masnat ta, harwa dat əxluk n əddənət ad otas Məşşina a dana-sər-əs-akfu adkul.

⁸ Wər t-illa dəx muzaran n əddənət ta da, i igrâwan əgərri ən ta da masnat; fəlas ənnar tat-əgrân, wər z'tayttayan Əməli ən tanaya.

⁹ Dər iga awen da ya ənnan Əlkəttaban: «Awa issənsa Məşşina i win t-əranen, wər kala tu-təny şat, wər kala tu-təsla təməzzuk, wər kala dəx ad t-isammadrən awedan.»

¹⁰ Nakkanay amaran isannafalal-anaq-qu Məşşina əs tarrayt n Infas wa Zəddigan; fəlas Infas wa Zəddigan wər t-illa a dəx wər issen, wala xas aratan win as otas Məşşina igi-nasan da issân dəx-san.

¹¹ İd wər t-illa awedan issânan awa ihan iman n iyyan awedan, ar iman n awedan wədi da xas. İmmək di dəx as, wər t-illa awedan issânan awa otas Məşşina. Infas-net di Zəddigan xas a t-issanan.

¹² Amaran nakkanay, wərgəx infas şilat ən wa n əddənət a nəgraw, kalar infas wa d-ifalan Məşşina a nəgraw, fəl ad nəgru arraxmaten şin fall-ana d-izəzzabbat Məşşina.

¹³ Adi a fəlas, aratan win nəsasaxru, wər tan-nəsəsəxru əs masnat ta n aggadəm, kalar masnat ta danay-ihakku Infas wa Zəddigan as tan-nəsasaxru. Nəsasaxru tidət ta du-təfalat Məşşina y aytedan win iha Infas di Zəddigan ən Məşşina.

¹⁴ Mişan awedan wa wər nəlkem ar i masnat ta n aggadəm, wədi wər ifreg ad iqbəl arat wa d-ifalan Infas di Zəddigan ən Məşşina, id xur-əs əmməskəl a imos awen, wər ifreg ad t-agru fəlas Infas di Zəddigan ən Məşşina a ihakkan əgərri-nnet.

¹⁵ Awedan wa iha Infas wa Zəddigan, wər t-illa arat a d-ifalan Məşşina as wər ifreg əgərri-nnet, amaran ənta iman-net, wər t-illa awedan wər iha Infas wa Zəddigan ifrāgan a sər-əs annu arat.

¹⁶ Adi a fəl ənnan Əlkəttaban: «*Ma issanan daɣ awa otas Əməli Məşşina, wala ifrāg a das-əgu ənnəsixa?*» Nakkanay za a igrawan Infas di Zəddigan ən Məşşina nəssān daɣ awa otas Əlməsix.

3

Buləs d Abbolos, imaşşaxalan ən Məşşina

¹ Nak amaran, imədrayan-in, harwa xur-wan əlle, wər dawan-təggaɣ awal wa tagga y aytedan win iha Infas wa Zəddigan. Kalar əgeɣ-awan awal zun wa itaggu awedan y aytedan win wər nəlkem ar i tara ən man-nasan, zun əşşewala y aytedan as səket əlkaman y Əlməsix.

² Zun as ax a kawan-əşşəşwa, wər kawan-əşşətša imensewan win əqqurnen, fəlas harwa da wər dasan-təfregam. Wala əmərədda da, wər dasan-təfregam,

³ id harwa da wər t-illa a kawan-izləyan d aytedan win wər nəlkem ar i tara ən man-nasan. Şismiten şin tətəggim fəl midawan-nawan əd təmazaɣ ta təmmalat gar-ewwan wərgəɣ sitaddanat as harwa da kəl əddənət a tətəlalam, təlkāmam i tarrayt-nasan?

⁴ As inna iyyan daɣ-wan: «Nak Buləs as əlkama», inna iyyan: «Nak Abbolos as əlkama», wədi wərgəɣ əlxal n aytedan n əddənət ta da a təgam?

⁵ Abbolos a da, ənta wala Buləs, awak ma əmosan? Wər nəmos ar imaşşaxalan ən Məşşina, win sər-wan d-ewaynen əzəgzan sər-əs, nak harkid ənta, wər nəga ar əşşəxəl wa danay-ikfa Əməli.

⁶ Nak awa əmmozała, iha şaşşəlan n amasa as nak a t-inbalan, təzzar işşəşw-ay Abbolos, mişan Məşşina ənta a t-id-issədwalan.

⁷ Daɣ adi, wərgəɣ awedan wa inbalan amasa wala wa t-işşəşwin a imosan arat; kalar Məşşina a t-id-issədwalan a t-imosan.

⁸ Awedan wa inbalan amasa əd wa t-işşəşwin arat iyyanda a əmosan, akkiyyan daɣ-san ad t-akfu Məşşina əlxax n əşşəxəl-net.

⁹ Nak d Abbolos nədrāw əşşəxəl wa danay-ikfa Məşşina, amaran kawanay a mosnen şilat ən tawagost-net, təmosam deɣ əkərrus-net.

¹⁰ Nak, əgeɣ s arraxmat ta di-ikfa Məşşina, əşşəxəl zun wa itaggu əmakras ən nan işşānan əşşəxəl-net, əşşəxta təsəkbəlt ta təmosat şixurad ən taɣazamt, dəffər adi osa-du awedan iyyan a fall-as ikarras; mişan akk awedan inkədet d əmmək was işatu əkərrus ən taɣazamt tədi.

¹¹ Wər t-illa awedan ifrāgan əşəxti n iyyat təsəkbəlt wər nəmos ta təxtat kala da, ad tat-imosan Ƴaysa Əlməsix.

¹² Wiyyad aytedan əkarrasan fəl təsəkbəlt ən taɣazamt ta, s urəɣ, wiyyad s azrəf, wiyyad əs təhun əknānen şihussay, wiyyad s eşkan, wiyyad s ələmmuz, wiyyad s agabal.

¹³ Akk awedan ilkām ad itəwənəy əşşəxəl-net, id ad itəwəsəknu əzəl wa ilkaman, itəwəjərrəb əs təmsay, fəlas təmsay ta ənta a za təsənnəfiləlat əzzənəf n əşşəxəl wa iga akk awedan.

¹⁴ Kud təməkrust ta fall-as iga awedan wər tat-tətša təmsay, awedan wədi ad igrəw əlxax-net.

¹⁵ Mişan as imos as tətş-et təmsay, awedan wədi ad affatu. Dər iga awen da ya, ənta iman-net ad ixləs, mişan ad alu əlxillas-net d in awedan ad d-itirkaban daɣ təmsay.

¹⁶ Awak masnat a wər təgema as, kawanay iman-nawan a imosan ehan ən Məşşina, iha deɣ Infas wa Zəddigan iwallan-nawan?

¹⁷ Amaran awedan kul wa ihallakan ehan ən Məşşina, a t-ihlək Məşşina; fəlas ehan ən Məşşina i zəddigan, amaran kawanay a t-imosan.

¹⁸ Ad wər issudəf awedan waliyyan iman-net əlxata. Wa daɣ-wan iɣilan ila masnat ta fəl təgla əddənət, wədi aget iman-net əmeskel, ad t-akfu Məşşina masnat ta n tidət.

¹⁹ Fəlas masnat ta n əddənət ta, əmməskəl a təmos xur Məşşina, id a ənnan Əlkəttaban: «*Imusanan n əddənət ta, şimərkas şin-nasan as tan-ibaz Məşşina.*»

²⁰ Ənnân dey: «*İssân Əməli âs, imedranan ən musanan n əddənet ta, wər əzlayan əd bannan.*»

²¹ Dağ adi, ad wər təkəkkalam iman-nawan fəlas təkəmmam y awedan, fəlas arat kul i-nawan.

²² gər za nak Buləs wala Abbolos, wala Butros, wala əddənet, wala təməddurt əd tamattant, gər za aratan win əmərədda wala win əlkamnen, awa ketnet i-nawan.

²³ Kawanay iman-nawan, Əlməsix a kawan-ılan; Əlməsix amaran, Məşşina a t-ılan.

4

¹ Dağ adi, nak d Abbolos a dana-wər-itəwəggu iduf wər nəmos ar wa n maşşaxalan n Əlməsix, d almawakkilan-net as imos əşşəxəl-nasan emel y aytedan igitan ən Məşşina win dasan-əhanen ətənkul.

² Amaran ma itawaran dağ awedan imosan almawakkil, ar ad imos awedan n alxadil.

³ Nak əs man-in, wər əzlaya dağ iduf wa dağ-i təgəm wala wa dağ-i əgən aytedan wiyad. Nak əs man-in, wər əgəx iduf waliyyan dağ man-in.

⁴ Wər di-təha tərək n ark əmazal waliyyan, mişan wərgəx adi a di-z-ikkəsan. Əməli, ənta a di-z-ışrəxan.

⁵ Dağ adi ad wər təssəwəram awedan waliyyan lahan dat tawaşlay n Əməli s ənta a z'assaknün ezal a mallan arat kul wa itawaggan dağ əssir, isəffəggu awa ihan iwallas n aytedan. Alwaq wədi, awedan kul ad igrəw xur Məşşina təmmal ta dər ihor.

⁶ Amaran imədrayan-in, ədkələx-awan-du isalan-in nak d Abbolos fəl ad iqqəl awen almasal a kawan-z-isassagrın batu ta tənnat: «Ad wər təkəyäm awa ənnan Əlkəttaban». Əgəx adi ənta da fəl a kawan-wər-iggəz awedan waliyyan isifaxaran s awedan iyyan alku wa hadan.

⁷ Kay wa itaggan ibaragan, ma kay-izlayan d iyyan awedan? Ma tələx, as wərgəx Məşşina a dak-k-ikfan? Dad zamas awa tələx kul ətəwəkfa a kay-itawagga bannan, ma əmosan baragan win tətəgga?

⁸ Kawanay əmərədda tələm arat kul wa taram, har as təgərgəsəm! Təqqalam fadda imənəkalan ənta nakkanay wər tan nəmos! Nəsidadan a tan-təqqəlam əs tidət, fəl a dər-wan nədrəw təxmar nakkanay da.

⁹ Mişan əs tannax sər-i nakkanay inəmmuzal, ig-ana Məşşina dağ ələqqam n aytedan, nola d aytedan issiwar əşşərixa tamattant, nətawagga ares n awnaf y əddənet ketnet, gər za aytedan wala angalos.

¹⁰ Nakkanay za nəqqal s aytedan imeskelan fəl əddəlil n əşşəxəl wa nətəgg y Əlməsix, kawanay amaran təqqalam imalan ən tayttay fəl əddəlil ən tassaq-nawan dər-əs. Nakkanay nərkam, kawanay amaran təssohem. Nətiwəkyad, mişan kawanay tətawasxmaram.

¹¹ Nakkanay wala xas əmərədda da ih-âna laz, nəffüd, nəzlâm, nətatawat, wər nəla id nəxsar;

¹² izayazzab-ana əşşəxəl ən fassan-nana. Nətattar a igan arraxmat y aytedan win dana-tagginen ark awalın, nəzmâr i win dana-sakninen arkanay.

¹³ Aytedan win xəşşadnen ismawan-nana, nəgəmmay dağ-san əs man mallolnen ad ammazzayan d adi. Har harwa da əgân-anax aytedan şilat ən ferədan n əddənet əd səfrađ-net.

¹⁴ Wər dawan-in-əkətabax aratan win fəl a kawan-əzzəbəza təkəkarakit, kalar əktəbəx-awan-tan-in fəl a dawan-aga ənnəsixa, wa z'aga i bararan-in əkne tara.

¹⁵ Amaran kud tələm maraw gim n əlfəqqi a kawan-sasaşren tarrayt n Əlməsix, da wər tələm ar abba iyyanda, fəlas əzəl wa dawan-əgəx isalan ən Yaysa Əlməsix, təkəmmam-as, ənta ad əqqala şilat n abba-nawan.

¹⁶ Adi a fəl ədgəza gəmməy dağ-wan a di-tattalalam.

Əzzəna dağ Əlkənisanat

Ədərreg y əzzəna

Ark aratan wər nəmməkkan win ətawagginen dağ Əlkənisanat

¹⁷ Əddəlil n adi da a fəl sər-wan in-zammazala Timotay ən ruray əknəx tara, issiflasan wəllen dağ ləkkum-net y Əməli. İssokax-awan-t-in fəl a kawan-d-assaktu əzzənəf ən ləkkum wa əgəx y Əlməsix, s ənta a sassaşra dağ əlkənisanaten kul dağ adag kul.

¹⁸ Wiyad dağ-wan taggin ibaragan, fəlas əxılan wər kawan-in-z-ələsax əssa.

¹⁹ Mişan əs turagat n Əməli, a kawan-in-asa dağ alwaq wər nəggug. Alwaq wədi, aytedan win tagginen ibaragan əddi, ad ənəyax awa əfragan, wərgəx awa gənnin xas.

²⁰ Fəlas Təxmar ta n Məşşina, imazalan win taggin aytedan əs tarna-net a dağ tətawanay wərgəx awa əgənnin əs mawan-nasan.

²¹ Awak məni dağ aratan win wa təssofam? A kawan-in-asa ewâyax ələkkud, meç a kawan-in-asax əd tara əd man lammodnen?

5

¹ Aytedan kul gannin ih-iwan awedan itaggin əzzəna, igân təllabəst ta dağ əs wala aytedan win wər nəssen Məşşina da wər tu-təggin; imosan as ih-iwan ələs itinəmənsin əd təntut n abba-net!

² Eges harwa da tətəggim ibaragan, edag n a kawan-assakmu adi iman, təzəmməzzəyam iman-nawan d awedan wa itamazalan adi.

³ Kud nak wər çur-wan əlley s əzzat-in, da iman-in əllân çur-wan. Amaran awedan wa iman əmazal labasan wədi, obâzaç-qu s əşşəriça şilat n as əlley çur-wan.

⁴ As təmmənayam gar-ewwan fəl əddəlil n Əməli-nana Үaysa, əggəzaç-qawan-in əs man-in wərgəç s əzzat-in, a fall-awan d-izəzzəbbət Əməli-nana Үaysa tarna-net;

⁵ tayyim awedan wədi y Aşşaytan ad təhlək təçəssa-net, fəl ad igrəw efsan əzəl wa n tabadday.

Əşşəriça gər əlməsixitan

⁶ Wər təlem əddəlil waliyyan fadda s igi ən baragan. Awak wər təssenam as, «arat ən xamira a isakafan təbəluləç n agel irwayan ketnet?»

⁷ Əkkəsət dağ man-nawan xamira wa waşşaran a t-imosan abakkad, tizdagam fəl ad təççəllam şilat ən təbəluləç n agel irwayan wər iha xamira, s ənta a təmosam kala da, fəlas Əlməsix, imos təfaskay-nana ta n amud wa n Akkay, immut dağ adag-nana.

⁸ Dağ adi nəssəçməret amud wa n Akkay, wərgəç əs xamira wa waşşaran, a t-imosan iwallan iha əşşur əd talbast; kalar nəssəçməret-tu əs təçəlla ta wər iha xamira, a t-imosan iwallan zaddognen, təha tidət.

⁹ Dağ şirawt-in ta dat ta, əktābaç-awan-in as, ad tu-wər-təməl tassaç waliyyat gar-ewwan d aytedan win tagginen əzzəna.

¹⁰ Mişan ya wər əssoka s adi iba ən tassaç d aytedan win wər nəşşokal dağ əddənət ta ar dağ igi n əzzəna, madex win as əffofen wallan-nasan, madex win narkaban əd win əçbadnen əssənəman, fəlas aytedan win di, wər za taçqamim wər dər-san toseçam, ar s ad təgmādam əddənət ketnet da.

¹¹ Kala kalar a dawan-ganna, ad wər təsəçam d awedan wədi igannin imos amadray-nawan dağ əddin, ənta wər işşokal ar dağ igi n əzzəna, iffofat əwəl-net, içbād əssənəman, ilâ ark iləs, imos əməşwi n esmad, imos anarkab. Awedan şilat ən wa, wala ças tətay da a dər-əs tat-wər-tədrəwam.

¹²⁻¹³ Fəlas wərgəç nak a iwar ad əbəza s əşşəriça aytedan win wər nəzzəççən s Əlməsix, Məşşina a tan-z-ibəzan s əşşəriça, mişan aytedan win Əlkənisat-nawan, kawanay a iwar a tan-tabəzəm s əşşəriça, fəlas ənnan Əlkəttaban: «*Əkkəsət çur man-nawan inəllubas.*»

6

¹ As illam arat gər iyyan dağ-wan d əmədi-net, ma kawan-issəhalan ad tətəkkim aytedan wər nəzzəççən əs Məşşina y a dawan-əşşərəçan, təçləyam tamattay zəddigat ən Məşşina?

² Awak masnat a wər təçəm as, tamattay tədi ənta a za təşərəçat y əddənət? Dağ adi, dad imos as kawanay di da a z'əşşərəçnen y əddənət, manəmmək as wər təfregam əşşəriça ən təçawşiwen madrornen?

³ Awak masnat a wər təçəm as, wala angalosan, nakkanay a dasan-z-işşərəçan, əngəm-in za şıçawşiwen n əddənət ta!

⁴ Dağ adi, as t-imal əçşud gar-ewwan dağ təçawşay iyyat, manəmmək as tətayyim aytedan wər nəmos wala çur Əlkənisat şarraçan-awan?

⁵ Imos fall-awan təkarakit ad imos as, wər kawan-iha awedan waliyyan ilân masnat a tu-təssiççəçat ad izəmməzzəççəç əşşəriça i mədrayan-net dağ əddin.

⁶ Awak ma kawan-igrawan as təşarraççam gar-ewwan har təççimam əşşərəçan-awan aytedan wər nəzzəççən s Əlməsix.

⁷ Wala ənəməşraç wa tətəggim gar-ewwan da agadal zəwwəran a dawan-imos. Mafel wər təzəççaydaram d iba ən tidət wa dawan-itāwaggan, madex təzəççəçdaram d əmiçyi wa tətəwəggim?

⁸ Edag n ad tagim adi, kala kalar kawanay iman-nawan a itamazalan s iba ən tidət, tətəçam aytedan win hadatnen, əs fadda imədrayan-nawan a əmosan dağ əddin.

⁹ Awak masnat a wër tægem as inëllubas wër z'ægrewan adagar daḡ Taḡmar ta n Məššina? Iqqəlat-du daḡ əxrək wa tægam, təssənam as imagən n əzzəna, d aytedan win əḡbadnən əssənəman, əd win tagginen i tədoden-nasan šidoden, əd meddan win tagginen iman-nasan šidoden əd win tagginen imidawan-nasan šidoden,

¹⁰ əd baydagan, əd win as əffofen wallan-nasan, əd mašwan n esmad, əd mawayan ən tənawen, əd narkaban, aytedan win kul wër əlen adagar daḡ Taḡmar ta n Məššina.

¹¹ Wiyyad daḡ-wan kala ad əhan samal n aytedan win di, mišan əmərədda tətīwašaradam daḡ awen, tətīwazazdagam, təqqalam aytedan təsisəḡad tarrayt n Əməli Ƴaysa Əlməsiḡ d Infas wa Zəddigan n Əməli-nana Məššina!

Batu ta təqqalat iki ən təkərwaten

¹² Təgannim: «Arat kul xalal-ana», tidət mišan wərgəḡ arat kul təh-ay tənfa. Tidət as «arat kul xalal-ana», mišan nak wër z'ayyaḡ arat waliyyan ittəf daḡ-i tanat.

¹³ Təgannim deḡ «Isudar, tadist a fəl d-əxlakan, amaran tadist, isudar a fəl du-təxlak.» Dər iga awen da za, tadist harkid mensewan ilkām ad asabu Məššina tamayyamayt-nasan. Taḡəssa n awedan ənta wër du-təxlek fəl ad tagu əzzəna. Kalar təxlāk-du fəl ad tagu tara n Əməli, s ənta a tat-ilan.

¹⁴ Amaran Məššina a d-issənkaran Əməli Ƴaysa daḡ tamattant a dana-daḡ-as-d-issənkər nakkanay da, əs tarna-net.

¹⁵ Wër təssenam as, šixəswen-nawan, šisəllad n Əlməsiḡ a mosnat? Daḡ adi manəmmək as z'əšərtəya šisəllad n Əlməsiḡ əd təḡəssa ən təkərwat? Kala Kala! Wër ilkem ad iga adi!

¹⁶ Məḡ masnat a wër tægem as awedan wa issərtayan iman-net əd təkərwat, wədi iqqal dər-əs təḡəssa iyyadda? Awak wərgəḡ ənnan Əlkəttaban: «*Alas əd tantut-net ad əqqəlan təḡəssa iyyadda*»?

¹⁷ Awedan amaran wa irtayan d Əməli, wədi Infas wa Zəddigan n Əməli a t-ihan.

¹⁸ Darragat y igi n əzzəna. İbakkadan kul win tamazalan aytedan wër ədrewan arat əd təḡəswen-nasan; mišan awedan wa igan əzzəna, wədi iga abakkad immāran təḡəssa-net təmosat taslət n Əlməsiḡ.

¹⁹ Awak masnat a wër tægem as šixəswen-nawan ehan n Infas wa Zəddigan a əmosnat, a kawan-ihân, ikf-âwan-tu Məššina? Wərgə kawayan a ilan iman-nawan.

²⁰ Fəlas izinz-iwan-du Məššina s əlqimat zəwwərat. Daḡ adi, səḡmərat Məššina əs təḡəswen-nawan.

7

Batu ta təqqalat azalaf

Batu təqqâlat aytedan win əzləfnen

¹ Amaran daḡ batu ta təqqalat isəstanan win di-du-təgam daḡ širawt ta di-du-təkəttabam, tənnam: «Ofa y aləs ad aqqam wër inamansa əd tantut kuddeḡ ta izlaf.»

² Dər iga awen da za, fəl ədərrəḡ y igi n əzzəna, əkkulluk n aləs ofa ad ila tantut, əkkulluk ən tantut deḡ təla aləs.

³ Aget aləs i taḡurəs arat was iwəwəjjab a das-t-agu, təntut deḡ taget y aləs-net awen da.

⁴ Tantut wərgəḡ ənta a tətəfat tanat daḡ təḡəssa-net, aləs-net a ittafan tanat-net. Aləs ənta da, wərgəḡ ənta a ittafan tanat daḡ təḡəssa-net; tantut-net a tat-ittafan.

⁵ Daḡ adi ad wër tənəməḡdəlam iman-nawan ar s ad tənimardam s adi daḡ temert təkātəm i təwatriwen. As təyrad, təqqəlam təməwit ta təwwəjjabat fəl aləs əd təntut-net, fəl təkəsəda n ad ib'as tənnoḡam daḡ man-nawan, igrəw sər-wan Aššaytan tarrayt s a kawan-ajjarrab.

⁶ Arat wa ənnəḡ əddi, turagat n igi-net a kawan-əkfeḡ, wərgəḡ ammar a kawan-sər-əs-əgeḡ.

⁷ Nak əsidarana a dər-i olân aytedan kul, əfrəḡan ad aqqamin wër əzlefən; mišan ya akkiyyan daḡ-na əd təhəkkut ta das-iga Məššina. Wiyyad daḡ-na wër əfrəḡan ad wër əzlefən, wiyyad əgrâwan təhəkkut təmosat fərregat y amaḡras.

⁸ Amaran meddan win as aba šidoden-nasan, əd tədoden šin as aba meddan-nasnat, ofa ad agin awa əgeḡ, aqqamin da wër əzlefən.

⁹ Mišan as imos as wër əfrəḡan adi, wədi əzləfanet; fəlas ofa y awedan ad izlaf, aqqam da wër isabbalaglag dərən əwəl-net.

¹⁰ Aytedan amaran win əzləfnen, omāraq-qan s as: tantut ad wër tammazzay d aləs-net. Əməli a innan adi, wərgə nak.

¹¹ Mišan as imos as təmməzzay dər-əs, wədi taqqamet wər təzlef, madex taknu d aləs-net təqqəl-tu; aləs ənta da ad wər izəmməzzəy tağurəs.

¹² Aytedan amaran win hadatnen, ənnex-asan: Amadray dağ əddin was wər təzzəgzan tantut-net əs Ƴaysa, eges tərda s a tat-ittâf, wədi a tat-wər-izəmməzzəy. Batu tēdi, nak a tat-igan, wərgə Ƴməli.

¹³ Tantut değ ta n tamadrayt dağ əddin, tas wər izzəgzan aləs-net əs Ƴaysa, eges igla irâ a Ƴur-əs tēlla, tēdi a tu-wər-təfəl.

¹⁴ Fəlas aləs wədi wər nəzzəgzan əddi, zəddig id tantut-net a təmosat iyyat dağ mədrayan dağ zəgzan əs Ƴaysa. Tantut değ tēdi wər nəzzəgzan əs Ƴaysa əddi, təzəddig id aləs-net a imosan iyyan dağ mədrayan dağ zəgzan əs Ƴaysa. Adi a izzəzdagan bararan-nasan, mišan ənnar wər iga adi, bararan-nasan ehan ən taxxaramt a daq-qan ələn.

¹⁵ Dər iga awen dağ, wa dağ-san wər nəzzəgzan, gər za aləs wala tantut, as ira əməzzəy ən wa hadan, ammazzayət dər-əs. Amadray dağ əzəgzan wədi, madex tamadrayt tēdi, wər t-idu-z-iqqəl əşşərixa n adi, fəlas Məşşina, təməddurt iha alxer as ira a tat-təgâm.

¹⁶ Ma issanan, mijas kam ta n təməzzəgzənt əs Ƴaysa a du-z-awəyan s aləs-nam ad igrəw efsan? Kay da, aləs wa n əməzzəgzən əs Ƴaysa, ma issanan mijas kay a du-z-awəyan əs təntut-nak ad təgrəw efsan?

¹⁷ Amaran aytedan win wər nəmos win-di akkiyyan aglet dağ alxalat ta daq-qu iga Ƴməli Ƴaysa təmos təhəkkut-net, s ənta a iha as t-iğra Məşşina. Ammar wədi a taggağ əlkənisanen kul.

Awedan kul aqqamiwet dağ alxalat ta iha

¹⁸ Kud awedan imminkad as t-id-iğra Məşşina, wədi a das-wər-iqqəl adi asakor. Kud değ awedan wər immənkad as t-id-iğra Məşşina, ad wər igməy d ad itəwəsəmmənkəd.

¹⁹ Ƴmənkəd wala iba-net wərgex ənta a imosan arat, amazal s ammaran ən Məşşina a t-imosan.

²⁰ Akk awedan aglet dağ alxalat ta iha as t-id-iğra Məşşina.

²¹ Kud as kay-d-iğra Məşşina akli a təmosax, a kay-wər-işşəwəş adi; mišan as təgrawa tarrayt əs tədarfit, a sər-əs wər tugəya, kalar darfat.

²² Fəlas awedan wa imosan akli as t-id-iğra Məşşina y a tu-təməl tassağ gar-es d Ƴməli, wədi ad iqqəl adaraf n Ƴməli. Ƴmənk di dağ əs əddənən wa wər nəmos akli, ənta da as t-id-iğra Məşşina, ad iqqal akli n Ƴməsix.

²³ Ƴməli a irzəman fall-awan, isəddərfat-kawan; dağ adi ad wər tayyim aytedan agin-kawan eklan.

²⁴ Imədrayan-in, akkiyyan dağ-wan aglet iga attama-net dağ Məşşina, aqqam ənta da dağ alxalat ta iha as t-id-iğra Məşşina.

Batu təqqalat aytedan win wər nəzlef

²⁵ Amaran dağ batu ta təqqalat aytedan win wər ides azalaf, wər di-ikfa Məşşina ammar waliyyan y-asan; mišan a dawan-agay ənnəsixa, ənnəsixa di da ig-əwan-tu aləs igrəwan dağ əhənətta n Ƴməli tişit n awedan issiflasan.

²⁶ Azzaman n aləzab a fall-anağ əganen, dağ adi illa Ƴur-i as, ofa y akk awedan kul ad aglu dağ alxalat ta iha.

²⁷ Kud kay təsimarkasa əd tantut, ad wər təgməya d a dər-əs tammazzaya. Kud wər təzlefa, a dər-əs wər təgməya.

²⁸ Dər iga awen da ya, as təzlafa, wərgə abakkad a təgəx; tantut değ ta wər ides azalaf, as təzlef, wərgəx abakkad a təga; mišan ya aytedan win əzlafnen dağ azzaman win, ad ənəyan təssust labasat s ənta as arex a tan-agəza dağ-as.

²⁹ Awa fəl dawan-gannağ adi, imədrayan-in, as, təsəlkam t n alwağ a nəha da. Dağ adi a ibazan Ƴur əmərədda, wala aytedan win əzlafnen, aginet as şilat n as wər əzlefan,

³⁰ win həllinen şilat n as wər həllin, win falawasnen şilat n as wər falawasan, win du-zanzinen değ əttəfanet as arat wa d-əzənzən wər t-ələn,

³¹ amaran aytedan win sattağmalnen aratan n əddənət ta, a dağ-san wər zəzzəwen, fəlas arat kul wa itaggan dağ əddənət ta nəha da, ta n əğrud a iha.

³² Nak amaran a əreğ ad tağim təməddurt dağ kawan-wər-işşəwəş wala. Aləs wa wər nəzlef, ifrəğ əddəguz dağ igi n aratan win fall-as ira Ƴməli, fəlas igamma d əmmək was z'igrəz y Ƴməli.

³³ Mišan aləs wa izlafan, şiyawşiwen n əddənət a dağ idaggaz igamma əmmək was tu-za-tiru tağurəs;

³⁴ təzzar tuzan ənnəyat-net gər tara n igi n awa tara təntut-net d awa ira Məşşina. Amaran tantut ta wər nəzlef əd ta wər ides azalaf, əfrəgnat əddəguz dağ igi n aratan

win fall-asnat ira Əməli, fəlas ərənət ad əskətnat təməddurt-nasnat ketnet y əlğibada n Əməli; mişan tantut ta təzlafat, şixawşiwen şin əddənet a dağ tədaggaz, təgammay əmmək was tat-z-iru aləs-net.

³⁵ Arat wa ənnex da, tənfa-nawan a dağ-wan t-ənnex, wərgex əzuk iyyan a kawan-sawara. Kalar tara a əgeç ad tagim awa inahaggan, təlkəmam y Əməli s əwəl iyyanda.

³⁶ As iga aləs arkawal n azalaf i təmidit-net har d-ewad alwaq wa dağ ihor a tat-izlaf, amaran iksud əsəkkərəkəd-net, wədi izləfet-tat, kud adi a ira, wər imos awen abakkad.

³⁷ Mişan aləs wa d-inkaran gar-es əd man-net isammarkas as wər z'izləf tantut ta dər imarakan azalaf, amaran imos awedan ifrəğan dağ man-net, wədi igā arat ihossayan.

³⁸ Dağ adi awedan wa issəndan arkawal n azalaf i təmidit-net, iga arat ihossayan; mişan of-ay wa igan tanat n a tat-wər-izlef.

³⁹ Tantut təzləfat ilzām-tat amel çur aləs-net iket iddār. Mişan as t-aba, ad tilu tarrayt n azalaf n iyyan aləs wa tara, eges kundaba wa izzəgzanan s Əməli Yaysa.

⁴⁰ Mişan nak dağ iduf wa-nin, ogar əbbələl wa za tagu as təqqim wər təzlef. Infas wa Zəddigan ən Məşşina a di-issagyan iduf wədi, amaran Infas ən dağ as əgeç iduf n əs əgrāwaç-qu.

Əlğibada n əssənəman

8

İdərrəç y əlğibada n əssənəman

Tara ən mədrayan-nana win əlməsixitan əd təkatawt-nasan

¹ Dağ batu ən şan ən təzəgzam şin təwagğanen y əssənəman ta dər-i təssəstanam, tənnam: «Masnat, ketnana nələ dağ-as arat». Tidət a imos adi, mişan za masnat, adkul ən man a du-tətaway s awedan, as iga awen, tara ənta, əsəssuhi a tətəggu əzəgzan n awedan.

² Awedan wa çur illa as ila masnat, wədi harwada wər issen awas imməkkan ad t-issən.

³ Mişan awedan wa iran Məşşina, izday-tu Məşşina.

⁴ Amaran dağ batu ən tattay ən şan ən təzəgzam şin təwagğanen y əssənəman, nəssān əs wər t-illa əssənəm imosan əməli, Məşşina iyyanda ças a t-illan imos Əməli.

⁵ Wala ad əttāfan aytedan as əllan-tu əssənəman aggotnen dağ jənnawan d amadıl tiwaçbadnen, amaran tidət as əllan-tu,

⁶ da çur-na, Məşşina iyyanda ças a t-illan. Ənta a imosan Abba-nana, ixlak-du awa t-illan kul, s ənta a danaç-ılan nəsandu tara-net; wər t-illa deç ar Əməli iyyanda, Yaysa Əlməsix, s əssəbab-net as t-illa arat kul, amaran ənta a danaç-ittafan təməddurt.

⁷ Mişan wərgex aytedan kul tewād masnat-nasan adi. Aytedan win di əs kala əzzəgzanan s əssənəman, harwa da as ətşan isan ən təzəgzəmt y əssənəm, ad əşşəkan iman-nasan, iməl çur-san as isimadas-tan awen.

⁸ Dər iga awen da ya, wərgex tettay n amensay a dana-z-izənnəmihəzan əd Məşşina: gər za nətşā isan win di, wala wər tan-nətşā, wərmad dana-za-təfnəz tettay-nasan s arat, wala deç təşşit-ana sər-əs.

⁹ Eges ya ənkədat əd man-nawan, tarrayt ta təgrawam əddi, a dawan-təssixlaləttay n amensay kul, ad wər təqqəl təsənkəft y awedan was wər issohat əzəgzan-net.

¹⁰ Fəlas kay wa ilan masnat tədi, as kay-inay amadray-nak dağ əddin was wər issohat əzəgzan-net təqqima dağ adag n əlğibada n əssənəman tətatta, ak wərgex a sər-əs d-awəy adi ad ammazray iduf wa iga, təzzar ad itattu isan win təzəgzam y əssənəman ənta da?

¹¹ Dağ adi təssəçrakəç əs masnat-nak ta tagget amadray-nak was wər issohat əzəgzan-net s ənta da əddəlil-net a fəl aba Əlməsix.

¹² As təbbəkkadam imədrayan-nawan as wər issohat əzəgzan-nasan əs təməwit tədi, wədi Əlməsix a təbbəkkadam.

¹³ Adi da fəlas, kud amensay wa tatta a z'iqqələn y amadray-nin təsənkəft, wədi, nak, wər di-ilkem ad əlasay tettay ən şan, fəl a das-wər-əçqəla təsənkəft.

9

Təbəllant ən Buləs fəl əşşəçəl-net y Əlməsix

¹ Awak nak, wərgex əlləli a əmosa? Wərgex ənəmmazul ən Yaysa Əlməsix a əmosa? Wərgex ənāyax Əməli-nana Yaysa? Wərgex kawanay iman-nawan tənfa ta du-təçmadat əşşəçəl-in y Əməli a təmosam.

² Kud çur aytedan wiyyad wər əmosağ anammazul, da çur-wan illikan as əmosaq-qu; adi da fəlas əzəgzan-nawan s Əməli a imosan ejwal ən tişit-in anammazul n Əməli.

³ Ənta da awa z'anna y a sər-əs əkkəsəğ iman-in dağ aytedan win di fall-i ganninen ark aratan:

⁴ Awak nakkanay inəmmuzal alxaq a wər nəla n ad nəgrəw a nətša d a nəşwa dağ əşşəğəl-nana?

⁵ Awak nakkanay tarrayt a wər nəla n ad nidaw əd təntut n iyyan dağ-na təmosat tamadrəyt-nana dağ əddin dağ əsikəl, awa taggin nəmmuzal win hadatnen, taggin-tu değ mədrayan n Əməli Çaysa əd Butros?

⁶ Məç, nak əd Barnabas ças a wər nəla alxaq n ad nəddər dağ tişit-nana inəmmuzal? Kundaba ad nəddər dağ əşşəğəl ən fassan-nana?

⁷ Məni dad kala ad itawanay soji irazzaman i man-net əşşəğəl wa itaggu? Wala əmagyak wər nətəttu tənfa ən tawagost-net? Madəç amadan wər nəsəssu ax n aharay a dər inittaf?

⁸ Awak arat a d-inzâm awedan gar-es əd man-net a dawan-ganna da, məç ak Əttawret da awa da a inna?

⁹ Fəlas a inna Əttawret: «Ad wər tədbəğa y azgar təzidizdiyiza dağ alkama itabakkat-ak-tu.» Awak zələyat dağ zəgran a fəl inna Məşşina awen?

¹⁰ Wərgəç əddəlil-nana nakkanay a fəl inna awen? Awalla illikan as əddəlil-nana a fəl iktawaktab awen fəl ad agu awedan wa igayyakan tawagost əd wa itabbakken tənfa ta tat-du-təgmadat attama n ad əgrəwan adagar-nasan dağ tənfa ten.

¹¹ Dad zamas nakkanay a d-issədwalan dağ wallan-nawan tənfa ta du-təfalat Infas wa Zəddigan, awak arat zəwwəran a imos a kawan-d-igməd sər-na a təla əddənət?

^{12a} Kud əllân-tu aytedan as kawan-iwar alxaq-nasan, awak wərgəç ogar-tu wa-nana?

^{12b} Mişan harkid adi, wər dağ-wan nəgməy alxaq n əşşəğəl-nana; kalar nəzmar y arat kul, fəl ad wər nagu arat a z'iqqəlan təsənkəft y awedan waliyyan igdəl-as awen tesalay y Əlinjil n Əlməsix.

¹³ Awak masnat a wər təgəm as aytedan win şaqqələn dağ Ahan wa Zəwwəran n Əlyibada, ehan en da a tan-ihakkin isudar-nasan; win əşğələn değ çur majmar wa dağ taqqadnat təkutawen, əllân adagar-nasan dağ təkutawen en?

¹⁴ Awen da a inna Əməli, omar s âs, aytedan win tagginen isalan n Əlinjil, əddəranet dağ-as.

¹⁵ Mişan nak wər dağ-wan əgməy alxaq-in waliyyan; wala kattabağ-awan-in aratan win əmərədda fəl a dağ-wan tan-əgməy. Fadda əssofəç a di-iba y a dağ-i ikkəs awedan fərəgət n igi n abarag wədi.

¹⁶ Wər ələç tarrayt waliyyat s igi n abarag n as taggaç isalan n Əlinjil; fəlas əşşil a di-imos igi-nasan. İket alçazab adi iqqəl as tan-wər-əgəç.

¹⁷ Ənnâr tara ən man-in a dağ tagga isalan n Əlinjil, wədi ələç alxaq; mişan dad imos as, igi wa dasan-t-agga ilzâm-i, imos əşşəğəl a di-issiwar Məşşina,

¹⁸ wədi ma imosan alxaq-in? Adi za igi ən salan n Əlinjil y aytedan bannan, wər dağ-san əgməy alxaq waliyyan wa fall-asan ələç dağ igi-nasan.

¹⁹ Nak ələç tara ən man-nin, wər di-ila awedan waliyyan, mişan əgəç iman-in akli y awedan kul fəl ad d-awəy awen əs taşşam n aytedan əzəgzan s Əlməsix.

²⁰ As əggazaç Kəl-Əlyəhud ad əqqələç şilat n iyyan dağ-san fəl ad əzzəgzənan s Əlməsix; as əggazaç win əlkamnen y Əttawret, ad əqqələç şilat n iyyan dağ-san, kuddeç nak wər das-əlkəma, fəl ad əzzəgzənan s Əlməsix.

²¹ As əggazaç aytedan win wər nəlkem y Əttawret, ad əqqələç iyyan dağ-san fəl ad əzzəgzənan s Əlməsix; awen wər imos almaçna-net as wər əlkəma y əşşəriçə ən Məşşina, kalar əlkəmaç-as fəlas əşşəriçə wa n Əlməsix as əlkəma.

²² As əggazaç aytedan win as wər issohat əzəgzan-nasan, ad əqqələç şilat n iyyan dağ-san fəl ad əzzəgzənan s Əlməsix; təməwit tədi as əqqəla arat kul y aytedan kul fəl a dağ-san səççəlləsa wiyyad.

²³ Taggaç adi kul fəl əddəlil n Əlinjil, fəl ad ədrəwa albaraka-net d aytedan win sər-əs əzzəgzənen.

²⁴ Masnat a wər təgəm âs, tammazaga aytedan aggotnen a tat-taggaznen, mişan awedan iyyanda a tat-d-itarnin? Dağ adi azələt, tagim azzal wa kawan-du-z-issarnin.

²⁵ Amaran aytedan kul win əganen ənnəyat ən tammazaga, əşinən labasan a ətaggin i man-nasan. Taggin awen fəl ad əgrəwan alak içaşşadan, as iga awen nakkanay nətaggay fəl ad nəgrəw alak wa wər nəçəşşəd.

²⁶ Adi a fəl ozala nak, əzzillağa s adag wa n təzərəst; aheç şaşşelan n awedan ihakkin imankasan wər nəsəsikəy.

²⁷ Zağazzab tağəssa-nin wəllen, əgeq-qat taklit-in, fəl ad wər əgməda tammazaga, aqqama wər əgrewəğ alak, nak wa immālan Əlinjil y aytedan.

10

Tarğəmt fəl əlğibada n əssənəman

¹ Amaran imədrayan-in, wər areğ a dawən-ijhâl âs, imarawan-nana as d-əgmadan akal ən Masar ketnasan tollây dənnəg-san tagarak, ketnasan değ as ərdağan dağ agaraw;

² İha awen şaşşelan n âs, ətıwasalmağan ketnasan dağ tagarak ten d agaraw wen fəl aşşaddat ən tassağ ta əgan d ənnəbi Musa.

³ Ketnasan değ ətşân amensay wa fall-asan d-izazzabbat Məşşina dağ jənnawan;

⁴ Əşwân değ ketnasan dağ aman win dasan-d-ikkas Məşşina. Aman win, əngâyandı dağ təhunt a dər-san təddewat ta tan-ikfa Məşşina, amaran təhunt ta, Əlməsix a tat-imosan.

⁵ Mişan harkid awen, taşşam-nasan wər təgrez i Məşşina. Adi a fəl wazawaznat təğəswen-nasan dağ taneray.

⁶ Amaran aratan win, əgân əmosan-anağ almasal fəl ad nənəkəd, naqqam wər nəsadbaran igi ən talbast ta əgan.

⁷ Ad wər təqqəlam aytedan əğbâdnən əssənəman, awa əgan wiyyad dağ-san; id iktâb as: «Təqqim tamattay, tətşə, təşwa təzzar təbdad, təggaz tara ən man-net.»

⁸ Ad wər nətaggu değ əzzəna, şilan awa əgan wiyyad dağ-san, təzzar ihlak dağ-san Məşşina sanatat təmərwen n əgim əd karad dağ əzəl iyyanda;

⁹ Wala nagu tənagmayt y Əlməsix awa das-əgan wiyyad dağ-san, təzzar a tan-əddadnat taşşolen, itiba-tan.

¹⁰ Wala değ təğətəntənam awa əgan wiyyad dağ-san, təzzar ihlak-kan angalos wa n ənabaz ən man.

¹¹ Amaran awen kul igraw-tan fəl ad iqqəl almasal y aytedan, amaran itawaktab fəl a das-nənəkəd nakkanay win fəl du-ənta təzərəst n əddənət.

¹² Dağ adi awedan wa çur illa as ənta ikna tebadday, inkədet ad wər ifətəqqət.

¹³ Ətəwəjərrab təgam kul əgân-tu dat-wan aytedan; amaran Məşşina wər d itəqqəl dağ allaman wa kawan-iga, wər z'ardu itəwəgg-awan ətəwəjərrab as wər təfregam. Amaran as tətəwajərrabam, a kawan-akfu fərrəgat ən zəmmerat y-as, ar-awan tarrayt n ədərreg y-as.

¹⁴ Dağ adi, imaran-in, darragat y əlğibada n əssənəman.

¹⁵ Awal wa itaggu awedan y aytedan əlānen tayttay a dawən-tagga, ənçərat dağ-as kəwanay iman-nawan ad tənəyam tidət-net.

¹⁶ Takabart n albaraka ta nətigudəy i Məşşina, as dağ-as nəşwa, awak wərgəç tadrəwt a nəga əddi əzni n Əlməsix wa inğalan as t-aba? Tagəlla za ta nətuzan gar-ena! As tat-nətşə, awak wərgəç tadrəwt a nəga əddi tağəssa n Əlməsix?

¹⁷ İd tagəlla iyyadda a imos Əlməsix, nakkanay değ harkid igət-nana tağəssa iyyadda a nəmos fəlas ketnana nədrāw tagəlla iyyadda ta.

¹⁸ Ənəyat şikutawen şin taggin Kəl-İsrayil! Ak wərgəç aytedan win tanat-tagginen tattin-tanat əddəwan dağ əlğibada wa taggin i Məşşina dağ adag wa dağ taqqadnat təkutawen-nasan?

¹⁹ Awak mas gammayç əd tənna-net da? Adis tənna a tagga əssənəm madəç imensewan tiwakfanen y əssənəm əmosan arat?

²⁰ Kala kala! A ganna, şikutawen şin di taggin aytedan win n əljahilan almağna aytedan wər nəmos Kəl-Əlyəhud, kələsuf as tanat-əkkātan wərgə Məşşina. Amaran, wər areğ ad tadrəwam arat waliyyan d əljaynan.

²¹ Wər təfregam ad təsəssim dağ takabart ta kəwan-du-təsəktit tənayla ta iga Yaysa əzni-net fall-awan, təsəssim değ dağ takabart ta dağ sassin aytedan win əğbadnen kələsuf. Wər təfregam ad tədarrəwam tagəlla ta kəwan-du-təsəktit təhakkay ta iga Yaysa tağəssa-net fall-awan, tədarrəwam değ tagəlla ta tattin nəğbidən ən kələsuf.

²² Məç tara a nəga ad nəssənkər şismiten dağ Əməli? Awak norn-ay?

²³ Təgannim: «arat kul i xalalan», mişan wərgəç arat kul təh-ay tənfa. Təgannim deç: «arat kul i xalalan», mişan wərgə arat kul işatu awedan.

²⁴ A tu-wər-iməl waliyyan dağ-wan igammayan tənfa ta n man-net ənta ças, kalar igməyet awa z'anfin imahharagan-net.

²⁵ İsan kul win nazzinən dağ əssuk, təlām tarrayt n a tan-tazzanzim, tatşim-tan, da wər təssəstanam d iguz wa d-əgan,

²⁶ İd ənnan Əlkəttaban: *Amədāl d awa t-ihan ketnet in Əməli.*

²⁷ As daḡ-wan igmay awedan wər nəzzəgzan s Ǝlməsix a t-in-tasim, təzzar tərđam as, amensay kul wa issənsa dat-wan, atšat-tu da wər təssəstanam d iguz wa d-iga.

²⁸ Mišan as dawan-inna awedan: «Amensay di itiwakat y əssənəm», wədi a tu-wər-tatšim fəl əddəlil n awedan wa dawan-innan adi, d əddəlil n iduf wa iga.

²⁹ Wər gənnə y iduf wa təgam daḡ amensay di kawanay iman-nawan, kalar iduf wa daḡ-as iga awedan wa hadan as ganna. Amaran mafel as di-igaddal iduf n awedan iyyan, igi n arat as ələḡ tarrayt n igi-net?

³⁰ Kud amensay wa tatta har təgğodayaḡ i Məššina as təgğazaḡ šin tattay, mafel as di-ilayyan awedan fəl as t-ətšəḡ?

³¹ Daḡ adi, gər za tettay a tətəggim wala təsassim, a iqqal arat wa tətəggim, agiwat-tu fəl ədkul ən Məššina.

³² Ad wər təqqələm təsənkəft y awedan waliyyan, gər za Kəl-Ǝlyəhud wala aytedan win tan-wər-nəmos wala deḡ aytedan n Ǝlkənisat ən Məššina.

³³ Agat awa tagga; nak a igammayan d ad əgrazaḡ y awedan kul daḡ arat kul; wər gəmməya tənfa i man-nin, kalar tənfa y aytedan agğotnen a gammaya fəl ad əgrəwan əlğillas ḡur Məššina.

11

¹ Ǝqqələt aytedan a di-əttılalnen s əmmək was əttələla nak da Ǝlməsix.

Ǝlğibada ən Məššina daḡ Ǝlkənisat

Awa iwaran meddan əd tədoden daḡ Ǝlkənisat

² Ǝmməlaq-qawan imədrayan-in fəl təkatawt ta di-du-tətəggim daḡ arat kul d iduf wa təgam alğadaten s əmmək was dawan-tanat-əssəbdada.

³ Mišan areḡ ad təssənam as, aləs kul, Ǝlməsix a imosan eḡaf-net; tantut, aləs a imosan eḡaf-net; Ǝlməsix, Məššina a imosan eḡaf-net.

⁴ Amaran id iggaz aləs šin əlğibada ən Məššina daḡ Ǝlkənisat itattar madəḡ igraw emel y aytedan isalan a fall-as d-izizabbat Məššina, issilsa eḡaf-net, wədi izabaz wa das-imosan eḡaf təkarakit.

⁵ Eges tantut kul ta tətattarat madəḡ təgrāw emel y aytedan isalan a fall-as d-izizabbat Məššina, wər təssəwar aḡaf-net, daḡ Ǝlkənisat, tədi təzabaz wa das-imosan eḡaf təkarakit, šilat n as təsitaballbal.

⁶ Tantut ta wər nəsewir eḡaf-net, tədi təfnəzet anzadan-net! Mišan dad imos i təntut təkarakit afanaz n anzadan madəḡ əsəttəbəlbəl, wədi təssəwəret eḡaf-net!

⁷ Aləs ənta wər t-ilzem ad assalsu eḡaf-net id Məššina a t-id-ixlakan əs šəsšəlan-net, ikf-ay tanaya šilat ən ta-net; mišan tantut ənta, saḡmar n aləs a təmos.

⁸ Fəlas wərgə aləs a d-ixlak Məššina daḡ təntut, kalar tantut a d-ixlak Məššina daḡ aləs.

⁹ Wərgəḡ deḡ aləs a d-itawaxlakan fəl əddəlil ən təntut, kalar tantut a du-tətawaxlakat fəl əddəlil n aləs.

¹⁰ Adi a fəl ilzam tantut ad iwār asannal ən taḡmar eḡaf-net, fəl udəm n angalosan.

¹¹ Mišan ya dat Ǝməli, aləs harkid təntut, akkiyyan iqqān daḡ wa hadan;

¹² Fəlas kud imos as tantut, aləs a du-təgmad, da aləs, tantut a d-igmad, amaran arat kul Məššina a d-ifal.

¹³ Kawanay iman-nawan ma tənnam: Awak ihôr ad tətattar təntut əs Məššina daḡ alğamaḡat n əlməsixitan wər təssəwar?

¹⁴ Awak wərgəḡ əttəbiḡat-nawan iman-net, təssosan-kawan as igi ən jəkkad imos təkarakit fəl aləs?

¹⁵ Mišan tantut ənta, ijəkkad almaqam a tat-hakkin? Id Məššina a das-tan-ikfan y assatar n aḡaf-net.

¹⁶ Kud ill-ay awedan amaran irān ad ammazəḡ adi, issenet as: Gər za nakkanay wala Ǝlkənisaten ən Məššina, wər nəla iyyat alğadat wər nəmos tədi.

Imensewan win saktan n Ǝməli

Šisəssukay šin tawagğanen alwaq wa n mensewan win saktan n Ǝməli

¹⁷ Amaran ammaran win dawan-tagga da, wər əmosan eməlan-nawan, id imənəyan-nawan win əlğibada wərgəḡ əšitəy a kawan-taggin, kalar ələqqam a kawan-suḡulan.

¹⁸ Fəlas arat wa azzaran, wa sər-wan əsleḡ əs, id təmmənay alğamaḡat n Ǝlkənisat-nawan y əlğibada, ad təqqələm šizunawen; amaran wər aba a əzzigzanəḡ daḡ batu di.

¹⁹ Mišan ya əššil ad təqqələm šizunawen fəl a daḡ-wan təwənəyan win əhornen d ətəwəsəḡmər, wərgəḡ?

²⁰ Dağ adi əmənəy wa tətəggim, wər tu-tətəggim y ad tədrəwam imensewan win saktan n Əməli Үaysa.

²¹ Fəlas as təggazam şin tattay, akkiyyan dağ-wan ad ihəz dağ amensay wa d-eway atş-ay, ayyu əmidi-net; iqqəl əs, wiyyad dağ-wan za ih-en gələk, amaran win hadatnen isimaswad-tan esmad.

²² Awak inan a wər təlem a dağ tətşam, taşwim? Meş məlka a təgam Əlkənisat ən Məşşina, təzabazam təkarakit win dağ-as wər nəla arat? Ma dawan-z-anna za? A təram a dawan-aga təmmalen olağnen fəl as təgam adi? Wala ənəmihaz!

Imensewan win saktan n Əməli

²³ Fəlas nak iman-in alğadat ta di-d-oyya Əməli iman-net a dawan-d-oyyex, a tatimosan as: Ahad wa dağ z'itəwəggu Əməli Үaysa dağ fassan, idkal tagəlla,

²⁴ iga igodan i Məşşina, təzzar irz-et, inna: «Təxəssa-nin adi, [tətiwarzat] fəl əddəlil-nawan. Taggat awa da əs təməwit ta da, imos adi isaktan-in.»

²⁵ Zund əmmək en da əs, as ətşan, idkal təkabart, inn-asan: «Təkabart ta, arkawal wa aynayan ən tassağ a təmos gər Məşşina əd tamattay-net. Arkawal wa, azni-nin a t-isattaddan. I dağ-as təşwam, tagim adi isaktan-in.»

²⁶ Fəlas id tətşam tagəlla ta, təşwam deş dağ təkabart ta, wədi isalan ən tamattant n Əməli Үaysa a tətəggim, har əzəl wa du-z-ıqqəl.

Təttay ən mensewan win saktan n Əməli əs təməwit toşadat

²⁷ Awen dağ a fəlas, i itşan tagəlla ta təmosat isaktan ən təxəssa n Əməli Үaysa, madex iga dağ təkabart ta təmosat isaktan n əzni-net tessay təgat s iba n safrar, wədi ibbikkad təxəssa n Əməli Үaysa d əzni-net, amaran ad t-ibəz əşşərişə s adi.

²⁸ Dağ adi akk awedan aşşəggaret iman-net təzzar, alwaq wədi amaran atşu tagəlla ta, aşəw dağ təkabart ta;

²⁹ fəlas awedan wa itşan tagəlla ta, madex işwa dağ təkabart ta, wər igra arat wa idraw adi əd təxəssa n Əlməsix Үaysa, wədi awedan izzibaz iman-net əşşərişə ən Məşşina.

³⁰ Adi a fəl kawan-əhan aytedan aggotnen ən nərkam əd wiyyad aggotnen ən miranan, aba dağ-wan fadda wiyyad.

³¹ Annar nazzār əs şəggara ən man-nana, wər dana-z-ibəz əşşərişə.

³² Dər iga awen da ya, Məşşina itəbaz-ana s əşşərişə fəl a danaş-aşəd, naqqam wər danaş-issərtay d əddənət dağ əşşərişə wa ilkaman.

³³ Dağ adi imədrayan-in, id təddewam y ad tədrəwam imensewan, ad tətəqqalam i mədrayan-nawan!

^{34a} Kud iyyan dağ-wan ih-ay gələk, atşet dağ ahan-net təzzar, fəl ad wər iqqəl əmənəy-nawan arat a sər-wan du-z-awəyan a kawan-abəz əşşərişə.

^{34b} Amaran dağ batu ta təqqalat şişawşiwən şin hadatnen, as din-oseş a tanat-akna.

12

Şihəkkuten şin itaggu Infas wa Zəddigan

¹ Amaran imədrayan-in, dağ batu ən təmətəkwəyən şin ihakku Infas wa Zəddigan, wər areş a dağ-asnat təjhəlam.

² Təssənam as dat iguz-nawan tarrayt ta n Məşşina, aytedan a təmosam əxırəknen, əlkəmnen y əssənəman wər nəşiwil.

³ Awen da fəl areş ad təssənam as, wər t-illa awedan a dağ innoda Infas ən Məşşina a du-z-inkəran ad igannu: «Məşşina təlxəna Үaysa!» wala deş ill-ay awedan ifrəgan ad annu: «Үaysa imos Əməli!» ar s a dağ-as innoda Infas wa Zəddigan.

⁴ Amaran şihəkkuten əzzənəfan a əmosnat, mişan Infas iyyanda şas, a t-imosan Infas wa Zəddigan ən Məşşina s ənta a tanat-ihakkin ketnasnat.

⁵ Tarrayen n əşşəşəl əzzənəfan a əmosnat, mişan Əməli di n iyyan as nəşşəl.

⁶ İgitan əzzənəfan a əmosan, mişan Məşşina di n iyyan a ihakkin aytedan kul masnat n igitan kul win taggin.

⁷ Akk ənalchim igrāw şur Infas wa Zəddigan təhəkkut a tu-təssifragat əşşəşəl imosan tənfa-nana ketnana.

⁸ Awedan za iyyan ihakk-ay Infas wa Zəddigan igi ən batuten ən təla n əgərri, iyyan amaran ihakk-ay Infas igi ən batuten ən masnat.

⁹ İyyan ihakk-ay Infas wa Zəddigan əzəgzan, iyyan ihakk-ay fərregat n əzuzəy ən miranan,

¹⁰ iyyan ihakk-ay fərregat n igi ən təlməşjujaten, iyyan igrāw emel y aytedan isalan win fall-as d-izazabbat Məşşina, iyyan ihakk-ay fərregat ən zələy gər təhəkkut ta n

Infas wa Zəddigan əd ta tat-wər-nəmos. İyyan ihakk-ay fərregat n işiivəl n awalan wər nətawazday, İyyan ihakk-ay əfəssər n awalan win di;

¹¹ mişan Infas wa Zəddigan wa da a itaggin aratan di ketnasan, akk awedan ihakk-ay təhəkkut ta das-ira.

Təxəssa əd təsəllad-net aggotnen

¹² Ənəyat tişit ta təga təxəssa n awedan arat İyyanda İgān daɣ təsəllad əknanen İgət, eges harkid İgət-nasnat, təxəssa İyyadda a əmosnat. Awen da za a əgan aytedan win əlkammen y Əlməsix, s əntanay a əmosnen təxəssa-net.

¹³ Fəlas gər za nəmos Kəl-Əlyəhud wala aytedan win wər tan-nəmos, gər za nəmos eklan wala illalan, Infas wa Zəddigan wədi da, a daɣ nətawasalməɣ ketnana, nəqqal təxəssa İyyadda. Ketnana deɣ Infas wa Zəddigan wədi da, a İdyanay İwallan-nana.

¹⁴ Amaran təxəssa wər təga daɣ təslət İyyadda, kalar şisəllad aggotnen a daɣ təga.

¹⁵ As d-İggad adar İnna: «Nak wər di-təla təxəssa İd wər əmosəɣ əfus.» Awak İkkās-tu awen daɣ tişit n İyyat daɣ təsəllad ən təxəssa?

¹⁶ As tənna təməzzuk: «Nak wər di-təla təxəssa, İd wər əmosəɣ şat.» Awak İkkās-tat awen daɣ tişit n İyyat daɣ təsəllad ən təxəssa?

¹⁷ As təqqal təxəssa ketnet şat, mas z'aslu awedan? As təqqal təxəssa ketnet təməzzuk, mas z'İwət awedan aɣu?

¹⁸ Kalar Məşşina a İgan şisəllad daɣ təxəssa, akkiyyat İg-et daɣ adag was İra.

¹⁹ As İmos as təxəssa ketnet təslət İyyadda a təmos, wədi ma z'İqqəlan təxəssa?

²⁰ Kalar şisəllad əknanen İgət a t-əllanen, mişan təxəssa ənta İyyadda.

²¹ Awen daɣ a fəl wər təfreg şat ad tannu y əfus: «nak wər sər-ək əddərər», wala deɣ annu aɣaf İ daran: «nak wər sər-wan əddərər.»

²² Fadda şisəllad ən təxəswen-nana şin n as nəga İduf n as ərkamnat, əntanataɣ a dana-təha tənfa wəllen.

²³ Amaran şin di as ɣur-naɣ İga as wər farornat, əntanataɣ a nəssəɣmar wəllen. Daɣ adi, şisəllad-nana şin əmosnen İzuf, əntanataɣ a nəkannu assatar.

²⁴ Şin wər nəmos İzuf amaran, əntanataɣ wər əddərarnat s assatar. Məşşina İmanet a d-İxlakan təxəssa toşəɣ, İg-as təməwİt a fəl tawasaɣmarnat təsəllad-net, wəllen şin əddərarnen s adi,

²⁵ fəl ad wər təzun təxəssa gar-es, kalar əkkulluk ən təslət ad təssən daɣ təmidit-net.

²⁶ Awen daɣ a fəlas, as təlaggay İyyat daɣ təsəllad ən təxəssa, şisəllad kul şin hadatnen əntanay da, ad laggaynat. As tətawazazwar deɣ İyyat daɣ təsəllad, şisəllad kul şin hadatnen ad fəliwəsnat.

²⁷ Kawanay təxəssa n Əlməsix a təmosam, amaran akkiyyan daɣ-wan təslət ən təxəssa-net a İmos.

²⁸ Adi a fəlas Əlkənisat, daɣ tizarat İga daɣ-as Məşşina İnəmmuzal, dəffər-san ənnəbitan; dəffər ənnəbitan, əlfəqqitan; dəffər adi aytedan win əlanen fərregat n İgi ən təlməɣjujaten, əlkaman-asan win İkfa fərregat n əzuzəy ən təwərnawen, əd win tilalnen y aytedan, əd win İkfa fərregat ən tizat y aytedan, əd win İkfa fərregat n əşiivəl n awalan wər nətawazday.

²⁹ Awak ketnasan as əmosan İnəmmuzal? Awak ketnasan as əmosan ənnəbitan? Awak ketnasan as əmosan əlfəqqitan? Awak ketnasan as əgrawan fərregat n İgi ən təlməɣjujaten?

³⁰ Madəɣ əgrāwan fərregat n əzuzəy ən təwərnawen, meɣ fərregat n awalan wər nətawazday, meɣ fərregat n əfəssər-nasan? Wala ənamihaz!

Tara: Tarrayt ta n tidət

³¹ Daɣ adi səddirənat s əlluɣ agaraw ən təhəkkuten şin ofanen! Amaran a kawan-assakna əmərədda tarrayt ta tofat tarrayen kul.

13

¹ Kud əşşewalaɣ awalan n aytedan harkid win angalosan da, as di-wər-təha tara, wər İzlay awal-in d əməsli n anayna madəɣ əməsli n əɣlal ən təzoli itatawatan.

² Kud əgrāwa təhəkkut n amel ən salan a d-İzizabbat Məşşina, wala əgrāwa əssiran kul əd masnat kul, wala ələɣ əzəɣzan İkmālan a di-İssİfragan əsəggəli n əɣɣayan, da, as di-wər-təha tara, wər əmosəɣ wala.

³ Kud əzuna təla-nin kul İ tələqqawen, əskataɣ İman-in y əlyİbada ən Məşşina har ɣur-i İməl as oğaraɣ aytedan, da, as di-wər-təha tara wər di-z-anfu adi əs wala.

⁴ Awedan wa taha tara, təh-ay təzaydart, oləɣ; wər İzway y awedan waliyyan, wər itaggu İbaragan, wər İdkel İman-net dənnəg aytedan.

⁵ Awedan taha tara wər itəggu əmazal n iba ən təkarakit, wər igəmməy awa tu-z-anfin ənta ɣas, wər rəɣis alham-net, wər itəttəf daɣ man ark əmazal a das-iga awedan;

⁶ wər t-isədəwit arat wər noɣed, kalar tidət a tu-təsadawet.

⁷ Faw izizaydar, faw izzizgan, faw igâ attama, izmâr y arat kul.

⁸ Tara, wər das-ilkem ad təɣrâd, təhəkkut n amel ən salan a d-izizabbat Məşşina ilkâm a tu-wər-təlla, ta n əşiwəl n awalan wər nətawazday ad tərəz, ta n masnat ənta da ilkâm a tu-wər-təlla;

⁹ fəlas masnat-nana wər tənda, emel-nana isalan win d-izizabbat Məşşina deɣ wər inda.

¹⁰ Mişan as du-tosa alkamalat, awa wər nəkmel ad iba tamayyamət-net.

¹¹ Harwa əmosa barar, awal ən barar a taggaɣ, taggaɣ imedranan win barar, ələɣ tayttay ta n barar; mişan as əqqələɣ aləs, oyyeɣ-in aratan win barar dəffər-i.

¹² Əmərədda nəhannay as, masnat-nana, wala ad təggət, wər təmos wala dəgma n ta təkamat; izlay-tanat awa izlayan anay n awedan daɣ şişset d anay-net udəm s udəm. Əmərədda masnat-in wər təkmel, mişan ilkâm ad təkməl, tagu alkamalat ta təga təməzdəyt ta di-iga Məşşina.

¹³ Amaran əmərədda karad aratan win, a t-əllanen, a tan-imosan: əzəgzan d attama əd tara; mişan wa tan-ogaran tara.

14

Şihəkkuten şin Infas wa Zəddigan d akaras n İlkənisat

¹ Əgməyat za ad təqqələm aytedan taha tara; təsəddirənam wəllen agaraw ən mazalan win ihakku Infas wa Zəddigan, wəllen emel ən salan win d-izizabbat Məşşina.

² Fəlas awedan wa ifragan əşşiwəl n awalan wər nətawazday, Məşşina as işşewal wərgəɣ aytedan; id wər t-illa awedan igrân əssiran win as t-ikfa Infas wa Zəddigan emel-nasan.

³ Mişan awedan wa igrawan emel ən salan a fall-as d-izizabbat Məşşina wədi aytedan as işawal, isisuhit əzəgzan-nasan, isasmad iwəllan-nasan, italam-asan fəl man.

⁴ Awedan wa işşewalan awalan wər nətawazday, əzəgzan wa-net ɣas a isisuhit s adi, mişan awedan wa igrawan emel ən salan a d-izizabbat Məşşina wədi İlkənisat ketnet as isisuhit əzəgzan-net.

⁵ Nak areɣ ad təşşiwəlam ketnawan awalan wər nətawazday, mişan awa dawan-əssofaɣ, ad təgrəwam təhəkkut n amel ən salan win d-izizabbat Məşşina. Awedan wa igrawan emel ən salan a d-izizabbat Məşşina, ogar wa igrawan fərregat n əşiwəl n awalan wər nətawazday, ar s ad imos as ifrâg ad itafassar awa igannu fəl a sər-əs isəssuhət əzəgzan n İlkənisat.

⁶ Amaran əmərədda, imədrayan-in, nənna masalan oseɣ-qawan-in əşşewalaɣ awalan wər nətawazday, awak mas kawan-z-anfu adi? Mişan as kawan-in-oseɣ əmaləɣ-awan arat isinafalal Məşşina, madeɣ əşşita masnat ta tələm, madeɣ agaɣ-awan batu a fall-i d-izizabbat Məşşina madeɣ əsasəɣraq-qawan təssunt a du-təgmâdat Əlinjil, wərgəɣ a kawan-anfu adi?

⁷ Wala aratan win as tawaggin səwat, nənna masalan təsənsəɣ madeɣ təhərdant da, as wər əgen ewet olâɣan, manəmmək as z'izləy awedan aggay wa əgan?

⁸ Esək deɣ wa itawansaɣan y ad səmmutəgan aytedan y əməgər, as das-wər-itawagga anasaɣ wa itawassanan, ma z'isəmmutəgan y əməgər?

⁹ Kawanay da za, awen da: as təşşewalam wər tələffədam s əlxərəfan as itiwassan almaɣna-nasan, man əmmək as z'issən awedan waliyyan awa təgannim? Zun təşşewalam daɣ aɣu!

¹⁰ Igmâd aşşak âs, əzzənəfan n awalan aggotnen a əhanen əddənət; mişan wər tan-ihə is wərgəɣ ila almaɣna.

¹¹ Amaran as wər əssenəɣ iyyan daɣ-san, ad əqqələɣ s awedan wa t-işşewalan awedan ən tama, iqqəl-tu sər-i nak da.

¹² Daɣ adi kawanay da, dad zamas təsidarənam wəllen agaraw ən təmətəkwayen şin ihakku Infas wa Zəddigan, adi za, əşɣələt daɣ agamay ən şin za səssuhətneɣ əzəgzan n İlkənisat.

¹³ Awen da a fəlas awedan wa işşewalan awalan wər nətawazday, igməyet daɣ Məşşina ad t-akfu fərregat n əfəssər-nasan.

¹⁴ Fəlas as imos as tattara daɣ awalan wər nətawazday, iman-in ɣas a tattarnen, tayttay-in ənta, wər təşxel daɣ təwatriwen şin tagga.

¹⁵ Daɣ adi ma z'aga? Adi za, ad əttərəɣ daɣ man-in, əttərə deɣ əs tayttay-in daɣ awal isisagran; agaɣ tagaytalt əs man-in, agaɣ-qat deɣ əs tayttay-in daɣ awal isisagran.

¹⁶ As wër iga adi, as iqqal às tètaggax igodan i Məşşina əs man-nak ɣas, daɣ awalan wër nətawazday, awak awedan wa tu-wër-nəssen, wa dak-issəəman daɣ Ǝlkənisat, manəmmək as z'annu i təwatray-nak: «Amin!», ənta wër issen awa təganna?

¹⁷ Illikan as igodan-nak i Məşşina hossayan, mişan wër isassahat adi əzəgzan n aytedan win dak-əssəsəmnen id wër əssenən awa təganna.

¹⁸ Nak tigudəyax i Məşşina as kawan-ogara ketnawan awal daɣ awalan wër nətawazday!

¹⁹ Mişan as aheɣ Ǝlkənisat, əssofaɣ igi ən wala ɣas səmmos əlxərəfan a za tawagrinen y ad əzzəbəzaɣ aytedan alfaydat, igi ən maraw gim n əlxərəf daɣ awalan wër nətawazday.

²⁰ Imədrayan-in, uşarat, tammazzayam əd tişit ən bararan! Tidət as, daɣ awa iqqalan igi ən təllabəst, əqqəlat şilat ən bararan; mişan daɣ awa iqqalan əgərri n aratan win, əqqəlat aytedan əkmələn.

²¹ Ənnan Ǝlkəttaban: «Inna Ǝməli: "Tamattay ta, a das-əşşiwələx daɣ awal wër təssen, igməd-du sər-san awal wen imawan ən naftaxan, mişan harkid awen wër di-z-abbardagan.»

²² Adi a fəlas, əşiwəl n awalan wër nətawazday, asannal n əşşəriɣa ən Məşşina a imos y aytedan win wër nəzzəgzan, wərgə win əzzəgzannen; as iga awen, awedan wa ikfa Məşşina emel ən salan a d-izizabbat Məşşina, wədi isalan win itaggu, asannal n arraxmat a mosan y aytedan win əzzəgzannen, wərgə win wër nəzzəgzan.

²³ Nənnə masalan Ǝlkənisat ketnet a təddewat daɣ adag iyyanda, təzzar əşşewalan ketnasan awalan wër nətawazday, har tan-d-osan aytedan wër nəgra awa imos awen, madeɣ aytedan wër nəzzəgzan, wərgəɣ ad annin əmməskəl a əgan?

²⁴ Mişan as imos as ketnasan əmmələn awal imosan emel ən salan a d-izizabbat Məşşina har tan-d-osa awedan wër nəzzəgzan, madeɣ iyyan wër əhen isalan n awen, ad t-əssusənan awalan kul win as isallu əddi as igə ibakkadan, issən deɣ as ad t-ibəz əşşəriɣa ən Məşşina;

²⁵ ənta da affaggin aratan kul win əhanən əwəl n awedan wen, təzzar issəjəd i Məşşina, iɣbəd-tu, annu: «Tidət as illa Məşşina gar-ewwan!»

Ənnizam daɣ alwaq wa n əlɣibada

²⁶ Daɣ adi, imədrayan-in, mas imməkkan a tu-tagim? Adi za as təmmənyam daɣ adag iyyanda, wiyyad daɣ-wan əginet şigaytalen, wiyyad sassaxrinet aytedan, wiyyad əməlanet awa dasan-isannafalal Məşşina, wiyyad əşşiwəlanet awalan wër nətawazday, wiyyad affassarənet-tan. Ǝqqəlanet aratan win di kul, arat a z'isəssuhen əzəgzan-nawan.

²⁷ Kud wiyyad daɣ-wan a şawalnen awalan wër nətawazday, ad wër akəyan əşşin aytedan madeɣ karad. Əşşiwəlanet s iyyan iyyan, amaran iməl-tu awedan iffəssaran awa gannin.

²⁸ Kud wër t-illa awedan a t-iffəssaran, affastinet, ad wër əşşiwəlan daɣ Ǝlkənisat, əşşiwəlanet daɣ man-nasan gar-əssan əd Məşşina.

²⁹ Amaran win əmosnən ənnəbitan, əşşiwəlanet daɣ-san əşşin madeɣ karad, təzzar əşşəggaran aytedan win hadatnen n Ǝlkənisat awal wa d-izzəbben da.

³⁰ Mişan as d-isanafalal Məşşina awal y iyyan awedan iqqiman den, awedan wa işşewalan, affastet i wədi.

³¹ Daɣ adi ketnawan təfrəgəm ad təmməlam s iyyan iyyan isalan win d-izizabbat Məşşina y aytedan, y ad təsəssaxrim inalkiman kul, taknim-asan iman ketnasan.

³² Təhəkkut n əməl ən salan a d-izizabbat Məşşina, immikkən as innəda daɣ-as awedan wa tat-igrawan.

³³ Fəlas Məşşina wër ira tanajarwayat, kalar ənnizam oləxan a ira, d alxer, şilat n awa igan daɣ Ǝlkənisaten ketnasnat, əmosnən tamattay zəddigat ən Məşşina.

³⁴ Ad wër şawalnat tədoden daɣ mənnəyan win Ǝlkənisat, fəlas wër əlenat turagat n awen. Kalar abbardagnatet, id adi da as inna Ǝttawret ad t-əginat.

³⁵ Kud ill-ay arat as ərənət a daɣ-as əssənnat, əssəstannatet meddan-nasnət daɣ aɣaywan; fəlas təkarakit a imos fəl təntut ad təşşiwəl daɣ əmənəy n Ǝlkənisat.

³⁶ Awak təɣilt a təgəm awal ən Məşşina kawanay a d-igməd? Məɣ təɣilt a təgəm kawanay ɣas a t-iqbalan?

³⁷ Awedan wa daɣ-wan igan iduf n as ənta ənnəbi a imos, madeɣ innəda daɣ-as Infas wa Zəddigan, əgret s əlluɣ às aratan win dawan-kattaba da, əlwajib n Ǝməli a əmosan.

³⁸ Amaran awedan wa wër nəssəfrar adi, wədi ənta da wër tu-z-issəfrar Məşşina.

³⁹ Daɣ adi imədrayan-in, səddirənət wəllen agaraw ən təhəkkut n əməl ən salan win d-izizabbat Məşşina; mişan ad wër təgdələm əşiwəl n awalan win wër nətawazday.

⁴⁰ Adi kul agiwat-tu daɣ əzzəbun d ənnizam.

Tanakra ən Ƴaysa daɣ tamattant

15

Isalan ən tanakra ən Ƴaysa daɣ tamattant

¹ Imədrayan-in, əmərədda a kawan-d-assaktaɣ Əlinjil was dawan-əgeɣ isalan-net, təzzəgzanam sər-əs, təlkamam-as s əlluɣ;

² Əlinjil di da a kawan-igan daɣ tarrayt n əlxillas, kud təttáfam-tu s əlluɣ s əmmək was dawan-t-əmala. As das-wər-təgem adi, əzəgzan ən bannan a təgam.

³ Fəlas isalan win əgrawa nak iman-in a dawan-əgeɣ, amaran isalan win di, eyaf-nasan as, Əlməsix, aba-tu fəl əddəlil ən bakkadan-nana, imos as adi da ənnan Əlkəttaban.

⁴ Ənnan deɣ Əlkəttaban, tətawagga taɣəssa-net daɣ təzəkka, as əzəl-net wa n karad d iba, itawasankar-du daɣ tamattant.

⁵ Inafalal-du i Butros, amaran inafalal i nəttulab-net win maraw d əşšin.

⁶ Dəffər adi inafalal i tiddawat ən nalkiman togarat səmmosat təmad n awedan, arat daɣ-san aba-tu mişan taşşam-nasan harwada təddār.

⁷ Dəffər adi amaran inafalal i Ƴaqub, dəffər adi inafalal i nəmmuzal kul.

⁸ Dəffər-sən ketnasan a di-inafalal nak da Buləs, nak ihân əlmital ən barar a d-ihəwan dəffər as okay alwaq ən təhəwt-net.

⁹ Fəlas nak inəmmuzal kul ogaran-i, wər əweda fadda a di-itəwənnu anammazul, id kala ad əssəknaɣ aytedan win Əlkənisat ən Məşşina arkanay.

¹⁰ A iqqal awa əmosa, dā, əmosaq-qu s arraxmat ən Məşşina, amaran arraxmat ta di-ikfa, wər təbbənnan; fəlas oğaraɣ inəmmuzal kul əşşəxəl, mişan ya wərgəɣ nak a igan adi, kalar arraxmat ən Məşşina a daɣ-i təşxalat.

¹¹ Adi a fəlas, gər za nak, wala deɣ inəmmuzal win hadatnen, isalan win di a nətaggu, amaran əntanay a təzzəgzanam.

Tanakra ən nəmməttan

¹² Amaran dad gannin salan win nətaggu, Əlməsix inkar-du daɣ tamattant, manəmmək as gannin wiyyad daɣ-wan, inəmməttan wər daɣ-san təlkem tanakra daɣ tamattant?

¹³ Kud tidət a imos as inəmməttan wər daɣ-san təlkem tanakra, wədi Əlməsix da, wər d-itawasankar daɣ tamattant!

¹⁴ Amaran kud Əlməsix wər d-itawasankar daɣ tamattant, adi za təlxutbaten-nana wər əlenat tənfa waliyyat, əzəgzan-nawan sər-əsnat deɣ wər ila tənfa waliyyat!

¹⁵ Amaran arat wədi as iga, nakkanay nəqqal şigəyyawen ən bahu id nətagayyat əs Məşşina issinkar-du Əlməsix daɣ tamattant; ənta adi wər z'agu as wər təlkem tanakra daɣ tamattant,

¹⁶ Fəlas ənnar imos as inəmməttan wər du-za-təwəsənkəran daɣ tamattant, adi za Əlməsix da, wər d-itawasankar daɣ tamattant.

¹⁷ Amaran kud Əlməsix wər d-itawasankar daɣ tamattant, adi za əzəgzan-nawan wər infa wala, amaran əwəran-kawan bakkadan-nawan;

¹⁸ aytedan deɣ win aba əzzigzanan s Əlməsix, əntanay da wər dasan-t-illa attama waliyyan ār wa n əhluk.

¹⁹ Kud nakkanay attama-nana daɣ Əlməsix wər okay əddənət ta da ɣas, adi za wər t-illa awedan daɣ əddənət wər noğer təla ən təhanint.

²⁰ Kalar tidət daɣ a imos as Əlməsix itiwəsan-ku daɣ tamattant. Ənta a d-azzaran tanakra, imos awen arat isitaddan as aytedan win aba əzzigzanan sər-əs əntanay da a d-ənkəran daɣ tamattant.

²¹ Id tamattant awedan iyyanda a tat-d-ewayan s əddənət, a t-imosan Adəm; əmmək di da za as tanakra daɣ-as da, tosa-du əs tarrayt n awedan iyyanda, a t-imosan Əlməsix.

²² Id aytedan kul a tan-iba fəlas Adəm a d-əğmadan, əmmək di da za as aytedan kul win osaynen d Əlməsix, ad əgrəwan təməddurt ta təxlalat.

²³ Tanakra daɣ tamattant amaran, təgâ s ənnizam: Əlməsix a sər-əs d-azzaran, dəffər adi win sər-əs əzzəgzannen a du-za-təwəsənkərnən ɣur tawaylay-net.

²⁴ Amaran tasa-du təzərəst n əddənət, ijəbbərəjjət Əlməsix təmənukəla kul d əlxəkuman kul əd taɣmaren şin əttənkəlne, dəffər adi idkəl taɣmar akf-et i Məşşina di n Abba.

²⁵ Fəlas ilzâm Əlməsix ad ittəf taɣmar har agu Məşşina izənga-net kul daw daran-net.

²⁶ Azangaw-net was z'izrəy s ahluk-net, tamattant.

²⁷ Fəlas ənnan İlkəttaban: «*Iga Məşşina aratan kul daw daran-net*», amaran immun as «aratan kul» win as itawanna əd əməlan daw daran-net da, wər tan-ihə Məşşina, s əntə iman-net a ikfan İlməsix təxmar ta ittaf.

²⁸ Amaran as iga Məşşina aratan kul daw daran n İlməsix, alwaq wədi, ad z'agu Barar əntə da, əməlxna İlməsix, iman-net daw əlxəkum ən Məşşina wa igan aratan kul daw daran-net fəl ad təkməl tizzart ən Məşşina y arat kul dağ adag kul.

²⁹ Amaran ənçərat dağ aytedan win tawasalməxan dağ aman fəl əddəlil ən səxmar n aytedan-nasan win aba: Awak ma imos awas əgan attama n agaraw-net dağ igi n awen? Kud əntə tidət dağ a imos as, wər tu-təlla tanakra dağ tamattant, wədi ma fel tawasalməxan dağ aman fəl əddəlil ən səxmar n aytedan-nasan win aba?

³⁰ Nakkənanay iman-nana za, ma fel akk assaxat nəha tazak ən tamattant?

³¹ Akk əzəl təhoz-i-du tamattant! [İmədrayan-nin], arat wədi, ig-as aşşak agamad wa iga y əsəbbərəg wa fall-awan tagga fəl əddəlil n awa dağ-wan iga Əməli-nana Yaysa İlməsix.

³² Kud təbəllant ta əgeğ dağ əxrəm n Efez, wər nəzlay d aməgər əd wəxsan, wər təga ar fəl ares n əddənet, awak ma di-za-taknu? Kud inəmməttan wər du-za-təwəsənkəran dağ tamattant, adi za, agatanağ awa ənnan aytedan wiyyad as ənnan: «*Nats-et, naswet, fəlas wər dağ-nay ilkem ar tamattant*»

³³ Ad wər tətəwəsəxrəkam! Fəlas ənnan kəl awal: «*Tidawt d ark aytedan təxaşşad alxal olâyan.*»

³⁴ Təqçələt-kawan-du tayttay-nawan ta tolağat, tamməzayam d igi ən bakkadan. Fəlas wiyyad dağ-wan wər əssenən Məşşina. Ənnəğ adi fəl a kawan-izzəbəz təkarakit.

Təxəssa ta du-tənkərat dağ tamattant

³⁵ Mişan wər igdel awen ad annin wiyyad dağ-wan: «Awak inəmməttan, məni təməwit tas du-za-təwəsənkəran? Ma təmos təxəssa ta dər du-za-təwəsənkəran?»

³⁶ Aljahilan! As tənbalam tablalt n amasa, wərgəğ kundaba təmmut as du-təgəmmad, təddār?

³⁷ Amasa değ xas a tənbalam den, ihə mijas in alkama madəğ tabzəst iyyat, wərgəğ tasaxtot təxradat a tənbalə.

³⁸ Təzzar ikf-ay Məşşina təxəssa ta das-ira, əkkulluk n amasa ikf-ay təxəssa ən man-net.

³⁹ Şixəllak wər olenat təxəssa ketnasnat; aytedan zənnit təxəssa ta-nasan, əharay zənnit ta-net, igədad zənnit ta-nasan, kifitan değ zənnit ta-nasan.

⁴⁰ Amaran ijənnawan da, əhən-tan aratan ələnen şixəswen, zund əmmək as, amaqal əwaran-tu aratan ələnen şixəswen; mişan şihussay n aratan win əhanen ijənnawan wər tola əd təhussay ən win əwarnen amaqal.

⁴¹ Zənnit ənnur wa n təfuk, zənnit wa n təllit, etran değ zənnit wa-nasan. Etran iman-nasan, ənnur-nasan əzzənəfan a imos, ənnur n iyyan oğar ənnur wa hadan.

⁴² Zund əmmək di da a təga tanakra ən nəmməttan. Təxəssa təxaşşadat a za tənbelat, tətəwəsənkər-du ta wər nətəməttəy.

⁴³ Təxəssa ta dər inbal awedan, təbrâr; ta dər du-z-inkər təkna şihussay. Təxəssa ta dər inbal awedan, tərkam; ta dər du-z-itəwəsənkər təla tarna.

⁴⁴ İnbal-in əd təxəssa ta n əddənet, itəwəsənkər-du əd təxəssa ta ihə İnfəs wa Zəddigan. Da tu-təlla təxəssa ta n əddənet, wədi ta n İnfəs wa Zəddigan da təll-ay.

⁴⁵ Adi a fəl ənnan İlkəttaban: «*Adəm a d-azzaran y aytedan s əxluk, imal-tu iddâr,*» mişan Adəm wa n əşşin s əntə wa ilkaman, a t-imosan İlməsix, infəs a imos, ihakkin təməddurt.

⁴⁶ Wərgəğ wa imosan infəs a d-azzaran, kalar wa imosan taxlək n əddənet təddārat a d-azzaran, dəffər-əs a d-osa wa imosan infəs.

⁴⁷ Awedan wa d-azzaran, əğodrar a dağ iga, igmad-du amaqal; awedan wa n əşşin, əntə ijənnawan a d-igmad.

⁴⁸ Awedan wa igan dağ əğodrar, awa imos, əntə a əmosan aytedan win əganen dağ əğodrar; wa d-igmadan ijənnawan, əntə da, awa imos, əntə a əmosan aytedan win jənnawan.

⁴⁹ Amaran tulat ta nəga d awedan wa igan dağ əğodrar, əntə a za nagu əd wa d-igmadan ijənnawan.

⁵⁰ İmədrayan-in, a dawan-gannağ, awa igan dağ şan d əzni, wər z'ilu adagar dağ Təxmar ta n Məşşina, wala değ ilu awa ixaşşadan adagar dağ awa wər nəxəşşəd.

⁵¹ Səməmat, a dawan-əmələğ əssir: Wər dana-z-iba ketnana, mişan dər iga awen da, ketnana as za nətəwəsəmməttəy,

⁵² fəl arat n amazay, fəl ellaf ən šat, ħur anasaġ wa ilkaman n asak. Fəlas ad itəwənsəġ asak, təzzar təwəsnkəran-du nəmməttan əd təġəswen wər za nələs aġšud, nakkanay deġ nətəwəsəmməttəy.

⁵³ Fəlas təġəssa ta təġaššadat, əššil ad təggəz ta wər nəġəššəd edag-net; ta tətəmatitt deġ əššil ad təggəz ta wər nətəməttit edag-net.

⁵⁴ As təggəz təġəssa ta wər nəġəššəd edag ən ta təġaššadat, təggəz deġ təġəssa ta wər nətəməttit edag ən ta tətəmatitt, əddi amaran ad z'andu awa ənnan Əlkəttaban as ənnan: «*Təmatitt təttəlmaz, tətəwarnə, ab'as tu-təlla.*»

⁵⁵ «*Ya təmatitt, ma təġə tarnə-nam? Ma iga endal-nam, was təddəġəġ aytədan tənaqqəq-qan?*»

⁵⁶ Abakkad a imosan endal ən təmatitt, abakkad amaran əššəriġə wa n Əttawret a imosan əssahət-net.

⁵⁷ Mišan əġoda i Məššina a danəġ-isaşarnin abakkad əs tarrayt n Əməli-nana Ƴaysa Əlməsix.

⁵⁸ Daġ adi, imədrayan-in əknəġ tara, zəzzəwətə daġ əzəġzan-nawan, tazzakke daġ-as s əssahət, ad tətaggim faw s igət əššəġəl olaġan wa tətaggim y Əməli, id təssānam as, əššəġəl issohen wa tətaggim y Əməli wər ibbənnan.

Awa d-izdaran daġ širawt ta

16

Širgiten d əššəradan wiyyad n Əlkənisat

Širgiten y Əlkənisat ta n Yerusalām

¹ Daġ batu ta təqqalat širgiten šin tawagginen i mizdagan win Yerusalām, əġat kəwanay da, arat was omaraġ Əlkənisaten šin akal wa n Galatəya.

² Əkkulluk n əzəl wa əzzaran daġ əssuk, akkiyyan daġ-wan idkāl daġ awa sər-əs d-iggəzan arat was ifrag, iġbər-tu har kəwan-in-asa, fəl ad wər iqqəl əšidəw-nawan širgiten y əssa-nin.

³ As kəwan-in-oseġ, ad akfa aytədan-nawan win təsannafranam šira a fəl iktāb as aytədan-in a mosan, təzzar əssuqaq-qan Yerusalām ewāyan širgiten-nawan.

⁴ Kud deġ itəwanay əs ihôr ad əġla nak iman-in, wədi a dər-i idəwan.

Išikilan win d-əzaynen

⁵ Kundaba əmməraġ akal wa n Masedonəya as kəwan-in-z-assa, fəlas ad ərzəġə akal wa n Masedonəya.

⁶ İha mijas a ħur-wan əġaġ adan, mijas deġ taġrəst ketnet as ħur-wan tat-z-əkkəsəġ, fəl a di-tagim əllawtan kəwanay iman-nawan s akal was kəwan-z-əġməda.

⁷ Tidət as wər areġ a kəwan-in-asa əmərədda, əġaġ-awan-in əssa daġ əzzikke; fəlas əġeġ attama n ad əhəġa ħur-wan kud ikf-i Əməli turəġat.

⁸ Əmərədda, ad əqqamaġ daġ əġrəm wa n Efez har di daġ-as d-awəd amud wa n Fantəkawt.

⁹ Fəlas tənnolam-i daġ-as tarrayt zəwwərat n əššəġəl, kuddeġ as əġġətən zəngə win wər nəra awen.

¹⁰ Amaran as kəwan-in-osa Timotay tabəzam-t-in əs man-nawan, a tu-wər-iməl arat as tu-təha tāsə-net, fəlas əššəġəl y Əməli a iha əntə da, šilat-in.

¹¹ Daġ adi a tu-wər-alku awədan waliyyan; əġiwat-as əllawtan fəl a sər-i d-əġu əšikəl olaġan fəlas əqqəlaġ-as əntə əd mədrayan-nana win dər iddeu.

¹² Daġ batu ta təqqalat amədray-nana Abbolos: əġməya daġ-as wəllen a kəwan-in-asu iddeu əd mədrayan-nana win di; igməd əššək əs wər ilə ənnəyat n adi əmərədda. Mišan as igraw s adi, a kəwan-in-asu.

Ənnəsixatan d əssalamən

Ənnəsixatan win əlkamnen

¹³ Əġət ənnəyat, təzəzzəwəm daġ əzəġzan-nawan əs Ƴaysa Əlməsix, təqqələm aytədan wər təha tāsə, təssuhəm.

¹⁴ Arat kul wa tətaggim, əġiwat-tu əs man təha tara.

¹⁵ Əhən-kəwan salan n aytədan n əhan wa n Əstefanos; təssānam as əntənanəy a əzzarnən s əzəġzan əs Ƴaysa Əlməsix daġ akal wa n Akayya, əkkāsən deġ iman-nasan s əššəġəl i mizdagan. Onsayəq-qəwan za imədrayan-in,

¹⁶ a dasan-tabbardəġam, əntənanəy d id t-illa awədan ihən əššəġəl wa əhan, əs ġəlləyat.

¹⁷ İsidawat-i əssa wa di-d-iga Əstefanos əd Fortunatos d Axaykos. Əssa-nasan idbaġ-in təxərəbbət ta sər-i d-əway ibə n əşinəy-nawan.

¹⁸ Fəlas issəsmađ iman-in, issəsmađ deɣ win-nawan. Daɣ adi, taɣet masnat fəl meddan zun win di, təwəsəɣməran.

Assalaman win əlkamnen

¹⁹ Əhulan-kawan-in nalkiman win Əlkənisaten šin akal wa n Asəya. Ihul-kawan-in deɣ Akilas əd Friska əd nalkiman win Əlkənisat ta tətamanayət daɣ ahan-nasan. Əhulan-kawan-in wəllen wəllen fəl əddəlil ən tassaɣ ta nəga d Əməli Ƴaysa.

²⁰ Əhulan-kawan-in mədrayan-nawan daɣ əddin win əllanen da da ketnasan. Tinəməgğat assalam zəddiğan.

²¹ Təhult awa a din-təgmadat əfus wa-nin nak Buləs.

²² Məššina təlɣānaɣ awedan wa wər nəra Əməli Ƴaysa! Marana ta, almayna: Ya Əməli-nana asa-du!

²³ Əgmāya daɣ Məššina a kawan-ikfan arraxmat n Əməli Ƴaysa.

²⁴ Əreq-qawan ketnawan fəl əddəlil ən tassaɣ ta nəga d Əlməsix Ƴaysa.

Širawt ta n sanatat iktab Buləs i Kæl-Korent İsənti

Təhult

¹ Awa nak Buləs, imosan əs tərəddawt ən Məşşina anammazul n Elməsix Yaysa, nak d amadray-nana Timotay ənnənən əhulan-in İlkənisat ən Məşşina ta təhat əxrəm ən Korent əd mizdagan kul win əxsarnen dağ akal n Akayya ketnet.

² Əgmāya dağ Məşşina di n Abba-nana d Əməli Yaysa Elməsix a kawan-ikfan arraxmat d alxer.

Igodan d ənnəsixatan

³ Təmmal i Məşşina di n Abba n Əməli-nana Yaysa Elməsix, imosan Abba wa n əməhhenən, imos değ Məşşina di isasmadan iwallan kul,

⁴ s ənta a isasmadan iwallan-nana a təqqal təssust ta fall-ana təgat, fəl a danay-issəfrəg əs tarrayt n əssəsməd wa itag iwallan-nana, ad nəssəsməd nakkanay da, iwallan n aytedan win fəl təga təssust a təqqal.

⁵ Id igət wa iga alğazab wa nənnyay fəl əddəlil ən tassağ-nana d Elməsix, ənta a təga təsasmit ən wallan ta danay-ihakku Elməsix.

⁶ Kud ətəwəsas wa nəga, təsasmit d efsan-nawan a imos, kud değ təsasmit ən wallan a danay-ikfa Məşşina, wədi kawanay as tat-ikfa. Təsasmit tēdi təkfi-iwan ad təzmərəm y alğazab wa nətaggu nakkanay da.

⁷ Wər kala ad nəga aşşak dağ attama wa dağ-wan nəga, fəlas nəssən as, da dər-na tədrowam alğazab, təsasmit ta itaggu Məşşina iwallan-nana da a dər-na tat-tədrowam.

⁸ Amaran imədrayan-in, wər nara a kawan-wər-əhen salan ən təssust ta fall-ana təgat dağ akal n Asəya. Təgrāw-ana dağ-as təssust togarat awas nəfrag a dər-əs nəzəzzəydər, fadda har nəkkas attama ən man-nana.

⁹ Tidət as iməl xur-nağ as, wər dana-t-illa ar tamattant. Arat wa, igrāw-ana fəl ad nəssən as wərge iman-nana, kalar Məşşina s ənta a d-isankaran inəmməttan, xas, as ihor a dağ-as nagu attama-nana.

¹⁰ Ənta a dana-d-ikkasan dağ tazak labasat ən tamattant ta nəggaz den, ənta a dana-du-z-ikkəsən dağ adag şilat ən wen. Nəgā değ attama n as, i tu-nəggaz, a dana-d-ikkəs.

¹¹ Amaran kawanay tədhālam-ana əs mansay wa dana-tətaggim Məşşina; adi a fəlas, arraxmat ta za nəgrəw əs təwatriwen n aytedan aggotnen, a du-təwəy s aytedan aggotnen wiyvad ad əggudəyan i Məşşina arat wa danay-iga.

Buləs isasəru işikilan-net

Buləs isammattay ənnizam ən şikilan-net

¹² Amaran ənta da abarag-nana: wər nəssen fəl ark arat dağ əddənət ta da as dana-z-əbəzan man-nana, wəllen dağ tassağ ta dər-wan nəga. Wər nəga əmazal əs wərgeğ əwəl iyyada zəddigan wa ihakku Məşşina as tu-nəga. Arraxmat ən Məşşina a danay-təssəfrəgat awen, wərgeğ a d-ihân əs masnat n əggadəm.

¹³⁻¹⁴ Fəlas şira şin dawan-in-nəkattab, wər dağ-asnat nəssoka arat waliyyan wər nəmos wədi da təxərrim əddi, təgrām-tu. Kud dana-wər-təgem əgərri olāğan əmərədda, da əgəğ attama-nin dağ ad tawədəm a dana-tagim əgərri ikmālan, tagim fəl əddəlil-nana abarag wa danay-isassaga wa-nawan, əzəl wa du-z-asu Əməli[-nana] Yaysa.

¹⁵ İkus wa əgeğ aşşak dağ adi, a fəl otasağ a sər-wan in-izara, fəl ad təgrəwam dağ assa-nin tənfa təmosat ənətfus;

¹⁶ akəyağ-qawan s akal wa n Masedonəya. As d-əgmada Masedonəya a kawan-d-əqqəla, tagim-i allawtan y əşikəl wa z'aga s akal wa n Yahudəyya.

¹⁷ Awak gəlleyat a wər əgeğ dağ attas wa əgeğ a kawan-in-asa? Məx ak aratan win as areğ igi-nasan, wər əmosan ar deranan n əggadəm, igannin «ayew» as iga amazay ad annu «kala»?

¹⁸ İggəyyat Məşşina as, awa dawan-nənna, wər imos «ayew» irtāyan əd «kala»

¹⁹ Fəlas Yaysa Elməsix di n Barar ən Məşşina was dawan-nəga isalan-net, nak əd Silfanus əd Timotay, wər isərtəy «ayew» əd «kala». Kalar «ayew» xas a inna Məşşina əs tarrayt-net.

²⁰ Almağna n awen as arkawalan ən Məşşina ketnasan «ayew» a əmosan dağ Elməsix, adi da değ a fəl nəmməl adkul ən Məşşina əs tənna ta nətaggu «Amin» əs tarrayt ən Yaysa Elməsix.

²¹ Amaran, tartøyt ta nøga d Ælmæsix, nakkanay dær-wan, Møššina iman-net a tat-sassahen, isannafran-ana,

²² issəwar-anaɣ deɣ ejwal-net alwaq wa d-iga Infas wa Zəddigan daɣ wallan-nana, imos awen təsəkəst n aššak daɣ arozan win as ilkam a danaq-qan-akfu.

²³ Møššina a daɣ-i z'ibəzan iman, əgeq-qu təgəyya as, wər din-əqqela aɣrəm ən Korent ar fəl as wər areɣ a dawan-əššita aɣšud ən man;

²⁴ amaran areɣ ad təssənam as wər nəgəmməy d a kawan-nəšəhhəššəl arat waliyyan daɣ batu ta n əzəgzan-nawan, kalar ənəməšəɣal ɣas a dær-wan nøga daɣ arat wa kawan-z-isəffəliwəsan, fəlas əzəgzan-nawan issohat.

2

¹ Adi a fəl əgeɣ tanat təmosat as ənneɣ: wər z'ələsəɣ aɣšud ən man-nawan s iyyan assa.

² Fəlas, nak as əɣšada iman-nawan, awak ma di-z-isəddəwen, ar kawanay win as əɣšadaɣ iman?

³ Adi a d-ewayan as a dawan-in-əktaba širawt fəlas wər areɣ a kawan-in-asa təɣšədam iman-in, kawanay win as ihor a di-təsəffəliwəsam; fəlas əkkāsaɣ aššak as, arat wa di-isaffalawasan, kawanay da isifalawas-kawan ketnawan.

⁴ As dawan-in-əktabaɣ širawt tədi, təga fall-i təssust labasat, isās-i əwəl-in, əffāyan daɣ-i məttawan. Amaran wər dawan-tat-in-əktebaɣ fəl ad əɣšada i man-nawan, kalar fəl ad təssənam daɣ təzzəwəwərt ən tara ta dawan-əgeɣ.

Təsureft i nadlaman

⁵ Amaran kud iyyan daɣ-wan a d-ewayan aɣšud ən man daɣ anamod iyyan, wərgəɣ nak as iɣšad iman, kalar ketnawan as dawan-tan-iɣšad, made z'anna fəl təksəda ən təsəssikəyt iɣšad-tan y arat daɣ-wan.

⁶ Awedan wədi, igd-ās əsənnəɣəm wa das-təga taššam-nawan.

⁷ Æmərədda ofa a das-təssurəfam, təssəsmadam əwəl-net, fəl a tu-wər-iɣləb əɣšud ən man, ihlək.

⁸ Daɣ adi, onsāyaq-qawan a tu-tassaknim tara ta das-təgam.

⁹ Id iyyan əddəlil wa fəl dawan-in-əktaba širawt tədi, tara a əgeɣ a kawan-ajjarraba əssənəɣ kud təlkāmam y arat kul wa dawan-ənneɣ, wala.

¹⁰ Amaran awedan kul was təssorafam, nak da, əssorafay-as; arat deɣ wa əssorafa den, kud ənta ill-ay fadda a əssorafay y awedan, a das-əssurəfay arat kul was kala a di-t-iga fəl əddəlil-nawan, dat Ælmæsix,

¹¹ fəl ad wər igrəw Aššaytan tarrayt waliyyat n a danaɣ-akkarras, id wər danaɣ-ədreɣnat təmərkas-net.

Buləs daɣ aɣrəm ən Trowas

¹² Alwaq wa din-oseɣ aɣrəm n Trowas y a daɣ-as əxtəbaɣ isalan n Ælinjil n Ælmæsix, or-i daɣ-as Æməli tarrayt n adi,

¹³ mišan harkid awen, wər tənsa ənneyat-in, fəlas wər daɣ-as əgreway amadray-nin Titəs. Adi a fəl namagga əd nalkiman win əhanen Trowas šiwatriwen, əgmadaq-qan s akal ən Masedonəya.

Buləs isasagru əššəɣəl-net wa n arkawal ən tassaɣ wa aynayan

Buləs isasagru əššəɣəl-net

Tarna ta igraw Ælmæsix

¹⁴ Nətaggu igodan i Møššina a danaɣ-itaggin faw y əddənet əsəkni a itaggu əmənokal ikəfəlan a d-oɣâ. Arat wen ig-anaq-qu fəl əddəlil ən tassaɣ-nana d Ælmæsix isâknin agaraw-net tarna fəl Iblis. Ənta deɣ a iziwəziwizan əs tarrayt-nana daɣ adag kul aɣu izodan wa təmos masnat n Ælmæsix.

¹⁵ Id aɣu izodan a nəmos əs Møššina, a sər-əs in-igmâdan Ælmæsix. Aɣu wa, iwizawaz daɣ aytedan win əhanen tarrayt ta n əlɣillas əd win əhanen tarrayt ta n əhluk.

¹⁶ Aytedan za win əhanen tarrayt ta n əhluk, nəmos-asan aɣu ən tamattant, a d-itawayan sər-san tamattant. Aytedan amaran win hadatnen, nəmos-asan aɣu ən təməddurt, tan-issodaran. Awak ma ifragan igi n əššəɣəl oɣdân d awa?

¹⁷ Nakkanay, wər nola d aytedan aggotnen, əganen jola daɣ awal ən Møššina. Kalar daɣ tassaɣ ta nøga d Ælmæsix nəmmâl dat Møššina awal-net s əwəl iyyanda, amaran nəssân as Møššina a dana-izammazalan.

3

Bulas, amaššayal a imos n arkawal ən tassaq wa aynayan

¹ Awak eməlan wiyyad a nətaggu iman-nana? Məx ak addararat a nəga əs šira a danaɣ-z-akfinen ɣur-wan udəm, madex nəddirar s a dana-tanat-tagim, awa taggin aytedan wiyyad?

² Kala kalar kawanay iman-nawan as təmosam širawt-nana, təktābat daɣ wallan-nana, issān awedan kul, iɣr-et deɣ awedan kul.

³ Təssiknam deɣ tišit-nawan širawt n Əlməsix, təktābat s əššəɣəl-nana, wər nəkteb əs taddawat, kalar Infas ən Məššina di iddaran əs təktab; wər təkteb fəl əsəllum ən təhunt, kalar iwallan a daɣ təktab.

⁴ Aššaddat n attama wa nəga daɣ Məššina əs tarrayt n Əlməsix a fəl nənney adi.

⁵ Wərgex aššaddat n as ill-ay arat waliyyan as nəfrāg igi-net gar-ena əd man-nana, kalar Məššina a danaɣ-ihakkin fərregat n igi-net.

⁶ Ənta deɣ a danaɣ-issəfragan ad nəqqəl imaššayalan n arkawal ən tassaq ta taynayət, wər nəmos əlqanun iktāban fəl səlluman, kalar tassaq a imos iktāb Infas wa Zəddigan daɣ wallan n aytedan; fəlas əlqanun wa irəwan iktāban fəl səlluman, tamattant a d-itaway s aytedan, amaran tassaq ta iktab Infas wa Zəddigan daɣ əwəl, təməddurt a sər-san du-təaway.

Bulas imāl dad imməzray arkawal ən tassaq wa irəwan d arkawal ən tassaq wa aynayan

⁷ Ənnizam n əlqanun amaran wa d-itawayan tamattant s aytedan, isəlluman ən təhun a fəl iktab. Izizzabbat-t-idu Məššina fəl Musa daɣ ənnur, s awa iga daɣ assahat, indar i Kəl-İsrayil ad əswədan daɣ udəm-net. Ənnur en da za arat ilakkayan a imos.

⁸ Əngəm-in za ənnizam wa d-ifalan Infas wa Zəddigan, iktaban daɣ wallan n aytedan, iššaɣal daɣ-san! Manəmmək as wər z'əgər wen tanaya?

⁹ Fəlas kud ənnizam n əlqanun wa d-itawayan s aytedan attadib, ila tanaya, wədi, ma dər za tagdu šigrat ən tanaya ta tu-z-əgu ənnizam ən tarrayt ta taynayət wa d-itawayan s aytedan taqqat?

¹⁰ Iqqal as, arat wanad iknan təla ən tanaya, ab'as ila tanaya əmərədda fəl awa dastəga tarrayt ta taynayət daɣ šigrat ən tənaya.

¹¹ Fəlas kud arat ilakkayan osa-du əs tanaya, adi za ma dər za tagdu šigrat ta tu-z-əgu wa t-illan faw tanaya!

¹² Dad nəga attama ogdān d awen, wədi nəhal ad nammazal awa nəra ši wala tasa.

¹³ Nakkanay wər nəga awa iga ənnəbi Musa, issəlsan udəm-net afər fəl a daɣ-as wər əswədan Kəl-İsrayil iket di ad t-igammad ənnur wa imalawlawan daɣ udəm-net.

¹⁴ Mišan tanawasaxaran wallan-nasan y awen, id har azalada, as ɣarrin Əlkəttaban win arkawal ən tassaq wa irəwan, šilat n as harwada ill-ay, igdal-asan əgərri n Əlkəttaban, id afər wen, tassaq d Əlməsix ɣas a ifragan ikus-net.

¹⁵ Awalla, har azalada, ɣarrin əlkəttaban n ənnəbi Musa, mišan wər tan-əgren, fəlas afər wen a ilsan iwallan-nasan.

¹⁶ Tətubt ɣas s Əməli a itakkasan afər wen.

¹⁷ Amaran Əməli, Infas a imos. Awedan deɣ wa iggaz Infas n Əməli, wədi illəllat.

¹⁸ Nakkanay ketnana win as itawakkas əfər wen fəl udmawan-nana, nəswād daɣ tanaya n Əməli šilan n as iswad awedan daɣ šišet. Isamattay-ana Əməli, s ənta Infas a imos, s əššəɣəl wa itaggu daɣ wallan-nana, išašal-ana əd man-net, tətittəy daɣ-na tanaya-net.

4

Tidət a daɣ nəsusin aytedan

¹ Adi fəlas, dad zamas as ihanattat-ana Məššina ig-ana daɣ əššəɣəl ən tarrayt ta taynayət, wədi wər za nəqqəl dəffər-na;

² nakkanay nəmmizzay d ark mazalan sikərükidnen win tamazalan aytedan daɣ əssir, wər nəgəmməy əd təkərras n awedan waliyyan, wala nəsafraɣ awal ən Məššina. Kalar emel wa nətaggu tidət əs təməwit təzdarat, nəgəmmay sər-əs əsəfəs ən man-nana y əkkulluk n awedan dat Məššina.

³ Aytedan win əhanen tarrayt n əhluk ɣas as ilsa arat isalan n Əlinjil win nətaggu, wər tan-əzzəgzanan.

⁴ Wər əzzəgzanan fəlas İblis wa n əməli n əddənət ta, a tan-isaddarɣalan; igdal-asan anay n ənnur wa d-igammadan Əlinjil, ənnur wa isaknin tanaya n Əlməsix imosan šaššəlan ən Məššina.

⁵ Nakkaney isalan win nəmmâl, wər daɣ-san nəmmil iman-nana, kalar emel a nətəggu as Ƴaysa Ɣlməsix a imosan Ɣməli, nəmmâl deɣ as eklan-nawan a nəmos fəl əddəlil ən Ƴaysa Ɣlməsix.

⁶ Id Məššina a innan: «*Imələwlawet ənnur daɣ šiyay*», ənta iman-net a imalawlawan daɣ wallan-nana, ikf-anax ənnur, a t-imosan masnat ən tanaya ən Məššina ta təməlawlawat daɣ udəm ən [Ƴaysa] Ɣlməsix.

Əššəɣəl ən Buləs: Təməddurt ən Ƴaysa əd təməttant-net

Anammazul Buləs əgğadəm a imos irkaman zun aytedan kul

⁷ Mišan ərɣəzəɣ wa, imosan masnat ən tanaya ən Məššina, ikassan ən talaq, as nakkaney a tan-imosan, a daq-qu neway, fəl ad itəwəssən as, tarna wər nəla əddukad ta, šin Məššina, wəɣeɣ šin-nana.

⁸ Wər t-illa daɣ ətəwəsas wər nətawagga, mišan wər kala nətawaxalab; əqɣanan ɣafawan-nana, mišan wər nətəkkəs attama.

⁹ Faw nətiwadɣaz mišan wər danaɣ-oyya Məššina əd man-nana; nətawagadlu mišan nənakkər-du.

¹⁰ Fawda nəha tazak n igi ən təməttant šilat ən ta iga Ƴaysa, fəl ad tətəwənəy təməddurt-net ənta da daɣ təɣəswen-nana.

¹¹ Fəlas nakkaney win əddarnən, faw nəha tazak ən təməttant fəl əddəlil ən Ƴaysa, fəl ad tətəwənəy təməddurt ən Ƴaysa s əlluɣ daɣ təɣəswen-nana əmosnən arat itamattin.

¹² Adi a fəl nəha faw tazak ən təməttant, fəl ad təgğəzam kawanay tarrayt n agaraw ən təməddurt ta təɣlalət.

Awa d-ixsalan daɣ təməddurt n aytedan win Kəl-Korent

¹³ Əzəɣzan-nana ola əd wa ittəmalan daɣ Ɣlkəttaban as ənnan: «*Əzzigzanay! Adi a fəl əššəwəlayɣ.*» Nakkaney da əzəɣzan wen da a nəga, adi a fəl nəššəwal nakkaney da.

¹⁴ Id nəssən as, Məššina a d-issənkaran Ɣməli Ƴaysa daɣ təməttant, a dana-d-issənkər nakkaney da nəddew əd Ƴaysa, təzzar issəbdəd-ana dat-əs nakkaney dər-wan.

¹⁵ Fəlas awa ketnet tənfa-nawan a fəl tu-nətəggu, fəl a din-tawəd arraxmat n Məššina aytedan əgğotnən, igatan godan i Məššina, fəl zazwar-net.

Ad wər nəkkəs attama ɣər za nətəɣəzzab wala natamattat

Tanaya təɣlalət ta du-təzayət

¹⁶ Adi a fəl wər za nəqɣəl dəffər-na. Kud imos as šixəswen-nana ta n əmind i a əhanat, da iwəllan-nana əntanay akk əzəl ətiwəšaşaynayan.

¹⁷ Fəlas təssust fəsusat wər za nihag ta nənnay əmərədda, a dana-za-takfit adkul iknan təzzəwwərt iɣləlan.

¹⁸ Nakkaney wər nəswəd daɣ aratan win tawanaynən, kalar win əhanən ətənkul a daɣ nəswəd; fəlas awa itawahannayan, wər itihag; as iga awen, awa ihan ətənkul, ənta iɣləl.

5

Nəsikalal iket di ad nəha əddənət

¹ Nəssən as ihəktan win nəha əmərədda, almaɣna šixəswen-nana, ad əhləkan, amaran isimatag-ana Məššina daɣ jənnawan šixəzmen əɣləlnən, s ənta iman-net a tanat-ikrasan wəɣeɣ ifassan n aytedan.

² Amaran ihəktan win nəha əmərədda, osaynat fall-anat təhənəffa, nəsidaran wəllən ad nagu i nan-nana win jənnawan iguz a itag awedan i səlsa aynaynən fəl wiyyad waşşarnən.

³ As iga adi, ad nəstər, wər za nəqɣəl iman ɣas wər nəha təɣəssa.

⁴ Tidət as ihəktan win nəha əmərədda əmosan-ana šilat n əzuk zəwwəran a danaɣ-isihənəffen, eges wəɣeɣ fəl aššəddat ən tara n əməzzəy dər-san, kalar fəl aššəddat ən tara n iguz ən təɣəswen-nana šin jənnawan, fəl ad təlməz təɣəssa ta təɣlalət, ta wər nəɣləl.

⁵ Amaran Məššina iman-net a danaɣ-isammatagan awen, isattadd-anax əs təhakkay ta danaɣ-iga Infas-net as, ad agu awen.

Nəkna igi n attama id tara a nəga ɣərrezat y Ɣməli

⁶ Daɣ adi faw təkna ənnəyat-nana id nəssən as, iket təmos təɣəssa ta ehan-nana, nəgğug Ɣməli.

⁷ Fəlas awa nəzzəɣzan as nəlkam, wəɣeɣ awa nəhannay əs šittawen-nana.

⁸Awalla adi a fəl ənnəx təknâ ənnəyat-nana, mišan nəssəf wəllən ad nəgməd taχəssa ta nəha əmərədda s ahan-nana wa χur Ɛməli.

⁹Awen da a fəlas, gər za nəha taχəssa-nana wala deχ wər tat-nəha, wər nədgez ar daχ a das-nəgrəz.

¹⁰Fəlas kundaba nəbdad ketnana dat Ɛlməsix, isrəχ-ana. Akkiyyan daχ-na ad igrəw awa dər ahoran mazalan win iga harwa iha taχəssa-net, gər za win olaχnen wala win wər noləχ.

Imaššaχalan ən Məššina a nəmos, nəmos deχ almawakkilan-net

Ɛššəχəl wa n igi n alxer gar-ena

¹¹Daχ adi, dad zamas nəssân awa təmos təksəda n Ɛməli, nəgammay daχ aytedan a sər-əs əzzəgzanan əs gəlleyat. Məššina issân wəllən awa nəmos, amaran əgeχ attama n as kawanay da təssänəm wəllən daχ wallan-nawan awa nəmos.

¹²Wərgəχ təmmal a nəllas iman-nana χur-wan, kalar əddəlil γas a kawan-nəhakku n igi ən bəragan fall-ana, fəl ad tilem a tənnam y aytedan win tagginen ibaragan fəl awa iwaran azzahir; imos sokni wərgəχ təla n əwəl zəddigan dat Məššina.

¹³Kud a itawannan tayttay-nana a dana-təgmədət, wədi saχmar ən Məššina a fəl nəga adi; kud deχ wər dana-təgməd, wədi tənfa-nawan a imos.

¹⁴Fəlas tara ta danaχ-iga Ɛlməsix a tənnodat daχ arət kul wa nətaggu. Id nəzzigzan as awedan iyyanda, a t-imosan Ɛlməsix, a immutan daχ adag n aytedan kul; daχ adi aytedan kul əddewan dər-əs daχ tamattant ta iga.

¹⁵Aba-tu daχ adag n awedan kul, əgrawan aytedan təməddurt taynayət s əssəbab-net. Igâ awen fəl ad ammazayan əd təməddurt daχ wər əlkeman ar i tara ən man-nasan. Kalar ad əlkəman y Ɛlməsix a immutan fəl əddəlil-nasan, itawasankar-du deχ daχ tamattant.

¹⁶Adi a fəlas əmərədda ab'as nəga daχ awedan waliyyan iduf wa daχ-as əgan aytedan; kudəχ as kala ad nəttaf Ɛlməsix daχ adag wa daχ t-əttafan aytedan, mišan əmərədda wər tu-nəttəf daχ adag wen.

¹⁷Daχ adi awedan wa ilan tassaq d Ɛlməsix, iqqal taxlək taynayət. Ab'as imos awedan was kala a t-imos, fəlas təməddurt tas kala tat-iga iχrad dər-əs; təggaz iyyat taynayət ədag-net.

¹⁸Amaran awen kul Məššina a t-igan, ənta a danaχ-iknan əd man-net əs tarrayt n Ɛlməsix, ikf-ana deχ nakkanay əššəχəl imosan igi n alxer,

¹⁹imosan as: Məššina eway-du alxer gar-es d əddənət ketnet əs tarrayt n Ɛlməsix, ab'as fall-asan ittəf ibakkadan-nasan. Əntanay da da isalan n igi n alxer win as danaχ-inna a tan-nagu y aytedan.

²⁰Daχ adi nakkanay almawakkilan n Ɛlməsix a nəmos, id Məššina iman-net as kawan-iχarru əs tarrayt-nana. Nonsay-kawan fəl udəm n Ɛlməsix ad təknâm əd Məššina!

²¹Ɛlməsix wər t-iwer abakkad waliyyan, mišan issəwar-tu Məššina fəl əddəlil-nana ibakkadan-nana, fəl a sər-na du-tawəy tassaq-nana dər-əs taqqat dat Məššina.

6

¹Daχ adi, dad imos as nəha əššəχəl wa daχ iha Məššina, nəgmây daχ-wan ad wər təsəbbənnanam arraxmat ən Məššina ta təgrawam da.

²Id Məššina iman-net as inna: «*As d-ewad alwaq wa daχ kawan-z-akfa arraxmat-in, ad əqbəla šiwatriwen-nawan, as d-ewad alwaq wa daχ kawan-z-əχləsaχ, a dawən-ilaləχ.*» Ɛnəyat za alwaq wədi, ewad-du, ənta da da deχ əzəl wa n əχjillas-nawan.

Awa immozal Buləs əd taχaray ta iga Kəl-Korent

³Wər nətaggu arət waliyyan as z'iqqəlan təsənkəft y awedan waliyyan, fəl ad wər itəwənəy lahan waliyyan daχ əššəχəl-nana.

⁴Kalar arət kul wa nətaggu, nəsaknu daχ-as as imaššaχalan ən Məššina daχ a nəmos əs zəmmərat tagget ta nəga i təssust, d aššawaša əd təməyutar,

⁵əd təwit, əd kasaw. Nəzmər deχ daχ alyazab wa nəga daχ tənəjarwayen šin fall-ana əganen, d əššəχəl labasan wa nətaggu, d-iba n agaraw s etəs əd gələk.

⁶Nəsaknu tišit-nana imaššaχalan ən Məššina əs man zəddognen, əd masnat ta nəgraw, əd təzaydart ta dana-təhat, əd man mallolnen. Nəsakn-et deχ əs tədhəlt ta danaχ-iga Infas wa Zəddigan əd tara təgât s əwəl iyyanda ta dana-təhat.

⁷Nəsaknu tišit-nana imaššaχalan ən Məššina s awal imosan tidət wa nəmmâl, əd fərregət ta danaχ-ikfa Məššina. Nəsaknu tišit-nana imaššaχalan ən Məššina əs təzoli n əməgər ta n taqqat tas za nammagər naggəz iman-nana.

⁸ Gər za nətiwasaxmar wala nətiwalka; gər za nətawarbad wala nətatatamal, nakkanay tidət a nəmmâl, kuddeş as itiwattaf as əsəxrək a nətəgg aytedan.

⁹ Nətiwazday wəllen, mişan şilat n as wər nətawazday. Nəşşigga daş tamattant, mişan harwada nəddâr. Nətawaddab mişan wər nətəwənyu kərəz.

¹⁰ Əşşâdan man-nana mişan wər danaş-igdel awen as faw nəfilawas. Wər nəla wala mişan nəsağgargas aytedan aggotnen; wər nəla wala, ənta arat kul i-nana.

¹¹ Ya işəqqaxan-nana win Kəl-Korent, awa ihan iman-nana a dawan-tu-nəmmâl s əwəl iyyanda, amaran nolâm-awan iwallan-nana.

¹² Nakkanay wər dawan-nəxfel iwallan-nana, kawanay amaran təxfalam-ana win-nawan.

¹³ A dawan-anna awa z'annax i bararan-in: Aləmat-ana iwallan-nawan, zun awa dawan-nəga.

Ammar n aytedan s ad izdagan

¹⁴ Ad wər tətasaşam d aytedan win wər nəzzəgzan s Əlməsix. Manəmmək as z'asəş əllux d əşşur, wala asəş ənnur əd şiyay?

¹⁵ Ma imos arat wa fəl z'inəmənək Əlməsix d İblis? Ma idraw awedan izzigzanan s Əlməsix d iyyan sər-əs wər nəzzəgzan?

¹⁶ Ehan n Əlyibada ən Məşşina deş ma təmos tərəddawt ta z'agu d əssənəman? Fəlas nakkanay a əmosnen Ehan ən Məşşina di iddaran, id Məşşina a innan: «*Ad əxsəra daş aytedan-in, idawa dər-san; əqqələş Əməli-nasan, əntanay deş əqqəlan tamattay-nin.*»

¹⁷ Awen daş a fəl inna Əməli: «*Əgmədat-du aytedan win wər nəzzəgzan, tammazza-yam dər-san, ad wər tədəsam a immidasan, əddi a kawan-əqbəla.*

¹⁸ *A dawan-əqqələş abba, təqqəlam bararan-in əd təbararen-in, adi a inna Məşşina di n əməli ən tarnə kul.*»

7

¹ Daş adi, imaran-in, dad zamas tawaggan-ana arkawalan win, zəzdəgat-ana iman-nana daş arat kul wa isamadasan təşəssa d ənnəyat. Naget tazdak təkmalat, iga awen əs təksəda ən Məşşina.

Tədəwit ən Buləs şur tətubt ən Kəl-Korent

² Aləmat-ana iwallan-nawan, nakkanay wər kala ad nəga təkma y awedan waliyyan, wala nəşşâd-as arat wala deş nətša alxaq-net.

³ Wər ənnəş adi fəl a kawan-əssəwəra lahan waliyyan fəlas əmələş-awan dat adi as nəsinahal-kawan tara. Təməddurt wala tamattant wər za təkəkə tara tədi daş wallan-nana.

⁴ Wər daş-wan əgeş aşşək waliyyan. Tagga abarag daş batu-nawan. Daş təssust kul ta nənay təkna talşa-nawan təsasmit n əwəl-in, amaran təfalawist-in wər təla əddukad.

⁵ As du-nosa akal ən Masedonəya wər kala ad nəgraw əs təsənfawt, kalar nəbdâd daş tēməşutar labasnen as wər t-illa a daş wər əgenat. Tagganat tamazaşen dəgma-nana, amaran təh-əna tasa.

⁶ Mişan Məşşina di n ənəssesməd ən man n i s əşşâdan man-net, isasmad iman-nana s assa wa dana-d-iga Titəs.

⁷ Wərgəş assa-net şas a danaş-olaman fəl man; kalar əkənni wa das-təgam iman, d as imâl-ana əsənnəhəl wa təgam tara n a di-tənəyam, əd təmagrizt ta təgam, d əddəguz wa təgam daş awer n aganna-nin; adi, a iknan əsəffəliwəs ən man-in.

⁸ Ab'as əmməgraza şirawt ta dawan-in-əktaba, kuddeş as idâs-i as əmmigrazaş akatab wa dawan-tat-in-əgəş, fəlas əssânaş as təşşâd iman-nawan, mişan ya aşşud di wər ihog.

⁹ Fadda əmərədda isidawat-i as dawan-tat-in-əktabaş, wərgəş fəlas təşşad iman-nawan, kalar fəlas aşşud wa əgan man-nawan əddi, eway-du sər-wan tətubt daş bakkadan-nawan. Əzzənəf n əşşud ən man wədi daş a ira Məşşina y aytedan-net, daş adi wər dawan-nəşşed arat waliyyan.

¹⁰ Fəlas Məşşina ifrâg a sər-na d-awəy aşşud ən man fəl ad nutab daş bakkadan-nana, awəy-du sər-na əlyillas. Wər danaş-ilkem ad nəmmigraz əzzənəf n əşşud ən man wədi. Aşşud ən man amaran wa sər-na du-teway əddənət wər d-itıway tətubt, təsəkamt-net tamattant.

¹¹ Ənəyat iket n əsəbdəd wa kawan-iga əşşud ən man wa ira Məşşina. Əsəbdəd wen ənta a d-ewayan gəleyat ta təgam, d əggaz wa təgam iman-nawan, d alham wa daş-wan iga, əd tasa ta sər-wan d-eway, d əsəddiran wa təgam anay-nin, d əddəguz wa təgam daş amazal n awa olayan, d əggay wa sər-wan d-iga tara n ad əwwaddaban aytedan

win tagganen tækma. Tæssiknam daḡ anamod kul as, wər tælem lahan waliyyan daḡ talḡa tædi.

¹² Daḡ adi širawt ta dawan-in-əktaḡaḡ æddi, wər tat-in-əktaḡaḡ fəl æddəlil n awedan wa igan arak amazal wala was itawagga; kalar æktâḡaḡ-awan-tat-in fəl ad tətawasaknu gälleyat ta tægam daḡ batu-nana dat Mæššina.

¹³ Iknâ adi iman-nana. Amaran ækänni wa ægan man-nana den, iwar-tu as, isidawat-ana wællen anay wa næga Titos ikna tæfalawist fælas ketnawan as das-tæknam iman.

¹⁴ Ægeḡ-as abarag fall-awan, tæqqimam wər di-tæzzæbazam tækarakit. Amaran wər kala a dawan-nænna arat wər næmos tidæt, abarag deḡ wa næga i Titos, ænta da, iqqal tidæt.

¹⁵ Ikn-iwan tara, wællen as d-ikta æbærdæg wa tægam ketnawan y igi n awa inna æd saḡmar aggen wa tu-tæsseknam.

¹⁶ Iket tæfalawist ægeḡ-qat, fælas æfrâḡaḡ a fall-awan saffalla daḡ arat kul.

Širgiten æmosnen tadhælt n ælmæsixitan win æḡræm æn Yerusalem

8

Tadhælt d igi æn tænfa y aytedan

¹ Imædrayan-in, næra a dawan-nagu isalan n arraxmat ta iga Mæššina y Ælkænisaten šin æhanen akal æn Masedonæya.

² Tæssust labasat ta tanat-tæḡrawat, d ællæqqæw labasan wa tanat-idgazan wər dasnat-igdel igi æn tæfalawist s awa tæga daḡ tæzzæwwært, teway-du sər-æsnat igi æn tæhæk n ællællu iknan tæzzæwwært.

³ Fælas silakanax-awan as, arat wa æfragnat a æragnat, fadda awa ækfanat, oḡar awa ælanat, amaran æḡânat awen gar-essanat æd man-nasnat.

⁴ Fadda mansay a daḡ ædgâznat a danax-æganat a tanat-nayyu æḡræwnat arraxmat n ad ædhælnat imizdagan win æḡræm æn Yerusalem æntanay da.

⁵ Arat wa æganat, oḡar was næga attama-net, ad t-imosan as azzarnat tehakkay æn man-nasnat y Æmæli, dæffær adi ækfanat-anax iman-nasnat, imos awen arat ira Mæššina.

⁶ Adi a fæl nædgaz Titos, s ænta a daḡ-wan d-igan æstizarat ad tagim širgiten, a dawan-ilal s ad tassandim æššæḡæl wa, imosan arraxmat.

⁷ Dad zamas tæbbilalam s arat kul: almaḡna tæknâm tæla n æzægzan, tæknâm masnat n awal, tæknâm tæla æn masnat, tæssânám gälleyat daḡ arat kul, tædgâzam daḡ tara ta dawan-næga; wædi arraxmat ta imos igi æn tærgiten da ædgæzat daḡ-as wællen.

⁸ Wər dawan-ganna imos fall-awan æššil igi n adi, kuddeḡ as Ælkænisaten šin hadatnen æknânat tara n igi-net. Kalar tara ḡas a ægeḡ ad æssæna da du-tæqqal tara ta kawan-tæhat.

⁹ Tæssânám daḡ arraxmat ta danax-isækna Æmæli-nana ḡaysa Ælmæsix. Ænta wa n æmæggærgæs, isallaqqaw iman-net fæl æddælil-nawan, fæl a kawan-isæggærgæs kawanay s ælæqqæw-net.

¹⁰ Ænta da ænnæsixa wa dawan-ægeḡ daḡ batu tædi: of-awan ad tæsækkæsæwam arat âs kawanay iman-nawan ad t-issæntan ila adi æmæredða awatay, fælas kawanay a zzarnen s igi-net, kawanay deḡ a t-id-iktan harwa daḡ tizarat.

¹¹ Daḡ adi æmæredða agiwat daḡ æsækkæsæw n æššæḡæl di, æddæguz wa tægam as t-idu-tæssæntam. Ærægat daḡ arat a iqqal wa tælam awas tæfragam širgit-net.

¹² Fælas kud deran issohen ill-ay wædi tæhækkut ad tætæwæqbæl s ælluḡ ewal awen s awa næla wærgæḡ awa wər næla.

¹³ Wærgæḡ agamay a tagga ad æsænflæyax aytedan wiyyad, kawanay amaran ææmmæḡitæraḡ-qawan. Kalar agamay ḡas a tagga ad tænnæmiwæyam.

¹⁴ Æmæredða kawanay a æbbælalnen, immikkan ad tilalam y aytedan win tælaqqawen; as iga adi, as ænnæflæyan a dawan-ilalan æntanay da æzæl wa ad tæmæḡataram. Æmmæk wædi as za tænnæmiwæyam.

¹⁵ Ænnan Ælkættaban: «Awedan wa iššedawan a æggen, wər iššedaw a t-ogaran; wa iššedawan a ændærran, wər ikataytay.»

Batu ta tæqqalat Titos daḡ ænnizam wa n širgiten y Ælkænisat ta n Yerusalem

¹⁶ Æḡḡôdayax i Mæššina a ikfan Titos gälleyat daḡ batu-nawan šilat æn ta daḡ-as ægeḡ.

¹⁷ Fælas wærgæḡ tæreddawt ḡas a iga s arat wa daḡ-as næḡmay, fadda issæwar adi as d-inkar gar-es æd man-net ikk-iwan-in fæl gälleyat a iga daḡ batu-nawan.

¹⁸ Næššedaw-t-in d amadray-nana iyyan âs Ælkænisaten ketnasnat æmmâlmat æššæḡæl wa itaggu daḡ batu n Ælinjil.

¹⁹ Ǝnta deŷ a sannafrannat Ǝlkənisaten y a dər-naŷ iddaw daŷ əşikəl wa za nagu newāy arraxmat ta əmosnat tərġiten ŷin, y a dər-əs annattaf, nassaknu s adi adkul-nana Ǝməli d əddəguz wa nəga daŷ tilalt y aytedan.

²⁰ Təmos tidawt-nana dər-əs ədərreg y a danaŷ-itəwəsəwər lahan a iqqal daŷ talxa n ənnəttaf wa nəga əd təhəkkut zəwwərat ta.

²¹ Fəlas nəgammay awa olaŷan da Ǝməli d aytedan, nəgammay deŷ amazal sər-əs.

²² Meddan win sər-wan in-nəzammazal, nəššedaw-tan-in d amadray-nanaŷ iyyan. Amadray-nana wa, nərām-tu daŷ taklaten aggotnen əs təməwiten aggotnen, faw iglāy, wəllen əmərədda fəl awa dawan-iga daŷ fəllesat.

²³ Daŷ batu ta təqqəlat Titəs, əmidi-nin a imos dər ədrāwaŷ əššəxəl wa dawan-taggaŷ, amaran daŷ batu ən mədrayan-nana win hadatnen win dər iddew, əntanay inəmmuzal a əmosan n Ǝlkənisaten, əšŷəlneŷ gammayan adkul n Ǝlməsix.

²⁴ Daŷ adi, sakniwat-tan tara ta kawan-təhat d əddəlil wa nəla s igi ən baragan daŷ batu-nawan fəl a daŷ-san əkkəsnaŷ Ǝlkənisaten aššak, ənəynat-tan.

9

¹ Daŷ batu ta təqqalat tadhəlt ən mizdagan wər əddərara s a dawan-in-əktəbaŷ ŷirawt.

² Fəlas əssānaŷ daŷ gəlleŷat ta təgam daŷ a dasan-tərəgam, d as əgəŷ y aytedan ən Masedonəya ibaragan fall-awan. Ǝnnəŷ-asan: inalkiman n Ǝlməsix win akal n Akayya harwa naydan ad ərən əsəgli ən tərġiten; fadda əddəguz-nawan daŷ igi ən tərġiten a issəran taššam-nasan ad ərəgan əntanay da.

³ Adi a fəl sər-wan in-zammazalaŷ imədrayan-nana win di, fəl ad wər əqqələn baragan win fall-awan nətaggu awal ən bannan. Ǝnnəŷ-asan as kawan-in-z-asin ŷirġiten-nawan əmmotagnat.

⁴ As wər iga adi, har kawan-in-oseŷ əddewaŷ d arat daŷ Kəl Masedonəya, nos-iwan-in wər təsammatagam; a dana-tabəz təkarakit ən baragan win dasan-əgəŷ fall-awan, amaran kawanay wəllen a za təbəz təkarakit.

⁵ Daŷ adi ənayaŷ as təga addararat s ad əgəmməya daŷ mədrayan-nana win di a di-in-izaran y ad əššidəwan ŷirġiten ŷin as təgam arkawal-nasnaŷ; assaknu adi as təgām-tanat s əlləllu, wərgəŷ əs gərrəz.

Maruzat ta təhat igi ən tənfa y aytedan s ərərəŷan-nana

⁶ Ǝnta da awa əssoka əs batu tədi: Awedan wa inbalan amasa wər nəggət, ad d-aləy tənfa wər nəggət; awedan deŷ wa inbalan amasa aggen, ad d-aləy tənfa tagget.

⁷ Akk awedan akfet awas iga ənnəyat n ad t-akfu daŷ man-net. Ad wər təqqəl təhakkay-net arat imigras, wala imos as əššil; fəlas Məššina ira awedan wa ihakkin əs man ərđānen.

⁸ Amaran Məššina ifrāg a fall-awan d-izəzzəbbət əzzənəfan n arraxmaten aggotnen, fəl a tu-wər-iməl arat a iqqal daŷ alwaq a iqqal as təddiraram, har tawadam igi ən mazalan kul win olaŷnen.

⁹ Adi a fəl ənnan Ǝlkəttaban: «*Ihakku s əlləllu, ihakku ŷiləqqawen; taqqat-net, təŷlāl.*»

¹⁰ Məššina a ihakkin amagyak amasa, ihakku deŷ isudar. Ǝnta deŷ a kawan-z-akfin amasa s iggət, təzzar isəggət tənfa ta du-teway taqqat-nawan.

¹¹ Awalla, Məššina a kawan-isəbbələl daŷ arat kul fəl ad təfrəgam ad tallallem faw daŷ arat kul; awəy-du adi s aytedan win as za nawəy ŷirġiten-nawan igi ən godan i Məššina.

¹² Fəlas ŷirġiten ŷin təgam, wərgəŷ imizdagan win Yerusalām win maddararan ŷas as z'anfinat; kalar ad d-awəynat s aytedan aggotnen igi ən godan i Məššina.

¹³ ŷirġiten ŷin di əntanatay a d-ewaynen əs mizdagan win Yerusalām zazwar ən Məššina fəlas təssiknam əbərdəg wa sər-wan d-eway ləkkum wa təgam y Ǝlinjil n Ǝlməsix, təssiknam-tan deŷ əlləllu əntanay d aytedan sahadan.

¹⁴ As dawan-taggin ŷiwatriwən a dawan-tanat-taggin əs man tədnay tara fəl əddəlil n arraxmat təknāt təzəwwərt ta kawan-ikfa Məššina.

¹⁵ Gudəyatanaŷ i Məššina təhəkkut wər nəla tulat ta danaŷ-iga.

Buləs isasagru ibbillan deŷ fəl əššəxəl-net wa n tišit n anammazul

10

Tanaya ən Buləs

¹ Nak Buləs, nak wa fəl gannin aytedan as: šira šin dawan-in-kattabağ ɣas a dağ əhâla awal, mišan as kawan-əheğ ad əqqəlağ awedan ləmmidan; onsáyaq-qawan fəl udəm ən talmat d əlluğ win iga Əlməsix,

² as, as kawan-in-oseğ, a di-wər-təšəhhəššəlam a kawan-assakna taholat-in awal id otásəğ ad assakna taholat-in awal aytedan win di gannin əddi nakkanay wər nəlkem ar i təla n əddənət. A dawan-ələsa tənna: Ʒgmáya dağ-wan a di-wər-təšəhhəššəlam igi n əmazal di!

³ Tidət a imos as əddənət a nəha, mišan wər nəmməgar fəl awa fəl əmməgaran aytedan win əlkamnen y əddənət.

⁴ Fəlas təzoli tas nəmməgar wər tat-təla əddənət ta, kalar tarna a danağ-ikfa Məššina as nəmməgar; nətadagdağ sər-əs idagga əssohatnen win ittaf Iblis. Nəssân dağ bahutan-net, nəsaftagğ-en.

⁵ Nəzaraz sər-əs tamazağ kul ta təgaddalat y aytedan ad əssənan Məššina. Təzoli tədi da as du-nətabaz imedranan kul n aytedan, fəl ad abbardagan y Əlməsix.

⁶ As təssəknam alkamalat n əbərdəg-nəwan, nəsimatag y ad nawwaddab awedan kul wa n ənəmməzrəy.

⁷ Əswədat dağ awa illan dat şittawen-nəwan, tagrim-tu. Kud awedan a kawan-ihan ikkásan əšsak as Əlməsix a t-ilan; issənət za as, nakkanay da ig-ána Əlməsix təla tədi da a das-iga əddi.

⁸ Wala ad əgeğ ibaragan aggotnen fəl as danağ-ikfa Əməli tanaya, da wər di-z-izzəbəz adi təkarakit. Tanaya ta danağ-ikfa šin a kawan-nəsəssuhət, wərgəğ a kawan-nəjəbbərəjjət.

⁹ Ənnəğ awen fəl ad wər tiğalam šisəksədawen ɣas a dawan-tagga dağ šira-nin!

¹⁰ Id itawannu sər-i: «A kawan-wər-iššəwəš Buləs. Šira-net ši labasnen, əssohatnat, mišan ənta əs man-net as dana-d-osa wər fərur, amaran wər issen awal.»

¹¹ Awedan wa sər-i innan adi, əssənət as, awa din-nəkəttab dağ šira-nana, ənta a za nəmmazal as kawan-in-nosa.

¹² Tidət əs, wər za nəhəl ad nəšišagda iman-nana wala nəšišalen d aytedan win di a dawan-əmmalnen iman-nasan; wər nədəkkəd iman-nasan ar əs man-nasan, šaşağdin değ iman-nasan əd man-nasan. Wər əlen əğərri.

¹³ Nakkanay za, wər za nagu ibaragan fəl aratan win wər nəmos tədagart-nana; amaran wər z'akəyan baragan-nana tədagart ta danağ-ikfa Məššina, a tat-imosan as kawan-in-newad.

¹⁴ İki wa dawan-in-nəga wər imos əsəssikəy fəl awa nətawakfa zun as kawanay wər təhem tədagart ta nəgraw, fəlas kawanay as nazzar nəşğal ɣur-wan, nəmal-awan isalan n Əlinjil n Əlməsix.

¹⁵ Nakkanay wər nətəggu ibaragan fəl əššəğəl ən wiyyad aytedan win əğrawnen tədagart wər nəmos ta nətawakfa nakkanay. Kalar attama-nana nəg-ay dağ-əs, as ittəy əzəgzan-nəwan, a ɣur-wan nagu əššəğəl as z'itizwaran wəllen, da wər nokay tədagart ta danağ-ikfa Məššina.

¹⁶ Almağna ad nəfrəğ igi ən salan n Əlinjil dağ kallan win dənnəg-wan əllanen, naqqam da wər nəga ibaragan fəl awa d-ixsalan dağ əššəğəl iməsan tədagart n awedan iyyan.

¹⁷ Ənnan Əlkəttaban: «I itaggin ibaragan, aget-tan fəl awa iga Əməli.»

¹⁸ Fəlas wərgəğ awedan wa immalan iman-net a igrawan saymar, kalar awedan wa imməl Əməli a t-igrawan.

11

Buləs issinkad-anağ i nəmmuzal win bahu

¹ Arey dağ-wan a dər-i təzəzəydəram! Ad aga arət ən təmətəkwayt n əmməskəl! Awalla, əzmarat y awa z'anna!

² Fəlas əgeğ-awan tara ta n təsmiten, šismiten di da šin d-əfalnen Məššina, id təhâm-i šaššəlan ən tətut əs wər kala a tat-idas ələs, a dər isimarkas ələs iyyanda, a t-imosan Əlməsix, amaran nak a das-isamarkasan dər-əs.

³ Mišan əksudağ ad təwərkəbnat taytəwen-nəwan əs təsədək iyyat, tammazzayam d əlyibada wa təgam Əlməsix s əwəl iyyanda [əd man zaddoggen], itəwəgg-awan ətəwəəxrak wa iga məlul Xawa əs təkərras-net.

⁴ Fəlas as kawan-in-osa awedan iyyan ig-awan isalan ən Ʒaysa iyyan wər nəmos was dawan-nəga isalan-net, madeğ təgrəwam infas iyyan wər nəmos Infas wa Zəddigan wa təgrawam, madeğ ag-awan isalan n əlinjil iyyan wər nəmos wa təqbalam, tarmād as das-taknim tərəddawt s awen.

⁵ Dər iga awen da za, wər çur-i iga as ill-ay arat as di-ogaran nəmmuzal-nawan wər nəla tulat win di.

⁶ Amaran kud awal wər ələx madas-net, masnat ənta, ələq-qat wəllen; nəssikn-awan-tat daç əkkulluk n arat s əmmək kul.

⁷ Awak abakkad a əgeç as əssarasax iman-in fəl a kawan-əzzəzwəra kawanay s amel wa dawan-əgeç isalan n Əlinjil ən Məşşina wər kawan-əzzərzama wala?

⁸ Oçe-du Əlkənisaten şin hadatnen əs tədhəlt ta di-əganat s awas əddərara daç əşşəçəl wa dawan-əgeç.

⁹ Alwaç wa çur-wan əlle, wər kala əqqalaç i waliyyan daç-wan əzuk as maçatara s arat, fəlas imədrayan-nana win d-əfalnen akal ən Masedonəya a di-əkfanen awas əddərara. Əgdəlaç i man-in tişit n əzuk i waliyyan daç-wan daç əkkulluk n anamad, amaran ad agla daç igi n adi.

¹⁰ Agamad wa iga aşşak tidət n Əlməsix ta di-təhat, ənta a iga as, wər iha awedan imədlan n akal n Akaya ifrəgan a di-igdəl igi n abarag wədi!

¹¹ Ma fəl əgeç adi? Awak iha ən tara-nawan? Məşşina issən as areq-qawan!

¹² Arat wa tagga da amaran, ad agla daç igi-net, fəl ad əgdəlaç igi ən baragan y aytedan win əranen ad əgrəwan tarrayt n ad annin əşşəçəl-nasan wər izlay əd wa-nana.

¹³ Fəlas meddan win di, inəmmuzal ən bahu a əmosan, əmosan deç imaşşaxalan ən məkkəddal, sakninen as inəmmuzal n Əlməsix a əmosan.

¹⁴ Wər iqqen adi eçaf, fəlas wala Aşşaytan itaggu iman-net angalos n ənnur itəggin tidət.

¹⁵ Daç adi aytedan win das-əşçalnen wər isammaklal ad agin iman-nasan zun maşşaxalan sasaxrinen aytedan taçqat. İlkâm ad əgrəwan awa dər əhoran mazalan-nasan.

Alçazab wa iga Buləs daç tişit-net anammazul

¹⁶ A dawan-ələsa tənna, ad wər içal awedan waliyyan nak əmeskel. Mişan, kud əmeskel a di-təgam, təzməram-i, awa tətəggim y əmeskel, fəl ad agaç arat ən baragan-in nak da.

¹⁷ Arat wa ənne da, wərgeç arat as d-inna Əməli ad t-anna, kalar abarag adi, a di-təsisaga tulat-in d əmeskel.

¹⁸ Dad zamas əggətan aytedan win tagginen ibaragan fəl awa itaggu əggadəm daç əddənet, nak da, ad agaç ibaragan.

¹⁹ Fəlas kawanay win malan ən tayttay, təzməram i məskelan, isidawat-kawan adi!

²⁰ Təzməram y i kawan-igan eklan, madəç açu awa təlam, təzməram y i daç-wan tat-igən əs təkərras-net, madəç assakn-iwan məlka, madəç iwət-kawan daç udəm.

^{21a} Isikarakad-i as, əlləqçəw-nana nakkanay, igdəl-ana a dawan-nagu aratan şilat ən win di.

^{21b} Dər iga awen da ya, arat a iqqal as ihal awedan a fall-as agu abarag, nak da, əhələç a fall-as agaç abarag. Batu ta əge da şilat n as ig-et əmeskel.

²² Kud Kəl-Çibri a əmosan, nak da, əmosaq-qu. Kud Kəl-İsrayil a əmosan, nak da, əmosaq-qu.

²³ Kud imaşşaxalan n Əlməsix a əmosan, oğaraq-qan tişit-net. Batu ta əge da şilat n as ig-et əmeskel. Kud alçazab a əgan, oğaraq-asan-tu; kud kasaw a əggazan, oğaraq-qan iguz-net; kud şiwwit a tawaggan, oğaraq-qan ətəwənça; kud deç tazak ən tamattant a əggazan, oğaraq-qan iguz-net.

²⁴ İwəddiban səmmos a di-əgan Kəl-Əlyəhud, s akk iyyan əkkozat təmərwən ən tawatay daç aba iyyat.

²⁵ Karadat tənəçq a di-əgan Kəl-Ərrum s ələkkud, taklat iyyat əgmayan aytedan əd tanaxay-nin kərəz əs təğur ən təhün, karad əçşudan da tənəmazray a dər-i iga əçlal n aman. İdäs-i deç as əgeç ahad iyrədan d əzəl daç ammas n agaraw əbukən aman a di-ətşin.

²⁶ Əgeç işikilan əgğotnen. Əgğəzaç alçarar n adi əbətən aman ən təsəssəngay şin raddaxa madəç əgrəwan-i narkaban. Əgğəzaç alçarar daç aytedan win-da-nin ən Kəl-Əlyəhud əd win tan-wər-nəmos. Əgğəzaç alçarar daç çərman əd saffan. Əgğəzaç alçarar n a di-atşu agaraw. Əgğəzaç deç alçarar daç aytedan win ganninen əs bahu əmosan imədrayan-in daç əddin.

²⁷ Əzdəyay əşşəçəl iha alçazab əd talawayt, d əmikər n etəs əggen. Əzdəyay gələk əd fad, əyyəwana deç əzum. Əzdəyay taysəst n asamed əd zəlləm.

²⁸ Adi ketnet, iwər-tu əddəçuz wa əgeç akk əzəl daç masnat ta əgəç daç Əlkənisaten kul.

²⁹ As daγ-asnat irkam awedan, a di-idəs rəkkəm-net nak da; as daγ-asnat d-eway awedan s əmidi-net igi n abakkad, ad tarγu temsay daγ man-nin.

³⁰ Kud əššil a fall-i imos igi ən baragan, wədi aratan win sakinen rəkkəm-in a fəl tan-z-aga.

³¹ Issân Məššina di n Abba n Əməli Ƴaysa as, wərge bahu a əgeγ. Attamalet esəm-net har faw.

³² Aləs wa izzozar əmənokəl Arestas y əγrəm ən Damas, kala ad omar meddan s ad əbdədan daγ mawan n əγrəm fəl a di-əbəzan.

³³ Mišan tawagga daγ azmam zəwwəran, tawasarasa əs fənetər ihân aγalla wa iγlayan aγrəm, əddərragay-as.

12

Targət ən Buləs əd təsasmit ta təhat taγəssa-net

¹ İlzâm-i igi n abarag. Kud wər infa igi-net wala da, ad aγlay əmmâlay-awan aratan win di-issəkna Əməli əd win di-isannafalal.

² Əzdâyay ələs iyyan osâyan d Əlməsix as kala ad immədkal har osa əjənna wa n əssa. Wər əssenay kud taγəssa-net a təmmədkalat den, wala deγ iman-net Ƴas a əmmədkalnen, Məššina Ƴas a issanan. İla adi əmərəddə maraw elan d əkköz.

³⁻⁴ Awalla əssânay as ələs wədi, immidkal har osa aljannat, isla daγ-as awalan simaklalen as wər ifreg awedan emel-nasan daγ awal waliyyan, wala deγ xalal amel-nasan. Wər əssenay kud, taγəssa-net a təmmədkalat den, wala deγ iman-net Ƴas a əmmədkalnen, Məššina Ƴas a issanan.

⁵ Ad aga abarag fəl awedan wədi, mišan wər tu-z-aga fəl man-in. Rəkkəm-in Ƴas a fəl z'aga abarag.

⁶ Amaran kud areγ igi ən baragan, da wər di-iga adi əmeskel, fəlas tidət a z'anna. Mišan ad ammazaya d igi-nasan id wər areγ a di-ittəf awedan waliyyan daγ adag ogaran wa daγ-i əgan mazalan-in d awa ganna.

⁷ İsnafalal-i Məššina aratan əganen adkul wər nələ əddukad, adi a fəl di-igdal adakal ən man-nin s igi wa iga daγ alam-in əšənnan, imosan ənammazul n Aššaytan a di-izayzabban fəl ad wər ədkelay iman-nin.

⁸ Karad gamayan daγ tanamazray a əgeγ daγ Əməli a di-izəmməzzəy dər-əs.

⁹ Mišan inn-i: «Təgd-ək arraxmat-in; fəlas tarna-nin, rəkkəm a daγ tətəggu ənəfiləl wa ikmalan.» Daγ adi isaddawat-i igi ən baragan fəl rəkkəm-in, fəl a daγ-i təzdəγ tarna n Əlməsix.

¹⁰ Adi a fəl di-isaddawat rəkkəm, əd tərəbbad, d alƳazab, d ətəwədgaz, əd təməγutar fəl əddəlil n Əlməsix. Fəlas alwaq wad ərkama, ənta a daγ əssoheγ.

Awa idgazan Buləs daγ batu ən Kəl-Korent

¹¹ Təšahhaššalam-i əmazal imosan igi ən baragan əs əmeskel Ƴas a t-itaggin; ənta kəwanay as ihor a fall-i təsanamalam, fəlas kud wər əmosay arat da, wər di-ogeran nəmmuzal-nawan wər nələ tulat win di.

¹² AlƳalamaten ən tišit-in anammazul wa n tidət tiwagganat gar-ewwan əddəwnat əd zəmmerat, igâ awen s alƳalamaten əd təjujab əd təlməγjūjaten.

¹³ Arat iyyanda Ƴas a Ƴur-wan wər əgeγ, əs Əlkənisaten šin hadatnen əgeq-qu Ƴur-əsnat, a t-imosan as wər daγ-wan əgmaya tadhəlt waliyyat. Surəfat-i-id ark amazal wədi!

¹⁴ Əmərəddə simâtağa y a dawan-in-agay assa wa n karad, amaran wər dawan-z-əqqələy əzuk; fəlas wər gəmməyay awa təlam, kalar kəwanay a gammaya. Wərgeγ bararan a iwar ad assansin arat iyyan i marwan-nasan, kalar imarwan a iwar ad assansin arat i bararan-nasan.

¹⁵ Nak za, isidawat-i a fall-awan akfa təla-nin kul, akfa harkid man-nin fəl əddəlil-nawan. Awak da dawan-əge tara togdət d awa, ad ifnaz adi ta di-təgam kəwanay?

¹⁶ Təssānam as wər dawan-əmosay əzuk, mišan təgannim əməkkerrəs a əmosay, əgeq-qat daγ-wan əs təkərras-in.

¹⁷ Məni təməwit tas kəwan-əkkərrasay? Awak iyyan daγ meddan win kəwan-in-əssoka a daγ-wan itšan arat?

¹⁸ Nak a onsayan Titəs əgmaya daγ-as a kəwan-in-akku, əššədawaq-q-in d amadray-nana daγ əddin wa təzdayam. Awak arat iyyan a daγ-wan itša Titəs? Awak wərgeγ nak dər-əs tarrayt iyyadda as nəlkam s ənəyat iyyadda? Awak wərgeγ almasal iyyanda as nəlkam?

¹⁹ Awak tədma a təgam, awal ketnet wa əgeγ daγ batu ta, agamay a sər-əs nətaggu aggaz daγ-wan iman-nana? Kala! Dat Məššina ad nəşawal, əs tarrayt ən tassaq-nana

d Əlməsix. Amaran, imaran-nana, əssənət as arat kul wa nətəggu tənfa-nawan a fəl tu-nətəggu.

²⁰ Əksudağ a kawan-in-asa wər oggema tağara-nawan, kawanay dəx, wər toggemam ta-nin; əksudağ as mijas əllanət-tu tamazağən gar-ewwan, əd manjağ, d aššar, d əzğən, əd tənawən, d ədkul ən man, əd tənajarwayat, wər təgəmməyam ar tənfa ən man-nawan.

²¹ Əksuda dəx a kawan-in-asa iləs-i Əməli-nin Məššina əzəbəz ən təkarakit çur-wan; əksudağ ad əxşədan man-nin, fəlas wiyyad dağ-wan aggotnən a wər nəmməzay d igi ən bakkadan win as kala a tan-taggin, wər ətuban dəx dağ igi ən mazalan samadasnən win taggin, d igi n əzzəna əd mazalan zizallatnən win taggin.

13

Igi daw açağ d əsəmmutəg y əşikəl wa n karad

¹ İki-nin y-awan wa n karad awa. Ənnan Əlkəttaban: «*Tağtəst kul, təgəyya n əššin aytedan madəx karad a tat-isisuhen.*»

² Çur assa-nin y-awan wa n əššin, əssinkadağ aytedan win di wər nəmməzay d igi ən bakkadan, əntanay d aytedan kul win hadatnən. Əsənkəd za wədi da a dawan-əgeğ əmərədda harwa da əgguga, əs: As kawan-in-oseğ wər t-illa awedan itaggin ibakkadan, as z'aqqamin wər iwwəddab

³ dad zamas təgəmməyam a dawan-attaddu as Əlməsix a sər-i išşewalan. Amaran Əlməsix wər kawan-issəkna iba ən fərregat n arat, kalar issikn-iwan təlāt-net tarna.

⁴ Fəlas illikan as irkam alwağ wa dağ itawataytay fəl təgəttawt, mišan iddar-du əs tarna ən Məššina. İllikan dəx as nakkanay da nərkam fəl əddəlil ən tassağ ta nəga d Əlməsix, mišan əs tarna ən Məššina ad nagu təməddurt ta iga Əlməsix, fəl əddəlil n əšşəğələn win dawan-nətəggu.

⁵ Şagğarat iman-nawan, təssənam kud tidət dağ əs təzzigzanam! Ərəmat iman-nawan! Wər təssənam as Çaysa Əlməsix iha iman-nawan? Məğ əzəgzan-nawan a wər nəzmer i şagğara!

⁶ Amaran əgeğ attama-nin dağ as, ad tənəyam tərđim dəx s as, nakkanay da nənjâx dağ şagğara wədi, issiknağ as nakkanay inəmmuzal win tidət a nəmos.

⁷ Nətəttar əs Məššina a dawan-igdalən igi ən təkma waliyyat. Wər dawan-nətəttər fəlas nənjâx dağ əšşəğəl wa çur-wan nəga, kalar fəl tara n ad tağim awa olağan, kuddeğ as itiwattaf as nakkanay wər nənjex.

⁸ Fəlas wər nəfreg əməzrəy ən tidət, kundaba ças tēbadday fall-as.

⁹ İsilawas-ana rəkkəm wa nəga, ənta kawanay təssəhem. Awalla nətəttar a iknan tēbadday-nawan dağ əzəgzan.

¹⁰ Adı a fəl dawan-in-kattaba harwa da əgugağ-çawan, fəl ad wər addarara s a dawan-aga ərruğmatan əsəsnən as kawan-in-oseğ, fəlas tanaya ta di-ikfa Əməli fall-awan, ikf-i-tat fəl ad əşğəla dağ anamod wa kawan-z-issukin afalla, wərgəğ wa kawan-z-ijəbbərəjjen.

Təsəxtəmt: Ənnəsixatan d assalaman win tēzərət

¹¹ Əmərədda, imədrayan-in, fəliwəsət! Əqqələt aytedan əkmələn; tinəməgginən ənnəsixatan; tənimanakam gar-ewwan. İməlet əlxer gar-ewwan. Əddi a dağ-wan issən Məššina di ihakkın tara d əlxer.

¹² Tinəməgğat assalam zəddigan. Əhulan-kawan-in mizdagan kul win əllanən da da.

¹³ Əgməya dağ Məššina a kawan-ikfan ketnawan arraxmat n Əməli-nana Çaysa Əlməsix, əd tara ta n Məššina əd tassağ n İnfəs wa Zəddigan.

Şirawt ta iktab Buləs i Kəl-Galatəya

İsənti

Təhult

¹ Şirawt a din-təfâlat Buləs imosan anammazul a du-wər-zammazalan aytedan, wala deş izimazal-t-id awedan waliyyan. Kalar Məşşina di n Abba s ənta a d-issənkaran Ƴaysa daş təməttant, əd Ƴaysa Əlməsix iman-net a di-du-zammazalnen.

² Nahul-in Əlkənisanen şin n akal ən Galatəya nak harkid mədrayan-in win şur-i əllanen.

³ İg-awan Məşşina di n Abba-nana d Əməli-nana Ƴaysa Əlməsix arraxmat d alxer.

⁴ Ƴaysa Əlməsix ənta a ikfan iman-net fəl a danaş-əgəz daş bakkadan-nana, ixləs-ana deş daş talbast n əddənet ta n əmərədda, inimannak awen əd tara ən Məşşina di n Abba-nana,

⁵ a ilan tanaya har faw! Amin.

Əlinjil iyyanda

⁶ İqqan-i əşaf wəllen əsətrəb wa təgam agamad ən batu ən wa kawan-d-işran əs tarrayt n arraxmat ta d-eway Əlməsix, təkamam y əlinjil iyyan ən bahu.

⁷ Əssənət əs wər t-illa əlinjil waliyyan ar wa dawan-əmələ. Aytedan şas a t-əllanen a kawan-şawaşnen, saşraşan Əlinjil n Əlməsix.

⁸ Amaran i igan isalan n Əlinjil wər nəmos win dawan-nəga, gər nakkanay iman-nana wala angalos a d-ifalan ijənnawan, wədi itəwəlxənet!

⁹ Arat wa ənneş-awan-tu kala da, amaran a dawan-t-ələsa tənna əmərədda: As dawan-iga awedan iyyan isalan n Əlinjil wər nəmos win as təslam təşbalam-tan, wədi itəwəlxənet!

¹⁰ Ma tənnam: Awak əmərədda aytedan a daş gammaya saşmar meş Məşşina? Awak aytedan as gammayaş a dasan-əgrəza? Ənnar harwa da gammaya a di-iren aytedan, wər z'əqqələş akli işbâdan Əlməsix.

Buləs ibillan fəl Əlinjil

Təməwit tas iqqal Buləs anammazul

¹¹ Arat da was areş a daş-as təssənam imədrayan-in: Əlinjil wa əmmala, wər d-ifel aggadəm.

¹² Fəlas nak iman-in da wərgəş aggadəm a di-t-ikfan wala deş isisaşr-i-tu. Kalar Ƴaysa Əlməsix iman-net as di-t-isannafalal.

¹³ A igan da təslâm alxal-in dat awa harwa ad əheş əddin wa n Kəl-Əlyəhud. Azzaman di əkneş wəllen əssus n Əlkənisanat ən Məşşina, gammaya d əhluk-net.

¹⁴ Harwa ad əheş əddin wa n Kəl-Əlyəhud, oğaraş kəl-tawşet-in aggotnen win jəytan-in əddəguz daş əddin, fəlas gəlleşat tagget a əgeş daş ləkkum y alşadət ən marawan-in.

¹⁵⁻¹⁷ Məşşina a di-isannafranən, harwa da aheş tadist n anna-nin, işr-i deş s arraxmat-net y ad t-əşbada. Amaran assaşa wa das-igraz a di-isənnəfiləl Barar-net fəl ad əmələş isalan-net a tan-imosan Əlinjil y aytedan win wər nəmos Kəl-Əlyəhud, assaşa wədi daş ad əkkeş Arabəya, dəffər adi əqqala-du Damas, da wər əşşəwwaraş awedan waliyyan, za wər əşşəzzaya əs Yerusalam y ad əssuməra tanat meddan win di-azzarnen tişit ən nəmmuzal.

¹⁸ As əgeş karad elan dəffər awen, əkke Yerusalam fəl ad ammanayaş əd Qayfas nəməzdəya dər-əs, əgeş şur-əs maraw adan əd səmmos.

¹⁹ Wər ənaya waliyyan daş nəmmuzal win hadatnen. Yaşub wa n amadray ən Ƴaysa, di n Əməli-nana, şas a ənaya.

²⁰ Silakanaş-awan dat Məşşina as, isalan win dawan-in-kattabaş da, wər əmosan bahu.

²¹ Əgmada Yerusalam əkkeş amaşal wa n Surəya əd wa n Kilikəya.

²² Alwaş wədi aytedan n Əlkənisanen şin Yahudəyya, wər di-əzdayan.

²³ Əslən şas əs: «Aləs wanad a danaş-iknan əssus da, əmərədda itaggu isalan n Əlinjil was kala ad ira əjəbbərəşji-net.»

²⁴ Arat wen eway-du sər-san igi ən təmalen i Məşşina daş batu-nin.

2

Buləs əd nəmmuzal win hadatnen

¹ As əgan maraw elan d əkkoz dəffər awen əlasa əgəzzəy əs Yerusalām nak əd Barnabas, əddewa dəx əd Titəs.

² Məşşina a di-d-isannafalalan as iwar-i iki ən Yerusalām y a daχ-as əmələy Isalan n Əlinjil win tagga y aytedan win wər nəmos Kəl-Əlyəhud. Arat wen amaran əkneq-qu wəllən emel i muzaran n Əlkənisanət ən Yerusalām win ogarnen ətəwəsəχmar, fəl təksəda n ad əbbannan əşşəχəl wa əgeχ əd wa z'aga dəffər awa.

³ Əqbalan-i nak əd Titəs a dər əddewa, imosan iyyan daχ Kəl-Əlyunan, s əmənəkəd da wər immənəkəd.

⁴ Awen wər t-igdel iguz wa danaχ-əgan məzzəgzan ən bahu wər nəmos arat daχ-na, kalar iguz χas a dana-d-əgan fəl ad əssənan əmmək was nəşaşχal tədərfit ta danaχ-ikfa Əlməsix Yaysa. Ərân a danaχ-əssuxəlan əkkəlu wa nəga daχ əşşəriχa wa n Əttawret.

⁵ Mişan aytedan win den wər dasan-nəga wala arat n amazay ən tərəddawt s awa aran. Arat wen nəg-ay fəl aggaz y-awan tidət ta n Əlinjil.

⁶ Aytedan amaran win ogarnen ətəwəsəχmar - wər əzlaya daχ awas kala ad t-əmosan: Məşşina wər itəggu təmərit! - Aytedan win tawasaχmarnen en, wər di-şahhaşşalan wala.

⁷ Kalar əgran-in as isalan n Əlinjil tiwaggan-du daχ əfus-in y a tan-əməla y aytedan win wər nəmos Kəl-Əlyəhud, zund əmmək as tawaggan daχ əfus ən Butros y tan-əgu y aytedan win Kəl-Əlyəhud.

⁸ - Məşşina ikfa Butros fərregat n ad iqqəl anammazul-net əs Kəl-Əlyəhud, nak amaran ikf-i fərregat ən tişit n anammazul-net s aytedan win wər nəmos Kəl-Əlyəhud.

⁹ Yaqub əd Qayfas əd Yaxya itiwassannen daχ tişit ən təgəttawen n Əlkənisanət əgran-in arraxmat ta di-tətawaggat, əqbəlan-ana nak əd Barnabas əssəknan-ana tassaχ ta gər mədrayan. Əmmək en da as əqbalan as nakkanay ad nakku aytedan win wər nəmos Kəl-Əlyəhud, əntanay amaran akkin Kəl-Əlyəhud.

¹⁰ Əgməyan daχ-na χas ad nəkittəw şiləqqawen. Arat wen amaran nak ədgəza daχ igi-net.

¹¹ Mişan assaχa wa d-osa Qayfas aχrəm n Antəyoxəya, əşşewala fall-as udəm s udəm id tidət a wər iga,

¹² fəlas dat assa n aytedan wər nəggət win d-əşşokalnen χur Yaqub, idarraw imensewan d aytedan win wər nəmos Kəl-Əlyəhud; mişan as t-in-osan aytedan win, igaz şin n awer n aganna, fəl təksəda n əlməsixitan win as ələsəl-nasan Kəl-Əlyəhud zizawatnen daχ alχadaten n Əttawret.

¹³ Kəl-Əlyəhud win hadatnen n əlməsixitan əntanay da əgan awen da, əχbaran arat was əzzəgzanan zun awa iga Qayfas, har as Barnabas iman-net da ilkam i təmənufəqanasan.

¹⁴ Mişan assaχa wad ənayəχ as wər zalalaχan daχ ləkkum i tarrayt ən tidət ta n Əlinjil, ənnəχ i Qayfas dat mədrayan-nana kul: «Kay was imos ələsəl-nak ag Əlyəhud, təgeχ təməddurt tolat əd ta n awedan wər nəmos iyyan daχ Kəl-Əlyəhud, toyyeχ tarrayt ta n Əttawret. Daχ adi manəmmək as za təşəhhəşşəlay aytedan win wər nəmos Kəl-Əlyəhud ləkkum y alχadaten n Əttawret?»

Aytedan kul əgrawan taqqat s əzəgzan əs Yaysa Əlməsix

¹⁵ Nakkanay as imos ələsəl-nana Kəl-Əlyəhud, wər nəmos «inasbakkadan» şila n aytedan win wər nəssen Məşşina.

¹⁶ Dər iga awen da əggadəm wərgəχ ləkkum i tarrayt ta n əşşəriχa wa n Əttawret a t-ihakkin taqqat χur Məşşina, kalar əzəgzan əs Yaysa Əlməsix. Awen da a fəl as nakkanay da nəzzəgzan s Əlməsix Yaysa fəl ad nəgrəw taqqat s əzəgzan s Əlməsix wərgəχ əs ləkkum y əşşəriχa wa n Əttawret. Awalla wər t-illa awedan waliyyan a z'igrəwan taqqat χur Məşşina əs ləkkum y əşşəriχa wa n Əttawret.

¹⁷ Mişan as imos as, daχ agamay wa nətaggu taqqat əs tərətət n Əlməsix, itawanay-du as nakkanay da nətaggu ibakkadan win taggin aytedan win wər nəmos Kəl-Əlyəhud, daχ adi Əlməsix a danaχ-illilan s igi n abakkad? Kala Kala! Wər ilkem ad iga adi!

¹⁸ As əlasəχ akaras n awa jabbarajjəχ a t-imosan tarrayt ta n ləkkum y əşşəriχa wa n Əttawret, ad sənnəfiləlay as nak ənəmmezrəy a mosa.

¹⁹ Nak əssəbab n əşşəriχa a fəl əmməzzayəχ əd təməddurt ta ihakku əşşəriχa. Arat wen kul iga fəl ad iqqəl as təməddurt-in tartəyt əd Məşşina a daχ təga. Nak ab-i fəl təgəttawt əddewəχ d Əlməsix.

²⁰ Əddāra mişan ab'as imos as nak a iddaran, kalar Əlməsix a iddaran iha iman-nin. Əmərədda təməddurt-in ta n tişit n əggadəm, əgeq-qat s əzəgzan əs Barar ən Məşşina as awa di-iga daχ tara, iman-net a ikfa aba-tu daχ adag-in.

²¹ Dağ adi wər z'ugəya s ad əqbəlağ arraxmat ən Məşşina əqqəla-du tarrayt ta n ləkkum y əşşərixa wa n Əttawret, fəlas ənnar ləkkum y əşşərixa a ihakkin taqqat çur Məşşina, wədi Əlməsix bannan as t-aba!

3

Əzəgzan a igarrawan arkawal

Tarrayt ta n əzəgzan meç ta n əşşərixa?

¹ Xa Kəl-Galatəya win aljahilan! Ma işwan tayttay-nawan? Awak wərgeç dat şittawen-nawan a dawan-təbbəyyan təmattant ən Yaysa Əlməsix fəl təğəttawt ta fəl itawataytay?

² Əsəstan iyyanda ças as areç a dawan-t-aga, a t-imosan as: Awak ləkkum y Əşşərixa wa n Əttawret a kawan-ikfan Infas wa Zəddigan, meç əzəgzan wa təgam əs salan n Əlinjil win as təslam?

³ Awak igrâw-kawan iba n tayttay oğdân d adi? Awak dəffər as təssintam əs mazalan win ləkkum y Infas ən Məşşina, tara a təgam əmərədda ad tassandim əs mazalan win təgam kawanay iman-nawan?

⁴ Awak aratan win təjjerabam dağ təməddurt-nawan kul əqqəlan bannan? Wər t-illa əmmək as z'abbannan!

⁵ Tehakkay ta kawan-iga Məşşina Infas-net di Zəddigan, iga dağ-wan deç təlməçujjaten, awak ləkkum-nawan y Əşşərixa wa n Əttawret a fəl dawan-iga awen, meç əzəgzan-nawan əs salan n Əlinjil win as təslam?

⁶ Aktiwat-du awa ənnan Əlkəttaban s ənnəbi İbrahim as ənnan: «*Izzəgzan əs Məşşina, awen dağ a fəl t-ikfa taqqat.*»

⁷ Dağ adi əssənət as aytedan win əzzəgzannen əs Məşşina əntanay a mosnen bararan n İbrahim.

⁸ Fadda Əlkəttaban ənnân harwa dat əzəl: Aytedan win wər nəmos Kəl-Əlyəhud, əssəbab n əzəgzan-nasan a fəl z'iqbəl Məşşina taqqat-nasan. Awen dağ a fəlas Əlkəttaban əmālan isalan n Əlinjil win y İbrahim a irəwan as ənnan: «*Ad əgrəwnat tawşeten kul n əddənət albaraka s əssəbab-nak.*»

⁹ Emmək en dağ as aytedan win əzzəgzannen əs Məşşina, əntanay a z'əgrəwnen albaraka wa igrəw əməzzəgzən İbrahim.

¹⁰ Amaran aytedan win safallanen fəl ləkkum-nasan y əşşərixa wa n Əttawret, win di təsəlkat-nasan tulçant, fəlas ənnan Əlkəttaban: «*Təwəret tulçant awedan kul wa wər nəbbərdag faw y əşşərədan kul win əktabnen dağ Əttawret.*»

¹¹ Dağ adi wər t-illa awedan igrâwan əs ləkkum-net y əşşərixa taqqat çur Məşşina fəlas a ənnan Əlkəttaban: «*Awedan wa oçadan dağ tarrayt ta n əzəgzan a igarrawan təməddurt taynayət.*»

¹² Amaran əşşərixa wər idrew əd zagzan wala. Kalar ənnan Əlkəttaban: «*Əşşərixa ənta a z'akfin təməddurt y aytedan win d-əssəndanən əşşərədan-net.*»

¹³ Əlməsix ikkas-ana-du dağ tulçant ta danax-issəwar əşşərixa wa n Əttawret, idkal-tat dağ adag-nana, id Əlkəttaban a ənnanen: «*Təwâr tulçant awedan kul wa itawaşalayan aşək.*»

¹⁴ Arat wen ig-ay Əlməsix Yaysa fəl ad iqqəl tarrayt y aytedan win wər nəmos Kəl-Əlyəhud y ad əgrəwan dağ albaraka n İbrahim, nəgrəw ketnanax əs tarrayt n əzəgzan Infas was iga Məşşina arkawal-net.

¹⁵ Imədrayan-in, a dawan-aga almasal s arat taggin aytedan: As iktab awedan imateran-net əs təməwit təlkāmat y əşşərixa, wər t-illa i ifragan a dər-san d-iqqəl dəffər adi gər za y a dağ-san ifnəz arat wala a dağ-san t-işşitu.

¹⁶ Amaran İbrahim d əzzurrəyya-net as iga Məşşina arkawālān. Wər itawanna: «y əzzurrəyyatan-net», zun as ila əzzurrəyyatan əgğotnen, kalar iyyanda ças, fəlas a das-itawannan: «*əzzurrəyya-nak*», almaçna Əlməsix.

¹⁷ Dağ adi ənta da awas areç tənna-net: Arkawal ən tassaç iga Məşşina kala da, wər tu-z-imos əşşərixa wa n Əttawret a d-osân əkkozat təmad n awatay əd karadat təmərwən dəffər awen, iqqəl as arkawal wen ab'as t-illa.

¹⁸ Amaran as iqqəl as əşşərixa a ihakkin təkāsīt ten, adi za ab'as imos as arkawal wa iga Məşşina y İbrahim a işçalan. Arkawal wen amaran, tarrayt-net as iga Məşşina arraxmat-net y İbrahim.

Tassaç d Əlməsix

¹⁹ Dağ adi mafel osa-du əşşərixa wa n Əttawret? Əşşərixa wa itiwaşata-du fəl a dutumman təmazrəyt n aytedan iket di a d-itawad əzzurrəyya n İbrahim s ənta as iga

Məşşina arkawal. Əşşərixa wen izzibbat-du əs tarrayt n angalosan, amaran aggadəm a imosan əməşşewəl dağ batu ten.

²⁰ Əməşşewəl amaran wər sər-əs təga addararat ar s ad t-illa awedan iyyan was z'ışsiwəl, Məşşina amaran nəssan as ɣas-net a imos.

²¹ Awak almaɣna n awen as əşşərixa immizray arkawalan ən Məşşina? Kala Kala! Wər ilkem ad iga adi! Fəlas ənnar d-itiwakfa əşşərixa iyyan ihakkan təməddurt taynayt, wədi illikan as ləkkum y əşşərixa as za tətəwəgrəw taqqat.

²² Kalar Əlkəttaban əməlan əs arat ketnet ila fall-as abakkad tarna fəl ad iqqəl əs: Arat was iga Məşşina arkawal-net kundaba inda fəl məzzəgzan, fəl əddəlil ən təlxudəla ən ɣaysa Əlməsix.

²³ Dat assa ən tarrayt ta n əzəgzan, ig-anax əşşərixa iməskəsa, ittaf-ana har d-ewad alwaq wa dağ danax-isannafalal Məşşina tarrayt ta n əzəgzan as irəw təzay-du.

²⁴ Dağ adi əşşərixa a danax-isassayadan har d-osa Əlməsix, fəl ad nəgrəw taqqat əs tarrayt ta n əzəgzan.

²⁵ Amaran dad zamas tarrayt ta n əzəgzan tosa-du, wədi ab'as danax-isassayad əşşərixa.

²⁶ Fəlas ketnawan as təmosam bararan ən Məşşina s əssəbab n əzəgzan wa, dağ tassağ d Əlməsix ɣaysa.

²⁷ Awalla, ketnawan win tawasalmaɣnen dağ aman dağ tərətət d Əlməsix, Əlməsix en da a iqqalan zun telassay-nawan ta taynayt.

²⁸ Ab'as əzlayan Kəl-Əlyəhud, wala Kəl-Əlyunan, wala eklan, wala ilallan, wala əzləyan meddan əd tədoden, fəlas ketnawan awedan iyyanda a təmosam dağ tassağ d Əlməsix ɣaysa.

²⁹ Kud Əlməsix a kawan-ilan, wədi bararan n İbrahim a təmosam, təmosam iməkkusa-net əs tarrayt n arkawal wa das-iga Məşşina.

4

¹ Arat da was arex a dawan-t-anna: Amakkasu, iket mədrəy wər izlay d əkli, kuddey as ənta a ilan arat kul.

² Aytedan win dər-əs ənnəttafnen əd win ənnəttafnen əd təɣawšiwən-net as ilkam i tanat-nasan iket wər d-ewad alwaq wa imal abba-net.

³ Nakkanay da harwa ad nəmədrəy, wər nəlkem ar y əşşərədan win as təgla əddənət, nəmos zun eklan-nasan.

⁴ Mişan as d-ewad alwaq wa iskat Məşşina y awen, issəgla-du Barar-net, iggaz-du əddənət əs tarrayt ən təntut, ilkam y əşşərixa wa n Əttawret,

⁵ osa-du fəl ad isəddərfət aytedan win əmosnen zun eklan n əşşərixa. Osa-du dey fəl a danax-akfu tarrayt n a danax-iqbəl Məşşina dağ tişit ən bararan-net.

⁶ Amaran tişit-nana bararan ən Məşşina, ənta a fəl d-iga Məşşina dağ wallan-nana İnfəs ən Barar-net. İnfəs en da a idkalan əməslı igannu: «Abba! Abba!»

⁷ Dağ adi ab'as təmosax əkli, kalar barar ən Məşşina a təmosa. Amaran dad zamas təmosa barar ən Məşşina, wədi a kay-akfu Məşşina arraxmat tas iga arkawal-net i bararan-net.

Awa işşəwaşan Buləs dağ batu ən Kəl-Galatəya

⁸ Ənəyat Kəl-Galatəya! Kawanay əstizarat wər təssenam Məşşina, təɣbədəm imalan ən bahu, təmosam eklan-nasan.

⁹ Mişan əmərədda, dad zamas təssanam Məşşina, mədey dad zamas iqbəl-kawan Məşşina dağ tişit ən bararan-net, manəmmək as za tələsam ləkkum y əşşərədan wər nənfə wala win as təgla əddənət, tələsam tişit n eklan-nasan?

¹⁰ Təsisahem wəllen ijilan, əd təlil əd təmeren, d elan wiyyad!

¹¹ İşşiwaş-i ad əbbannan əşşəxəl issohen wa əgey fəl əddəlil-nawan.

¹² Ya imədrayan-in, are dağ-wan ad təqqələm şilaten-in dad zamas nak da əmosa şilat-nawan. Kəy di-təgem talbast waliyyat.

¹³ Təkittəwam tarrayt tas dawan-əgey isalan n Əlinjil əs tizarat a tat-imosan tarrayt ən təwərna-nin.

¹⁴ Təfrəgəm a di-talkim mədey təgləfam-i fəl əddəlil ən rəkkəm d əbrur ən təyəsənin. Mişan wər təgəm awen! Kalar təgəm-i əlqəbulat əs zun əmosax angalos a d-ifalan Məşşina, mədey Əlməsix ɣaysa iman-net.

¹⁵ Dağ adi ma iga alxer ən man was kala tu-təgrawam? Fəlas əsilakanaɣ əs ənnar immikkan adi, şittawen-nawan da a tanat-du-təkəkkərəm takfım-i-tanat.

¹⁶ Awak azangaw-nawan a əqqalaɣ əmərədda fəl as dawan-əmmala tidət?

¹⁷ Əssənət as aytedan di saknin-kawan as ədgâzan dağ-wan mişan ənnəyatən-nasan wər oleynat. Tara ɣas a əgan a kawan-zəmməzzəyan dər-i, fəl ad təlkəmam y idufan-nasan, təzəzzəwem dağ-san.

¹⁸ Olax wəllen gəleyat dağ igi n awa olağan dağ alwaq kul, wərgəx alwaq wad əlle ɣur-wan ɣas.

¹⁹ Bararan-in, nak əllâsa aɣazab fəl əddəlil-nawan, zun tantut tətəggazat amzur, iket wər ikna Əlməsix iguz ən man-nawan.

²⁰ Arex wəllen ad əlle ɣur-wan dağ amazay wa, are deɣ a dawən-əşşiwəlay s əmmək iyyan wər nəmos wa, fəlas iqqân aɣaf-in dağ batu-nawan.

Masnat ta nəgraw dağ əlqissat n Ənnəbi İbrahim

²¹ Əməlat-i: Kawanay a əranən ad tagim təməddurt a dağ təlkəmam y əşşəriɣa wa n Əttawret, awak masnat a wər təgem awa inna əşşəriɣa?

²² Wərgəx ənnan Əlkəttaban: İbrahim ila əşşin bararan, iyyan teraw-tu təklit, wa hadan teraw-tu tələllit?

²³ Wa teraw təklit ihəw-du əs tarrayt ta n attas n əggadəm, wa teraw tələllit amaran ihəw-du əs tarrayt ta n arkawal ən Məşşina.

²⁴ Batu ta əlmital a təmos fəlas sanatat tədoden şin, əşşin arkawalan ən tassağ a mosnat. Arkawal iyyan za iga fəl ədɣax wa n Sinay imos təhəwt ən bararan əmosnen eklan, amaran arkawal wa Hajara a tu-təmosat.

²⁵ Hajara amaran adɣax wa n Sinay a tat-imosan, ihən amaɣdal n Arabəya, təmittal Yerusalam ta n əmərədda dağ əddənət, fəlas təha əkkəlu ənta harkid bararan-net.

²⁶ Sa hadan Yerusalam ta təhat ijənnawan tələllit a təmos, amaran ənta a təmosat zun anna-nana.

²⁷ Fəlas ənnan Əlkəttaban: «*Fəliwəs tantut ta wər nətilu bararan, kam a wər ides aɣaraw ən barar. Ədkəl əməsli-nam wəllen takna tədəwit kam a wər nəzday təlawayt ta n əmzur. Fəlas bararan ən tantut ta tətawaksanat ad aɣəran win tantut ta wər izamməzzay ələs-net igət.*»

²⁸ Kawanay amaran imədrayan-in, bararan as itiwagga arkawal-nasan a təmosam, zun İshəaq.

²⁹ Mişan zun awas kala iga, wa d-ihəwan əs tarrayt ta n attas n əggadəm, əddəguz a itaggu wa d-ihəwan əs tarrayt ta n Infas ən Məşşina, amaran arat wen da a igan har əmərədda.

³⁰ Awak wərgəx a ənnan Əlkəttaban: «*Əstəx taklit əd barar-net, fəlas barar wa n təklit wər z'inəməkusət əd barar*» wa n tələllit?

³¹ Dağ adi imədrayan-in, əssənət as nakkanay wər nəmos bararan ən təklit, kalar bararan ən tələllit a nəmos.

5

¹ Əlməsix a danaɣ-isaddarfen fəl ad nallallat. Awen dağ a fəlas zəzzəwətət wəllen dağ əlləllu wa, fəl ad wər təqqələm əkkəlu.

Tədarfit n əlməsixitan

² Ənəyat, nak Buləs əmalax-awan kawanay əlməsixitan win wər nəmos Kəl-Əlyəhud əs as təmmənkadam wər dawən-z-aknu Əlməsix wala.

³ Amaran arat wa ad t-ələsaɣ emel y awedan kul wa itawasamankadan: Awedan wədi iwar-tu ad ilkəm y əşşəriɣa ketnet.

⁴ Təmmizzayam d Əlməsix kawanay win gammaynen taqqat əs ləkkum y əşşəriɣa; aba fall-awan arraxmat ən Məşşina.

⁵ Nakkanay amaran tarrayt n Infas wa Zəddigan as nəssəgəd s ikus n aşşak i taqqat tas nəga attama n a danaq-qat-akfu əzəgzan.

⁶ Fəlas awedan was təlla tassağ gar-es d Əlməsix ɣaysa, wər izlay əmənkəd d iba-net. Wər ɣur-əs imos arat ar əzəgzan. Əzəgzan amaran tara a tu-təsaknit.

⁷ Kawanay itittəy əzəgzan-nawan wəllen! Dağ adi ma dawən-iqqalan təsəwəq izzəbaz-kawan tarrayt wər nəmos ta n tidət ta n İlinjil?

⁸ Tarrayt tas təqbalam iguz-net əddi, wər du-təfəl wa kawan-d-ıyran, a t-imosan Məşşina.

⁹ Itawannu: «Arat ən xamira a isakafan tagəlla ketnet.»

¹⁰ Dər iga awen da ya, nak əgəx attama dağ Əməli ɣaysa dağ talxa-nawan: Əgəx iduf n as wər za tagim imedranan əmmizraynen win-in. Mişan awedan wa sər-wan d-itawayən aşşawaşa a iqqal, ad awwaddab.

¹¹ Nak amaran imədrayan-in, ənnar emel a taggax əs təga addararat s əmənəkəd, wədi məni əddəlil wa fəl tawadgaza harwa da? Kud arat wədi a sasaxra, adi za ətəwətəytay ən Yaysa fəl təgəttawt ab'as imos təsənəkəft y aytedan!

¹² Amaran aytedan win kawan-əhanen əddi ətawayan-du sər-wan aššawaša daɣ batu n əmənəkəd, əxrədanet azzam ən man-nasan!

Ənnəsixatan

Tarrayt ta n tara

¹³ Kawanay amaran imədrayan-in, ixr-iwan-du Məššina y ad taddarfem. Eges tədarfit ten ad wər təqqəl arat a sər-wan d ewayan ləkkum y arak deranan ən tara ən man. Kalar akkiyyan daɣ-wan iqqəlet akli ən win hadatnen, iga awen əs tara.

¹⁴ Amaran əššəriɣa wa n Əttawret kul as inda daɣ batu iyyadda təmosat: «*Ad taga y əšəqqax-nak tara ta təgeɣ i man-nak.*»

¹⁵ Ənkədat y ad tətınəmədidad zun imudaran, tətınəməggim talbast gar-ewwan, fəl ad wər tənəməhləkam.

Tarrayt ta n Infas wa Zəddigan əd ta n aggadəm

¹⁶ Arat da was areɣ a dawan-t-anna: Ayyiwat Infas wa Zəddigan ad annadu daɣ təməddurt-nawan. As təgam adi, wər dawan-ilkem ad təmmozalam s arak deranan ən tara ən man.

¹⁷ Fəlas deranan win aggadəm iman-net, əllid a əmosan n Infas wa Zəddigan, Infas wa Zəddigan deɣ əllid a imos ən deranan win aggadəm. Əgân əməzrəy wa n as a sər-wan d-awəy awen ad tammazzayam d igi n awa təram.

¹⁸ Amaran as imos as Infas wa Zəddigan a daɣ-wan innodan, wədi ad ib'as fall-awan ixxam əššəriɣa wa n Əttawret.

¹⁹ Imazalan win aggadəm iman-net əmmunan. Əmosan: Əzzəna d ammadas d igi n aratan win ogarnen taxxaramt,

²⁰ d igi n əmadraw əd šaxawan d əzzəngu d əməstan, əd manjaɣ d aššar əd tara ən man d əzəmməzəy n aytedan d əzəmməzrəy-nasan

²¹ d iba ən təla n igda, d əməswəd, d əsəssikəy daɣ tattay d aratan wiyyad olanen əd win. Ad dawan-ələsəɣ emel harwa əmərədda əs: Aytedan win tagginen aratan win di wər z'əggəzan Taxmar ta n Məššina.

²² Aratan amaran win d-əfalnen Infas wa Zəddigan, əmosnen əllid ən win di, əmosan: tara əd təfalawist d alxer əd təzaydart əd man mallolnen, d əlluɣ d əzəgzan,

²³ əd talmat, d ənudi daɣ wallan-nana. Amaran wər t-illa əššəriɣa iššakan alxalan win di.

²⁴ Awalla, aytedan win əkfanen iman-nasan y Əlməsix Yaysa, win di əkkasan-in daɣ alxal-nasan tara ən man d arak deranan win daɣ-san ənnodanən, əttəytayan-tan fəl təgəttawt ta fəl itawataytay Əlməsix.

²⁵ Dad zamas Infas wa Zəddigan a xur du-təfal təməddurt-nana, nayyiwet-tu a daɣ-na ixxəm.

²⁶ Ad wər nəqqəl aytedan əzzizwarnen iman-nasan. Mazzayatana əd tədləmt gar-ena d igi n attama daɣ awa əlan midawan-nana.

6

Igi n awa olaɣan y awedan kul

¹ Imədrayan-in, as ewad jarraba awedan iga ark əmazal a iqqəl, kawanay a əlkamnen y Infas wa Zəddigan, səssiɣədat-tu əs man lammodnen fəl a d-iqqəl tarrayt ta tolaɣat. Ənkədat wəllen əd man-nawan fəl a kawan-wər-awəd jarraba kawanay da.

² Akkiyyan daɣ-wan idkəlet əzuk ən win hadatnen. Əmmək en daɣ as du-za-tassandim əlqanun wa n Əlməsix;

³ fəlas wa igan i man-net iduf n as imos awedan zəwwəran, as iga awen wər imos wala, wədi bahu a itaggu i man-net.

⁴ Akkiyyan daɣ-wan inzəret daɣ mazalan-net. As inay as imazalan-net hossayan, əddi ad igrəw əddəlil n ad ifləs iman-net s əssəbab ən mazalan-net wərgəɣ s ad išašalu iman-net d awedan iyyan.

⁵ Fəlas awedan kul kundaba ibdad fəl mazalan-net.

⁶ Awedan wa itawasaxrin awal ən Məššina, iwâr-tu ad idrəw ərrəzəɣan-net kul əd wa t-isasaxrin.

⁷ Ad wər tətəfam alxata: Məššina wər t-illa i z'ayyu isəmmədrəy-tu. Awalla, amasa wa inbal awedan ənta a du-z-aləy.

⁸ Illikan âs awedan wa igan imazalan win tara ən man, aroz-net ad t-iqqəl awa d-itaway ləkkum y arak deranan, a t-imosan ahluk. Mišan wa itaggin imazalan win d-əfalnen Infas wa Zəddigan, ad igrəw aroz a d-ifalan Infas wa Zəddigan a t-imosan təməddurt ta təxlalat.

⁹ Ad wər nədqəz igi n awa olağan, as iga adi ad nəgrəw arozan dağ alwaq wa itawaskatan y awen, as wər nəqqəl dəffər-na.

¹⁰ Dağ adi iket di ad nəgraw tarrayt n awen, taggiwatanax awa infan aytedan kul, wəllen imədrayan-nana dağ əzəgzan s Əlməsix.

İrruymatan win əlkammen d assalaman

¹¹ Ənəyat əlxərəfan win zawwarnen a. Əfus-in as dawan-tan-in-kattaba.

¹² Aytedan win gammaynen a kawan-şəhhəşşəlan âs iwar-kawan əmənəkəd, win di agamay a taggin a tan-əssəxməran aytedan. Amaran arat wa gammayan wəllen, a tan-wər-ədgezan aytedan fəl əddəlil n əzəgzan-nasan əs tamattant n Əlməsix fəl təgəttawt.

¹³ Aytedan win tamankadnen da, wər əlkeman y əşşəriya fadda. Tara xas a əgan a kawan-səmmənəkədan fəl ad agin ibaragan s awen.

¹⁴ Nak amaran wər ilkem ad sibaragaş år əs təgəttawt ta fəl itawataytay Əməli-nana Yaşsa Əlməsix. Tarrayt ten dağ ən təgəttawt en ənta a du-təwayat as ark aratan n əddənət a kul əmosan sər-i a ammen, zund əmmək as nak da əmosaş iri ammen dağ batu ta təqqalat əddənət.

¹⁵ Fəlas wərgex əmənəkəd wala iban-net a imosan əlməxsud, kalar axluk aynayan əs tarrayt n Əlməsix a imosan əlməxsud.

¹⁶ İhənəttətət Məşşina y aytedan kul win əlkammen y anamod wa, akf-en alxer, s əmmək was iga adi i tamattay-net!

¹⁷ A obazan xur əmərədda, a di-wər-iləs awedan waliyyan əddəguz, fəlas elam-in əwarnat-tu təmijar ən ləkkum-in i Yaşsa.

¹⁸ Ya imədrayan-in, əttâra s Əməli-nana Yaşsa Əlməsix a kawan-ikfan arraxmat. Amin.

Širawt ta iktab Buləs i Kəl-Efez Assalam

¹ Awa nak Buləs, imosan anammazul n Elməsix Ƴaysa əs tərəddawt ən Məššina. Širawt ta təkka aytedan win əmosnen tamattay ən Məššina əhanen aƣrəm n Efez, almaƣna aytedan win əƣdalnen daƣ tassaƣ d Elməsix Ƴaysa.

² Əƣmaya daƣ Məššina di n Abba-nana, d Əməli-nana Ƴaysa Elməsix a kawan-ikfan arraxmat d alxer.

Təməddurt ta taynayət, almaƣna təməddurt ta təƣat daƣ tassaƣ d Elməsix

Təməddurt ta daƣ nəzzəƣzan s Elməsix

³ Təmmal i Məššina, imosan Abba n Əməli-nana Ƴaysa Elməsix! Ig-anax albaraka daƣ tassaƣ-nana d Elməsix əs tahakkay ta danaƣ-iga əkkulluk n albaraka wa d-izazzabbat Infas wa Zəddigan daƣ jənnawan.

⁴ Daƣ adi, əssənatanax as harwa dat əxluk n əddənət a danaƣ-isannafran Məššina y ad nəƣqəl i-net əs tarrayt n Elməsix fəl a dat-əs nəƣqəl aytedan zaddoggen wər iwer a imosan lahan, fəl ad nagu təməddurt təha tara.

⁵ Məššina ənta a danaƣ-isannafran harwa daƣ tizarat y a danaƣ-agu bararan-net əs tarrayt ən Ƴaysa Elməsix. Awen daƣ a igrazan i Məššina,

⁶ amaran ig-ay fəl ad nəmmâl tanaya-net d arraxmat-net tas danaƣ-isabbalal əs tarrayt ən Barar-net a ikna tara.

⁷ Tartəyt əd Barar-net en da a dana-təkfət tədarfit əs tarrayt n əzni-net. Tədarfit ten təmos təsureft ən bakkadan-nana, amaran nəgrâw-tat s arraxmat ən Məššina wər nələ əddukad

⁸ a fall-ana d-izizzabbat s igət, ikf-anax əzzənəfan kul ən masnaten d əƣərri.

⁹⁻¹⁰ Awen ig-ay s əsusan wa day-na iga əssir ən tara-net. Əssir wen imos əsədew n aratan kul win əhanen ijənnawan əd win əwarnen amaƣdal fəl ad ittəf Elməsix tanat-nasan. Tarrayt ten ig-et-du harwa a irəwan s əssəbab n Elməsix, amaran awen da das-igrazan. Igâ awen fəl ad assandu tarrayt ten daƣ alwaƣ wa das-iskat.

¹¹ Isinafran-ana deƣ Məššina harwa daƣ tizarat, əs tarrayt n Elməsix y ad nəƣqəl i-net inimannak awen əd tarrayt ta d-iktab Məššina s ənta a itaggin aratan kul s əmmək was tan-d-ikta əd was iga tanat-nasan.

¹² Məššina ig-ânaƣ awen fəl ad nagu təməddurt a daƣ-as nətaggu təmmalen fəl tanaya-net, nakkanay win azzarnen igi n attama daƣ Elməsix.

¹³ Kawanay da təslâm y awal wa imosan tidət a t-imosan isalan n Elinjil win kawan-hakkinen əlƣillas əs tarrayt n Elməsix. Amaran as təzzəƣzanam, wədi issəwar-kawan Məššina əs tarrayt n Elməsix ejwal issiknan âs tamattay-net a təmosam. Ejwal wen, imos-tu Infas wa Zəddigan as iga arkawal-net.

¹⁴ Infas wa Zəddigan en ənta a imosan tədagart ta tazzarat daƣ awa dana-z-akfu Məššina daƣ jənnawan. Məššina issiwar-anax ejwal-net iket di a du-tətawad tədarfit ən tamattay ta iskat i man-net. Arat wen kul ad t-agu Məššina fəl ad təwəgginat təmmalen i tanaya-net.

Təwatrayt ən Buləs i Kəl-Efez

¹⁵ Awen daƣ a fəlas, nak da, dəffər as əsləƣ əzəƣzan-nawan s Əməli Ƴaysa, əd tara ta təssəknam i mizdagan ketnasan,

¹⁶ wər kala ad əməzzayaƣ əd godan i Məššina daƣ batu-nawan alwaƣ kul wa kawan-d-əkteƣ daƣ təwatriwen-in.

¹⁷ Əgammaya daƣ Məššina imosan Əməli n Əməli-nana Ƴaysa Elməsix, imosan deƣ Abba wa ilan tanaya, a kawan-akfu Infas wa ihakkin masnat, isinəfilil deƣ aratan win əhanen ətənkul, fəl a tu-təssənəm.

¹⁸ Gammaya daƣ-as deƣ ad ələm iwəllan[-nawan] fəl ad təkni əƣərri n awa imos attama was kawan-iƣra, təssənəm deƣ awa dər ogdanat təhussay ən saƣmar wa igarraw Məššina ƣur-na nakkanay a n mizdagan,

¹⁹ təssənəm deƣ awa dər togda təzzəwwərt wər nələ əddukad ən tarna-net sər-nax nakkanay a əzzəƣzannen əs mazalan əssohatnen ən tarna-net.

²⁰ Tarna-net ten işsiƣal-tat daƣ Elməsix, s əsənkər wa t-id-iga daƣ təmattant d əsəƣƣimi wa t-iga daƣ əƣil-net daƣ jənnawan.

²¹ Ig-ay dænnæg taɣmar kul æd tæmænukæla kul, æd tarna kul, d ælxækum kul. Iga esæm-net dænnæg esæm kul wa t-illan gær za daɣ azzaman win æmæredða, wala deɣ azzaman win d-æzaynen.

²² Arat kul ig-ay daw daran-net, tæzzar ig-ay æmuzar n arat kul daɣ Ælkænisat,

²³ tæmosat taɣæssa-net. Taɣæssa en amaran ænta a daɣ ikannu Ælmæsix ælkamalæt, ænta a ihan edag kul.

2

Tæmattant æd tanakra æs tarrayt n Ælmæsix

¹ Amaran kawanay aba-kawan fæl aganna wa iqqalan tassaɣ æd Mæššina s æssæbab n arak mazalan-nawan æd bakkadan-nawan.

² Dat awa tæššokalam daɣ arak mazalan win, tælkâmam y alxal wa n æddænet, tælkâmam y awa ira æmuzar æn kæl ætænkul win alhawa, a t-imosan infas wa ixkaman daɣ nammæzray æn Mæššina daɣ æddænet.

³ Ketnana as tizarat næmos arat daɣ-san. Dat awa nælkâm y arak deranan æn tæɣæswen-nana, nætamazal awa æranat tæɣæswen-nana æd medranan-nana. Daɣ adi tæselkamt-nana æstizarat, âs nakkanay da, a danaɣ-iwær attadib æn Mæššina wa iwaran aytedan kul.

⁴ Mišan tæhanint æn Mæššina wær tæla æddukad. Amaran æddænil æn tara tagget ta danaɣ-iga,

⁵ nakkanay as zun danaɣ-aba s æssæbab n ark mazalan-nana, ænta a fæl danaɣ-ikfa tæmæddurt æs tarrayt n Ælmæsix. Arraxmat æn Mæššina as tægrawam efsan.

⁶ Issænkar-ana-du næddew d Ælmæsix Ƴaysa, isaɣɣam-ana daɣ jønnawan næddew dær-æs fæl æddænil æn tassaɣ ta dær-æs næga.

⁷ Awen ig-ay fæl ad assaknu daɣ azzaman win d-æzaynen igæt wær næla æddukad a tæga arraxmat-net æs tarrayt n ælluɣ-net y-anax fæl æddænil æn tassaɣ ta næga d Ælmæsix Ƴaysa.

⁸ Fælas illikan âs arraxmat as tægrawam efsan, æs tarrayt n æzægzan-nawan. Amaran wærgæɣ kawanay a ɣur d-ifal awen, kalar tæhækkut æn Mæššina a imos.

⁹ Wærgæɣ imazalan win olaɣnen a hakkinen efsan, ænnar adi a igan æzzæzwæran aytedan iman-nasan.

¹⁰ Šixællak æn Mæššina a næmos, a d-ixlák æs tarrayt n Ælmæsix Ƴaysa fæl ad nagu tæmæddurt daɣ nætamazal awa olaɣan âs Mæššina a t-isammatagan harwa daɣ tizarat y a tu-nammazal.

Tamattay taynayt: Tamattay ta n Mæššina

Kæl-Ælyæhud æd win tan-wær-næmos ægân alxer æs tarrayt n Ælmæsix

¹¹ Daɣ adi aktiwat arat wa: Dat awa tælâm alɣalamat daɣ tæɣæswen-nawan tæssiknat as wær tæmosam Kæl-Ælyæhud. Aytedan win ænnanen æmminkadan, gannin wær tæmmenkadam. Æntanay amaran æmænkæd-nasan wær imos âr arat ægân fassan n aggadæm.

¹² Aktiwat alxalat ta tæham æstizarat. Azzaman win di wær tæqbelam Ælmæsix, itiwagdal-awan tišit æn tamattay n Israyil. Tæmosam inaftaɣan daɣ batu ta tæqqalat arkæwal æn tassaɣ wa iga Mæššina. Alwaq wædi wær tælem attama waliyyan, wær tælem tassaɣ waliyyat æd Mæššina daɣ æddænet.

¹³ Mišan æmæredða æs tarrayt æn tærtæyt-nawan d Ælmæsix Ƴaysa, kawanay win as kala ad tæggugam Mæššina, tæhozam-du æs tarrayt n æzni n Ælmæsix.

¹⁴ Ælmæsix ænta a imosan alxer-nana, ænta a issærtayan Kæl-Ælyæhud æd win tan-wær-næmos ig-en arat iyyanda, irza taɣært ta tan-tæzammazzayat, ikkas ænæmæzænga gæssan, æs tarrayt æn taɣæssa-net ta ikfa fæl tægættawt.

¹⁵ Arat wen ig-ay s ikus wa din-iga Ættawret d ælwajiban-net d æššærædan-net. Iga alxer gær Kæl-Ælyæhud æd win tan-wær-næmos æs tarrayt æn tassaɣ ta dær-san iga, ig-en tamattay iyyadda taynayt.

¹⁶ Tæmattant ta iga Ælmæsix fæl tægættawt, ænta as issærtay Kæl-Ælyæhud æd win tan-wær-næmos, ig-en taɣæssa iyyadda. Ig-asan alxer æd Mæššina, ikkas ænæmæzænga gæssan s ætæwætæytæy wa iga fæl tægættawt.

¹⁷ Amaran osa-du y a dawan-agu isalan n alxer, a tan-imosan Ælinjil, kawanay a namaggagnen æd Mæššina, imæl deɣ alxer i win t-æhoznen.

¹⁸ Id Ælmæsix ænta a ifragan a danaɣ-izænnæmihæz ketnana æd Mæššina di n Abba, æs tarrayt n Infas-net di Zæddigan.

¹⁹ Emmək en dağ as ab-as təmosam inaftayan, wala iğərəb. Kalar arat iyyanda a təmosam kawanay əd tamattay zəddigat ən Məşşina, təmosam kəl ahan ən Məşşina.

²⁰ Təmosam ehan əs inəmmuzal d ənnəbitan a mosnen şisəttəytay-net, imos Əlməsix Yaysa təhunt ta n təkəbəl-net.

²¹ Şihun şin as ikras ahan wen, kul əknənət ənəməttaf əs tarrayt ən tərtəyt d Əlməsix, əqqalnat ehan zəddigan n əlyibada əs tarrayt ən tassağ d Əməli.

²² Kawanay değ tərtəyam təqqalam əkərrus iyyanda fəl ad təqqəlam təməzduq ən Məşşina əs tarrayt n Infas wa Zəddigan. Awen kul iga əs tarrayt ən tərtəyt-nawan d Əlməsix.

3

Buləs imâl tarrayt təmosat əssir ta d-iga Məşşina – İşşəğəl ən Buləs

¹ Awen dağ a fəl əmosa nak Buləs, amaskasaw n Əlməsix [Yaysa] fəl əddəlil-nawan, kawanay a wər nəmos Kəl-Əlyəhud.

² A igan da təgrāwam isalan n əzək wa di-issəwar Məşşina dağ batu n arraxmat-net ta di-təwəkwat fəl tənfa-nawan.

³ Almağna Məşşina a di-isannafalalan əssir ən tarrayt ta d-iga, s ənta a əktaba da imos arat ən təfir.

⁴ As təğram awa əktaba da, ad tənəyam awa dər-ogda əğərri a əgeğ y əssir n Əlməsix.

⁵ Əssir wa, wər tətəwakfa masnat-net y aytedan n azzaman win okaynen, zun əmmək was itawasanafalal əmərədda əs tarrayt n Infas wa Zəddigan i nəmmuzal n Əlməsix d ənnəbitan-net a zaddogən.

⁶ Əssir wen ənta da: Aytedan win wər nəmos Kəl-Əlyəhud, əd məzzəgzan s Əlməsix win əmosnen Kəl-Əlyəhud əgrāwan təkəsət, əqqalan təğəssa iyyadda, əqqalan değ arat iyyanda əs tarrayt ən tassağ ta əgan d Əlməsix dağ arkawal wa ihan Əlinjil.

⁷ Əlməsix en dağ as əqqalağ amaşşayal-net a t-iybādan, s əssəbab ən tarna ən təhəkkut ən Məşşina təğət s arraxmat-net ta əgrawa.

⁸ Nak a oğaran təmmədrəyt dağ məzzəgzan di ən mizdagan ən Məşşina ketnasan, mişan əgrāwəğ arraxmat ta, a tat-imosan: Igi y aytedan win wər nəmos Kəl-Əlyəhud isalan n Əlinjil, imosan isalan n arraxmaten n Əlməsix as tu-wər-illa i ifrāgan əğərri-nasnat.

⁹ Sənnəfiləla değ y aytedan [kul], əmmək was innəzzam Məşşina tarrayt ta, har tət-iyrad əsəkməl. Tarrayt ten, harwa dağ tizarat a tat-iga Məşşina a d-ixlakan arat kul, təmos əssir.

¹⁰ Ənəfilal wa təga tarrayt ta, ənta a du-z-awəyan əmərədda as təğmaren əd təmənukəla şin jənnawan, ad əzdəynat assayfaten wər nəla əddukad a təmos masnat ta n Məşşina. Arat wen tarrayt n Əlkənisat as z'agu.

¹¹ Amanar awen ad agu s əmmək was t-innəzzam Məşşina imos arat iylalan, ikmal-du değ dağ Əlməsix Yaysa Əməli-nana.

¹² Tassağ ta nəga d Əlməsix Yaysa əs tarrayt n əzəgzan sər-əs a danay-təkwat tədarfit n ad nəfrəğ ənəmihaz əd Məşşina əs təfləst.

¹³ Dağ adi əğmaya dağ-wan ad wər təqqəlam ələqqam fəl əddəlil n əlyəzab wa tagga da fəl əddəlil-nawan. Əlyəzab wa ənta a kawan-z-akfin tanaya.

Təwatrayt ta iga Buləs fəl ad tətəwəssən tara ta n Məşşina

¹⁴ Awen dağ a fəl əssəjada dat Məşşina di n Abba,

¹⁵ s ənta a igan esəm y id t-illa ağaywan kul dağ jənnawan d amədal.

¹⁶ Awalla! Əgmāyay dağ-as ad aknu əssəsuhı ən wallan-nawan əs tarrayt n Infas-net wa Zəddigan s əssəbab ən tanaya-net təkmalat.

¹⁷ Onsāyay-ğu ad izdəğ Əlməsix dağ wallan-nawan, əs tarrayt n əzəgzan-nawan, id təqqalam aytedan zizawatnen wəllen sihaddan değ fəl tara.

¹⁸ Onsāyay-ğu dağ adi ad taknim əzəzzəwi dağ əzəgzan-nawan, təfrəgam ad təməsəəğrim əd məzzəgzan di zaddogən kul dağ batu ən tara n Əlməsix təkənət ilwi fəl ağanna kul,

¹⁹ təzdəyam değ tara ten təllət dənnəğ masnat kul. Eddi a kəwan-za-tədkər tanaya ən Məşşina s əmmək ikməlan.

²⁰ Emmək en dağ əs Məşşina ifrāğ ad agu y arat kul igi ofən wa dağ-as nəğmay, ofa değ awa nəğil. Arat wen, itagg-ay əs tarna-net ta dağ-na təşğalat.

²¹ Iğrəwet Məşşina ətəwəşəymar dağ Əlkənisat igā awen dağ tassağ d Əlməsix dağ azzaman kul har faw. Amin.

İşşərədan aynaynen: Əsənnəfiləl n ətəwəşəşinay wa danay-itawaggan

4

İzəzzəwi daɣ ad təqqəl İlkənīsət arat iyyanda, a t-imosan taɣəssa n Əlməsix – Ənəmännək ən məzzəgzan

¹ Daɣ adi arat da wa daɣ-wan gammaya, nak imosan amaskasaw fəl as əɣbadəɣ Əməli: Kawanay a iɣra Məşşina, aɣiwat alxal inihaggan d ətəwəɣra wa tətəwaggam den.

² Əqqələt faw aytedan wər nədkel iman-nasan, tilmadam, təqqələm iməzzəzəydar. Nəməqbəlat gar-ewwan əs tara.

³ Ədgəzət faw daɣ aɣamay ən tartəyt ta ihakku Infas wa Zəddigan əs tassaɣ n alxer ta təllat gar-ewwan.

⁴ Taɣəssa iyyadda a tu-təllat, d Infas iyyanda. Əmmək en daɣ as Məşşina iɣr-iwan-du s ad tagim attama iyyanda, a t-imosan was du-tətəwəɣram.

⁵ Əməli iyyanda a t-illan, ill-ay əzəgzan iyyanda, d alamaɣ daɣ aman iyyanda,

⁶ Məşşina deɣ iyyanda a imos, imos abba n awedan kul, ixkâm fəl i t-illân kul, itaggu igitan-net əs tarrayt n id t-illa iyyan, irtây deɣ d id t-illa iyyan.

⁷ Dər iga awen da ya, akkiyyan daɣ-na igrâw arraxmat ən Məşşina, ewâl awen s adagar wa t-ikfa Əlməsix daɣ əşşəɣəl-net.

⁸ Awen daɣ a fəl ənnan İlkəttaban: «İggəzzay əs daggan win ədkalnen, ewây win əhanen tala, təzzar iga şihakkuten y aytedan.»

⁹ Ma imos almaɣna ən batu ta n «İggəzzay»? Wərgəɣ almaɣna n awen as iras har imal daw amaɣal?

¹⁰ Wa d-izzəbben, ənta a İggəzzayan imal dənnəg jənnawan kul fəl ad idnəy edag kul d arat kul.

¹¹ Amaran Əlməsix, ənta a igan aytedan wiyyad inəmmuzal, iga wiyyad ənnəbitan, iga wiyyad imaggan ən salan n Əlinjil, iga wiyyad imadanan əd məssəsəɣra.

¹² Şihakkuten şin den ig-enat Əlməsix fəl əsəssuhi d əsəkməl ən məzzəgzan, fəl ad əfərgan əşşəɣəl was tawəɣran, y ad taknu təɣəssa n Əlməsix assahat.

¹³ Əmmək en daɣ as ketnanaɣ as za nawəd ənəmənnək daɣ əzəgzan, iga awen daɣ təməzdəyt ən Barar ən Məşşina. Təsəlkamt n awen as ad nəqqəl iməzzəgzan əkmâlnen, tənifalal daɣ-na tişit təkmalat n Əlməsix.

¹⁴ Əddi ad z'ib'as nəmos bararan madrornen, əddagnen sa əd sa əbbatan-tan əzzənəfan ən əssəɣritan taggin nəsbuha ən məkkərras saxraknen aytedan.

¹⁵ Kalar əddi ad za nəmmal tidət, nag-as emel igân əs tara, nəttəy daɣ əkkulluk n anamod daɣ tarrayt ən wa imosan eɣaf-nana, almaɣna Əlməsix.

¹⁶ Ənta en daɣ a isadwalan taɣəssa ketnet, ənta deɣ a ɣur du-təgarraw təɣəssa assahat-net, iga awen daɣ tara. Ənta deɣ a isannamannakan taɣəssa tənəmat taf əs səmməɣras əssohatnən fəl ad təfrəg təslət kul iga n əşşəɣəl-net.

Aggadəm wa irəwan d aggadəm wa aynayan

¹⁷ Daɣ adi əgəyyəyəɣ əsilakanaɣ-awan s esəm n Əməli as: Wər imməkkan ad tələsam iga ən mazalan win taggin aytedan win wər nəmos Kəl-Əlyəhud, a wər nəlkem ar i tayttay-nasan təmosat şibənnan.

¹⁸ Tayttay-nasan wər tat-İha ənnur, əmosan inaftayan i təməddurt ta təssəɣmarat Məşşina s əssəbab n əljəhəl-nasan a sər-san du-tewây tayart ən wallan-nasan.

¹⁹ Ab-as əssanan awa olaɣan wala awa wər noləɣ. Əşşokalan daɣ təməzrəyt, taggin imazalan zizallatnen aggadəm, d İba n təla n igda daɣ əzzənəfan kul ən mazalan samadasnen, əknân tara n əddənət.

²⁰ Mişan kawanay wərgəɣ əmmək wen as təssanam awa imos Əlməsix.

²¹ Dad zamas təgrâwam isalan n Əlməsix, tətawasasaɣram daɣ tərteyt dər-əs, wədi tətəwasəsanam tidət ta təhât ɣaysa.

²² Almaɣna n awen ad tamməzzayam d alxal-nawan wa irəwan, a t-imosan alxal n aggadəm was kala a tu-təmosam, tawayan arak deranan-net s əxrük.

²³ Əqqələt aytedan işişanay Infas wa Zəddigan isimattay taytween-nawan.

²⁴ Zund əmmək as ilassu awedan tabdoq, təqqələt təbdəq-nawan alxal aynayan wa d-İga Məşşina. Alxal wen, itinəfilil daɣ taqqat əd tazdak şin təhakku tidət.

²⁵ Awen daɣ a fəlas məzzayət d iga ən bahu. «Akkiyyan daɣ-wan işşiwəlet tidət ɣas y əşəqqaq-net», id akkiyyan daɣ-na taslət a imos ən win hadatnen.

²⁶ «As kwan-İggaz alham, ad wər tagim abakkad.» Ad wər tudu təfuk İh-iwan alham.

²⁷ Ad wər taləmam y İblis tarrayt as d-İggaz.

²⁸ Wa imosan abaydag amməzzayət əd şikra, işşəşəlet şixurad-net, işxəlet əs fassan-net fəl ad İgrəw tənfa a za uzan i maddararan.

²⁹ A du-wər-təgməd batu waliyyat labasat imawan-nawan. Kalar ad wər tətəggim ar batuten hossaynen a za tēggəz tənfa, as tēga addararat s awen, əqqəlnat dəx arraxmat i wa dasnat-islam.

³⁰ Ad wər təzəzzəkənzəram Infas wa Zəddigan ən Məşşina, fəlas tarrayt n Infas wa Zəddigan en as kawan-issəwar Məşşina ejwal-net y əzəl wa n tedarfit ta n təzərəst.

³¹ Təgmədet-kawan i tu-təlla təssəməmt, d əxəşəşi, d alham, əd təhərəşset, d ərərbədan, d a iqqal aşşar.

³² Tinəməggiwat awa olağan gar-ewwan, akkiyyan iqqəl awedan təha təhanint, ləmmid i midiwan-net. Akkiyyan dəx-wan isurəfet i win hadatnen zund əmmək as dawan-isoraf Məşşina əs tarrayt n Əlməsix.

5

Agiwat təməddurt tēgāt dəy ənnur

¹ Dad zamas bararan ən Məşşina ikna tara a təmosam, wədi əlkəmat y almasal wa-net.

² Əqqələt aytedan əşşokalnen dəx tara, zund əmmək was danax-ira Əlməsix har as ikfa iman-net i Məşşina, imos təhəkkut əd təkutay təlāt xur-əs ađu izodan.

³ Nəməggəgat d əzzəna, əd mazalan samadasnen a əqqalan, əd tara n əddənət. Aratan win di a du-wər-təmmadkel batu-nasan fadda xur-wan. Awen dəx as ihor ad t-agin mizdagan ən Məşşina.

⁴ Ad wər tətəggim aratan jargonnen wala batuten wər nəla almağna əs zun tanat-iga əmeskel, wala batuten jargonnen. Adi wər itəwəggu. Kalar taggiwat igodan i Məşşina.

⁵ Fəlas əssənət wəllen as, awedan kul wa itaggin əzzəna, wədi immidas, iga attamanet dəx ərrezəxan n aytedan, almağna ixbəd əssənəman, wədi wər z'igrəw adagar waliyyan dəx təxmar ta n Əlməsix əd Məşşina.

Agiwat təməddurt ta taggin aytedan əhānen ənnur ən Məşşina

⁶ A kawan-wər-akkarras awedan waliyyan wala issəxrək-kawan əs batuten ən bannan, fəlas arat wən ənta a d-itawayan alham ən Məşşina s aytedan win nəffəllag.

⁷ Dəx adi ad wər tilem tassağ waliyyat d aytedan win.

⁸ Fəlas illikan əs dat awa kala ad təham şiyay, mişan əmərədda təhām ənnur dəx tətəyt d Əməli. Agiwat alxal wa taggin aytedan əhanen ənnur,

⁹ fəlas tənfa ta d-itaway ənnur təmos əzzənəfan n aratan kul win olağan, əd win oğadnen əd win əmosnen tidət.

¹⁰ Dad zamas təhām ənnur, wədi gammayat wəllen d ad təssənam awa igrəzan y Əməli.

¹¹ Amaran ad wər tadrəwam wala əd mazalan ən bannan n aytedan win əhanen şiyay, kalar tugəyat sər-san təsafəggim-tan.

¹² Fəlas illikan as awa taggin aytedan win di dəx əssir, isikarakad fadda awal dəx batu-net.

¹³ Mişan as əffəgəgan aratan win, əwaran azzahir, ad nəfiləlan mazalan-nasan ezal a mallan.

¹⁴ Amaran arat kul wa dəx innəflay ənnur, wədi ənnur a imos. Awen dəx a fəl itawanna:

«Ənkər-in kay wa insan,
Ənkər-in dəx nəmməttan,
Əddi a fall-ak

isəmmələwləw Əlməsix ənnur-net.»

¹⁵ Dəx adi ənkədat wəllen y alxal-nawan, ad wər təqqələm zun imeskelan, kalar əqqələt imalan ən tayttay.

¹⁶ Ad wər təsabannanəm şimazayyaten şin təgarrawam, fəlas ark azzaman a nəha.

¹⁷ Awen dəx a fəlas ad wər təqqələm zun aljahilan, kalar əqqələt aytedan əgranen awa fall-awan ira Əməli.

¹⁸ Amaran ad wər təsaməswadam iman-nawan s esmad, arat wədi əjəmməjələd a z'əgu tətəddurt-nawan. Kalar əqqələt aytedan idnāy Infas ən Məşşina, almağna n awen as:

¹⁹ tinəməggiwat əlmağizatan gar-ewwan əs təsarnaten n Azzabur, əd təgaytalen, əd sakkan a d-əgmadnen xur Infas wa Zəddigan. Agiwat isakkan əmosnen təmmalen ən Məşşina. Agiwat awen y Əməli s əwəl iyyanda.

²⁰ Tigudəyat faw arat kul i Məşşina di n Abba, s esəm n Əməli-nana Ƴaysa Əlməsix.

Inəmad ən tassağ win aynaynen

Tassağ gər aləs əd təxurəs – Ağaywan n əlməsixitan

- ²¹ Akkiyyan daχ-wan abbardaget i win hadatnen, tögâm awen daχ təksəda n Ǝlməsix.
²² Šidoden, bardagmat i meddan-nakmat zun əmmək as təbbərdagmat y Ǝməli;
²³ id aləs ənta a imosan əmuzar ən tətut zund əmmək as Ǝlməsix a imosan əmuzar n Ǝlkənisat təmosat taχəssa-net, amaran ənta iman-net a imosan Ǝnəsəsefsi-net.
²⁴ Zund əmmək as təbbərdag Ǝlkənisat y Ǝlməsix, tantut kul tabbardaget y aləs-net daχ arat kul.
²⁵ Meddan, iriwat šidoden-nawan, s əmmək as ira Ǝlməsix Ǝlkənisat har as iman-net a ikfa fəl əddəlil-net,
²⁶ fəl a tat-iskət əs man-net dəffər as tat-izzizdag s aman, almaχna Awal ən Məššina.
²⁷ Awen igmay sər-əs ad taknu Ǝlkənisat šihussay, wər tat-təwer a imosan tətənəqqet, wala ənəkəmmi, wala arat zun awen, fəl ad tizdag daχ a imosan lahan.
²⁸ Əmmək en daχ âs meddan da iwâr-tan ad iren šidoden-nasan zun tara ta əgan i man-nasan. Awedan wa iran taχurəs, wədi iman-net a ira.
²⁹ Illikan âs wər kala ad itawanay awedan ikyâdan taχəssa-net. Kalar awedan əšətši a itaggu iman-net, innittaf əd taχəssa-net zun awa iga Ǝlməsix y Ǝlkənisat,
³⁰ id nakkanay šisəllad ən taχəssa n Ǝlməsix a nəmos.
³¹ «*Awen daχ a fəl z'ifəl aləs abba-net d anna-net aglu irtəy əd taχurəs əqqələn taχəssa iyyadda.*»
³² Arat wa ənne da daχ batu n Ǝlməsix d Ǝlkənisat, imos əssir zəwwəran ən Məššina.
³³ Xasil əkkulluk n iyyan daχ-wan agiwet i taχurəs tara ta iga i man-net, tantut deχ təssəxməret aləs-net.

6

Tassaq gər bararan əd marwan-nasan

- ¹ Bararan, bardagat i marwan-nawan [zun as təbbirdagam y Ǝməli], fəlas awen daχ a oχadan.
² Alwajib wa azzaran as iga Məššina arkawal n as ad ilu arozan, a inna: «*Səχmər abba-nak d anna-nak,*
³ *fəl ad təgrəwəχ təfalawist, tiley taχrəst tagget daχ əddənət.*»
⁴ Kawanay amaran abbatan, ad wər təšiχəšəšem bararan-nawan, kalar sassaxriwat-tan, tagim-tan daχ tarrayt təməlam-asan awa fəl irχam Ǝməli.

Tassaq gər eklan əd məssawsan

- ⁵ Eklan, bardagat i məssawwan win əddənət əs saχmar əd təksəda. Agiwat awen s əwəl iyyanda, zun âs Ǝlməsix as təbbərdagam.
⁶ A dasan-wər-tətaggim əššəχəl olâχan fəl as kawan-ewalan, zun as wər tagəmməyam ar awa igrazan y aggadəm. Kalar agiwat y əššəχəl wa igi n âs eklan n Ǝlməsix a təmosam. As tu-tətaggim təgamməyam s əwəl iyyanda a du-təssəxsəlam tara ən Məššina.
⁷ Agiwat-asan əššəχəl igân əs man ərdânen, zun as Ǝməli as təšχalam, wərgəχ aggadəm.
⁸ Təssanam as: Arat kul olāχan wa iga awedan, ad igrəw maruzat-net χur Ǝməli, gər imos awedan wen akli wala əlləlli.
⁹ Kawanay deχ məssawəs n eklan, agiwat aqqad en da y eklan-nawan. Ayyiwat-tan šihərəšša, id təssânam as Ǝməli a ihan ijənnawan ənta a imosan məššikkawan kawanay dər-san. Ǝməli amaran wər fall-as t-illa igi ən təmərit.

Təbəllant əd talbast: əttəfat aχər wa n Məššina

- ¹⁰ Xasil, a obazan χur əmərədda, əgməyat daχ Ǝməli ad isəssuhət tartəyt-nawan d Ǝlməsix əs tarna-net wər nəla əddukad.
¹¹ Əttəfat təzoli n əməgər ta n Məššina fəl ad təzməram i təmərkas n Iblis,
¹² id təbəllant ta nəğa, wərgəχ aytedan a dər tat-nəğa əmosnen taχəssa d əzni, kalar taχmaren, d əlxəkuman, əd muzaran əlanen tarna əd fərregat a tan-imosan taχmaren šin əxkammen daχ šiyay əd kəl ətənkul win əhanen ijənnawan tawayan-du təkma a dər nəmməgar.
¹³ Awen daχ a fəlas əttəfat təzoli n əməgər ta n Məššina fəl ad təfrəgam zəmmerat y ark əzəl, taqqamim da wər təqqelam dəffər-wan daχ təbəllant ta təgam dəffər as du-təssifalam dənnəg aratan win en.
¹⁴ Xasil zəzzəwətət daχ əzəgzan-nawan, almaχna n awen âs: Təqqəlet tidət əsatəb was totabam; təqqəl taqqat əsalsaw n əməgər wa təzlagam.
¹⁵ Səmmutəgat i təbəllant ta dər d-osa Ǝlinjil n alxer wa nəzzəgzan, iqqəl Ǝlinjil en zun iχatəman-nawan.

¹⁶ Dənnəg adi kul, iqqəlet əzəgzan aǵər-nawan. Ənta a kawan-z-akfin fərregat n ad tanǵım abalagleg kul wa z'intəs İblis.

¹⁷ Səwərat təkəbbut ta n əlǵıllas, təzləgam takoba ta n İnfas wa Zəddigan a tat-imosan Awal ən Məşşina.

¹⁸ Tattarat faw da əs tilalt n İnfas wa Zəddigan, ad tətəggim əzzənəfan kul ən təwatriwen, əd mansayan ən Məşşina. Əgləyat daǵ awen, a tu-tətəggim əs zəmmerat, ad tətəggim deǵ şiwatriwen i məzzəgzan di ən mizdagan ketnasan;

¹⁹ a di-tanat-tətəggim nak da fəl ad əgrəwaǵ masnat n awal, əşşiwələǵ s ikus n aşşak, aǵaǵ isalan n əssir n Əlinjil əs tanaya.

²⁰ Əlinjil en daǵ as əmosaǵ almawakkil-net daǵ əddənət, amaran əddəlil-net a fəl aheǵ iǵunan. Tattarat-in fəl ad t-əmmala y aytedan s ikus n aşşak, s əmmək was ihor a sər-əs əşşiwəla.

Assalaman win əlkamnen

²¹ Amadray-nana Tişik wa n əməri-nin imosan amaşşaxal iǵdâlan n Əməli, a dawan-əgu kawanay da isalan-in kul, fəl ad təssənam alxalat ta aheǵ d awa tagga.

²² Əgmâyaǵ-in əsuki wa dawan-t-in-z-əga, fəl a dawan-əgu isalan-nana, aləm-awan fəl man.

²³ Onsaya Məşşina di n Abba d Əməli Ǵaysa Əlməsix ad akfu imədrayan-nana kul alxer əd tara daǵ əttâfan əzəgzan-nasan.

²⁴ Ya Məşşina təgeǵ arraxmat-nak y aytedan kul win əranen Əməli-nana Ǵaysa Əlməsix, əgân-as tara wər nətəməttəy.

Şirawt ta iktab Buləs i Kəl-Filib

Şihulawen

¹ Awa nak Buləs əd Timotay əmosnen eklan n Əlməsix Yaysa. Nəhul-in aytedan kul n əxrəm ən Filib win əmosnen arat daş tamattay ən Məşşina əs tərətəyt-nasan d Əlməsix Yaysa, əd muzaran n Əlkənisat əd madhalan-nasan.

² Əgməya daş Məşşina di n Abba-nana d Əməli Yaysa Əlməsix a fall-awan d-izazzabben arraxmat d alxer.

Igodan əd təwatriwen

³ I kawan-d-əkterəş ad əggudəyax y Əməli-nin Məşşina.

⁴ Şiwatriwen kul şin dawan-tagga, fawda təfalawist a daş-wan tanat-tagga,

⁵ fəl əddəlil ən tədhəlt ta di-tətaggim daş əzəwwəziwəz n Əlinjil, a d-obazan xur əzəl wa azzaran har əmərədda.

⁶ Fadda əkkasax aşşak as, əşşəşəl olaşan wa daş-wan issənta Məşşina əddi, wər tu-z-izzərəz iket wər t-issənda əzəl wa daş du-z-azzabbat Əlməsix Yaysa.

⁷ Wərgəş bannan ifarəy əwəl-in y adi daş talxa-nawan ketnawan fəlas əkneq-qawan tara kawanay win dər-i ədrawnen arraxmat ta di-iga Məşşina gər za əmərədda ad əhey kasaw wala dəş daş təbəllant ta əgeş fəl Əlinjil d əsəttəddi-net.

⁸ Məşşina issan as tara ta dawan-əgeş ketnawan Yaysa Əlməsix iman-net a du-təfal.

⁹ Amaran awa gammaya daş təwatriwen-in, a daş-wan tətittəy tara ta kawan-təhat daş masnat ta n tidət d əgərri n id t-illa arat.

¹⁰ As iga adi ad təfrəgam əsənnəfrən n awa iknan əlluş, təqqəlam aytedan zaddognen wər iwer lahan waliyyan əzəl wa du-z-iqqəl Əlməsix,

¹¹ təssəgətam imazalan win oşadnen as Yaysa Əlməsix a xur d-əfalan fəl ad itəwəsəşməş Məşşina attamal.

Isalan ən təməddurt ən Buləs d əşşəşəl-net

¹² Areş ad təssənam imədrayan-in as, arat wa di-igrawan da eway-du fadda as əslan aytedan aggotnen y Əlinjil.

¹³ Təzzar eway-du awen as əssanan sojitan kul win tagaznen əmənokəl d aytedan kul sa hadan as əddəlil n Əlməsix a fəl əhey kasaw.

¹⁴ Amaran wərgəş adi şas, kalar iguz-in kasaw eway-du əs təşşam ən mədrayan-nana daş əzəgzan tətəyt ən təfləst ta əgan y Əməli, a daş-san tətittəy təholat n əməl n əwal ən Məşşina wər tan-taha tasa.

¹⁵ Tidət a imos as wiyyad daş-san manjaş əd tara n əməzrəy a fəl taggin isalan n Əlməsix. Mişan win hadatnen taggin-tan s ənnəyat tolayat,

¹⁶ amaran tara a fəl taggin adi id əssənan as əddəlil ən təbəllant fəl Əlinjil a fəl əhey kasaw.

¹⁷ Mişan, aytedan win hadatnen wərgəş əwəl iyyanda as taggin isalan n Əlməsix, kalar tənfa-nasan şas a gammayan, əgən iduf n as a fall-i əşşitin s adi arkanay wa ənnaya daş kasaw.

^{18a} Wər imos adi wala! Əlməxsud as, gər za taggin adi s əwəl iyyanda wala dəş s ark ənnəyat, isalan n Əlməsix a taggin amaran isifalawas-i adi.

^{18b} A di-aknu dəş əsəffəliwəs.

¹⁹ Fəlas əssanaş as, adi ketnet a d-awəy ad əgrəwəş əfsan s əssəbab ən təwatriwen-nawan əd tilalt n İnfəs ən Yaysa Əlməsix.

²⁰ Amaran əkneş əsəddirən wəllen əge dəş attama n as wər di-za-təbəz təkarakit daş arat waliyyan. Kalar gər za dat awa wala əmərədda, fawda əmosaş amaqqajay fəl ad itəwəsəşməş Əlməsix gər za əs təməddurt-in wala əs təməttant-in.

²¹ Fəlas nak Əlməsix a imosan təməddurt-in, amaran təməttant tənfa-nin a təmos.

²² Mişan ya as imos as əşşəşəl n Əlməsix təh-as tənfa ad əglax əddara, wədi wər əssəna awa za sənəfrəna.

²³ Əttirkaba fəl əşşin gannatan. Sinahala tara n əgamad n əddənət əməla xur Əlməsix, arat s ənta a di-ofan wəllen.

²⁴ Mişan ya fəl əddəlil-nawan oğar tənfa ta təhat ad əhey əddənət.

²⁵ Arat wədi əkkasa daş-as aşşak. Əssanaş as ad əglax əlle xur-wan fəl a dawan-ilala ketnawan s ad ittəy əzəgzan-nawan, akn-iwan adi əsəffəliwəs.

²⁶ Adi a z'ışşitin saşmar wa təgam Yaysa Əlməsix əs tarrayt-in, s əssəbab ən təwəşlay ta kawan-in-z-aga.

*Əlməsix a imosan təməddurt-in - Almasal wa n Buləs**Təməddurt ta təmməttalat Əlinjil*

²⁷ Təxara təgət da, agiwat alxal wa imməkkən ad t-agin aytedan əzzigzannen s Əlinjil n Əlməsix. As iga adi, gər za oseq-qawan-in wala dəx imos as isalan-nawan xas a əgrawa, ad əssənax as təgəlayam dəx igi n axaf iyyanda, tənimmənnakam s əwəl iyyanda dəx təbəllant ta təgam fəl əzəgzan isihaddan fəl Əlinjil.

²⁸ A dəx-wan wər agin aytedan win kawan-əzzəngatnen tasa s arət waliyyan. A sər-san d-awəy adi ikus n əşşak dəx əhluk-nasan, kawanay awəy-du sər-wan ikus n əşşak dəx iguz wa təgam tarrayt ta n efsan. Amaran Məşşina a z'agin adi.

²⁹ Məşşina wərgəx arraxmat n əzəgzan s Əlməsix xas a kawan-ikfa, kalar ikf-iwan harkid ta n əlyazab fəl əddəlil-net.

³⁰ Əmərəddə təgəm fall-as təbəllant şilat ən tas kala di-tənayam əgeq-qat fall-as, ənta dəx as təsallim as harwa da taggaq-qat.

2*Tartəyt d əsəmmədrəy ən man*

¹ Dad zamas tənayam təsasmit əs tartəyt-nawan d Əlməsix, tənayam allam fəl man wa du-tətaway tara-net, tənayam tassaq ta ihakku Infas wa Zəddigan, tənayam dəx təhanint d əllux n Əlməsix,

² dəx adi səkməlat təfalawist-in s ad tagim təməddurt dəx tənimmənnakam, tənimməram, tərtəyam s əwəl iyyanda, tagim ənnəyat iyyadda.

³ Ad wər tagim arət waliyyan a dəx wər təgəmməyam ar tənfa ən man-nawan xas, wala təzzəzwəram iman-nawan id wər infa awen wala. Kalar akkiyyan dəx-wan isəmmədrəyet iman-net i win hadatnen, tagim fawda i midawan-nawan iduf n as ogaran-kawan.

⁴ Akkiyyan dəx-wan igməyet tənfa ən midawan-net, wərgəx ta-net xas.

⁵ Agiwat tiddawt təgət s alxal wa n Əlməsix Yaysa.

⁶ Ənta di da a dəx du-təxsal tişit ən Məşşina ketnet.

Mişan tugdat əd Məşşina ta igrəw den

Wər igməy d a tat-ittəf fəl man-net.

⁷ Kalar oyya awen ketnet

s igi wa iga iman-net akli,

iga-du təhəwt ta du-taggin aytedan.

Awa imos kul issikna tulat-net d aytedan.

⁸ Isəmmədray iman-net

s əbərdəg wa iga har təməttant.

Təməttant en dəx ta təgət fəl təgəttawt.

⁹ Adi a fəl t-ikfa Məşşina edag wa ogaran adkul,

ikf-ay dəx s arraxmat-net esəm

əs tu-wər-illa esəm wər oger,

¹⁰ fəl ad issəjəd i t-illan kul gər za dəx jənnawan

wala fəl əmədal wala dəx daw əmədal,

fəl səxmar n esəm ən Yaysa;

¹¹ əgğayyat dəx i t-illan kul

as Yaysa Əlməsix a imosan Əməli.

Imos awen arət izzizwaran Məşşina di n Abba.

Əmələwləw dəy əddənət

¹² Dəx adi imaran-in zund əmmək as faw da təbbirdəgəy y Əməli əgliwat təsinəfililam əs mazalan-nawan efsan win kawan-ikfa təgəm awen dəx təksəda-net. Awen dəx a təgəm harwa a xur-wan əlle. Dəx adi ad wər təməzzəyam d igi n adi, wəllən əməərəddə ad wər əlle xur-wan.

¹³ Təfrəgəm igi n adi fəlas Məşşina iman-net a işxələn dəx wallan-nawan, ihakk-iwan ənnəyat əd fərregət n igi n arət kul, ilkâm awen i tara-net.

¹⁴ Arət kul wa tətaggim, agat-tu da wala agatanten wala təməzaq

¹⁵ fəl ad təqqələm aytedan wər iwer lahan waliyyan, zəddogən, əmosan bararan əkmələnən ən Məşşina, əhanən ammas n ark aytedan, əxrakənən ən nəllubas. Təgəm dəx-san əmələwləw wa iga ənnur dəx şiyay,

¹⁶ təzizawem dəx salan win hakkinen təməddurt ta təxlalat. As təgəm adi, ad əfləsəx iman-nin əzəl wa du-z-asu Əlməsix, fəlas ad əssaknu adi əs əşşəxəl-in d arkanay wa ənaya wər əbbənnanan.

¹⁷ Mişan mijas a dağ-i təwəkkəsan man, əqqəla şilat ən təkutay tətivanxalat a du-təssindat əşşəxəl wa kawan-isassagan əzəgzan-nawan. Kud iga adi da ad fəliwəsa nak, fəliwəsa deş nak dər-wan.

¹⁸ Kawanay da fəliwəsat, təfəliwəsəm deş nak dər-wan.

Timotay d Ebafroditəs

¹⁹ Əgeş attama daş Əməli Ƴaysa n a kawan-in-əssuka Timotay. As kawan-d-ifal ad əgrəwəş isalan-nawan tansu tayttay-nin.

²⁰ Fəlas Timotay Ƴas a ifarrayan y awas farraya, tewây-as talça-nawan əd man.

²¹ Amaran aytedan kul win hadatnen tənfa ta n man-nasan Ƴas a gammayan, wərgəş talça ta n Ƴaysa Əlməsix.

²² Amaran təssānam daş təməwit tas isitadda Timotay tişit-net awedan ilan almaşna, fəlas ənəməşxal wa itaggu barar d abba-net a dər-i inamagga, iddew dər-i daş əşşəxəl wa n amel n Əlinjil.

²³ Daş adi ənta as əgeş attama n a dawan-t-in-əssuka. Wər əqqələş ar y ad əssənəş awa daş-i z'agin.

²⁴ Amaran əkkasəş aşşak şur Əməli, as a kawan-in-asa nak iman-in daş alwaş ihozan.

²⁵ Ənāyəş as olāş as kawan-in-əssoxala Ebafroditəs, imosan amadrəy-nin imos deş əmidi-nin daş əşşəxəl əd təbəllant ta əgeş təmosat amel n Əlinjil s ənta a sər-i du-təzammazalam ewāy tadhəlt tas əddərara.

²⁶ Isidarən wəllen anay-nawan ketnawan, fəlas tədgāz-tu tasalay ta təgam tafəryət-net.

²⁷ Awalla tədās-tu tafəryət zəwwərat har zama ad t-aba. Mişan ihanattat-as Məşşina. Amaran wərgə ənta Ƴas as ihannattat, kalar nak da ihinattat-i, igdal-i aşşud ən man ogaran wa di-igrawan.

²⁸ Adi fəl ədgəza daş a t-in-zəmmizəla sər-wan fəl a tu-tələsəm anay təfəliwəsəm, isəssikəy-i adi aşşud ən man nak da.

²⁹ Agiwat-as əlqəbulat təgāt əs təfalawist tagget id amadrəy-nawan a imos daş əzəgzan s Əməli Ƴaysa, təssəxməram aytedan win şilat-net.

³⁰ Fəlas har iga iman-net daş alşarar ən təmattant fəl əşşəxəl y Əlməsix. Awen kul ig-ay fəl a di-əgu tilalt tas wər təfregam a di-tat-tagim kawanay fəlas igəş a di-təgam.

3

Təlyudəla daş tarrayt n Əlməsix

¹ Amaran, imədrayan-in, təsəffəliwəset-kawan tassaş ta təgam d Əməli Ƴaysa. Wər fall-i imos əzuk a dawan-in-ələsəş akatab n aratan win as kala dawan-tan-in-əkatab, fəlas təha tənfa awen daş əggaz-nawan.

² Ənkədat y aytedan win wər nəzlay əd dən, taggin əşşur, sisahen əmənəkəd əttafan as ənta a itaggin daş tamattay ən Məşşina. Ənkədat-asan wəllen.

³ Nakkanay a igan əmənəkəd wa n tidət, fəlas əlxibada a nəga Məşşina s Infas wa Zəddigan. Ƴaysa Əlməsix a imosan abarag-nana. Wər nəga attama waliyyan daş arat iga əggadəm.

⁴ Amaran nak iman-nin ələş əddəlilan s igi n attama-nin daş aratan əgān aytedan. Kud ill-ay awedan ilān əddəlil s igi n attama-net daş arat iga əggadəm, awedan wədi ogaraq-qu təla n əddəlil s awen,

⁵ fəlas nak a itiwəsammankadan əzəl wa n əttam dəffər təhəwt-in. Əgmāda-du Kəl-İsrayil, təl-i tawşet ta n Benyamin, əmosəş aw Ƴibri wa n ələsəl, əssinda-du əşşərədan ketnasan win əşşərişə wa n Əttawret id Fərisay as kala ad t-əmosa.

⁶ Awa əgeş daş gəlləyat daş tarrayt ten, iyyəwanəş əzəşşəzəb n əlməsixitan. Day batu ta təqqalat aqqad daş əşşərişə, wədi wər ələş lahan waliyyan.

⁷ Aratan kul win di, kala daş-san əgeş iduf n as əmosan-i tətəyt, mişan əmərədda əge daş-san iduf n as afanaz a di-əmosan, fəl əddəlil n awa iga Əlməsix.

⁸ Fadda wərgə aratan win di Ƴas, kalar arat kul əge daş-as asawad n as afanaz a di-imos fəl əddəlil n ədkul a dənnəş wər illa iyyan a təga masnat n Əlməsix Ƴaysa, Əməli-nin. Əddəlil-net fəl əqbaləş a di-igməd arat kul, amaran arat kul əgeş-as iduf n as tajjargant a imos, fəl ad əttəya daş tarrayt n Əlməsix,

⁹ almaşna tassaş dər-əs. Wərgəş ləkkum y əşşərişə wa n Əttawret a di-ikfan taqqat dat Məşşina, kalar əzəgzan-in s Əlməsix. Məşşina a ihakkın taqqat, amaran ihakk-et s əzəgzan s Əlməsix.

¹⁰ Arat wa areş masnat n Əlməsix, almaşna ad əssəna tarna ən tanakra-net daş təmattant, əd tətəyt dər-əs daş alşazab wa iga, ala dər-əs deş daş təmattant ta iga.

¹¹ Adi a di-z-issəfregan igi n attama n a di-d-issənkər Məşşina daş təmattant.

Aggad n əlməxsud

¹² Wər ənnəx əgrəwəx masnat tədi, ənta wala tişit n awedan ikməlan, kalar azzal a əgey dəx agamay n a tanat-agrəwa, fəlas əddəlil n awen da a fəl di-d-obaz Əlməsix Yaysa əs man-net.

¹³ İmədrayan-in, wər ənnəx əgrəwa aratan win di; mişan ya arat iyyanda a tagga a t-imosan as: wər din-səggəda dəx awa okayan, kalar arat wa əfragəx a tagga fəl ad awədəx awa illan dat-i.

¹⁴ Azzal a əgey s əsərkən, fəl ad əgrəwa tefert təmosat təxaray ta danax-iga Məşşina əs jənnawan əs tərtəyt d Əlməsix Yaysa.

¹⁵ Dəx adi nakkanay ketnana win as ikna əzəgzan-nana assahat immikkan ad nəgu alxal wen, amaran wala ad təgām alxal iyyan, Məşşina a dawan-z-isənnəfiləlan awas ihor a tu-təssənam dəx batu tədi.

¹⁶ Arat iyyanda a dawan-z-annaş as: dad zamas newad-du edag wa nəha da əmərədda, aqlatana nəddew dəx anamod wa da.

¹⁷ Ya imədrayan-in, əqqəlat ketnawan imattalalan-in, tattalalam aytedan win əlkamnen y almasal wa kawan-nəkfa.

¹⁸ Emmalaş-awan as əllan-tu aytedan aggotnen safraşnen s alxalan-nasan almaşna ən təmattant n Əlməsix fəl təgəttawt. İyyəwanax-awan igi ən batu ta, amaran əmərədda həllaş as dawan-tat-əlasax igi.

¹⁹ Tilkamat-nasan ahluk, fəlas şidusen-nasan a mosnen əməli-nasan, sinafasan arat was ihor a tan-isikarakad, wər təkka ənnəyat-nasan ar əddənət.

²⁰ Nakkanay amaran akal-nanax ijənnawan. Amaran ijənnawan en da as nəqqal y a sər-na tan-d-igməd İnnəsəfsi a t-imosan Əməli Yaysa Əlməsix.

²¹ Ənta a z'isəmməttəyan əs tarna ta ila fəl arat kul şixəswen-nana ərkamnen, tamattatnat, işşəşil-enat əd ta-net təknət təla ən tanaya.

4

¹ İmədrayan-in əknəy tara, sinahala tara n anay-nawan! Təmosam-i təfalawist, təmosam dəx əssəbab n ətəwəsəymar-in. İmaran-in, zəzzəwətat dəx əzəgzan s Əməli.

İnnəsixatan

² Efodəya əd Santik, onsayaq-qamat ad tənəmənəkmat fəl əddəlil ən tassaş ta təgamat d Əməli.

³ Amaran kay da, imosan əmidi-nin wa n tidət dəx əşşəşəl, əgməya dəx-ak ad tilalaş i tədoden di əs maknan gar-əssanat fəlas əllilnat-i əs təbəllant fəl Əlinjil, nak əd Kəleman əd midawan-in win hadatnen dəx əşşəşəl s əsmawən-nasan əktəban dəx əlkəttab wa əhan əsmawan n aytedan win əgrawnen təməddurt ta təşlalət.

⁴ Fəliwəsət faw dəx tassaş ta təgam d Əməli. Əlasa tənna n adi, fəliwəsət.

⁵ İssənət awedan kul dəx əlluş-nawan. Əməli ihöz.

⁶ A kawan-wər-işşəwəş arat waliyyan. Kalar a təqqal alxalat ta təggazam, əgməyat dəx Məşşina arat was təddəraram, ad tətattaram s əwəl iha agoda.

⁷ As iga adi, alxer wa ihakku Məşşina, imosan alxer illən dənənəg arat kul was ifrag awedan əgərri-net, ad agəz iwəllan-nawan əd medranan-nawan dəx arat kul id tartəyt a təgam d Əlməsix Yaysa.

⁸ Xasil imədrayan-in, aratan da win as ihor a tan-tagim faw da dəx taytwen-nawan əd medranan-nawan: imazalan kul win əknanen əlluş, əhoran d i tan-imalan, əd mazalan win əmosnen tidət, əmosan əzzəbun, oşādan, zaddogan, əssiran, tatamalan.

⁹ Əlməxsud as tamazalat faw s arat wa fall-i təşram, təqbalam-tu, təslam-as, tənayam-i tamazalaş-qu. Əddi a dəx-wan issən Məşşina di n əməggi n alxer.

İgodan ən Buləs i Kəl-Filib tadhəlt-nasan

¹⁰ Amaran əşəşşinəy wa təgam masnat ta dəx-i təgam, eway-du sər-i təfalawist tagget dəx tassaş-in d Əməli, kuddeş as dat awa da, təssānam dəx-i mişan wər təgrewam tarrayt n əsəkni n adi.

¹¹ Wər ənnəx adi fəl as əddərara s arat iyyan, kalar nak əlmədəx əgəddi s alxalat kul ta əheş.

¹² İssana təməddurt dəx təməşatirt, əssana dəx təməddurt dəx tənəfləyt. Amaran dəx alxalaten kul şin əggəza əlmədə tewant, əlmədə dəx gələk, əlmədə tənəfləyt harkid təməşatirt.

¹³ Alxalaten kul əfragəş-asnat əs tilalt ən wa di-ihakkin tarna.

¹⁴ Dər iga awen da ya, təgām a olayan as di-tədhəlam dəx təməşutar-in.

¹⁵ Amaran kawanay Kəl-Filib tæssânam wəllen as, as əgmada akal wa n Masedonəya, azzaman win dağ əssəntəğ emel n Əlinjil, wər tu-təlla Əlkənisat a di-tədhâlat ar tanawan.

¹⁶ Fəlas wala alwaq wad əheğ ağrəm ən Tesalonik təsisawayam-in awas əddərara har wərgəğ taklat iyyadda.

¹⁷ Wərgəğ agamay a taggağ a əgrawa, kalar arozan-nawan as gammayağ ad əttəyan.

¹⁸ Əleğ arat kul was əddərara, ənniflaya. Wər din-odena wala id əgrâwağ təhəkkut-nawan ta di-d-eway Ebafroditəs, təmosat takutay iqbâl Məşşina, təla çur-əs ađu izodan, oggam-tat.

¹⁹ Amaran əgmâya dağ Əməli-nin, ilân tanaya wər nəla əddukad, a kawan-ikfan awas təddəraram kul fəl udəm n Əlməsix Yaysa.

²⁰ Adkul i Məşşina Abba-nana har faw. Amin!

Assalaman win təzərəst

²¹ Təhulam-in aytedan kul win əzzəgzannen s Əlməsix Yaysa. Əhulan-kawan-in mədrayan-nana n əlməsixitan win çur-i əllanen.

²² İməzzəgzan əs Yaysa Əlməsix kul win əllanen da, əhulan-kawan-in. Wəllen win məşşaxalan n ağaywan n əmənokal Qaysara.

²³ Əttâra s Əməli Yaysa Əlməsix a kawan-ikfan arraxmat ketnawan.

Şirawt ta iktab Buləs i Kəl-Kolosəya

Şihulawen

¹ Awa nak Buləs, imosan anammazul ən Ƴaysa Əlməsix əs taradawt ən Məşşina, nak d əmidi-nin dağ əzəgzan Timotay, ənnānen əhulan-in

² Kəl-Kolosəya win əhanen tarrayt ən Məşşina, ənnimanakan dağ esəm ən Ƴaysa Əlməsix, əmosnen imidawan-nana n alxādilan sər-əs. Izazzabbat-du fall-awan Məşşina Abba-nana alxer d arraxmat.

Igodan əd təwatriwen

³ Faw da dağ təwatriwen-nana nətigudəy-awan i Məşşina di n Abba n Əməli-nana Ƴaysa Əlməsix,

⁴ fəlas nəslā əzəgzan wa təgam əs Ƴaysa Əlməsix, d əsəkni-nawan tara y i t-illān izzigzan sər-əs.

⁵ Əzəgzan wa əd tara ta, eraw-tan-du attama wa təgam dağ Məşşina, n awa dawan-issənsa dağ aljannat. Attama wa təgam-tu əzəl wa kawan-d-ewad Əlinjil, a imosan isalan win tidət ən Ƴaysa Əlməsix.

⁶ Əlinjil wa ig-awan d assa ad d-iga fəl əddənet ketnet. Ənta a isammattayan alxalan n aytedan s əlluğ, ətittəyan məzzəgzan sər-əs. Əmmək wa da a dağ-wan igan kawanay da, a d-obazan çur əzəl wad təslam i salan n arraxmat ən Məşşina əs tidət, təgrawam əgərri-net.

⁷ Ebafras, əməllil-nana, n əməri-nana, ənta a kawan-issosanan isalan win. Imos əməggi ən salan n alxadil n Əlməsix y-awan,

⁸ ənta a danağ-imalan tara ta iga Infas Zəddigan ən Məşşina dağ wallan-nawan.

⁹ Adi da fəlas a kawan-nəsla nətattar-awan əs Məşşina. Nəgammay dağ-as a kawan-aknu əsusən ən tara-net, s a kawan-akfu s Infas Wa Zəddigan, tayttay kul d əgərri.

¹⁰ Şiwatriwen şin nətagg-enat fəl ad tilem alxal ən məzzəgzan, isənnəhəl-tu Əməli təggəma, ad tətəggim imazalan olāğnen, tətittəy dağ-wan masnat ən Məşşina,

¹¹⁻¹² akn-iwan Məşşina əsəssuhi dağ anamod kul əs tarna-net di maqgarat fəl ad tilem zəmmərat, təggəz-kawan tazaydart, təggudəyam əs man filawasnen y Abba wa kawan-issəfragan agaraw dağ təkəsif ta issənsa dağ tağmar-net di təmosat ənnur təhat ijənnawan iskat y aytedan-net win əhanen tarrayt ta n Əlməsix.

Assəyfaten n Əlməsix

¹³ Ənta a dana-d-ikkasan dağ əlxəkum n İblis di imosən şiyay ig-anay dağ wa n Barar-net Ƴaysa Əlməsix a ikna tara.

¹⁴ Əddəlil ən Barar-net a fəl nəgraw tədarfit, təmosat təsureft ən bakkadan-nana.

¹⁵ Barar wa, şaşelan ən Məşşina a imos

di wər nətəwəhənnəy,

imos değ əmuzar ən təxlək kul,

¹⁶ fəlas axluk a sər-əs d-iga Məşşina aratan kul

fəl amağdal əd jənnawan,

win ətawahannaynen

əd win wər nətəwəhənnəy,

şixurad şin əttənkəlnen

gər əqqalnat tətəbəla wala tağmar,

wala əlxəkum, wala təmənikəla,

aratan win kul ətiwaxlakan-du sər-əs,

fəl əddəlil-net.

¹⁷ Ƴaysa Əlməsix ənta iman-net ill-ay dat təxlək kul,

amaran taxlək kul tənimmattaf əs tarrayt-net,

issan dağ-as.

¹⁸ Ənta iman-net imos əğaf n Əlkənisat,

ig-as tizart ta iga ağaf i təğəssa.

Ənta ələsəl n Əlkənisat,

fəlas ənta ad azzaran tanakra dağ win aba

fəl ad iqqəl ill-ay, azzâr y arat kul.

¹⁹ Aratan kul win ətawannanen s Əlməsix da,

kul tidət id fəlas Məşşina iman-net

a isaggatakken əs tara-net

əşəxsəl ən tişit-net di təndat daḡ Barar-net,
²⁰ amaran ikna tolas iman-net əd təxəllak kul
 šin amadəl əd jənnawan s əddəlil ən Barar-net,
 izazzabbat-du fall-asnat alxer
 əs tanaxla n əzni ən Barar-net
 ḡur təmattant-net fəl təgəttawt.

²¹ Kawanay da əstizarat tənimaggagam əd Məššina təmosam imagzaran-net s ark
 ənnəyaten-nawan d arak mazalan-nawan.

²² Mišan əmərədda, əs təmattant ən Barar-net ikfan iman-net, Məššina ikn-iwan əd
 man-net fəl a dat-əs təbdədam təmosam aytedan zaddoggen, wər nəla lahan,

²³ kud imos as təqlam tətəfəfəm əzəgzan-nawan, təzizawem daḡ-as iman-nawan,
 təzikkem daḡ-as s assahat, wər təkkəsem attama wa təgam as təslam y Əlinjil. Əlinjil
 wa, ittimalan y aytedan kul n əddənət, ənta as əqqala nak Buləs əməggi ən salan-net.

Əššəḡəl wa n Buləs y Əlkənisat

²⁴ Əmərədda isidawat i arkanay wa ənnaya fall-awan. Fəlas əmmək wa ənta as
 əsakkasawa əs təḡəssa-nin, daḡ aganna wa-nin, arat wa din-aba daḡ alḡazab wa inay
 Əlməsix fəl təḡəssa-net di, təmosat Əlkənisat ən nalkiman-net.

²⁵ Əlkənisat ta ənta as əqqala aməššəḡəl-net s awa dər togda tanat-nawan ta di-issodaf
 Məššina. Izammazal-i-du fəl a kawan-əḡrədaḡ əsusən n awal-net,

²⁶ s a dawan-əsaḡḡagḡay əssir wa iḡbar elan s elan. Mišan əmərədda əssir wa
 itawasanafalal i win das-əlkamnen,

²⁷ əntanay as ira Məššina a tan-issusən daḡ igət wa dər ogda ədkul n əssir wa iqqalan
 šiməttiwən n əddənət kul. Əssir wa imos-tu as: Əlməsix iḡsār daḡ wallan-nawan adi
 da fəlas illikan as ad tilem tadagart daḡ əlxurma ən Məššina.

²⁸ Əlməsix wa ənta a nəmməl nakkanay. Nərakkab šiməzzugən n awedan kul,
 nəsaşaḡ-ay əs tayttay təndət fəl ad ikməl akkiyyan daḡ tənəmmənəka d Əlməsix.

²⁹ Daḡ tara n əgğad n arat wa a fəl əsannahalaḡ əššəḡəl, əs tarna ta du-təfalat Əlməsix,
 a daḡ-i tətīmətəkəwəyat s assahat tagget.

2

¹ Arəḡ ad təssənəm awa dər togda təbəllant ta fall-awan ətagga, kawanay d aytedan
 n əḡrəm wa n Lawodikəya, əd wiyyad šilat-nawan as wər kala ənayan udəm-in.

² Arat wa əgeq-qu fəl tara n ad tilem kawanay dər-san əlhimmat, tənəmərim gar-
 ewwan s əwəl iyyanda, fəl ad təsənnəhələm gəlleyat təndət ta ihakku əgərri ikkisawan,
 təssənəm əssir ən Məššina wa imos Əlməsix.

³ Əlməsix ənta ḡas a imosan təsəsarut ən təgərgist a təmos tayttay əd masnat.

⁴ Arat wa ənnəḡ-awan-tu fəl a tu-wər-iməl awedan a kawan-issəxrakan a əganat
 batuten-net daḡ šizada.

⁵ Daḡ adi kud imos as wər ḡur-wan əlle s azzat-in da iman-in əllən ḡur-wan amaran
 isidawat i as əşləḡ as tənizzamam, təzikkem s assahat daḡ əzəgzan wa təgam s
 Əlməsix.

Tənəddawt ən tarrayt ta n Əlməsix

⁶ Daḡ adi azzama təḡbələm as Əlməsix ḡaysa imos Əməli, wədi awəyat əd tarrayt-net.

⁷ Səssəhətət daḡ-as iman-nawan. Əqqələt aytedan əkrāsnen daḡ-as, əssəhatnen daḡ
 əzəgzan-nasan, s əmmək was tətawasasaḡram, təqqələm deḡ aytedan əknənən dəkkur
 n agoda y Əməli.

⁸ Ənkədat i y ad t-imal awedan a kawan-issəxrakan s əlḡəmaten wər təha tənfa əd
 batuten ən təkərras ad əzzirratnen daḡ tanaden n aytedan, əzzirratnat-du deḡ daḡ
 təḡurad šin əttənkəlnen, a du-wər-nəha s Əlməsix.

⁹ Fəlas Əlməsix ənta daḡ təḡəssa-net a daḡ təḡsar tişit kul ən Məššina,

¹⁰ amaran kawanay win daḡ-as ənamannaknen təgrāwam arat kul əs tənəddawt.
 Ənta a imosan əḡaf n əlxəkuman kul əd tənənukəla kul.

¹¹ Daḡ tənəmmənəka daḡ as tətawasamankadam s əmənkəd wər igə əfus n awedan
 mišan wa dawan-iga Əlməsix imosan as daḡ-wan ikkas tişit kul ta n nasbakkadan,

¹² s əlaməḡ-nawan daḡ aman tənbalam təddəwan dər-əs, amaran deḡ
 tətawasankaram-du sər-əs təddəwam dər-əs fəlas əzəgzan a təgam əs tarna ən
 Məššina di maqqarat a t-id-təssənkərat daḡ tamattant.

¹³ Kala təmosam aytedan abā daḡ wallan-nawan fəl əddəlil ən bakkadan-nawan d
 əddəlil n as wər təmosam arat daḡ Kəl-Əlyəhud, wər təmmənkadam, mišan əmərədda
 Məššina ilas-kawan d əsədər təddəwam d Əlməsix, sas dawan-issoraf ibakkadan-nawan
 kul s arraxmat-net.

¹⁴ Imas arak mazalan-nana əd win-nawan əwârnen ixfafawan-nana, irzam-tan fall-ana s ətəwətəytəy-nasan fəl təgəttawt.

¹⁵ İkkas Məşşina assahat ta təhat taqmaren ən kələsuf, oşaq-qanat ilway-tanat dat aytedan əmosnat ajjab, iylab-tanat s Əlməsix.

¹⁶ Dağ adi a tu-wər-iməl awedan a kawan-z-ışrəxan fəlas wər tətəggim awa ira gər iga dağ tattay wala tessay wala ijlan-nawan win maddan əd win əlxibada,

¹⁷ fəlas aratan win wər əmosan ar telay ən win d-əzaynen: tidət-nasan təha Əlməsix.

¹⁸ Ad wər tayyim iman-nawan y awedan a iqqal issəwər-kawan əlhigga fəl as sər-əs əzzodan mazalan n azzahir, issilaqqaw iman-net sər-san, izod sər-əs dəx əlxibada n angalosən, isisahat iduf-net wa iga as tan-inay. İzzizwar iman-net əs medranan wər təha tənfa a d-əgmədnen tayttay wər nəha tarrayt ta n Əlməsix,

¹⁹ amaran ab'as isassahat iman-net dağ tərətət d Əlməsix a imosan eɣaf ən təxəssa. Təxəssa ta kul ənta a tətittəyat s Əlməsix s əmmək wa ira Məşşina, s ənəmənək ən təsəllad wa du-tawayan tənimməğras əd zərwan.

²⁰ Azzama aba kawan-tənimannakam d Əlməsix, tətəwaytasam-du dağ taqmaren ən kələsuf dağ əddənət, dağ adi mafel təlakkamam i batuten n əddənət, təqqabbalam əlqanunan əmosnen:

²¹ «ad wər tədkələx awa», «ad wər tərəməx awa», «ad wər tədəsəx awa»?

²² Aratan win wərge wər əgen ar y a tan-təgməd tənfa dəffər as sər-san iga əmazal? Wər əmosan ar əlqanunan d awalan n aytedan!

²³ Tidət as dağ anay-nasan aratan win oɣâdan fəlas əkfân əs tayttay dağ mazalan-nasan əmosnen: əlxibada əs gəlleyat, əsələqqu ən man, əsəkni ən təxəssa arkanay. Mişan ya məssawsan wər əlen a imosan fərregat n iduf dağ tara ən man.

3

Təməddurt ta təzrayat dağ Əlməsix

¹ Dad zamas tətəwasankaram-du kawanay d Əlməsix dağ təmattant, wədi əgəmmayət aratan win jənnawan dad illa Əlməsix iha əxil ən Məşşina.

² Sədəgat ənnəyaten-nawan sa sər-san wərge sa sər win n əddənət.

³ Fəlas şilat n aytedan aba a təmosam ab'as tətəmazalam aratan win tətəmazalam əstizarat, amaran təməddurt-nawan tətâr s Əlməsix çur Məşşina.

⁴ As d-itawasanafalal Əlməsix a imosan təməddurt-nawan, kawanay da a du-tətəwəsənəfilələm dər-əs, təgrəwam əlxurma-net.

⁵ Dağ adi anɣat dağ man-nawan ənnəyaten kul şin əddənət a tanat-imosan: əzzəna, ammadas, tara ən man, arak deranan, tara n əddənət təmosat əmadraw.

⁶ Aratan win əddəlil-nasan a fəl itaggaz əlham Məşşina n aytedan win uɣaynen s as sər-əs əzzəgzanan.

⁷ Kawanay iman-nawan kala a tan-tətəmazalam harwa ad wər təfregam iduf dağ man-nawan.

⁸ Əmərədda aratan win kul mazzayat dər-san a tan-imosan: əlham, əşşar, əzzəngu, şizmit, ark batuten.

⁹ Ad wər tətənəməggim bahu gar-ewwan, fəlas təjwaram təkəkəsam dağ man-nawan tişit-nawan ta tərəwat əd mazalan-net,

¹⁰ təzzar təgam dağ-san əmərədda iyyat təzrəyat. İman-nawan win əntanay a ətəwəsəşaynaynen faw əs şaşəlan n Əmaxlak-nasan fəl ad tilem masnat təndât ən Məşşina.

¹¹ Dağ təməwit ta təzrayat a, wər tu-təlla zələyat gər aytedan kul gər əqqalan Kəl-Əlyəhud wala win tan-wər-nəmos, gər win əmmənəkadnen wala win wər nəmmənəkad, gər əmosan iğərab wala əljəhlan, gər əmosan eklan wala ilallan, əlməxsud əs ketlanan əhân Əlməsix di imosan arat kul.

¹² Kawanay təhâm win d-isannafran Məşşina, issəwar-tan ağanna ir-en. Dağ adi təggəzet-kawan təhanint, tilem iman mallolnen, təsəlləqqəwam iman-nawan, taləxam, təggəz-kawan tazaydart.

¹³ Nəmiwəyat gar-ewwan, ad tətənəməsürufam gar-ewwan əs inamaşşak iyyan dağ-wan d əmidi-net. Ad tətənəməsürufam gar-ewwan kawanay da əs təməwit tas dawan-issoraf Əməli.

¹⁴ Aratan win kul əgiwat tara dənneğ-san, əs təgam adi ad taknim ənəmənək.

¹⁵ Əlxer wa iga Əlməsix dağ wallan-nawan ixkəmet şinadən-nawan, fəlas əlxer wen da əs kawan-d-iğra Məşşina fəl ad təqqələm arat iyyanda, a das-tətigudəyam.

¹⁶ İyşərət awal n Əlməsix dağ wallan-nawan s igət. Ad tətənəməsəşəyrim, tətənəməsənkidam gar-ewwan əs tayttay təndât, amaran ad tətəggim şigaytalen i

Məşşina əs man əglaynen, əd təmmalen, əd sakkan win d əgmadnen daɣ Infas Wa Zəddigan. Ətaggat-tan fəl ad tassaknim igodan-nawan i Məşşina.

¹⁷ Arat kul wa təgannam əd wa tətəggam, mazalat-tu s esəm n Əməli Ƴaysa, a sər-əs tətigudəyam i Məşşina di n Abba-nana.

Aharog n aytedan daɣ təməddurt ta təzrayat

¹⁸ Şidoden əlkəmmat i tənna ən meddan-nakmat əmmək as ihor a t-ətəgginat tədoden şin əhanen tarrayt n Əlməsix.

¹⁹ Meddan iriwat şidoden-nawan amaran a kawan-wər-ətəggazan arak man sər-əsnat.

²⁰ Bararan bardagat i marwan-nawan daɣ arat kul, fəlas adi da oggam Əməli.

²¹ Amaran kawanay imərwan ad wər tətihərəşem bararan-nawan faw fəl ad wər ɣaşşadan man-nasan.

²² Eklan bardagat i məssawwan daɣ arat kul. Ad wər tətəggim arat fəl as tətivawalam ɣas, tərâm igi n awa oggaman aytedan, kalar agat-tu gar-ewwan əd man-nawan əs təkşəda n Əməli.

²³ Əşşəxəl wa tətəggim kul mazalat-tu s əwəl iyyanda. Agiwat as igi n as imos əşşəxəl təgâm y Əməli wərgex y aytedan.

²⁴ Fəlas təssanam as Əməli a kawan-akfu alak imosan təkəsət ta issənsa y aytedan-net. Əlməsix ənta Əməli-nawan.

²⁵ I igan ark əmazal ad t-irzəm fəlas əşşərixa ən Məşşina ola, wər tu-təha təmərıt.

4

¹ Məssawəs n eklan ətamazalat s alxaq d əşşərixa daɣ tənəttuft ta təgam y eklan-nawan, taktim as kawanay iman-nawan təlâm Məşikkawan daɣ jənnawan.

Aholan

² Sənnəhəlat təkəkkıt daɣ igi ən təwatriwen a daɣ-asnat tənakkadam, tətigudəyam i Məşşina.

³ A dana-tətəggim şiwatriwen nakkanay da fəl a danaɣ-aləm Məşşina tarrayt n əzəwwəziwəz ən salan n əssir-net a imos Əlməsix. Əssir wa ənta a imosan əddəlil n ətəwəttaf-in daɣ kasaw əmərədda.

⁴ A danaq-qanat tətəggim deɣ fəl ad akna fərregat n igi ən salan n Əlməsix s əmmək wa ihoran.

⁵ İliwat alxal olaɣan daɣ tassaɣ-nawan d aytedan win wər nəha tarrayt ta n Əlməsix, amaran ad wər təsabannanam şimazayyaten şin təgarrawam wər daɣ-asnat təgem isalan-net.

⁶ Awal-nawan ihor ad olâɣ imos in əlməxsud, fəl ad təfrəgam masnat n aljawab igân daɣ adag-net y əkkulluk n awedan.

Şihulawen şin əlkammen

⁷ Amaran isalan kul win-nu əmidi-nana daɣ əzəgzan igân esəm Tişik n əməri-nana imosan əməşşaxal n alɣadil n əməllil-nana daɣ əşşəxəl n Əməli, ənta a dawan-tan-z-iɣrədan igi.

⁸ Adi da a fəl as əgmâyax-in əzəmmizəl wa t-in-əge sər-wan fəl a dawan-əgu isalan-nana, aləm-awan fəl man.

⁹ İddəw dər-əs əmidi-nana daɣ əzəgzan n alɣadil n əməri-nana igân esəm Onesim, imosan iyyan daɣ-wan. A dawan-əgin isalan n arat kul wa itawamazalan da.

¹⁰ Aristarxus, a dər ənimaha kasaw, issislam-in fall-awan ənta əd Markus wa n əşşin ən Barnabas. Markus tərəwam as təgrawam isalan-net, amaran as kawan-in-osa təqəbəl-tu.

¹¹ Ƴaysa was itawannu Yustus, issislam-in fall-awan ənta da. Meddan win ən karad a əntanay ɣas iməzzəgzan daɣ Kəl-Əlyəhud win dər ənaməşxala i taɣmar ən Məşşina, amaran olâman i fəl man.

¹² Ebafras wa n iyyan daɣ-wan imosan akli n Əlməsix Ƴaysa, issislam-in fall-awan ənta da. Faw itagg-awan şiwatriwen, igammay daɣ Məşşina əs gəlleyat a kawan-isəssuhət daɣ tarrayt-nawan, təqəqəlam aytedan əndänen daɣ əzəgzan, əkmälnen daɣ ənnəyatən-nasan əndänen ətamazalnen tara ən Məşşina kul əs təməwit təkmalıat.

¹³ Nak iman-in əggəyex əşşəxəl issohen wa dawan-iga kawanay əd Kəl Lawodikəya əd Kəl Yerafolis.

¹⁴ Luqa əməri-nana n anasmagal əd Demas əhulan-kawan-in.

¹⁵ Səslamat-anax-in fəl midawan-nana daɣ əzəgzan win əhanen aɣrəm ən Lawodikəya əd Nimfa d Əlkənisat ta tətamanayət daɣ ahan-net.

¹⁶ Dəffər as təxrâdam təxaray ən širawt ta, agat təməwit a fəl za tətəwəxru y Əlkənisat daɣ Lawodikəya, taɣrim kawanay da širawt ta-nasan ta dawan-du-z-assaglin.

¹⁷ Tannim y Arxifus: əkkəs aššak daɣ əxrud n əššəxəl wa təggaza y Əməli.

¹⁸ Arat wa əfus wa-nu as t-əktaba: Assalaman a din-əgmâdnen daɣ Buləs. Daɣ təwatriwen-nawan a din-wər-tattawim ətəwəttaf wa əge da, daɣ kasaw. Izazzabbat-du fall-awan Məššina arraxmat-net.

Şirawt ta tazzarat iktab Buləs i Kəl-Tesalonik

Assalaman

¹ Awa şirawt a din-təfâlat Buləs əd Silfanus əd Timotay. Nəhul-in Əlkənisat ta n əxrəm ən Tesalonik, təmosat tamattay tərtafat əd Məşşina di n Abba d Əməli Ƴaysa Əlməsix. İkf-iwan Məşşina arraxmat d alxer.

Buləs d əlməsixitan win Tesalonik

İzəgzan ən Kəl-Tesalonik d almasal wa əmosan

² Faw da nətigudəy i Məşşina daş talxa-nawan ketnawan assaxa kul wa kawan-du-nəkta daş təwatriwen-nana.

³ Faw da nəkittəw dat Məşşina di n Abba-nana awa dər ogda əzəmmizəl wa təgam əzəgzan-nawan, d əmmək was təşğalam əs tara ta kawan-təhat, əd zəmmerat-nawan daş igi n attama daş Əməli-nana Ƴaysa Əlməsix.

⁴ Nəssân, imədrayan-nana as, isinafran-kawan Məşşina, kawanay a ira, y ad təqqəlam tamattay-net.

⁵ Adi da fəlas isalan n Əlinjil win dawan-nəga, wər kawan-in-osen əmosan awal Ƴas, kalar əmosan imazalan ən tarna, d əsəggətəkki zəwwəran win ihakku İnfas wa Zəddigan. Təssânam wəllen imazalan win nəga gar-ewwan fəl agamay ən tənfa-nawan.

⁶ Təttəlalam-nana, təttəlalam deş Əməli. Təmiğataram wəllen eges wər dawan-igdel awen əlqəbulat n awal ən Məşşina əs tədəwit ta ihakku İnfas wa Zəddigan.

⁷ Əmmək wen daş as təqqalam almasal olâxan y əlməsixitan kul win əhanen akal ən Masedonəya, əd wa n Akayya.

⁸ Wərgəş Masedonəya d Akayya Ƴas a daş tawaslan igitan n awal ən Məşşina win Ƴur-wan əganen, kalar edag kul wizawazan daş-as salan n əzəgzan-nawan əs Məşşina har as wər nəddərər s əsuxəl n awen.

⁹ Ənta awedan kul immal əmmək was dana-təqbalam assaxa wa kawan-in-nosa, d əmmək was təgmadam batu n əssənəman təmalallayam sa sər Məşşina y a tu-təxbədam, ənta a imosan Əməli iddaran, ittidda.

¹⁰ Təqqâlâm deş y a d-ifəl Barar-net Ƴaysa ijənnawan s ənta a d-issənkar daş təmattant, a danaş-agəz daş alham ən Məşşina əzəl a ilkaman.

2

Emel n Əlinjil daş Tesalonik

¹ Kawanay iman-nawan imədrayan-nana, təssanam as assa wa dawan-in-nəga wər ibbənnan

² Təssanam harwa daş as dat assa-nana y-awan, nətiwadgaz, tiwaggan-anax ərrəbdan daş əxrəm ən Filib, mişan nəgraw tadhəlt ən Məşşina s as danaş-ikfa taholat n a dawan-nəməl Əlinjil, kuddeş as iyyəwanan aytedan agamay n a danaş-əgdəlan awen.

³ Aratan win dər kawan-nəsammatar wər əmosan a igmayan əsəxrək n awedan wala iga s ark ənnəyat wala əs təkərras.

⁴ Kalar dad zamas Məşşina işəggar iwəllan-nana fəl a danaş-isənnəttəf d amel n Əlinjil-net, daş adi wər nətəggu awal a daş nəgəmmay ad nəgrəz y aytedan, kalar Məşşina as nəra a das-nəgrəz s ənta a itaşaggaran iwəllan-nana.

⁵ Təssanam wəllen as wər kala ad nəga batuten əmosnen sixiyyan, wala deş nəga ənnəyat iyyat təxbârat təmosat agamay ən tənfa i man-nana, Məşşina danaş-imosan təgəyya fəl adi.

⁶ Wər nəgmay deş saşmar daş aytedan, gər za daş-wan wala daş aytedan wiyyad.

⁷ Nəfrâq a kawan-nəssəwər igi n awa nəra fəlas nakkanay a mosnen inəmmuzal n Əlməsix, mişan talmat a kawan-nəssəkna. Zund əmmək as tətənatfat anna əd bararan-net,

⁸ əmmək en daş as nakkanay da, fəl tara ta dawan-nəga, nara a dawan-nagu isalan n Əlinjil a d-ifâlan Məşşina. Amaran wərgəş isalan n Əlinjil Ƴas, kalar iman-nana da nəga edag y a tan-nakfu fəl əddəlil-nawan, fəl awa dawan-nəga daş tara!

⁹ Təkittəwam ya imədrayan-nana əşşəxəl issohen izzəwat wa nətaggu ehad ezal fəl ad wər nəqqel əzuk i waliyyan daş-wan, assaxa wa dawan-nəmmal Əlinjil a d-ifâlan Məşşina.

¹⁰ Təggiyyem iman-nawan, amaran Məşşina da iggiyyat as kawanay a mosnen iməzzəgzan, nəg-awan tidawt tagat əs tazdak, d əzəluləx, d iban əlxib waliyyan.

¹¹ Təssnam as əkkulluk n iyyan dax-wan nəg-as arat wa z'əgu abba i bararan-net.

¹² Nəsimatar-kawan, nolam-awan fəl man, nəzzidgaz-kawan deyx y ad tagim alxal wa ira Məşşina s ənta a kawan-ixran fəl ad təggəzam taşmar-net əd tanaya-net.

İlqəbulat ən Kəl-Tesalonik awal ən Məşşina

¹³ Faw da nətigudəy i Məşşina fəl əddəlil n as təslam y awal-net wa dawan-nəmal, təqbalam-tu, wər das-təgem iduf n as awal n aytedan, kalar təgam-as iduf n awa imos, a t-imosan awal ən Məşşina a işxalan daş wallan-nawan kawanay a sər-əs əzzəgzannen.

¹⁴ Ənta imədrayan-nana, kawanay təqqalam aytedan əttilalnen əlməsixitan win Əlkənisaten ən Məşşina şin əhanen akal ən Yahudəyya. Awen da a fəlas kawanay da ziğazzaban-kawan kəl akal-nawan zund əmmək as Əlkənisaten şin əntanəy da ziğazzaban-tanət Kəl-Əlyəhud.

¹⁵ Əntanəy a ənənən Əməli Yaysa, d ənnəbitan, əmərədda ədgazan-ana wəllen nakkanəy da. Wər əgrezan i Məşşina, amaran əmosan izənga n aytedan kul.

¹⁶ Gaddalan-anəy ad nətaməgrad i təməttiwen şin wər nəmos Kəl-Əlyəhud nətagg-asnat isalan n efsan win ihakku Məşşina. Əmmək en daş as faw sandin ibakkadan-nasan. Mişan illikan əs, ilkəm a fall-asan d-izəzzəbbət Məşşina alham-net.

Deran ən Buləs ad iləs iki ən Kəl-Tesalonik

¹⁷ Nakkanəy amaran imədrayan-nana, illikan as isigalam-anəx əzəmməzzəy wa danəx-əgan dər-wan azzaman, nənaməggəg dər-wan daş akal mişan wərgə daş wallan, nədgəz wəllen daş əgəmay n anəy-nawan fəlas nəsidaran-tu wəllen.

¹⁸ Awen da fəlas nara a kəwan-in-nakku, wəllen nak Buləs. Wərgəx taklat iyyadda şas a daş əgməyəş a kəwan-in-akka, mişan awen igdal-anaq-qu Aşşaytan.

¹⁹ Awak wərgəş kəwanəy şas a mosnen attama-nana, təmosam əssəbəb ən təfəlawist-nana, təmosam fəlla-nana əzəl wad za nəbdəd dat Əməli-nana Yaysa assəşəy wa du-z-asu?

²⁰ Awalla kəwanəy a imosan abarəg-nana, təmosam deyx əssəbəb ən təfəlawist-nana.

3

¹ Awen da fəlas imədrayan-nana, təgmad-ana təzəydart n əsəgəd wen, nəsof ad naqqam şas-nana nak əd Silfanus daş əşrəm n Atena.

² Təzzar nəzəmməzal-in amədray-nana Timotay, imosan əmadhal daş əşşəşəlan win Məşşina, tan imosan əzəwəziwəz ən salan n Əlinjil n Əlməsix, y ad isəssuhət əzəgzan-nawan aləm-awan fəl man,

³ fəl a kəwan-wər-iggəz i oyyan iman-net isşəfəl-du dənəg-əs ətəwədgaz wa təgam. Təssənam iman-nawan as ətəwədgaz wədi iha aratan win as otas Məşşina harwa daş tizarat as a danəx-əgrəwan.

⁴ Harwa şur-wan nəlla nəyyəwan-awan igi daw aşaf əs itiwatas ad nətəwədgəz, amaran arat wa, təssənam as ənta iman-net a igan əmərədda.

⁵ Awen da fəl di-təgmad təzəydart n əsəgəd, təzzar zəmməzaləş-in Timotay y a di-d-abəz isalan n əzəgzan-nawan, fəl təksəda n ad təfətəqqəm daş taftawen n Ənəjjerrəb əbbənan əşşəşəl issohen wa nəga.

⁶ Mişan əmərədda Timotay səket sər-anaq qawan-d-ifal, nəgraw şur-əs əmərrəgəz-nawan oləşən. İmal-anəş iduf wa təgam əzəgzan-nawan, əd tara ta kəwan-təhat, d as təkittəwam-ana s əlluş. Təsidaranam wəllen a dana-tələsam anəy, arat wa, ənta a nəga nakkanəy da.

⁷ Əmmək en daş as imədrayan-nana, şirəmmaş, əd tarsəmmawen kul şin nəga, təkfəm-ana təsasmit s əzəgzan-nawan.

⁸ Awalla əmərədda əqqalan-ana-du man-nana, fəlas kəwanəy təgləyam daş tərtəyt-nawan d Əməli.

⁹ Mas nəfrag igi-net y ad nəggudəy i Məşşina daş talşa-nawan əd tədəwit tagget ta sər-nəş du-təwayam dat-əs?

¹⁰ Ehad ezal nətənsəy Məşşina əs gəlləyat a danəx-akfu turəgat n a kəwan-nələs anəy, d a kəwan-naknu əsəssəgri fəl ad isşuhət əzəgzan-nawan.

¹¹ Aşədət Məşşina di n Abba-nana d Əməli-nana Yaysa, tarrayt ta dana-zə-təsəmmənəyat dər-wan!

¹² Kəwanəy amaran aget Əməli əşitəy əggen y ənəmərə wa təgam gər-ewwan, əd tara ta təgam y əkkulluk n əggadəm, zund əmmək as nakkanəy da nəg-awan tara wər nəla əddukad.

¹³ Isæssuhøtet Æmøli iduf-nawan, føl ad tæqqølam imizdagan, wør nøla ølyib waliyyan dat Møššina di n Abba-nana, øzøl wa du-z-iqqøl Æmøli Ýaysa iddew d aytedan kul win-net. Amin.

4

Ammaran

Tømæddurt toýádat

¹ Imødrayan-nana, næssosan-kawan ømmæk was za tagim tømæddurt ta daý za tægrøzam i Møššina, amaran harwa ømørødda da awen daý as tølkamam. Æmørødda nægmøy daý-wan øs gølleýat s esøm n Æmøli Ýaysa ad tøššitim daý anamod wen.

² Næzzidgaz-kawan daý awen følas tæssånam awas kawan-nomar s ønta a danaý-issøwar Æmøli Ýaysa.

³ Arat wa ira Møššina, ad tæqqølam imizdagan ogaznen iman-nasan daý igi n øzzøna.

⁴ Ækkulluk n iyyan daý-wan ittøfet tanat daý tøyøssa-net øs tazdak n øwøl d øzzøbun.

⁵ Taqqamim da wør tølkemam y arak deranan øn tara øn man, zun awa taggin næmmøzray wør næssen Møššina.

⁶ A kawan-wør-iggøz i igån iba n tidøt y ømidi-net daý batu tødi wala idløm-tu. Følas Æmøli ad awwaddab awedan kul wa igan arak mazalan zun win di. Arat wa dat øzøl da næg-awan-tu daw øýaf.

⁷ Ænta Møššina wør danaý-ira ammas, kalar tazdak a danaý-ira.

⁸ Awen da følas awedan wa din-igaran ammaran win, wødi wørgøý awedan a inkur, kalar awedan wødi Møššina a inkur s ønta a kawan-ikfan Infas-net Zøddigan.

⁹ Daý talýa øn tara ta gør mødrayan, wør tøddørarøm i dawan-in-iktøban širawt, følas Møššina a kawan-issosanan kawanay iman-nawan ønømøra gar-ewwan.

¹⁰ Fadda ønømøra wa ønta iman-net a tøsannafalalam i mødrayan-nana kul win akal øn Masedonøya. Mišan nægmøy daý-wan øs gølleýat ya imødrayan-nana, ad tøšatim daý øsøkni øn tara ta.

¹¹ Æqqølat aytedan wør nædgez ar daý igi øn tømæddurt tøyát daý alxer, tannattafam d øššøýølan-nawan, ad tøgammøyam tømæddurt daý tøyurad-nawan. Adi da as kawan-nomar.

¹² Æmmæk di daý as sør-wan du-z-awøy alxal-nawan øtøwøssøýmar daý aytedan win wør næmos ølmøsixitan, tæqqølam aytedan wør næmos øzuk y awedan waliyyan.

Isalan øn tanakra øn næmmøttan

¹³ Imødrayan-nana, næsidaran ad tæssønam awa imosan tidøt daý talýa n aytedan win aba, føl ad wør tæqqølam aytedan as øýšadan man-nasan, zun awa igrawan aytedan win hadatnen wør næga attama-nasan daý wala.

¹⁴ Dad zamas næzzigzan as Ýaysa aba-tu inkar-du daý tømøttant, wødi ad næzzøgzøen as Møššina a d-issøyøl øs tarrøyt øn Ýaysa aytedan win aba, øqqølan-du øddewøan ød Ýaysa.

¹⁵ Arat da wa dawan-za-nømøl daý awa danaý-isannafalal Æmøli: Nakkanay win du-za-tagøz tewøylay n Æmøli næddar, wør za nagu wala arat øn tizart i win aba.

¹⁶ Følas Æmøli iman-net as du-z-azzabbat daý jønnewan ýur økuray, imosan ømøsi n angalos wa zøwwøran, d anasøy n asæk øn Møššina. As iga adi aytedan kul win aba øzzigzanan s Ælmøsix, øntanay a du-z-izarnen tanakra.

¹⁷ Døffer adi nakkanay win d-ogaz alwaq wen næddar, a dør-san nidaw næmmidkøl daý tøgnawen, næssølkød y Æmøli daý alhawa, næmøl ýur-øss har faw.

¹⁸ Daý adi øqqølanet salan win arat a du-tøtinømøssøktim gar-ewwan, imos-awan ares øn tøfalawist.

5

¹ Wør tøddørarøm imødrayan-in i dawan-in-iktøban daý talýa n azzaman wala assøyat ta daý z'agin aratan win.

² Følas tæssånam iman-nawan as øzøl wa ilkaman a d-øgu assa wør nøla šisønnøfrøy, zund øbaydag a d-idålan øhad.

³ As ønnan aytedan: «Iket alxer, iket iba øn tazak waliyyat!» Amazay wen da daý fall-asan du-z-azzabbat alwaba ihån samal øn tøløwayt ta du-tøtasat tantut tøtaggazat amzur, amaran wør z'øfrøgan ødørrøg y-as.

⁴ Mišan kawanay, imødrayan-in, wørgø šiyay a tøham øngøm a dawan-itaggu øzøl wødi tøydørt ta n øbaydag.

⁵ Ænta ketnawan as tømøsam bararan n ønnur, tømøsam bararan n azal: Wørmød a danaý-ila øhad za wør danaý-ølenat šiyay.

⁶ Daḡ adi ad wər nətattu etəs wa taggin aytedan win hadatnen, kalar nəqqəlet aytedan okaynen as əkkulluk n arat əttâfan daḡ-as alwasat.

⁷ Win nassinen, ehad ad nassin, amaran win tamaswadnen, ehad ad samaswadan iman-nasan.

⁸ Mišan nakkanay a mosnen ənnur, nəqqəlet aytedan əttâfnen alwasat daḡ arat kul, təzzar nagu əzəgzan əd tara aḡər ilsân idmaran-nana, iqqəl-ana deḡ attama n efsan wa nəga təkəbbut ən tətoli ta n əməgər,

⁹ fəlas Məşşina wər danax-otes temsay, kalar efsan a danax-otas əs tarrayt n Əməli-nana Ƴaysa Əlməsix

¹⁰ aba fəl əddəlil-nana, fəl ad iqqəl as nəddew dər-əs daḡ təməddurt gər za nəddar wala deḡ ab-ana.

¹¹ Awen da fəlas akkiyyan daḡ-wan issəsmədet əwəl n əmidi-net, tənəmədhəlam gar-ewwan daḡ əşitəy n əzəgzan-nawan zun awa da tətəggim kala da.

Ənnəsixa wa ilkaman

¹² Nəgmay daḡ-wan ya imədrayan-nana, ad tətəggim a iknan əlluḡ y aytedan win daḡ-wan əşḡalnen id Əməli a dawan-tan-d-isannafranay y a dawan-izaran, agin-kawan daḡ tarrayt-net.

¹³ Nəgmay daḡ-wan a dasan-tagim saḡmar aggen igân əs tara fəl əşşəḡəl wa taggin. Iməlet alxer gar-ewwan.

¹⁴ Nəgmay daḡ-wan deḡ imədrayan-nana, ad tərəqqamam y aytedan win məssəndəd, tətəggim ənnəsixatan olaḡnen i win əksannen iman, tədəhhalam inərkam, təqqəlam iməzəzəydar y aytedan kul.

¹⁵ A tu-wər-iməl awedan izzizalan təkma s iyyat, kalar gammayət faw igi n awa olaḡan, gər za gar-ewwan kawanay iman-nawan, wala deḡ gar-ewwan d awedan a iqqəl.

¹⁶ Ʋqqəlat aytedan as faw filawasan.

¹⁷ Ad wər tamməzəyaym d igi ən təwatriwen.

¹⁸ Əkkulluk n alxalat fall-awan təgat, ad tətigudəyam i Məşşina. Ənta əddi da arat wa fall-awan ira Məşşina fəlas tərtayam əd Ƴaysa Əlməsix.

¹⁹ Ad wər təgaddalam y Infas wa Zəddigan a kawan-isimələwləw.

²⁰ Ad wər tətəlkim awa gannin ələwlitan,

²¹ kalar arat kul nazzarət daḡ-as, tətəfəfəm daḡ-as awa olaḡan.

²² Nəməggəgat əd təkma ketnet, a təqqəl.

²³ Nəgmay daḡ Məşşina a ihakkin alxer, a dawan-əgü əzəzdəg ikmālan ənta iman-net, əgəz-kawan əmmək wa təmosam, gər iman-nawan wala iwallan-nawan, wala təḡəssa-nawan, təqqəlam aytedan as tu-wər-illa i ifragan a sər-san annu ark arat, har d-asu Əməli Ƴaysa, Əlməsix!

²⁴ Məşşina kawan-d-ıḡrən əs man-net, alḡadil a imos, amaran ənta z'əgin əddi.

Assalaman

²⁵ Tattarat-anax-in imədrayan-nana:

²⁶ Səsləmat-in imədrayan-nana kul tassaknim-tan-in tara ta n tidət.

²⁷ Əgmaya daḡ-wan fəl udəm n Əməli, ad təḡrim şirawt ta i mədrayan-nana kul.

²⁸ Izəzzəbbat-du fall-awan Əməli-nana Ƴaysa Əlməsix arraxmat-net!

Şirawt ta n sanatat iktab Buləs i Kəl-Tesalonik

Assalaman

¹ Şirawt a din-təfâlat nak Buləs əd Silfanus əd Timotay. Nəhul-in Əlkənisat ta n əxgrəm ən Tesalonik təmosat tamattay tərtaýat əd Məşşina di n Abba-nana, d Əməli Yaysa Əlməsix.

² İkf-iwan Məşşina di n Abba-nana d Əməli Yaysa Əlməsix arraxmat d alxer.

Əşşəriya wa z'agin xur tawaɣlay n Əlməsix

³ Imədrayan-nana, iwâr-ana ad nətigudəy i Məşşina faw daɣ talɣa-nawan. İmos adi arat as inihagga a tu-nagu fəlas əzəgzan-nawan a itittəyan wəllen, itittəy əntada ənəmərə-nawan.

⁴ Adi da a fəlas nakkanay iman-nana nəsanamal fall-awan daɣ Əlkənisanen şin hadatnen ən Məşşina. Nəmmâl zəmmerat-nawan d əzəgzan-nawan daɣ ətəwədgaz kul wa tawawgamm d arkanay wa tənnyam.

⁵ İsitadda adi aqqad n əşşəriya ən Məşşina, amaran adi da a kawan-z-issəhəran əd taɣmar-net ta fəl tənnyam arkanay.

⁶ Arat oyâdan xur Məşşina a imos ad izzəzəl daɣ win kawan-zaɣazzabnen.

⁷ Amaran kawanay win taɣazzabnen əmərəddə, a kawan-akfu təsasmit akf-anaq-ɣat nakkanay da. Arat wa, ad agu assaɣa wa du-z-inəfiləl Yaysa Əlməsix ifâl-du jənnawan ənta d angalosən-net əlanen tarna,

⁸ daɣ ammas ən təmsay təbilaglagat fəl ad awwaddab aytedan win wər nəssen Məşşina, uɣayan əs ləkkum y Əlinjil n Əməli-nana Yaysa Əlməsix.

⁹ Attadib-nasan, ad iqqəl ahluk ixlâlan, nəməggəgan d Əməli-nana. Wər dasan-ilkem anay ən tanaya ən tarna-net.

¹⁰ Adi kul ad agu əzəl wa du-z-azzabbat Yaysa iha ammas n aytedan win mizdagan əd win sər-əs əzzəgzannen kul fəl ad t-əssəxməran ad t-əmmalan. Kawanay da a tan-təggəzam əzəl wədi fəlas təzzigzanam isalan win dawan-nəga.

¹¹ Adi a fəl dawan-nətansay Əməli-nana faw a kawan-issəhəran əd tarrayt ta daɣ-qawan iga. Nəgammay daɣ-as ad assandu əs tarna-net deranan-nawan kul win olaɣnen, agu deɣ əzəgzan-nawan arat təha tənfa.

¹² Əddi ad za təssəxməram esəm n Əməli-nana Yaysa, issəxmər-kawan ənta da s arraxmat ən Məşşina d Əməli-nana Yaysa Əlməsix.

2

Əzəbbi n Əlməsix

¹ Imədrayan-nana, daɣ batu ta təqqalat əzəbbi wa du-z-agu Əməli-nana Yaysa Əlməsix əd tidawt ta za nagu xur-əs, nəgmây daɣ-wan:

² Ad wər aşəw awedan waliyyan əd tayttay-nawan, wala təşşəwəşəm fəl əddəlil ən batu as itiwanna isinafalal-ana-tat-du Məşşina s İnfəs-net wa Zəddigan, wala təşşəwəşəm fəl əddəlil ən batu nəgâ daɣ anamod wen, wala deɣ şirawt iyyat as dawan-itiwanna nakkanay a din-təfal nəmmal daɣ-as as əzəl wa ilkaman ewad-du.

³ A tu-wər-iməl əmmək as kawan-issəxrak awedan, fəlas əzəl wədi wər du-z-asu iket wər tənayam əfəlləg, təzzar inifiləl İnnəmməzrəy as itawannu İn-Tajat as təsəlkaht-net ahluk.

⁴ İmos azangaw ən Məşşina a z'ammazrayan arat kul was itawanna ifâl-du Məşşina əd wa itawaybadan, agu iman-net dənnəg-san. Fadda ad aqqam daɣ Ahan wa Zəwwəran n Əlyibada, agu iman-net əməli.

⁵ Awak takatawt a wər tətəggim as dawan-əmalay aratan win ketnasan harwa xur-wan əlle?

⁶ Amaran əmərəddə təssânam awa t-in-iwaxan fəl a du-wər-inafalal iket wər d-osa alwaq-net.

⁷ Wala əmərəddə da təmazrəyt tətawamazal daw amaɣal, əngəm in za as ab'as t-illa wa tat-in-iwaxan.

⁸ Amaran inəfiləl-du İn-Tajat mişan as d-osa Əməli Yaysa a daɣ-as ikkəs iman s İnfəs-net, assabu tamayyamayt-net s əmələwləw n assa-net.

⁹ Assa n İn-Tajat a d-agu əs tarrayt n Aşşaytan iddew d əzzənəfan aggotnen ən təlməxujatən d aɣalamaten əd təjujəb əmosnen bahutan.

¹⁰ In-Tajat iddew d əkulluk n abakkad issixrakan aytedan win z'əhləknen, fəlas wər əqbelan za wər əren tidət ta təfragat əsəfsi-nasan.

¹¹ Əddəlil-net a fəl dasan-d-issəgla Məşşina tarrayt təsaxrakat, fəl ad əzzəgəzanən əs bahu,

¹² fəl ad awwaddaban win wər nəzzəgzan əs tidət, əssofan ləkkum y awa wər noyed.

Aknıwat əzəzzəwi dağ əzəgzan-nawan

¹³ Nakkənan amaran imədrayan-nana ən maran n Əməli, iwār-anay ad nətigudəy faw i Məşşina dağ talğa-nawan fəlas kəwanay təzzar a isannafran Məşşina y ad təgrəwam efsan s əzəzdəg wa itaggu Infas ən Məşşina d əzəgzan əs tidət.

¹⁴ Awen da as kəwan-d-ıyra s Əlinjil wa dawan-nəmal fəl ad təgrəwam tanaya n Əməli-nana Yaysa Əlməsix.

¹⁵ Dağ adi imədrayan-nana, zəzzəwətət dağ iduf n əsəssəxri wa dawan-nəga gər za s əmi wala da əs şira şin dawan-in-nəktab.

¹⁶ Amaran nəgmây dağ Məşşina di n Abba-nana d Əməli-nana Yaysa Əlməsix iman-net danay-ərānen, əkfān-ana s arraxmat təsasmit təxlilət d-igi n attama issohen,

¹⁷ a kəwan-akfın təsasmit n əwəl, səssuhen-kəwan fəl ad təfrəgam əmazal əd tənna n awa olağan.

3

Taggiwat şiwatriwen

¹ Əmərəddə imədrayan-nana, tansayat-anay-in Məşşina, fəl ad iwəziwəz awal n Əməli itəwəgg-as saşmar wa das-itawaggan şur-wan.

² Əgməyat ənta da dağ Məşşina a danay-ogazan dağ zənga əd nəzzulam fəlas wərgəx aytedan kul a əttafnen əzəgzan.

³ Mişan, Əməli alğadil a imos, ənta a kəwan-z-isəssuhen agəz-kəwan dağ İblis.

⁴ Nəga attama s esəm n Əməli as tətamazalam awas kəwan-nomar taglim deş tətamazalam-tu.

⁵ İssədəget Əməli iwəllan-nawan sa sər tara ən Məşşina əd zəmmerat ta ihakku Əlməsix.

Batu təqqâlat aytedan win məssəndad

⁶ Imədrayan-nana, nomâr-kəwan fəl udəm n Əməli-nana Yaysa Əlməsix s ad tənəməggəgam əd məzzəgzan kul win məssəndad, wər əlkəman y awa tan-nəsəssaşra.

⁷ Kəwanay iman-nawan, təssānam wəllen as immikkan ad tatəggim awa nətag. Harwa a şur-wan nəlla, wər nəmos iməssəndad.

⁸ Wər nəgmay dağ waliyyan dağ-wan a danay-ışatşu bənnan, kalar nərda s anay n arkanay d iduz labasan, nəşxəl ehad ezal fəl ad wər nəqqəl əzuk i waliyyan dağ-wan.

⁹ Wər dana-isəssaga adi ibə ən təla n alxaq n a dana-tilalam, kala ar nəg-ay fəl a dawan-nəqqəl almasal.

¹⁰ Harwa kəwan-nəha, nomâr-kəwan s as: Wa ugayan s əşşəxəl, ad wər atşu.

¹¹ Amaran əmərəddə nəsla as ahân-kəwan aytedan əglānen əs tamajalladat, wər tan-ihə ar iguz ən taşawşiwən a tan-wər-nəqqəl.

¹² Aytedan win di nomâr-tan, nəgmây dağ-san deş s esəm n Əməli Yaysa Əlməsix, ad əgin əşşəxəl-nasan əs tənəgrit fəl ad atşin dağ əşşəxəl ən fəssan-nasan.

¹³ Amaran kəwanay imədrayan-nana, ad wər təddəzəm igi n awa olağan.

¹⁴ Kud ih-iwan awədan wər nəlkem y awa nənna dağ şirawt ta, əssənət-tu, a tu-wər-təməl tassaş waliyyat gar-ewwan dər-əs, fəl ad ikərəkəd.

¹⁵ Dər iga adi da, a das-wər-tagim iduf n azangaw, taggat-as ənnəsixa wa za tagim y amədray-nawan.

Şiwatriwen d assalaman

¹⁶ Akfet-kəwan Əməli n alxer ənta iman-net alxer faw dağ arət kul, ilal-awan ketnawan.

¹⁷ Əfus wa-nin iman-in a iktaban awa: Şihulawən a din-əgmadnən Büləs. Awa da a imosan əjwal ən şira-nin kul. Emmək wa da as tanat-kattaba.

¹⁸ Məşşina ya təkfeş-qəwan arraxmat n Əməli-nana Yaysa Əlməsix.

Şirawt ta tazzarat iktab Buləs i Timotay

Şihulawen

¹ Awa nak Buləs, anammazul n Elməsix Yaysa s ammar ən Məşşina di n Enəssefsi-nana d Elməsix Yaysa wa dağ nəga attama-nana.

² Əhulax-in Timotay imosan barar-in wa n tidət dağ əzəgzan əs Yaysa Elməsix. Əgmāya dağ Məşşina di n Abba, d Əməli-nana Elməsix Yaysa, a fall-ak d-izazzabben arraxmat, əd təhanint, d alxer.

Arraxmat ən Məşşina əd təbəllant ta tolayat

Ərruymatan fəl səssəxritan win saxraknen

³ Yur iki-nin akal ən Masedonəya, əgmāya dağ-ak ad taqqama dağ əxgrəm n Efez, fəl ad təzzərəzax isəssəxritan saxraknen, a dağ-as taggin aytedan wiyyad.

⁴ Ann-asan ad ammazzayan əd ləkkum i mayyan ən Kəl-Əlyəhud, əd masnat n əsmawan n aljadan, wər nəla təzərəst! Aratan win wər du-tiwayan ar tamazaq wər təha əlfaydat waliyyat, edag a n ad ədgəzan dağ iduf n aratan win issəbdad Məşşina dağ tarrayt ta n əzəgzan.

⁵ Elməxsud n awas kay-omarax əddi, a tu-təməl tara dağ aytedan s əwəl iyyanda, d ənnəyaten olağnen, d əzəgzan wər təha tēmənufəqa.

⁶ Aytedan wiyyad namaggagan d əşşərədan win, fataqqen dağ igi ən batuten şiyyad wər nəla almağna waliyyan.

⁷ Sidaranan ad əqqəlan imusanan n əşşərixa wa n Əttawret, ənta wərmad əgrān awa gannin wala değ aratan win as əşşewalan əkkasan dağ-san aşşak.

⁸ Nəssān as əşşərixa wa n Əttawret olāğ as das-ilkam awedan s əlluğ.

⁹ Nəssān değ as əşşərixa wər d-osa fəl əddəlil n aytedan win oğadnen, kalar osā-du fəl əddəlil n arak aytedan, əd nəmməzray, d aytedan win wər nəksud Məşşina, əd win nasbakkadan əd win wər nəha əddin əd maggan n əlfawaxişan əd win əğanen iman n əbbatan-nasan d annaten-nasan əd win maggan ən man

¹⁰ əd maggan n əzzəna, əd win tinəməgginen əzzəna gər za meddan gar-essan, wala şidoden gar-essanət, d aytedan win din-zanzinen wiyyad, əd nəsbuha əd win tagginen tahuday ən bahu, d aytedan kul win əmməzraynen əsəssəxri wa isxan.

¹¹ İsəssəxri wədi, igmād-du Əlinjil ən Məşşina ilān əlbaraka ila tanaya. Əlinjil en da a dər-i isannattaf.

Igodan ən Buləs i Məşşina arraxmat-net

¹² Əggodayax y Elməsix Yaysa əməli-nana a di-issəfragan igi n əşşəxəl-in, fəlas əsənnəhi a di-iga əd təfləst, isannafran-i fəl a das-əşşəla,

¹³ nak was harwa das-wər-əlkema tibuduraq-qu, sakna inalkiman-net arkanay, rabbadəq-qan, mişan ihanattat-i fəlas əljəhəl d iba n əzəgzan sər-əs a dağ əgəx awen.

¹⁴ Təzzar isannahal-i Əməli-nana tehakkay n arraxmat-net, ikf-i değ əzəgzan əd tara win sər-na du-tətaway tassağ əd Yaysa Elməsix.

¹⁵ Batu ta, igmād-tat aşşak, təhor değ d i tat-izzəgzanan ketnet təmosat as: Elməsix Yaysa osā-du əddənət fəl ad əsəfsu inasbakkadan as nak əğaf-nasan.

¹⁶ Mişan ihanattat-i Məşşina, fəl a sər-i əssaknu Elməsix Yaysa nak a ogaran inasbakkadan, tazaydart-net ketnet, əqqələx əlmasal y aytedan win sər-əs z'əzəgzənnen əgrəwan tēməddurt ta təğlalay.

¹⁷ Ya Əmənokal n Amaxlol

Wər nətəməttəy har faw

wər itəwənəy

Wər ila əmidi.

Saxmar d ədkul kul

kay a dər-san ihoran har faw.

Amin!

Awa iwaran Timotay

¹⁸ Ya barar-in Timotay, ənta da arət was kay omara, amaran inimannak əd batuten şin fall-ak əğan ələwlitan dat awa əs tilalt n İnfəs ən Məşşina, imosan as, batuten şin di əg-enət təzəli-nak dağ əməgər olāğan wa təge d aytedan win safraynen əwəl ən Məşşina.

¹⁹ As tətəggay adi təttafay əzəgzan-nak, təzinamazlaya wəllen gər awa olağan d awa wər noleḡ. Aytedan wiyyad teway-du sər-san tugəyt s adi as ibarajjat əzəgzan-nasan.

²⁰ Aytedan win di ih-en Himani d Alaskandər. Oyyeḡ Aşşaytan orn-en fəl ad aknin, ammazayan d ikus ən tarna i Məşşina.

2

İnnizam n Elkənisat

Əlyibada daḡ Elkənisat

¹ Əgmāya daḡ-wan daḡ adi ad təgammayam daḡ Məşşina a iknan tuməḡlaten n aytedan, tətattaram, tətansayam-tu y aytedan kul, tətigudəyam-as awa iga y akk awedan.

² Ad tətəggim adi da i mənokalan d aytedan kul win əhanen taḡmar fəl ad nagu təmaddurt tədrarat, iha alxer daḡ nəksud Məşşina d əzzəbun daḡ əkkulluk n anamod.

³ Adi a olağan, igray y Ənəssefsi-nana Məşşina,

⁴ irān əsəfsi n aytedan kul, awədan masnat ən tidət.

⁵ Fəlas Məşşina iyyanda ḡas a t-illan, awedan deḡ iyyanda, a t-imosan Ḡaysa Əlməsix a imosan almawakkil gər Məşşina d aytedan;

⁶ ikfa iman-net, fəl ad addarfen aytedan kul.

Ənta den da təḡəyya ta iga Məşşina daḡ alwaq was imal.

⁷ Təḡəyya ten da as di-isannafran Məşşina y a tat-aga. Ig-i əməggi ən salan n Əlinjil, d anammazul. Issok-i aytedan win wər nəmos Kəl Əlyəhud y a tan-sassaḡra awa iqqalan əzəgzan əd tidət. Awa ənne da, tidət a imos, wərge bahu.

⁸ Daḡ adi, daḡ adag kul, as təddewam y əḡyibada, əgmāya daḡ meddan ad tattaran ədkālan ifassan-nasan s əwəl zəddigan wər iha alham wala əsəmməsəndəd.

⁹ Əmmək en da as aḡeḡ ad tagginat tədoden telassay təzzibanat, tətātarat, təhāt edag. Ad wər ədləḡnat iman-nasnat əs lətfan əmmittaynen, wala s urəḡ əd təssaḡyeren madeḡ tabdoḡ təkənāt əzzəwi.

¹⁰ Kalar ədləḡnatet iman-nasnat əs mazalan olaḡnen win tagginat tədoden šin əksudnen Məşşina.

¹¹ Daḡ alwaqan win əsəssəḡri n əljəməḡat, tantut iwār-tat ad tədrər taknu əsəsəm a daḡ təbbirdag y əməsəssəḡri.

¹² Wər əkfe tantut turagat n əsəssəḡri wala da tizart y aləs. Kalar iwār-tat əsəsəm.

¹³ Fəlas Adəm a d-ixlak Məşşina daḡ tizarat, dəffər adi ixlak-du Xawa.

¹⁴ Harwa, wərge Adəm a issəxrak İblis; kalar tantut a issəxrak, təqqəl tənəmmezrəyt.

¹⁵ Mišan ya ad təgrəw əḡyllas s əssəbab n as tətulu bararan. Amaran šidoden ad əḡləsnat as zazzawatnat daḡ əzəgzan-nasnat, təh-enat tara, əḡānat alxal zəddigan, əḡānat awen daḡ əzzəbun.

3

İmuzaran n Elkənisat

¹ İllikan as awedan was imos amadammad-net tišit n əmuzar ən nalkiman ən Ḡaysa, əşşəḡəl ihossayan a ira əddi.

² Əmuzar n Elkənisat iwār-tu a tu-wər-illa i ifragan a daḡ-as d-inəy ark arat, izlāf tantut iyyadda, iḡdal i təntut-wəl, imos awedan səmmidan, innoda daḡ əwəl-net, ila əzzəbun, ih-ay amagaru, ifrag wəllen əsəssəḡri.

³ Wər t-itəqqəl əməšwi n esmad wala awedan n əməkkənəs. Kalar əmuzar n Elkənisat iwār-tu ad imos awedan ilān aladab, wər imos ənadlam, wər iwəwəlat azrəf.

⁴ İwār-tu ad ittāf s əlluḡ tanat n aḡaywan-net, əbbirdagan bararan-net, iga awen s əzzəbun.

⁵ Awak awedan wa wər nəfreg ənəttaf ən wala aḡaywan-net, manəmmək as z'issən daḡ nalkiman ən Ḡaysa?

⁶ Ad wər iqqəl awedan as səket ilkam i Ḡaysa fəl ad wər idkəl iman-net dənneḡ aytedan təzzar udu daḡ tədləmt ta daḡ iggədlə İblis iman-net.

⁷ İwār-tu ad imos awedan əflāsan aytedan win wər nəmos əlməsixitan, fəl a tu-wər-iməl i ifrāḡan a daḡ-as d-inəy ark arat, ifətəqqat daḡ taftaw n İblis.

İmadhalan n Elkənisat

⁸ İmadhalan n Elkənisat, əntanay da iwār-tan ad əttafan əzzəbun-nasan, təssiflas deḡ batu-nasan. Ad wər iqqəl alxal-nasan tessay n esmad wala tattan alxaram.

⁹ Iwâr-tan ad zizawen daɣ tidet ta tənafalalat tēhât əzəgzan s Ɛlməsix, ilen ənnəyaten zaddoggen.

¹⁰ Təwəjərrəbanet təzzar, dəffər adi kud wər t-illa i ifragan a daɣ-as d-inəy ark arat, assantın əşşəxəl wa n tişit ən madhalan.

¹¹ Ɛmmək en daɣ as šimadhalen n Ɛlkənisat da iwâr-tanat ad əlânat əzzəbun, wər tizəmnat, sammodnat, əɣdâlnat daɣ əkkulluk n arat.

¹² Ɛmadhal n Ɛlkənisat iwâr-tu ad iɣdâl i təntut-net, iga ənəttaf olaɣan i bararan-net d aɣaywan-net.

¹³ Imadhalan n Ɛlkənisat win tagganen əşşəxəl-nasan s əlluɣ garrawan almaqam d ikus n aşşak ikmalan daɣ əzəgzan s Ɛlməsix ƴaysa.

Ɛssiran ən tarrayt ta n Ɛməli

¹⁴ Attama wa əgeɣ n a kay-ənəya tarmad wər di-igdel a dak-in-əktəba isalan win di

¹⁵ fəl ad iqqal as kud fall-ak in-əlləleɣ, da ad təssənəɣ alxal was imməkkan ad t-agin aytedan daɣ ahan ən Məşşina di n Amaɣlol a t-imosan Ɛlkənisat. Ɛlkənisat ta ənta a təmosat təgəttawt ta n təsəkəbəl ən tidet.

¹⁶ Igmâd aşşak as əssir wa danaɣ-isannafalal Məşşina a t-imosan Ɛlməsix, i zəwwəran:

Inafalal imos awedan.

Iggəyyat Infas ən Məşşina as oɣâd.

Ɛnâyan-tu angalosan.

Tiwaggan salan-net

y aytedan win wər nəmos Kəl-Ɛlyəhud.

Ɛzzigzanan sər-əs aytedan daɣ əddənət ketnet.

Imməkdal əs jənnawan əs tanaya.

4

Ɛsəssəɣri wa olaɣan d amaşşaxal n Ɛlməsix

Ɛrruɣmatan fəl səssəɣritan ən bahu

¹ Dər iga awen da ya Infas imâl s əlluɣ as daɣ azzaman win əlkammen, aytedan wiyyad ad ammazzayan d əzəgzan s Ɛlməsix, əlkaman i kələsuf saxraknen, əd təssunen n Aşşaytan.

² Təssunen šin əfâlnat-du inəsbuha n əlmunafiqan, əs əmmutan wallan-nasan,

³ əgdâlan azalaf, ərɣâman fəl tattay ən wiyyad imensewan as Məşşina a tan-d-ixlaklan fəl a tan-atşin aytedan win əzzəgzannen əgğodayan i Məşşina, əntanay a əssanen tidet.

⁴ Fəlas awa d-ixlak Məşşina kul olâɣ. Wər t-iha a xaraman, igğudəyet ɣas awedan i Məşşina təzzar atşet awa ira.

⁵ Id izzizdak-ku awal ən Məşşina əd təwatray.

Amaşşaxal wa olaɣan ən ƴaysa Ɛlməsix

⁶ As təmmâlay isalan win dak-əge da i məzzəgzan, ad təqqəla amaşşaxal olâɣan n Ɛlməsix ƴaysa, iddaran s Ɛlinjil imosan ənəfilal ən Məşşina daɣ ƴaysa, əd təssunt toləɣat tas təsle.

⁷ Ad wər təsasamaɣ i mayyan ən bannan əmmizraynen awal ən Məşşina. Kalar səlməd iman-nak təməddurt ta daɣ tosaɣa əd Məşşina.

⁸ Ɛşinən ən taɣəssa wər tu-taha tənfa tagget, mişan əşinən n əwəl ləkkum y awal ən Məşşina, tah-ay tənfa daɣ tarrayt kul, fəlas nəgarraw sər-əs əmərədda təməddurt tas iga Məşşina arkawal-net, nəgrəw-tat deɣ dəffər iba.

⁹ Batu adi igmâd aşşak, tənnihat da sər-əs arđin aytedan kul.

¹⁰ Nənnây arkanay, nəbbillan fəlas nəgâ attama-nana daɣ Məşşina di n Amaɣlol imosan Ɛnəsəfsi n aytedan kul, wəllen win sər-əs əzzəgzannen.

¹¹ Aratan əddi da win as za tətamaraɣ aytedan təsasaxraɣ-asan-tan.

¹² Ad wər tayyaɣ awedan waliyyan alkik fəl as wər tawaşşera. Kalar əqqəl almasal i məzzəgzan s awa təganna d alxal-nak əd tara ta kay-təhat d əzəgzan-nak əd tazdak n əwəl-nak.

¹³ Ɛgməd əs taɣaray n Awal ən Məşşina i məzzəgzan, d əsəhəl-nasan d əsəssəɣri-nasan har din-asa.

¹⁴ Ad wər taqqama wər təşşəşxala təhəkkut ta təgrawa, ta kay-ikfa Məşşina s awal wa sər-ək iga ələwli iyyan əs tarrayt n Infas ən Məşşina, assaxa wa kay-əssəwəran muzaran n Ɛlkənisat ifassan.

¹⁵ Aratan win dak-əmələ da, ədgəz daɣ-san, fəl ad ənəyan aytedan kul əməttəy wa tətagga.

¹⁶ Æssen daɣ man-nak, tæssæna ænta da daɣ aratan win tæsassaɣra, ad wær tammazzaya d igi n adi. As tætaggæɣ adi, ad tassafsæɣ iman-nak, tassafsa deɣ aytedan win dak-sasammen.

5

Awa iwaran Timotay gar-es æd mæzzægzan

¹ Ad wær tætiheræššæɣ iɣmaran. Tagg-asan ænnæsixa šilat æn wa za taga y abba-nak; tagaɣ i meddan win madrornen ænnæsixa wa za tagaɣ i mædrayan-nak.

² Šiɣmaren ag-asnat ænnæsixa wa za taga y abba-nak. Taga deɣ i tædoden šin madrornen ænnæsixa wa za tagaɣ i tæmædrayen-nak, iga awen s æwæl zæddigan.

³ Sæɣmær šidoden šin as aba meddan-nasnat wær ælenat æšæqqæɣ a dær-æsnat inættafan, tæssæna daɣ-asnat.

⁴ Mišan kud ælânat bararan madæɣ ihayawan, wædi zæmmizælanet tæksæda-nasan Mæššina s ad æssænan daɣ marwan-nasan, ærzæman-asan æsædwæl wa tan-ægan fælas adi da igrazan i Mæššina.

⁵ Amaran ta wær næla i dær-æs, tæxsâr æd man-net ænta æddi tægat attama-net daɣ Mæššina, tæɣammay daɣ Mæššina a iknan tumæɣlaten-net, tætattar ehad ezal.

⁶ Mišan as imos as tantut as wær idder alæs-net, tæga tæmæddurt a daɣ tælkâm i tara æn man-net, kud imos as taɣæssa-net tæddar, da fæl aganna wa n tassaɣ-net æd Mæššina šilat n as wær tædder.

⁷ Ænta æddi da awa as kay-iwar a tanat-tætamara sær-æs, fæl a tu-wær-imæl i ifragan a daɣ-asnat d-inøy ark arat.

⁸ Amaran awedan wa wær næssen daɣ aytedan-net, wællen win næmmuray-net, wædi zun as oyya æzægzan-net, iššam-as fadda awedan wa wær næzzægzan.

⁹ Ad wær tæktæba tantut as wær idder alæs-net daɣ šin as tætilal Ælkænisat ar s ad tæga sædisat tæmærwæn n awatay madæɣ tokay-tanat, ænta da, wær tat-ides ar azalaf iyyanda.

¹⁰ Æggæyyen deɣ aytedan as tætag imazalan olaɣnen, æmosnen æsædwæl olâɣan æn bararan-net, d amagaru, wær tæsassagar iman-net igi n æššæɣæl a iqqal i mæzzægzan, æd tilal y aytedan win maɣatarnen, d æmazal n arat kul wa olaɣan s æwæl iyyanda.

¹¹ Amaran šidoden šin aynaynen, šin as wær ædderan meddan-nasnat ad wær tæq bæla tilal y-asnat fælas as daɣ-asnat d-inkar Iblis, ad usafnat azalaf æššæɣæl y Ælmæsix.

¹² Tæzzar ibæz-tanat æššæriɣa æn Mæššina s agamad wa tanat-iga æzægzan-nasnat s ænta arkawal-nasnat wa azzaran,

¹³ aqqaminat wær ælenat æššæɣæl waliyyan ar ilum gær nan. Adi ogar-tu âs, a tanat-tæggæz šizmit; æššiwælnat daɣ taɣawšiwæn n aytedan, d aratan as wær immækkan a daɣ-san šawalnat.

¹⁴ Daɣ adi šidoden šin aynaynen, šin as wær ædderan meddan-nasnat, æssofaɣ ad æzlwæfnat, ilenat bararan, æssænnat daɣ ɣawnatæn-nasnat fæl ad wær ægræwnat i maksanan-nanaɣ tarræyt n a daɣ-na d-ænøyæn ark arat a sær-naɣ ænnan,

¹⁵ fælas šiiyyad daɣ-asnat har âs æxraknat, ælkamnat y Aššaytan.

¹⁶ Kud tæll-ay tælmæsixit tælât šisæqqæɣæn as wær ædderan meddan-nasnat, tæssænet daɣ-asnat, aqqaminat wær æmosnat æzuk y Ælkænisat, fæl ad tilal i šin wær næla i dær-æsnat.

Imuzaran n Ælkænisat

¹⁷ Imuzaran n Ælkænisat win tagginen tizart tolaɣat æhoran d ætæwæsæɣmar imosan ænætfus, wællen win tagganen tælxutbat sasaxrin Awal æn Mæššina.

¹⁸ Fælas a ænnan Ælkættaban: «Ad wær tædbæɣa y azgar wa tæššæɣala». Ænnân deɣ: «*Amaššaxal ihor d alxaq-net*».

¹⁹ Ad wær tætatfafa taɣtæst tætiwæggat y æmuzar n Ælkænisat ar s a *tat-æggæyyen æššin aytedan madæɣ karad*.

²⁰ Imuzaran n Ælkænisat win tagginen ibakkadan, raqqam-asan dat Ælkænisat ketnet, fæl ad tæggæz tasa ælmæsixitan win hadatnen.

²¹ Onsayaq-qay fæl Mæššina d Ælmæsix ɣaysa d angalosan win isannafran ad tælkæma y aratan win as kay-omara da, daɣ wær tægeɣ arak torda waliyyat, wala tæmærit.

²² Ad wær tærruræda æsæwær æn fassan-nak awedan, wala deɣ tileɣ adagar daɣ bakkadan n awedan waliyyan. Agæz iman-nak, tættæfa tazdak-nak.

²³ Mazzay æd tassay n aman ɣas, kalar sassu arat n esmad n alɣanab ad anfu adi tadist-nak, anf-ik daɣ tæfræyt ta sær-æk du-tæsaxlayat.

²⁴ Ællan-tu aytedan as ibakkadan-nasan wær tan-iqqærat arat, tiwassanan harwa dat æššæriɣa, mišan wiyyad dæffær tærut ad tawanayan win-nasan.

²⁵ Æmmæk en daȝ as, imazalan win olaȝnen wēr tan-iqqərat arat, amaran wala win iqqərat arat da wēr təhigin əybāran.

6

Eklan əd məssawsan

¹ Ælməsixitan kul win əmosnen eklan, iwâr-tan saȝmar ən məssawsan wəllen fəl ad wēr əkkesan aytedan tarna i Məşşina, wala deȝ alkin təssunt ta nəsassaxru.

² Amaran win daȝ-san əlan əlməsixitan, ad wēr assaknin məssawsan iba ən saȝmar fəlas dər-san əmosan arat iyyanda daȝ əddin. Kalar aginet-asan əşşəxəl ofān was kala a dasan-tu-taggin, fəlas aytedan win garrawnen tənfa n əşşəxəl-nasan əddi, əntanay da əlməsixitan a əmosan sinahalten ətəwəra.

Ammaran əkkanen Timotay imosan əmaray əs Məşşina

İsəssəxritan ən bahu d əzəgzan wa n tidət

Adi a za tasəssəxraȝ aytedan təzzədğəzaq-qan daȝ-as.

³ Awedan wa isasaxran aratan wēr nəmos win dak-əmala da, harwa wēr ilkem y awal wa isxan n Æməli-nana Ȝaysa Ælməsix d əsəssəxri wa d-itawayan təȝudəla,

⁴ wədi awedan anasbarag a imos n aljahil təssiran tara ən tamazaq əd takat wēr nəga ar fəl almaȝna n əlxərəfan. Itaraw-du adi manȝəx əd tamazaq d arak batuten d arak tordaten,

⁵ əd məzrəyan wēr nərriz gər aytedan as wēr oȝednat ənnəyaten-nasan, təgmad-tan tidət. Əgān iduf n əs a tan-isəggərgəş iguz n əddin.

⁶ Mişan illikan as, təksəda ən Məşşina təmos təgərgist zəwwərat fəlas təhakk-anəȝ təməddurt a daȝ nəgda s awa nəla.

⁷ Fəlas wēr neway wala as du-nəggəz əddənət zund əmmæk en daȝ as a tat-nəgməd wēr neway wala.

⁸ Daȝ adi, agdet-anəȝ as nəla isudar əd talassay.

⁹ Amaran aytedan win əranen təgərgist, tifətəqqen daȝ jarrabatan, əd taftawen d arak deranan aggotnen a tan-əkmanen, a du-wər-nətiwəy s awedan ar əbərəjji d əhluk.

¹⁰ Tara n əzrəf a təmosat ələsəl n əşşur kul. Əllan-tu aytedan s awa das-əgan daȝ tara, əxrakan, igmad-tan əzəgzan-nasan, ewayan-du əs man-nasan şiməgraz aggotnen.

Ammaran əkkanen Timotay

¹¹ Amaran kay Timotay, imosan əmaray əs Məşşina, darrag y adi ketnet. Əgməy taqqat, əd təksəda ən Məşşina, d əzəgzan, əd tara, əd zəmmerat, əd talmat.

¹² Agu təbəllant ta tolaȝat, təmosat aggaz n əzəgzan. Əqbəl təməddurt ta təȝlalat, fəlas Məşşina iȝr-ik y a tat-təgrəwəx, amaran batu-net a daȝ təmaləx əzəgzan-nak dat təgəyyawen aggotnen.

¹³ Omāraq-qay fəl Məşşina a itaggin iman daȝ arat kul, d Ælməsix Ȝaysa a imalan s əlluȝ əzəgzan-net dat Fons Bilatəs,

¹⁴ ad təlkəma y awas kay-omara, a daq-qay wēr iwer lahan waliyyan, wēr t-illa i ifragan a daȝ-ak d-inəy ark arat, har d-inəfiləl Æməli-nana Ȝaysa Ælməsix.

¹⁵ İnfəfilal-net ad agu daȝ alwaq wa issənsa Məşşina y awen,

Ənta a ilan albaraka

Ənta ȝas ənaxkim wa n tidət

Əmənokal ən mənokalan,

Əməli ən malan

¹⁶ Wər itəməttəy har faw

Izdāȝ daȝ ənnur

Wər din-itəwəhiz

Wər t-illa awedan as kala ad t-inay

Wala ifrag anay-net

Ənta a ilan saȝmar əd tarna har faw.

Amin!

Awa iwaran iməggərgas

¹⁷ Amər win əggərgasnen daȝ əddənət s ad wər ədkelan iman-nasan dənnəg aytedan wala agin attama-nasan daȝ təgərgist wər za nahag. Amər-tan s ad t-agin daȝ Məşşina a danaȝ-ihakkin arat kul s igət fəl ad nagu təməddurt a daȝ nəddəwat.

¹⁸ Amər-tan s əmazal n awa olaȝan, aggərgasanet daȝ mazalan olaȝnen, təggəzet-tan tahakkaȝ, ardinət əs tədrəwt d aytedan.

¹⁹ Æmmæk di as z'æššidəwan i man-nasan tægərgist a za təqqəlat təsəbdət tolayat y awa d-izayan əzəl a ilkaman fəl ad əgrəwan təməddurt ta n tidət.

Ënnəsixa wa ilkaman əd təhult

²⁰ Ya Timotay, agəz awa kay-issəxlaf Məššina. Nəməggəg əd batuten ən bannan əmmizraynen əddin, əd tamazəyən əgānen daχ təssunt ən bahu.

²¹ Wiyyad əlməsixitan əlkāmnən i təssunt tədi, əxrakan əmməzzayan d əzəgzan. Məššina ya təgeχ-awan arraxmat-net.

Širawt ta n sanatat ta iktab Buləs i Timotay

Təhult

¹ Awa nak Buləs, anammazul ən Ƴaysa əs tərəddawt ən Məššina. Iwâr-i amel ən tēməddurt tas danaŷ-itawagga arkawal-net əs tarrayt ən tərtəyt d Ƴlməsix Ƴaysa.

² Ƴhulaŷ-in Timotay imosan zun barar-in əkneŷ tara: Onsaya Məššina di n Abba, d Ƴlməsix Ƴaysa Ƴməli-nana, a kay-ikfan arraxmat əd təhanint d alxer.

Ammar ən Timotay s ad aġlu daŷ əššəŷəl-net

Agoda ən Buləs i Məššina daŷ batu ən Timotay d ammar-net

³ Nak əgğodayaŷ i Məššina, s ənta a əŷbada s əwəl iyyanda zund əmmək as t-əŷbadan marawan-in, amaran kittəwaq-qay faw daŷ təwatriwen-in ehad ezal.

⁴ Kittəwaŷ iməttawan-nak əkneŷ tara n a kay-ələsaŷ anay fəl ad aknin man-in təfalawist.

⁵ Kittəwa deŷ əzəgzan wa təgeŷ əs Ƴaysa s a wər nəmos sokni, amaran əzəgzan wa, ənta təga Lawisa ta kay-təsahhayawat, d anna-nak Anika. Ƴkkaŷaŷ aššak as kay da təgrāwaq-qu s əmmək en da.

⁶ Awen da fəl kay-du-saktaŷ as: sudər təhəkkut ta dak-iga Məššina, s əssəbab n əsəwər wa kay-əgeŷ ifassan.

⁷ Infas wa danaŷ-ikfa Məššina, wər imos Infas ən tasa, kalar Infas a imos ən tarna əd tara d iduf n əzzəbun.

⁸ Daŷ adi a kay-wər-təgğəz təkarakit n ad tətəgayye fəl Ƴməli-nana, wala deŷ isəkkərukəd-kay iguz-in kasaw fəl əddəlil-net. Kalar nərtəyet daŷ aŷazab wa tagga daŷ tarrayt n Ƴlinjil, iga awen əs tarna ən Məššina

⁹ s ənta danaŷ-issəfsan,
ig-ana təŷaray zəddigat,
wərgəŷ fəl əddəlil ən mazalan-nana,
kalar fəl əddəlil n awa issəbdat Məššina əs tara-net,
d arraxmat ta dana-tətawakfat əs tarrayt n Ƴlməsix Ƴaysa
harwa dat axluk-net əddənet.

¹⁰ Arraxmat ta isannafalal-tat-du əmərədda

assa n Ƴnəssefsi-nana Ƴlməsix Ƴaysa
s ənta a ikkasan tarna daŷ təmattant,
isammalawlaw tēməddurt ta təŷlalal
tas itaggu Ƴlinjil isalan-net.

¹¹ Əddəlil n Ƴlinjil en da a fəl di-isannafran Məššina ig-i əməggi ən salan, n anammazul n əməsəsseŷri.

¹² Amaran əddəlil n aratan win da, a fəl tawazaŷazzabaŷ əmərədda, mišan wər fall-i imos awen təkarakit, fəlas əssana was əzzəgzana, əkneŷ deŷ ikus n aššak as ifrāg ad agəz təŷlift ta ŷur-əs əle har əzəl a ilkaman.

¹³ Ƴlkəm y almasal wa ihan isalan ən tidət win dak-əgeŷ, təzəzzəwe daŷ-as s əzəgzan əd tara win du-tətaway tassaŷ n Ƴlməsix Ƴaysa.

¹⁴ Təŷlift təhossayat ta təgrawa ŷur Məššina, agəz-tat əs tarna n Infas wa Zəddigan a danaŷ-ihan.

¹⁵ Təssənəŷ əs aytədan kul win akal n Asəya əfalan dəffər-i, harkid Figelus, əd Hermogenus.

¹⁶ Ƴməli ya təzizabbe du təhanint-nak fəl aŷaywan n Onesiforus, fəlas faw italam-i fəl man, amaran wər ikarakad y iguz-in kasaw.

¹⁷ Kalar assaŷa wa din-osa Ƴrrum, iswad-i əs tidət har di-igraw.

¹⁸ Ƴməli ya təhinatəŷ-as əzəl a ilkaman. Kay iman-nak a issanan wəllen daŷ tilalt ta di-igi daŷ əŷrəm wa n Efez.

2

Anammagar wa n tidət n Ƴlməsix

¹ Daŷ adi kay barar-in səssuhət iman-nak s arraxmat ta təhat tartəyt n Ƴlməsix Ƴaysa.

² Amaran arət was di-təsle ənneq-qu dat təgəyyawen aggotnen, sənnəttəf dər-əs aytədan əŷdälnen, əfrāgnen a tu-sassaŷrin əntanay da i wiyad.

³ Əzmər kay da i tadagart-nak daŷ aŷazab fəlas adi da a itaggu anammagar wa n tidət n Ƴlməsix Ƴaysa.

⁴ Awedan imosan anammagar, wër izlay daɣ təɣawšiwən n əddənət sa hadan, fəlas wër igəmməy ar gərrezat y əmənokal-net.

⁵ Zund əmmək di daɣ as ənəbbellen wër inəjjəx ar s ad ilkâm y əššərədan kul win təbəllant.

⁶ Amaran əmagyak wa igan əššəxəl olâxan, ənta a itizaran agaraw ən ɣarat.

⁷ Ənzər wəllən daɣ awa dak-ganna da, fəlas Məššina a kay-z-akfin əgərri daɣ əkkulluk n arat.

⁸ Kattəw Ƴaysa Əlməsix, s ənta a d-itawasankaran daɣ nəmməttan, imos arat daɣ əzzurrəyya ən Dawəd. Arat wa iššewal sər-əs Əlinjil wa əmmala.

⁹ Əddəlil n Əlinjil en da, a fəl taɣazzaba, har as əgan-i ɣunan iguz a taggin y əjajəb n anasgafa. Mišan awal ən Məššina ənta wër t-əhen ɣunan.

¹⁰ Awen da fəlas əddəlil ən win isannafran Məššina a fəl əzmara y arat ketnet, fəl ad əgrəwan əntanay da efsan əs tarrrayt n Əlməsix Ƴaysa, əgrəwan tanaya təɣlalat.

¹¹ Illikan as awal wa tidət a imos:

As dər-əs nərtay daɣ təmattant ta iga,

a dər-əs nərtəy deɣ daɣ təməddurt.

¹² As nəzmar, wədi a dər-əs nərtəy daɣ taɣmar,

as tu-nənkur, wədi a danaɣ-unkar ənta da.

¹³ Kud nakkanay wër nəɣdəl, ənta faw iɣdâl,

fəlas wër z'unkar iman-net.

Amaššayal itiwəqbalan

¹⁴ Aratan win as təsləx da, sakt-en-du i məzzəgzan təzzar təgməya daɣ-san fəl udəm ən Məššina ad ammazayan əd tamazaq ən təfir. Wər tat-təha tənfa waliyyat. Wər du-tətiwəy ar ahluk n aytedan win das-sasammen.

¹⁵ Gammay wəllən d ad tagaɣ iman-nak aləs isitaddan əzəluləx-net dat Məššina, təqqələx awedan wër nətəkərukud daɣ əššəxəl-net, tətəggaɣ igi oɣădan i salan win tidət.

¹⁶ Nəməggəg d awalan wër nəla almaɣna waliyyan, əmosan əllid n əzəgzan, fəlas win as əmosan awalan win əššəxəl-nasan, iket tahagin kannin ənəməggag əd təksəda ən Məššina.

¹⁷ Awal-nasan iha əlmital an šiqqest labasat, a du-təjibərəjjet elam. Aytedan win arat daɣ-san a imos Himani əd Filetos.

¹⁸ Əntanay a sannaməggagnen iman-nasan əd tidət, ənnan tanakra ən nəmməttan wər təmos arat ilkâman, kalar arat okâyan a təmos, takkasan s awen əzəgzan daɣ aytedan.

¹⁹ As iga awen šiqəttawən šin issəbdad Məššina, arat a mosnat izizawen, iwâr-tanat əjwal ən Məššina imosan batuten šin: «*Əməli issan win-net.*» Iwâr-tanat deɣ as: «Awedan kul wa innan ənta in Əməli, wədi iwâr-tu ad ugag arat kul wa wër noɣed.»

²⁰ Aɣaywan zəwwəran ihossayan wərgəx ikassan n urəx d əzrəf ɣas a t-əhanen, kalar əhan-tu win eškan, əd win talaq. Wiyyad za tiwasansan y əzəl a sər-san isktan, win hadatnen amaran tiwasataɣmalan əzəl kul.

²¹ Daɣ adi as izzəzdaɣ awedan iman-net daɣ ark aratan win əmala da, ad immutəg y əššəxələn a sər-əs əskâtnen, iqqəl awedan zəddigan təha tənfa i məššis, amaran igâr iri y igi ən mazalan kul win olaɣnen.

²² Darrag y arak deranan ən təmmədrəyt, ad təgammayaɣ əd taqqat d əzəgzan əd tara d alxer, tərtaɣa d aytedan win tansaynen Məššina s əwəl zəddigan.

²³ Nəməggəg əd təmazaxən wër nəla almaɣna, əmosnat əljəhəl, id təssânaɣ as ikənnasan a du-tawaynat.

²⁴ Akli n Əməli wër ihor ad ikannas, kalar iwâr-tu ad səmmid y aytedan kul, imos awedan ifrəgan əsəssəxri, tah-ay tazaydart,

²⁵ iwâr-tu ad itaggu əsəssəgri ləmmidan y aytedan win das-tamazaxnen, daɣ igi n attama n a tan-akfu Məššina tətubt y ad ənəyan tidət.

²⁶ Əddi a tan-du-za-təqqəl tayttay-nasan ta tolaɣat, əkkəsan iman-nasan daɣ taftawen n Iblis a tan-ibâzan, ig-en daɣ agna-net.

3

Tilkamat n əddənət

¹ Əssən Timotay as azzaman win əlkamnen, a daɣ-san agin jilan labasnen.

² Əddi aytedan ad ib'as kittəwan ar iman-nasan, iren azrəf, əqqələn inasbaragan, əzzəzwəran iman-nasan, taggin alfawaxišan, ib'as əbbərdagan i marwan-nasan, ib'as tan-iha agoda, amaran wër z'əssəxmaran aratan win əqqalnen əddin.

³ Ikwallan wallan-nasan, wər tan-təha təhanint, jiwanken daɣ šizmit, wər əlen əzzəbun, əknān aššar, əgzaran arat kul olaɣan,

⁴ əqqəlan iməkkəddal, əlkəman y awa dasan-d-ewayan medranan-nasan, ih-en əttəkəbbur wəllen, usafan deranan-nasan i talɣa ta n Məššina.

⁵ Ad əttəfan əddin daɣ azzahir, mišan ad unkarān tarna-net. Aytedan win, nəməggəg dər-san!

⁶ Əhan-tan wiyvad as imos alxal-nasan ilum gər ɣawnatan, tabazan əs taftawen-nasan šidoden šin ərkamnen, ən tənəsbakkaden. Šidoden šin den wər əlkemnat ar y arak deranan-nasnat əmosnen əzzənəfan.

⁷ Faw da əgammaynat teɣaray mišan wər əfregnat masnat ən tidət.

⁸ Əmmək was əmməzrayan maššaxawan ən Masar əmosnen Yanus əd Yanbres ənnəbi Musa, əmmək wədi daɣ as əmməzrayan aytedan win di tidət. Meddan win taytween-nasnat wər tanat-ihā ar aɣšud, amaran əzəgzan-nasan wər izmer i jarrabatan.

⁹ Mišan wər z'əgrəwan tətəyət waliyyat, fəlas əmməskəl-nasan ad inəfiləl y əkkulluk n awedan, zun awa igrāwan Yanus əd Yanbres.

Əgəlli daɣ əzəgzan ən tidət

¹⁰ Kay amaran, təkneɣ ləkkum y əsəssəɣri-nin d alxal-in, təssānaɣ wəllen aratan win as ənnəyyeɣ igi-nasan, tənāyax wəllen əzəgzan-in əd təzaydart-in əd tara-nin əd zəmmərat-in

¹¹ d ətəwədgaz-in d alɣazab-in. Təssāna daɣ arat kul wa di-igrāwan daɣ əɣrəm n Antəyoɣəya əd wa n Ikonəyum əd wa n Lustra. Məni-tu ətəwədgaz wa wər əgeɣ? Mišan ikkas-i-du Məššina daɣ awen kul.

¹² Amaran aytedan kul win miksadan ən Məššina əs tətəyət n Əlməsix ɣaysa, win di ad təwədgəzan.

¹³ Mišan aytedan win maksanan, n əlmunafiqan, ad šatin daɣ arak mazalan, saxrakan aytedan-nasan, saxrakan iman-nasan.

¹⁴ Kay amaran, aknu əsəggətəkki daɣ aratan win təssana, təkkaša daɣ-san aššak. Təssānaɣ wa dak-tan-issosanan.

¹⁵ Harwa da təmosa barar əs təssanaɣ Əlkəttaban win Zaddognen, amaran əfrāgan a kay-akfın masnat ta tətawayat s agaraw n əlɣillas s əzəgzan s Əlməsix ɣaysa.

¹⁶ Əlkəttaban win Zaddognen kul Infas wa Zəddigan a d-əfalan amaran təh-en tənfa daɣ əsəssəɣri n aytedan d aqqad-nasan d ikus-nasan daɣ alxata d əsəssəɣri-nasan daɣ tarrayt ta toɣadat.

¹⁷ Əmmək di as awedan wa imosan əmaray əs Məššina ad ifrəg, aknu deɣ əmutəg y igi n əššəɣəl kul wa olaɣan.

4

Emel ən salan win tidət

¹ Onsayaq-ɣay fəl udəm ən Məššina, d Əlməsix ɣaysa, s ənta a z'isrəɣan win əddarnen əd win əba d udəm n ənəfiləl n Əlməsix əd taɣmar-net as:

² Ədgəz daɣ əmel n awal ən Məššina əs təməwit daɣ du-wər-tətəqqəla dəffər-ək, gər za təgrawaɣ edag n igi n awen wala. Əqqəl awedan a d-isardın aytedan əs wər əlen tidət, ad tərəqqama y aytedan tətamaraq-qan, iga awen əs təzaydart təkmlāt d əsəssəɣri iknān.

³ Fəlas əlkāman azzaman a daɣ wər z'əqəbəlān aytedan əsəssəɣri wa n tidət təzzar əlkəman y arak deranan, ad šadawan fəl man-nasan iməssəssəɣra a dasan-ganninen aratan kul win as saddaranan tesalay y-asan.

⁴ Ad ədbəɣan šiməzzugen-nasan i tidət, usafan əsəsem i mayyan.

⁵ Kay amaran əqqəl awedan ilan əzzəbun daɣ əkkulluk n arat, təzməra y alɣazab, iqqəl əššəɣəl-nak emel n Əlinjil y aytedan.

⁶ Nak amaran alwaq ən teklay-nin ihoz-du, alwaq ewad-du wa daɣ z'akfa təməddurt-in təmos takutay.

⁷ Əggāza s əlluɣ təbəllant, əggāza tammazaga har təɣrad, əgleɣ oğāzaɣ əzəgzan-in.

⁸ Daɣ adi, awa obazan ɣur əmərədda, tətivasans-i təkəbbut ta n aqqad təmosat aroz ən wa d-ornan, s ənta di-z-akfu Əməli imosan əmašraɣ wa oɣadan, əzəl a ilkaman. Wərgəɣ nak ɣas əs tat-z-akfu, kalar a tat-akfu y aytedan kul win əqqalnen əs tara y ənəfiləl-net.

Ammaran əkkanen Timotay

⁹ Ədgəz wəllen daɣ a di-du-takka daɣ ətrub,

¹⁰ fəlas Demas igmad batu-nin id issôf ləkkum y əddənet, ikka əxrəm ən Tesalonik. Kreses amaran ikka akal ən Galatəya, Titəs dəy ikka akal ən Dalmatəya.

¹¹ Wər ħur-i d-iqqim ar Luqa. Idaw-du əd Markus fəlas tah-i-tu tənfa dəy əššəxəl-in.

¹² Zimazala Tişik s əxrəm n Efez.

¹³ As du-təgle təmməraħ-i-du əbərnuz wa din-oyye ħur Karfus dəy əxrəm ən Trowas, təmməraħ-i-du dəy əlkəttaban-in, wəllen win əganen dəy agašek.

¹⁴ Alaskandər wa n anad issikn-i arak mazalan aggotnen labasnen. Əməli a das-z-ixkəman əs mazalan-net.

¹⁵ Kay da ənkəd-as, fəlas ikna tišit n əllid n awa nəsassaxru.

¹⁶ Yur əššəriya-nin wa azzaran wər t-illa awedan iwâran aganna-nin, kalar awedan kul igmad batu-nin. Məššina ya wər tan-tobeza s əmazal di.

¹⁷ Əməli a iwaran aganna-nin, isassahat-i, fəl ad aslin aytedan kul win wər nəmos Kəl-Əlyəhud y əmazal-net, šişawadəy əs təməwit təkmâlat, ikkas-i-du dəy əmi n ahar.

¹⁸ A di-agəz Əməli dəy i t-illa əššur ən maksanan, assafs-i y a di-əgu dəy taħmar-net ta n jənnawan. Ənta a ilan tanaya ta tu-təllat dəy əxlul ən təmeren! Amin.

Šihulawen

¹⁹ Təhuləħ-in Friska d Akilas, əntanay harkid ayaıwan n Onesiforus.

²⁰ Erastus ənta iqqim-in dəy əxrəm ən Korent. Trofiməs, as t-id-əfaləħ irin dəy əxrəm ən Miletəs.

²¹ Ədgəz wəllen dəy a du-tasa dat təgrəst. Əhulan-kay-in id Ebulay əd Fudenəs əd Linəs əd Kləwdəya əd mədrayan-nana kul dəy əzəgzan.

²² İllil-ak Əməli, ikf-iwan arraxmat ketnawan! Amin!

Širawt ta iktab Buləs i Titəs

Isənti

¹ Awa nak Buləs, imosan akli ən Məššina, əmosa deḡ anammazul ən Ƴaysa Əlməsix. Issiwar-i Məššina əzük n a d-awəyaḡ əs tarrayt ta n əzəgzan aytedan win isannafran; əssusənaq-čan tidət ta tan-za-tassaknit anamod was z'agin təməddurt tənimanakət əd tara ən Məššina.

² Emmək en daḡ as z'agin attama ən təməddurt ta təḡlalət. Təməddurt ten, Məššina di wər nətəggu bahu a igan arkawal-net dat əxluk n əddənət.

³ Amaran Məššina isinafalal awal-net daḡ alwaq was otas. Awal wen ənta a iha əlməyiza was du-tawafasa s igi-net, daḡ əlkāma y awas omar Məššina di n Ənəsəfsi-nana.

⁴ Əhulaq-qay-in Titəs. Təmosa zun barar-in wa n tidət a dər ədrāwaḡ əzəgzan. Əgmāya daḡ Məššina di n Abba, d Ənəsəfsi-nana Ƴaysa Əlməsix, a fall-ak d-izazzabben arraxmat d alxer.

Əššəḡəl ən Titəs daḡ Kəret

Ətəwəsənəfran ən muzaran d əššəḡəl wa tan-iwaran

⁵ Oyyeq-qay-in daḡ akal ən Kəret fəl ad təsəkkəsəwaḡ awa din-iqqiman daḡ əššəḡəl-nana, təzzar taga daḡ əkkulluk n əḡrəm imuzaran y Əlkənisat ta tu-təhat. Aktəw aratan win as kay-omara, a tan-imosan as:

⁶ Akkiyyan daḡ muzaran win, ihor a tu-wər-illa i ifragan a daḡ-as d-inəy ark arət, izláf tantut iyyadda, ila bararan əzzigzannen, as tu-wər-illa i z'annin əlan arak aladab, madəḡ wər əbbərdagan.

⁷ Ənta amḡar n Əlkənisat Məššina a t-iflasan izzozar-tu i tamattay-net, daḡ adi ilzām-tu ad imos awedan as tu-wər-illa i ifragan a daḡ-as d-inəy ark arət: Wər idkel iman-net dənnəg aytedan, wər ila tuksay n əwəl, wər imos əməšwi n esmad, wər imos əməkkənəs, wala deḡ itattu alxaram.

⁸ Kalar arət wa t-ilzaman ad imos ələs iha amagaru, ira imazalan win olaḡnen, imos ag əlməxsud, n əməzzələləḡ, n əmizdag innodan daḡ əwəl-net.

⁹ Isigatakkat wəllen daḡ ləkkum y awal wa ilan ələsəl s əmmək was itawasasəḡra. As iga adi, ad igrəw fərregat n ad itamar aytedan s əsəssəḡri wa n tidət itaggu, ifrəg deḡ ad isattaddu y aytedan win das-əggəwalnen as əntanay a əhanən alxata.

Ənnəkud i səssəḡritan win bahu

¹⁰ Ənta əllan-tu aytedan aggotnen, wəllen win d-əgmadnen Kəl-Əlyəhud, əmosnen inəffəllag, əššəwalnen ixərsan, saxrakan aytedan.

¹¹ Aytedan win di ilzām ad təwədbəḡan mawan-nasan, fəlas saxrakan iḡawnatan əḡrādnen s əsəssəḡri n aratan wər nəmməkkan. Tattin s awen alxaram.

¹² Iyyan daḡ kəl akal-nasan, imosan ənnəbi a innan:

«Kəl-Kəret, har faw təmosam inəsbuha, təmosam šilan wəxsan aššarnen, ən nəffərəšša wər nəsəmədrin ar daḡ a ətšan.»

¹³ Amaran arət wa inna da, tidət a imos. Awen da fəlas əg-asan ərruḡmatan əsāsnen, fəl ad izələləḡ əzəgzan-nasan,

¹⁴ aqqamin da wər əlkəman i mayyan ən Kəl-Əlyəhud d idufan n aytedan win əmməzraynen tidət.

¹⁵ Arət kul zəddig y aytedan win as zaddogan man-nasan. Mišan aytedan win as wər zaddogan man-nasan, ugāyan deḡ s əzəgzan, ḡur-san wər t-illa a zəddigan, fəlas taytween-nasan, d ənnəyatən-nasan kul ih-enat iba ən tazdak.

¹⁶ Gannin əksudan Məššina, mišan imazalan win taggin sataddin as ənkuran-tu. Əmosan aytedan tagginen igitan əssiglafnen, əmosan inəmməzray a fəl tu-wər-illa igi n əmazal olaḡan.

2

Isəssəḡri ikkan Əlkənisat

Ammaran əkkanen əzzənəfan n aytedan

¹ Amaran kay, tamar s aratan win namannaknen əd tarrayt ta imal əsəssəḡri wa n tidət.

² Tannax i meddan win waššarnen ad əqqəlan aytedan sammədnən, əttāfnən əzzəbun, ənnodan daɣ wallan-nasan, issəhat əzəgzan-nasan, təh-en tara, əknan zəmmərat.

³ Emmək wen daɣ as ilzam ad t-əginat tədoden šin waššarnen. Amər-tanat s ad əttəfnat əzzəbun-nasnat dat Məššina. Ad wər tazamnat wala iqqəl alxal-nasnat tessay n esmad aggen. İqqəlnatet šidoden tamarnen s əmazal n awa olaɣan.

⁴ Ədgəznatet daɣ ammar ən tədoden šin madrornen s ad irenat meddan-nasnat, əd bararan-nasnat.

⁵ İqqəlnat šidoden ənnodanən daɣ wallan-nasnat, əginat alxal zəddigan. An-nattafnat d əššəɣəlan ən ɣawnatan-nasnat, aləɣnat, abbardəgnat i meddan-nasnat. As iga adi, wər z'itəwəlku Awal ən Məššina.

⁶ Tamar harwa s əmmək wen da meddan win madrornen s ad annadin daɣ wallan-nasan.

⁷ Kay iman-nak da ilzâm-kay ad tətəggaɣ imazalan olaɣnen daɣ əkkulluk n anamod fəl ad təqqəlaɣ almasal y aytedan. Taggu əsəssəɣri igân s əwəl iyyanda, ilân almaɣna.

⁸ Taggu batuten oɣadnen as tu-wər-illa i dər-əsnaɣ du-z-iqqəlan. As iga adi inəmmənkar-nanaɣ a dasan-iba a sər-naɣ ənnan təha təkma, tabəz-tan təkarakit.

⁹ Amər eklan s ad abbardagan i məssawsan daɣ əkkulluk n arat, a dasan-taggin arat wa fəl tan-z-irin, ayyin-tan təmazrəyt,

¹⁰ amaran a daɣ-san wər takaran. Kalar əqqəlanet aytedan əssiflasnen wəllən. As iga adi a d-awəyan ətəwəsəɣmar igân daɣ əkkulluk n anamod y əsəssəɣri kul wa iqqalan Məššina di n Ənəsəfsi-nana.

Arraxmat ən Məššina

¹¹ Ənta arraxmat ən Məššina tənifalal, tewây-du efsan y aytedan kul.

¹² Təsakn-anaɣ əmmək was za namməzay əd mazalan win iba ən təksəda ən Məššina əd tara n əddənət, fəl ad nagu daɣ əddənət təməddurt a daɣ nənnoda daɣ wallan-nana, toɣâdat, tənimmənnak əd tara ən Məššina.

¹³ Arat wa a tu-nagu nəssigad, nəga attama n əzəl isifalawasan, imosan ənəfilal n ədkul ən Məššina di maqqaran, a t-imosan Ənəsəfsi-nana Ƴaysa Əlməsix.

¹⁴ Ənta a ikfan iman-net, fəl a danaɣ-isəddərfa daɣ id t-illa əššur, izzəzdəg-ana, nəqqəl tamattay-net a sər-əs təskâtat, təsigatakkat daɣ igi ən mazalan win olaɣnen.

¹⁵ Arat da da was kay-ilzam a tu-təsasaɣra, d anamod was ilzam a sər-əs tətamarax aytedan, təsuɣulaɣ-asan-t-idu. Agu y əššəɣəl wa igi n aləs ilân batu. A tu-wər-iməl i kay-olkân.

3

Alxal was ilzam ad t-əgin əlməsixitan

¹ Sakt-en-du as ilzâm-tan ad əbbirdagan y əlxəkumat d almawakkilan-net, əkkiwanan-asan, əgəran iri y id t-illa əmazal olaɣan.

² Ad wər taggin arak batuten s awedan waliyyan, wala əqqəlan inadlaman, ilen aladab, əqqəlan aytedan zamazalnen talmat y əkkulluk n awedan.

³ Fəlas nəkkənay iman-nana da əstizarat wər nəla almaɣna, nəmos inəmməzray əxrəknen. Nəha əkkəlu fəlas nəlkâm y ark ənnəyatən d arak deranan, əmosnen əzzənəfan. Nəmos aytedan as kawalan wallan-nasan, əranən əddənət, nəla alxal isinaglafan, nənimaksan gar-ena.

⁴ Mišan assaɣa wad tənafalal ənniɣmat ən Məššina di n Ənəsəfsi əd tara-net y aytedan,

⁵ issəfs-ana əs təhanint-net. Wərgəɣ imazalan olaɣnen win nətaggu a fəl nəgraw efsan win. Kalar nəgraw-tan s əširəd wa danaɣ-iga İnfəs wa Zəddigan. Əširəd wa, ənta a danaɣ-ewayan əs təhəwt ta taynayət, isammattay-ana nəssənta təməddurt iyyat taynayət.

⁶ İnfəs wa izəzabbat-t-idu fall-ana Məššina s igət s əssəbab n awa iga Ƴaysa Əlməsix imosan Ənəsəfsi-nana.

⁷ Arat wa ig-ay fəl ad nəqqəl iməkkusa ən təməddurt ta təɣlalət s ənta daɣ nəga attama-nana, fəlas ikkas-ana-du daɣ tišit ən nəmməzray-net, s arraxmat-net.

⁸ Arat wa imos awal illikanan, amaran areɣ a daɣ-as tədgəza fəl ad awəy adi s aytedan win əzzəgzannen əs Məššina ad səggətəkkən daɣ igi ən mazalan win olaɣnen. Arat da da wa olaɣan, təh-ay tənfa y aytedan.

Tarɣamt fəl əzənnəməzray n aytedan

⁹ Nəməggəg əd takkayen wər nəla almaɣna d agamay ən masnat n əsmawan n aljadan. Tənəməggəga deɣ d amel gər aytedan əmmizraynen, d əməstan igân daɣ talɣa n əššəriɣa ən Kəl-Əlyəhud, fəlas wər əlen alfaydat waliyyat, za wər tan-təha tənfa.

¹⁰ I igmayan d əzənnəmərəy n aytedan, tərɣəməɣ-as har sanatat təklaten. As ilas dəffər adi təstəɣaɣ-qu daɣ Əlkənisat.

¹¹ Fəlas təfrəgəɣ ad təkəkəsaɣ aššak as ələs šilat ən wədi immizray tarrayt ta toɣadat, amaran itaggu ibakkadan, izabaz iman-net y əššəriɣa.

Ammaran win əlkamnen

¹² As sər-ək in-zammazalay Artemas madeɣ Tişik, tənəmənɣa d a di-du-takka daɣ əɣrəm ən Nikobolis, fəlas ənta as otasa a daɣ-as əkkəsa tamert ta daɣ gaddalan konakan d asamed əşikəl.

¹³ Akn-in masnat daɣ əşikəl ən Zaynas wa n əmusan n əššəriɣa, d Abbolos. A tu-wər-iməl as miɣataran.

¹⁴ Amaran aytedan win-nana də iwar-tan ad əlmədan əsəggətəkki daɣ igi ən mazalan win olaɣnen, fəl a d-əssəxsəlan aratan win as təkna addararat igi, wərgəɣ ad əgân təməddurt a daɣ wər ənfən wala.

Šihulawen šin əlkamnen

¹⁵ Aytedan kul win dər namahay edag, əhulan-kay-in. Təhulay-in imaran-nana win dər nədraw əzəgzan. Məššina ya təgəɣ-awan arraxmat ketnawan.

Širawt ta iktab Buləs i Filemona

Šihulawen

¹⁻² Awa nak Buləs, imosan amaskasaw fəl əddəlil n Elməsix Yaysa, nak d əmidi-nana dağ əzəgzan Timotay, ənnanen əhulan-in əməri-nana Filemona n əmadhal-nana, d Əlkənisat ta tətamanayat dağ ahan-nak. Nəhul-in deş təmidit-nana dağ əzəgzan Affəya d Arxifus əmadhal-nana dağ təbəllant.

³ Izazzabbat-du fall-awan Məşşina di n Abba-nana əd Yaysa Elməsix, Əməli-nana, arraxmat d alxer.

Tara d əzəgzan ən Filemona

⁴ Əmidi-nin Filemona faw id əggaza šin igi ən təwatriwen a kay dağ-asnat d-əkatta ətigudəya y Əməli-nin.

⁵ Fəlas əsləş tara ta təgeş y aytedan kul win əlkammen y Əməli Yaysa, d əzəgzan wa sər-əs təge.

⁶ Šiwatriwen-in ətaggaq-qanat fəl ad təgrəwa s əlləllu-nak, wa d-igmadan əzəgzan-nak, əgərri iknan tənəddawt, n albaraka kul wa nəla dağ ənəmənək-nana əs ləkkum y Elməsix.

⁷ Tara ta kay-təhat amidi-nin teway-du sər-i tədəwit agget d allam fəl man, təssismada deş iwəllan n aytedan kul win əlkammen i Yaysa Elməsix.

Efsan ən Buləs Onesim

⁸ Awen dağ a fəlas kud imos as tartəyt-in d Elməsix təkfi fərregat n a kay-aməra s arat wa ihoran,

⁹ da əssofaş ad imos as agamay şas a dağ-ak z'aga a di-taga tənəfust fəl əddəlil n ənəmərə wa nəga. Nak Buləs imosan almawakkil n Elməsix Yaysa əhe kasaw əmərədda fəl əddəlil-net,

¹⁰ əgmāya dağ-ak a di-taga tənəfust dağ talğa n Onesim, wa şur-ək d-iddərragan, imosan barar-in dağ əzəgzan fəlas tarrayt ta n Yaysa Elməsix a dağ t-əge harwa a şur-i illa da da dağ kasaw.

¹¹ Kala a dak-ku-wər-təha tənfa mişan əmərədda təh-anaq-qu, gər za i kay wala i nak.

¹² Əmərədda əssoşaləş-ak-k-in imos aganna-nin.

¹³ Əsidarana a şur-i illa da da iket əhe kasaw fəl əddəlil n Əlinjil, a di-ilal dağ adag-nak.

¹⁴ Mişan wər areş igi n adi ar əs turagat-nak fəlas wər areş a kay-əşəhhəşşəla əmazal a, olaşan a, əssofa a tu-taga gar-ək əd man-nak.

¹⁵ Mijas Onesim wər dak-iga arat n afel, ar fəlas as kay-in-iqqal, a şur-ək aqqam har faw,

¹⁶ əmərədda wər imos akli şas, ogar akli, əmidi-nin dağ əzəgzan n əməri-nin a imos. Wala nak əknəq-qu tara wəllen əngəm za kay a das-issertayan tara ta n as imos akli-nak imos deş əmidi-nak dağ əzəgzan s Əməli.

¹⁷ Dağ adi kud amidi-nak dağ əzəgzan a əmosa wədi əqbəl-tu tətəfaş-qu dağ adag wa dağ-i tətəfa.

¹⁸ As imos as işşād-ak arat made tər-wāsaş-as-tu wədi nak a daq-qu təssana.

¹⁹ Arat wa əfus wa-nu nak Buləs as t-əktaşa: nak a dak-z-irzəman. Kud ira wər kay-d-əssəktəş as kay təməddurt-nak iman-net a dağ-ak əle.

²⁰ Əgmāya dağ-ak əmidi-nin a di-taga tənəfust ta fəl udəm n Əməli. As di-təgeş adi fəl əddəlil ən tartəyt ta nəga dağ Elməsix a di-taləma fəl man.

²¹ As dak-in-əkattaba širawt ta əkkasəş ašşak as arat wa dağ-ak in-əgammaya da a di-tu-taga ənta madəş a t-ogaran.

²² Əgmāya dağ-ak deş a din-təsəmmutəga edag ən təşimit fəlas ordəş as a kawan-in-ətəwəsuşəla as iqbəl Məşşina šiwatriwen-nawan.

Šihulawen šin əlkammen

²³ Ebafras wa n əmidi-nin dağ kasaw fəl əddəlil n Elməsix Yaysa, issislam-in fall-ak,

²⁴ ənta əd Markus d Aristarxus əd Demas əd Luqa əmosnən imadhalan-in dağ əşşəşəl.

²⁵ Izazzabbat-du fall-awan Əməli Yaysa Elməsix arraxmat-net.

Şirawt ta tətawaktab i Kəl-ȳibri

İsənti: Məşşina išşewal-ana əs tarrayt ən barar-net

¹ Dəffər as išşewal Məşşina a irəwan i marawan-nana əs tarrayt n ənnəbitan, daɣ taklaten aggotnen əd təməwiten aggotnen,

² išşewal-ana nakkanay da daɣ azzaman win əlkamnen a, əs tarrayt ən Barar. Barar wen iga Məşşina arat kul daɣ əfus-net, ixlak-du deɣ əddənet əs tarrayt-net.

³ Tanaya ən Məşşina kul təmilawlaw fall-as, amaran tənda-du daɣ-as tişit ən Məşşina, awal-net deɣ ilən tarna, ənta as ittaf arat kul. Dəffər as issinda əşşəxəl wa n əzəzdəg-nana daɣ bakkadan, ikka ijənnawan, iqqim daɣ əxil ən Məşşina di idkalan.

⁴ Almaqam-net ikna şigrat ən wa n angalosan, fəlas esəm wa t-ikfa Məşşina ogar wəllen win-nasan.

Awa dər togda şigrat ən Barar ən Məşşina y angalosan almaqam

Barar ən Məşşina ogar angalosan

⁵ Amaran məni daɣ angalosan was kala a das-inna Məşşina: «*Barar-in a təmosa, azalada, ad əqqalax abba-nak.*» Məni deɣ daɣ angalosan was inna Məşşina: «*Nak a das-əqqalax abba, ənta deɣ iqqəl barar-in.*»

⁶ Amaran barar wa n aɣafadday en, as t-id-iga Məşşina daɣ əddənet, omar angalosan kul s a das-əssəjədan.

⁷ Daɣ batu ta təqqalat angalosan, inna Məşşina: «*Angalosan-net, ig-en zun aɣu, inaxbidan-net ig-en zun abalagleg ən təmsay.*»

⁸ Daɣ batu amaran ta təqqalat Barar, a inna Məşşina: «*Taymar-nak, ya Barar-in di n Amadkol, təll-ay har faw, əttəbil-nak, əttəbil n əşşəriɣa a imos.*»

⁹ «*Tareɣ taqqat, təkyâda təmazrəyt. Awen da fəlas ya Barar-in di n Amadkol, İməlinak Məşşina a kay-igan əmənokəl, isannafran-kay ikf-ik təfalawist tagget, togarat ta n midawan-nak.*»

¹⁰ Innâ deɣ Məşşina: «*Kay Barar-in di n Amadkol, əstizarat, kay a d-ixlakan amaɣal, ijənnawan deɣ kay a tan-d-ixlakan.*»

¹¹ «*Ad əməsan kul, mişan kay təlleq-qu har faw. Ketnasan ad aɣin əməndi wa tətəggu təbdoq.*»

¹² «*A dasan-tagay aɣda wa itawaggin i təkadkat, itəwagg-asan deɣ əsəmməttəy wa itawaggan*» i səlsa. «*Mişan kay, har faw wər təmməttəy, tayrəst-nak deɣ wər tələ təzərəst.*»

¹³ Amaran, məni daɣ angalosan was kala a das-inna Məşşina: «*Qamu daɣ əxil-in, har daw-ək əssərəsəɣ izəngə-nak, əməlan daw daran-nak.*»

¹⁴ Awak angalosan, wərgəx iməttənkəl a mosan s akkiyyan ilə əşşəxəl-net, tiwamazalan-du y ad ilalan y aytedan win z'əgrəwnen əlxillas?

2

Ad wər nəşəttəlkək awal wa d-eway Barar ən Məşşina

¹ Awen daɣ a fəlas iwâr-anaɣ ənnəkud wəllen, nəşəssuhət aratan win as nəsla, fəl təksəda n ad nəgməd tarrayt ta tolaɣat.

² Arat kul wa əmalan angalosan i marawan-nanaɣ ittidda, amaran abakkad kul əd təmazrəyt kul n awal wədi itiwagg-asan attadib wa dər əhoran.

³ Mənəmmək as za naqqam wər nəwwəddab as imos əs wər nəşəfrar əlxillas oğdân d awa təzzəwwərt? Fəlas əlxillas wa, İməli iman-net a t-id-imalan daɣ tizarat, win das-əslanən deɣ sitaddan-anaɣ as tidət a imos.

⁴ Məşşina a isattaddan təgəyya-nasan s alɣalamaten, d aratan simaklalnen, əd təlməxjujaten əmosnən əzzənəfan, əd təhəkkuten a d-əfalnen İnfəs wa Zəddigan. Aratan win kul ig-en əs təməwit tənimmənnakat əd tara-net.

İsəmmədrəy ən man əd tanaya ən Barar ən Məşşina

⁵ Wərgəx angalosan a izzozar Məşşina y əddənet ta du-təzəyat, tas nəşşewal daɣ batu-net da.

⁶ Amaran təll-ay təgəyya daɣ adag iyyan tənənât: *Ma imos əgğadəm as t-idu-təkatta? Ma imos əg əgğadəm as daɣ-as tətassana?*

⁷ *Təssərasaq-qu daχ arat n azzaman, imal daw angalosan, dəffər awen təkfeq-qu tanaya d ədkul.*

⁸ *Təssərasax arat kul daw-əs.* Ɖuzər wa t-iga Məššina y arat kul, ənta a d-ewayan as wər t-illa i ifragan təmazrəyt-net. Amaran harwa da, wər nəhənnəy əs arat kul illa daw tanat-net.

⁹ Mišan nənāy ȴaysa as iga arat n azzaman illa daw angalosan, dəffər awen igray tanaya d ədkul fəl əddəlil n alχazab wa iga əd təmattant ta iga. Ɖəmmək en daχ as ikazankazat təmattant, imos awen arat iga fəl əddəlil n aytedan kul, s arraxmat ən Məššina.

¹⁰ Məššina a d-ixlakan aratan kul, amaran əddəlil-net a fəl t-əllan. Məššina amaran igrāz-as ad əgrəwan aytedan aggotnen daχ tanaya-net. Dad zamas ȴaysa a imosan əssəbab n əlχillas-nasan, wədi ilzām ad t-akfu Məššina alkamalat kul əs tarrayt n alχazab wa iga.

¹¹ Wa izazdagan, əd win tawazazdagnen, ketnasan iyyanda a d-əfalan, a t-imosan Məššina. Awen daχ a fəlas ȴaysa wər fall-as imos təkarakit tənna ta dasan-itaggu: «Imədrayan-in»,

¹² assaxa wad inna: *Ad əmmālay esəm-nak i mədrayan-in. A dak-agax təmmalen daχ əljəmayat.*

¹³ Inna deχ: *A tu-sənnəhəlay fəllesat.* Inna harwada: *Nak da, nak əd bararan win di-ikfa Məššina.*

¹⁴ Daχ adi, dad zamas bararan win olān, əgān daχ azni əd təχəssa, wədi, ȴaysa da iggāz alxalat ta əhan. Arat wen ig-ay, fəl ad attaftaf əs təmattant-net wa itafan tarna ən təmattant, a t-imosan Iblis,

¹⁵ isəddərfət deχ aytedan win əhanen əkkəlu daχ təχrəst-nasan fəl təksəda ta əgan i tamattant.

¹⁶ Igməd aššak as ȴaysa wər d-osa fəl ad issən daχ angalosan. Kalar əzzurrəyya n ənnəbi İbrahim a d-ikka y a daχ-as issən.

¹⁷ Awen daχ a fəlas ilzām ad alu əd mədrayan-net daχ arat kul, fəl ad idqəl əlimam wa zəwwəran, imosan əməhhenən n alχadil daχ əlχibada ən Məššina. Ɖəmmək en da as z'igrəw təsureft ən bakkadan ən tamattay.

¹⁸ Fəlas, alχazab wa iga assaxa wad itawajarrab, ikf-ay fərregat n ad agəz win tawajarrabnen.

3

ȴaysa ənta ogaran tišit n alχadil, ogar deχ Musa almaqam

¹ Adi daχ a fəlas ya imədrayan-in kawanay a zaddognen iχr-iwan Məššina y a təgrəwan tadagart daχ əššəχəl-net, agiwat ənəzər-nawan daχ anammazul s ənta a imosan əlimam wa zəwwəran ən tarrayt ta nəha, a t-imosan ȴaysa.

² İχdāl i Məššina di a t-isannafranən, zun awa iga ənnəbi Musa i tamattay ketnet ən Məššina.

³ Amaran, itiwaxkam-as əs ihor əd tanaya təkənāt šigrat ən ta n Musa, zund əmmək əs əmakras n ahan, ogar ehan iman-net almaqam.

⁴ Ehan kul ill-ay wa t-ikrasan, Məššina amaran, ənta a ikrasan əkkulluk n arat.

⁵ Musa iχdāl i tamattay ketnet ən Məššina, amaran amaššaχal a imos išewalan daχ batu n aratan win z'iməl Məššina.

⁶ Əlməsix amaran barar n ahan ən Məššina a imos, iχdāl i tamattay ən Məššina, imos əmuzar-net. Ehan wen amaran nakkanay a t-əmosnen as imos as nəzəzzawat daχ təfləst təglayat d attama was nəsabaraq.

Edag ən təsanfawt wa ihakku Məššina i win əzzəgzənnen əd tarna n awal ən Məššina

⁷ Awen daχ a fəl inna Infəs wa Zəddigan: *«Azalada, as təslam y awal-net,*

⁸ *ad wər təsəggərməmam iwallan-nawan zun alwaq wanad n əfəlləg ən marawan-nawan win ərəwnen. Ɖəzəl wa di-əjjarraban daχ tanəray,*

⁹ *əgan-i tənəgməyt təmosat jarraba-nin, ənāyan igitan-in*

¹⁰ *har əgan əkkozat təmarwen n awatay. Awen daχ a fəl di-iggəz alham wəllen ən tamattay n azzaman win den. Təzzar ənneχ: Aytedan win, iwallan-nasan faw əxrākan, wər kala ad əssanan tarrayen-in.*

¹¹ *Alham en daχ a sər-i d-ewayan təhuday n əs wər ilkem ad əggāzan akal wa sammatagax i təsanfawt-nasan.»*

¹² Ɖənkədət ya imədrayan-in! A kawan-wər-iggəz i ilān əwəl aššaran wər nəzzəgzan har awəd awen ad ammazray šiyyat Məššina di iddaran.

¹³ Kalar tinəmoggiwat təlcutbat gar-ewwan akk əzəl, iket əfragan aytedan ad annin: «azalada», fəl a kawan-wər-iggəz i udân daɣ jarraba n abakkad aggarmam əwəl-net.

¹⁴ Nakkanay imidawan n Əlməsix daɣ əşşəɣəl a nəmos as imos as nəzazzawat har təzərəst daɣ gəlleyat ta nəga harwa daɣ tizarat.

¹⁵ Ənnan Əlkəttaban: «Azalada, as təslam y awal-net, ad wər təsəggərməmam iwallan-nawan zun alwaq wanad n əfəlləg.»

¹⁶ Amaran ma mosan aytedan win əffəllagnen fəl Məşşina dəffər as əslân y awal-net? Awak wərgəɣ aytedan win d-əgmədnen Masar azâr-asan Musa?

¹⁷ Ma mosan za aytedan win as iga Məşşina əkkozat təmərwen n awatay ih-ay alham-nasan? Awak wərgəɣ win əganen abakkad amaran əɣradan maxxay daɣ taneray?

¹⁸ Təzərəst n awen âs ma mosan aytedan win as ihad Məşşina âs wər ilkem ad əggâzan akal wa isammatag i təsanfawt-nasan? Awak wərgəɣ win ugaynen s a das-abbardagan?

¹⁹ Daɣ adi nəhannay as wər əgrewan iguz n akal wa n təsanfawt fəlas tugəyt a əgan sa sər-əs əzzəgzənan.

4

¹ Daɣ adi, iket di ad t-illa arkawal ən Məşşina wa n ad nəggəz akal ən təsanfawt wa imal, ənəkədat wəllen a kawan-wər-iggəz awedan waliyyan igân iduf n as ab'as ogaz wala.

² Fəlas igmâd aşşak as isalan n Əlinjil nəg-asan agaraw zun wa dasan-əgan daɣ taneray. Mişan awal was əssəsamən wər dasan-ikna wala fəlas wər əgen əzəgzan wa əgan aytedan win t-əqbalnen.

³ Nakkanay win sər-əs əzzəgzənnen, ad nəggəz akal ən təsanfawt was inna Məşşina daɣ batu-net: «Igaz-i alham-nasan. Alham en daɣ a sər-i d-ewayan tahuday n âs wər ilkem ad əggâzan akal wa sammatagay i təsanfawt-nasan.» As itaggu awen da Məşşina iɣrâd arat kul harwa ɣur ənətti n əddənet.

⁴ Fəlas ill-ay adag a daɣ innâ, daɣ batu n əzəl wa n əssa: Təzzar izzərəz Məşşina əşşəɣəl-net kul wa n əxluk ən jənnawan d amaɣal, əzəl wa n əssa.

⁵ Ənnân deɣ Əlkəttaban: Igmâd aşşak as wər z'əggəzan akal ən təsanfawt ta hakka.

⁶ Daɣ adi, dad zamas əgrâwan wiyyad iguz ən təsanfawt ten, amaran win əslanen isalan n alxer əstizarat wər əgrewan iguz n akal ən təsanfawt wen fəl tişit-nasan inəmməzray,

⁷ ikkas Məşşina əzəl iyyan aynâyan daɣ batu ten, a t-imosan azalada, əs tənna ta iga dəffər awen wəllen əs tarrayt n ənnəbi Dawəd, s əmmək was t-inna dat awen: Azalada, as təslam y awal-net, ad wər təsəggərməmam iwallan-nawan.

⁸ Awalla, ənnar iddew Joswe əd tamattay ten har tat-işəşawad edag ən təsanfawt wen, wədi wər z'amnagrâd Məşşina daɣ batu n əzəl iyyan ən təsanfawt dəffər awen.

⁹ Almaɣna n awen as harwada təll-ay təsanfawt i tamattay ən Məşşina, tolât d əzəl wa n əssa s ənta daɣ izzərəz Məşşina əşşəɣəl-net kul wa n əxluk ən jənnawan d amaɣal.

¹⁰ Amaran awedan wa iggazan edag ən təsanfawt ta ihakku Məşşina, wədi ad assanfu daɣ əşşəɣəl-net, zun awa iga Məşşina daɣ win-net iman-net.

¹¹ Daɣ adi ədgəzatana wəllen daɣ iguz n adag ən təsanfawt ta, fəl ad wər ixrək waliyyan daɣ-na awa əgan marawan-nana a əməzraynen Məşşina.

¹² Fəlas awal ən Məşşina iddâr, ıla tarna, amaran tâwala-net togar ta n takoba. Itaggaz iman n aytedan əd wallan-nasan, igallu har isəmməɣras, d əkəlkəl ən ɣasan. Amaran awal ən Məşşina ənta a ixakkaman y awas ifarray awedan daɣ man-net d awa isamadran daɣ əwəl-net.

¹³ Wər tu-təlla təxlək as wərgəɣ ihannay-tat Məşşina. Arat kul immun-as, inniflay daɣ-as. Amaran ənta a dat za nəbdəd fəl mazalan-nasa.

Awa dər ogda almaqam ən Barar ən Məşşina, imosan Əlimam-nana wa Zəwwəran, daɣ batu ən təkutawen

Nəla əlimam wa zəwwəran ikmâlan ihân ijənnawan

¹⁴ Dad zamas nəla əlimam wa ogaran ilimaman kul, ihân ijənnawan, a t-imosan ɣaysa, Barar ən Məşşina, wədi zəzzəwətətana daɣ əzəgzan-nana.

¹⁵ Fəlas əlimam-nana wa zəwwəran en, ifrâg a danaɣ-ikbəl daɣ rəkkəm-nana, id əgrâwan-tu jarrabatan zun win danaɣ-garrawnen daɣ anamod kul, eges kala wər iga abakkad.

¹⁶ Daɣ adi ihazatanaɣ-in əmənokəl-nana a t-imosan Məşşina di n əməggi n arraxmat, nəgâ awen əs təfləst, fəl ad nəgrəw əhənəttə, nəgrəw deɣ arraxmat s ənta dana-za-takfit tilalt daɣ alwaq wa daɣ nəddərar s awen.

5

Yaysa Elməsix itiwasafran imos əlimam daş taggayt ta n Malək-Assaddeq

¹ Əkkulluk n Əlimam wa Zəwwəran, itiwasafran daş aytedan, amaran tənfa n aytedan en da a fəl itawazazar y ad agu əşşəxəl ən Məşşina, agu şihəkkuten əd təkutawen fəl agamay ən təsureft ən bakkadan-nasan.

² Əlimam wen, ifrâq əgərri n aljahilan d aytedan win əxraknən, id ənta iman-net da irkâm.

³ Rəkkəm-net en daş a fəlas iwâr-tu ad agu şikutawen fəl agamay ən təsureft ən bakkadan win-net, harkid win tamattay.

⁴ Amaran wər t-illa awedan ifrâqan ad akfu iman-net almaqam ən tişit n Əlimam wa Zəwwəran. Kalar Məşşina a sər-əs d-işarrin aytedan, zund əmmək as sər-əs d-işra Harun.

⁵ Əmmək en daş âs Elməsix wərgeş ənta a ikfan iman-net tanaya ən tişit n Əlimam wa Zəwwəran. Kalar Məşşina a şur igraw tanaya ten s ənta a das-innan: *Barar-in a təmosaş. Azalada əqqalaş abba-nak.*

⁶ Zund əmmək was inna Məşşina daş Əlkəttaban: *Əlimam a təmosa har faw, daş taggayt ta n Malək-Assaddeq.*

⁷ Elməsix harwa ad iha əddənət, ittâr əs təkalelt əd məttawan, onşay Məşşina s ənta a ifragan ad t-işləs daş tamattant. İqbal Məşşina təwatray-net, fəlas əmiksad ən Məşşina a imos.

⁸ Elməsix Barar ən Məşşina a imos, mişan ilmâd əbərdəg id alşazab a iga.

⁹ Əmmək en da as igraw alkamalat kul, iqqal wa ihakkın əlxillas ixlâlan i win das-əbbərdəgnən,

¹⁰ id Məşşina a t-ikfan tişit n əlimam wa zəwwəran daş taggayt ta n Malək-Assaddeq.

Ammar s əzəgzan ikmâlan d ammar s ad wər nəqqal dəffər-na

¹¹ Aratan əgğotnən as nəfrag a tan-nannu daş batu ta, as izzəwat əsəssəgri-nasan id aytedan a təqqalam a fəl izzəwat əgərri.

¹² Edag ən âs tərəwam as təqqalam iməssəsəşra, kalar har harwada təddiraram s ad tətawasasəşrim aratan win təsəntit n awal ən Məşşina. Təhâm edag was wərgeş imensewan win əqqurnən as təddəraram, kalar harwada təddiraram s əx.

¹³ Amaran awedan was harwada iddirar s əx, wədi harwada wər ifreg zələy gər awa olaşan d awa wər noləş. Awedan wa, imos zun ajanşay.

¹⁴ Imensewan win əqqurnən i n aytedan win ədwalnən. Aytedan win, əntanay a əgrawnən masnat ta tan-təkfat zələy n awa olaşan d awa wər noləş fəlas əjjirraban aratan win di.

6

¹ Daş adi, akəyatanaş edag wa n əsənti ən taşaray daş batu n Elməsix. Akkiwatana dat y ad nawəd alkamalat da wər nələs tewaşlay n əsənti iyyan aynayan, almaşna n awen: tətubt d əməzzəy d arak mazalan tawaynən əgğadəm s əhluk d əzəgzan əs Məşşina

² d əsəssəşri igân daş batu n əzəzdəg d əsəwər n aytedan ifassan d əsənkər ən nəmməttan d əşşərişə wa n əzəl wa n tabadday.

³ Amaran awen daş a za nagu, kud irda Məşşina.

⁴⁻⁶ Aytedan win əjwarnən əgrawan ənnur ən Məşşina, əsammatammen təhəkkut ən Məşşina, əgrawan İnfəs wa Zəddigan, ənayan as awal ən Məşşina ihəssay, ənayan dəş tarna ta təsaknit əddənət ta du-təzayat, amaran əmməzrayan tarrayt ta tolayat, win di, wər t-illa əmmək as əlasan tətubt; fəlas agamay ən tənfa ən man-nasan a fəl əlasan ətəytəy ən Barar ən Məşşina fəl təgəttawt, sammadrayan-tu dat awedan kul.

⁷ Amaşdal igarrawan akonak olaşan, amaran itaraw-du annabatan təha tənfa i win tu-gayaknən, amaşdal wədi igrâw albaraka ən Məşşina.

⁸ Mişan amaşdal wa d-erawan y aytedan annabatan aşşarnən, wədi wər infa wala. Tulşant a tu-za-təwərat, amaran təsəlkamt-net əhluk igân əs təmsay.

⁹ Ya imaran-in, kud imos âs nəşşewal-awan s əmmək wa, da nəkkâs aşşak âs izay-kawan-du arat iknân əlluş a t-imosan əlxillas.

¹⁰ Awalla, Məşşina İməli oşadan a imos, daş adi wər din-z-attaw imazalan-nawan, wala tara ta tu-təssəknam daş əşşəxəl wa təgam fəl saşmar n esəm-net i məzzəgzan âs harwada təgğim-tu.

¹¹ Mişan nəsidaran âs akkiyyan daş-wan ad assaknu gəlleyat tədi da har təzərəst, fəl ad təgrəwam igi n attama indân.

¹² As təgam adi wər za təqqələm iməssəndad, kalar ad tattalalam win əgrawnen araxmat tas itawagga arkawal-net əs tarrayt n əzəgzan-nasan əd təzaydart-nasan.

¹³ Amaran, assaxa wad iga Məşşina arkawal y ənnəbi İbrahim, wər t-illa esəm iyyan ogaran wa n Məşşina əngəm ihəd sər-əs. Awen daɣ a fəl *ihad Məşşina s azzat-net*,

¹⁴ inna: *Illikan əs a kay sənnəhəlaɣ tehakkay n albaraka, akna deɣ əsəgət n əzzurrəyya-nak*.

¹⁵ Əmmək en daɣ əs dəffər as issikna İbrahim təzaydart-net, igraw arət was das-itawagga arkawal-net.

¹⁶ Aytedan, tahuday a taggin s esəm wa ogaran win-nasan, amaran tahuday ten, ənta a təsətaddit batu-nasan, təgdəl a dər-əs d-iqqəl awedan waliyyan.

¹⁷ Əmmək en daɣ as Məşşina, isigatakkat y ad issusən aytedan win as iga arkawal əs aratan win issəbdad wər təməttəyan. Awen daɣ a fəl *ihad Məşşina daɣ batu ten*.

¹⁸ Daɣ adi əşşin aratan a t-əllanen wər nətəməttəy, amaran wər t-illa əmmək as daɣ-san iga Məşşina bahu. Aratan win əntanay a dana-za-səssuhətnen wəllen, nakkanay a oyyanen arət kul nəgmay taggast s əzəzzəwi-nana daɣ attama wa danaɣ-itawakfan.

¹⁹ Attama wen, ənta a danaɣ-imosan şisəttəytay əssiflasnen, əssohatnat, amaran ənta a danaɣ-ewayan har dənəg anaɣer wa illan gər adag wa zəddigan əd wa ogaran tazdak.

²⁰ Edag wen ənta a iggaz ȳaysa fəl əddəlil-nana, azzar-anaɣ-in sər-əs, iqqal əlimam wa zəwwəran har faw, daɣ taggayt ta n Malək-Assaddeq.

7

Taggayt ta n Malək-Assaddeq

¹ *Malək-Assaddeq* wen, ənta as kala ad imos əmənokal n əyrəm ən Salem, imos əlimam ən Məşşina di n Amadkol. *Ənta a issəlkadan y ənnəbi İbrahim, assaxa wad irza imənokalan, ittar y İbrahim a das-igan albaraka*.

² Ənta en da a *ikfa İbrahim təməssədək n awa ila kul*. *Almaɣna* n esəm wa n Malək-Assaddeq: *Əmənokal ən taqqat, imosan deɣ əmənokal ən Salam, almaɣna "əmənokal n alxer"*.

³ Wərmad ila abba, wala anna, wala aljadan. Təməddurt-net wər tələ ənətti za wala təzərəst. Itawaşəşala əd Barar ən Məşşina, iqqal əlimam har faw.

⁴ Ənzərat daɣ ədkul n əlimam wen, har əs İbrahim iman-net wa n aljad-nanaɣ a t-ikfan təzunt ta n marawat n awa d-oɣa.

⁵ İlimaman win Kəl-Lebi, ikf-en alwajib ihân Əttawrət alxaq n ad garrawan şiməssədək ən tamattay n İsrayil, əmosnen imədrayan-nasan, kuddeɣ əs əntanay da ihayawan n İbrahim a mosan.

⁶ Malək-Assaddeq amaran, wər imos iyyan daɣ Kəl-Lebi, mişan igraw təməssədək n awa ila İbrahim. Təzzar ittar Malək-Assaddeq a igan albaraka y İbrahim s ənta as iga Məşşina arkəwalan!

⁷ İgməd aşşak əs wa ogaran adkul ənta a itattaran a igan albaraka i wa das-əndərran.

⁸ İlimaman win garrawnen şiməssədək ən tamattay, aytedan a mosan a z'iba əzəl iyyan, Malək-Assaddeq amaran, sitaddan Əlkəttaban əs iddār.

⁹ Xasil Kəl-Lebi iman-nasan, s əntanay a garrawnen şiməssədək, irzâm fall-asan İbrahim təməssədək əs tahakkay ta tat-iga i Malək-Assaddeq.

¹⁰ Fəlas as issəlkad Malək-Assaddeq y İbrahim, Lebi wər ihaw.

¹¹ Ənnar ikmâl ənnizam wa n limaman win Kəl-Lebi, s ənta a isəbdadan əlqanun wa issawar Məşşina tamattay, wədi wər tu-z-iməl əlimam ən taggayt ta n Malək-Assaddeq daɣ adag ən limaman ən taggayt ta n Harun.

¹² Amaran dad zamas imməttəy ənnizam wa n limaman, wədi əlqanun da ilzâm ad ammatay.

¹³ Əlimam wa fəl əmməgradan salan win, in tawşet iyyat. Tawşet ten amaran wər tat-ihə awedan as kala ad iqqal əlimam.

¹⁴ İllikan əs Əməli-nana, tawşet ta n Yahuda a d-igmad, tawşet ta amaran wər d-idkel Musa batu-net fadda daɣ batu n əşşəɣəl wa n tişit n əlimam.

¹⁵ Arat wen, isitadd-ay wəllen as d-inafalal əlimam iyyan olân əd Malək-Assaddeq.

¹⁶ Əlimam wa, wər d-iga iguz n ənnizam wa n ənəməkusa. Kalar iguz ən tarna ən təməddurt təɣlalat a d-iga,

¹⁷ fəlas ənnan Əlkəttaban daɣ batu-net: *Əlimam a təmosa har faw, daɣ taggayt ta n Malək-Assaddeq*.

¹⁸ Əlqanun wa t-illan kala da, itawakkas-in, fəlas wər ila tarna waliyyat za wər infa wala.

¹⁹ Əlqanun wa, wər d-issəxsal arat waliyyan ikmālan. Attama amaran wa danay-itawakfan ofā wa n əlqanun wen. Attama wa, ənta a danay-issəfragan ənəmihaz əd Məššina.

²⁰ Arat wa kul Məššina a ihadan daɣ batu-net. İlimaman win hadatnen wər ihed Məššina daɣ batu-nasan,

²¹ Ƴaysa amaran, Məššina a ihadan daɣ batu-net, id Əlkəttaban a ənnanen: *Əməli a ihadan, amaran wər ilkem a d-iqqal daɣ batu-net. Əlimam a təmosa har faw.*

²² Əmmək en daɣ as tarrayt ta n Ƴaysa a fəl nəkkas aššak əs nəgrāw arkawal ən tassaɣ əd Məššina ofān wa irəwan.

²³ İlimaman əknānen igət a t-əmalnen s ənəməkusa, fələs wər tan-toyya təmattant s ad t-əməlan har faw.

²⁴ Ƴaysa amaran ill-ay har faw. Awen daɣ a fəlas tišit-net əlimam wər tətəməttəy.

²⁵ Daɣ adi ifrāg təhakkay n əlyillas ikmālan y aytedan win din-əzzəhaznen iman-nasan Məššina əs tarrayt-net, id iddār har faw, y ad iššəwal i Məššina s esəm-nasan.

²⁶ Ƴaysa ənta a imosan əlimam wa zəwwəran wəddərar, id zəddig, wər t-iwer lahan waliyyan, wər kala ad iga abakkad, wər ola əd nasbakkadan alxal, immədkal imal dənnəg jənnawan.

²⁷ İlimaman win hadatnen zəwwarnen ilzām-tan igi ən təkutawen akk əzəl fəl əddəlil ən bakkadan win-nasan iman-nasan təzzar, dəffər adi win tamattay. Ƴaysa amaran ənta wər iddərər s awen, fəlas takutay iyyadda a iga, ig-et šiyyat əs təhakkay ta iga iman-net.

²⁸ İlimaman win zəwwarnen isannafran Əttawret, aytedan a mosan ərkəmnen. Mišan wa isannafran Məššina ig-ay əlimam wa zəwwəran əs təhuday ta iga daɣ batu ten, wədi Barar-net a imos, igrāwan alkamalat har faw. Tahudday ten ig-et Məššina dəffər as iziraz ənnizam wa n Əttawret.

8

Əlməsix, ənta a imosan Əlimam wa zəwwəran daɣ arkawal wa idkalan

¹ Amaran, əntada əlməxsud n əwas nara tənna-net: Nəla əlimam igān ta daɣ təzzəwwərt, iqqiman daɣ əylil ən Məššina daɣ taɣmar-net di maqqarat daɣ jənnawan,

² İha əššəxəl wa n adag wa zəddigan, s ənta a imosan ahaket wa n tidət, ahaket was Əməli Məššina iman-net a t-ikrasan, wərgəx əggadəm.

³ Əkkulluk n əlimam wa zəwwəran, əššəxəl-net igi ən təhəkkuten əd təkutawen. Daɣ adi əlimam wa-nana da iwār-tu ad agu takutay ta-net.

⁴ Ənnar İha Ƴaysa əddənət dada, wədi wər z'iqqəl əlimam, fəlas əššəxəl wen əhân-tu limaman win tagginen šikutawen s əmmək wa imal Əttawret.

⁵ İlimaman win, ɣabbadan Məššina s əmmək imosan əsəkbar əd šaššelan n aratan win əhanen jənnawan. Fəlas assaxa wad isimutug Musa y akaras n ahaket, omar-tu Məššina inn-as: *Ənəy, arat kul əg-əy s əmmək iman-net wa kay-itawasaknan fəl ədɣax.*

⁶ Amaran əmərəddə, əššəxəl ogaran wəllen wa n limaman a itawakfan Ƴaysa s ənta a imosan əlimam-nana wa zəwwəran, fəlas ənta a imosan almawakkil-nana daɣ arkawal ən tassaɣ ta tofat, təbdədət fəl arkəwəlan win ofānen.

⁷ Amaran, ənnar ikmāl arkawal wa azzaran, wər za tagu addararat s ad iggəz wa aynayan edag-net.

⁸ Tidət as Məššina issiwar tamattay-net lahan, assaxa wad inna: *«İnna Əməli: Ənəy! Əzayan-du adan a daɣ za nəməggəy əd tamattay n İsrəyil əd ta n Yahuda arkəwal ən tassaɣ aynayan.*

⁹ Arkawal ən tassaɣ wa, wər z'alu əd wa naməggəy əd marawan-nasan, assaxa wa tan-d-ədkaləy əkkasaq-qan-du daɣ Masar. Dad zamas wər əydelan daɣ arkawal ən tassaɣ wa dər-san namagga, wədi əgmada batu-nasan, inna Əməli.

¹⁰ Amaran ənta da arkawal wa aynayan ən tassaɣ wa za nəməggəy əd maddanəs n İsrəyil dəffər adan win den, inna Əməli: *Ad əgax əššərədan n əššəriɣa-nin daɣ əgərri n akkiyyan daɣ-san, əktəbaq-qan daɣ wallan-nasan, əqqələy Əməli-nasan, əqqələn tamattay-nin.*

¹¹ Wər tan-İha i z'İləsan əsəssəxri n əmidi-net, wala amadəy-net ann-as: *"İwār-kay ad təssəna Məššina" fəlas kətnasan a di-əssənan a d-ibazan ɣur wa əddarran-nasan, har wa waššaran-nasan.*

¹² Fəlas a dasan-əhənətəy daɣ talbast ta əgan, əssurəfəx-asan ibakkadan-nasan šiyyat.»

¹³ Dad zamas Məššina inna: *wa aynayan*, daɣ adi arkəwal wa azzaran iqqal arat waššaran. Amaran arat as waššar, wədi İha tarrayt n ad İba taməyyaməy-net.

9

Adkul ən təkutay ta n arkawal wa aynayan

Arkawal wa irəwan əd wa aynayan

¹ Arkawal wa azzaran ila əššərədan win əlxibada, ila deḡ edag n əlxibada ihân əddənet dada.

² Ahaket a itawakrasan, imosan əššin daggan. Edag wa azzaran ih-ay əsəkbəl ən fətəlaten əd tabəl əd təgəlwen šin tat-əggarnen a d-əmmewaynen əmosnat šikutawen y Əməli. Edag wen esəm-net Edag wa Zəddigan.

³ Amaran dəffər anaḡer wa n əššin illân den, ill-ay adag was itawannu Edag wa Ogaran Tazdak.

⁴ Edag wen ih-ay majmar n urəḡ a fəl tawasaqqadan ađutan win əzodnen. Ill-ay deḡ əssənduq wa n tassaḡ ilsân urəḡ. Əssənduq wen ih-ay əḡəzu n urəḡ ihâ amensay wa n Manna, tah-ay deḡ tallaq ta n Harun tənžarat, əd səlluman əššin win fəl iktab arkawal ən tassaḡ.

⁵ Afalla n əssənduq wen, əbdâdan fall-as šaššelan n angalosan win Kəruban əssiknanen tanaya ən Məššina əgân telay s əfrutan-nasan y əsəhər-net s ənta a fəl inaqqal əzni ən takutay ta təmmasat ibakkadan. Mišan əmərədda wər za nagu isalan kul daḡ batu ta.

⁶ Amaran Ahaket wa n əmənəy imos əššin daggan, a tan-imosan Edag wa Zəddigan d Adag wa Ogaran Tazdak. Edag wa Zəddigan taggazan-tu limaman alwaq kul, agin daḡ-as əššəḡəl-nasan wa n əlxibada.

⁷ Edag wa n əššin daḡ Ahaket amaran, Əlimam wa Zəwwəran ḡas a das-itaggan iguz iyyanda daḡ awatay. Den daḡ ad itaway azni n əmudar ag-ay takutay dat Məššina fəl ad igrəw təsureft ən bakkadan win wər nəḡa s əttənəḡmur ḡər za win-net wala win tamattay.

⁸ Infas wa Zəddigan issikn-anaḡ s awen âs, tarrayt ta n Adag wa Ogaran Tazdak wər za tənəfiləl iket əšḡalan aytedan s ahaket wa azzaran n arkawal.

⁹ Arat wen, imos əlmital n azzaman win nəha əmərədda. Almaḡna n awen as šihəkkuten əd təkutawen wər əfregnət ad əzzəzdəḡnat iwallan n aytedan win ḡabbadnen Məššina s əmmək wa.

¹⁰ Aratan win əmosan əššərədan əḡḡâlən imensewan, d aratan win tamašwinen, d əzzənəfan aggotnen n alwallatan. Əššərədan win den, əntanay as əšḡalan aytedan har d-ewad alwaq wa daḡ issəbdad Məššina ənnizam wa aynayan.

¹¹ Mišan Əlməsix osâ-du imos əlimam wa zəwwəran n aratan olâḡnen win t-əlanen. Iggaz ahaket wa ogaran təzzəwwərt, iknâlan, âs wərgəḡ ifassan n aytedan a t-əganen, almaḡna wər iha əddənet dada.

¹² Əlməsix iguz iyyanda a iga šiyayt y Adag wa Zəddigan. Amaran azni-net iman-net a ikfa imos takutay, wərgəḡ azni ən zulaḡ wala izəgran. Əmmək en daḡ as dana-d-igrav əlxillas ixlâlan.

¹³ Fəlas, dad zamas azni ən zulaḡ d əzni ən zəgran d eḡəd ən təharaten šin rakamməten win tawanbasnen əfrāḡan əzəzdəḡ ən təḡəssa-nana,

¹⁴ ma dər z'agdu əzəzdəḡ wa dana-z-agu əzni n Əlməsix, izzəzdəḡ iwallan-nana daḡ arak mazalan win tawaynen aggadəm s əhluk, fəl ad nəḡbəd Məššina di iddarân, id Əlməsix a ikfan iman-net i Məššina əs tarrayt n Infas wa Zəddigan di ixlâlan, imos takutay wər nəla a imosan əlxib.

¹⁵ Awen daḡ a fəlas Əlməsix a imosan almawəkkil-nana daḡ arkawal ən tassaḡ wa aynayan. Dad zamas Əlməsix aba-tu fəl ad əḡrəwan aytedan tadarfit daḡ bakkadan win əgan daḡ azzaman ən tassaḡ ta tərəwat, aytedan win du-tawaḡranen, ad əḡrəwan təkəsīt təxlâlat tas itawagga arkawal-net.

¹⁶ Amaḡer ilzâm as kundaba igmad aššak təmattant ən wa t-igan,

¹⁷ fəlas amaḡer, wər sər-əs itəwəḡḡu əššəḡəl iket wər aba wa t-igan, id wər z'itəwəḡbəl iket iddār məššis.

¹⁸ Awen daḡ a fəlas arkawal wa azzaran, ənta da tanaḡla n əzni as inta.

¹⁹ Dəffər as imâl ənnəbi Musa alwajiban kul win Əttawret i tamattay, idkal-du azni ən zəgran əd zulaḡ d aman, idkal-du təduft zaggaxət d agabal ən xisof, infas sər-əs əlkəttab iman-net əd tamattay ketnet,

²⁰ igannu: Ənta da azni n arkawal ən tassaḡ wa dawan-issəbdad Məššina.

²¹ Dəffər awen, infas Musa s əmmək wen da s əzni wen Ahaket əd mutag-net kul win əlxibada.

²² Daḡ awa inna Əttawret, taššam n aratan azni as tawazazdagan, amaran wər tu-təlla təsureft ən bakkadan âr s ad inḡâl əzni.

²³ Dağ adi, ilzâm as şaşşelan n aratan win əhanen ijənnawan əmmək wen dağ den as z'izdagan, aratan amaran iman-nasan win əhanen ijənnawan, ilzâm ad izdagan əs təkutawen ədkâlnen wəllen.

²⁴ Amaran Əlməsix, wərgəx Edag wa Ogaran Tazdak əkrâsan aytedan imos əlmital ən wa n tidət a iggaz, kalar ijənnawan iman-nasan a iggaz, fəl ad iməl dat Məşşina har əmərədda, imos almawakkil-nana.

²⁵ Wər iggez deyx edag wen y a dağ-as akfu iman-net imos takutay dağ taklaten aggotnen, zun awa itaggu Əlimam wa Zəwwəran əkkulluk n awatay itaway-in azni wər ila.

²⁶ Ənnar adi a igan, wədi Əlməsix a du-tənta əddənət itayazzab. Kalar ənəfilal iyyanda şiiyyat a iga Əlməsix, dağ ələqqam n azzaman, fəl ad iməs ibakkadan n aytedan əs tahakkay ta iga iman-net imos takutay.

²⁷ Zund əmmək əs aggadəm təsəlkamt-net təmattant iyyadda, dəffər adi ibdəd fəl mazalan-net,

²⁸ əmmək wen dağ den əs Əlməsix da ətəwəkfa iyyanda a itawagga imos takutay, fəl ad iməs ibakkadan n aytedan aggotnen. Amaran assa-net wa n əşşin, wər d-igla fəl ames ən bakkadan, kalar fəl ad ixləs win das-əssəgadnen əknân tara n a d-asu.

10

Əşşəxəl ikmâlan wa təmos təkutay ta iqqal Əlməsix

¹ Əşşərixa wa n Əttawret şaşşelan xas a imos ən tənfawen şin d-əzaynen. Əlmital-nasnat da wər t-ewed. Awen dağ a fəlas şikutawen şin izzəlzam ənnizam wa n Əttawret, tawagginen har faw dağ əkkulluk n awatay, wər ilkem ad əfragnat tehakkay n alkamalat i win əybadnen Məşşina.

² Ənnar ihakku əşşərixa wen alkamalat, wədi aytedan win əganen şikutawen şin den ad ammazayan d igi-nasnat fəlas irəw as əgrawan təsureft ən bakkadan-nasan şiiyyat, zaddogan wallan-nasan dağ id t-illa abakkad.

³ Kalar şikutawen şin den, əkkulluk n awatay əssiktanat-du aytedan ibakkadan-nasan.

⁴ Fəlas wər t-illa əmmək as ifrâg əzni ən zəgran wala wa n zulaş emes ən bakkadan.

⁵ Awen dağ a fəlas assaxa wa d-iggaz Əlməsix əddənət, inna i Məşşina: *Wərmad təddirarax əs təkutay za wala təhəkkut, mişan təkfeyi-taxəssa.*

⁶ *Wərmad dak-əgraznat təkutawen şin tirəkəmmitnen za wala şin takkasnen ibakkadan.*

⁷ *Awen dağ a fəl ənne: Nak da a d-osan da, fəlas batu-nin a dağ əşşewalan əlkəttaban. Ose-du ya Əməli-nin y ad agay tara-nak.*

⁸ Inna: *Wərmad tarey şikutawen, wala şihəkkuten, wala şikutawen şin tirəkəmmitnen, wala şikutawen şin takkasnen ibakkadan, wər dak-əgreznat wala andərran.* Dər iga awen da ya şikutawen şin den, tiwagganat s əmmək iman-net wa imal əşşərixa wa n Əttawret.

⁹ Dəffər awen inna: *«Nak da a d-osan da y ad agay tara-nak.»* Əmmək en dağ as izzərəz ənnizam wa azzaran, issəbdad wa n əşşin.

¹⁰ Tehakkay ta iga Yaysa Əlməsix taxəssa-net əs tara ən Məşşina, ənta a danaş-takfat tazdak əs tarrayt ən təkutay iyyadda ta n təzərəst ta təqqal təxəssa-net.

¹¹ Əkkulluk n əlimam iha edag n əşşəxəl-net akk əzəl y ad agu şikutawen aggotnen olänen, mişan wər ilkem ad əfragnat emes ən bakkadan n aytedan.

¹² Əlməsix amaran, dəffər as iga takutay iyyadda ta n təzərəst fəl bakkadan n aytedan, iqqim dağ əxıl ən Məşşina.

¹³ İlla den da iqqâl y əzəl wad za təwəggin zənga-net daw daran-net.

¹⁴ Takutay iyyadda wər nəla təmidit as ikfa alkamalat har faw y aytedan win izzəzdağ dağ bakkadan-nasan.

¹⁵ İnfas wa Zəddigan isitadd-anaş batu ta, id a inna:

¹⁶ *Ənta da arkawal wa dər-san za nəməgga dəffər adan win den, inna Əməli: Ad agay əşşərədan n əşşərixa-nin dağ wallan-nasan, əktəbaq-qan dağ əgərri n akkiyyan dağ-san.*

¹⁷ Dəffər awen inna: *Wər ilkem a d-ələsa təkatawt ən bakkadan-nasan, wala talbast-nasan.*

¹⁸ Amaran, dad zamas ibakkadan tawasarafan, wədi ab'as təga addararat əs təkutawen şin əmmasnen ibakkadan.

Əzəzgan əd zəmmerat

Ənəmi haz n Əməli d iba n tawaxlay n ələqqam

¹⁹ Daḡ adi imədrayan-in, nakknanay nəkkās aššak daḡ iguz n Adag wa Ogaran Tazdak, id ȳaysa a inḡalan azni-net fəl əddəlil-nana.

²⁰ ȳaysa a danaḡ-olaman tarrayt ta taynayət, təddârat, issəḡras-anay anayər s Adag wa Ogaran Tazdak, almaḡna issəḡras-anay əs təḡəssa-net iman-net.

²¹ Əmmək en daḡ âs nəla əlimam wa zəwwəran s ənta a itawazazaran y ahan ən Məššina.

²² Daḡ adi, zənnəmihezatanay iman-nanay əd Məššina əs wallan əḡdâlnen, d əzəgzan ikmâlan, fəlas ətəwəzəzdaḡ a əgan wallan-nana daḡ igi n id t-illa arak əmədran, tətawəšarad təḡəssa-nana s aman win zaddoggen.

²³ Zəzzəwətātana wəllen daḡ əzəgzan d attama win nəga, nəkkās daḡ-san aššak, fəlas wa danaḡ-igan arkāwalan issiflas wəllen.

²⁴ Akkiyyan daḡ-na issənət daḡ win hadatnen, fəl ad nətinəməggu aholan ən tara əd mazalan win olaḡnen, əlga awen əs gəlleyat.

²⁵ Ad wər nəgməd əlǰəməḡat ən məzəgzan ta nəha, zun awa imosan alxal n aytedan wiyyad. Kalar tinəməgwiwatanay ənnəsixatan id təhannayam as əzəl wa ilkaman ihoz.

Ərruḡmatan d ənnəsixatan: Ad wər nəmmazzay d igi n attama

²⁶ Amaran as nətaggu abakkad igân s əttənəgmur, dəffər as nəssân tidət, wədi wər tu-təlla təkutay iyyat a fall-anaq-qu za təməsət.

²⁷ As iga adi, ad ib'as tu-təlla tarrayt waliyyat âr ta n əsəgəd y əššəriḡa labâsan ən Məššina əd təmsay ta za təsərrəkəmmet aytedan kul win əmosnen izənga ən Məššina.

²⁸ As uḡay awedan əs ləkkum y əššəriḡa wa n Əttawret, imos âs əllānat-tu sanatət madəḡ karadat təḡəyyawen a t-ənaynen, wədi wər das-tu-təlla təsureft waliyyat, kalar əššəriḡa-net təmattant.

²⁹ Daḡ adi, ma dər z'agdu attadib wa dər ihor awedan wa issəknan iba ən safrar i Barar ən Məššina, issəkna məlka y əzni ən tassaḡ wa t-izzəzdagan, isammadray Infas wa Zəddigan ihakkin arraxmat?

³⁰ Nakknanay nəssân wa innan: *Nak a itabazan s əššəriḡa, nak a z'ixkəman y awedan kul awa dər ihor.* Innâ deḡ: *Əməli ad abəz tamattay-net s əššəriḡa.*

³¹ Arat əksədən wəllen a imos ad iggəz awedan ifassan ən Məššina di iddaran.

³² Aktiwat-du azzaman win azzarnen, dəffər as kawan-ikfa Məššina ənnur-net, təmmiqqasam d alḡazab labasan, əd təbəllant təssohet,

³³ fəlas alwaḡ iyyan tətawakəggaram dat awedan kul, tətawasaknim arkanay, alwaḡ iyyan amaran tətawəyam tadhəlt-nawan y aytedan win tawasakninen alḡazab zun wen.

³⁴ Təhinattem y aytedan win əhanen kasaw, təssānam daḡ-san, təḡbəlam əs man filawasnen a daḡ-wan attarmasan ərrəzəḡan-nawan, id təssānam âs təlâm ərrəzəḡan ədkâlnen, a t-əllānen har faw.

³⁵ Daḡ adi, ad wər tammazzayam d ikus n aššak wədi, fəlas ənta a kawan-z-akfin arozan zawwarnen.

³⁶ Təddiraram əs zəmmerat fəl a du-tassandim tara ən Məššina təgrəwam arat was iga arkawal-net.

³⁷ Fəlas inna Məššina: *Wər din-iqqim âr arat n azzaman, azzaman wər nəggət ḡas, y a d-asu was ihor a d-asu. Wər din-z-ahag.*

³⁸ *Fəlas wa dat-i oḡadan, ad igrəw təməddurt ta təḡlalət s əzəgzan-net. Mišan as iqqal dəffər-əs, wədi ad ib'as t-əran man-in.*

³⁹ Nakknanay amaran, wər nəha aytedan win taḡqalnen dəffər-san abəzan tarrayt ta n əhluk. Kalar nəha win əttafnen əzəgzan-nasan y ad əgrəwan əlḡillas.

11

Əzəgzan ən təḡəyyawen n arkawal wa irəwan

¹ Əzəgzan almaḡna-net âs arat was nəga attama-net, wədi nəkkās aššak as nəgrâw-tu. Almaḡna-net ikus n aššak daḡ aratan kudde wər tan-nəhənnəy.

² Əzəgzan en daḡ a fəl əgrawan marawan-nana ətəwəḡbal ḡur Məššina.

³ Amaran ənta a danaḡ-isassagran âs əddənət awal ən Məššina as du-təxlak. Əmmək en daḡ as awa nəhannay, igmâd-du a wər nətəwəhənnəy.

⁴ Əzəgzan, ənta a fəl ikfa Habila takutay tofât ta ikfa Qayin. Əzəgzan en daḡ a fəl tətawəḡbal tišit ən Habila alḡadil id Məššina iman-net a iggəyyen as šikutawen-net tiwaḡbalnat. Əzəgzan a d-ewayan âs Habila aba-tu mišan har harwa iššewal.

⁵ Əzəgzan, ənta a fəl immədkal Xenok əs jənnawan, wər tu-tədes tamattant. *Wər kala ad ilas ətəwəḡnay dəffər awen, fəlas Məššina a t-idkalan.* Amaran dat əmədkəl-net, igrâw ətəwəḡbal ḡur Məššina id ənnan Əlkəttaban: *Xenok igrâz i Məššina.*

⁶ Əzəgzan ənta ɣas a ihakkin aytedan ad əgrəwan gərrezat i Məşşina, fəlas awedan wa iqbələn Məşşina daɣ əwəl-net, wədi kundaba izzəgzan əs Məşşina ill-ay, izzəgzan deɣ əs itaggu arozan i win gammaynen masnat-net.

⁷ Əzəgzan, ənta a fəl ikras ənnəbi Nux aɣlal n aman fəl ad iɣlas aɣaywan-net, id əmiksad ən Məşşina a imos ikkās aššak daɣ arat wa das-isannafalal Məşşina, kudde wər t-ihənnəy. Əmmək en daɣ as obaz Nux əddənət s əşşəriɣa, iqbəl Məşşina tišit-net ələs oɣādan əs tarrayt n əzəgzan-net.

⁸ Əzəgzan a fəl ibbərdaɣ ənnəbi İbrahim i Məşşina s iki wa iga akal was das-itawanna ilkām ad iggəz təla-net, assaɣa wa t-ıɣra Məşşina. İfal akal-net, igla da wər issen id ikka.

⁹ Əzəgzan a fəl igla İbrahim, ikka akal was das-iga Məşşina arkawal-net, iqqal daɣ-as ənaftaɣ, ixsār daɣ həktan ənta d İsəhaq əd Yaqub əs ənta dər-san as iga Məşşina arkawal wen.

¹⁰ Arat wen ig-ay İbrahim fəlas issigad y əɣrəm wa wər nətəbərəjjiit, aɣrəm was Məşşina iman-net a t-id-inzaman ikras-tu.

¹¹ Əzəgzan a ikfan Sarata barar daɣ tušaray-net. Sarata wər tətılı bararan, mišan təgraw əzzurrəyya, id əzəgzan a təga s arkawal ən Məşşina di n aɣyadil.

¹² Awen daɣ a fəlas ələs iyyanda, ihân ələqqam ən təɣrəst-net, a igrawan əzzurrəyya igân igət wa əgan etran daɣ jənnawan, madeɣ šibləden n amaɣal əs tu-wər-illa i ifrāgan əšidən-nasnat.

¹³ Əzəgzan en daɣ a əgan əljadan win den, har tan-aba da wər əgrəwan aratan win as dasan-itawagga arkawal-nasan, mišan awa sər-san əgan daɣ əzəgzan zun as ənayan-tan daɣ igəg, əgāran fall-asan assalam, əggiyyen dat awedan kul əs inaftaɣan əd ɣərab ɣas a mosan daɣ əddənət.

¹⁴ Amaran win əganen awal wa, sitaddan sər-əs əs gammayan akal ən man-nasan.

¹⁵ Ənnar tan-iggāz əsuf n akal wa d-əfalən, wədi ad t-əqqəlan, fəlas əgrəwan edag n awen.

¹⁶ Mišan, akal idkālən dənnəg wen as əgan ənnəyat-net, əlməɣna ijənnawan. Awen daɣ a fəlas, Məşşina wər fall-as imos təkarakit tišit ta iga Əməli-nasan, fəlas isimatag-asan aɣrəm daɣ jənnawan.

¹⁷ Əzəgzan ənta a fəl ikfa İbrahim barar-net İsəhaq y ad iqqəl təfaskay assaɣa wad ijərrab Məşşina əzəgzan-net. Barar-net a n iyyanda a ikfa, ənta wa igrawan arkawal.

¹⁸ Amaran ənta en daɣ as inna Məşşina: *Tarrayt n İsəhaq as za təgrəwəɣ əzzurrəyya.*

¹⁹ Daɣ iduf n İbrahim, Məşşina ila tarna n əsənkər daɣ təmattant. Awen daɣ a fəl das-oyya Məşşina barar-net, zun as issinkar-as-t-idu daɣ tamattant.

²⁰ Əzəgzan a fəl ittar İsəhaq i bararan-net Yaqub d Ezaw a dasan-igan əlbaraka daɣ əzzaman win d-əzaynen.

²¹ Əzəgzan a fəl ittar Yaqub daɣ ələqqam ən təɣrəst-net y akkiyyan daɣ bararan ən Yusəf, *issajad issidad s əmi ən tallaq-net.*

²² Əzəgzan a fəl išşewal Yusəf i Kəl-İsrayil dat təmattant-net, daɣ batu n əgamad-nasan Masar, omar-tan s awa z'əgin i ɣasan-net.

²³ Əzəgzan ənta a fəl itawəɣbar Musa ɣur təhəwt-net har iga karadat təlil. Əɣbaran-tu marwan-net id ənāyan as barar ihossayan a imos, amaran əzəgzan-nasan a dasan-igdalan a tan-təggəz tasa n awas omar Firɣawna, imosan əmənokəl ən Masar.

²⁴ Əzəgzan a fəl uɣay Musa dəffər tadwala-net s ad iqbəl tišit ən barar n elles ən Firɣawna.

²⁵ Əzəgzan en daɣ a fəl issof Musa ad irtəy əd tamattay ən Məşşina daɣ aɣazab, iksan tənəfləyt n əddənət əd bakkadan-net wər nəmos ār arat n adan.

²⁶ Musa issof ad itəwəsəknə məlka wa itawasakna Əlməsix, fəlas arozan win z'igrəw əs tarrayt ten, ogaran wəllən ərrəzəɣan ən Masar; Musa iswād daɣ aratan win d-əzaynen, a tan-imosan arozan win ihakku Məşşina.

²⁷ Əzəgzan a fəl igmad Musa Masar, wər tu-taha tasa n əmənokəl iha əlham labasan, fəlas əsəggətəkki a iga id ihannay a wər nətəwənəy.

²⁸ Əzəgzan a fəl iga Musa təfaskay ta n əmud wa n Akkay, infəs əzni ən təfaskay ten i tamawen ən təsəhar ən nan ən Kəl-İsrayil, fəl ad wər idəs əməhlak iɣəfədda-nasan.

²⁹ Əzəgzan a tan-issəɣrasan Agaraw was itawannu wa Zaggayən, jiwanke fəl amaɣal iqquran, ilmaz əgarew en Kəl-Masar win əgmaynen d a tan-awədan.

³⁰ Əzəgzan a iggədlən əfarag wa iɣlayan aɣrəm ən Yerikaw, dəffər əs əgān Kəl-İsrayil əssa adan ɣallayan-t-id.

³¹ Əzəgzan wa təga Rahab ta n təkərwat ənta a das-igdalan a tat-iba assaɣa wad əhlakan aytedan win uɣaynen s əbərdaɣ i Məşşina, id Rahab a təqbalat a ɣur-əs əssəgənan nassasaman n İsrayil, təg-asan isəxlak.

³² Ma dawan-z-anna dëffər aratan win? Wər z'əgrəwəx alwaq ewādan a dawan-əššiwəla dəx batu ən Jedeyon d Əmbarək əd Samson əd Yeftay əd Dawəd əd Saməwel, d ənnəbātan win hadatnen.

³³ Əzəgzan as obazan meddan win ikallan, əxkaman fall-asan s əššərixa oğadan, əgrawan arkāwalan win dasan-tawagganen, ədbaħan imawan ən harran.

³⁴ Əzəgzan as ənħan šiməs zawwarnen, əħlasan dəx təkabiwen əknānen tawala, əgrawan tarna dəx adag ən rəkkəm was kala t-əgan. Əssəknan tišit-nasan inamma-garan, ərzan igənan.

³⁵ Əzzəgzannat tədoden tawasankaran-asnat-du nəmməttan-nasnat dəx təmattant. Wiyyad amaran tawasaknan alħazab səksədan, mišan ugayan s ad əgrəwan tədarfit ħur aytedan win tan-zaħazzabnen. Arat wen əgān-tu fəl ad əgrəwan təməddurt ta təħlalət dëffər tanakra-nasan dəx tamattant.

³⁶ Wiyyad əgrawan-tan jarrabatan labasnen əgānen dəx təmakkakkayt, əd təwit, əd təzabagawen, əd kasaw.

³⁷ Wiyyad tawanħan əs təgür ən təhun, wiyyad əmmolayan əs təkəojaten, wiyyad tawanħan əs təkabiwen. Wiyyad itāway-tan aħaf wər əssenən is ədəgan, əlsān igəškan n ayfəd əd win wəlli, wər əlen a d-ixlākan, irtāy-asan awen d as tiwadgazan, tawasaknin arkanay.

³⁸ Aytedan win, wər təhor əddənet d a tat-əhān, itāway-tan aħaf dəx tənariwen, d ədħaħan, əd kəzman əd ħaħan.

³⁹ Aytedan win kul iqbal-tan Məššina əs tarrayt n əzəgzan-nasan, mišan wər tan-iħa i ināyan arkawal wa dasan-itawaggan.

⁴⁰ Məššina kala dā issins-anaħ arat idkālān wəllen fəl ad wər əgrəwan aytedan win den alkamalat iket wər dər-san nəjjəyat aġaraw-net.

12

Ləkkum i tarrayt ta n zəmmerat d igi ən təməddurt zəddigat

¹ Awen dəx a fəlas nakkanay da, dad zamas ħilayħalayan-ana məzzəgzan əgānen igət ogdān d awa, wədi əgəratanaħ-in əzuk kul wa danaħ-iwaran, əd bakkadan əssirħasnen alamaz-nana, naġlu har təzərəst ən təbəllant ta danaħ-issəwar Məššina.

² Əswədātana faw dəx Ķaysa s ənta a danaħ-olaman tarrayt ta n əzəgzan, təhakkit alkamalat. Ķaysa iqbal alħazab fəl təgəttawt imosan təkarakit zəwwərat, id təkarakit ten wər ħur-əs təmos wala, fəlas ihannay təfalawist ta das-təqqalat. Dëffər awen ikka ijənnawan, iqqim dəx əħil ən Məššina dəx təħmar-net.

³ Awalla, aktiwat was əgan nasbakkadan akyud ogdān d awa, fəl ad wər tayyim iman-nawan təgmədam tarrayt.

⁴ Təbəllant ta təgam d abakkad, wər tat-təgem har tamattant.

⁵ Təttəwam-in ammar wa dawan-iga Məššina, olān d ənnəsixa wa itaggu awedan i bararan-net, inna: *Barar-in, ad wər təsəttəlkəkaħ attadib n Əməli, ad wər təqqala dəffər-ək as kay-issəwar Əməli lahan.*

⁶ *Fəlas Əməli itawəddab win ikna tara, iggāt win iqbal dəx tišit ən bararan-net.*

⁷ Əqbəlat alħazab wa tətəggim. Məššina itawəddab-kawan fəlas bararan-net a təmosam. Awak ill-ay barar wər itəwəddib abba-net?

⁸ As imos əs wər kawan-itəwəddib Məššina, zun awa itaggu i bararan-net kul, wədi wər təmosam bararan-net win tidət, kalar bararan ən bannan a təmosam.

⁹ Dad zamas ketnana nəla abbatan dəx əddənet a dana-tawəddabnen, nəssiħmartan, manəmmək as wər za nabbarəg i Məššina s ənta a imosan Abba-nana wa ihan ijənnawan, fəl ad nəgrəw təməddurt ta təħlalət?

¹⁰ Abbatan-nana win əddənet tawəddaban-ana dəx arat n azzaman wər nəggət dəx batu n idufan-nasan, Məššina amaran, tənfa-nanaħ a fəl danaħ-itawəddab, fəl a danaħ-iqbəl dəx tazdak-net.

¹¹ Attadib wər imos arat izodan s awedan dəx amazay wa das itawaggu, kalar arat a imos iħaššadan iman. Mišan win tawawəddabnen, təsəlkamt-nasan ad əgrəwan alxer, əd təməddurt toħādət.

¹² Awen dəx a fəlas: ifassan-nawan ərkaman, ifaddan-nawan dəx ərkaman, dəx adi səssuhətət-tan.

¹³ Əlkəmat i tarrayen šin oğadnen. As təgam adi, aytedan win ərkamnen, wər dasan-z-ittəy rəkkəm, kalar ad əzzəyan.

¹⁴ Aġliwat dəx igi n alxer d awedan kul, tagim təməddurt zəddigat. Awedan wa wər nəga təməddurt zun tədi, wədi wər z'ammanay d Əməli.

¹⁵ Əgləyat wəllen, fəl a tu-wər-iməl awedan issiban fəl man-net arraxmat ən Məššina. A daḡ-wan tu-wər-iməl awedan waliyyan a z'iqqalan zun annabat səməman a du-z-idwəlan awəy-du iḡşudan a z'əgdələn y aytedan aggotnen tazdak.

¹⁶ Ad wər ikkəs waliyyan daḡ-wan tarna i Məššina, madəḡ isəmmədrəy aratan win zaddognen zun awa iga Ezaw a din-izzənzən alxaq-net wa n tišit n aḡafadday, isammaskal-tu amensay.

¹⁷ Təssānam əs dəffər awen, igmay albaraka wa n tišit n aḡafadday, mišan igdal-as-tu abba-net. Iyyəwan tala, mišan indar-as a d-issuḡəl abba-net daḡ batu ten.

Təkawent i Məššina d əlḡibada-net

¹⁸ Amaran, wərgəḡ arat as ifrāḡ awedan edes-net a din-təhozam, zun təmsay təmihandarət, madəḡ šiyay, madəḡ əhu, madəḡ tazəkkay, zun awa əgan Kəl-İsrayil daḡ tanəḡay.

¹⁹ Wərməd təslām y anasay n asak, wala tərmuḡ zun tas əslan Kəl-İsrayil, əḡmayan a das-wər-ələsan tesalay,

²⁰ fəlas wər əqbəlan tarḡəmt ta dasan-tənnat: *Wa idasan adḡaḡ, ḡər iqqal awedan wala əmudar, wədi ad ammat əs təḡur ən təhun.*

²¹ Arat wa itawanayan den, i səksədan wəllen, har əs idkal Musa əməsli-net inna: *«Tah-i tasa wəllen, təḡa daḡ-i təysəst.»*

²² Kala kalar kawanay, təhozam-in adḡaḡ wa n Səyon, d əḡrəm ən Məššina di iddaran, a t-imosan Yerusalem ta təhat ijənnawan, təhozam-in deḡ šimərwen ən giman n angalosan əmmiaynen əknān təfalawist.

²³ Təhozam-in deḡ tiddawat ən ḡəfədda win as iktab Məššina esmawan-nasan daḡ jənnawan, təhozam-in Məššina s ənta əmašraḡ n aytedan kul, təhozam-in aytedan kul win oḡadnen, əḡrəwan alkamalat ḡur Məššina.

²⁴ Təhozam-in deḡ ḡaysa, s ənta a imosan almawakkil-nana daḡ arkawal ən tassaḡ wa aynayan, d əzni-net wa inḡalan, ogaran wa n Habila təla n əməsli daḡ jənnawan.

²⁵ Daḡ adi ənkədat y ad təzəmməzəḡam i wa iššewalan. Dad zamas Kəl-İsrayil win uḡaynen s ad əqbəlan awa dasan-itawagḡan daw aḡaf daḡ əddənet da da, ketnasan əwwəddaban, wədi ma dər z'agdu attadib wa dana-z-itəwəḡḡin as nəzammazag i wa dana-d-iššewalan daḡ jənnawan?

²⁶ Əməsli-net isannagaynagay amaqal daḡ azzaman win okaynen, amaran əmərədda arkawal da wa iga: *«Taklat ta du-təzayat, wərgəḡ amaqal ḡas a za sənnəḡaynəḡaya, kalar ijənnawan da a tan-sənnəḡaynəḡaya.»*

²⁷ Batu ta n «taklat ta du-təzayat» almaḡna-net əs arat kul ad iba tamayyamayt-net, fəl a d-aḡḡamin aratan win as wər ilkem ad niḡaynagayan.

²⁸ Daḡ adi, dad zamas nəḡrāw taḡmar as wər ilkem ad təbiḡaynagay, sənnəfiləlatanay aḡoda i Məššina, naḡ-as əlḡibada wa das-igrazan igān s əbərdeḡ, əd saḡmar,

²⁹ fəlas, Əməli-nana, təmsay da imos-tat təsirəkəmmet.

Təsəxtəmt

13

Ənnəsixatan aggotnen

¹ Ad wər tammazzayam d ənəmərə wa taggin mədrayan.

² Eqqəlat aytedan iha amagaru. Ad wər talkim adi fəlas aytedan win iha amagaru, wiyyad daḡ-san simagaren angalosan da wər əssenən.

³ Aktiwat aytedan win əhanen kasaw, zun as tənimaham-tu dər-san. A din-wər-tətatawim aytedan win tāwasakninen arkanay, fəlas kawanay da təlām taḡəssa zun tada-nasan.

⁴ Səḡmərat azalaf ketnawan. Aləs əd təntut win ənnəzəlfən, əḡdəlanet ḡar-essan fəlas Məššina ad awwəddab imagḡan n əzzəna.

⁵ Ad wər təqqələm aytedan əwwəlatnen azrəf. Aḡdiwat s awa təlam əmərədda, fəlas Məššina iman-net as inna: *Wər ilkem a kay-oyye za wər ilkem ad əḡmada batu-nak.*

⁶ Awen daḡ a fəlas nəfrāḡ ad nannu, s ikus n aššak: *Əməli a imosan fella-nin, wər əksuda wala. Ma di-z-iḡşəd aḡḡadəm?*

⁷ Aktiwat imuzaran-nawan win ḡur təslam y awal ən Məššina. Ettəfat awa dawan-d-oyyan, tattalalam əzəḡzan-nasan.

⁸ ḡaysa Əlməsix iman-net awa imos əndazəl ənta a imos azalada, imos-tu deḡ har faw.

⁹ Ad wər tarḡim əssəxrəkan-kawan səssəḡritan wər nəmos win as nəzzəḡzan. Fəlas aḡḡadəm, ofa ad igrəw assahat ta təhakku arraxmat ən Məššina, wərgəḡ ta hakkin mensewan. İššəriḡa wa iqqalan batu ən mensewan, wər ikna wala i win das-əlkammen.

¹⁰ Nəla edag wa n əsəqqəd ən təkutawen, mišan ilimaman win əşçalnen daş Ahaket wa n əlğibada, wər əlen turagət ən tattay ən təkutawen šin daş-as tawakfinen.

¹¹ Azni ən mudaran wa itawakfan wa d-immewayan y ames ən bakkadan, əlimam wa zəwwaran a t-itawayan s Adag wa Ogaran Tazdak, amaran šifəkkawen ən mudaran win den, təwəsəqqədnat sədi y aḡaywan.

¹² Awen daş a fəlas Ƴaysa da, aba-tu dəffər as itiwakkas daş əḡrəm fəl ad izzəzdəg tamattay s əzni wa-net iman-net.

¹³ Daş adi əgmədatanaş aḡaywan, nəlkam-as, nəgər iri y ad nətəwəsəknu məlka wa itawasakna.

¹⁴ Fəlas daş əddənət dada, wər nəla edag ən təməxsurt ixlələn. Kalar aḡrəm wa d-izayan a daş nəgammay edag ən təməxsurt.

¹⁵ [Daş adi] iwār-anaş ad nətaggu faw i Məşšina šikutawen əs tarrayt ən Ƴaysa. Šikutawen šin əmosnat təmmalen, almaşna šigaytalen a daş nəqbəl dat awedan kul as ənta a imosan Əməli.

¹⁶ Ad wər tammazzayam d əmazal n awa olaşan, d əsəssuhi ən tassaş gar-ewwan, id awen daş a imosan šikutawen šin əgraznen y Əməli.

¹⁷ Bardagət i muzaran-nawan, takkawanam-asan. Əntanay a kawan-ogaznen, id əssənan əs ilkam ad əbdədan fəl mazalan-nasan dat Məşšina, daş batu n əşşəşəl wa tan-issəwar. As dasan-təbbərdagam, ad ašin əşşəşəl-nasan əs man filawasnen, fəlas as t-əgan əs man əşşādnen əd təhənəffa, wər dawan-tu-za-təggəz tənfa waliyyat.

¹⁸ Aḡliwat daş iḡi y-anaş šiwatriwen, fəlas nəkkəs aşşak əs iman-nanaş i zaddognen id əlqəbulat a nəga əzəluləş daş əkkulluk n anamod.

¹⁹ Onsəyaş-qawan wəllen ad taglim daş təwatriwen, fəl a kawan-in-təwəsuxəla tarmad.

Assalaman əd təwatriwen

²⁰ Məşšina di n Əməggi n alxer a d-issənkarən daş təməttant Əməli-nana Ƴaysa imosan amadan wa ofan imadanan, əs tarrayt n əzni n arkawal ən tassaş ixlələn,

²¹ əgməya daş-as a kawan-issəfrəş iḡi n arət kul wa olaşan y ad tammazalam tara-net. Aḡiwet sər-na Məşšina arət kul wa das-igrazan əs tarrayt ən Ƴaysa Əlməsix s ənta a ilan tanaya har faw! Amin!

²² Širawt ta əzzigzala daş-as wəllen, amaran əgməya daş-wan imədrayan-in, ad təqbəlam təlxutbat ta, təzəzzəwem daş-as.

²³ Əssənət əs amadray-nana Timotay, igmad-du kasaw. As di-d-osa tarmad, a dər-əs in-idawa sər-wan.

²⁴ Təhulam-in imuzaran-nawan kul, əd tamattay zəddigət ən Məşšina. Əhulan-kawan-in šəqqəşan-nana win akal n Italəya.

²⁵ Iḡ-awan Məşšina arraxmat-net ketnawan.

Širawt ta iktab Yaqub Assalaman

¹ Awa nak Yaqub, akli ən Məššina d Ɛməli Ƴaysa Ɛlməsix, a din-ihulan marawat tawšeten əd sanatat wizawaznen daɣ əddənet.

Ɛlməsixi əd jarrabatan

Ɛzəgzan əd zəmmerat

² Ya imədrayan-in, as fall-awan d-osan jarrabatan əmosnen əzzənəfan, əqqəlanet arat a kawan-isifalawasan wəllen.

³ Fəlas təssānam as, ətəwəjərrab n əzəgzan-nawan a sər-wan d-itarawan zəmmerat.

⁴ Daɣ adi ayyat zəmmerat tədi, a daɣ-wan tassəndu əššəxəl-net, fəl ad təqqəlam aytedan əndānen, əkmālan.

⁵ Kud ih-iwan awedan iddiraran əs masnat, ansəyet Məššina, a das-tat-akfu; fəlas Məššina illillat, ihakku awedan kul, da wala təgna.

⁶ Mišan ansəyet Məššina, izigzan, wər iga aššak. Fəlas awedan wa igan aššak wər izlay əd tanazzamaren n agaraw wa zəwwəran isaggād aɣu, ibbāt-tanat sa əd sa.

⁷ Awedan šilat ən wədi, ad wər agu attama n as ad igrəw arat waliyyan ɣur Ɛməli,

⁸ id əwəl-net a izunan, wər t-illa arat itaggu a daɣ ittāf edag iyyanda.

⁹ Amadray-nana wa n tələqqay addawatet, isəbbərəg fəl adkul wa igrəw ɣur Məššina əddi.

¹⁰ Amadray-nana deɣ wa n əməgğergəs addawatet, isəbbərəg fəl əsəmmədrəy wa t-iga Məššina əddi; id taɣart a tətəggu takawkawt ən yel, iba tamayyamayt-net a z'agu ənta əd təgərgist-net.

¹¹ Yel, as du-təgmad təfuk, təga tuksay, a tu-təssəxər, tərtək takawkawt-net, iba šihussay-net. Adi da za a igarrawan awedan n əməgğergəs ozālan daɣ taɣawšiwən-net.

¹² Ibbilal awedan wa izmaran i jarrabatan, fəlas as fall-as okayan ad igrəw alak imosan təməddurt təylālat, tas igā Məššina arkawal-net y aytedan win t-əranen.

Jarrabatan d arak deranan

¹³ As itawajarrab iyyan daɣ-wan, ad wər annu: «Məššina a di-ijərraban», fəlas Məššina iman-net wər t-igərrəw jarraba n igi n ark əmazal, wala deɣ itajarrab awedan s igi-net.

¹⁴ Kalar akk awedan ləkkum y arak deranan-net a tu-tawaynen, har tu-səffətəqqen daɣ jarraba.

¹⁵ Arak deranan win, əntanay a du-tawaynen igi n abakkad. Abakkad amaran, as innoda daɣ əwəl n aggadəm, a d-awəy təməttant ta təylalat.

¹⁶ Ya imədrayan-in əknəx tara, ad wər tətəwəsudəfam alxata!

¹⁷ Ɛssənət as təhəkkut kul ta tolaɣat əd ta n təfərənt, Məššina di n Abba s ənta a imosan əmaxlak ən təfuk əd təllit d etran a tat-d-izazabben fəl aytedan. Wərmad itamattay, wala deɣ itaggu y edag-net agamad a das-tətəggu telay.

¹⁸ Arat irā a təmos tahakkay ta danaɣ-iga təməddurt ta taynayət s awal-net imosan tidət, a t-imosan Ɛlinjil, fəl ad nəqqəl šilat ən ɣəfədda daɣ təxəllak-net šin ikfa təməddurt ta taynayət.

Imazalan n əzəgzan

Awal ən Məššina d əbərdəg

¹⁹ Ya imədrayan-in əknəx tara, səsəmat: əgmāya daɣ əkkulluk n awedan ad issərxəs əsəsem, ayyu tararada n awal, wala irɣas alham-net.

²⁰ Fəlas awedan iha alham wər ifreg amazal n awa oɣadan ɣur Məššina.

²¹ Daɣ adi, mazzayat əd mazalan kul win kawan-samadasnen, əd təllabəst kul ta tətamazalam, təqbəlam əs man lammodnen awal wa itawaggan daɣ wallan-nawan, ifrāgan a kawan-ixləs daɣ Jahannama.

²² Ad wər iqqəl əs əsəsem ɣas a tətəgğim y awal ən Məššina, amaran wər tətəməzilam s awa inna, təssəxrəkam iman-nawan s adi.

²³ Fəlas awedan wa isasaman ɣas y awal wa, amaran wər itəməzil s awa inna, wədi ola d awedan iššəgğan daɣ šišset,

²⁴ izaggazda udəm-net, igla, ittəw-in daɣ tamazayt ten da awa dər ola.

²⁵ Mišan awedan wa iššəggan daɣ əššəriɣa ikmālan ən Məššina, s ənta a imosan əššəriɣa wa isadarfen, ittaf-tu, ad itamazal s awa inna, wər din-ittəw awas isla, awedan wədi ad abbalal daɣ awa itamazal.

²⁶ Kud ih-iwan awedan a ɣur iga as ittâf əddin, ənta wər innoda daɣ iləs-net, wədi iman-net a isaxrak. Amaran iduf-net əddin wər infa wala.

²⁷ Əddin wa zəddigan wər ila əlɣib dat Məššina di n Abba, imos-tu ad issən awedan daɣ gugelan win maɣatarnen əd tədoden šin as aba meddan-nasnat əddirarnat, igdəl deɣ i man-net a tu-təssəwər əddənət əlɣib waliyyan.

2

Ad wər tətəggim təmərīt

¹ Ya imədrayan-in, kawanay win əzzəgzannen s Ɛməli-nana, Ƴaysa Ɛlməsix ilān tanaya, ad wər tətəggim təmərīt.

² Nənnā masalan, osan-kawan-du meddan əššin daɣ Ɛlkənisat-nawan. Iyyan za əməggərgəs as ədnaynat təsəndar n urəɣ idədwan-net, ilsa isəlsa əknanen šihussay, wa hadan amaran talaqqay ilsān irakkan.

³ As din-təgram aləs wa ilsan isəlsa win hossaynen, tənnam-as: «Mandam, edag da wa ofan, qam daɣ-as»; amaran aləs wa n tələqqay ənta tənnam-as: «Xa! Ɛbdəd den» madeɣ «qam daɣ amaɗal.»

⁴ Wərgəɣ əzənəməzləy a təgam aytedan-nawan əddi, təzzar isəkna adi as imazalan-nawan əlkāman y arak medranan-nawan?

⁵ Ya imədrayan-in əknəɣ tara, səsəmat: Awak wərgəɣ aytedan win əlləqqawnen daɣ əddənət a isannafran Məššina fəl ad əqqələn iməggərgəs fəl aganna wa iqqalan əzəgzan-nasan, əqqələn deɣ iməkkusa ən taɣmar tas iga arkawal-net y aytedan win t-əranen?

⁶ Eges kawanay tolkām-tan. Awak wərgəɣ iməggərgəs a kawan-ədgaznen, tawayyan-kawan s adag n əššəriɣa?

⁷ Awak wərgəɣ əntanay a tibudurnen esəm idkālan n Ɛlməsix was tətawaxrim?

⁸ Illikan as kud əsəndi a du-təgam əššəriɣa ən taɣmar ta n Məššina əs təməwit tas iktāb daɣ Ɛlkəttaban as: «*Agu y əšəqqaq-nak tara ta təgəɣ i man-nak*» wədi təgām a olāɣan.

⁹ Mišan kud təmərīt a tətəggim, wədi təgām abakkad, ibāz-kawan əššəriɣa s əməzrəy wa tu-təgam.

¹⁰ Ɛnta awedan wa ilkaman y əššəriɣa ketnet amaran inagartattaf daɣ alwajib-net iyyanda, wədi əššəriɣa ketnet as t-imməzray.

¹¹ Fəlas wa innan «*Ad wər tagay əzzəna*» inna «*Ad wər tagay iman*» da. Daɣ adi, as təgəɣ iman n awedan, ad tammazrayaɣ əššəriɣa ketnet, kuddeɣ wər təgəɣ əzzəna.

¹² Adi a fəlas, aratan win təgənnim madeɣ win tətamazalam taggiwat-asan igi daɣ təssānam as ilkām daɣ-wan əššəriɣa wa isadarfen.

¹³ Fəlas əššəriɣa wər təha təhanint a z'itəwəggin y awedan wa wər təha təhanint. Ɛsəkni wa itaggu Məššina y aytedan təhanint ogār abbaz wa tan-itaggu s əššəriɣa.

Ɛzəgzan əd mazalan

¹⁴ Ya imədrayan-in, ma z'aknu y awedan ad igannu izzigzan, ənta wər itəggu imazalan olaxnen sitaddanen əzəgzan-net? Awak ifrāg əzəgzan wədi əlɣillas-net?

¹⁵ Nənnā masalan inay iyyan daɣ-wan amadray-net daɣ əddin madeɣ tamadrayt-net əzlāmnən madeɣ wər əlen a ətšan.

¹⁶ Awak ma dasan-z-aknu a dasan-annu: «Aɣliwat daɣ alxer, yawanat, talsim», ənta wər tan-ikfa aratan win as əddərarnat təxəswen-nasan?

¹⁷ Ɛmmək di da za as, əzəgzan ɣas wər igda. Ɛzəgzan wa wər nətəwənəy əs mazalan olaxnen, wədi immut, wər infa wala.

¹⁸ Amaran as inna awedan: «Nak əzəgzan-in a fəl saffalla.» Inn-as iyyan: «Kay əzəgzan-nak a fəl təsaffalla, nak amaran imazalan olaxnen win tagga fəl saffalla. Sakn-i əzəgzan-nak da wala imazalan olaxnen, nak a kay-assaknaɣ wa-nin əs mazalan-in olaxnen.»

¹⁹ Wərgəɣ təzzigzanaɣ as Məššina iyyanda? Təgəɣ a olāɣan, əssən z'ās Iblis da əzzigzan adi, amaran issindaw-tu taysəst.

²⁰ Xa əljəhil wa, awak əgərri a din-wər-təgəɣ as əzəgzan wər nəddew əd mazalan olaxnen, wər infa wala?

²¹ Məni əmmək was igraw amaraw-nana Ibrahim tišit n alɣadil dat Məššina? Wərgəɣ əddəlil ən mazalan-net, alwaq wad ikfa barar-net Isəhaq y ad iqqəl tənagzamt i Məššina fəl edag ən təkutawen.

²² Təhannayax? Əzəgzan-net iddew əd mazalan-net daɣ arat kul wa itaggu. Imazalan-net a əssəkmalnen əzəgzan-net.

²³ Təxsal-du batu ta tənnaɗ daɣ Əlkəttaban: «*Izzəgzan Ibrahim əs Məşşina, ikf-ay Məşşina taqqat fəl əddəlil n awen*», təzzar itawagg-as esəm: Əmidi ən Məşşina.

²⁴ Xasil, təhannayam as awedan əddəlil ən mazalan-net d əzəgzan-net a fəl t-ihakku Məşşina tişit n alɣadil, wərgəx əddəlil n əzəgzan-net ɣas.

²⁵ Rahab za ta n təkərwat ənta məni əmmək was təgraw taqqat dat Məşşina? Awak wərgəx əddəlil ən mazalan-net alwaq wad təsammagarat inassasaman ən Kəl-İsrayil təsəlxas-tan daɣ ahan-net, təzzəbaz-tan tarrayt iyyat əgmadan akal.

²⁶ Zund əmmək as təxəssa wər əhen man təmmüt, əmmək di daɣ as əzəgzan wər nəddew əd mazalan olaynen ənta da immüt.

3

Iduf ən tanat daɣ iləs

¹ Ya imədrayan-in, a daɣ-wan wər igatan əlfəqqitan fəlas təssānam as nakkənay win əlfəqqitan a danax-itəwəggu əşşəriɣa labasan ogaran wa z'itəwəggin y aytedan win hadatnen.

² Fəlas ketnana nətinəgərtəttif daɣ tarrayen aggotnen; amaran kud ill-ay awedan as wər kala inagartattaf s a du-təgmad ark batu imi-net, awedan wədi, ikmāl, ifrâg iduf ən tanat daɣ təxəssa-net ketnet.

³ Nətaggu aɣaba daɣ ays fəl a daɣ-as nəttəf tanat, nəssuk-ay edag was nərə.

⁴ Ənəyat deɣ aɣlal n aman wala ad ikna təzzəwwərt, ibât-tu aɗu iknan assahat, da aşək iknân təmmədrəyt as t-itikurit awedan wa t-ewayan fəl aman, isadak-ku s as ira.

⁵ Adi da a iga iləs n aggadəm. Taslət əndərrat a imos daɣ təxəssa, mişan aratan zawwarnen as ifrag igi n abarag-nasan. Zund as, arat ən tamantast təfrâg əsəbbəlgəlgə n əgoras iknân təzzəwwərt!

⁶ İləs, ənta da təmsay a imos. Wər t-illa əzzənəf ən talbast a tu-wər-nəha, isamadas şisəllad-nana kul, issirɣa fall-ana təmsay daɣ əddənət wa n təhəwt-nana har iba-nana, amaran ənta iman-net təmsay ta n Jahannama a tu-təsəbbalaglagat.

⁷ Wər t-illa əzzənəf ən tawaqqast wala əgədid, wala əmudar imiraradan fəl amaɗal wala iyyan n aman as wər ifreg aggadəm əşinən-net, amaran işşonan-tan deɣ.

⁸ Eges iləs, ənta wər t-illa awedan ifrâgan əşinən-net. Talbast a imos din-wər-ikka awedan d arat, amaran idkâr assam inaqqin.

⁹ Ənta as nətagg təmmalen y Əməli di n Abba-nana, ənta deɣ as nəbayyək aytedan, as Məşşina a tan-d-ixlakan əs şaşşelan-net.

¹⁰ İmi iyyanda a du-gammadnat təmmalen igammad-t-id deɣ abayək. Ya imədrayan-in, arat wədi wər imməkkan ad itaggu.

¹¹ Awak şat n aman iyyadda, taffayan-du daɣ-as aman əzodnen əd win samomnen?

¹² Ya imədrayan-in, awak aşək ən fig itaraw zaytun, wala deɣ itaraw asab n alɣanab fig? Şat n aman za əganen tembay n əsalax, ənta da wər tat-du-gəmmadan aman əzodnen.

Masnat ta n tidət

¹³ Məni-tu daɣ-wan əgəsan əmusan ila deɣ əgərri? Awedan wədi, assaknet adi s alxal olayən əd mazalan əgānen əs talmat ən man əd masnat.

¹⁴ Mişan kud kəwanay iwəllan-nawan manjax labasan a tan-ihan, wər təgəmməyam ar tənfa ən man-nawan, wədi wər təhoram d igi ən baragan fəl masnat-nawan. Arat wədi isəbbəhəw a imos ən tidət ən Məşşina.

¹⁵ Masnat tədi, wər du-təfəl Məşşina, kalar şin əddənət ta da. Şin awedan ilkāman i tara ən man-net d İblis.

¹⁶ Fəlas id t-imal manjax d agamay n awa infan iman ɣas, a t-imal iba n ənəmənnək labasan d əzzənəfan kul n arak mazalan.

¹⁷ Mişan masnat ta du-təfalat Məşşina, arat wa azzaran təga âs şi zəddigat. Awedan wa tat-igrawan, ira alxer, ləmmid, igarru, təkən-ay təhanint iguz, itaggu deɣ imazalan olaynen. Wər itəggu təmərit za wər tu-təha təlmənufəqa.

¹⁸ Amaran aytedan win maggan n alxer amasa imosan alxer a ənabalan təzzar ələyan-du tənfa təmosat aqqad dat Məşşina.

4

İrruymatan aggotnen

İrruymatan fəl əkənnas

¹ Ma d-itawayan gar-ewwan šimazaŷen əd kənnasan? Wərgəŷ arak deranan-nawan əmmigarnen daŷ təŷəswen-nawan?

² Tətaggim attama n arət taqqamim wər tu-təgrewam. Təmosam imaggan ən man, təmosam deŷ inəmmənzaŷ, amaran wər təfregam agaraw n awa taram. Aratan win təgammayam-tan əs təmazaŷen əd kənnasan. Wər tələm awa taram, fəlas agamay a tu-wər-təgem daŷ Məššina.

³ Amaran kud daŷ-as tu-təgməyam da, wər tu-təgərrəwam fəlas əddəlil wa fəl daŷ-as tu-təgammayam a wər noləŷ, id wər təgəmməyam ār ark aratan win əran man-nawan.

İrruŷmatan fəl tara n əddənət

⁴ Xa inəmməzray ən Məššina! Masnat a wər təgem as, tara n əddənət gezzar ən Məššina a təmos? Daŷ adi awedan wa igan iman-net əmidi n əddənət, wədi azangaw ən Məššina a imos.

⁵ Məŷ ak təŷilt a təgam as Əlkəttaban tənna ən bənnan a əgan as: Məššina ikna tara n Infas wa daŷ-naŷ iga.

⁶ Mišan tara n Infas wa, togar-tat arraxmat ta danaŷ-ihakku. Adi a fəl ənnan Əlkəttaban: «Məššina iŷnâz y aytedan win əzzəzwarnen iman-nasan, amaran win əssərasnen iman-nasan arraxmat-net a tan-ihakku.»

⁷ Daŷ adi bardagat i Məššina, təgdələm iman-nawan y İblis, a kawan-ugag.

⁸ Zənnəmihəzat iman-nawan əd Məššina, a dər-wan inəmihəz. Xa inasbakkadan, širədat ifassan-nawan daŷ igi ən bakkadan, təzzəzdəgam iwallan-nawan, təkkəsəm daŷ-san igi n aššak!

⁹ Əŷədanət man-nawan, talim d aytedan a fəl təga təfəyyawt, təhallim. Təggəzət tala edag ən tadaza-nawan, təggəz təkenzert edag ən təfalawist-nawan.

¹⁰ Sərəsat iman-nawan dat Əməli, a kawan-idkəl.

İrruŷmatan fəl sizmit

¹¹ Ya imədrayan-in, ad wər təməl šizmit gar-ewwan. Awedan wa ožaman amadrəy-net madəŷ issəwar-tu lahan, wədi əššəriŷa a ožam, issəwar-tu lahan. Amaran awedan wa issəwan əššəriŷa lahan, wədi ab'as ilkam y əššəriŷa, iqqal əmašray ənta iman-net.

¹² Məššina ŷas a imosan Amašray iŷattasan əššəriŷa, isafsu, ihallak deŷ. Kay ma təmosaŷ as təšaraŷa y iyyan awedan?

İrruŷmatan fəl zazwar ən man

¹³ Səsəmmat za, kawanay win ganninen: «Azalada madəŷ tufat ad nakku aŷrəm mandâm, nağ-in daŷ-as awatay nəgâ jola, nəgrəw riba.»

¹⁴ Ənta kawanay wər təssenam wala ŷas awa dər kawan-du-z-ifaw! Wər təzlayam d əhu, s ad t-illa, mišan as z'agu arət n amazay, wər t-illa.

¹⁵ Edag n ad tannim: «Kud Əməli irda, ad nəddər, nagu awa madəŷ awa.»

¹⁶ Mišan əmərədda ibaragan a tətaggim tədkâlam iman-nawan. Ibaragan za kul win šilat ən win di talbast a əmosan.

¹⁷ Daŷ adi awedan kul issanan əmazal wa olaŷan amaran iqqim wər t-iga, wədi abakkad zəwəwan a iga di.

5

İrruŷmatan fəl iba n əššəriŷa wa tamazalan məggərgas

¹ Amaran kawanay iməggərgas, səsəmat-i: Əggəzət šin tala, təsəkkələləm fəl əddəlil n əlməssibaten šin kawan-d-əzaynen.

² Təgərgist-nawan tərka, isəlsa-nawan tətš-en təwəkar.

³ Urəŷ-nawan d əzrəf-nawan tətš-en tənək. Amaran tənək di da a fall-awan za taggayyet, tatšu šixəswen-nawan zun tanat-tətša təmsay. Təššədawam təgərgist daŷ adan win, s əntanay a əmosnen təsəlkamt n əddənət.

⁴ Ənəyat, alxaŷ ən maššaŷalan win təsəssalayam šiwəgas-nawan, isifarat fall-awan; amaran təkurayt-nasan, tewad Məššina di n Əməli ən tarna.

⁵ Tənniflayam daŷ əddənət, təhâm tara ən man-nawan. Təsədarem iman-nawan y əzəl wa n agazam.

⁶ Təbazam s əššəriŷa alyadilən ən Məššina a kawan-in-wər-nəkka d arət, təgam iman-nasan.

İnnəsixatan aggotnen

Təzaydart daŷ alyazab

⁷ Ya imədrayan-in, daɣ adi zəzzəydərat har d-asu Ɛməli. Ɛnəyat tewaɣlay a itaggu əmagyak i tənfa ta du-təgammadat tawagost-net. Ɛzəzzəydər a itaggu har təgrəw tawagost-net akonak wa azzaran əd wa ilkaman.

⁸ Kawanay da za, zəzzəydərat, tilem əwəl, fəlas assa n Ɛməli ihôz.

⁹ Ya imədrayan-in, ad wər tətınəməşšikam gar-ewwan ibəz-kawan əşşəriɣa. Ɛnəyat! Ɛmaşraɣ wər iggug, illa ɣur imi n ahan.

¹⁰ Daɣ batu ta təqqalat alɣazab əd təzaydart, ya imədrayan-in əqqəlat aytedan olänen d ənnəbitan win əşşewalnen s esəm n Ɛməli.

¹¹ Ɛnəyat, a nəgannu aytedan win əlanen zəmmerat əbbilalan. Təslâm əlqissat ən zəmmerat n ənnəbi Ayuba, tənâyam deɣ təsəl kamt ta das-iga Ɛməli, id Ɛməli tək-nay tara əd təhanint iguz.

Ɛnnəsixa daɣ batu ən təhuday

¹² Ya imədrayan-in, are daɣ-wan dat arat kul ad wər təhhadam gər za əs jənnawan wala s amaɣdal wala s arat a iqqal. Ganniwat ɣas «Ayew» y awa imosan tidət, təgannim «kala» ɣas y awa tat-wər-nəmos fəl a kawan-wər-iwər abakkad, ibəz-kawan əşşəriɣa.

Şiwatriwen i miranan

¹³ Awak ih-iwan i itaɣazzaban? Wədi aget şiwatriwen. Awak ih-iwan awedan ifilawasan? Wədi aget təmmalen i Məşşina.

¹⁴ Awak ih-iwan awedan irinan? Issəgməyet imuzaran n Ɛlkənisat a das-əttəran, əzwəyan-as widi s esəm n Ɛməli Ƴaysa.

¹⁵ Təwatray ta təgat s əzəgzan ad tassafsu əmiran wa fəl təga, izzuzəy-tu Məşşina daɣ təwərna. Wala ad imos as ibakkadan a sər-əs tat-d-ewaynen, a das-ətəwəsurəfan.

¹⁶ Daɣ adi, tinəməmilat gar-ewwan ibakkadan-nawan, tutabam daɣ-san, ad tətınəməggim şiwatriwen fəl ad təzəyam. Təwatray təglâyat n awedan oɣadan təh-et tarna tagget əd tənfa.

¹⁷ Ilyas, awedan a imos ən şilat-nana. Iga təwatray a daɣ iglây a igdalan y akonak ewet. Təzzar iga akonak karad elan əd sədisat təlil wər itteb fəl amaɣdal.

¹⁸ Dəffər awen ittar, ifay-du akonak daɣ jənnawan, ikkas-du amaɣdal tənfa-net.

Batu ən məzzəgzan win əxraknen

¹⁹ Ya imədrayan-in, as ixrak iyyan daɣ-wan igmad tidət, issuɣəl-as-tat-du əmidi-net,

²⁰ təssənam as, awedan wa d-issoɣalan anasbakkad, ikkas-t-idu daɣ axarak wa iga, wədi iman a d-issəfsa daɣ təmattant, eway-du deɣ təsureft ən bakkadan aggotnen.

Širawt ta tazzarat iktab Butros

Šihulawen

¹ Awa nak Butros imosan anammazul ən Ƴaysa Ɣlməsix, a din-ihulan iməzzəgzan win wazawaznen, əmosan iƳarab daƳ kalkan ən Fontəs, əd Galatəya, əd Kabadokəya, d Asəya, əd Bitinəya. Isinafran-tan Məššina

² di n Abba harwa dat alwaq əs masnat-net d ənnizam-net. Ig-en aytedan a sər-əs əskátnen s əssəbab n Infas wa Zəddigan, fəl ad abbardagan i Ƴaysa Ɣlməsix, təwəzəzdəgan deƳ s əzni-net. Məššina ya təzizabbe-du fall-awan arraxmat, d alxer wər nəla əddukad.

Tišit n əlməsixi

Agoda i Məššina attama wa danay-ikfa

³ Təmmal i Məššina di n Abba n Ɣməli-nana Ƴaysa Ɣlməsix. Təhanint-net wər nəla əddukad as danay-iga aytedan əgānen təhəwt taynayət, fəl ad nagu təməddurt təgāt s attama ittiddan, s əssəbab ən tanakra ən Ƴaysa Ɣlməsix daƳ təmattant,

⁴ nəgrəw deƳ təkəsət n arət wər nətəməndu, wər itəmədis, za wər itəbəkəssit, a dawan-itiwagazan daƳ jənnawan.

⁵ Kawanay a ogaz Məššina əs tarnə-net, fəlas əzəgzan a təgam, fəl ad təgrəwam efsan. Efsan win isimatak-kan Məššina fəl ad təwəgrəwan daƳ azzaman win əƳrud n əddənət.

⁶ Isəffəliwəset-kawan awen, kuddeƳ əs əmərədda ihhišsal a kawan-zəzzəkənzəran jarrabatan əmosnen əzzənəfan, mišan ya awen wər z'ihag.

⁷ Jarrabatan win, əntanay a sataddinen assahət n əzəgzan-nawan ogaran urəƳ almaqam. UrəƳ iman-net wər ixləl, amaran temsay a daƳ itawaggu fəl ad itəwəssən kud imos wa n ələsəl wala. Əzəgzan-nawan da za kundaba itawajarrab. Əddi amaran, assaya wa du-z-azzabbat Ƴaysa Ɣlməsix, itəwəənəfiləl y əddənət ketnet, ad təgrəwam təmmalen d ədkul əd saƳmar, s əssəbab n assahət n əzəgzan-nawan.

⁸ Ƴaysa Ɣlməsix tərām-tu təzzigzanam sər-əs da wər tu-tənayam harwa da. Awen daƳ a fəl təgam təfalawist as tu-wər-illa i ifragan emel-net za wər tu-təlla tulat-net.

⁹ Təfalawist tədi təgām-tat fəlas aggad a təgam əlməxsud n əzəgzan-nawan, a t-imosan agaraw n efsan.

¹⁰ Efsan win di, əyyəwanan ənnəbitan win əmalnen arraxmat ta dawan-z-əgu Məššina agamay d əgərri-nasan.

¹¹ Ɣdgāzan wəllen daƳ ad əssənən awa mosan azzaman d alxalaten, win z'assakninen awa imal Infas n Ɣlməsix. Infas wa, illa Ƴur-san kala da; amaran iməl-asan alyazab wa z'əgu Ɣlməsix əd tanaya ta du-za-təlkəmat y awen.

¹² Isannafalal Məššina y ənnəbitan as isalan win d-əgrawan den, wərgəƳ əntanay a d-əkkən, kalar kəwanay a d-əkkən, iwār-tan a dawan-tan-əgin. Isalan win əntanay a dawan-əmalan məssəsəƳra win sasəƳrinen Ɣlinjil əs tilət n Infas wa Zəddigan. Infas wa, ijənnawan a daƳ d-itawasagla. Ɣlinjil, angalosan da sidaranan wəllen masnat-net.

Alxal wa issəƳmaran Məššina

¹³ Dad zamas tayttay-nawan təsimatag y əššəƳəl, təttafam deƳ alwasat daƳ arət kul, wədi agiwat attama-nawan ketnet daƳ arraxmat ta za təgrəwam Ƴur əzəbbi ən Ƴaysa Ɣlməsix d ənəfiləl-net y əddənət.

¹⁴ Bardagət y Ɣməli-nawan, awa taggin bararan y abba-nasan, tammazzayam d arak deranan win as kala a tan-tətaggim harwa ad təmosam aljahilan.

¹⁵ Ɣmmək was zəddig wa kawan-d-iƳran əs man-net, əmmək en daƳ as kawan-iwar ad izdad alxal-nawan kəwanay da,

¹⁶ Fəlas iktāb as: «*izdagat, fəlas nak əmizdag a mosa.*»

¹⁷ Amaran dad zamas təgənnim daƳ təwətriwen-nawan «Abba» i wa wər nəzlay aytedan, kalar ixakkam akkiyyan daƳ-san əs mazalan-net, daƳ adi agiwat təməddurt a daƳ təksudam Məššina daƳ azzaman win əmərədda, a daƳ təmosam inaftayan daƳ əddənət.

¹⁸ Alxal wa dawan-d-oyyan marawan-nawan wər infa wala. Təssānam as Məššina irzām əlqim zəwwəran y a kawan-d-ikkəs daƳ anamod ən təməddurt wen. Amaran inazzan win den, wər əgen s əzrəf, wala urəƳ a mosnen aratan təmandinen,

¹⁹ kalar azni ilān almaqam wəllen n Ɣlməsix as əgan. Azni wa, iha əlmital n əzni n aƳəƳəl wər nəga əlƳib.

²⁰ Ælmæsïx tæga fall-as masnat dat æxluk n æddænet, amaran itawasanafalal daḡ azzaman win ælkammen a fæl æddænil-nawan.

²¹ Æddænil-net a fæl tæzzægzanam æs Mæššïna s ænta t-id-issenkaran daḡ tæmattant ikf-ay tanaya. Adi a d-ewayan as tæzzægzanam æs Mæššïna tægam daḡ-as attama-nawan.

²² Tæzzizdagam iman-nawan s æbærdæg wa tægam i tidæt fæl ad tagim ænæmæra igân s æwæl iyyanda, awa taggin mædrayan. Daḡ adi akniwat ænæmæra æs wallan zaddoggen.

²³ Æssænät as tæhæwt taynayät a tægam tælät ælæsæl iḡlälän, wærgæḡ tæhæwt ta n aggadæm tæmosat arät wær næḡlel. Kalar awal æn Mæššïna iḡlälän ihakku tæmæddurt a imosan ælæsæl æn tæhæwt ta tægam da.

²⁴ Id iktâb as: «*Aggadæm wær izlay æd yel, tanaya-net deḡ ketnet wær tæzlay æd tæjigay æn yel. Yel amaran taḡart a itag tærtæk tæjigay-net,*

²⁵ *mišän awal wa n Æmæli ænta, ill-ay, iḡläl.»*

Amaran awal wen Ælinjil wa dawan-ittæmalan a t-imosan.

2

Awa tæmos tamattay ta n Mæššïna

¹ Daḡ adi sænnæmæggægat iman-nawan d a imosan æzzængu, æd tækærras, æd tælmænufæqa æd manjaḡ, d æzgæn.

² Awal æn Mæššïna zun ax wær næqqer a dawan-imos. Agiwat-as tara ta taggin bararan æs sækæt æhewan y æx, fæl a kawan-issædwæl daḡ tišit-nawan ælmæsixitan.

³ Tara ten da a das-za-tagim as imos as «tænayam kawanay iman-nawan awa dær ogda ælluḡ n Æmæli.»

⁴ Zænnæmihæzat iman-nawan d Æmæli s ænta a imosan tæhunt tæddarat, tas aytedan za ægaran-tat-in, ḡur Mæššïna amaran ænta a tæmosat æhunt ta tænnæfranat tæla almaqam.

⁵ Dad zamas kawanay da tæmosam zun tæhun æddarnen, itawakras sær-wan ahan n æḡibada æn Mæššïna æs tilalt n Infas wa Zæddigan, wædi tæqqalam ilimaman zaddoggen hakkinen šikutawen šin imal Infas wa Zæddigan s æntanätay a ægraznen i Mæššïna æs tarraḡt æn ḡaysa Ælmæsïx.

⁶ Ænta Mæššïna inna daḡ Ælkættaban: «*Ænæyat, æssinsa daḡ Sæyon tæhunt ta tækabbalat ehan, tænnifranat, tælät almaqam. Wa sær-æs izzægzanan, wær z'ikærukæd.»*

⁷ Daḡ adi kawanay a æzzægzanen, tækf-iwan tæhunt ta ætæwæsæḡmar. Aytedan amaran win wær næzzægzan æssenänet as: «*Tæhunt ta din-ægaran makrasan, ænta a tæqqalat tæhunt ta tækbalat ehan.*

⁸ *Amaran tæhunt ta tæmos tæsenkæft y aytedan, tætagadl-en.»*

Tæhunt ten nakkafan-as aytedan, tætagadl-en, fæl tugæyt ta ægan s ad æzzægzanen s Awal æn Mæššïna, amaran tugæyt ten da a dasan-tætawatatas.

⁹ Kawanay amaran:

«Tawšæt tænnifranat a tæmosam, tiddawat æn limaman æn Mæššïna di n Æmænokal, tæmosam harwa da aḡræf iskatan æs Mæššïna, tæmosam deḡ tamattay-net.

Ikkas-kawan-du

fæl ad tæmmalam igitan simaklälän,»

win iga id ænta a kawan-d-iḡran daḡ šiyay, ig-iwan daḡ ænnur-net isinahan æmælwæw.

¹⁰ Kawanay dat awa, wær tæmosam fadda tamattay, amaran æmæredda tæqqalam tamattay æn Mæššïna. Dat awa wær tægræwam æhænætta fadda, æmæredda amaran tægrawam-tu.

Alxal wa iwaran ælmæsixitan

Alxal wa iwaran ælmæsixitan gar-essan d aytedan

¹¹ Imaran-in dad zamas æddänet a inaftaḡan ad ḡarab a daḡ-as tæmosam, wædi onsäyaq-qawan ad tænnæmæggægam d arak deranan win aggadæm, fælas æntanay a æmosnen izænga n æzægzan-nawan.

¹² Ad wær tæmmazzayam d alxal wa olaḡan dat aytedan win wær næksud Mæššïna. Æddi as imos as sawaran-kawan bahutan æn tišit æn næsgufa, iman-nasan as z'ænøyän igitan olaḡnen win tætaggim daḡ anamod wen, awæy-du sær-san awen saḡmar n Æmæli æzæl wa du-z-asu.

¹³ Bardagat i muzaran-nawan kul fæl udæm n Æmæli, gær æmænokal s ænta a ixkaman fæl arät kul,

¹⁴ wala dey inaxkiman-net win d-izammazal imos əşşəxəl-nasan əwəddəb n aytedan win tagginen təkma, əd tahakkay n almaqam i win tamazalnen awa olağan.

¹⁵ Məşşina a ira ad tətəggim awa olağan fəl ad tədbəxam imawan n ark aytedan n aljahilan.

¹⁶ Agiwat alxal ən lallan, mişan əlləllu-nawan a tu-wər-tagim arat a daw təssolamam əşşar, kalar taggiwat imazalan n as təmosam eklan ən Məşşina.

¹⁷ Səxmərat aytedan kul. Iriwat imədrayan-nawan kul dağ əzəgzan. Iksadat Məşşina, təssəxməram imənokalan-nawan.

¹⁸ Eklan, bardagat i məssawwan, tagim-asan saşmar kul wa kawan-iwaran, gər za əmosan aytedan olağan, lammədan, wala dey əmosam ark aytedan labasnen,

¹⁹ fəlas arraxmat a imos ad izmər awedan, izəzzəydər d alğazab imosan tādłəmt, as imos əs təkatawt ən Məşşina a fəl iga awen.

²⁰ As imos as təgey abakkad, ma imos aroz wa za təgrəwa dağ əzəzzəydər d attadib n awen? Mişan ya as imos as təmosax awedan itamazalan awa olağan, amaran təzməra y əwəwəzəxəzzab imosan tādłəmt, wədi əssən as arraxmat a təgrəwa çur Məşşina.

²¹ Awalla, ənta da da awas tətəwaxram, fəlas Əlməsix iman-net da iğxizzab fall-awan, oyy-awan-du almasal, fəl ad təlkəmam y awa iga.

²² Əlməsix amaran, ənta *as wər kala ad iga abakkad, za wala iga bahu y awedan waliyyan.*

²³ Ənta a iyyəwanan əwəwəbad, mişan wər izzəzal. As itawəzaxəzzab, wər iga arak batu y awedan waliyyan, kalar talğa-net kul as tat-iga dağ əfus n Əmaşrağ wa Oğadan a t-imosan Məşşina.

²⁴ Ənta dey a itawataytayan fəl təgəttawt, idkal ibakkadan-nana, nəğa əd bakkadan ənəməggag wa təğa təməddurt əd təmattant, fəl ad nagu təməddurt a dağ noxād. Dağ adi Əlməsix ənta a kawan-izzozayan əs busan win dağ-as tawagğanen.

²⁵ Əstizarat təmosam zun ayfəd əssigğalnen, mişan əmərədda təqqalam-du amadan-nawan, s ənta a imosan əmagaz ən man-nawan.

3

Alxal wa iwaran əlməsixitan dağ azalaf

¹⁻² Kamatay dey şidoden, bardagmat i meddan-nakmat. As təgamat adi, kud imos as wiyyad dağ-san wər əzəgzanan s awal ən Məşşina da, as hannayan alxal-nakmat olāğ zəddig, hannayan dey saşmar wa dasan-təgamat, a sər-san d-awəy awen əzəgzan da wər dasan-təşşewalmat.

³ Ad wər əqqəlmat təhussay-nakmat arat iwəran azzahir ças, a du-wər-eway ar əzzənəfan ən latafan wiyyad əmmittaynen, madəx uşənən n urəş, wala şibəddəğ əknənən əzzəwi.

⁴ Kalar əgməymat şihussay şin əşbarnen dağ əwəl, s əntanatay a wər nəgəmməd, əmosnen talmat d əsənsi ən tayttay. Şihussay den da şin əknənən təla n almaqam çur Məşşina.

⁵ Ənta den dağ əmmək was dallagnat tədoden şin dat awa a əskatnen əs Məşşina əgənat dağ-as attama-nasnat, əbbirdagnat i meddan-nasnat,

⁶ zun Sarata, s awa təğa y İbrahim dağ əbərdəğ, a das-təgannu: Məşşi. Əmərədda kamatay a mosnen şibarəren-net, as imos as tətəmazalmat awa olağan a dağ wər toyyemat iman-nakmat təggəz-kamat tasa n arat waliyyan.

⁷ Kawanay dey meddan agiwat i tədoden-nawan tidawt təgət s ənəməsəsəgra, a dağ təssānam fəl tişit a əgənat tədoden şinərkam. Səxmərat-tanat, fəlas tədrawam dər-əsnat təkəsit n arraxmat təmosat təməddurt. As dasnat-təgam adi, wər t-illa a z'inkəfan i təwatriwen-nawan.

Alxal wa iwaran əlməsixitan gar-essan

⁸ Xasil iliwat tayttay iyyadda, tilem tafəyt i təkma wən n aytedan kul. Əqqəlat aytedan a dağ təggət tara ta təllat gər mədrayan d əlluş d iban zazwar ən man.

⁹ Ad wər təzazalam dağ aytedan win dawan-tagğanen təkma wala takaggaran-kawan. Kalar tattarat-asan a dasan-igan arraxmat, fəlas awen da as tətəwaxram s a tu-tətaggim, fəl ad təqqəlam iməkkusa ən maruzat ta dawan-tənsat.

¹⁰ Ənnan Əlkəttaban:

*«As ira awedan ad iğrəw təməddurt a dağ iddəwat,
ifaw-du fall-as ijilan a dağ inniflay,
wədi agəzet iləs-net dağ təkma,
igdəl-as əlləfəd n awa imosan şikərras.*

¹¹ *İsənnəməggəget iman-net əd təkma,*

ad itamazal awa olaḡan.

Igməyet alxer, iššikal daḡ-as.

¹² *Aməḡlöl iswād daḡ aytedan win oḡadnen,*

amaran iqabbal šiwatriwen-nasan.

Amaran win əššokalnen daḡ təkma, akyud a tan-iga.»

Alxal wa olaḡan əttələl n Əlməsix a t-imosan

¹³ Awak ma imos wa dawan-z-agin təkma as imos as təsigatakkem daḡ əmazal n awa olaḡan?

¹⁴ Amaran as imos as affaw-du fall-awan əzəl iyyan a daḡ təḡḡizzabam fəl as təmnozalam awa oḡadan, wədi təbbilalam!

Ad wər tiksadam awa əksudan aytedan, amaran ad wər əḡšədan man-nawan.

¹⁵ Zəzwərat daḡ wallan-nawan Əlməsix imosan Əməli, tərđim as ənta a imosan Əmizdag. Səmmutəgat faw y əsəssəgri n awedan kul wa kawan-issəstanan daḡ batu n attama wa təgam.

¹⁶ Awen amaran agiwat-tu əs talmat əd saḡmar n aytedan. A tu-wər-iməl arat waliyyan a daḡ-qawan təha tərək. As iga adi edag iman-net wa daḡ sər-wan tawagginat batuten əbrarnən, a daḡ-as kərükədan aytedan win jajargannen alxal olaḡan wa təgam daḡ tassaḡ-nawan d Əlməsix,

¹⁷ fəlas ofa ad aḡḡazzab awedan itamazalan əlluḡ, as imos as awen daḡ a ira Məššina, y ad aḡḡazzab awedan itamazalan təkma.

¹⁸ Əlməsix iman-net iga alḡazab iyyanda, aba-tu fəl bakkadan n aytedan. Ənta wa n alḡadil, aba-tu fall-awan kawanay a wər nəḡdel, fəl a kawan-izənnəmihez əd Məššina. Təmattant ta n təḡəssa-net a iga, mišan iddar-du əs tarna n Infas Wa Zəddigan.

¹⁹ Amaran tarna n Infas wa Zəddigan as igla Əlməsix iga təlxutbat i win əhanen alaxirat əḡfəlan.

²⁰ Aytedan win əntanay as kala ad əffəllagan əs Məššina daḡ azzaman ən Nux. Azzaman di izizaydar Məššina iqqəl y ad iḡrəd Nux akarəs n əḡləl-net. Əttam aytedan ḡas a əḡgaznen aḡləl wen əragan-du daḡ akonak wa n Nux.

²¹ Arat wen əlmital a imos n alaməḡ daḡ aman was ənta a kawan-issəfsan əmərədda əs tarna tas d-inkar ḡaysa Əlməsix daḡ təmattant. Alaməḡ wa wərgəḡ əširəd ən šiday fəl təḡəssa a imos, kalar igi n arkawal dat Məššina əs man wər təha tərək waliyyat a t-imosan.

²² Illikan as ḡaysa Əlməsix a d-obazan ḡur əgəzzəy-net əs jənnawan, iqqim daḡ əḡil ən Məššina, angalosan, əd təmənukəla kul əd təḡmaren kul əbbirdagan-as.

4

¹ Daḡ adi, dad zamas Əlməsix da təḡəssa-net tənāy alḡazab, kawanay da səmmutəgat y arat zun wen da. Fəlas awedan wa iḡəzzaban əs təḡəssa-net daḡ anamod wen, wədi immizzay əd bakkadan.

² Awen daḡ a fəlas a obazan ḡur azala, ad wər tələsam šiyyit ən man-nawan təlkamam i deranan win aggadəm, kalar əlkəmat i tara ən Məššina daḡ awa din-iqqiman daḡ təḡərras-nawan.

³ Igd-awan awas kala tu-təgam, imosan awa əran aytedan wər nəssen Məššina. Wər təzlayam a təmnozalam, tətəggim arak deranan, təmosam imašwan n esmad. Tətəggim tettay tagget, əd tassay tagget, təḡbādam əssənəman əmosnen arat issiksadan.

⁴ Amaran ark aytedan win isimakləl sər-san as dasan-wər-təlkemam daḡ arak mazalan win taggin əmosnen əsəssikəy aggen daḡ təmazrəyt, əqqiman amaran ḡaššadan-awan esəm.

⁵ Kundaba əbdadan fəl mazalan-nasan dat wa isammatagan y ad išrəḡ win əddarnen əd win aba.

⁶ Awen daḡ a fəlas win əmosnen inəmməttan əmərədda, da itiwamal-asan Əlinjil. Arat wen itiwagg-asan fəl ad awwaddaban əs təməwit tas tawaddaban aytedan daḡ əddənət, agin deḡ dəffər awen təməddurt a daḡ innoda Infas wa Zəddigan əs təməwit ta ira Məššina.

⁷ Təzərəst n əddənət təhöz. Əqqələt aytedan əlanen əzzəbun tannadim daḡ man-nawan, fəl ad təfrəgam igi ən təwatriwen.

⁸ Zuzərat y arat kul ənəmərə aggen gar-ewwan, *fəlas tara, ənta a təhakkit təsureft ən bakkadan aggotnen.*

⁹ Əqqələt aytedan iha amagaru gar-ewwan əs man ərdānen.

¹⁰ Akkiyyan daɣ-wan agiwet i win hadatnen tənfa əs təhəkkut ta təgrawam s arraxmat ən Məššina. Emmək di da as za təqqəlam inaxlifan olaɣnen n arraxmaten aggotnen šin dawan-iga Məššina.

¹¹ I daɣ-wan iššewalan, aget awal n as Məššina a t-id-izammazalan. I daɣ-wan idahhalan imidawan-net, idhəlet-tan əs fərregat ta danaɣ-ihakku Məššina fəl ad itəwəəɣmər Məššina daɣ arat kul, əs tarrayt ən Ƴaysa Əlməsix. Ənta a ilan tarna, əd tanaya har faw! Amin!

Allam fəl man d ənnəsixa y aytedan daɣ azzaman win aɣazab

Aɣazab fəl Əlməsix

¹² Imaran-in, ad wər əqqənan ɣafawan-nawan i təmsay n aɣazab ta kawan-təhat əddi təmos jarraba-nawan, a das-wər-tagim iduf n as igraw-kawan arat immittayan.

¹³ Kalar isəffəliwəset-kawan as tədrāwam d Əlməsix aɣazab, fəl ad taknim təfalawist əd tədəwit assaɣa wa du-za-tənəfiləl tanaya-net.

¹⁴ Təbbilalam kawanay win tawarbadnen fəl as kawan-ila Əlməsix id Infas wa ilan tanaya, a t-imosan Infas ən Məššina, a dər-wan iddewan.

¹⁵ A kawan-wər-iggəz i iɣɣizzaban fəl igi ən man, wala šikra, wala tišit n anasgafa, madex awedan itaggazan šiyawšiwən a tu-wər-nəqqəl.

¹⁶ Mišan as tətəɣazzabam fəl tišit n əlməsixitan, a kawan-wər-isəkkərukəd awen, kalar sənəmələt fəl Məššina, fəl awer wa kawan-iga esəm n Əlməsix.

¹⁷ Fəlas alwaq ewad-du wa daɣ z'antu əššəriɣa, amaran tamattay ta n Məššina as inta. Daɣ adi dad zamas nakkanay as issənta əššəriɣa-net, ma dər za talu təsəlkaht ən win wər nəzzəgzan s Əlinjil-net?

¹⁸ Ənnan Əlkəttaban: «*Dad zamas aytedan win oɣadnen da gərrid as z'afsin, ma dər z'alın win wər nəksud Məššina əššəkalan daɣ igi ən bakkadan?*»

¹⁹ Daɣ adi win təɣazzabnen daɣ əddənət fəl as əmmožalan tara ən Məššina, aɣinet iman-nasan daɣ təɣlift n Əmaxlak n əkkulluk n arat, s ənta a imosan aɣadil, aɣlin daɣ əmazal n awa olaɣan.

5

Tizart daɣ Əlkənisat

¹ Əmərəddə ad aɣay ənnəsixatan əkkānen win daɣ-wan əmosnen imuzaran n Əlkənisat. Əššewalaɣ-asan s esəm ən tišit-in əmuzar nak da, šilat-nasan, əmosa deɣ təgəyya n aɣazab n Əlməsix, əddewa dər-əs deɣ daɣ tanaya ta du-za-tənəfilələt.

² Ədənət eharay wa kawan-issəɣlaf Məššina. Əssənət daɣ-as s a wər nəmos əššil, kalar əs man ərdənen s əmmək was ira Məššina. Ad wər tətəggim adi fəl tara n əddənət, kalar taggiwat-tu s əwəl iglayan.

³ Ad wər tətəggim adi s əddəguz ən məzzəgzan win kawan-tawasaylafnen, kalar aɣiwat-as igi a daɣ təmosan almasal olaɣan i tamattay ən Məššina.

⁴ Əddi assaɣa wa du-z-inəfiləl əmuzar ən madanan n əlməsixitan, ad təgrəwam maruzat təmosat təkəbbut ən tanaya wər nətəməndu.

⁵ Emmək en daɣ as əɣreɣ aytedan win əmosnən təmmədrəyt s ad abbardagan i muzaran n Əlkənisat. Daɣ tassaq ta təgam, əqqələt aytedan əssirasnen iman-nasan, gar-ewwan, fəlas a ənnan Əlkəttaban: «*Məššina irnāz y aytedan win əzzəzwarnen iman-nasan, amaran win əssərəsnen iman-nasan arraxmat-net a tan-ihakku.*»

⁶ Sərəsat iman-nawan dat Məššina di ən Məššis ən tarna, fəl a kawan-izzəzwər alwaq was ota.

⁷ Aɣiwat talɣiwən šin kawan-əššəwəšnen kul daɣ təɣlift ən Məššina, fəlas ənta a daɣ-wan issanan.

⁸ Əqqələt aytedan ənnodanən daɣ man-nasan, tənəkədam. Azangaw-nawan Iblis, itiɣələyyələy-kawan zun ahar ihhirnanan, igammay i ijalaqqat.

⁹ Əgdələt-as iman-nawan, s ad təsəggətəkkəm daɣ əzəgzan. Təssānam as imədrayan-nawan daɣ əzəgzan, taggin aɣazab olən əd wa da tətəggim əddi daɣ adag kul wa əhan daɣ əddənət.

Igi n attama daɣ Məššina daɣ aɣazab

¹⁰ Məššina di n Əməggi n arraxmat, s ənta a kawan-d-iɣran əs tanaya-net təɣlalət daɣ tassaq d Əlməsix, ənta iman-net as dawan-italam fəl man, isisuhit-kawan, ihakk-iwan fərregat n ad təzəzzəwem daɣ əzəgzan, dəffər as təgām arat ən tamert n aɣazab.

¹¹ Ənta a ilan tarna har faw! Amin!

Šihulawen šin əlkamnen

¹² Egeɣ-awan-in arat ən batuten šin əssiktaba Silfanus imosan amadray-nana n alɣadil, əmosnat ənnəsixa y-awan, əd təgəyya y-awan as arraxmat ən Məššina ta n tidət, ənta əddi da təgrawam əddi təzizawem day-as.

¹³ Təhul-kawan-in İlkənisat ta n əɣrəm ən Bəbəylon, as Məššina a tat-isannafranan zun awa dawan-iga. Barar-in Markus da ihul-kawan-in.

¹⁴ Nəsəsləmat ketnawan əs təzələmma šin tinəməggin mədrayan. Ig-awan Məššina alxer ketnawan kawanay a ərtaynen d Əlməsix!

Širawt ta n sanatat iktab Butros

Šihulawen

¹ Awa nak Simxon Butros, wa n ækli d anammazul ən Ƴaysa Ɣlmæsix, a din-ihulan aytedan kul win əgrawnen əzəgzan ilân almaqam zun wa nəgraw. Ɣzəgzan wa, nəgraw-tu əs taqqat n Ɣməli-nana, n Ɣnəssefsi-nana Ƴaysa Ɣlmæsix.

² Ig-awan Məššina arraxmat d alxer wər nəla əddukad, əs masnat ta təgam Məššina, d Ɣməli-nana Ƴaysa!

Ɣtəwəɣra n əlmæsixitan d ətəwəsənəfran-nasan

³ Ɣgeɣ-awan təwatray tædi fəlas tarna ən Məššina as danaɣ-ihakku arat kul was nəddərar y ad nagu tæmæddurt a daq-qu nəksud. Ɣnta a danaɣ-iknan əsusən ən wa danaɣ-iyran əs tanaya-net d əlluɣ-net.

⁴ Ɣssəbab ən tanaya-net d əlluɣ-net əntanay as nəgraw arkawalan win ogarnen təla n almaqam, ogaran deɣ təzzəwwært. Arkawalan win, təgrawam-tan fəl ad tagim alxal wa d-ifalan Məššina, tənəməggəgam d arat kul wa ihallakan a du-tawayan arak deranan n əddənət.

⁵ Fəl əddəlil n awen daɣ as, agiwat awa təfragam kul fəl ad təssərtəyam əzəgzan-nawan d əlluɣ, təssərtəyam əlluɣ əd masnat,

⁶ təssərtəyam masnat d ənudi daɣ wallan-nawan, təssərtəyam ənudi daɣ wallan-nawan əd zəmmerat, təssərtəyam zəmmerat əd təksəda ən Məššina,

⁷ təssərtəyam təksəda ən Məššina əd tæmmədrəyya gar-ewwan təssərtəyam tæmmədrəyya əd tara.

⁸ As daɣ-wan d-əndan aratan win di, əɣlan tittəyan daɣ-wan, ad təqqəlam aytedan təha tənfa tətittəy daɣ-san masnat n Ɣməli-nana Ƴaysa Ɣlmæsix.

⁹ Mišan awedan wa daɣ du-wər-ənden aratan win di, wədi ola d əmædderɣəl. Ɣgərrinet wər fəru, ittəw-in fadda as itiwazazdag daɣ bakkadan-net win ərəwnen.

¹⁰ Awen daɣ a fəlas əgmāya daɣ-wan imədrayan-in, ad taknim əddəguz wəllen, təsəssuhem təɣaray ta kawan-iga Məššina, d əsənnəfrən wa kawan-iga. Fəlas arat wədi as tu-təgam, wər dawan-ilkem ad tudām daɣ a imosan təkma.

¹¹ Ɣmmək en daɣ as za tagim agaraw ikmalan y iguz ən taɣmar təɣlalət n Ɣməli-nana, s ənta Ɣnəssefsi-nana, a t-imosan Ƴaysa Ɣlmæsix.

¹² Ɣnta da da əddəlil wa fəl kawan-du-saktaɣ har faw aratan win, kuddeɣ as təssānam-tan kala da təzizawem daɣ tidət ta təttafam.

¹³ Mišan iket əheɣ əddənət iwār-i a kawan-du-sakta batu ta fəl ad tənəkədam.

¹⁴ Fəlas daɣ awa di-isannafalal Ɣməli Ƴaysa Ɣlmæsix agamad-in əddənət ihöz wəllen.

¹⁵ Mišan ad agay awa əfraga kul y ad iqqəl as dəffər təmattant-in da, ad taglim təkattim-du aratan win har faw.

Tanaya n Ɣlmæsix d awa ənnan Ɣnnəbitan

¹⁶ Amaran əssənət as wərgəɣ imayyan a du-tiwanzamnen əs təla ən tayttay tagget as nəlkam, nəsusun-kawan sər-san fəl tarna n Ɣməli Ƴaysa Ɣlmæsix d assa-net. Kalar adkul-net a nənay əs šittawen-nana.

¹⁷ Fəlas igraw ətəwəsəɣmar əd tanaya ɣur Məššina di n Abba. Aratan win igraw-tan assaya wad isla y əməsli isinnahalan təla ən tanaya, as das-inna: «Wa, ənta a imosan barar-in wa əknəɣ tara, ikna əsəffəliwəs ən man-in.»

¹⁸ Ɣməsli wa nakkənay iman-nanay as das-nəsla as d-igmad ijənnawan, assaya wad nəddew d Ɣməli Ƴaysa fəl ədɣay wa zəddigan.

¹⁹ Awa dawan-ənnəɣ əddi, ittəy-du fall-as awal n ənnəbitan s ənta a ihoran wəllen d ətəwəzəgzan. Ɣmazal wen, təgām tanat tolāɣat as sər-əs təzzəgzanam, təssəɣmaram-tu, fəlas iha əlmital a ən fətəla təbilazlat daɣ adag əhānat šiyay, har d-assarrat azal, isəmmələwləw Ɣlmæsix imosan atri wa n tifawt iwallan-nawan.

²⁰ Areɣ a kawan-əssusənay təzzar as wər t-illa awal n ənnəbitan ihān Ɣlkəttaban as ifrag ənnəbi a t-id-inzəm gar-es əd man-net.

²¹ Fəlas wər t-illa awal n ənnəbitan imosan arat a d-ifalan aggadəm wala ewāl s awa ira aggadəm. Kalar Infas wa Zəddigan a d-igan daɣ wallan n aytedan as əmməgradan s awal a d-ifalan Məššina.

2

¹ Kala ad ehan ennəbitan ən bahu tamattay n Israyil. Emmək en daɣ as kawanay da a daɣ-wan t-əməlan musanan sasayrinen bahu, a daɣ-wan du-z-əssədnən əs təkərras masnaten saxraknen, a du-tawaynen ahluk, har as ad unkaran Ɛməli wa tan-isaddarfan; awəy-du sər-san awen ahluk ən man-nasan a fall-asan du-z-agin əzəbbi a tan-iɣdāran.

² A dasan-əlkəman aytedan aggotnen daɣ igi ən mazalan win ogarnen taxxaramt, amaran iməssəsəɣra ən bahu en da a du-z-awəynen iba n ətəwəsəfrar ən tarrayt ta n tidət.

³ Tara-nasan əddənet, a sər-san du-tawəy əs a daɣ-wan ayyawanan agaraw ən tənfa əs batuten a d-ənzaman. Aytedan win irəw wəllen as tan-ibaz əššəriɣa, amaran ahluk-nasan wər iggug!

⁴ Məššina wər iɣləs angalosan win əganen abakkad, kalar igar-tan daɣ anu wər nəl-eder, tawattafan daɣ-as əs sassaran den da daɣ šiyyay har əzəl wa n tabadday.

⁵ Aytedan win ərəwnen da, iwwiddab-tan Məššina fəl bakkadan-nasan. Mišan assaɣa wa tan-iɣrad ahluk s alwabil wa zəwwəran, issəfsa Nux a itamaran aytedan əs tarrayt ta n taqqat. Issəfsa deɣ əssa aytedan wiyyad.

⁶ Məššina ihlâk aɣrəm an Sədom, əd wa n Gamora əs təmsay, har əqqalan eɣəd. Iwwiddab-tan Məššina s əhluk wen fəl ad əqqəlan almasal y aytedan win tu-wər-nəksud.

⁷ Mišan iɣlas Lot a imosan awedan oɣādan, iɣšād ark alxal labasan ən nəmməzray win den iman-net.

⁸ Fəlas Lot aləs iɣdālan a imos, izdāɣan ammas n ark aytedan win, ihannay, isallu deɣ y ark aratan wər nəmməkkan win taggin əkkulluk n əzəl. Arat wen da a izzoɣaran iman ən Lot wəllen fəlas əwəl-net a iɣdalan.

⁹ Daɣ adi arat wa, issikna as Ɛməli issān əmmək was z'iɣləs daɣ jarrabatan aytedan win t-əksudnən, issān deɣ əmmək was z'ittəf aytedan win tu-wər-nəksud, har d-awəd əzəl a ilkaman s ənta a daq-ɣan z'awwaddab.

¹⁰ Aytedan win əlkamnen y arak deranan samadasnen šiɣəswen-nasan, olkân taɣmar ən Məššina, əntanay wəllen a z'awwaddab.

Iməssəsəɣra ən bahu win, olkân aytedan, əzzizwaran iman-nasan, wər əgen wala arat ən safrar i Kəl Tanaya win jənnəwan, kalar takkasan-asan tarna.

¹¹ Wala angalosan, a tan-ogarnen wəllen təla ən fərregat, ogaran-tan təla ən tarna, da wər təkkəsan tarna dat Məššina i Kəl Tanaya win.

¹² Mišan aytedan win, wər əssenat a taggin den, wər əzlayan əd wəxsan a du-wər-nəhəw ar y ad tatarmasan, tâwanɣin. Aytedan win takkâsan tarna y a wər əzdayan, amaran ad agin ətəwəɣa wa tawaggin wəxsan.

¹³ Ɛnta den daɣ attadib wa dasan-z-itəwəggin fəl arak mazalan-nasan. Ezal a mallan ad tamazalan arak deranan-nasan. As dər-wan nəɣaman daɣ məgura, ad arin a kawan-takarrasan, amaran ənəɣima-nasan iɣšad-awan esəm wəllen.

¹⁴ Šittawen-nasan, wər tanat-iha ar tara n igi n əzzəna, faw da ərân igi n abakkad, takarrasan-du əs man-nasan aytedan win as irkam əzəgzan-nasan y a tan-səssugin ibakkadan. Aytedan win, faw da wər gəmməyan ar a əgrawan əs təməwit wər noɣed, amaran təwâr-tan tulɣant.

¹⁵ Ɛgmadan tarrayt ta tolayat, əlkaman i Balɣam wa n ag Bosor, əxrakan. Balɣam tara n əzrəf n alxaram a tu-tewayat s as irda s igi ən təkma.

¹⁶ Mišan wa isla y ərruɣmatan fəl təmazrəyt ta iga den. Tajat fadda, a təššewalat s əməsli n əggədəm, təgdal y ənnəbi wen igi n əmazal n əmməskəl was otas igi-net den.

¹⁷ Iməssəsəɣra ən bahu win, olân d enwan wər ehen aman, əd garakan təbbât təzəkka y sa əd sa. Edag-nasan issins-asan-tu Məššina daɣ šiyyay šin ogarnen tallabəst.

¹⁸ Awalān-nasan wər nəla almaɣna waliyyan, za wər ənfən wala, d arak deranan-nasan as du-takarrasan aytedan win as səkət a d-əgqazan tarrayt ta tolayat, əmməzzayan-du d aytedan win əxraknen, a tan-sisuginen əzzəna.

¹⁹ Gannin-asan a tan-əkkəsan daɣ təla, ənta iman-nasan as əmosan eklan n arak deranan-nasan tawaynen s əhluk. Ɛnta awedan kul akli a imos n arat wa t-ornan.

²⁰ Kud aytedan win əssannen Ɛməli-nana Ƴaysa Ɛlməsix, imosan Ɛnəsəfsi-nana, namaggagan əd tajjarganen n əddənet, dəffər adi amaran oyyan iman-nasan əqqalan tajjarganen šin den, adi za tawarnan. Alxalat ta əggazan den təššam-as fadda ta d-əgmadan əs tizarat.

²¹ Fəlas of-asan fadda, ad imos as wər kala ad əzdayan tarrayt ta n taqqat y ad imos as əzdeyan-tat, dəffər awen amaran əmmazrayan alwajib zəddigan was dasan-itawanna a das-əlkəman.

²² Awa igrawan imössəsəxra ən bahu win, isitadda batu ta əgan kəl awal as ənnan: «Idi as iga affsi, a t-id-iqqəl atš-ay.» Ənnan dəx: «Əzubara kud das-təššorada da, amazay wədi da a dağ z'iqqəl talaq izəggəluləz dağ-as.»

3

Arkawal ən tawaχlay n Əməli

¹ Ya imaran-in, širawt-in ta, ənta ta n sanatat a dawan-in-əktaba. Šira šin kul, gammaya dağ-asnat a dawan-agəχ ənnəsixa n ad tətagim ənnəzər olaχan igān s əwəl iyyanda dağ əsəssəxri wa təgrawam. Awen dağ as areχ a dawan-t-id-assakta.

² Əddi ad za taktim awalan win as kala tan-əgan ənnəbitan a zaddognen. Taktim dəχ alwajib wa dawan-əmalan nəmmuzal-nawan. Alwajib wa, ifəl-du wa imosan Əməli, imos dəχ Ənəssefsi.

³ Dağ tizarat, areχ ad təssənam əs dağ adan win əlkamnen, ad t-əməlan nujaban labasnen, wər nəlkem ar y arak deranan-nasan, ad təjaban dağ əzəgzan-nawan.

⁴ Ad gannin: «Inna a d-asu! Ənda ya, mas iqqəl asa-du? İmarawan-nana da aba-tan, amaran wa du-tənta əddənet, wər imməttay wala dağ talχa ta har əmərədda!»

⁵ Mišan aytedan win ganninen awa, ill-ay arət iyyan a din-tatawin, amaran əgməyan-in awen, a t-imosan as ijənnawan d amađal, a irəwan wəllen a d-əxlakan. Məššina a izammazzayan aman d amađal s awal-net, amaran aman en da, as d-ixlak amađal.

⁶ Aman win dağ den, as təhlak əddənet ta tərəwat, əχradan-tat alamaz.

⁷ Amaran awal wen dağ den as tawagazan jənnawan d amađal har harwa da, fəl ad təwəkfın i təmsay, har d-awəd əzəl wa dağ z'abəz əššəriχa aytedan win wər nəksud Məššina əhləkan.

⁸ Dər iga awen da ya, ill-ay arət iyyan as a t-in-wər-tattawim, imaran-in, a t-imosan as: Yur Əməli, əzəl iyyanda wər izlay d əgim n awatay, amaran əgim n awatay wər əzlayan d əzəl.

⁹ Əməli wər isəlulit əsəndi n arkawal, awa əχilan aytedan wiyyad. Təh-ay təzaydart wəllen y-awan. Wər ira ad ihlək awedan waliyyan. Kalar a ira ad utaban aytedan kul.

¹⁰ Əzəl wa ilkaman, a d-agu assa wa d-itaggu abaydag. Əzəl wen, ad təχrəd təmsay ahluk n awa ihan ijənnawan kul, iba taməyyaməyt ən jənnawan, iddew awen d əməsli iknān tallabəst, ikšəf amađal d awa fall-as itawamazalan kul fəl ad təwəxkəman.

¹¹ Dad zamas aratan win kul ad əχrədan ahluk, wədi əssənət ənnuχ n anamod was kawan-iwār a das-təlkəmam dağ təməddurt-nawan. İwār-kawan ad tagim alxal zəddigan wa ira Məššina, tiksadam-tu,

¹² awen əgiwat-tu təssigadam, tədgāzam dağ a d-awəd əzəl a ilkaman, imosan əzəl a dağ za bələgləgan jənnawan, ibələgləg dəχ awa tan-ihan kul, əlyəman.

¹³ Nəqqāl y ad t-əməlan jənnawan d amađal aynaynen, a daq-qu z'iməl əššəriχa oγadan, imos as awen dağ as danaχ-iga Məššina arkawal-net.

Aholan win əlkamnen

¹⁴ Dağ adi imaran-in, dağ əsəgəd wa təgam da, ədgəzat wəllen, dağ əgəmay n a kawan-d-asu Əməli təzəddigam, wər təlem a imosan əlxib, təssibdadam awa imosan alxer gar-ewwan əd Məššina.

¹⁵ Əgiwat iduf n as təzaydart n Əməli-nana, ənta a təmosat efsan-nawan. Arət wədi amadəray-nana n əməri-nana Buləs da iməl-awan-tu dağ širawt-net, əs masnat ta t-ikfa Məššina.

¹⁶ Awen dağ a itaggu dağ šira-net kul šin dağ iga batu ta. Šira šin, əhān-tanət daggan as izzəwat əgərrı-nasan. İdaggan win, safrəχan-tan aytedan win aljahilan, as ırkam əzəgzan-nasan, awa taggin y Əlkəttaban win hadatnen, amaran awen hallakan sər-əs iman-nasan.

¹⁷ Ya imaran-in, dad zamas təgrāwam isalan, ənkədat wəllen, fəl ad wər təlkəmam y əxrux wa əgan aytedan win wər nəksud Məššina, fəl ad wər tammazzayam d əsəggətəkki wa təgam dağ əzəgzan-nawan.

¹⁸ Kalar are dağ-wan ad təššitim əzəzzəwi dağ arraxmat ta təgrawam, əd masnat ən Yaysa Əlməsix, s ənta Əməli-nana n Ənəssefsi-nana. Ənta a ilan tanaya əmərədda, il-et dəχ har faw. Amin!

Širawt ta tazzarat iktab Yaxya

Təzugəst ən salan

¹ Nəkattab-awan-in isalan ən wa imosan awal ihakku təməddurt. Awal wa ill-ay dat ənətti n əddənet: nəsl-as nənay-tu əs šittawen-nana, nəzigəzd-ay, amaran ədāsan-tu fassan-nana.

² Wa imosan təməddurt, itawasanafalal-du nənay-tu nəggəyat-as, amaran nəmmâl-awan təməddurt ta təxlalat tas kala təlla xur Abba. Təməddurt ta əmərədda tətawasanafalal-ana-du.

³ Tidət a imos as arat wa nənay əd was nəsla nəmâl-awan-tan, fəl ad təqqələm kawanay da aytedan a dər-na ərtaynen. Tartəyt ta tidət a imos as nəg-et əd Məššina Abba-nana əd Barar-net Yaysa Əlməsix.

⁴ Aratan win wər dawan-tan-in-nəkəttəb ar fəl ad tandu tədəwit-nana.

Məššina ənnur a imos

⁵ Əntanay da isalan ən Yaysa Əlməsix win as nəsla, nətagg-awan-tan: Məššina ənnur a imos, wər t-iha a imosan šiyyay.

⁶ Kud a nənna nərtəy dər-əs amaran nəgla nəjiwankat dağ šiyyay, wədi nakkanay inəsbuha, wər nəlkem y arat wa dana-iwaran imosan əmazal əs tidət.

⁷ Mišan as nəjiwankat dağ ənnur s ənta a iha Məššina iman-net, wədi nərtəy, amaran azni ən barar-net Yaysa izzəzdeğ-ana dağ id t-illa abakkad.

⁸ As nənna wər dana-iwer abakkad waliyyan wədi bahu a nətaggu i man-nana, amaran wər təha tidət iwəllan-nana.

⁹ Mišan as wər nənkur ibakkadan-nana, dad zamas imos alyadil, oğad, wədi a danaq-qa-issurəf, izzəzdeğ-ana dağ arat wər noğed kul wa nəmmozaal.

¹⁰ As nənna wər nəga abakkad waliyyan wədi əsəbbəhəw a nəga Məššina, amaran awal-net wər iha iwəllan-nana.

2

¹ Bararan-in arat wa əkattabağ-awan-t-in fəl ad wər tətəggim ibakkadan. As iqqal as iga iyyan dağ-wan abakkad wədi nəla almawakkil xur Abba a t-imosan Yaysa Əlməsix s ənta a oğadan,

² fəlas iman-net a ikfa iqqal takutay ta təmmasat ibakkadan-nana. Amaran wərgəy ibakkadan win-nana xas kalar harkid win aytedan kul.

Ammar irəwan aynay

³ Ənta da arat wa dana-z-issusənan as nəssân-tu: Ad nətamazal arat kul was danağ-omar.

⁴ As inna awedan issân-tu ənta amaran wər itəmizil arat was omar, awedan wədi anasbuhu a imos isitaddan as wər təha tidət iman-net.

⁵ Mišan wa itamazalan s awal-net wədi tənifalal dağ-as tara ən Məššina təkmalat. Ənta da əmmək was nəssan as nərtəy d Əlməsix:

⁶ Wa innan iha Əlməsix iman-net iwâr-tu igi ən təməddurt ta iga Əlməsix.

⁷ İmaran-in ammar wa wər imos arat aynayan a dawan-in-kattaba, ammar awa wanad da irəwan a, təgrâwam harwa dağ tizarat imosan isalan win as təslam.

⁸ Dər iga awen da ya ammar wa dawan-in-kattaba da aynay. Šinaya-net tətawahannay dağ Əlməsix, tətawahannay değ dağ-wan, fəlas šiyyay a tamattatnen itimələwləw d ənnur wa n tidət.

⁹ Wa innan iha ənnur ənta ikyad amadrəy-net wədi harwa da iha šiyyay.

¹⁰ Wa iran amadrəy-net wədi ənnur a iha, amaran dad zamas iha ənnur wədi wər tu-təlla təsənkəft a tu-za-taggadlit.

¹¹ Mišan wa ikyadan amadrəy-net wədi šiyyay a iha, ijiwankat dağ-asnat, wər issen sas idag fəlas sidarğalnat-tu.

Əddənet əd zənga n Əlməsix

¹² Bararan əkattabağ-awan-in as: ibakkadan-nawan ətiwasarafan-awan s əssəbab n arat wa iga Yaysa Əlməsix.

¹³⁻¹⁴ Bararan, kattabağ-awan-in fəlas təssânam Abba.

Abbatan əkattabağ-awan-in fəlas təssânam wa t-imalan harwa dağ tizarat.

Təmmedrəyt, əkattabağ-awan-in arat wa fəlas assahat a təgam dağ tarrayt ta n Məššina tornâm əlxəkum n İblis.

¹⁵ Ad wër tirem ëddënet wala tirem arat a tat-ihan täll-ay. As ira awedan ëddënet tara ta n Abba wër tu-za-tëggëz.

¹⁶ Fëlas aratan kul win ëddënet, a tan-imosan: tara ën man, tara n ëddënet, zazwar ën man wa du-tëtaway tögërgist, aratan win kul wër d-ëfëlan Abba, kalar in ëddënet.

¹⁷ Ëddënet d ëtëwëra-net ad ëgrëdan, mišan win ëlkammen i tara ën Mëššina ad ëxlësan har faw.

¹⁸ Bararan-in tilkamat n assayät tënta. Tëslam as a d-asu awedan imosan azangaw n Ëlmësix. Ëmërëdda aytedan aggotnen a d-osanen ëmosnen izënga-net. Arat wa da a danaç-issosanan as tëmastant tënta.

¹⁹ Aytedan win ëmosnen izënga n Ëlmësix nakkanay a da din-ëgmëdan, mišan wër ëmosan arat daç-na. Fëlas ënnar t-ëmosan wër dana-z-ëgmëdan. Mišan ëfëlan-ana fël ad igmëd aššak as wër ëmosan arat daç-na.

²⁰ Amaran kawanay ikf-iwan Infas wa Zëddigan tarna s ënta a kawan-tëkfät ketnawan masnat n arat kul wa imosan tidët.

²¹ Wërgëç fëlas wër tëssenam tidët a fël dawan-in-kattaba, kalar fëlas tat-tëssanam, tidët amaran wër t-illa bahu a tat-du-z-igmëdan.

²² Daç adi ma imosan anasbahu ar wa inkuran as Ýaysa a imosan Ëlmësix? Wëdi ënta a imosan azangaw n Ëlmësix, inkuran Abba ëd Barar.

²³ I inkuran as Ýaysa a imosan Barar wëdi Abba da wër t-iqbel, amaran wa iqbalan Barar, wëdi Abba da iqbäl-tu.

²⁴ Adi da fëlas sënnëhëlat iduf ën salan win tögrawam daç tizarat. As töglaam tëttafam arat was tëslam daç tizarat wëdi har faw tërtayam ëd Barar d Abba.

²⁵ Amaran ënta da arkawal wa dawan-iga Ëlmësix: A kawan-akfu tëmëddurt ta töglaalat.

²⁶ Aratan win kattabaç-awan-tan-in fël ëddënil n aytedan win gammaynen d ësëxrëknawan.

²⁷ Amaran kawanay tarna n Infas wa Zëddigan ta tögrawam çur Ëlmësix, tah-iwan. Daç adi wër tëddararam s ëtëwësësëçra fëlas tarna tædi da a kawan-tësasaxrit arat kul. Arat wa tësasaxru tidët a imos, fëlas wër tëtëggu bahu. Nëmënnëkat daç esëm ën Ýaysa s ëmmëk was kawan-isassaxra Infas wa Zëddigan.

Bararan ën Mëššina

²⁸ Bararan-in akniwat tassaç d Ëlmësix, ëddi as du-z-inëfilël da nëkkâs aššak fël manana, wër dër-ës nënamaggag, wër nëkarakad çur assa-net.

²⁹ Tëssänam as Ëlmësix ënta a oçadan, daç adi awedan kul wa itamazalan awa oçadan, wëdi irtây d Ëlmësix imos deç barar ën Mëššina.

3

¹ Tëhannayam as awa dana-iga Abba da tara a danaç-itawannan bararan ën Mëššina. Amaran nëmos-tan. Ëddënet wër dana-tëssen, fëlas wër tëssen Ëlmësix.

² Imaran-in nakkanay ëmërëdda bararan ën Mëššina a nëmos, amaran arat wa za nëçqël dëffër awa harwa da wër dana-d-inafalal. Nëssän ças as Ëlmësix as du-z-inëfilël nola dër-ës, fëlas anay a tu-za-nagu ënta iman-net.

³ Aytedan win ëganen attama wa, win di ëzzizdagan iman-nasan s ëmmëk as zëddig Ëlmësix.

⁴ Wa igan abakkad wëdi immizray ëššëriça ën Mëššina fëlas abakkad almaçna-net ëmëzrëy n ëššëriça.

⁵ Amaran tëssänam as Ëlmësix osa-du fël a fall-anay ikkës ibakkadan. Ënta iman-net wër kala a tan-iga.

⁶ Daç adi wa dër-ës irtayan imëzzay d igi ën bakkadan, mišan wa tan-itaggin wëdi wër issen Ýaysa za wër igra awa imos.

⁷ Bararan-in a tu-wër-imël awedan a kawan-issëxrakan. Awedan wa oçadan ënta a izalalaçan daç tarrayt, s ëmmëk as oçad Ëlmësix.

⁸ Wa itaggan ibakkadan Iblis as ilkam fëlas Iblis çur ënëtti ad iggaz šin igi ën bakkadan. Amaran Barar ën Mëššina osä-du fël ad izzërëz ëššëçl n Iblis.

⁹ Awedan kul wa imosan barar ën Mëššina wër itëggu ibakkadan fëlas tëmëddurt ta du-tëfalat Mëššina tëha iman-net. Wër ifreg igi ën bakkadan fëlas barar ën Mëššina a imos.

¹⁰ Ënta da arat wa izlayan bararan win Mëššina ëd win Iblis: Aytedan kul win wër nëtëmizil awa oçadan, wër ëren deç imëdrayan-nësan win ëzzëgzannen s Ëlmësix. Aytedan win di ëntanay a ëmosnen bararan win Iblis.

Tara gar mëdrayan daç ëzëgzan

¹¹ Təkittəwam isalan win as təslam harwa daɣ tizarat əmosnen âs: «Nəmərātana gar-ena!»

¹² Daɣ adi a dana-wər-iggəz i igân awa iga Kayin, ilkaman y Iblis iga iman n amadray-net. Mafel za itagg-en? Iga iman n amadray-net fəlas alxal-net a wər noɣed amaran wa n amadray-net oɣad.

¹³ Daɣ adi imədrayan-in, a dawan-wər-iqqən eɣaf as tətıwakyadam daɣ əddənet.

¹⁴ Nakkanay nəssân as nəgmâd-du təmattant əs təməddurt təzrâyat fəlas imədrayan-nana daɣ əzəgzan a nərə. Awedan wa wər nərə amadray-net daɣ əzəgzan, wədi harwa da ənəmmettən a imos.

¹⁵ Awedan wa ikyadan amadray-net daɣ əzəgzan, wədi əməggi ən man a imos, amaran təssân as əməggi ən man wər das-tu-təlla təməddurt ta təɣlalət.

¹⁶ Tehakkay ta iga Ƴaysa iman-net fəl əddəlil-nana, ənta a dana-təssosanat awa təmos tara. Nakkanay da iwâr-anax ad nakfu iman-nana fəl əddəlil ən mədrayan-nana daɣ əzəgzan.

¹⁷ Awedan n əməggergəs inayan amadray-net daɣ əzəgzan iddiraran izazzandar-tu, manəmmək as z'itəwənnu təha tara ən Məşşina əwəl-net?

¹⁸ Bararan-in ad wər təqqəl tara-nana arət ihân imi ɣas, kalar tamazalat-tat əs tidət əs mazalan a tat-sinafalalnen.

Ikus n aššak fəl man-nana ɣur Məşşina

¹⁹ Təməwit ta da as nəssan as aytedan əlkâmmen i tidət a nəmos, daɣ adi wər danaɣ-iššəwaš wala dat Məşşina,

²⁰ kudde tihammen-ana wallan-nanax arak əmazal. Fəlas Məşşina ogar iwallan-nana, amaran issân daɣ arət kul.

²¹ İmaran-in, as dana-wər-tahammen wallan-nana arak əmazal, wədi nəkkəset aššak fəl man-nana ɣur Məşşina.

²² Arət kul wa daɣ-as nəgmay a danaq-q-akfu fəlas əlwajiban-net as nəlkam, amaran nətamazal awa das-igrazan.

²³ Ənta da arət was danaɣ-omar: Ad nəzəgzən s esəm ən Barar-net Ƴaysa Əlməsix nənamaru gar-ena s əmmək was danaɣ-omar.

²⁴ Awedan wa ilkaman i tənna ən Məşşina wədi Məşşina iha iman-net. Ma danaɣ-issosanən za as iha iman-nana? Adi za İnfas wa Zəddigan wa danaɣ-ikfa.

4

Mas za nəssən wa d-ifalan Məşşina

¹ Ənkədat imaran-in, ad wər təzagzanam y i d-iggadan kul inna Məşşina a t-id-izammazalan, kalar jarrabat-tan təzzar har təssənam daɣ-san win d-izammazal Məşşina, fəlas ənnəbitan ən bahu aggotnen a əhanen əddənet.

² Ənta da əmmək was za təssənam awedan wa d-issəgla İnfas wa Zəddigan: Awedan kul wa iqbalan as Ƴaysa Əlməsix osâ-du əddənet iha təɣəssa n əggadəm wədi İnfas wa Zəddigan t-id-izammazalan.

³ Mišan awedan kul wa inkuran Ƴaysa wədi wər t-id-izammazal Məşşina. Awedan wədi əmagzar n Əlməsix was təslam âs a d-asu a t-id-izammazalan. Əmagzar n Əlməsix wədi iha əddənet əmərədda.

⁴ Kawanay bararan-in, Məşşina a kawan-ılan amaran tornâm ənnəbitan ən bahu win, fəlas wa dər tərtayam ogar wa işxalan y əddənet.

⁵ Əntanay kəl əddənet a əmosan. Adi da a fəlas batuten šin n əddənet a taggin, amaran sasaman-asan aytedan.

⁶ Nakkanay Məşşina a dər nərtaɣ; awedan wa issanan Məşşina isasam-ana, wa tu-wər-nəssen amaran wər danaɣ-issəsim. Əmmək wa da as za nəfrəg zələyat gər awedan wa d-izammazal İnfas wa Zəddigan əd wa d-izammazal əməssexrək.

Məşşina tara a imos

⁷ İmidawan-in ən maran-in nəməratana gar-ena fəlas tara Məşşina a du-təffal. Awedan wa təha tara, barar ən Məşşina a imos amaran issân-tu.

⁸ Wa wər təha tara wər issen Məşşina fəlas Məşşina ənta tara.

⁹ Ənta da əmmək was dana-isannafalal Məşşina as ir-ana: Barar-net an iyyanda a d-issoka əddənet fəl a sər-əs nəgrəw təməddurt taynayət.

¹⁰ Ənta da awa təmos tara: Wərgəɣ nakkanay a issəknan Məşşina tara, kalar ənta a danaq-qat-issəknan issoka-du Barar-net əddənet fəl ad iqqəl takutay təmməsət ibakkadan-nana.

¹¹ Imaran-in, dad zamas Məşşina ig-ana tara togdât d awa wədi nəmərətana gar-ena nakkanay da.

¹² Məşşina wər kala ad t-inay awedan. Mişan kud nənimara gar-ena wədi iha iman-nana, tənifalal-du dağ-na tara-net əs təməwit təkmlat.

¹³ Infas-net wa Zəddigan a danağ-ikfa, a di da a danağ-issosanan as nərtay dər-əs iha iman-nana.

¹⁴ Abba issigla-du Barar-net fəl ad iqqəl Ənəssefsi n əddənet. Nənây-tu əs şittawen-nana, nətagayyat dəx awen.

¹⁵ I innan s əwəl iyyanda Ƴaysa Barar ən Məşşina a imos, wədi Məşşina iha iman-net, amaran irtây əd Məşşina.

¹⁶ Nakkanay nəssân dağ tara ta danağ-iga Məşşina nəzzigzan-tat dəx. Məşşina tara a imos. Was təha tara iman-net irtây əd Məşşina iha Məşşina iman-net.

¹⁷ As du-təga tara ta ənəfilal ikmâlan dağ wallan-nana, ad nəkkəs aşşak fəl man-nana əzəl wa n tabadday, fəlas təməddurt-nana dağ əddənet a tolat əd ta n Elməsix.

¹⁸ Tara wər tərəttay əd təksəda, fəlas tara təkmlat asatağ a tətəg təksəda. Dağ adi wa təha tasa wər dağ-as təkmlə tara fəlas tasa mərda ən tazak n əttadib a təmos.

¹⁹ Nakkanay təha tara iwallan-nana, fəlas Məşşina a danağ-iran əstizarat.

²⁰ As inna awedan ənta ira Məşşina amaran ikyad əmidi-net, awedan wədi anasbahu. Fəlas wa wər nara əmidi-net ihannay manəmmək as z'iru Məşşina a wər ihənnəy?

²¹ Alwajib da wa dana-d-oyya Elməsix: I irân Məşşina, iret əmidi-net.

5

İzəgzan təgəyya ən Məşşina

¹ I izzəgzanan as Ƴaysa ənta Elməsix wədi barar ən Məşşina a imos. I iran əmaraw, ad iru bararan-net.

² Əntada awa danağ-issosanan as nəra bararan ən Məşşina: Tara a nəga Məşşina nəlkâm y alwajiban-net.

³ Tara ən Məşşina ləkkum y alwajiban-net, amaran alwajiban ən Məşşina wər əmosan əzək,

⁴ fəlas bararan ən Məşşina kul ornan əddənet, amaran tarna ta təxlabat əddənet tədi əzəgzan-nana.

⁵ Ma imos za wa ornan əddənet? Adi za awedan wa izzəgzanan as Ƴaysa Barar ən Məşşina a imos.

⁶ Ƴaysa osâ-du əddənet, itawasalmağ dağ aman, azni-net dəx inçal fəl təgəttawt, dağ adi wərgəx aman Ƴas as d-inafalal, kalar aman d əzni as d-inafalal. Infas wa Zəddigan a isattaddan arat wa, Infas wa Zəddigan amaran tidət a imos.

⁷ Dağ adi karadat təgəyyawen a t-əllanən əmosnən:

⁸ Infas wa Zəddigan d aman d əzni, amaran ketnasnat fəl karadatesnat nimannaknat əs təgəyya ta.

⁹ As əggəyən aytedan fəl arat ad nəqbəl təgəyya-nasan. Mişan təgəyya ta n Məşşina ənta a zəwərat, amaran ənta a iga i Barar-net.

¹⁰ Wa izzəgzanan əs Barar ən Məşşina, ənta da təha təgəyya ta iman-net. Wa wər nəzzəgzan əs Məşşina wədi əsəbbəhəw a t-iga, fəlas əzəgzan a wər iga təgəyya ta iga Məşşina fəl Barar-net.

¹¹ Ma təsətadda təgəyya ta? Təsitadda as Məşşina ikf-ana təməddurt ta təxlalat, amaran təməddurt ta ənta a du-təgmədat Barar-net.

¹² Wa izzəgzanan əs Barar ən Məşşina iğrâw təməddurt ta, wa sər-əs wər nəzzəgzan wər tat-igrew.

İzəgzan igmâd aşşak

¹³ Aratan win əkattabağ-awan-tan-in fəl ad təssənəm as təgrâwam təməddurt təxlalat, kawanay a əzzəgzannen s əsəm ən Barar ən Məşşina.

¹⁴ Ənta da əmmək was nəkkəs aşşak fəl man-nana yur Məşşina: As dağ-as nəgmay arat inimannakan əd tara-net wədi ipsisam-ana.

¹⁵ Amaran dad zamas nəssân as ipsisam-ana wədi arat wa dağ-as nəgmay nəssân as nəgrâw-tu.

¹⁶ As inay iyyan dağ-wan amadray-net dağ əzəgzan itaggu abakkad a tu-wər-nəşşətša i təmsay, igməyet-as dağ Məşşina a das-issurəf. Aytedan as ganna win tagginen ibakkadan win wər nəşətšu əs təmsay. Mişan ill-ay abakkad wa itawayan əs təmsay, amaran wərgəx ənta as dawan-ənneç ad tətteram i wa t-igan.

¹⁷ Tidət as iba n aqqad abakkad a imos, mişan wərgəx ibakkadan kul şatşin əs təmsay.

¹⁸ Nəssân as bararan ən Məşşina wər gəllin taggin ibakkadan, fəlas Barar ən Məşşina a tan-ogazan. Adi da fəlas wər daḡ-san ifreg Iblis wala.

¹⁹ Nəssân as nakkanay Məşşina a danax-ılan, amaran əddənet ketnet innoda daḡ-as Iblis.

²⁰ Nəssân as Barar ən Məşşina osâ-du, amaran ənta a danax-ikfan əgərri fəl ad nəssən Əməli wa n tidət, amaran nərtây d Əməli wa n tidət əs tarrayt ən Barar-net Үaysa Əlməsix. Ənta a imosan Əməli wa n tidət ihakkan təməddurt ta təxlalat.

²¹ Bararan-in agəzat iman-nawan daḡ əssənəman.

Širawt ta n sanatat iktab Yaxya

Šihulawen

¹ Awa nak amɣar a din-ihulan Ǝlkənisat ta tənnəfranat əd bararan-net. Areq-qawan əs tidət, amaran wərgəɣ nak ɣas a kawan-iran, aytedan kul win əssannen tidət aran-kawan.

² Nar-iwan fəlas tidət a təhat iman-nana, wər tan-təgəmməd har faw.

³ Ǝgmaya daɣ Məššina di n Abba əd Barar-net Ǝaysa Ǝlməsix a danax-ikfan arraxmat əd təhanint, d alxer, attaddin daɣ-na əs tidət əd tara.

Təməddurt ta təkamat i tidət

⁴ Ǝknəɣ təfalawist wəllen as əsləɣ as wiyyad daɣ bararan-nam əzilalaxan daɣ tarrayt ta n tidət s əmmək was dana-omar Abba-nana.

⁵ Ǝmərədda, Ǝlkənisat, ənta da arat wa daɣ-am gammaya: ad nənəmərü gar-ena. Wərgəɣ alwajib izrayan a dam-in-əktabaɣ da kalar alwajib awa nəgraw harwa ɣur ənətti.

⁶ Tara almaɣna-net ad nəzəluləɣ daɣ alwajiban ən Məššina. Ǝnta da da alwajib was za təkəmam s ənta as təslam harwa ɣur ənətti.

⁷ Iməssəxrak aggotnen əwizawazan daɣ əddənət. Ma imosan za əməssəxrək n aytedan imos deɣ azangaw n Ǝlməsix? Adi za wa inkuran as Ǝaysa Ǝlməsix osâ-du əddənət imos aggadəm.

⁸ Daɣ adi ənəkədat əd man-nawan fəl ad wər təsəbbənənam əššəɣəl-nawan. As təgam ənəkud wa ad təgrəwam aroz-nawan indân.

⁹ Awedan kul wa inamaggagan d əsəssəɣri n Ǝlməsix wədi wər irtay əd Məššina. Amaran wa iglan ittâf əsəssəɣri wa, wədi irtây d Abba əd Barar-net.

¹⁰ As kawan-d-osa awedan d əsəssəɣri iyyan wər nəmos wa, a tu-wər-təqbeləm, amaran a das-wər-təɣim assalam fadda.

¹¹ Fəlas i das-oɣan assalam wədi inimannak dər-əs daɣ arak mazalan-net.

Šihulawen šin əlkamnen

¹² Ǝllan-tu aratan aggotnen as areɣ a dawən-tan-in-annax mišan s a wər nəmos akatab ən širawt əs taddawat. Ǝssofaɣ a kawan-in-asay iman-in annax-awan-tan s əmi d əmi fəl ad təkəməl təfalawist-nana.

¹³ Ǝhulan-kawan-in bararan ən təmidit-nawan ta tənnəfranat.

Širawt ta n karadat iktab Yaxya

Šihulawen

¹ Awa nak am̄yar a din-ihulan əməri-nin Gayəs arex əs tidət.

² Əməri-nin əsidaranax-ak tətəyt daḡ anamod kul, d assahat ən təxəssa-nak zun ta təge daḡ əzəgzan-nak.

³ Əknêḡ təfalawist wəllen y assa wa di-d-əgan mədrayan-nana daḡ əzəgzan, əmalan-i ənəfilal wa du-təga tidət daḡ təməddurt-nak d əzəluləḡ wa daḡ-as təge.

⁴ Wər t-illa a di-igān əsəffəliwəs ewadan wa di-iga ad aslaḡ as bararan-in əlkāman i tidət.

Ənəmənnak d əməzrəy

⁵ Əməri-nin tətamazala s alḡadala daḡ arat kul wa tətəgga i mədrayan-nana daḡ əzəgzan, wəllen win dak-əmosnen inaftayan.

⁶ Əntanay dak-əggəyatnen dat Əlkənisat fəl tara ta kay-təhat. Ad tagaḡ arat olaḡan as dasan-təsamataga əsikəl-nasan s əmmək wa igrazan i Məššina.

⁷ Fəlas wər imos əsikəl-nasan ar igi ən salan n Əlməsix, amaran wər əgmayan wala daḡ aytedan win wər nəssen Məššina.

⁸ Daḡ adi nakkanay a iwar ad nədhəl aytedan ən šilat ən win di fəl a dər-san nənəməšḡəl daḡ tarrayt ta n tidət.

⁹ Kala a din-əktabaḡ arat ən širawt gəzzulat y Əlkənisat mišan Dəyodrefəs irān a dasan-azzār daḡ arat kul, wər iqbel a danax-in-igmādan.

¹⁰ Adi da a fəlas as din-oseḡ a dawān-agaḡ isalan n aratan win immozal, əmosnen arak awalan win sər-naḡ itaggu. Amaran wər das-igda awen ḡas, fəlas tugəyt a iga s ad issəgən i mədrayan-nana daḡ əzəgzan əmosnen iməššukal, igdal deḡ y aytedan a tan-səmməguren, istaq-qan daḡ Əlkənisat.

¹¹ Əməri-nin təlāl awa olaḡan, wərgəḡ awa labasan. Awedan wa itaggan a olaḡan ənta a irtayan əd Məššina, wa itaggan awa labasan wər issen Məššina.

¹² Daḡ batu ta n Demetrəyəs aytedan kul əgān fall-as təgəyya tolaḡat, amaran tidət tas ilkam, iman-net as fall-as təgəyyat. Nakkanay deḡ nəga fall-as təgəyya tolaḡat, amaran təssānaḡ as təgəyya ta-nana ənta tidət.

Šihulawen šin əlkamnen

¹³ Əllan-tu aratan aggotnen as areḡ a dak-kan-in-annaḡ mišan s a wər nəmos akatab ən širawt əs taddawat,

¹⁴ fəlas əknêḡ mərda n a kay-ənəya tarmad fəl a dak-kan-anna s əmi d əmi.

¹⁵ Əgmāya daḡ Məššina, a fall-ak d-izazzabben alxer. Əhulan-kay-in midawan-nana. Təhulax-in imidawan-nana, əkkulluk n iyyan təmalax-as.

Širawt ta iktab Yuday

Šihulawen

¹ Širawt a din-təfalat Yuday, imosan akli ən Ƴaysa Əlməsix, imos deƷ amadray ən Ƴaqub. Əhulax-in aytedan win iƷra Məššina di n Abba, ir-en, oġāz-tan y əzəl wa du-z-iqqəl Ƴaysa Əlməsix.

² Məššina ya təgeƷ-awan tehakkay təkmalat i təhanint-net d alxer-net əd tara-net!

Batu ta daƷ təmməgrad širawt ta

³ Ƴa imaran-in, ədgāza wəllen daƷ a dawan-in-əktəba daƷ batu n efsan win nəgraw ketnana. Əmərədda amaran ənayaƷ as ilzām-i a dawan-in-əktəba fəl a daƷ-wan əgməyaƷ ad tabballanam fəl əzəgzan wa ikfa Məššina i win iskat i man-net. Ig-asan y as tehakkay iyyadda,

⁴ əkattabaƷ-awan-in fəlas aytedan wər nəksud Məššina a kawan-əggaznen daw amaɗal. Safraxan əmazal iqqalan arraxmat wa dana-d-issoka Əməli-nana Məššina, fəl ad əgrəwan tarrayt n ad ammazalan aratan win oġarnen taxxaramt. Ənkuran deƷ Əmakraz-nana n Əməli-nanaƷ an iyyanda a t-imosan Ƴaysa Əlməsix. Ark aytedan win, a irəwan wəllen ad əmalan Əlkəttaban attadib wa dasan-z-itəwəggin.

Iməssəsəyra win bahu

⁵ A kawan-d-assaktaƷ aratan as ketnawan təkittəwam-tan. Aktiwat ikus n Əməli tamattay-net daƷ Masar a daƷ təha əkkəlu, dəffər adi ihlak win ugaynen s a sər-əs əzzəgzənan.

⁶ Aktiwat əlqissat n angalosan win as wər təgda tarna ta əgrawan, əgmadan edag was kala ad t-əhan. Awen a fəl tan-iwaƷ Məššina daƷ adag a daƷ tiwagazan har faw, əqqānan, əhān šiyay har əzəl maqqaran wa ilkaman.

⁷ Aktiwat-du əlqissat ən Sədom əd Gamora əd Ʒərman win tan-əhoznen. Əntanay da zund əmmək en daƷ as əġan ibakkadan əmosnen əzzəna, gammayan deƷ igi n əzzəna əd təxəllak šiyad. Əmərədda taƷazzaban daƷ təmsay təxləlat, fəl ad əqqəlan almasal.

⁸ Əssənət as əhan-kawan aytedan əddi da tagginen targəten, taggin imazalan zun win nəmal əddi. Targəten šin den nazẓaman-tanat-du fəl ad əlkəman y arak deranan ən təxəssa-nasan, olkan taƷmar n Əməli taggin alfawaxišan daƷ batu n angalosan əlanen tanaya.

⁹ Wala Mikayil s ənta a imosan əmənokəl n angalosan da assaya wad imməstan d İblis daƷ batu ən təxəssa ən Musa, wər ihel šikəggar-net. Kalar tənna Ʒas a das-iga: Awwaddabet-kay Əməli!

¹⁰ Ark aytedan win amaran, takaggaran i wər əzdayan fadda. Amaran arat wa əssanan, əġān-as masnat zun ta n mudaran a wər nəla əġərri, ahluk Ʒas a tan-z-əgu.

¹¹ İket alyazab ad t-əgin! Fəlas ləkkum a əġan i tarrayt ta n Kayin. Tara n a əgrawan a sər-san du-təwayat as oyyan iman-nasan əggazan alxata olān əd wa n BalƷam. Ad əƷrədan ahluk fəlas əġan əfəlləg zun wa iga Quray.

¹² Awalla olān əd təkmawen əllanen daw amaɗal. Taggazan-kawan daƷ tədrəwt ta tətəggin imensewan gar-ewwan kawanay a n əlməsixitan. Tattin s igət, wər əlen təkarakit, wər kəttəwan ar iman-nasan. Olān deƷ d əgnawan wər iha akonak ibbat-tan aɗu. Olān harwa da d əskan as d-ewad alwaq n ara-nasan wər tan-iha ara waliyyan, tiwalbayan-du əd kewan-nasan, əknān taƷart.

¹³ Əġān arak mazalan-nasan əmosnen təkarakit olān əd fanƷalan win iggar əgarew əs təšəšwit-net. Olān d etran itaway Ʒaf wər əssenən is ədagan, əqqiman daƷ šiyay šin oġarnen har faw.

¹⁴ Əntanay da təqqal-tan batu ta iga ənnəbi Xenok, imosan ahaya wa n əssa n Adəm. Inna sər-san: «*Ənəy, Əməli a d-asu iddew əd təmərwən ən giman n angalosan,*

¹⁵ *fəl ad išrəƷ y əddənət ketnet. Ad issəbdəd aytedan kul fəl mazalan wər noƷed win əġan əmosnen iba n təksəda ən Məššina. Ad issəbdəd deƷ inasbakkadan fəl ikus wa əġan tarna y esəm-net.»*

¹⁶ Aytedan win, wər əlen igda, faw əššakan awa tan-igrawan, əlkəman y arak deranan-nasan. Taggin batuten əmosnen ibaragan, əmmalan aytedan imos awen əgamaƷ n a əgrawan.

Awal ən nəmmuzal d ənnəsixa

¹⁷ Mišan kawanay ya imaran-in, aktiwat awa əmalan nəmmuzal n Əməli-nana Ҳaysa Əlməsix. Arat wa harwa da wər iga as t-əmalan, a t-imosan

¹⁸ as dawan-ənnan: «Dağ azzaman win əlkəmnen, ad t-əməlan ark aytedan ən nujaban a z'əlkəmnen y arak deranan-nasan.» Awa taggin aytedan win issikna as wər əksudan Məşşina.

¹⁹ Əntanay əddi da aytedan win zamazzaynen əlməsixitan. Wər əlkəman ar i tara ən man-nasan, wər tan-ihə Infas wa Zəddigan.

²⁰ Mišan kawanay ya imaran-in, səssuhətət əzəgzan-nawan a dağ təsihaddam fəl əsəssəxri ittiddan zəddig, ad tətattaram əs tilalt n Infas wa Zəddigan.

²¹ Zəzzəwətət dağ tara ən Məşşina. Agiwat attama-nawan dağ Əməli-nana Ҳaysa Əlməsix, a dawan-ihənəttət, akf-iwan təməddurt ta təxlalat.

²² Hənəttətət y aytedan win as ihə aşşak əzəgzan-nasan.

²³ Safsiwat win dağ togazam arat təkkəsam-tan-du dağ təmsay. Win hadatnen amaran hənəttətət-asan a daq-qan təksudam, takədam əd wala şibəddəx-nasan fəlas simadasan-tanat bakkadan-nasan.

²⁴⁻²⁵ Agiwatana təmmalən i Məşşina di n iyyan s ənta a danax-issəfsan əs tarrayt n Əməli-nana Ҳaysa Əlməsix! Ənta a ifragan agadal y-awan ad təfətəqqəm dağ igi ən talbast. Ifrâg a kawan-əgu aytedan as tu-wər-illa i ifragan a dağ-san d-inəy ark arat, taknim təfalawist fəlas tərtaýam dər-əs dağ tanaya-net. Ənta a ihoran əd tanaya d ədkul əd tarna əd taşmar, har faw, gər dağ azzaman win okaynen, wala əmərədda, wala awa d-izayan! Amin!

Ælkøttab wa n Ænøfial Æsønti d assalaman

Æsønti

¹ Ælkøttab wa tidøt tøybårat a mosan salan win t-øhanen, amaran Ýaysa Ælmøsix a tan-isannafalalan. Møššina a t-issosanan daý tidøt ta, føl ad assaknu inayþidan-net aratan a z'aginen daý azzaman wør næggug. Ýaysa Ælmøsix a issosanan aratan win y ønayþid-net Ýaxya s øsuki wa t-id-iga angalos-net.

² Arat kul wa inay Ýaxya da, illikan as awal øn Møššina a imos, illikan deý as tøygyya øn Ýaysa Ælmøsix a imos.

³ Ibbilal wa iýarrin s ømøslu idkålan isalan win nafalalnen daý ølkøttab wa øššewalnen daý batu n aratan win ømørødda ød win d-øzaynen! Æbbilalan win das-sasammen, øbbirdagan-as, følas alwaq wør iggug.

Assalaman

⁴ Awa nak Ýaxya, a din-iktåban y Ælkønisanen a n øssayat øhanen akal n Asøya. Æmøli s ønta a t-illan kala da, ill-ay deý ømørødda, amaran ønta a d-izayan, a daý øgmayaý a dawana-øgu arraxmat d alxer. Tøgrøwamet arraxmat d alxer ýur øssa ørruxanitan win øllanen dat tøyawit ta n tøymar n Æmøli!

⁵ Tøgrøwamet-tan deý ýur Ýaysa Ælmøsix, imosan tøygyya tæssiflasat, imos deý Barar wa n ayafadday a d-inkaran daý tømattant, imos ømuzar øn mønokalan n øddønet. Ýaysa Ælmøsix ir-anay amaran isaddarfata-ana daý bakkadan-nanay, øs tøkutay ta iqqal øzni-net.

⁶ Ig-anay imønokalan ød limaman i Møššina di n Abba-net. Ænta a ilan tanaya, azzar y arat kul har faw! Amin!

⁷ Ænta øddi a d-izayan øddi iha-du šignawen.

Aytedan kul ad t-ønøyan

harkid win t-ødagnen saxxarabben-tu øs tøyoli.

Tawšeten n øddønet kul a fall-asnat tagu tøyføyawt

daý talýa n awa t-igrawan.

Awalla awen daý a igan. Amin!

⁸ Æmøli Møššina ønta a innan: «Nak a imosan Alfa, ømosa deý Omega, almaýna wa azzaran, ilkåm. Æmosa wa t-illan kala da, ømosa wa t-illan ømørødda, ømosa deý wa d-izayan; ømosa Møššina di n ømøli øn tarna kul.»

Aratan win nafalalnen i Ýaxya

Ænøfial øn Wa d-Inkaran daý tamattant ød šira økkanen Ælkønisanen šin øssayat

Ænøfial øn Wa d-Inkaran

⁹ Nak Ýaxya, amadray-nawan a mosa, øhey tæssust zun ta daý tøyham, ødråwa dør-wan Tøymar ta n Møššina ød zømmerat. Awen kul ødråwaq-qu dør-wan daý tørtøyt ød Ýaysa. Æhey akal imosan gørwøtlan as itawannu Fatmos følas emel a øgøý awal øn Møššina, ømosa deý tøygyya n awa iga Ýaysa.

¹⁰ Æzøl n alxad imosan øzøl iskåtan y Æmøli, tobaz-i tarna n Infas wa Zøddigan øn Møššina, øsley døffør-i y ømøslu isøohen olån d ømøslu n anasaý n asak.

¹¹ Inn-i ømøslu wen: «Æktøb daý ølkøttab awa tøyhannaya da, tøyøssiwøyaq-qu y Ælkønisanen a n øssayat a tanat-imosan: ta n Efez ød ta n Æsmurna ød ta n Fergamos ød ta n Tøyatir ød ta n Sardes ød ta n Filadelføya ød ta n Lawodikøya.»

¹² Malallayaý-in y ad øssønay awa imos ømøslu wen. As din-malallayaý, ønayaý øssa sækbal øn føtølaten øgånen daý urøý.

¹³ Ogge daý garegaray-nasan azzat tolåt ød ta n aggadøm. Azzat ten, tøylyg tøkadkat zagret, tofåb idmaran-net s øsatøb n urøý.

¹⁴ Eýaf-net ød jøkkad-net øgån tøyøllay ta n tøyduft, madey tøyøllay ta n øx. Šittawen-net olånat d abalagleg øn tøymsay.

¹⁵ Idaran-net imilawlawan zun darøý illiýlaxan, ikna søllul, ømøslu-net amaran ola d øjit zøywøran n aman aggotnen.

¹⁶ Æfus-net wa n øýil øhan-tu øssa etran, imi-net tøyammad-t-idu takoba tøyknåt tawala føl øššin fayyan-net. Udøm-net iga ømøløywøw wa n tøyfuk a du-tøyknåt øzøryyyi.

¹⁷ As t-ønaya, fataqqe ýur daran-net, zun ås øgmådán-i man. Tøyzar issøwar-i øfus-net wa n øýil, inn-i: «A kay wør tøyggøz tasa! Nak a imosan wa azzaran, ømosa deý wa ilkaman.

¹⁸ Æmosa wa iddaran! Kala a di-aba, mišan ømørødda, nak da iddaran da, har faw! Ættáfa tanat øn tømattant d alaxirat.

¹⁹ Dað adi øktøb awa tøkannaya, gær za wa itaggin ømørødda, wala deð wa d-izayan.

²⁰ Ænta da almaðna n øssir wa n øssa etran win øhanen øfus-in wa n øðil d øssa sækbal øn fètølaten win øganen dað urøð: Æssa etran win, ømosan angalosan win øssa n Ælkønísaten a n øssayat, amaran isækbal øn tøkølaten win øssa ømosan Ælkønísaten a n øssayat iman-nasnat.»

2

Širawt tækkát Ælkønísat ta n Efez

¹ Æktøb y angalos n Ælkønísat ta n Efez as: «Arat da wa inna wa ittáfan etran win øssa dað øfus-net wa n øðil, ijiwankat gær sækbal øn fètølaten win øssa n urøð:

² "Kawanay kæl-Ælkønísat ta n Efez, øssána dað mazalan-nawan, d øððøðølan win tøgám, ød zømmerat-nawan. Æssánað ás wær tøkbelam inøllubas, tøkajarrabam deð win ønnanen øs bahu ømosan inøm muzal. Tøsattaddam as bahu a taggin.

³ Tømosam Ælkønísat tøm marat y aratan kul. Tøyyøwanam alðazab føl øddølil n esøm-in, mišan wær sær-wan d øway awen tewaðlay dæffer-wan.

⁴ Mišan ya ill-ay arat a dað-wan øððåka, a t-imosan øiyyit ta tøgám tara ta kawan-tøhat østizarat.

⁵ Dað adi, a din-wær-tattawim igøg wa din-tøgám dað igi øn bakkadan! Utabat, tøkøzam dað igi-nasan, ad tøktaggin imazalan ølønøen win tøktaggin harwa dað tizarat. As wær tøkubam, wødi a kawan-in-asa, økkøsað øsækbøl øn fètølaten-nawan dað adag-net.

⁶ Dær igá awen da ya, tølám ølxislat tolaðat a tat-imosan as tøkýaðam imazalan ás nak da økyaðaða-qan win taggin aytedan win Nikolayítatan.

⁷ Wa isallin aslet y awa inna Infas wa Zøddigan y Ælkønísaten: 'Wa d-ornan, ad t-aððatðaða ara n aðek wa n tømøddurt, ihân aljannat øn Møðšina.'"»

Širawt tækkát Ælkønísat ta n Æsmurna

⁸ Æktøb y angalos n Ælkønísat ta n Æsmurna as: «Ænta da awa inna wa imosan wa azzaran, imos deð wa ilkaman, aba-tu inkar-du dað tømattant:

⁹ "Kawanay kæl-Ælkønísat ta n Æsmurna øssána dað tøsust ta kawan-tøgawat, d ølløqøw-nawan labasan. Mišan arat wa imosan tidøt, as imøggørgas a tømøsam! Æssána dað ørrøbðan win kawan-taggin aytedan win ganninen ømosan kæl-Ølyøhud øs bahu, øntanay amaran wær ømosan ar tiddawat øn nalkiman n Aððayatn!

¹⁰ Ad wær tiksadam alðazab wa dað-wan ilkaman. Søsømat, kæl-Ælkønísat ta n Æsmurna! Iblis a kawan-ajjarrab s ad agu arat dað-wan dað kasaw. Ad tagim maraw adan tøkíwadgazam. Æððølat dað øzøgzan-nawan iket tøkðdaram, øddi a kawan-akfað aroz imosan tøkøbbut ta n annajax.

¹¹ Wa isallin aslet y awa inna Infas wa Zøddigan y Ælkønísaten! Wa d-ornan, wær z'iggøz Jahannama."»

Širawt tækkát Ælkønísat ta n Fergamos

¹² Æktøb y angalos n Ælkønísat ta n Fergamos as: «Arat da wa inna wa ilan takoba ta tøkñát tawala føl øððin fayyan-net:

¹³ "Kawanay kæl-Ælkønísat ta n Fergamos, øssána dad tøllam, amaran øddi dað ad tølla taðmar n Aððayatn. Tøsígatækkem dað tarrayt ta-nin. Wær tømømøzøyam d øzøgzan sær-i. Tøttáfam øzøgzan-nawan harkid dað azzaman win dað tawaggan man n Antifas, imosan ønalkim-in iððálan, imos deð tøgøyya-nin. Itawanða dað øðrøm-nawan, imosan dad illa Aððayatn.

¹⁴ Mišan ya, øllan-tu aratån a dað-wan øððåka, a tan-imosan ás: Æhân-kawan aytedan ølkåmnen i tarrayt ta n Balyám s ønta a isassaðran ømønøkøl Balaq ømmæk was z'agu taftaw i kæl-Israyil y a tan-isøssugu abakkad. Ig-asan tømøkrest a føl z'atšin isan ømmidasnen øn tøkutawen tiwagganen y øssønøman, agin deð øzøzna.

¹⁵ Æmmæk øn dað as kawanay kæl-Ælkønísat ta n Fergamos øhân-kawan aytedan zizawatnen dað tarrayt ta n Nikolayítatan.

¹⁶ Utabat dað adi. As wær igá adi, a kawan-in-asa tarmad, ammagara d aytedan win di, øs takoba, a tat-imosan awal-in.

¹⁷ Wa isallin aslet y awa inna Infas wa Zøddigan y Ælkønísaten! Wa d-ornan, ad t-akfað manna tøkðbat, akfaq-qu deð tøkunt mallat a føl iktåb øsøm aynayan as tu-wær-illa i t-issånan ar wa t-igrawan."»

Širawt tækkât Ælkænisat ta n Tøyatir

¹⁸ Æktæb y angalos n Ælkænisat ta n Tøyatir as: «Ënta da awa inna Barar ən Mæššina, as šittawen-net olânat d abalagleg ən tæmsay, amaran milawlawan daran-net zun daroy illiylayan, ikna sællul:

¹⁹ "Kawanay kæl-Ælkænisat ta n Tøyatir, æssânaɣ awa tətamazalam, æssâna daɣ tara ta kawan-təhat, d əzəgzan-nawan d əššəxəl-nawan əd zəmmerat-nawan. Æssânaɣ deɣ as əššəxəl-nawan win əzraynen, ogaran win azzarnen.

²⁰ Mišan ya ill-ay arat a daɣ-wan əššâkəɣ a t-imosan as toyyam tantut ta təgat Yezabel, təgannu tønnəbit a təmos. Təsasaɣru inaxɣidan-in təsaxrak-kan, təsisug-en arak mazalan əmosnen əzzəna, əd tattay ən şan ən təkutawen tiwagganen y əssənəman.

²¹ Ækfeq-qat alwaq ewādan ad tutab, mišan wər tara əməzzəy d alxal-net wa n igi n əzzəna.

²² Awen daɣ a fəlas a tat-in-əssukəɣ təwərna d alɣazab əmosnen attadib-net. Win dər tənəmagga əzzəna, a sər-san d-awəya təssust labasat as wər ətuban daɣ arak mazalan win tan-təsisugu.

²³ Ad əhləkəɣ inalkiman ən təntut ten. Ælkænisaten kul ad əssənnat as nak əmosa wa itamayazan iwullan, amaran akkiyyan daɣ-wan ad t-akfaɣ awa tu-šəššawadan mazalan-net.

²⁴ Kawanay amaran kæl-Ælkænisat ta n Tøyatir win wər nəlkem i tarrayt ten, za wər təzdayam aratan win as gannin aytedan win den 'əssiran win din-əggugnen n Aššaytan', arat da wa ənne daɣ batu-nawan: wər kawan-əssəwəra lahan iyyan.

²⁵ Zəzzəwətət ɣas daɣ əzəgzan-nawan har din-asa.

²⁶ Wa d-ornan ilkâm y alwajiban-in har təzərəst, wədi ad t-akfaɣ tizart i tawšeten n əddənət.

²⁷ A dasnat-izar əs taɣmar təknaət assahat, addagdak-kanat zun təkən ən talaq,

²⁸ s əmmək as di-ikfa Abba-nin tizart. Ad t-akfa deɣ atri wa n aɣora, almaɣna a dər-əs ədrəwa taɣmar-in.

²⁹ Wa isallin aslet y awa inna Infas wa Zəddigan y Ælkænisaten!"»

3

Širawt tækkât Ælkænisat ta n Sardes

¹ Æktæb y angalos n Ælkænisat ta n Sardes as: «Arat da wa inna wa ilan əssa ərruxanitan d əssa etran: "Kawanay kæl-Ælkænisat ta n Sardes, æssânaɣ imazalan win tətəggam. Itawannu 'Ælkænisat ta n Sardes təddar', kawanay amaran zun as aba-kawan.

² Ænkədət, təsəssuhem awa dawan-d-iqqiman daɣ aytedan. Ad wər iɣrəd adi ketnet təmattant, fəlas əgəɣ-in as waliyyan daɣ mazalan-nawan, wər imos arat ikmālan dat Æməli-nin Məššina.

³ Daɣ adi, aktiwat Ælinjil was təslam d əsəssəɣri wa təgrawam. Aɣədət daɣ-as, tutaban. As wər tənkeram daɣ etəs, a din-asəɣ əhəɣ əlmital n abaydag, wər za təsənam alwaq wa daq-qawan in-z-əɣdərə.

⁴ Dər iga awen da ya, əhan-kawan aytedan əs harwa da wər əmməzrayan Məššina. Win di a dər-i idawan, əmosan isamlalan, id əhoran d awen.

⁵ Æmmək en daɣ as wa d-ornan ad alsu tabdoq təgat təməllay təsiraqçet, amaran wər z'əməsəɣ esəm-net daɣ əlkættab wa əhan əsmawan n aytedan win əgrawnen təməddurt ta təɣlalət. Ad əqbəla dat Abba-nin, d angalosan-net əs awedan wədi i-nin.

⁶ Wa isallin aslet y awa inna Infas wa Zəddigan y Ælkænisaten!"»

Širawt tækkât Ælkænisat ta n Filadelfəya

⁷ Æktæb y Angalos n Ælkænisat ta n Filadelfəya, as: «Ënta da awa inna wa imosan əmizdag, imos tidət, amaran ənta a ittafan *təsassarut ta n əmənokal Dawəd, s ənta əs, as olam arat wər t-illa i ifragan təməhirt-net, as ihar deɣ wər t-illa i ifragan allam:*

⁸ "Kawanay kæl-Ælkænisat ta n Filadelfəya, æssânaɣ imazalan win təgam, æssânaɣ as wər tələm šixurad aggotnen, dər iga awen da ya təyɣdālam daɣ awal-in, wər di-tənkuram. Æssənət za as oləmaɣ-awan təsəhərt, as wər t-illa i ifragan təməhirt-net.

⁹ Ænəyat, ənta da awa z'əgin: tiddawat ən nalkiman n Aššaytan, a tat-aga daɣ fassan-nawan. Gannin əmosan Kəl-Əlyəhud ənta wər tan-əmosan, taggin bahu. Ænəyat, ənta da awa dasan-z-aga: A tan-d-assaglaɣ, əssəjədan ɣur daran-nawan, amaran ad əssənən, əqbəlan deɣ as areq-qawan.

¹⁰ Dad zamas təkāmam y awal-in omaran əs zəmmerat, wədi nak da a kawan-əgəza daɣ tamert ta n jarrabatan win d-əzaynen əddənət ketnet, fəl ad iqqəl awen jarraba əgəɣ y aytedan n əddənət kul.

¹¹ A din-asa tarmad. Akniwat əzəzzəwi dəy awa təlam, fəl a dəy-wan wər əbəz awedan waliyyan aroz-nawan imosan šikəbba-nawan šin tarna.

¹² Wa d-ornan, ad t-aga təgəttawt dəy ahan n əlǰibada ən Məššina di n Æməli-nin, amaran wər t-idu-z-igməd har faw. A fall-as əktəbəy esəm ən Məššina di n Æməli-nin, d esəm n əxřəm n Æməli-nin Məššina, a t-imosan Yerusalem ta taynayət, a du-təzzibbet dəy jənnawan, isisaway-tat-du Æməli-nin, əktəbəy dəy fall-as esəm-in wa aynayan.

¹³ Wa isallin aslet y awa inna Infas wa Zəddigan y Ælkənisaten!"»

Širawt təkkāt Ælkənisat ta n Lawodikəya

¹⁴ Əktəb y angalos n Ælkənisat ta n Lawodikəya, as: «Arat da wa d-inna was itawannu "Amin", s ənta a imosan təgəyya ta təyđalat, təmos tidət, amaran ənta ələsəl n əkkulluk n arat:

¹⁵ "Kawanay kəl-Ælkənisat ta n Lawodikəya, əssānaç awa tətamazalam: Wərmad təsəmmidam, za wər təkkusam. Ənnar təsəmmidam madeç təkkusam!

¹⁶ Mišan dad zamas təlimzayyanam, wərmad təsəmmidam za wər təkkusam, wədi a kawan-d-afsa,

¹⁷ id a təgannam: 'Nəggirgas, amaran iman-nana a nəsağgargas. Wər nəddərar əs wala.' Awen təgannim-tu fəlas wər təssenam as kawanay təllam-tu d əxšud ən man, təhoram d i dawan-ihanatten, təmosam šiləqqawen, təddirçalam, wər təlsem wala.

¹⁸ Əgəç-awan ənnəsixa n a çur-i tazanzim urəç wa itawajarraban əs təmsay, fəl a sər-əs taggargasam, tazanzim çur-i dəy təbdoç mallat, fəl ad talsim, ib-as kawan-tətabaz təkarakit n as təzzafam, tazanzim çur-i dəy amagal a za təzwəyam i šittawen-nawan, iqqəl-kawan-du asawad-nawan.

¹⁹ Nak, aytedan win ařəç, əntanay a fəl šawala, suçulaç-qan-du tarrayt. Dəy adi akniwat galleyat, tutabam.

²⁰ Ənəyət! Nak əlley çur təsəhərt n ahan takawkawaç-qat. As di-İsla awedan, olam-i ehan, ad əggəzay ayaywan-net, ədrəwa dər-əs təməklawt.

²¹ Wa d-ornan, a t-akfaç tətəyt n a dər-i inəçimu fəl təxawit ta n taçmar-in, zund əmmək as nak da asaça wa d-orneç, əgleç naçama d Abba-nin fəl təxawit ta n taçmar-net.

²² Wa isallin aslet y awa inna Infas wa Zəddigan y Ælkənisaten!"»

4

Awa du-z-inəfiləlan dəy jənnawan

Ænəfilal ən təxawit ta n taçmar ən Məššina

¹ Dəffər awen ənaya təsəhərt tənnołamat dəy jənnawan. Əsleç y əməsli was əsleç dat awen, olān d anasay n asak. Igann-i əməsli wen: «Gazzay-du sa da, a kay-assaknaç arat was kundaba iga dəffər awa.»

² Wala ihoggan tobaz-i tarna n Infas wa Zəddigan, oggeç təxawit ən taçmar ta təhat ijənnawan. Təxawit ten iqqim fall-as awedan.

³ Wa iqqiman fəl təxawit ten, iga əmələwləw a n təhunt iyyat tələt almaçam, as itawannu jasfa d iyyat as itawannu sardwan. Təçlay-tat təzzəl-adar a du-təsaktiit təhunt iyyat təmilawlawat tələt almaçam as itawannu emrod.

⁴ Təxawit ta n taçmar en, əçlaynat-tat sanatat təmərwən ən təxawit ən taçmar d əkkozat, a fəl əqqiman sanatat təmərwən n əmçar d əkkoz ən samlalan, əssiwarnen šikəbba ən taçmar əgānen dəy urəç.

⁵ Gammadan-tat-du esman əd maslan d eggagan. Ərçān dat-əs əssa belan ən təmsay, əmosnen əssa əruxanitan ən Məššina.

^{6a} Təxawit ta n taçmar en, oray-tat-du arat olān d agaraw imilawlawan wəllen, igān əçətəs a n təlfənçart.

^{6b} Ammas-net əd çələyçəlayan-net əhān-tan əkkoz mudaran as ilamawan-nasan əlsān šittawen sa sər dat, əlsān-tanat dəy sa sər ələqqam.

⁷ Əmudar wa azzaran ola d ahar, wa n əššin ola d əhəri, wa n karad amaran isakta-du udəm-net wa n aggadəm, wa n əkkoz ola əd tənagmart təggādat.

⁸ Amaran imudaran win əkkoz en, əkkulluk n iyyan dəy-san İla sədis əfrutan əlsānat šittawen sas ammas əd sas afalla. Wər təfəstin ehad ezal gannin:

«Əmizdag, Əmizdag, Əmizdag,
 Əməli Məššina s ənta a imosan
 məššis ən tarna kul,
 imos wa t-İllan kala da,
 imos dəy wa t-İllan əmərədda,

amaran izay-du!»

⁹ Æssiggadan daḡ tæmmalen ən tanaya əd saḡmar əd godan i Məššina, s ənta a iqqiman fəl təxawit ta n taḡmar, ill-ay har faw.

¹⁰ Amaran id əssəggadan mudaran win den, ad əssəjadan əmḡaran ḡur daran ən wa iqqiman fəl təxawit ta n taḡmar, assansin šikəbba-nasan šin taḡmar, annin:

¹¹ Ya Æməli-nana Məššina,

kay a ihoran əd tanaya

d ətəwəsəḡmar, əd tarna,

id kay a d-ixlakan əkkulluk n arat.

Aratan kul əllan-tu əs tarrayt ən tara-nak,

amaran kay a tan-d-ixlakan.

5

Ænæfial n Æjemar d əlkættab wa təwar talxatimt

¹ Təzzar oggeḡ daḡ əfus wa n əḡil ən wa iqqiman fəl təxawit ta n taḡmar əlkættab iwar akatab sa sər ammas əd sa sər afalla. Ælkættab wen əwarnat-tu əssayat təlxtatimen, a das-əmosnen šisəḡfal.

² Oggeḡ angalos iknân təla ən tarna igannu s əməsli issohen: «Ma imos wa ewadan ad aləm əlkættab wa, aru təlxtatimen šin t-əwarnen?»

³ Mišan wər t-illa daḡ jənnawan za wala amaḡal, wala daw amaḡal, i ifragan allam n əlkættab wen, wala inəy awa t-ihan.

⁴ Təzzar ad halla wəllen id wər t-illa i ifragan allam n əlkættab wen, wala deḡ ifrəḡ anay n awa t-ihan.

⁵ Təzzar inn-i iyyan daḡ əmḡaran: «Ayyu tala! Ænəy, ahar wa n tawšət ən Yahuda, a d-igmādan əzzurrəyya ən Dawəd, ənta a d-ornan, amaran ənta fadda a z'aləman əlkættab wa d əssayat təlxtatimen-net.»

⁶ Təzzar oggeḡ Æjemar ibdādan daḡ ammas ən təxawit ta n taḡmar əd mudaran win əkkoz, daḡ garegaray n əmḡaran. Æjemar wen ola d əmudar igzaman, amaran ila əssa əskawan d əssayat šittawen əmmittalnen [əssa] ərruxanitan ən Məššina a d-issoka əddənet ketnet.

⁷ Ihoz-in y ad igrəw əlkættab daḡ əfus wa n əḡil ən wa iqqiman fəl təxawit ta n taḡmar.

⁸ Assaḡa wad igraw Æjemar əlkættab, ənkaran mudaran win əkkoz, d əmḡaran win sanatət təmərwen d əkkoz əssəjadan dat-əs. Akkiyyan daḡ-san ittāf təhərdānt, əd təkərwasen n urəḡ ədnāynen aḡutan əzodnen taḡqadnen əmmittalnen šiwatriwen ən mizdagan.

⁹ Æssiggadan daḡ tæmmal taynayət, gannin:

Kay a ihoran d agaraw n əlkættab, tarzay talxatimt-net,

id ətəwəgzam a təgeḡ.

Amaran azni-nak as tərzama tədarfit n aytedan

ən tawšəten kul d awalan kul əd təmattiwen kul

əd kalkan kul, tewayaq-qan-du əs tarrayt ta n Məššina.

¹⁰ Təgeq-qan imənokalan əd limaman,

əḡbādnen Æməli-nana,

amaran ad əxkəman fəl əddənet.

¹¹ Əlasəḡ-in asawad, təzzar əsleḡ i maslan n angalosan əknānen igət. Əmosan igiman ən giman, ḡilayḡalayan təxawit ta n taḡmar, ḡilayḡalayan imudaran d əmḡaran.

¹² Æssiggadan gannin s əməsli issohen:

«Æjemar wa igzaman iqqal takutay,

ihor d agaraw ən tarna

əd təgərgist əd masnat

əd təḡurad d ətəwəsəḡmar

əd tanaya əd tæmmalen!»

¹³ Təzzar əsleḡ daḡ amazay wen da i təxəllak kul daḡ jənnawan d amaḡal, əd daw amaḡal, əd gərwan, ganninat:

«Tæmmalen əd saḡmar əd tanaya

əd tarna har faw

in wa iqqiman fəl təxawit ta n taḡmar

d Æjemar!»

¹⁴ Təzzar ənnan mudaran win əkkoz: «Amin!» Æssəjadan əmḡaran əḡbadan Məššina d Æjemar.

6

*Talxatimen šin əssayat**Əniləm ən talxatimt ta tazzarat*

¹ Dəffər awen oggeş Əjəmar as olam talxatimt ta tazzarat dəş šin əssayat, əsleş y iyyan dəş əkkoz mudaran as inna s əməsli olân d eggag: «Iyyaw!»

² Təzzar əswadaş ənayəş ays mallan as d-osa. Ays wen amawan-net ilə təganşay. Itawakfa təkəbbut ta n tarna. Iqla, imos wa d-ornan, igâ deş ənnəyat n ad işitu annajax.

Əniləm ən talxatimt ta n sanatat

³ As olam talxatimt ta n sanatat, əsleş y əmudar wa n əşšin as inna: «Iyyaw!»

⁴ Təzzar ənayəş ays iyyan igân təzuşay ta n təmsay. Itawakfa amawan n ays wen fərregat n ikus n alxer dəş əddənət, fəl ad tinəmənşin aytedan, itawakfa deş takoba zəwwərat.

Əniləm ən talxatimt ta n karadat

⁵ As olam Əjəmar talxatimt ta n karadat, əsleş y əmudar wa n karad as inna: «Iyyaw!» Təzzar əswadaş ənayəş ays kawalan. Wa iwanan ays wen, ittâf əlmizan dəş əfus-net.

⁶ Əsleş y a olân d əməsli a d-ifalan imudaran win əkkoz, igannu: «Aganna ən təyya n alkama şas as itawarşam əzəl işrâdan n əşşəşəl. Amaran arat wen əlqimat-net wər tokay təyya d aganna n əşşəşir. Widi n azzayt d esmad n alşanab amaran a tan-wər-tədəsa.»

Əniləm ən talxatimt ta n əkkozat

⁷ As olam talxatimt ta n əkkozat, əsleş y əməsli n əmudar wa n əkkoz as inna: «Iyyaw!»

⁸ Təzzar əswadaş oggeş ays igân taddalət ta n yel təlhây təməllay. Wa iwanan ays wen, esəm-net təməttant, idded w alaxirat. Təzzar tətawakfa təməttant d alaxirat tarna fəl təzunt ta n əkkozat n amaşal, fəl ad anşinat kərəz aytedan əs takoba əd laz əd təwərnawen əmosnen alwaba əd mudaran n əşuf win tattinen aytedan.

Əniləm ən talxatimt ta n səmmosat

⁹ As olam talxatimt ta n səmmosat, oggeş daw majmar wa zəwwəran n əsəqqəd ən təkutawen iman n aytedan win as tawagşan man-nasan fəl əddəlil n awal ən Məşşina əd təgəyya tolayat ta əgan dəş batu n Əlməsix.

¹⁰ Ad saşaren wəllen gannin: «Əməli, imosan əmizdag, imos tidət, har əmmay tətülüş wər təwwəddabaş aytedan n əddənət, fəl a dəş-san izəl əzni-nana wa ənyalan?»

¹¹ İman n aytedan win ənaya daw majmar, akkiyyan dəş-san itiwakfa təkədkat zagret mallat, təzzar itawann-asan ad əşşitin dəş təzaydart har d-andin mədrayan-nasan win dər olan əşşəşəl dəş tarrayt ta n Əməli, s əntanay da əhan tarrayt n a dasan-tətəwəggu tanaşay zun ta dasan-tətawagga.

Əniləm ən talxatimt ta n sədisat

¹² Dəffər awen oggeş Əjəmar as olam talxatimt ta n sədisat. Təzzar iga amaşal ənəgəynəgəy labasan. Təqqal təkuk şikawalat, təga təllit ketnet təzuşay ta n əzni.

¹³ Fataşqen-du etran dəş jənnawan fəl amaşal, zund əmmək as tifətəktikan aratan n aşək a fəl d-igâr ađu issohen.

¹⁴ Ad tatankalan jənnawan, gallin zun təsalat a din-tətdadit, əmmədkalan ədşayan kul, əd gər wətlan win əhanen igərwan, tawakkasan dəş daggan-nasan.

¹⁵ İmənokalan n əddənət kul d aytedan win dəş-as əlanen almaşam əd muzaran ən soşitan əd məggərgəş əd kəl tarna d eklan əd lallan, kul əşradan alaşas dəş kəzman d ammas n ədşayan.

¹⁶ Gannin y ədşayan, əd təhun: «Fətəqqətat fall-ana. Səşşəsət-anaş ad nugag wa iqqıman fəl təxawit ta n təşmar. Səşşəsət-anaş ad nənəməggəg d alham n Əjəmar,

¹⁷ id əzəl wa zəwwəran n alham-nasan a d-osan, amaran məni wa ifragan zəmmərat y-as?»

7

Təmeday n əgim d əkkozat təmərwən d əkkoz win təwar talxatimt ən Məşşina

¹ Dəffər awen, oggeş əkkoz angalosən əbdâdnən dəş əkkozat təşəmmar n amaşal. Əttâfan-in əkkoz ađutan fəl amaşal, fəl ad wər iger ađu fəl amaşal, wala fəl agarew, wala dəş iger fəl aşək waliyyan.

² Təzzar əswadəy sa sər dənnəg oggey angalos iyyan itagazzayan əs jənnawan, ittāf talxatimt ən Məşşina di Iddaran. Isaxxarat s əməsli issohen y əkkəz angalosan win əgrawnen tarna n igi ən təkma y amaḍal əd gərwan.

³ Inn-asan: «Ad wər tagim təkma y amaḍal, wala agaraw, wala eşkan, iket wər nəjjəjwal əs talxatimt ən Məşşina şikannaren ən nəxəbidan n Əməli-nana.»

⁴ Təzzar əsleḡ y əket n aytedan win tətawasawar talxatimt ən Məşşina. Əmosan temeday n əgim d əkkəzət təmərwen d əkkəz ən tawşeten kul n Israyil:

⁵ Maraw gim n awedan d əşşin daḡ tawşet ta n Yahuda

a təwar talxatimt ən Məşşina,

təwar maraw gim d əşşin daḡ tawşet ta n Ruben,

əd maraw gim d əşşin daḡ tawşet ta n Gad,

⁶ əd maraw gim d əşşin daḡ tawşet ta n Aşşer,

əd maraw gim d əşşin daḡ tawşet ta n Naftali,

əd maraw gim d əşşin daḡ tawşet ta n Manasay,

⁷ əd maraw gim d əşşin daḡ tawşet ta n Şiməxon,

əd maraw gim d əşşin daḡ tawşet ta n Lebi,

əd maraw gim d əşşin daḡ tawşet ta n Issakar,

⁸ əd maraw gim d əşşin daḡ tawşet ta n Zəbulun,

əd maraw gim d əşşin daḡ tawşet ta n Yusəf,

əd maraw gim d əşşin daḡ tawşet ta n Benyamin,

kul təwâr-tan talxatimt ten.

Təmmal n əljəməyat

⁹ Dəffər awen əlasay asawad, oggey tiddawat zəwəwərat wəllen, as wər t-illa i ifragan əşidən-net. Tiddawat ten təga daḡ xərfan n əddənet kul, əd tawşeten kul, əd təməttiwen kul, d awalən kul win tawaşawalnən. Əbdâdan dat təxawit ta n taḡmar, dat Əjəmar, əzlâgan şikadkaden zagrotnen mallolnən, əttâfan ilədlad ən tagayt.

¹⁰ Saḡaren s əməsli issohen, gannin:

«Efsan Əməli-nana Məşşina a tan-ihakkin

s ənta a iwaran təxawit ta n taḡmar,

ənta d Əjəmar.»

¹¹ Təzzar əxradan angalosan kul tebadday den da, ḡilayḡalayan təxawit ta n taḡmar, d əmḡaran, əd mudaran win əkkəz. Əssəjadan dat təxawit ta n taḡmar en, əxḡbadən Məşşina,

¹² gannin:

«Amin!

Təmmalən əd tanaya əd masnat

əd godan d ətəwəsəḡmar

əd tarna əd fərregat,

kul in Əməli-nana Məşşina, har faw!

Amin!»

¹³ Təzzar išşewal iyyan daḡ əmḡaran, inn-i: «Awak ma mosan win əzlagnen şikadkaden zagrotnen mallolnən en, mənis d-əhan?»

¹⁴ Ənnəx-as: «Təssanaḡ awa mosan, Əməli-nin.» Təzzar inn-i: «Awen aytedan win d-əgmədnen təssust ta labasat. Ərbazan şikadkaden-nasan, əssəmlalan-tanat s əzni n Əjəmar.

¹⁵ Awen daḡ a fəl əbdadan dat təxawit ta n taḡmar ən Məşşina, əxḡbadan-tu ehad d azal daḡ adag-net wa n əlḡbada. Amaran wa iqqıman fəl təxawit ta n taḡmar, a *dər-san z'inəməxsəran aḡəz-tan*.

¹⁶ Wər ilkem a tan-iggâz gələk, za wala fad. *Wər ilkem a tan-təlâs təfuk əzəḡḡəzzəb*, za wala tuksay waliyyat,

¹⁷ id Əjəmar wa ihən ammas ən təxawit ta n taḡmar a dər-san z'annattafan, s əmmək as itanattaf amadan d aharay-net, awəy-tan əs şittawən n aman win sidurnen, təzzar *iməs Məşşina iməttawan-nasan kul*»

8

Əniləm ən talxatimt ta n əssayat

¹ As olam Əjəmar talxatimt ta n əssayat, təga təfastit daḡ jənnawan tewadat amaḍal n aganna n alwaq.

Anasaḡ n əskawan win əssa

Angalosan win əssa

² Oggeḡ æssa angalosn win ebdadnen dat Mæššina, as tawakfan iskawan æssa.

³ Tæzzar osâ-du angalos iyyan ibdad ḡur majmar wa n æsæqqød n ađutan win æzodnen igân daḡ uræḡ, ittâf majmar ændærran n æsæqqød æn taḡælbast igân ænta da daḡ uræḡ. Itawakfa taḡælbast tægget y a tat-isæqqød, tæmos takutay, fæl majmar wa n æsæqqød n ađutan, dat tæxawit ta n taḡmar, iddew awen æd tæwatriwen æn mizdagan kul.

⁴ Iḡmad-du æhu æn taḡælbast ten æfus n angalos, iggæzzay dat Mæššina, iddew awen æd tæwatriwen æn mizdagan.

⁵ Dæffær awen inkar angalos æs majmar wa n ændærran n æsæqqød æn taḡælbast as kala da ittaf-tu, idkar-t-idu šimakaten ærḡanen daḡ majmar wa n æsæqqød n ađutan, igar-tu fæl amađal. Æmalan-tu eggagan, æd maslan, d esman, d ænægøynægø n amađal.

⁶ Tæzzar ænkaran æssa angalosn win ættafnen iskawan win æssa ad simutugan y anasaḡ-nasan.

Ækkoz æskawan win tawansaḡnen daḡ tizarat

⁷ Insaḡ angalos wa azzaran esæk wa ittaf, tæzzar æmalan-tu dagrazan æd tæmsay ærtaynen d æzni, iffay-du awen kul fæl amađal. Tærakammat tæzunt ta n karadat n æddænet, tærakammat tæzunt ta n karadat n eškan kul, irakammat yel kul.

⁸ Insaḡ angalos wa n æššin esæk wa ittaf. Itawagar-du arat olân d ædḡaḡ zæwwæran ibilaglagan, irtak daḡ agaraw. Tæqqal tæzunt ta n karadat n agaraw ketnet azni.

⁹ Tæzzar tæmmut tæzunt ta n karadat æn mudaran win æhanen agaraw, tæhlak deḡ tæzunt ta n karadat n æḡlalan n aman kul win æwarnen agaraw.

¹⁰ Insaḡ angalos wa n karad esæk wa ittaf. Irtak-du ætri zæwwæran daḡ jønnawan, igân æbælæzlæz an abela æn tæmsay, irtak fæl tæzunt ta n karadat æn ḡarwan win ængaynen, æd šittawan n aman.

¹¹ Atri wen esøm-net «Abæsintæs». Tæmmøttay tæzunt ta n karadat n Aman n æddænet, tæqqal aman samomnen, æḡânen tæssæmømt ta da iga abæsintæs. Tæzzar aba aytedan aggotnen win æšwânen aman win den.

¹² Insaḡ angalos wa n ækkoz esæk wa ittaf. Tæzzar ihlak awen tæzunt ta n karadat æn tæfuk, æd tæzunt ta n karadat æn tællit, æd tæzunt ta n karadat n etran. Awa daḡ-san immar awen kul iqqal šiyay. Ezal da tæḡmad-tu tæzunt ta n karadat n ænnur-net, ehad deḡ awen da.

Ætæwæmal n alwabatan win karâd

¹³ Tæzzar æswadaḡ ænayaḡ tænaḡmart tæggâdat daḡ tæseggærigeræyt æn jønnawan, æsleḡ as tægannu s æmæsli issohen: «Xašša! Xašša! Xašša wællen i win æhanen æddænet, ḡur anasaḡ n æskawan win z'ænæḡan angalosn win karad dæffær win!»

9

Anasaḡ n asak wa n sæmmos

¹ Inkar angalos wa n sæmmos insaḡ esæk wa ittaf. Oggeḡ atri as d-irtak daḡ jønnawan fæl amađal. Atri wen itiwakfa tæsassarut n æḡæḡi wa wær næla eder.

² Olam æḡæḡi wa, iggæzzay-du daḡ-as æhu olân æd wa d-igammadan æḡæḡi a daḡ tæmihandar tæmsay. Arat wen issækwal tæfuk, d alhawa ketnet.

³ Tæzzar æḡmadan-du øjwalan æhu wen, ællilan æddænet ketnet. Tawakfan øjwalan win talbast toḡdât æd ta n tæzurdam.

⁴ Itawarḡam-asan fæl igi n a imosan tækma i taddalæt a tæqqal, ḡær za yel a ilsan amađal, wala eškan. Kalar tawamaran s ad zæḡḡæzzæban aytedan ḡas win as wær iwer øjwal æn Mæššina šikannaren-nasan.

⁵ Wær tawakfan turagat æn tanayaḡ n aytedan win den kæræz. Kalar tawamaran ḡas s a tan-zæḡḡæzzæban wællen har sæmmosat tællil. Amaran æsæsnan æn tæduð n øjwalan win den, ogda æd wa n taddod æn tæzardæmt.

⁶ Azzaman win den a daḡ-san sæddirænan aytedan tæmattant, mišan wær tat-z-æḡræwan. Ad gammayan tæmattant, tætinæmæggig dær-san.

⁷ Ijwalan win den olân d æggæsan simatagnen y iki n æmægær. Iḡafawan-nasan iwartan arat olân æd tækæbba æn taḡmar æḡânen daḡ uræḡ, amaran udmawan-nasan olan æd wa n æggadæm.

⁸ Ijækkad-nasan olân æd jækkad æn tædoden, išenan-nasan olân æd šenan n ahar.

⁹ Idmâran-nasan ils-en arat olân æd tæzoli, amaran imaslan n æfrutan-nasan olân d æmæsli n amalankaytan n æmægær ælwâyan æggæsan aggotnen, ozâlan s adag n æmægær.

¹⁰ Ælân šisbaten olânen æd šin tæzurdam, ælânen iškaran zun win daḡ æn tæzardæmt, amaran imawan æn tæsbaten-nasan en da a daḡ iddew aššar n igi æn tækma labasat y aytedan har sæmmosat tællil.

¹¹ Ark angalos n Aššaytan wa ihan əxəxi wər nəla eder, a imosan əmənokal n əjwalan win den. Ešəm-net daɣ təlɣibrɪt Abaddon, daɣ awal ən Kəl-Ëlyunan ešəm-net Aboləyon, almaɣna n awen «Æmahlak.»

¹² Okay albala wa azzaran, amaran əllan-tu əššin wiyyad as kundaba əlkaman-as-du.

Anasaɣ n asak wa n sədis

¹³ Ìnsaɣ angalos wa n sədis esək wa ittaf. Təzzar əsleɣ y əməsli a d-igmādan [əkkozat] təxəmmar ən majmar n urəɣ wa illan dat Məššina, imosan majmar wa n əsəqqəd n aɣutan.

¹⁴ Æməsli wen igannu y angalos wa n sədis ittafan esək: «Ara-du əkkoz angalosan win əqqannen daɣ təgadamayt n agaraw wa zəwwəran, a t-imosan Efrat.»

¹⁵ Təzzar tawāran-du angalosan win əkkoz en tiwasamatagnen y alwaq wen da, daɣ əzəl wen da, daɣ təllit ten da, daɣ awatay wen da, fəl ad əhləkan təzunt ta n karadat n aytedan kul n əddənət.

¹⁶ Imosan sanatat təmad ən miləyaw n amawan n ays. Ænta den da meɣan-nasan, amaran əsleɣ-as.

¹⁷ Æmmək da was di-du-nafalalan əggəsan win den əd mawanan-nasan daɣ targət-in. Əggəsan win, idmaran-nasan ils-en əxər igān karad əlmawan əmosnen: təzuxay ta n təmsay, əd taddalət ta n jənnawan tədāgat sa sər takkawalt ta n təhunt iyyat tələt almaqam as itawannu safir, əd təruxay ta n adaɣas-ən-tahart. Iɣafawan n əggəsan win, olān əd ɣafawan ən harran, imawan-nasan təgammad-tan-du təmsay d əhu d adaɣas-ən-tahart irɣān.

¹⁸ Albalatan win karad en əmosnen temsay d əhu d adaɣas-ən-tahart irɣān, əhlakan təzunt ta n karadat n aytedan kul n əddənət.

¹⁹ Fəlas tarna n əggəsan win den, təha imawan-nasan, əd təsbaten-nasan, id šisbaten-nasan olānat əd taššolen, əlānat iɣafawan as tagginat y aytedan təkma labasat.

²⁰ Mišan aytedan win wər aba daɣ albalatan win den, wər ətuban daɣ ark aratan win tamazalan. Wər əmməzzayan d əlɣibada ən kələsuf, wala əssənəman n urəɣ əd win əzrəf əd win darox əd win təhun əd win eškan. Əssənəman win den, wərmad za as hannayan, wala sallin, wala əfrāgan əmətəkwəy.

²¹ Aytedan win, wər ətuban daɣ igi ən man, wala igi ən šaɣawan, wala əzzəna, wala šikra.

10

Ælkættab wa əndərran

¹ Dəffər awen oggeɣ angalos iyyan iknān təla ən tarna, itazabbat-du daɣ jənnawan, ils-ay əgnaw zun awedan ilsan təkadkat zagret. Eɣaf-net təɣlay-tu təgələllet təgāt daɣ təzzəl-adar təbilazlat. Udəm-net ibilazlaz s ənnur zun təfuk. Eɣan-net olān əd lallagan ən təmsay.

² Ittaf daɣ əfus-net arat n əlkættab innolaman. Issənsa adar-net wa n əxil fəl agaraw, issənsa wa n zalgat fəl amaɣal.

³ Iga y əməsli-net adakal issohen, olān əd tənagawt n ahar. As iga y əməsli-net adakal wen, əgan eggagan win əssa əmosnen zun awal.

⁴ Təzzar əgmaya d ad əggəza šin akatab n awa ənnan eggagan win den. Amazay wen daɣ ad əsleɣ y əməsli a d-igmādan ijənnawan as di-inna: «Əxəbər daɣ əwəl-nak awa ənnan eggagan win əssa di. A daɣ-as wər təktəba wala!»

⁵ Təzzar inkar angalos wa ənayəɣ ibdād fəl amaɣal d agaraw izzal əfus-net wa n əxil sa sər jənnawan,

⁶ ihad s ešəm ən wa iddaran har faw, s ənta a d-ixlakan ijənnawan d awa tan-ihan, d amaɣal d awa t-iwaran, əd gərwan d awa tan-ihan, as wər tu-za-tələs təmastant emel.

⁷ Mišan amazay wa daɣ iggaz angalos wa n əssa šin anasaɣ n asak wa ittaf, ənta a daɣ z'assandu Məššina əsənnəfiləl n əssir-net, s əmmək was isabbayyan isalan win den i nəɣbidan-net, a tan-imosan ənnəbitan.

⁸ Təzzar ilas-i əməsli was əsleɣ den awal daɣ jənnawan inn-i: «Ədkəl arat n əlkættab əndərran wa ihan əfus n angalos wa ibdadan fəl agaraw d amaɣal.»

⁹ Əkkeɣ angalos ənney-as a di-d-akfu əlkættab wa əndərran en. Inn-i: «Ədkəl-tu tatšaq-qu. Ad tədnəy təsəmmay-net tadist-nak, mišan daɣ əmi-nak iga šizada an turawat.»

¹⁰ Ədkala-du arat n əlkættab wen daɣ əfus n angalos en, ətšəq-qu. Iga šizada an turawat daɣ əmi-nin, mišan as t-ətšəɣ, tədkar tadist-in təsəmmay-net.

¹¹ Dəffər awen itawann-i: «Harwada iwar-kay amel ən salan win d-izazzabbat Məşşina dağ batu ən təmattiwen aggotnen, əd xərfañ aggotnen, d awalan əd mənəkalan aggotnen.»

11

Şigəyyawen şin sanātat

¹ Təzzar tawakfağ agabal ən telant, olān əd təburək tas tətəggu takkot. Itawann-i: «Ənkər, təkətəğ edag n əlğibada ən Məşşina, əd məjmar wa n təkutawen, təxsəba win dağ-as əğbadnen.

² Mişan ayağar wa iğlayan edag wa n əlğibada, ayy-ay s aganna, a tu-wər-təkəta, fəlas itiwakfa y aytedan win wər nəksud Məşşina. Aytedan win di ad agin əkkozat təmərwən ən tallif əd sanatat tidəyəzdəyizan ağrəm wa zəddigan di.

³ Amaran a din-assagla sanatat təgəyyawen, əmosnən ənnəbitan-in, əlsānen şibəddəğ ən təfəyyawt. Ənnəbitan win ad əmmalan isalan a d-izizabbat Əməli har agin agim n əzəl əd sanatat təmad əd sədisat təmərwən.

⁴ Şigəyyawen şin sanatat en əmosnat əşşin eşkan ən zaytun əd sanatat fətəlaten şin əzzəkətnen dat Əməli n əddənət.

⁵ As ira awedan igi y-asnat təkma, a du-təgməd təmsay əs mawan-nasnat təsərrəkəmmət-tu. Awalla, wa iran igi y-asnat təkma, əmmək en dağ as tu-z-iba.

⁶ Ənnəbitan win əşşin en əmosnən şigəyyawen-in əlān fərregat n agadal y akonak ewet dağ azzaman win dağ əmmalan isalan win d-izazzabbat Əməli. Əlān fərregat n əsəmməttəy n aman əqqəlan azni. Əfragan dəğ a d-awəyan s əddənət əzzənəfan aggotnen n albalatan, iket ərān awen.»

⁷ Mişan as əğradan təgəyya ta taggin den, a dər-san ammagar əmudar səksədan wa du-z-igmədan əğxəyi wər nəla edər, arn-en, anğ-en kərəz.

⁸ Şiməxsə-nasan ad ansinat fəl tarrayt dağ əğrəm zəwwəran wa dağ itawataytay Əməli-nasan. Ağrəm wen itawann-as «Sədom» əd «Masar», imos awen tədugent as isinafal Məşşina awa t-id-izayan.

⁹ Edes n aytedan ən təmattiwen kul əd tawşeten kul d awalan kul əd kallan kul ad agin karad adan d aganna hannayan şiməxsə n ənnəbitan win əşşin en, əgdəlan-asan dəğ a din-təwənbəlan.

¹⁰ İba-nasan isidawat aytedan n əddənət kul, har as əknān saday, tinəməggin şinəfas gar-essan, id əzəğğəzzəb aggen a dasan-əganat təgəyyawen şin sanatat en.

¹¹ Mişan dəffər karad adan d aganna win, iga Məşşina infas ən təməddurt dağ ənnəbitan win aba den, əddaran-du, əbdadan. Təggaz tasa səksədat aytedan win tanəynən.

¹² Əslan dağ jənnawan y əməsli issohen igannu y ənnəbitan win əşşin: «Gəzzayat-du sa da!» Əggəzəyan əs jənnawan əhān ignawan, hānnayan-tan zəngə-nasan.

¹³ Aməzay wen da a dağ iga amadəl ənəgəynəgəy labasan, təbarajjat təzunt ta n marawat n əğrəm en, təzzar aba əssa gim n awedan dağ əhluk wa igan den. Win d-əragnen dağ awen, təggaz-tan tasa səksədat, əssəğmaran Məşşina di n Əməli ən jənnawan.

¹⁴ Okay alwaba wa n əşşin, amaran wa n karad izay-du tarmad.

Anasay n asak wa n əssa

¹⁵ İnsay angalos wa n əssa esək wa ittaf. İtawasla i maslan zawwarnen dağ jənnawan. İmaslan win den gənnin:

«Əmərədda tarna ta n tizart y əddənət

şin Əməli-nana Məşşina

d Əlməsix-net.

Ad iqqəl əmənəkəl har faw.»

¹⁶ Ənkəran əmyəran win sanatat təmərwən d əkkoz əqqimnen fəl təxiwa-nasan dat Məşşina, fataqqən dağ amadəl, əssəjadan, əğbadan Məşşina.

¹⁷ Ad gənnin:

«Nəggoday-ak Əməli,

kay a imosan Məşşina di n əməli ən tarna kul,

kay a t-illan əmərədda,

təllec-qu dəğ kala da.

Nəggoday-ak id əşəşğəl a təgeğ tarna-nak zəwwərat

y ad təssəbdəda təğmar-nak,

¹⁸ şimattiwen n əddənət iggāz-tanat alham labasan,

mişan əmərəddə alham wa nak a d-ewadan.
 Alwaq wa n əşşərixa ən nəmməttan a d-osan.
 Alwaq ewad-du wa daş za tərzəməş y eklan-nak
 a tan-imosan ənnəbitan,
 takfaş-şan arozan-nasan,
 əntanay əd mizdagan kul,
 d aytedan kul win miksadan-nak,
 gər win muzaran wala win tan-wər-nəmos.
 Alwaq ewad-du wa n əhluk ən win hallaknen əddənət!»

¹⁹ Təzzar innolam ahan n əlşibada ən Məşşina wa ihan ijənnawan, inafalal-du daş-as əssənduq wa n arkawal ən tassaş. Dəffər awen əgan esman, əmalan-tu maslan d eggagan d ənəgəynəgəy n amaşal əd dagrazan labasnen.

12

Ənəfilal ən təntut ta təgat tadist

¹ Tənafalal-du alşalamat zəwwərat daş jənnawan: Alşalamat ten təmos tantut təlsət təfuk, təlla təllit daw daran-net, təssiwar təkəbbut ta n tarna təgat daş maraw etran d əşşin.

² Təsikarəy əd təlawəyt n iguz n əmzur.

³ Tənafalal-du alşalamat iyyat daş jənnawan. Imos awen əməxluk olān d əzzənəf n aşata igān təzzəwwərt səksədat. Iga təzuşay a n təmsay, ila əssa şafawan əd maraw əşkawan, amaran əkkulluk n iyyan daş şafawan win den təwar-tu təkəbbut ta n taşmar.

⁴ İfraş əs təsbat-net təzunt ta n karadat n etran, igar-tan-du fəl amaşal. Təzzar imal əməxluk wen dat təntut ta tətaggazat amzur fəl ad atşu barar-net daş amazay wa da daş du-z-ihəw.

⁵ Tantut ten təgraw barar ən yay, s ənta a z'izaran i təmattiwen n əddənət kul əs taşmar təknət assahat. Təzzar immeway barar wen əs təxawit ən taşmar ta fəl iqqim Məşşina.

⁶ Təddəggag təntut ten s əsuf təkka edag iskāt Məşşina y awen. Den da a dər-əs z'agu ənəttaf har əgim n əzəl əd sanatat təmad, əd sədisat təmərwən.

⁷ Təzzar igā əməgər daş jənnawan. İmməgər Mikayil d angalosan-net d əməxluk wen. İmməgər dər-san deş əməxluk ənta d ark angalosan-net.

⁸ Mişan itawarna əməxluk d angalosan-net, ab-as dasan-t-illa adag daş jənnawan.

⁹ Əməxluk wa zəwwəran en, imosan aşşol wa irəwan, as itawannu İblis, itawann-as deş Aşşaytan, s ənta a isaxrakan aytedan daş adag kul wa əhan daş əddənət, itawagar-du fəl amaşal, iddey d angalosan-net.

¹⁰ Dəffər awen əsleş y əməsli issohen igannu daş jənnawan: «Əməərəddə alwaq wa n efsan osa-du! Əməərəddə Əməli-nana isinafalal tarna-net, əd taşmar-net! Əməərəddə taşmar təlla gər fassan n Əlməsix-net, id Aşşaytan s ənta a isawaran imədrayan-nana lahanan dat Məşşina ehad ezal, a d-itawakkasan daş jənnawan, itawagar-du s amaşal.

¹¹ Mişan ya ornən-tu mədrayan-nana win əs tarrayt n əzni n Əjəmar əd tarrayt ən salan n Əlinjil win əmalan. Əqbalan təhakkay ən man-nasan, ibə-tan daş tarrayt ten.

¹² Dəwatat daş adi ijənnawan əd win tan-əzdaşnen! Mişan iket alşazab ill-ay y amaşal əd gərwan, id İblis izzəbbat-in şər-wan, ih-ay alham wəllen, fəlas alwaq əndərran a das d-iqqiman, amaran issān daş awen.»

¹³ As inay əməxluk as itiwagar-du fəl amaşal, istaş tantut ta təggazat amzur ən barar ən yay.

¹⁴ Mişan tətəwəkfə təntut ten əşşin əfrutan ən tənəgmart ta zəwwərat. Əmmək en daş as təfraq şigget s əsuf, s adag wa daş za tənəməggag d aşşol. Den daş a dər-əs z'agu ənəttaf har karad elan d aganna.

¹⁵ Təzzar ifsa-du aşşol aman əmosan zun agarew dəffər təntut, fəl a tat-əbətən.

¹⁶ Mişan illil amaşal i təntut. Ora amaşal imi-net, ilmaz agarew wa d-ifsa əməxluk.

¹⁷ Əməxluk ih-ay alham labasan ən təntut, təzzar igla y ad ammagar əd maddanəs ən təntut win hadatnen, a tan-əmosnen win əbbərdagnen y alwajiban ən Məşşina, tagayyen daş batu ən Şaysa Əlməsix.

¹⁸ Dəffər awen ikka əməxluk təgadamayt n agarew, isammatag y əməgər.

13

Ənəfilal n əmudar səksədan wa d-igmadan agaraw

¹ Dəffər awen oggeɣ əmudar səksədan as d-igmad agaraw. Əmudar wen ila maraw əskawan, d əssa ɣafawan. Əkkulluk n iyyan daɣ əskawan-net təwar-tu təkəbbut ta n tarna, amaran əkkulluk n iyyan daɣ ɣafawan win əssa en, iwâr-tu esəm imosan ikus ən tarna i Məššina.

² Əmudar wa oggeɣ den, ola d əzzənəf n adal. Idaran-net olân əd daran n əmudar iyyan igân urəs, imi-net ola d əmi n ahar. Ikf-ay əməxluk tarna-net, əd təxawit-net ta n taɣmar, əd taɣmar zəwwərat.

³ Iyyan daɣ ɣafawan-net olâ d as ih-ay əbus inaqqin, mišan izzây. Əqqanan ɣafawan n aytedan n əddənət kul, əlkaman y əmudar wa səksədan en.

⁴ Əssəjadan aytedan dat əməxluk id taɣmar-net a ikfa y əmudar. Əɣbadan əmudar, gannin: «Məni-tu wa olân d əmudar wa səksədan, məni wa ifragan əməgər-net?»

⁵ Igraw əmudar wa səksədan en fərregat n igi ən batuten əmosnen zazwar ən man-net, d ikus ən tarna i Məššina. Igraw turagat n igi ən mazalan win den, har əkkozat təmərwen ən təllit əd sanatat.

⁶ Ad itakkəs əmudar en tarna i Məššina, d adag wa iha, əd win əzdaɣnen ijənnawan kul.

⁷ Itawakfa fərregat n əməgər əd mizdagan ən Məššina əd tarna-nasan. Itawakfa tizart i tawšeten kul əd təmattiwen kul d aytedan a əššəwalnen awalən kul əd kallaŋ kul.

⁸ Aytedan n əddənət kul d t-əɣbədan ar win as əktaban esmawan-nasan daɣ əlkəttab wa n təməddurt harwa ɣur əxluk n əddənət. Ælkəttab en in Əjəmar wa igzaman iqqal takutay.

⁹ Wa isallin aslet!

¹⁰ Kud kasaw a itaggaz awedan ad t-iggəz. Kud ətəwəŋxa a z'agu əs təzoli, a sər-əs itəwəŋxu. Win əmosnen imizdagan ən Məššina, alwaq-nasan da da wa n əšitəy ən zəmmerat d əzəgzan.

Ænəfilal n əmudar wa d-igmadan amaɖal

¹¹ Təzzar oggeɣ əmudar iyyan səksədan as d-iggəzzay igmâd-du amaɖal. Əmudar wen ila əššin əskawan olânen əd win akar, amaran itaggu awal olan əd wa n əməxluk.

¹² İššəşɣal tarna kul n əmudar wa azzaran a d-osan dat-əs, təzzar eway-du s amaɖal əd win t-əwarnen, as əssəjadan y əmudar səksədan wa azzaran as izzay əbus-net imosan abus inaqqin.

¹³ Ad itaggu təlməɣjujaten zawwarnen, har as temsay a d-izazabbat daɣ jənnawan fəl amaɖal, əswâdan aytedan.

¹⁴ İssəxrak aytedan n əddənət əs təlməɣjujaten šin as igraw igi-nasnat dat əmudar wa das-d-azzaran. Igannu y aytedan ad agin šaššelan n əmudar wen, təsabasa takoba, iddar-du.

¹⁵ Igraw fərregat n igi ən man daɣ šaššelan n əmudar wa das-d-azzaran, təzzar eway-du awen əs šaššelan wen as išawal, isasanɣu deɣ kərəz aytedan win ugaynen s ad t-əɣbədan.

¹⁶ Eway-du as aytedan kul, gər win wər nəla almaqam, wala win t-əlanen, gər win məggərgas wala win məggənza, gər ilallaŋ wala eklan, kul išahhaššal-tan as iwar ejwal-net ifassan-nasan win əxil, madeɣ šikannaren-nasan.

¹⁷ Təzzar ab-as t-illa awedan ilân turagat n ad azzanzu, wala deɣ azzanz-in ar s ad t-iwar ejwal n əmudar wen d esəm-net, madeɣ meɖan wa iddewan d esəm-net.

¹⁸ Den daɣ ad za taɣu addararat əs tayttay əd masnat. Wa ilan tayttay, ixsəbet meɖan n əmudar wen. Meɖan wen immittal esəm n awedan, amaran imos sədisat təmad əd sədisat təmərwen əd sədis.

14

Ænəfilal n Əjəmar əd meɖan wa n 144000

¹ Elasaɣ asawad, oggeɣ Əjəmar ibdâd fəl ədɣaɣ wa n Səyon. Əllân ɣur-əs aytedan əmosnen temeday n əgim d əkkozat təmərwen d əkkoz. Aytedan win den iwâr esəm n Əjəmar d esəm n Abba-net šikannaren-nasan.

² Esleɣ y əməsli a d-igmadan ijənnawan. Əməsli wen ola d əjlit zəwwəran n aman aggotnen d əməsli n eggag zəwwəran, ola deɣ d əməsli ən təhərdanen aggotnen.

³ Aytedan win den əssiggadan daɣ təmmal iyyat taynayət dat təxawit ta n taɣmar, dat mudaran win əkkoz d əmɣaran. Wər t-illa awedan ifrāgan ad issən təmmal ten, ar temeday n əgim d əkkozat təmərwen d əkkoz, win d-isaddarfət Məššina daɣ aytedan n əddənət.

⁴ Æntanay wær sammadasan iman-nasan s æzzæna fælas wær kala ad ælan tassaḡ waliyyat æd tædoden. Ælkâman y Æjemar s adag kul wa ikka. Tawasadarfen-du daḡ aytedan æmosan zun tænfa ta tazzarat æn tæwægag tæskâtat i Mæššîna d Æjemar.

⁵ Amaran imawan-nasan wær tan-d-igmed a imosan bahu, wær t-illa a imosan lahan a tan-iwârân.

Ænæfilal n angalosan win karâd æd mazalan win d-æssæglan

⁶ Tæzzar oggeḡ angalos iyyan as iggad daḡ tæsæggærigæræyt æn jønnawan. Angalos wen eway Ælinjil di iḡlalan a z'îmæl y aytedan n æddænæt, daḡ kalkan kul æd tawšeten kul d awalan kul æd tæmattiwen kul.

⁷ Idkâl æmæsli-net wællen igannu: «Sæḡmærat Mæššîna, tagim-as adkul wa dær ihor, id alwaḡ osa-du wa daḡ z'agu æššæriḡa-net. Æḡbædat wa d-ixlakan ijønnawan d amaḡal d agaraw æd šittawen n aman.»

⁸ Inkar angalos iyyan wa n æššin, ilkam-du i wen, igannu: «Babæylon ta n tæmizwart, tuda! Awalla tuda Babæylon tas tallabast n igi-net æzzæna, ihan ælmital n æššwi n aytedan esmad, tæsæxræk šimattiwen kul n æddænæt, teway-du sær-æsnat as tanat-ibaz æššæriḡa æn Mæššîna.»

⁹⁻¹¹ İlkam-as-du angalos iyyan wa n karad, igannu s æmæsli ihhoken: «Aytedan win æḡbadnen æmudar wa sæksædan æd šaššelan-net, iwâr-tan asannal-net daḡ tækannaren, madæḡ ifassan, win di ad ašwin esmad wa n alham æn Mæššîna. Esmad wen izdâr amaran a dasan-itawæggu daḡ tækabart ta n alham æn Mæššîna, agin alḡazab sæksædan igan æs tæmsay d adayæs-æn-tahart irḡân, dat angalosan a zaddoggen d Æjemar. Æhu n alḡazab-nasan, ill-ay har faw, amaran wærmad a dasan-tu-tælla tæsasmit ehad, za wala ezal.

¹² Alwaḡ wen ænta wa n zæmmerat æn mizdagan æn Mæššîna, æbbirdagnen y alwajiban-net, æknân deḡ tæḡudæla i Ẅaysa.»

¹³ Dæffær awen æsleḡ y æmæsli a d-ifalan ijønnawan as inna: «Æktæb as: "Æbbilalan aytedan win as harwa æmæredða da ærtâyan d Æmæli, iba-tan deḡ ærtâyan dær-æs." Awalla, inna Infas wa Zæddigan, assanfinet daḡ æššæḡæl wa ægan, fælas ad ægræwan maruzat æn mazalan-nasan.»

Ænæfilal æn tænfa ta du-tægmadat amaḡal

¹⁴ Ælasaḡ asawad oggeḡ agnaw mallan. Agnaw wen tæḡqim fall-as azzat tolát æd ta n aggadæm. Eḡaf-net tæwar-tu tækæbbut æn taḡmar tæḡât daḡ uræḡ, ittâf ælmoši iwalan wa n allay æn tæwægag.

¹⁵ Dæffær awen igmad-du angalos iyyan ehan n æḡḡibada isaḡḡarat wællen inna i wa iqqiman fæl ægnaw: «Šæšḡæl ælmoši-nak wa n allay, talæya ḡarat. Alwaḡ ewad-du wa n æmilæy æn ḡarat, annabatan win æwarnen amaḡal æḡḡân.»

¹⁶ Tæzzar inkar wa iqqiman fæl ægnaw olay s ælmoši-net awa iwaran amaḡal ketnet daḡ tænfa.

¹⁷ Dæffær awen igmad-du angalos iyyan ehan n æḡḡibada wa ihan ijønnawan. Ænta da ila ælmoši iwalan wa n allay æn tæwægag.

¹⁸ Tæzzar igmad-du angalos iyyan majmar wa n tækutawen. Angalos wen ixkâm fæl tæmsay, idkal æmæsli-net wællen, inna s æmæsli issohen i wa ittafan ælmoši iwalan wa n allay æn ḡarat: «Šæšḡæl ælmoši-nak wa n allay æn ḡarat, talæyaḡ-du ara n alḡanab kul wa iwaran amaḡal, fælas šibašakšaken-net kul æḡḡânat, isimatag y æššæriḡa æn Mæššîna.»

¹⁹ Tæzzar olay angalos s ælmoši-net, alḡanab kul wa iwaran amaḡal, igar-tu ketnet daḡ tæḡdayt ta daḡ itawazmu alḡanab, a tat-imosan tagdayt zæwwærat ta n alham æn Mæššîna.

²⁰ Tæzzar itawadayzdayaz alḡanab wen itawazma sædi y æḡræm. Ingay-du daḡ-as æzni har ilsa karadat tæmad æn kilaw, iggæzzay har ewad edag æn karad ḡalan.

15

Ænæfilal n angalosan win æssâ d agaraw

¹ Tæzzar ænaya daḡ jønnawan alḡalamat iyyat zæwwærat, tæknât æsæmmæklæl, tæmosat: Æssa angalosan ættafnen æssa alwabatan win ælkammen s æntanay a daḡ d-inda alham æn Mæššîna.

² Ænayaḡ arat olân d agaraw igân daḡ arat a d-isaktin tælfænjart tærtâyat æd tæmsay, amaran æbdâdan fall-as win ærzanen æmudar sæksædan æd šaššelan-net æd meḡan wa iddewan d esæm-net, ætâfan šihærdânen a tan-ikfa Mæššîna.

³ Æssiggadan daḡ tæmmal n ækli æn Mæššîna, a t-imosan Musa æd tæmmal ta n Æjemar, gannin:

«İgitan-nak zawwarnen, simaklalan, ya Əməli Məşşina!

Kay a imosan məşşis ən tarna kul!

Tarrayen-nak əntanatay a oğadnen, əmosnat tidət,
ya Əmənokəl ən təmattiwen.

⁴ Ma imos wa ewadan a kay wər iksud ya Əməli?

Ma imos wa wər za nəssəxmər esəm-nak?

Fəlas kay ʔas a imosan əmizdag.

Amaran tawşeten kul a d-asinat, əğbadnat-kay,

fəlas igitan-nak oğadnen a nafalalnen.»

Şikərwasen šin əssəyat n alham ən Məşşina

⁵ Dəffər aratan win den, əswadağ oggeğ edag wa zəddigan n ahaket wa n əmənəy as innolan dağ jənnawan.

⁶ Təzzar əgmadan-du angalosan win əssa edag wa zəddigan əttəfan alwabatan win əssa, ələn tabdoğ ən lin iqqitasan isiraqqen, otəban idmaran-nasan əs sutab n urəğ.

⁷ Inkar iyyan dağ mudaran win əkköz, ikfa angalosan win əssa əssəyat təkərwasen n urəğ ədkərnen alham ən Məşşina di iddaran har faw!

⁸ İdkar adag wa zəddigan əhu a d-ifalan tanaya ən Məşşina əd tarna-net. Wər t-illa i ifragan iguz n adag wa zəddigan en, iket wər ənden əssa alwabatan win d-ewayan angalosan win əssâ.

16

¹ Dəffər awen əsleğ y əməsli zəwwəran as d-igmad ehan n əğribada, inna y angalosan win əssâ: «Ağliwat tənğəlam fəl amağdal ketnet əssəyat təkərwasen šin alham ən Məşşina.»

² Təzzar igla wa azzaran dağ-san, inğal təkərwast-net fəl amağdal. Əwatnat şiqqas labasnen aytedan kul win iwar ejwal n əmudar, əğbādan şaşşelan-net.

³ Inğal angalos wa n əşšin təkərwast-net fəl gərwan, əqqalan aman-nasan azni olən d əzni n ənəmmettən. İmmut id t-illa əmudar kul ihan igərwan.

⁴ Təzzar inğal wa n karad dağ-san təkərwast-net dağ təsəssəngay əd şittawen n aman, əqqalnat azni.

⁵ Əsleğ y angalos wa inəttəfan d aman igannu:

«Toğāda, kay wa t-illan əmərədda,
təllec-qu kala da, təmosay əmizdag,
id əmmək wa da

as təkəməy aratan win y aytedan n əddənət.

⁶ Fəlas tanayla a əğan azni ən mizdagan d ənnəbitan,
amaran təkfeq-qan azni y ad t-aşwin,
id əhoran dər-əs.»

⁷ Əsleğ i majmar wa n təkutawen igannu:

«Awalla, Əməli Məşşina
s ənta a imosan məşşis ən tarna kul,
əlxəkuman-net tidət a mosan, oğādan.»

⁸ Inğal angalos wa n əkköz təkərwast-net fəl təfuk, tətawakfa təfuk fərregat n akaway n aytedan.

⁹ Tosa-du tuksay labasat ad təkəggay aytedan. Təzzar ad takasan tarna y esəm ən Məşşina s ənta a ixkaman dağ alwabatan win, edag an a das-ətuban əssəxməran-tu.

¹⁰ Təzzar inğal angalos wa n səmmos təkərwast-net fəl təxawit ta n taymar n əmudar wa səksədan. Əlsanat şiyayay taymar n əmudar, əğan aytedan təkərayit tas har əqqiman əddādan idədwən-nasan.

¹¹ Ad takkasan tarna i Məşşina di n Əməli ən jənnawan fəl əddəlil ən təsənnay səksədat ta taggin əd şiqqas šin tan-əhanen, wər ətuban dağ mazalan-nasan.

¹² Inğal angalos wa n sədis təkərwast-net fəl əgarew wa zəwwəran n Efrat. Əstakan aman-net, fəl ad təmmutəg tarrayt ən mənokalan a d-əfalnen dənnəğ.

¹³ Təzzar oggeğ imi n əməxluk, əd wa n əmudar, əd wa n ənnəbi ən bahu as tan-d-əgmadan karad aşşayatinan əhānen assawwarat ən garan.

¹⁴ Aşşayatinan win den əntanay a tagginen təlməğğujuten, əntanay değ a z'akkinen imənokalan n əddənət kul y a tan-d-əşşidəwan y əməgər wa z'əgin dağ əzəl wa zəwwəran n Əməli Məşşina di s ənta məşşis ən tarna kul.

¹⁵ Ənta da awa z'əgin: a din-agağ assa zun wa d-itəggü abaydag. İbbilal wa okayən, iqqān isəlsa-net fəl ad wər ijəwənkət izzāf tətəwənəy alğawrat-net.

¹⁶ Tøzzar øššedawan-du aššayatinan imønokalan n øddønet kul daḡ adag iyyanda. Edag wa itawann-as daḡ tølḡibrit: «Armagedun».

¹⁷ Inḡal angalos wa n øssa tøkørwast-net daḡ alhawa. Tøzzar igmad-du ømøslis issohen ehan wa zøddigan ød tøkawit ta n taḡmar øn Møššina igannin: «Arat kul iḡrad!»

¹⁸ Æḡan esman ød maslan d eggagan, iḡa amaḡal ønøḡøynøḡøy as wa d-øwaran aytedan tešayt n amaḡal wøḡ iḡa ønnuḡ-net.

¹⁹ Tøzzar iḡa øḡrøm wa zøwwøran øn Babøylon karadat tøzunen. Barajjen ḡøрман øn kallas kul. Aḡrøm wa zøwwøran øn Babøylon ikittøw Møššina ibakkadan-net. Adi a føl t-iššøšwa tøkabart n esmad n alḡanab immittalan alham-net d øššøriḡa-net labasnen wøllen.

²⁰ Tøzzar ømasan kallas kul win ḡørwøtlan, aba tømøyyamayt n ødḡaḡan.

²¹ A du-tiføtøqqøen dagrazan as akkiyyan daḡ-san imos øzuk-net edag n økkozat tømørwønen øn kilaw, rattakan føl aytedan. Ad takkasan aytedan tarna i Møššina føl øddølil n alwaba wa n dagrazan en, følas alwaba iknån tøzzøwwørt wøllen a imos.

17

Awa inafalalan daḡ taneray

Æššøriḡa wa z'itøwøxkøman i tøkørwat ta labasat

¹ Døfføer adi øsa-du iyyan daḡ øssa angalosan win øttafnen øssayt tøkørwøsen, iššewal-i, inn-i: «Iyyaw a kay-assaknaḡ øššøriḡa øn tøkørwat labasat ta tøqqimat føl aman aggotnen.

² Ænta a dør namaggan mønokalan n øddønet øzzøna, tøzzar ad taggin aytedan n øddønet øzzøna s iḡøt, øknån tara n awen, zun awedan isassin esmad s iḡøt amaran ikna tara n awen.»

³ Eway angalos iman-in s øsuf, tobaz-i tarna n Infas wa Zøddigan. Tøzzar øḡḡøḡ tantut tøqqimat føl ømudar zaggøḡan øwåran øsmawan aggotnen ømosnen ikus øn tarna i Møššina. Æmudar wen ila øssa ḡafawan ød maraw øskawan.

⁴ Tantut ten tølsa tabdoḡ zaggøḡat d iyyat tøḡåt tøzuḡay tønḡåt, tøqqån urøḡ ød tøhun šin ølanen almaḡam, d øljuhør. Tøttåf tøkabart n urøḡ tøkårat imazalan zizallatnen aggadøm, d ammadas, win tišit-net tømøḡḡit n øzzøna.

⁵ Tøkannart-net iktåb fall-as esøm ås almaḡna-net imos øssir. Ænta da awa inna akatab wa iwaran tøkannart-net: «Aḡrøm wa zøwwøran øn Babøylon, ønta imosan anna øn tøkørwøten ød mazalan win zazallatnen aggadøm.»

⁶ Tøzzar øḡḡøḡ tantut ta tøḡat iman øn mizdagan aggotnen ød nalkiman aggotnen øn ḡaysa win fall-as tagganen tøḡøyya tolaḡat. Iqqal iḡi øn man wen arat a tat-isimaswadan zun tassay n esmad. As tat-øḡḡøḡ, iqqan aḡaf-in wøllen.

⁷ Tøzzar inn-i angalos: «Mafel iqqån aḡaf-nak? A dak-ømølaḡ øssir wa tøssøkna tøntut-en d ømudar wa tøwan, ød ḡafawan win øssa, d øskawan win maraw.

⁸ Æmudar søkšødan wa togḡøḡ øddi, kala ad t-illa, mišan ømørødda ab-as t-illa. Daḡ alwaḡ wøḡ nøḡḡug, a d-igmad øḡøḡi wa wøḡ nøla eder, akku edag n øhluk. Amaran aytedan n øddønet kul win as wøḡ økteban esmawan-nasan daḡ ølkøttab wa n tømøddurt harwa ḡur ønøtti n øddønet, ad øqqønan ḡafawan-nasan as ønayan ømudar id kala ad t-illa, døfføer adi ab-as t-illa, amaran iḡwår a d-øsa.

⁹ Den daḡ ad tøḡa addararat øs tayttay ød masnat. Iḡafawan win øssa a, almaḡna-nasan øssa ødḡaḡan win føl tøqqim tøntut. Æmosan døḡ øssa mønokalan

¹⁰ as sømmos daḡ-san ab'as t-øllan, iyyan ill-ay, ixkåm, iyyan amaran harwa da wøḡ d-øsa, amaran as d-øsa, ad aḡu arat n azzaman.

¹¹ Æmudar søkšødan was kala ad t-illa, ab'as t-illa ømørødda, ønta da ømønokal a imos. Ænta a imosan wa n øttam, idrån døḡ ølmøxsud iyyanda d øssa win hadatnen, amaran ad akku edag n øhluk.

¹² Maraw øskawan win tønayḡ, almaḡna-nasan maraw mønokalan as harwa da wøḡ øḡrøwan taḡmar-nasan, mišan ad øḡrøwan arat n azzaman øn taḡmar øntanay d ømudar.

¹³ Iduf iyyanda a øḡan, amaran økfån tarna-nasan ød taḡmar-nasan y ømudar.

¹⁴ Ad ammagaran d Æjemar, mišan a tan-arnu arz-en, id ønta a imosan Æmøli øn malan, imos ømønokal øn mønokalan. Aytedan win du-tawayranen, tawasanafnan ømosan alḡadilān, ad idawan d Æjemar daḡ tarna ta du-z-aḡu den.»

¹⁵ Iḡla angalos iššewal, inn-i: «Aman win togḡøḡ tøqqim fall-asan tøkørwat, adi šimattiwen ød tiddawøten ød tawšøten d awalān.

¹⁶ Maraw øskawan win togḡøḡ d ømudar, ad azzangen tøkørwat, økkøsan daḡ-as tølømmest, øzzøfan-tat, atšin isan-net, sørrøkømmen-tat øs tømsay.

¹⁷ Awalla Məşşina a d-igan daḡ wallan-nasan as ad ammazalan s awa ira, ammazalan əlməxsud iyyanda, akfin taḡmar-nasan y əmudar. Arat wen daḡ a z'agin iket wər d-ewed alwaq wa daḡ z'andin aratan win ixkam Məşşina.

¹⁸ Amaran tantut ta toggeḡ den, təmmittal aḡrəm wa zəwwəran azzaran i mənokalan n əddənet.»

18

¹ Dəffər awen oggeḡ angalos iyyan ilān taḡmar wəllen itazabbat-du daḡ jənnawan, imalawlaw amaḡal ketnet s ənnur ən tanaya-net.

² Inna s əməsli issohen wəllen:

«Babəylon ta n təmizwart, tuda!

Awalla tuda Babəylon!

Təqqal edaḡ ən təməxsurt n ašşayatinan

d adag ən təməxsurt ən kələsuf

d asammanay ən gəḡad kul win xaramnen

[d asammanay n əzzənəfan kul

ən mudaran win xaramnen]

əd win wər əren man əd win ətawaglafnen.

³ Şimattiwen n əddənet kul əddewnat dər-əs

daḡ arak deranan-net labasnen n igi n əzzəna,

imos awen zun esmad sassinat.

Imənokalan n əddənet nimaggan dər-əs əzzəna,

kəl jola n əddənet deḡ

isaggargas-tan aḡrəm wa n Babəylon,

s ərrəzəḡan-net əknānen igət.»

⁴ Təzzar əsleḡ y əməsli iyyan as d-igmad ijənnawan inna:

«Əgmədat-du aḡrəm

wədi kawanay win əmosnen tamattay-nin,

fəl ad wər təgem ibakkadan win itaggu,

awəd-kawan-in albala wa fall-as z'uden.

⁵ Fəlas ibakkadan-net əqlan har ewadan ijənnawan,

amaran Məşşina ikittəw

arak mazalan labasnen n aḡrəm wədi.

⁶ Ərzəmat-as s əmmək was irazzam,

takfim-tu ənətfus ən mazalan-net!

Təkəbart tas ikkat, əkətət-as ənətfus-net.

⁷ Əmmək was idkal iman-net,

immozal arat kul wa əran man-net,

əmmək di daḡ as agiwat-as əzəḡḡəzzəb səksədan,

təsəssugim-tu təkənzert labasat ogdānen d awen da,

id tənna a itaggu aḡrəm wa n Babəylon:

"Təxawit ta n təmənukəla a fəl əqqima,

wər əmosa tantut as aba ələs-net,

wər ilkem ad əggəzəḡ afartay."

⁸ Awen daḡ a fəlas albalatan zawwarnen

əddi win das-ənsənən:

Təmattant əd təkənzert labasat əd laz.

Əzəl iyyanda a fall-as z'uden albalatan win di,

təsərrəkəmmət-tu deḡ temsay.

Awalla, Əməli Məşşina

imosan Məşşis ən tarna

a itawaddaban aḡrəm wen.»

Isəmmədənnigan əḡānen fəl aḡrəm ən Babəylon

⁹ Imənokalan n əddənet kul win dər-əs əddewnen, nimaggan dər-əs əzzəna d aratan win əran man-nasan daḡ əddənet, ad ənəyan əhu ən təmsay ta tu-za-təsərrəkəmmət, ad hallin səkkələlan fəl awa z'agu aḡrəm wen daḡ aḡzab.

¹⁰ A dər-əs nəməggəgan, fəl təksəda n a tan-in-awəd aḡzab wa z'agu den. Ad gannin:

«Xašša! Xašša wəllen

y aḡrəm wa zəwwəran ən Babəylon ilan tarna.

Alwaq iyyanda ḡas a fəl t-iwwəddab Məşşina!»

¹¹ Kəl jola n əddənət kul ad hallin fəl tərəmmeq y əxrəm wen. Wər t-illa awedan a xur-san izanzin awa əssətagan,

¹² gər urəx, wala azrəf, wala şihun şin əlanen almaqam, wala əljuhər, wala lin, wala tabdoq təgāt təzuxay tənqāt, wala əlxərir, wala tabdoq ta təgat təzuxay təhossayat, wala eşkan kul win as izod aqı-nasan, wala aratan win əganen daş təhunt təknaət təməllay s ənta daş itaggu uşən wa n xummayşa, wala win eşkan win əlanen almaqam, wala win daroş, wala win təzoli, wala win təhun şin hossaynen,

¹³ wala egel n aşək was itawannu kanel, wala əzzənəfan n annabatan win əlanen aqı, wala alwarditan, wala aqıtan win əzodnen əmosnen mir d əlməsək, wala esmad n alşanab, wala widi wa n azzayt, wala egel, wala alkama, wala şitan, wala ayfad, wala əggəsan wala amalankaytan wala eklan, wala ikefəlan.

¹⁴ Ad gannin kəl jola y əxrəm wen:

«Aratan win əran man-nak kul

əddəggəgan fall-ak.

Tənəfləyt, d aratan win hossaynen,

əzodnen aba-tan fall-ak.

Wər ilkem ad əlasan ətəwənay!»

¹⁵ Kəl jola win əggərgasnen daş əsətəg wa taggin daş əxrəm wen, a dər-əs nəməggəgan fəl təkşəda n a tan-in-awəd alşazab-net. Ad hallin, sikalalan;

¹⁶ gannin:

«Xaşşa! Xaşşa wəllen

y əxrəm wa zəwwəran a!

Dat awa ilsa tabdoq ən lin ihossayan,

əd tabdoq təgāt təzuxay tənqāt

əd tabdoq ta təgat təzuxay təhossayat,

iqqān uşənan hossaynen n urəx

əd təhun şin əlanen almaqam d əljuhər.

¹⁷ Amaran alwaq iyyanda şas

a fəl aba təgərgist ten!»

Aytedan kul win azzarnen y əxlalan win aman əzzozalan-tan d aytedan kul win şakalnen fəl gərwan win zawwarnen əd win məşşaxalan n əxləlan n aman əd win əganen jola gər kallon əs tarrayt ən gərwan, əbdadan-in daş igəg

¹⁸ assaxa wad ənayan əhu ən təmsay ta təsirəkəmmet axrəm wen, sakkarayan gannin:

«Wər kala ad itawənay

arat şilat ən wa igraw əxrəm oqdān əd wa.»

¹⁹ Sawaran işafawan-nasan aboqqa, hallin, əşşādan man-nasan wəllen, sikarayan gannin:

«Xaşşa! Xaşşa wəllen

y əxrəm wa zəwwəran a,

s ənta a daş əggərgasan aytedan kul

win əlanen ixlalan n aman win zawwarnen,

mişan alwaq iyyanda şas a fəl işrad ahluk!»

²⁰ «Dawatat ijənnəwan!

Axrəm işrad ahluk!

Dawatat kəwanay da win əmosnen imizdagan ən Məşşina

əd nəmmuzal d ənnəbitan.

Awalla, Məşşina iwwəddab

axrəm wa fəl təkma ta dawan-iga.»

²¹ Təzzar idkal angalos iknān təla ən tarna təhunt zəwwərat tolāt əd ta fəl itawəzad alkama, igar-tat daş agarəw igannu:

«Ənta da da əmmək was din-z-itəwəgər

əxrəm wa zəwwəran ən Babəylon

əs təməwit labasat,

aməran wər z'iləs ətəwənay dəffər adi.

²² Wər ilkem ad əlasan aytedan

tesalay daş əxrəm wen

i səwat win əganen əs təhərdānt wala asak,

wala win əganen əs təsənsəq, wala esək.

Wər ilkem a daş-as itiwənay əşşəxəl

wa n əfus, wala win tu-tagginen.

Wər ilkem a daş-as itiwəslə y əməslə

n əzəd n attaxam.

23 Wær ilkem a daḡ-as imilawlaw
 ænnur ən fætæla
 za wær ilkem a daḡ-as ilas ætawæsla
 y æmæsli n æmærmuṣ æd tæmazlayt-net.
 Amaran ænta da æddæliil wa fæl iga adi:
 "Kæl jola-nak, æntanay a ogarnen
 tæla ən batu daḡ æddænet kul,
 iṣaḡawan-nak deḡ æssixrakan ṣimattiwen kul.
 24 Kay aḡræm wa n Babæylon,
 a daḡ itawanḡal æzni n ænnæbitan
 d æzni ən mizdagan ən Mæṣṣina
 d aytedan kul win tawanḡanen daḡ æddænet."

19

Tæmmalen ægânæn daḡ batu n æhluk ən Babæylon

¹ Dæffær awen æsleḡ daḡ jønnawan y arat olân d æmæsli issohen n æljæmæḡat tagget tæḡannit:

«Alleluya!

Efsan, æd tanaya,

æd tarna in Æmæli-nana Mæṣṣina,

² fælas ælxækuman-net tidæt a æmosan, oḡâd deḡ.

Obaz s æṣṣæriḡa-net tækarwat ta labasat

tæssæxrakat æddænet æs tiṣit-net tæmæggit n æzzæna,

izzæzal deḡ æzni ən naḡbidan-net

wa inḡal æfus ən tækarwat ten.»

³ Tælas aljamaḡat ten tænna:

«Alleluya!

Æhu ən tæmsay ta tæsaqqadat aḡræm wen,

ill-ay har faw.»

⁴ Tæzzar garaffen æmḡaran win sanatat tæmærwæn d ækkoz, æntanay æd mudaran win ækkoz, æḡbadan Mæṣṣina, iqqiman fæl tæxawit ta n taḡmar-net, gannin:

«Amin! Alleluya!

Tæmmal i Mæṣṣina!»

⁵ Iḡmad-du æmæsli tæxawit ta n taḡmar en, inna:

«Aḡiwat tæmmalen y Æmæli-nana,

ketnawan inaxḡidan-net, win t-æksudnen

gær win wær næla almaḡam wala win t-ælanen!»

Takræst n Æjemar

⁶ Tæzzar æsleḡ y arat olân d æmæsli ən tiddawat tagget, olân d øjit n aman aggotnen, ola deḡ d eggagan labasnen as inna:

«Alleluya!

Fælas Æmæli Mæṣṣina di ən mæṣṣis ən tarna,

issæbdad taḡmar-net.

⁷ Fæliwæsatana, naknu tædæwit, næssæḡmær Mæṣṣina,

fælas izæzlay n Æjemar ewadan-du,

amaran tæmazlayt-net tæsimatag.

⁸ Tætawakfa tabdoḡ ən lin wa n ælæsæl,

itibælæzzen, iqqitanan, y a tat-talsu.»

Tabdoḡ ən lin wa ihossayan en, almaḡna-net imazalan oḡâdnæn win øgan mizdagan ən Mæṣṣina.

⁹ Inn-i angalos ad æktæbaḡ as: «Æbbilalan win tawaḡranen s ad æggæzan izæzlay n Æjemar!» Dæffær adi inn-i: «Batuten ən tidæt awa âs Mæṣṣina iman-net as tanat-iga.»

¹⁰ Tæzzar garaffe ḡur daran n angalos wen y ad t-æḡbæda, inn-i: «Alak! Ad wær tagaḡ adi! Nak ænaḡbid ən Mæṣṣina a mosa wa da tæmosa kay æd mædrayan-nak æd tæmædrayen-nak a tagayyatnen fæl ḡaysa. Mæṣṣina as kay-iwar a tu-tæḡbæda. Amaran, tæḡayya fæl ḡaysa, almaḡna-net emel ən salan ən ḡaysa win d-izazzabbat Infas wa Zæddigan.»

¹¹ Dæffær awen oggeḡ ijñnawan as ænnolaman, ih-en ays mallan, amaran wa t-iwanan esəm-net «wa imosan Alḡadil, imos Tidæt». Ælxəkuman-net oḡādan, itamagar deḡ fæl tidæt.

¹² Šittawen-net æmosnat zun abalagleg ən tæmsay, eḡaf-net æwarnat-tu tækæbba ən taḡmar aggotnen. Iktâb fall-as esəm as wær t-illa i t-išsânan ar ænta.

¹³ Amawan n ays wen esəm-net «Awal ən Mæššina», amaran ilsa tabdoḡ tælmâḡat daḡ æzni.

¹⁴ Ælkâman-as gənan ən jənnawan æwannen æggəsan mallolnen. Ketnasan æqqānan tabdoḡ ən lin wa n ələsəl, iqqitasan, igān tæməllay tæsiraqqet.

¹⁵ Tæḡmad-du takoba tæknât tawala imi ən wa iwanan ays en ad ixkəm fæl tæmattiwen n æddənet. Amaran wa iwanan ays en ad ixkəm fæl tæmattiwen n æddənet əs taḡmar tæknât assahat. Ad aḡmu alḡanab daḡ tæḡdayt zæwwərat y a sər-əs agu esmad immittalan alham labasan wəllen ən Mæššina di ən Mæššis ən tarna.

¹⁶ Tækadkat-net æd taḡma-net iktâb fall-asnat «Æmənokal ən mənokalan d Æmæli ən malan.»

Ænæfilal ən saksas zæwwəran ən matsan ən tæmæxa

¹⁷ Dæffær awen oggeḡ angalos ibdādan daḡ tæfuk. Isaḡḡarat s æmæslis issohen wəllen i gəḡad kul win æggadnen daḡ tæsæggərigəreḡt ən jənnawan, inn-asan: «Ayewat, idawat-du ketnawan i mensewan æknānen igət win Mæššina,

¹⁸ fæl ad tatsim šimæxa ən mənokalan æd muzaran ən sojitan, æd nammagaran, æd tæmæxa n æggəsan æd win tan-əwannen, æd tæmæxa n aytedan kul, gər wa imosan əlləlli wala akli, gər wa wær nəla almaḡam wala wa t-ilan!»

Ænæfilal n æmudar d ænnəbi ən bahu

¹⁹ Oggeḡ æmudar sæksədan, æd mənokalan n æddənet, æd gənan-nasan æddewan y ad ammagaran æd wa iwanan ays, d agan-net.

²⁰ Tæzzar ittərmas æmudar ittərmas deḡ ænnəbi ən bahu wa dər iddew. Ænnəbi ən bahu wa, iga alḡalamaten zawwarnen dat æmudar wen. Æmmək en daḡ as issəxrak win iwar ejwal n æmudar, æḡbādan deḡ šaššelan-net. Æmudar wa, ænta harkid ænnəbi ən bahu wa, tawagaran da æddāran daḡ aḡazar ən tæmsay d adaḡas-ən-tahart irḡān.

²¹ Awa d-iqqiman daḡ agan wen ketnet tənḡ-ay takoba ta du-tæḡmadat imi ən wa iwanan ays. Tæzzar æyyəwanan gəḡad wəllen daḡ tæmæxa-nasan.

20

Ænæfilal n æmæxluk iqqānan har æḡim n awatay

¹ Dæffær awen oggeḡ angalos itazabbat-du igmād-du ijñnawan, ittâf daḡ æfus-net tæsassarut n æḡəḡi wa wær nəla eder, ittâf deḡ asassar zæwwəran.

² Obaz æmæxluk, a t-imosan aššol wa irəwan, a imos Iblis, itawann-as deḡ Aššaytan, ig-as tewaḡnay a za tagit æḡim n awatay.

³ Igar-tu angalos daḡ æḡəḡi wen, ihar-tu fall-as, iḡfal-tu s əlluḡ fæl ad wær iles əsəxrek ən tæmattiwen har agu æḡim n awatay. Dæffær awen ilzâm ad annalam ammaru har arat n azzaman.

Ænæfilal n ætəwərna n Aššaytan

⁴ Oggeḡ šixiwa ən taḡmar. Win fall-asnat æqqimnen ægrāwan tarna n ad æqqəlan imašraḡan. Oggeḡ iman n aytedan win as tawasaben rawan-nasan fæl æddəlil ən tægəyya tolâḡat ta taggin daḡ batu ən ḡaysa d awal ən Mæššina. Oggeḡ deḡ aytedan win wær nəḡbed æmudar wa sæksədan za wær əssəjadan i šaššelan-net, wær tawajajwalnat tækannaren-nasan wala ifassan-nasan. Aytedan win den æqqalan-tan-du man-nasan, namaggazan taḡmar d Ælməsix, amaran awen ad agu æḡim n awatay.

⁵ Ænta den da tanakra ta tazzarat ən nəmməttan. Inəmməttan win hadatnen, wær d ənkeran har inda æḡim n awatay wen.

⁶ Æbbilalan aytedan zaddoggen win d-ənkarnen daḡ tanakra ən nəmməttan ta tazzarat! Aytedan win di wær tan-in-tækka Jahannama æd wala! Æntanay a z'æqqələn ilimaman ən Mæššina d Ælməsix, amaran a dər-əs nəməggəzan taḡmar-net har æḡim n awatay.

⁷ As inda æḡim n awatay wen, a d-itəwəyyu Aššaytan daḡ kasaw wa iha,

⁸ aḡlu ad isaxrak šimattiwen a æwarnen tesayt n amaḡal, æmosnen Yajuj æd Majuj. A tan-d-iššidəw y æmægər, amaran æḡān igət wa n təblalən n amaḡal a dabayyaknen daḡ afay n agaraw.

⁹ Əssəwalan əddənət ketnet, əbazan axtərəm wa iknan ətəwəra, xalayxalayan imizdagan ən Məşşina. Mişan təzzəbbat-du təmsay dəx jənnawan, təsarrakammattan.

¹⁰ İblis s ənta dasan-azzaran, isaxrak-kan, itawagar dəx axtazar ən təmsay təgət s adaxas-ən-tahart wa iha əmudar d ənnəbi ən bahu. Den dəx a dasan-z-itəwəggu ətəwəzəxtəzab səksədan ehad ezal har faw.

Ənəfilal n əşşəriya ən Məşşina

¹¹ Ogge təxawit ən taxtmar təkənət təzzəwwərt, təkna dəx təməllay, əd wa fall-as iqqiman. Əddəggagan-as jənnawan əd mədlan, əggugan-tu, wər d-oyyen wala ədəriz.

¹² Dəffər awen oggext inəmməttan win wər nəla almaqam, harkid win t-ələnən əbdədan dat təxawit ta n taxtmar en. İnnolaman əlkəttaban. İnnolam əlkəttab iyyan s ənta a imosan əlkəttab wa n təməddurt. Tawaxkaman nəmməttan s awa ihan əlkəttaban win den, ewəl awen əs mazalan-nasan.

¹³ İkfa-du agaraw inəmməttan win t-əhanən, təkfa-du təməttant d alaxirat inəmməttan win-nasnat, itawaxkam akkiyyan dəx-san əs mazalan-net.

¹⁴ Təwawagar təməttant d alaxirat dəx axtazar ən təmsay. Axtazar ən təmsay wən ənta a imosan Jahannama.

¹⁵ Awedan ketnet was wər ikteb esəm-net dəx əlkəttab wa n təməddurt, itawagar dəx axtazar ən təmsay wən.

21

Ənəfilal ən jənnawan d amaqal win aynaynen

¹ Dəffər awen oggext ijənnawan aynaynen, d amaqal aynayan. İjənnawan win ərwənnen, d amaqal wa irəwan, ab'as t-əllan, igərwan dəx ab'as t-əllan.

² Təzzar oggext axtərəm wa zəddigan, a t-imosan Yerusalam ta taynayət, tətəzəbbat-du dəx jənnawan, issiglet du Məşşina. Təsimatəg zun təməzlayt təgət əddəluga-net win hossaynen y ad tammanay d aləs-net.

³ Əsləxt y əməsli issohen a d-igmədan təxawit ta n taxtmar igannu:

«Əmərəddə ehan ən Məşşina illa gər aytedan.

A dər-san inəməxtsər, əqqələn şiməttiwen-net.

Məşşina iman-net as xur-san z'iməl, iqqəl Əməli-nasan.

⁴ A dasan-iməs id t-əllən məttawan,

ib'as tu-təlla təməttant,

wala təwəskent, wala təkurayt, wala tisan,

fələs aratan win d-azzarnən, ab'as t-əllan.»

⁵ İnn-i wa iqqiman fəl təxawit ta n taxtmar: «Ənəy! Aratan kul samməttayəq-qan əge win aynaynen.» Təzzar inna: «Əktəb, fələs batuten şin əssiflasnat, əmosnat dəx tidət.»

⁶ İnn-i: «Arat wa, iga! Nak a imosan Alfa, əmosax dəx Omega, almaxta wa azzaran ilkəm. Wa iha fad, nak a das-z-agin təhəkkut təmosat tessay dəx şat ta dəx du-nəggayan aman win sidurnən.

⁷ Awedan kul wa d-ornan, a xur-i igrəw aratan win, əmosan-as təhəkkut, əqqələxt dəx Əməli-net, iqqəl barar-in.

⁸ Mişan awedan wa imosan əddəyyus, d aytedan win wər nəxtədel əd win tamazalnen awa labasan əd maggan ən man əd win tagginən əzzəna əd məşşaxawan əd nəxtəbidan n əssənəman əd nəsbuħa kul, əntanay tədəgərt-nasan iguz ən Jahannama təmosat axtazar ən təmsay tərxtət s adaxas-ən-tahart.»

Awa inafalalan i Yaxya alwaq wad iwar adaxay wa zəwwəran: Yerusalam ta taynayət

⁹ Təzzar ikk-i-du iyyan dəx angalosan win əssə əttəfənən əssayət təkərwəsən şin ədnaynen əssa alwəbatan win əlkamnen inn-i: «İyyaw, a kay-assaknəxt tantut ta n təməzlayt n Əjəmar.»

¹⁰ Eway-i angalos s afalla n ədxtəxt iyyan zəwwəran, zagren, tobaz-i tarna n İnfəs wa Zəddigan, issəkn-i axtərəm wa zəddigan, a t-imosan Yerusalam, a d-izzibben dəx jənnawan, ifal-du xur Məşşina.

¹¹ Axtərəm wən igrəw tanaya ən Məşşina. Iga əmələwləw a n təhənt tələt almaqam as itawannu jəsfa, təgət əxtətəs wa n təlfənxtart.

¹² İxtləy-tu axalla zəwwəran zagren, ilən marawat təsəhar əd sanatat a xur əllən maraw angalosan d əşşin. Şisəhar şin den əktəban fall-asnat esməwan ən marawat təwşətən əd sanatat şin maddənəs n İsrəyil.

¹³ Təxtərt n axalla en ta n dənənəg tələ karadat təsəhar, ta n taməsna dəx tələ karadat, ta n əgala tələ karadat, ta n ataram dəx tələ karadat.

¹⁴ Aǵalla wen ila marawat tēsøttøytay ød sanatat a das-ømosnen ſiǵurad, amaran øwaran-tanat maraw esmawan d øſſin ømosnen esmawan øn maraw nømmuzal d øſſin n Æjemar.

¹⁵ Angalos wa di-iſſewalan ittåf øsøkøt imosan agabal øn telant igån day urø y a øer-øſ ikøt aǵrøm ød tøsøhar-net, d aǵalla wa t-iǵlayan.

¹⁶ Aǵrøm wen ogda føl gannatan-net kul win økkoz. Tamawen-net kul togda tøzzøgrøt-nasnat, harkid sa øer afalla. Ikat-tanat angalos s agabal wa n urø y en, øqqalnat øſſin gim øn kilaw ød sanatat tømød.

¹⁷ Ikat angalos tøzzøgrøt ta n afalla n aǵalla wa iǵlayan aǵrøm en, iqqal temeday n øǵil d økkozat tømørwøen d økkoz. Takkot ten ig-et angalos s ømmøk was tat-taggin aytedan fawda.

¹⁸ Aǵalla n aǵrøm wen igå øs tøhun øhossaynen ølånøen almaqam as itawannu jasfa, aǵrøm amaran iman-net igå day urø y wa izdaran igån øǵøtøſ wa n tølfønǵart.

¹⁹ ſisøttøytay ſin ømosnen ſiǵurad n aǵalla ødlågnat s øzzønøfan øn tøhun kul ſin hossaynen ølånøen almaqam. Tøsøttøytøt ta tazzarat tøgä day jasfa, ta n sanatat tøgä day tøhunt as itawannu safir, ta n karadat tøgä day tøhunt as itawannu kalsaydu, ta n økkozat tøgä day tøhunt as itawannu emrød.

²⁰ Ta n ømmøſat tøgä day tøhunt as itawannu onøyks, ta n øødisat tøgä day tøhunt as itawannu sardwan, ta n øssayat tøgä day tøhunt as itawannu kørzølit, ta n øttamat tøgä day tøhunt as itawannu beril, ta n tazayat tøgä day tøhunt as itawannu tofaz, ta n marawat tøgä day tøhunt as itawannu kørizøføraz, ta n marawat d iyyat tøgä day tøhunt as itawannu høyasint, ta n marawat ød sanatat tøgä day tøhunt as itawannu ametist.

²¹ ſisøhar ſin marawat ød sanatat en, marawat tøhun n øljuhøer ød sanatat a day øganat. Ækkulluk øn tøsøhart tøgä day tøhunt iyyadda n øljuhøer. Amaran tarrayt ta zøwøwørat n øǵrøm en, tøgä day urø y wa izdaran igån øǵøtøſ a n tølfønǵart.

²² Aǵrøm wen wøer day-as hønnøya ehan n ølǵibada. Awalla Æmøli Møſſina di øn møſſis øn tarna a imosan ehan-net wa n ølǵibada, ønta d Æjemar.

²³ Aǵrøm wen wørmad iddirar s ønnur øn tøfuk za wala wa n tøllit, følas tanaya øn Møſſina a tu-tøſammalawlawat, amaran Æjemar a imosan ønnur-net.

²⁴ Ænnur-net a day-as jøwønkøtnat tømøttiwen, asin-t-idu mønøkalan n øddønet øssøxmøran-tu.

²⁵ ſisøhar n aǵrøm wen wøer øhhirnøt day tøzzøgrøt øn jilan, amaran wøer ilkem ad øhårnøt følas øhad s ab'as t-illa.

²⁶ ſimøttiwen n øddønet kul a d-awøynøt s øǵrøm wen aratan a tu-z-akfinen tanaya d øtøwøſøxmøar.

²⁷ Wøer tu-z-iggøz a immidasan, wala døy i itamazalan talbast, wala bahu. Kalar wøer tu-z-iggøz ar win as øktaban øsmawan-nasan day ølkøttab wa n tømøddurt n Æjemar.

22

¹ Tøzørøst n awen as di-iſſøkna angalos agarew was øhakkin aman-net tømøddurt, øgån aman-net øǵøtøſ a n tølfønǵart. Aman win øngåyan-du day tøxawit øn tøxmøar øn Møſſina d Æjemar,

² økkan-du ammas øn tarrayt ta zøwøwørat n øǵrøm. ſigadamayen n agarew wen øwåran-tanat øſkan win øhakkinen tømøddurt tarawnen maraw øzzønøfan n aratan d øſſin, økkulluk øn tøllit. Iførkak n øſkan win, zuzøyan ſimøttiwen n øddønet.

³ Aǵrøm wen wøer tu-z-iggøz arat tøwår tulǵant. Tøxawit ta n tøxmøar øn Møſſina d Æjemar ad tøggøz aǵrøm en da, tøǵbød tamøttay-net Møſſina.

⁴ Aytedan win øhanen aǵrøm wen ad ønøyan udøm n Æmøli, iktøb døy øſøm-net føl tøkannøren-nasan.

⁵ Wøer z'iløſ øhad igi, za wøer z'øløſan øddarørat s ønnur øn føtøla, wala ønnur øn tøfuk, følas Æmøli Møſſina a tan-z-iſømmølwøwan, amaran øxkøman har faw.

Tøſøxtømt: Assa øn Ǵaysa

⁶ Inn-i angalos: «Batuten ſin øſſiflasnat, ømosnat døy tidøt; Æmøli Møſſina, s ønta a imosan Æmøli n ønnøbitan a d-iſſøglan angalos-net føl ad øſſaknu inøǵbidan-net arat as kundaba igå day øzzaman wøer nøggug.»

⁷ Inna Ǵaysa: «Ènøy! Èzayaǵ-in tarmad! Ibbilal wa izzøgzanan ibbirdag døy i batuten a nafalalnen day ølkøttab wa ømosnen isalan n aratan win ømørødda ød win d-øzaynen!»

⁸ Nak Ǵayxa a islan y aratan win, amaran ønåyaq-qan. As øſløy y aratan win, ønayaq-qan, fataqqøǵ ǵur daran n angalos wa di-tan-iſſøknan y ad t-øǵbøda.

⁹ Mišan inn-i: «Alak! Ad wər tagax adi! Nak ənaxbid ən Məššina a mosa šilat-nak kay əd mədrayan-nak win ənnəbitan, əd win əbbərdagnen y awal wa ihan əlkəttab wa. Əxbəd Məššina!»

¹⁰ Dəffər awen inn-i: «Ad wər təxbəra isalan win nafalalnen daḡ əlkəttab wa əššewalnen daḡ batu n aratan win əmərədda əd win d-əzaynen, fəlas alwaq ihoz!

¹¹ Wa wər noḡed, aḡliwet daḡ iba n taqqat-net, wa immədasan, aḡliwet daḡ ammadaset. Wa oḡadan amaran aḡliwet daḡ taqqat-net, wa zəddigan deḡ iššitiwet tazdak.»

¹² Inna Ƴaysa: «Awalla! Əzayaḡ-in tarmad, amaran ewayax-in ərruzmatan-in y ad akfaḡ awedan kul arozan win tu-šaššawadan mazalan-net.

¹³ Nak a imosan Alfa, əmosa deḡ Omega, almaḡna wa azzaran ilkām, təsəntit əd təzərəst.

¹⁴ Əbbilalan win rabbaznen šikadkaden-nasan zazdagan-tanat fəl ad əgrəwan alxaq daḡ ašək wa n təməddurt, əggəzan deḡ aḡrəm wa zəddigan en əs təsəhar šin as itawaggaz!

¹⁵ İdan əd maššaḡawan ədəganet sədi, əntanay əd maggan n əzzəna əd maggan ən man əd naḡbidan n əssənəman d awedan kul wa iran bahu itagḡ-ay!

¹⁶ Nak Ƴaysa, əssiglaḡ-in angalos-in y a dawan-itagayyat daḡ Ēlkənīsaten fəl aratan win di. Nak əzzurrəyya ən Dawəd a d-əḡmada, əmosax atri imilawlawan wa d-igammadan s aḡora.»

¹⁷ Inna İnfəs wa Zəddigan əd təntut ta n təmazlayt: «Asa-du!» I isallin kul anniwet: «İyyaw!» Wa iffudan kul asiwet-du. I iran adi kul ašwet aman win sidurnen tawagrawnen wala inazzan!

¹⁸ Nak iman-in Ƴaxya, əggəyyeḡ y awedan kul wa islan isalan win nafalalnen daḡ əlkəttab wa əššewalnen daḡ batu n aratan win əmərədda əd win d-əzaynen as: I iššotan arət fəl salan win, a das-iššitu Məššina daḡ albalatan win əttəmalnen daḡ əlkəttab wa.

¹⁹ I daḡ-san ikkasan arət deḡ, ad ikkəs Məššina adagar-net daḡ ašək wa isiduran d əḡrəm wa zəddigan win əttəmalnen daḡ əlkəttab wa.

²⁰ Wa igəyyen fəl aratan win, isattadd-en, inna: «Awalla, əzayaḡ-in tarmad.» Amin! İyyaw, Ēməli Ƴaysa!

²¹ Ya Ēməli Ƴaysa təkfeq-qawan arraxmat ketnawan.